

DÆMONIACI
C V M
LOCIS INFESTIS
Collegii Paris. ET Societatis Iesu.
TERRICVLAMENTIS
NOCTVRNIS.


ID EST, LIBRI TRES, QVIBVS SPIRITVVM HOMINES
*obsidentium atque infestantium genera, conditiones, & quas adferunt, molestiae, molestia-
rumq; causa atque modi explicantur: rationes quoque ostenduntur, quibus
ab eorundem molestijs contingit liberari.*

AVTHORE PETRO THYRÆO NOVESIANO,
Societatis Iesu, Doctore Theologo.



COLONIAE AGRIPPINAE,
Ex Officina Choliniana, sumptibus Petri Cholini.

ANNO M. DCXXVII.



~~74407495~~

A. 9108.

BK

REVERENDISSIMO
IN CHRISTO PATRI, IL-
LUSTRISSIMO PRINCIPI AC DOMINO,
D. IVLIO, EPISCOPO HERBIPOLEN.
si, Franciæ Orientalis Duci, Studiorum Me-
cænati ac Patrono.

RELIGIOSISSIMIS ITEM, AC
REVERENDIS ADMODVM VIRIS,
HIERONTMO IN EBERACH,
MICHAELI IN BILDHAVSEN,
VVIGANDO IN BRUMBACH,

MONASTERIORVM EIVSDEM ORIENTALIS FRAN-
ciæ, insignis Ordinis S. Bernardi Cisterciensis, Abbatibus & Prelatis, Do-
minis plurimum observandis

F. P. & O. B.



VI sub Vestro augusto nomine, de Dæmo-
niacis, & Locis infestis inscripti, Libri pri-
mùm lucem aspexerunt, Reuerendissime
Princeps, Religiosissimi Patres, illi ipsi nunc
eodem præsidio fulti in alteram, & quasi no-
uam lucem aspiciunt. Veniunt enim nō, vt
priùs separati, sed aliâ paululum formâ, ambo coniuncti in
vnum volumen. Feci hoc, non metu defuturi præsidij, cuius
satis in prima editione ab alterutrorum auctoritate sene-
ram: sed inductum tum Argumenti similitudine, tum Le-
ctoris compendio. Argumentum vtriusque Operis idem
propemodum fuit, de Dæmonum maximè, quâ homini-
bus infesti sunt, inueterata malitia, infesti sunt aliquando
illapsi in corpora, aliquando in ædes & domicilia nostra
ingressi. Vtrumque faciunt non alio fine, quàm vt miseros
mortales, quos acerbè oderunt, oppugnent & diuexent. Du-
plex nequitia duplicem requirebat opem: Nequitia, vt ita
dicam, consanguinitas aut vnam, aut coniunctam. Con-
iunctionem sane Lector in primis sibi depoposcit: quia si
quid in vno opere desiderauit, non voluit, nec verò debuit,
citiùs commodiusque, quàm ex socio, quemadmodum ex

proximo penu, depromere: maximè cum alterum alteri
ita mutuam operam præbeat; vt & ad prodendum hoste
indicia, & ad refutandum argumenta confertis copijs v.
trinque subministret. Quare qui huius gratia sociati mo-
dò in publicum redeunt, vt sociato Vestro, & quasi dupli-
cato fauore commendabiles sint, etiam atque etiam oro.
Herbipoli ex Collegio Societatis Iesu, pridie Calend. Ian.
Anni M. DCI,

Petrus Thyraeus, Societ. Iesu.

C A R M E N
IN TERTIAM HANC EDITIONEM DE DAE-
MONIACIS ET LOCIS INFESTIS.

Tertium emicat in diem Thyraeus,
Tertium fugat obuias tenebras:
Seu quas obijcit imperitus Error,
Seu quis pectora noxialis urget
Nutrix sacrilegi, parensque cultus
Prauæ Relligio, incubansue mentem
Carnifex Metus Eruditionis
Corusca face territus, resorbet,
Quas iam Tartarus euomebat Vmbrae.
Ad hanc diffugiunt Lares, Erinnes
Panice facies, Paredri homulli,
Seminaria territationum:
Vanescit subito quod horum ubique est,
Dum faces iterum erigis Thyrae,
Dum fugas iterum impias tenebras.

H. A. VV.

ELEN.



ELENCHVS
SIVE INDEX LIBRO-
RVM, DE DAEMONIACIS, LOCIS
INFESTIS ET TERRICVLA-
mentis nocturnis:

Cum Summarijs breuibus.

PRIMVS LIBER DE DAEMONIACIS,
partibus quatuor constat: quarum prima Dæmonum ob-
fidentium conditio, operationes, in obsessos pote-
stas, modi item, quibus homines affli-
gunt, &c. explicantur.

Caput primum primæ
partis.

Dæmones verè ingredi
homines, eosque obsidere,
quod docetur

Experientiâ sensuum:

Historiâ prætorum temporum.

Opinione Iudæorum.

Christi sententiâ, multipliciter.

Exemplo Apostolorum.

Caput secundum.

Ad hominum, à Dæmo-
nibus, obsidionem duo esse
necessaria, videlicet, vt

Dæmones sint in ipsis hominibus:

& deinde in eosdem potestatem
babeant.

Insunt verò:

non vt accidentia subiectis.

non vt partes suis totis.

non vt suis suppositis natura.

sed, vt motores rebus motis.

Potestas consistit
in tortura, & molestijs, quas affe-
runt.

Caput tertium.

Dæmones non sub exter-
na, & visibili forma in ho-
minibus esse, quàmuis eti-
am sub externa conspician-
tur.

esse tamen semper posse:

aliquando etiam esse docetur,

& qua ratio muscarum atq; ara-
neorum, qui in Obsessu no-
tantur quandoq;.

Caput quartum.

Dæmones, dum homines
obsident, quid possint in
corpora, & quid in animas.

Corpora

miris modis affligunt.

Animas

(:) 3

Non

I N D E X

Non possunt in brutorum formas
commutare:

non possunt suis facultatibus pri-
uare:

non possunt spoliare habitibus:
non possunt reuidentes ad agendum
cogere.

sed possunt retardare in exercitio
virtutum:

possunt quoad voluntatem inclinare:
possunt commodis sensuum priuare:
possunt debilitare virtutem habi-
tuum.

Caput quintum.

Quanta Dæmonum in
Obsessorum corpora sit po-
testas. Respondetur

esse finitam, nec ipsos posse quan-
tum vellent: &

iustas ob causas hanc finitam à Deo
datam esse, scilicet

ut de Dei constet bonitate erga
homines:

ne animum deiciant Obsessi;
confundantur ipsi Spiritus nequā:
intelligatur peccatum esse volun-
tarium.

Caput sextum.

Sextuplicia mala adferri
hominibus Obsessis à Dæ-
monibus, videlicet,

inter nos cruciatus:

Priuationem sensuum:

transformationem forme natu-
ralis:

corruptionem imaginationis:

summas animi angustias:

mortem corporis.

Caput septimum.

Quinque propemodum
modis Dæmones Obsesso-
rum corporibus molestias
afferre: videlicet

sensuum & phantasia fascinatione:
virium hominis infirmatione:

corruptione organorum:

membro-
rum distortionem:

corporis impulsione:

Caput octauum

Dæmones nec semper Ob-
sessos molestare, nec semper
ijs adesse: sed tamen

prius frequentius accidere:

posterius accidere rarius:

in ipsorum etiam potestate esse
vtrumque:

& prius fieri, Dei prouidentia,
hominum infirmitate,

Dæmonum nequitia.

Posterius plerunque Dæmonum vo-
luntate.

Caput nonum.

Per quam partem Spiri-
tus nequam homines ingre-
diantur? Docetur

ingredi quandoq; per os:

ingredi per alios etiam meatus:

penetrare etiam ipsa corpora.

Caput decimum.

In qua hominis obsessi
parte resideant Dæmones,
sedemque habeant, docetur

posse

posse ipsos totum corpus hominis
occupare:

posse occupare aliquod hominis
membrum:

posse esse in minima aliqua parte:

Incertum ferè esse, quam partem
occupent:

sapiùs in, vel iuxta cor residere:

residere etiam alijs locis.

Sape etiam loca mutare, sed tamen
non circumscribi his locis, vt
corpora.

Caput undecimum.

Dæmones quandoque si-
gnis quibusdam proderè in-
gressus suos in homines:
qualia sunt præcipuè,

exhibitio exhorribilis forma:

tumultus excitati:

allata molestia.

mirabiles in somno visiones.

Et his similibusq; signis produnt in-
gressus,

amulatione Dei:

imitatione Angelorum:

Dei imperio:

hominum conditione:

sed tamen signis his opus nō habent:

sape etiam nulla interueniunt.

Caput duodecimum.

Quorum Ordinum sint
Dæmones, qui homines
possident, & vnde id cogno-
scatur.

Ordinem enim inter ipsos postulāt,

Ipsorum natura conditio:

diuina sapientia:

studium nocendi ipsorum. sed

Qui verò molesti sunt,

infimi ordinis sunt:

veruntamen non hi soli.

Sunt quoque supremi ordinis:

& quandoq; in supremo summus.

Difficulter tamen dixeris, quales
obsident. Verisimile deprehēdi sint.

qui

esse, Ordinum superiorum

ex gravitate malorum, qua affe-
runtur:

ex difficili ipsorum ab hominibus
discessu:

ex confessione extorta per exorci-
stas.

Caput decimum tertium.

Plures quandoque in ho-
mine Dæmones esse. Con-
stare hoc.

exemplis Scriptura:

ratione naturali.

plerunq; etiam esse plures in Ob-
sessis.

Dæmones quoque societate hac
gaudere.

difficulter dici an plures sint; &
quot sint.

Caput decimum quartum.

An plures Spiritus plus
torqueant: & singuli eadem
tormenta Obsessis adfertur,
docetur

plus plures torquere:

omnes torquere qui in homine sūt:

eadem mala quandoque à pluribus
afferri:

quan-

INDEX.

quandoque singulos propria habere, qua dent.

verisimile quoque sua singulis esse in homine loca.

verisimile quoque in hac societate vnum esse ceterorum caput.

Caput decimum quintum.

Definibus, qui Dæmonibus in obsidendis hominibus sunt propositi. Docetur

non per hoc à suis pænis liberari Dæmones:

ingredi, ut incommodent & crucient:

huius causam esse odium erga homines: quod nascitur

ex odio Dei:

ex inuidia felicitatis hominum:

ex inuidia salutis eorumdem:

ingredi etiam ob superbiam;

diuinosque honores aucupandos.

Caput decimum sextum.

An, & qui possint Dæmones hominibus immittere, docetur,

Deum posse immittere:

Diabolum posse immittere:

homines sanctos posse immittere:

homines malos posse immittere:

sed tamen diuersi modi.

Caput decimum septimum.

De varijs operationibus Dæmonum in Obsessis, & cui illæ tribuendæ.

propria Dæmonum sunt, ipsorum

intellectus

& voluntatis:

illa etiam, quibus cruciatum obsessis afferunt:

illa, qua humanas vires superant.

sapientie etiam obessorum sermo. de quo plura.

SEQVNTVR CAPITA

secundæ partis, quibus explicatur, qui Obsessi, quæ signa & causæ obsessorum, &c.

Caput decimum octauum.

An Catechumeni, & nondum baptizati obsideantur à Dæmone.

habent in hos aliquam potestatem,

& in vita:

& in morte:

Ipsi tamen verè obsessi non sunt.

Exorcismi verò iuste ipsis adhibentur.

Caput decimum nonum.

An Sagæ & malefici à Dæmonibus obsideantur. docetur

non possideri omnes:

deteriorem ipsorum, quam Obsessorum conditionem esse.

nihil colligi ex probatione Aquæ frigidæ, &c.

Caput vigesimum.

An Diuinatores reipsa à Dæmonibus sint Obsessi, docetur

non esse obsessos omnes:

INDEX.

vti tamen opera Daemonum.
Eorum conditionem deteriore[m] esse,
quam Obsessorum:
iuste de his, non illis supplicia sumi:
quosdam etiam obsessos esse.

Caput vigesimum primum.

An Hæretici verè à Dæ-
monibus obsideantur. do-
cetur verò

habere magnam consuetudinē cum
Dæmonibus:

non omnes tamen esse obsessos.

Anabaptistas quosdam obsideri:

differre tamen hos, ab alijs obsessis.

Caput vigesimum secundum.

Designis duodecim, quæ
verè non produunt homines
esse obsessos; vt sunt

opinio quorundam putantium se ob-
sessos:

vita improba, & scelerata,

agrestes mores & barbari:

gravis & diuturnus somnus:

consuetudo nominandi Dæmones:

traditio sui Dæmonibus facta:

vbuius locorum trepidatio:

homicidium propria manu sibi alla-
tum:

Dæmonum inuocatio:

furia, siue insania:

obliuio rerum cognitarum:

occultorum reuelatio, &c.

Caput vigesimum tertium.

Quæ occultorum reuela-
tio prodat latentes in ho-
minibus Dæmones? Prodit
illa, cui nulla ratio honestatis subest:

quæ cedit in contumeliam Dei:
quæ cedit in iniuriam proximi:
sit amen occulta hominum notitiam
fugiant.

Caput vigesimum quartum.

Quæ scientia linguarum,
prodat inhabitantes Dæ-
mones, illa prodit,

quæ studio comparata non est:

& cuius vsus obest.

prodit eosdem Spiritus aliquando

scientia legendi:

scientia scribendi:

cognitio rerum naturalium:

peritia cantandi:

Arithmetica notitia.

Caput vigesimum quintum.

De sex generibus signorū
corporalium, quæ suspitio-
nem latentis in homine Dæ-
monis generant: hæc sunt

barbaræ voces:

horribilis vultus:

membrorum stupor:

summa in quietudo:

vires humanis superiores:

cruciatu & tormenta.

Caput vigesimum sextum.

Quænam Res sacræ pro-
dant latentes in hominibus
Spiritus Dæmoniorū. Pro-
dunt

Inuocatio diuini nominis:

prolatio nominis Iesu:

pia orationis recitatio:

Reliquia Sanctorum:

(:) (:) :

Agnus

INDEX.

Agnus Dei vsus:
Res consecratae:
Crux impressa:
Eucharistia exhibita, &c.
hac enim Daemonibus sunt inuisa:
Diuina etiam reuelatione produ-
tur aliquando.

Caput vigesimū septimū.

De Obsessorum misera
conditione, ob mala, quę
patiuntur in corpore & ani-
ma.

Corporis mala, cap. 6. data. sed
animabus causa peccatorum nō sunt
Dæmones:

peccata tamen pleraq; Dæmonibus
tribui:

quedam ab obsessis etiam fieri sua
voluntate.

¶ Dæmonibus etiam ad peccatum
inclinari ipsos:

& facilius hos, quā non obsessos
inclinari:

Tribus modis ad peccata hos promo-
ueri,

Summam semper homini libertatē
relinqui.

Caput vigesimū octauum.

De Obsessorum misera
conditioe, ob bona, quibus
priuuantur, per Dæmones.
Docetur

Non priuari Obsessos vita æterna:

non priuari fide Theologica:

non priuari habitibus spiritualibus:

non officio virtutum destitui:

Possē actus bonos & meritorios pra-

stare:

nō indignos esse Sacramēto altaris:
posse accipere Sacramenta alia.

sed tamen multis bonis corporis pri-
uari.

Spe salutis quosdam destitui:

prohiberi quosdam accessu ad fidē:

prohiberi affecutione aliarum vir-
tutum:

prohiberi actibus virtutum

& hoc multipliciter.

prohiberi quandoque vsū Sacra-
mentorum.

Caput vigesimū nonum.

An Obsessi semper sint
causa tyrannidis, quam pa-
tiuntur à Dæmonibus. docce-
tur

sapē hanc peccatis suis ipsos mereri:

cōstare hoc exemplis sacris, profanis.

sententia Chr̃i. Sanctorum:

rationibus iustis.

Caput trigesimū.

Ob quas culpas patiantur,
Diaboli tyrannidem, obse-
ssi. Respondetur

ob mortales quandoq; &

ob veniales quandoq;:

& plerunq; sunt sequentes:

infidelitas:

abusus Eucharistia:

blasphemia:

superbia:

luxuria:

inuidentia:

auaritia:

persecutio Sanctorum

impietas

INDEX.

impietas in parentes:

Coniugia:

Dei rerumq; diuinarum cōtemptus:

traditio sui Dæmonibus:

studium diuinationis:

Contemptus Sacram. Confirmat.

Caput trigesimum primū.

Homines quandoque non ob proprias, sed aliorum culpas, pati tyrannidem Dæmonum.

prius certum, exemplo puerorum innocentium:

sententia Patrum:

exemplo hominum Sanctorum:

ratione iusta.

posterius non contra iustitiam: & certum sex exemplis.

Caput trigesimū secundum.

Fieri quandoque, vt absque vlla culpa homines patiantur obsidentes Dæmones: sed non sine magnis diuinæ prouidentię causis. Nam sic

Deus homines de rebus magnis instruit:

à vitijs & peccatis abstrahit:

urget ad studium virtutum:

præbet exempla patientiæ:

aptiores reddit calo.

SEQVVTVR CAPI.

ta Tertię partis, de potestate & modis, quibus eijciuntur Dæmones.

Caput trigesimū tertium.

Esse aliquam potestatem,

qua ex hominum corporibus eijciuntur Dæmones.

docent Sacra Scriptura hoc varijs modis:

docet Patrum sententia non leuissimum:

confirmat experientia quotidiana.

Caput trigesimum quartum.

De quadruplici potestate, qua Dæmones ex hominum corporibus pelluntur:

Christi Domini:

Dei in veteri Testamento:

Salomonis:

Diabolica.

Caput trigesimū quintum.

De multiplici differentia inter quadruplicem potestatem Dæmones exigendi. Differunt enim

authoribus:

forma:

subiectis:

finibus:

principijs:

efficacitate:

duratione:

conditione:

qualitate.

Caput trigesimū sextum.

Ob quem finem Christus Ecclesię contulit potestatem pellendi Dæmones.

INDEX.

ut fides adhiberetur Euangelio eius:
ut eius innotesceret potentia atque
diuinitas:

ut innotescerent ipsius amici, Sancti:

ut honorarentur Sancti:

ut à Demonis potestate liberarentur

Obsessi:

ut intelligeretur quanta hominis
dignitas:

ut cognosceretur maiestas Ecclesie:

ut cognosceretur hominem non cogi
ad peccatum à Demonibus:

ut confunderentur Dæmones.

Caput trigesimum septi- mum.

Penes quos potestas eijci-
endi Dæmones Ecclesie à
Christo relicta sit, fueritque.

Docetur

fuisse penes Apostolos:

fuisse penes credentes siue fideles:

fuisse tamen peculiare munus Exor-
cistarum:

esse quoque sanctas mulieres hac po-
testate claras.

Caput trigesimum octauum.

De Exorcistarum varijs Cō-
ditionibus. Præcipue sunt:

Peccatorum Confessio:

feruens oratio:

Ieiunium:

humilitas:

flagrans Dei amor:

Spes & fiducia.

Hinc colligitur & intelligitur,

Cur Sancti difficiles hinc fuerint, &

In exorcismis cauendam leuita-
tem.

Caput trigesimum nonum.

An puritas conscientie
omnino sit Exorcistis ne-
cessaria. Docetur

multum prodesse.

exemplis Sanctorum,

confessione Demonum,

fuga Demonum,

odio locorum, ubi Sancti fuerunt,

opinionem hominum obfessorum, &

non tamen omnino esse necessariam:

oratione Christi Iudicis,

testimonio Cypriani,

exemplo malorum Exorcistarum,

admonitione Christi data Apostolis,

ratione ex fide petita,

refutatione argument. contrario-
rum.

Caput quadragesimum.

An Exorcista hereticus
possit eijcere Dæmones. Do-
cetur

nunquam expulsurum Dæmonem, pro
fidei sue confirmatione: cum Deus
testis falsi non sit.

& Dæmonum expulsio signum fide-
lium.

Hinc nunquam leguntur expulisse.

sæpe hic delusi,

nunquam alia miracula fecisse.

Caput quadragesimum primum.

De quinq; diuersis modis,
quibus apud Catholicos
Dæmonia eijciuntur: qui
sunt

nominis

INDEX.

nominis Iesu inuocatio.
Vsus Reliquiarum:
impresio S. Crucis.
Vsus rerum consecratarum.
Exorcismus.

Caput quadragesimum secundum.

Examinatur modus, quo
 per inuocationem nomi-
 nis Iesu pelluntur Dæmo-
 nes. docetur

hoc plurimos pulsos:
Nomine intelligi virtutem Christi:
Christi nomen vsurpatum præ Pa-
tris & S. Spiritus.
ad eius diuinitatem astruendam.
ad eius doctrinam persuadendam.
Vsurpatum nomen, Iesu, præ alijs:
quia hoc proprium Christi:
hoc leguntur pulsi Spiritus:
huic plus tribuerunt Apostoli:
huius & iam vsus præ alijs:
& hoc postulat finis Exorcismorum.
Nudam nominis Iesu compellationem
demonibus etiam terribilem fuisse, &c.

Caput quadragesimum tertium.

Examinatur secundus
 modus, quo per Vsum Reli-
 quiarum Dæmones ex ho-
 minibus eijciuntur. Doce-
 tur

hunc plurimum posse hic;
sententia patrum,
exemplo Apostolorum.

historijs Sanctorum,
similibus & maioribus miraculis:
Christum hoc modo voluisse pelli
Damones.
pro diuinitate sua astruenda:
pro Sanctorum honore promouendo.
Vim verò nullā Reliquijs inesse:
Instrumenta hic Dei esse.

Caput quadragesimum quartum.

Examinatur modus ter-
 tius; & per Vsum signi Cru-
 cis ex hominū corporibus
 Dæmonia pelli. docetur

exemplis Sanctorum plurimis:
terrore Daemonum ad Crucis præ-
sentiam:
sententijs SS. Patrum:
opinionem communi hominum:
prodigijs vi crucis factis.
Sed vnde hac fuga ob Crucem?
Non inest vis aliqua ipsi Cruci:
Crux instrumentum Dei hic est:
pietas hominum hic multum potest:
odium Daemonum etiam valet.

Caput quadragesimum quintum.

Examinatur modus quar-
 tus, doceturq; Rerum con-
 secratarum vires esse mag-
 nas ad pellendos Dæmo-
 nes.

ipsa forma, quæ res benedicun-
tur.

Præstis effectis ad has secutis.
exemplis Daemonum ex homini-
bus pul-

INDEX

bis pulsorum: exemplis Damonum
aliunde profligatorum.

Licere autem res consecrare, proba-
tur

rationibus pluribus:

consuetudine Ecclesia:

exemplo Sanctorum:

sententia Patrum:

refutatione contrariorum rationū.

Caput quadragesimum sextum.

Examinatur quintus mo-
dus, quo per Exorcismos
Dæmones pelluntur, doce-
tur verò

hunc antiquissimum esse:

magnas vires habere:

aliam atq; aliam formam eius esse:

Iustissima esse omnia, qua in illo ad-
hibentur.

vt sunt

Oratio ad Deum facta:

Sacrificium Missæ:

Modus orandi per merita Christi,

& Sanctorum:

Litania Sanctorum:

Adiuratio Spirituum:

Sanctarum Reliquiarum vsus:

Vsus aqua benedicta:

Crucifignationes:

Sacrament. Eucharistia:

Locus sacer:

Vestes sacra:

Stola sacerdotalis:

Impositio manuum:

Cerei accensi:

Flagella:

Immissio digitorum in obs obsessi.

Caput quadragesimum septimum.

Rationes & modos, qui-
bus Dæmones pelluntur nō
semper esse efficaces. vt do-
cetur

exemplo filiorum Sceua,

Apostolorum,

Sanctorum.

Cuius ratio sumitur nunc

ex exorcismis: nunc

ex Dæmonibus obsidentibus: nunc

ex hominibus obsessis: nunc

ex Exorcistis: nunc

ex diuina prouidentia.

Caput quadragesimum octauum.

An sensibilibus, & rebus
prorsus naturalibus quan-
doque pellantur Dæmones.

verisimile per se non pelli.

Sed, Quid de cythara Dauid apud
Saul?

Saul verè obsessum fuisse à Dæmonibus:

verè aliquando liberatum, idq;

non pietate Dauid:

non sono cythara;

sed hoc fractum dolorem Saul.

Dicitamen posse liberatum sono cy-
thara,

vt signo Christi passionis; &

vt instrumento Dei.

Et quid de fumo apud Tobiam?

Hoc vt signo potuit pelli Dæ-
mon:

& vt instrumento Dei.

Et quid

INDEX.

*Et quid de radicibus in Exorcismo
Salomonis?*

*Ex Dei voluntate fuerunt effica-
ces.*

SEQUVNTVR CAPITA
quartæ partis, quæ explicant
Dæmonum egressum, & cō-
iuncta cum eodem.

Caput quadragesimum
nonum.

Dæmones admodum dif-
ficulter relinquere homi-
nes quos obsidēt. docetur id

*experientia quotidiana;
exemplis Dæmonum olim pulforū:
exemplo Apostolorum:
opinione Iudæorum:
sententia Sanctorum:
signis & confessione Dæmonum:
verbis expellere & eijcere.*

Caput quinquagesimum.

Quæ causa, cur difficulter
homines relinquunt obsi-
dentes Dæmones? Respon-
detur

*quia cupiunt nocere.
non, quia expulsi rursus homines
non inuadant,
aut quia inde in infernam mittan-
tur.*

Caput quinquagesimum
primum.

Quòd quidam Spiritus dif-
ficilius eijciantur, & qui illi,
atq; vnde hoc habeant, do-
cetur

*Quosdam difficilius eijci
exemplo Apostolorum,
assertione Christi,
opinione Iudæorum.*

*Illos verò esse
lunaticos: siue surdos & mutos Spi-
ritus.*

*non superiorum ordinum tantum:
non plus torquentes tantum:
non quibus data causa homines in-
grediendi:*

*nō qui diutius in hominibus fuerūt.
Lunaticos autem difficilius eijci,
non quia maiorum sunt virium;
sed quia Dei voluntate plus possunt.*

Caput quinquagesimum
secundum.

Quibus signis Dæmones
egressum ex humanis cor-
poribus prodant. Respond.

*propria confessione:
animalculorum ab obsessis egressu:
inconditis clamoribus:
cessatione deformis formæ:
vomitu turpi:
fœtore graui:
insolito tumore in obsesso:
membrorum disruptione:
obfessorum in terram prostratione:
immagine quasi mortis:
datis damnis & tumultibus:
deniq; alijs imperatis ab Exorci-
stis.*

*Et horum aliquando plura concur-
runt: sed tamen nec semper ip-
sa adsunt.*

*nec necessarium argumentum sunt
discessus.*

Caput

INDEX.

Caput quinquagesimum tertium.

Explicantur rationes & causæ signorum discessus, quæ ex humanis corporibus eiekti Spiritus edere solent.

Ratio signorum coactorum est, ut cognoscantur discessisse.

Ratio voluntariorum; crudelium, est odium erga homines: sordidorum, detestatio rerum sacrarum:

barbarorum, difficultas discessus.

Leuium, confusio Spirituum.

Caput quinquagesimum quartum.

Qua via Dæmones egrediantur, dum homines relinquant.

Nulla quidem res certa est; nec vlla indigent:

quæ tamen, ut plurimum, sunt, inferior, rarius; superior, frequentius.

Caput quinquagesimum quintum.

An omnes simul egrediantur, quando exire coguntur.

Non hoc necesse quidem: sed nec semper fit etiam: ut plurimum tamen fieri tria insinuant.

exempla Sanctorum, qui eiecerunt

olum.

experientia communis.

vis Exorcismorum.

Caput quinquagesimum sextum.

Quonam tendant Spiritus Dæmoniorum ab hominibus. eiekti Proipforum voluntate.

Corpora humana primo expetunt: hinc bestias & pecudes:

post hæc loca, hominum frequentia clara:

hinc loca deserta:

post hæc aerem superiorem:

infernum refugiunt. licet frustra aliquando.

Caput quinquagesimum septimum.

Cur Dæmones egerrime descendant ad Infernum?

Quia libidini suæ ibidem nequeunt satisfacere in hominibus vexandis.

quia per infernum tollitur libertas vagandi, quam amant.

Non autem quia ibidem tantum pœnas,

quas meruerunt, sustinent.

Accidentalem tamen panam addit miseris infernus.

Caput quinquagesimum octauum.

An voto Dæmonum licet satisfacere; quando ex hominibus.

INDEX.

minibus egressuri, aliquid
petunt.

Non licet, si iniqua petant: qualia
sunt qua laedunt Dei gloriam:
qua obsunt saluti proximorum.

Licet quandoq, ut si petant ne
nouū penū grauentur.

ne bono, quod possident, priuentur.

ut bonum etiam aliquid conse-
quantur.

Licet quandoq, facultatem facere
ingrediendi homines, de quo Vi-
de ibidem.

Nunquam tenetur Exorcista voto
Damonum satisfacere.

FINIS CAPITVM LIBRI DE DEMONIIACIS

ELENCHVS, SIVE INDEX CAPITVM LIBRI SECVNDI, QVI EST DE LO- CIS INFESTIS, CVM BREVI BV Summarijs.

CAPITA PRIMÆ
partis, in quibus agetur de
Locorum, Spirituum, &
moestiarum generibus,
modis finibus,
causis, &c.

Caput primum.

Esse loca quædam infesta
& à Spectris atque Spiriti-
bus homines vexari, doce-
tur exemplis.

Hesperij viri tribunitij:

Germani Capuam:

Diaconi Greg. Neocæsariensis:

Theodori archimandrita;

S. Parthenij:

Regi Cordes:

Tracensis provincia:

Atheniense;

Corinthiorum.

Pausania Regis:

Dionij apud Plut.

Cæsaris Caligula:

Neronis Imperat.

Ottomij Imperat.

Alexandri ab Alexand.

Torvelorum Parmens.

Heldesheimense;

Pictaviarum:

Camontium apud Bingham:

B. Gregory:

Vercetense Virginum:

Vormatiense;

Aquilonarium popularum.

Scoterum:

Lybia incolarum:

Liparensum:

fossorum met allicorum:

Catarina cuiusdam Persana.

Keropensum;

(:)(:)(:)

Line-

INDEX.

Liouienſium, &c.

Caput ſecundum.

Multiplicia eſſe loca infeſta ; ſed reuocari ad duo præcipua.

*Ad infeſta per ſe, &
Infeſta propter homines.*

*differre hac
tempore ſiue initio moleſtiarum:
duratione moleſtiarum:
finibus, Spiritibus propoſitis:
formis ſpirituum:
numero patientium moleſtias:
expurgandi ratione.*

Caput tertium.

Tria eſſe Spirituum moleſtiantium genera, qui infeſtent loca.

*Damones, ſiue Angelos malos:
Animas hominum damnatorum:
Animas, qua purgantur:
Singulorum dantur exempla.*

Caput quartum.

Varios eſſe, tam Dæmoniorum, quàm hominum miſerorum ſpiritus, qui loca reddant infeſta:

*Dæmonum eſſe ſex genera pro loco-
rum differentia:*

*eſſe duo pro differentia qualita-
tum:*

eſſe 9. pro differentia ordinum.

*Animarum damnatorum eſſe gene-
ra duo:*

eorum vnum, qui propter actualia

peccata puniuntur.

*alterum eorum, qui Originale tan-
tū habent.*

*Purgandorum etiam duo genera
eſſe. Nam quidam tantum pœ-
nas perſoluunt:*

*in quibuſdam etiam expiatur
culpatur.*

Caput quintum.

Quinam Spiritus frequen-
tius rebus viuentium inter-
ſunt, & moleſtant.

*Rariſſimè interſunt ſpiritus dam-
natorum hominum:*

nec enim ipſi hoc expetunt:

nec Dei voluntate videntur cogi:

neq; Damones id deſiderant.

*frequentius interſunt ſpiritus
purgandorum.*

*quia poſſunt expetere, vt inter-
ſint.*

*& facilius quod petunt, poſſunt
obtinere:*

*& Deo poſſunt eſſe rationes cur
hoc velit.*

*frequentiſſimè ſunt Dæmonum
ſpiritus, qui redeunt & moleſti
ſunt. Id patet*

ex ipſorum deſiderio:

ex Dei providentia:

*ex moleſtijs, qua plerunq; affe-
runtur.*

Caput ſextum.

Quinam ex ſpiritibus Dæ-
moniorum præ cæteris ad-
ſunt viuentibus, & moleſti
ſunt.

Omnes

INDEX

Omnes quidem percipiunt;
quia horrent infernum: &
molesti desiderant esse hominibus.
Et ardentius cupiunt illi superiorū
Ordinum;
quia magis horrent infernum;
& magis desiderant nocere.
sed tamen sapius adsunt, & mole-
stant inferiorum Ordinum; quā
superiorum.
quia non ita meriti carceres infer-
ni:
& ab his sunt Terriculamenta, quae
mortis sunt indicia, & frequen-
ter percipiuntur.

Caput septimum.

Qui ex spiritibus purgan-
dis facilius redeunt, & ho-
minum postulant suffra-
gia.

Difficiliter hoc constituitur.

aut ex Confessione spirituum:

aut ex peccatis, pro quibus satisfac-
ciunt:

aut ex conditione personarum, quae
satisfaciunt.

Verisimile tamē facilius redire eos,
qui hoc meruerunt:

ut sunt, qui flagrant in vita

dilectione magna Dei, &

studio iuuantis defunctos.

Potest quoque Deus alias habere cau-
sas facilius reditus.

Caput octauum.

Qui ex spiritibus hominū
damnatorum facilius & fre-
quentius redeunt & mole-

sti sunt.

Impiorum aliquando in parentes:

inimicorum erga pauperes:

oppressorum pauperum:

miserē seductorum:

crudeliter interfectorum.

Caput nonum.

An semper in propria per-
sona adsint uiuentibus ipsi
spiritus, qui molestant.

Certum est, semper adesse Demo-
nes.

ratio probat:

confirmat experientia:

& communis hoc habet sensus.

Certum est nō semper adesse homi-
num spiritus personaliter.

quia sapius Demones hic illudunt:

quia aliquādo idem spiritus duobus
locis videtur:

Credendum tamen aliquando adesse
personaliter.

Nam & permittitur ijs locus sua ex-
ire:

& possunt per vires suas exire:

& non frustra exeunt:

& Deus potest velle ipsos exire.

Caput decimum.

Qui ex molestantibus spi-
ritibus frequentius perso-
naliter adsunt, & mole-
stant.

frequentissime rebus uiuentium in-
terfunt personaliter Demones.

INDEX

quia intersunt sæpe cum Spiritibus
hominum:

quia adsunt, quando sub forma non
humana spectra conspiciuntur:
& quando magna molestia affe-
runtur:

Sed & ipsi expetunt ut adsint:

& Deus potest iuste velle ipsos adesse:

& exempla pro ipsis plurima sunt:

Rarius intersunt Spiritus purgandi.

Rarissime Spiritus damnatorum.

patet ex dicto Cap. 5.

Caput undecimum.

An, & unde possit constare
Humanos Spiritus rebus
viuentium interesse perso-
naliter.

Non constat ex forma spirituum, quæ
conspiciuntur.

nec ex spirituum confessione.

Sed & difficulter potest constare.

Purgandos interesse personaliter,
quando apparent, est verisimile.

Caput duodecimum.

An Spiritus humani co-
gnoscant, quæ aguntur vel
ab ipsis, vel ipsorum nomi-
ne, ab Angelis nunc bonis,
nunc malis.

Certum est humanos spiritus non no-
ritia destitui omni, quando cor-
pora relinquunt probat

ratio, quia viuunt non otiosi:

authenticas Cyri: & Hieronymi:

exemplum Epulonis, & aliorum.

Et dum heteroprosopos intersunt,
certum est cognoscere vi sua, nec

nostra:

nec quæ ipsorum nomine geruntur:

nec quoddam adsint & intersint rebus
mortalium: quæ tamen possunt
reuelatione sibi facta cognoscere.

Dum vero adsunt autoprosopos siue
in propria persona, cognoscunt
quidem

vi sua se esse presentes: sed

non omnes res viuentium quibus ad-
sunt:

nec omnia, quæ ipsorum nomine ge-
runtur.

Caput decimum tertium.

De Causis & finibus, qui
tam Deo, quàm Spiritibus
sunt propositi in locorum
infestatione.

Spirituum purgandorum finis est
subsidiū viuorum:

Damnatorum hominum, mole-
stia mortalium:

Damoniorum, perniciēs morta-
lium:

Dei, bonum in omnibus: & qui-
dem multiplex.

Caput decimum quartum.

Inter loca quædam esse ma-
gis infesta alijs: & unde hoc
accidat. Ostenditur.

Infesta præ reliquis esse,

solitudine: & loca deserta:

locapaludosa:

specus subterraneas:

arces & ampla adificia:

locaclearacade hominum:

loc a

loca, vbi innocentes necati :
 loca, vbi grauius peccatum est :
 loca, vbi infignes nequam :
 loca, vbi excellentes sancti degunt.
 Huius causam pendere ex voluntate
 nunc Dei: nunc Spirituum.

Caput decimum quintum.

Quæ causæ, ob quas Spiritus, maximè diabolici hæc magis, quam alia loca infestent.

Causæ sunt:

terrorem incutere :
 damna afferre :
 libidini sua seruire.
 docetur in dicto, Cap. 14. locis.

Caput decimum sextum.

Non æquales omnibus locis omnes, molestias pati: & in quo æqualitas illa consistat.

Inæqualitas consistit in modo, quo afferuntur molestia:

in malis, quæ afferuntur :
 in frequenti repetitione malorum.

Non æquales omnes omnibus locis sustinent.

In locis propter homines infestum hoc certum.

Certum quoque in locis per se infestis :
 vbi molestiores quibusdam sunt
 sæpè

Spiritus purgandi :
 Spiritus damnatorum :
 Spiritus Demoniorum.

Caput decimum septimum.

Quinam præ cæteris, Spirituum molestiis expositi sint: & quibus de causis Spiritus Diabolici quosdam hostilibus persequantur.

Et boni & mali molestantur à Spectris.

Et non tantum ob mortalia, sed & venialia peccata, maximè ob mortem iniuste allatam :
 pauperum oppressionem :
 impietatem erga parentes :
 blasphemiam :
 violatam religionem :
 heresum propagationem :
 traditionem sui diabolo.

Caput decimum octauum.

Quibus temporibus Spectra maximè molestant: & cur nocte potius, quam interdiu.

Primo, non sunt alligata temporibus certo:

Secundo, nocte sæpius molesta sunt :
 res clara multum exemplis :

ratione item. Sed alia atque alia in Spiritibus damnatorum, & purgandis animabus :

quamuis apud utroque valeat fuga: conspectus :

tumultus excitandi :

paucitas operarum :

color quo apparent :

quibus nox seruit.

INDEX.

Caput decimum nonum.

De varijs modis, quibus Spiritus molesti sunt: sed qui omnes, vel visu, vel auditu, vel tactu percipiuntur.

Ad auditum pertinent, qui excitantur

levis strepitus:

magnus tumultus:

simulatus incessus:

cachinni & risus:

suspiria & gemitus:

clamores, voces:

vociferationes &c.

quorum exempla dantur.

Ad visum varia forma. Nam sub humana; tristis:

macie confecta,

nigrescens,

insolita magnitudinis,

cuculata,

horribilis,

insoliti habitus,

• mortuos referens,

sub brutorum

equorum, murium,

serpentum, luporum,

aspidium, scorpionum,

pardorum, visorum,

taurorum, boum,

aurum, catorum,

hircorum, arietum.

sub monstrorum

hypocentauri.

illius, cuius Iob meminit, 41. c.

Lacerta bicapitis,

draconis cincti serpentibus, centimani & centipedis, hominis tricapitis:

Et horum exempla data.

Ad tactum pertinent

aurium vellicationes,

accubationes in eodem lecto,

crinium abrasiones,

propulsiones, prostrationes,

inflicta vulnera & uestiones,

allata verbera, & plaga,

mors & nox procurata,

damna data in bonis externis,

subtractio prolis,

nefandi coitus, &c.

hac datis exemplis docentur.

Caput vigesimum.

Quæ ratio & conditio vocum, sonorum, atq; tumultuum, qui auribus viuentium percipiuntur.

Non vera sunt voces, quæ audiuntur:

nec veri clamores:

nec verus gemitus:

nec verus risus:

nec verus cantus:

Nec in his formandis opus est organis viuorum:

sunt tamen veri soni, qui audiuntur:

veruntamen non semper. sæpè sensus fallitur.

Caput vigesimum primum.

Quæ ratio formarum, quæ

INDEX.

quæ in oculos incurrunt,
quibus se Spiritus exhi-
bent.

Non sunt veri homines, qui homi-
nes videntur:

Bruta qua videntur, aliquando
sunt, quod videntur, verumta-
men non semper:

Monstra, quæ apparent, semper ope-
ra Demonum sunt.

plerumq; hac nec in genere viuen-
tium sunt.

persapè tamen sunt vera corpora:

Aliquando nec corpora; sed rerum
tantum species & simulachra:

Hæc faciunt Spiritus motu locali,
aut sensuum illusione.

Caput vigesimum secun- dum.

Deratione & modo, quo
Spectra tangunt vitionem,
verbera, & necem affe-
runt.

Spiritus siue Spectra non polleant vi-
tangendi:

Tangi tamen verè possunt à viuù:
percipiuntur plerumq; vt frigida,

Vitionem verè afferunt nunc per ig-
nem à se productum:

nunc per carbones, &c.

nunc per res virtute calidas.

Verbera infligunt,

nunc per assumpta corpora:

nunc subsidio aeris concitati:

nunc sua vi & potestate.
Necem & mortem iisdem modis.

Caput vigesimum ter- tium.

Qui sint veri authores
eorum, quæ infestantibus
Spiritus, percipiuntur, vel
visu, vel auditu, vel tactu. Et
ostenditur quid tribui, vel
non tribui, debeat humanis
Spiritus. Ergo.

Omnia, quæ percipiuntur, possunt
tribui humanis Spiritibus etiam
si per Demones fiant, modò ipso-
rum nomine fiant.

Possunt etiam defunctorum Spiri-
tus propria virtute de loco ad lo-
cum transire.

Possunt iisdem propria virtute ad
viuentes redire, si permitte-
rentur.

Non possunt rerum species, per
quas in oculos incurrunt,
per se efficere; si vera corpora
desint, quæ existimantur vi-
deri.

Non possunt per se hominibus imagi-
nationem efficere, & perturbare.

In somno non possunt esse molesti
viuis per varia phantasma-
ta.

Non possunt effingere, atque efficere
corpo-

INDEX.

corpora sub quibus conspiciuntur.

Ipsi non sunt, qui corporibus figuras dant.

quibus oculos viuorum incurrunt
Nec ipsi sunt authores colorum in
ijsdem corporibus.

Ipsi tamen corpora formata iam,
& sibi accommodata, possunt
per se mouere, & circumferre,
nisi forte nimia mole excedunt
humana.

Quod si assumpta corpora sint infra
molem humanorum vsitatam,
facilius mouebunt.

Corpora assumpta spiritui humani
non mouebunt ea ratione, qua
mouent sibi naturaliter vnita.

Sic nec sustentant atque continent
assumpta corpora humani spi-
ritus; vt sua sustentent, & conti-
nent.

Rectè tribuuntur spiritibus huma-
ni authoribus, qua cum motu
sunt coniuncta, qua per hac cor-
pora fit:

siue illa pertineant ad visum:

siue ad auditum:

siue ad tactum.

Caput vigesimum quartum.

Quanam ex ijs rebus, quas
in molestijs & infestationi-
bus Spirituum viuentes per-
cipiunt, Angelis tribuenda
sint, & non humanis spi-
ritibus; quamuis humani spi-
ritus illarum videantur esse
authores.

Tribuenda primò illa, quæ per hu-
manos fieri non possunt quale
sunt;

sensuum illusiones:

impressiones facta in phantasia:

illusiones nocturnæ:

formatio corporum, qua circum-
feruntur.

conseruatio eorundem corporum:

figura corporum dictorum:

eorundem colores:

motus magnorum corporum:

ingentes tumultus:

grauia damna quadam, allata
aut corporibus:

aut etiam facultatibus:

privatio functionum sensus.

Tribuenda deinde quadam, qua non
conuenit fieri per humanos spi-
ritus.

quamuis possint per eosdem fieri

Caput vigesimum quintum.

Quibus Angelis autho-
ribus tribuenda sint illa,
quæ cum Spirituum mole-
stijs coniuncta sunt: bonif-
icæ, an malis?

Omnia quidem possunt fieri ab v-
trisque quia in neutris desidera-
ri potest.

aut voluntas,

aut scientia,

aut potestas.

Sed tamen de facto si quaestio est,
res sic se habet:

Qua malis damnatorum hominum
spiritibus tribuuntur; & per ip-
sos

INDEX.

tribuuntur: & per ipsos fieri nō possunt habent authores Angelos malos.

Qua bonis purgandorum Spiritibus tribuuntur: & per ipsos fieri nequeunt, habēt authores Angelos bonos: utrumq; conuenienter fieri docetur.

SEQVVNTVR CAPITA

Secundæ partis, qua inquiritur distinctio Spirituum & principio humanorum à Dæmoniorum.

Caput vigesimum sextum.

An, & quæ forma distinguat humanos Spiritus à Dæmonibus apparentibus.

Humana nō distinguit inter utrosq;: quia utrisq; communis: etiam Dæmonibus ob causas multas.

Distinguit brutorum & monstrorū: quia propria Dæmonibus: & hoc iustas ob causas.

Verisimile & distinguere humanā, illā, qua nihil habet vitij, ratione alicuius partu, vel coloru, vel habitus, vel quantitati, quia Dæmones prodit, si habeat vitium.

Caput vigesimum septimum.

An & qui strepitus humanos spiritus distinguant à Dæmoniorum Spiritibus.

Non distinguunt, qui viuentiū sunt proprij & nudi soni:

aut articulati, & non articulati: aut qui conceptuum sunt indices:

aut acuti & graues:

aut vehementes & leues:

aut obscuri & clari.

Sed distinguunt: qui referunt monstra & bruta:

quiq; sunt cum magno tumultu, hi ferè Dæmones arguunt.

Distinguunt & illi, qui tristis animi certa sunt significatio: hi ferè hominibus conueniunt.

Caput vigesimum octauum.

An, & quæ oratio distinguat humanos & Dæmoniorum Spiritus.

Apertè mala non distinguit hos Spiritus:

quia utrisq; communis.

Ad bonum hortatoria nō distinguit:

quia utrisq; & illa cōmunis.

Vanitatis plena non distinguit: eandem ob causam.

Distinguit oratio occultorū reuelatrix:

quia solis conuenit Dæmonibus.

Caput vigesimum nonum.

An ex molestijs & malis, quæ inferuntur à Spiritibus, deprehendi possit, an hominum sint, an Dæmonum spiritus.

Vehementer arguunt Dæmones sequentia:

nex allata per Spiritus,

vulnera inflicta,

grauia verbera,

magna damna data in facultatibus

Si qua alia, non item.

(:)(:)(:)(:)

Caput

INDEX.

Caput trigesimum.

An, & quæ Obsequia, quæ a Spiritibus aliquando præstantur hominibus; distinguant humanos à Dæmoniorum Spiritibus.

Dæmones. produunt triplicia obsequia, ut plurimum:

necessaria ex pacto:

humanas vires superantia:

nefanda siue abominanda.

Humanos spiritus forte illa, quæ cū humili an. m. significatione offeruntur.

Caput trigesimum primum.

An ex otiosis officiis possit deprehendi distinctio inter Dæmones & hominū Spirit.

Verisimile, ex his deprehendi Dæmones.

tum quia purgandū Spiritibus nō conueniunt

tum quia vix dānati illa admittēt

Caput trigesimum secundum

An ex locis sacris & profanis: desertis & cultis distinctio Spirituum possit peti.

Non potest peti ex profania locis:

Ab his nō abhorrent vlli Spiritus.

Potest aliqua accipi ex sacris, templis maxime:

ab his enim abhorrent Dæmones;

nō abhorret quidā hominū Spiritus.

Sic deserta loca Dæmones produunt:

quid enim ibidē humani Spiritus?

Culta Spiritus non distinguunt:

quia virosq. admittunt.

Caput trigesimum tertium.

An ex locis morte, aut facinore notatis distinguantur humani & Dæmonū spirit.

Ex loca morte notatis videntur distinguui quia his, ut plurimū molestant Spiritus humani

Ex locis notatis facinore, aut crimine si auctores criminis mortui sūt verisimile hominum spiritus colligi: si mortui nō sunt, probabili de Dæmonibus coniectura est

Caput trigesimum quartum.

An & quo modo ex Catholicorū & infidelium locis colligatur, spiritus, qui molestant, esse humanos vel diabolicos.

Vtriusq. molestantes spiritus inueniri certum est:

Locis Catholicorum ipsos non distinguui ē certum:

Certum quoq. nō distinguui locis Hæreticorum:

Sequitur hinc nō distinguui his locis:

Caput trigesimum quintum.

An, & quibus ex temporibus humani & Dæmonum Spiritus discernantur.

Noctes & dies nō distinguunt spiritus:

Quantitas etiam siue duratio molestarum non distinguunt:

Nec distinguunt qualitas temporis:

omnia hæc vtriusq. communia sunt.

Caput trigesimum sextum.

An ex conditione illorum spirituum, qui certos homines

INDEX.

nes persequuntur, iudiciū accipi possit de Spiritibus, & sint humani, vel Dæmonū. Accipi potest, quia verisimile est, esse illos spiritus Dæmoniorum.

Caput trigesimum septimum.

An ex conditione eorum, qui patiuntur persequentes spiritus, possit colligi conditio Spirituum.

Ex conditione proborum hominum non colligitur quia hos vtrique spiritus molestant:

Nec ex conditione malorum hominū, quia & his vtrique sunt molesti.

Qui tamen malos persequuntur, ut plurimum sunt Dæmones.

SEQVUNTUR CAPITA quibus inquiritur distinctio humanorum Spirituum id est, purgandorum & damnatorum.

Caput trigesimum octavum.

An, & quæ forma humanos inter se spiritus distinguat, damnatos & purgandos.

Nō distinguuntur quantitate forma: quia vtrique, vtrique, cōmunis est.

Distinguuntur saepe forma qualitate: quia niger color prodit spiritus damnatus.

Trux vultus, leuitasq; externa forma etiam saepe distinguit: quia & hac damnatorum.

Caput trigesimum nonum.

An, & qui strepitus ac gemitus produnt conditionē

Spirituum humanorum.

Gemitus & sspiriā, illa produnt, quæ sunt absque signū impatiētiæ.

Nam hæc sunt purgandorum hominum non damnatorum.

Caput quadragesimum.

An, & quæ oratio, inter se distinguat spiritus humanos.

Distinguit boni: sine peccato, petitoria.

Quoniam propria est purgandorum Spirituum.

Difficiliter verò talis oratio cognoscitur cum necesse sit: non sit mala ex genere: petat deinde bonū: habeatq; intentionem rectam.

Caput quadragesimū primū.

An ex malis & molestiis quæ afferuntur, cognosceat conditio Spirituum humanorum.

Quadam produnt damnatorum hominum Spiritus: hæc videlicet, quæ ad peccatū trahūt: & quæ cum leuitate coniuncta & quibus ad vexantē nulla utilitas accedit.

Quadā produnt Spiritus purgandos: videlicet dictis tribus contraria.

Caput quadragesimum secundum.

An obsequia quadam à Spiritibus præstentur, quæ conditionem prodant Spirituum humanorum.

Sunt quadam quæ produnt videlicet honesta, quæ & sine peccato fiūt.

Hæc produnt spiritus purgandos: nā hi soli non peccāt in obsequendo.

Difficiliter cognoscūtur hæc obsequia: quia

quia multa requiruntur ad ipsa.

Tria tamen ipsa quodam modo indicant:

scilicet humilitas,
constantia,
grauitas.

*Caput quadragesimum
tertium.*

An officia quædam otiosa & ludicra distinguant inter spiritus humanos,

Nulla distinguunt:
quia nulla ipsis conueniunt.
nec contrarium probant
spectra Aquilonaria, aut
præliationes VVormatienses.

*Caput quadragesimum
quartum.*

An loca sacra, & profana distinctionem spirituum arguant.

Templa arguere videtur plerumque,
quia produnt ut plurimum purgandos esse.

Cemiteria verò non item:
quia damnatos non videntur
excludere.

*Caput quadragesimum
quintum.*

An loca, vbi mors hominum præcessit; & vbi grauia commissa sunt peccata, humanos spiritus inter se distinguant.

Distinguunt non parum:
quia boni, purgandi, sunt, si vita

finis bonus:

damnati sunt, si finis vita malus.

*Caput quadragesimum
sextum.*

An ex locis Catholicorum & Hæreticorum conditio humanorum spirituum possit accipi.

Loca Catholicorum non distinguunt, quia his utrisque spiritus molesti sunt.

Distinguunt loca Hæreticorum sæpe:
quia non molesti his purgandi spiritus.

*Caput quadragesimum
septimum.*

Ex quibus temporibus possit distinctio inueniri inter spiritus humanos, qui molestant.

Tria tempora fauent spiritibus purgandis:

Lucidum, diuturnum, sacrum.
Contraria tria plus damnati.

*Caput quadragesimum
octauum.*

An ex conditione spirituum, qui infesti sunt certis hominibus, possit deprehendi qualium sint hominum.

Non potest deprehendi:
quia & damnatorum hominum & purgandorum molesti sunt.

Caput quadragesimum nonum.

An ex conditione hominum, qui

INDEX.

qui patiuntur spiritus per-
sequentes, deprehendatur
spirituum couditio.

*Boni, si patiuntur persecutiones à
Spiritus, non arguunt Spi-
ritus esse purgandos.*

*Mali si pœiuntur, produnt ve-
hementer damnatos.*

SYNOPSIS SIGNORVM

Cap. præcedentium.

Caput quinquagesimum.

De octo signis, quæ prodūt
Dæmones.

Hac sunt

<i>ferma,</i>	<i>obsequia,</i>
<i>inconditi soni,</i>	<i>ioci,</i>
<i>oratio,</i>	<i>loca,</i>
<i>mala allata,</i>	<i>perſona,</i>

Caput quinquagesimum
primum.

De quinque signis, quæ pro-
dunt spiritus purgandos:

qua sunt

forma, gemitus, oratio,
obsequium, locus.

Caput quinquagesimum
secundum

De signis tribus, quæ produnt spiritus hominum dānatorum, vt sunt.

locus, forma, gemitus.

Caput quinquagesimum
tertium.

De Adiuratione, qua co-
acti spiritus produnt suam

conditionē, docetur quòd

Magna huius vis in rebus varijs:

Licet hanc adhibere ad cogendos

Spiritus:

forma eius duplex est:

Licita est illa, qua precamur

Spiritus:

Expedit tamen uti imperialia:

Omnibus hac permissa:

Conuenit tamen magis sacris ho-
minibus;

Efficacior fit

sanctimonio adiuvantur:

exercitio virtutum;

assumpto ornatu Ecclesiastico:

Conuenientia { temporis;
 loci.

SEQVNTVR CAPITA

Tertię partis, de Modis, quibus loca liberantur ab infestatione spirituum.

Capit quinquagesimum
quartum.

Esse aliquam rationē, qua spiritus moestantes pro-
scribuntur, & loca liberantur
ab ipsorum infestatione.

docet hoc Liber de Daemoniacis:

farrago exemplorum.

collatio virium Demon. & homi-
nis, potestas collata Ecclesia.

Capitulum quinquagesimum
quintum.

Non vnā esse rationē,
qua loca liberantur à spiri-
(:)(:)(:)(:) 3 tuum

INDEX.

tutum molestia, sed quinq;
Tres seruiant Spiritibus notis: dua
Spiritibus ignotis: Sed prius de
falsis.

Caput quinquagesimū sextū.

An blasphemijs, Conui-
tiji, & diris imprecationi-
bus loca liberentur à mole-
stia spirituum.

Existimant id quidam:

Sed malè; quia pro se habent,
nec scriptura auctoritatem
nec exempla sanctorum:
nec efficacitatem huius modi:
nec solidam experientiam.

Coniugia tamen cum orationibus,
fideque vera coniuncta, sunt mo-
lesta Spiritibus malis.

Caput quinquagesimum septimum.

An gladijs & armis pro-
figentur Spiritus.

Et hoc quidam existimant:

sed malè, quia armis contra cor-
poreas res pugnamus: quales non
sunt spiritus Dæmoniorum:
spiritus damnatorum hominum:
spiritus purgandi.

Caput quinquagesimum octauum

An igne abigantur Spi-
ritus: & loca purgentur, à
Spirituum infestatione.

Exempla quadam hoc videntur
probare: sed tamen nihil probat:
quamuis verus ignis sit apud in-

feros: vere etiam spiritus tor-
queat ille; & torqueat eosdem
extra infernum existentes.

Caput quinquagesimum nonum.

An accenso lumine fu-
gentur Spiritus.

Omnes quidem tenebras eligunt:
Lumine tamen non coguntur in fu-
gam.

Caput sexagesimum.

An ostijs obseratis spiri-
tus facultatem loca intran-
di non habeant: nec possint
incolas molestare.

Ostijs obseratis non tolluntur omnes
molestia:

quia extra existentes possunt
spirituum molestare.

Ostia obserata non impediunt mo-
lestias, quæ in eff. ctis corpori-
bus per spiritus afferuntur:

quia utrobique possunt fingi corpora.

Ostia obserata impediunt molestias,
quæ per aliunde assumpta cor-
pora excitantur: quia corpora
hæc nequeunt ostia penetrare.

Caput sexagesimum primum.

An effuso innocentium san-
guine licitum sit vexatio-
nes Dæmonum redimere.

Nec vis inest sanguini innocentium,
ut tollat Dæmonum vexationes:

Nec si inesset, liceret hæc ratione
rollere:

Dæmones aff. ctare effusionem san-
guinis hominum, docetur pluri-
bus exemplis.

INDEX

Caput sexagesimum secundum.

An odoribus, herbis, suffi-
mentis pellantur spiritus
Dæmoniorum.

Nō per se recreātur Dæmones suffi-
mentis :

Nec fugantur suffimētis, aut herbis
Sed tamen Dæmones, qui homines
obsidēt impediūtur, per acciēs,
herbis quibusdam,
lapidibus quibusdam:
animalibus quibusdam:
musica: &c.

Caput sexagesimum tertium

An spiritus defunctorum
hominum prohibeātur re-
dire ad viuos, si corpora ip-
sorum sepeliātur sub foro.

Hæc res non prodest defunctu:
sed nec per se incommodat:
nec prohibet ne ad viuos redeāt:
sine superstitione non fit, &c.

Caput sexagesimum quar- tum.

An iactus fabarum nigra-
rum prodest cōtra molestias
spirituum defunctorum.

prostant fabæ esurientibus:
defunctu non prosunt.

us ipsarū superstitionis apud gen-
tes fuit multiplex: sicut & u qui
pro defunctorum est spiritibus.

SEQVUNTUR VERI,
& legitimi modi; & primū
illi quibus contra Spiritus
Dæmoniorum agitur,

Caput sexagesimum quin- tum.

Varios esse modos, quibus
liberantur loca à Dæmonio-
rum infestationibus: sed
præcipue quinque.

Orationem Crucem,

Res consecratas, Reliquias

Exorcismos:

qui plurimum differunt.

Caput sexagesimum sex- tum.

De Oratione, qua Dæmo-
nes fugantur, deque eius ef-
ficacitate.

Valere ipsam ad Dæmones abigen-
dos plurimum, probāt exempla
abactorum Dæmonum:

exempla ex hominibus pulsorum.

promissiones ipsi factæ:

effectus ipsam consecuti:

domini oratio siue sermo,

iustus etiam de causis, Dæmonū plus
orationi: quam eleemosyna hic,
aut iunio, aut alijs pietatis ope-
ribus tribuisse, docetur.

Caput sexagesimum septi- mum.

De Reliquiarum usu in pro-
fligandis Dæmonibus; &
quas ob causas Dæmones nō
sustineant Reliquias.

Et catholici & Heretici tribuunt
Reliquijs.

Dæmo-

INDEX

**Demonum proscriptionem, nec
male:**

quia pro hoc magna exemplorum
est sylua:

Errant haeretici, quod existiment
hunc vsum Reliquiarum esse supersti-
tiosum. Nam verè Dæmones tor-
queri per Reliquias, docent
Sancti Patres plurimi:

ipsorum Dæmonum coacta fuga:
clamores & ululatus eorundem:
inuidia, qua Sanctos viuentes sūt
prosecuti:

molestia, qua Sanctos sustinent
&c.

Errant deinde Haeretici, quod do-
ceant Dæmones allicere homi-
nes fuga sua ad cultum Reli-
quiarum.

an possunt Nequam allicere ad fu-
gam mali?

an possunt allicere ad bona?

Catholici bene docent Dæmones
ad fugam cogi per Reliquias: nō
simulare fugam.

Sed quo modo hoc?

Non per virtutem Reliquijs in-
herentem,

sed quia Deus ad praesentiam Re-
liquiarum vult ipsos cedere lo-
cis:

& quia homines Reliquijs, vt re-
bus consecratis, in Exorcismo, v-
tuntur:

& quia Dæmones odio habent
Reliquias, nec possint illas fer-
re.

**Caput Sexagesimum octa-
uum.**

**De Crucis efficaci vſu ad-
uersus Dæmones.**

Cum Catholicis fatentur Haeti-
ci, Dæmones fugere Crucē. Nā
coguntur sylua exemplorum: sed
tamen non sponte, sed coacti fu-
giunt Dæmones.

hoc significant qui exempla refe-
runt:

hoc crediderūt, qui Crucē sunt vſi:

hoc sensit antiquitas omnis:

hoc probant hostes Christianis-
mi:

hoc confirmant exempla infideli-
um:

hoc indicant prodigia per Crucem
facta:

hoc docent, qua ad vſum Crucis
bona sequuntur & mala tollun-
tur.

Contra Dæmones verò valet crux,
& constans, qua dicitur,
& permanens; sed diuersimodè,
vt docetur.

Caput Sexagesimum nonum.

**De vſu Rerum consecra-
tarum, ad profligandos Dæ-
moniorum Spiritus.**

plurimum valere has Res, ad Dæ-
mones locis infesta proscriben-
dos, probant

Dæmonum huius proscriptorum ex-
empla:

exempla etiam Dæmonum ex ho-
minibus pulſorum:

miranda

I N D E X.

miranda per Res sacras patrata:
orationes, qua benedicuntur. do-
cet^{ur} etiā tria hic seruire Re-
rum sacrarum genera, velut or-
dinatas ad diuinum cultum:
quarum vsus est in Sacramentis:
qua vsibus hominum extra Sacra-
menta seruiunt, &
Maximè seruire contra Damones
Tertias has, &
Aliter seruire res consecratas, ali-
ter Crucem & Reliquias.
Sed nec omnes eodē modo seruire.

Caput septuagesimum.

De Consecratione: & Be-
nedictione locorum aduer-
sus infestationes malignan-
tium spirituum.

Cuius partes 5.

Diuini auxilij imploratio:
psalmorum gradualium recitatio:
Lectio Euangelij:
Thurificatio:
Conclusio.
Omnes iusta, pia, legitima vt doce-
tur.

SEQVUNTUR MODI,
quibus agitur cum spiritib.
purgandis pro quiete
obtinenda.

Caput septuagesimum primum.

Esse aliquem modum, quo
viuentes se liberare possunt
à molestia, quam adferunt
spiritus purgandi.

quia & illi possunt iuari:

& nos ipsos iuuare possumus:
& in nostra potestate sunt media,
quibus iuuantur,
& plurima sunt exempla eorum,
qui aliquando adiuti, molesti
esse desierunt.

Caput septuagesimum secundum.

Multis magnisque de cau-
sis conuenire, vt purgandis
spiritibus viui succurrant;
quando excitatis molestijs
ipsorum postulant auxilia.

Nam spiritus ipsi misericordia di-
gni sunt.

& magna premuntur necessitate:
& pro nostra salute solliciti:
& vnius corporis nobiscum sunt
membra:

& grauissima patiuntur.
Sed & Deus hoc videtur velle:
Et maiorum hic vrgemur studio:
Et res est coniuncta cum virtutib.
magnis:
nec caret suo fructu:
nec Sacris literis contraria est.

Caput septuagesimum tertium.

Modos, quibus à molestia
Dæmonum liberantur loca
infesta, non esse pro tollen-
dis molestijs, quæ à bonis ho-
minum spiritibus afferun-
tur.

Neque enim contra has sunt.

Crux, Reliquia,
Res consecrata, Exorcismi,
(:)(:)(:)(:)(:)

ORA.

Oratio, qua loca benedicuntur.

Caput septuagesimum
quartum.

De varijs modis, qui contra molestias Spirituum purgandorum creduntur valere, qui sunt

*Orationes Sanctorum Ecclesia:
Sacrificium Missæ:
Eleemosyna pro defunctis data:
Ieiunium:
Alieni restitutio:
Peregrinationes:
Lachryma:
Oleum atq; cera:
Magna verò inter hos modos differentia est.*

Caput septuagesimum
quintum.

Oratione iuuare piè defunctorum Spiritus, qui uiuentibus quandoque sunt molesti.

*patet Catholicorum orandi studio:
Maiorum exemplis in noua lege:
exemplo hominum veteris legis:
orationis efficacia:
exemplis eorum, qui adiuti sunt oratione.*

Sed aliter proborum oratio iuuat, aliter improborum.

Caput septuagesimum
sextum.

Quòd, & quomodo Missæ sacrificium iuuat piè defunctos, qui post mortem sunt molesti,

Iuuare credunt Catholici modò, probant Maiorum exempla: confirmant Sacrificia veteris legis: Consensus Patrum docet: insinuât mirabilia vi Missæ patrata & dignitas Sacrificij vrger: deniq; ostendunt exēpla adiutorū. Sed hic quoq; potest aliquid bonus Minister, quod nequi malus & peccator.

Caput septuagesimum
septimum.

Qua ratione Eleemosynæ liberant à molestijs, quas aliquando afferunt spiritus purgandi.

Prodesse ipsas Spiritibus, certum studio fidelium quotidiano: exemplo priorum Christianorum: exemplo Iudaorum: sententia Patrum: praestantia ipsius Eleemosynæ: exemplis eorum, qui per Eleemosynas sunt adiuti. Sed alia est conditio eius, qua priuato nomine suscipitur: alia eius, qua ex commisso fit defuncti.

Caput septuagesimum
octauum.

Ieiunium etiam prodesse purgandis spiritibus. docent

Angeli apud Bedam: exempla Sanctorum: exempla Iudaorum: exempla Spirituum, qui oratione sunt adiuti. Sed proborū maiores vires habet, quàm peccatorum. Ca.

*Caput septuagesimum
nonum.*

An, & quomodo alieni
Restitutio iuuet piè defun-
ctorum spiritus.

*Est quidē illa necessaria ad salutē:
sed inter defunctorum suffragia
non ponenda.*

*Defuncti, qui illam vrserunt, non
tam suum, quam viuorum bo-
num quasiuerunt.*

Caput octogesimum.

An, & quomodo Pere-
grinationibus iuuentur piè
defuncti.

*Peregrinationum vsus & antiquis-
simus est:*

& celeberrimus:

& maxime fructuosus:

& cū egregijs virtutib. coniunctus:

& ex voto cum laude suscipitur:

& necessarius, si votum accessit:

& possunt hoc iuari defuncti.

*Si quas tamen debitas defuncti ne-
glexerunt: nō ipsos à calo exclu-
dāt, donec ea dē persoluant, &c.*

*Caput octogesimum
primum.*

An, & qua ratione pur-
gandi spiritus iuuentur Ce-
reis & accenso lumine.

*Non paruus iam Cereorum vsus
apud defunctos:*

Nec olim paruus apud defunctos:

*Et ipse ex Apostolica videtur esse
Traditione:*

Sape ipse pro viuorum est conso-

latione:

*Admonet & viuentes de rebus ma-
gnis.*

*Defunctis quandoque prodest: sed
quando?*

*quando ad cultum Dei pro defun-
ctorum salute accenduntur.*

*Caput octogesimum
secundum.*

In Missæ sacrificio præ re-
liquis plurimum præsidij, ad
iuuandos defunctorum spi-
ritus, posuisse Maiores no-
stros indicant sequentia

*quòd Apostolorum tempore fuerit
in vsu:*

*quòd docuerint hoc offerendum
pro defunctis:*

*quòd crediderint esse ex Apostolica
Traditione:*

quòd noluerint diu differendum:

*quòd omnibus locis, temporibusq;
seruarint:*

quòd dormitionis dies repetierint:

*quòd seruarint tertios, nonos, &c.
dies obitus:*

*quòd non facilè hoc defunctis ne-
garint:*

*quòd hoc priuari magnam pœnam
crediderint:*

*quòd testati sint singulariter pro-
desse defunctis:*

*quòd hoc subuenerint amicissi-
mis:*

*quòd hoc expetierint & pro se &
suis:*

*quòd præ cæteris commenda-
rint.*

SEQVUNTUR MODI,
quib. contra molestias spi-
rituum hominum dam-
natorum agitur.

Caput octogesimum
tertium.

Non deesse rationem vi-
uentibus, qua se liberent à
molestia, quam afferunt spi-
ritus hominum damnato-
rum. Id docent

Conditio horum Spirituum:

Conditio Christianorum:

Illi, qui cū molestijs his concurrūt:

qui sunt animæ defunctorum:

Damones:

Deus Opt. Max.

Caput octogesimum
quartum.

Non valere contra spiri-
tus damnatorum hominū
illas rationes, quibus viuen-
tes se expediunt à molestijs,
quas afferunt spiritus pur-
gandi.

*quia nō molesti sunt ipsi ob aliquod
bonum. Nam*

*& mox à morte rapiuntur ad sup-
plicia:*

*& mox à morte Iudicis fertur
sententia:*

*nec spes, quod finis sit vnquam sup-
pliciorum:*

*nec dubitare licet de sententia Iu-
dicis.*

deinde quamuis ipsi molesti essent

*ob bonum obtinendum, nobis t-
amen illa rationes prohibita:
quia quod his spiri:ibus subuenire
non possumus: scimus Scripturis
varijs edocti:*

*consensu Ecclesie:
doctrina Doctorum Ecclesia, &c.*

Caput octogesimum
quintum:

Eisdem rationibus pro-
scribi spiritus hominum
damnatorum, quibus Dæ-
mones. Nam

*& Deum oderunt, multas ob cau-
sas:*

*& quidquid ad Deum pertinet o-
derunt:*

*& pertinent ad Deum omnia, qui-
bus proscribuntur Damones:*

*& sine Damonibus ipsi molesti non
sunt.*

Caput octogesimum
sexium.

An sepultura defunctis
exhibita, prohibeat ipso-
rum spiritus redire ad vi-
uos.

*Non dubium spiritus expetere se-
pulturam suorum corporum: &*

*Eandem negatam cedere ad con-
tumeliam defunctorum, &*

*Quosdam ob delicta priuari ea-
dem: &*

Eandem olim sanctam habitam.

*Sed tamen, falsum, eandem nega-
tam spiritus prohibere quiesce-
re, quamuis quidam spiritus il-
lam vrsent.*

Caput

Caput octogessimum

septimum.

An ob Censuram Excommunicationis quidam spiritus errent inter viuos: nec possint quiescere, donec absoluantur ab eadem.

Censura hac plurimum obest uiuentibus:

Obest & defunctis, in tribus:

Non tamen necesse est eosdem errare inter viuos ob illam:

possunt tamen quandoq; errare:

possunt & post mortem absolui ab illa:

Caput octogessimum

octauum.

Quænam ratio seruanda in locis à Spirituum molestijs vindicandis, quando ignoratur, per quos Spiritus loca sint infesta.

Non primo exorcismi adhibendi:

Adhibendi modi, quib. agitur contra Spiritus purgandos:

In illis aliquamdiu hærendum:

post hos Res consecrata admouenda:

ultimum locum Exorcismus habeat.

Idem repetendus sapius etiam si necesse.

Caput octogessimum

nonum.

De Efficacitate dictorum

modorum, & cur non semper effectum consequantur.

Modi, qui purgandis spiritus seruiunt plerumq; sunt efficaces,

Modi, quibus contra malos Spiritus agitur non item. Cuius ratio. voluntas Dei, in spiritibus hominum damnatorum:

voluntas Dei, & Spirituum; in spiritibus Demoniorum.

DE RATIONE, QUAE liberantur loca infesta propter homines, à molestijs spirituum.

Caput nonagesimum.

An iisdem rationibus agendum contra spiritus, qui certos homines persequuntur, quibus oppugnantur illi, qui loca infestant certa.

Non agendum.

Et alijs mali, alijs boni se debent liberare.

Caput nonagesimum

primum.

Qua ratione à molestia liberi esse possunt, qui propter peccata, quæ commiserunt patiuntur spirituum infestationes.

Possunt esse.

cessatione à peccando:

peccati depositione:

dolore de peccato:

proposito melioris vitæ:

Confessione &c.

(:)(:)(:)(:)(-) 3

r/w

I N D E X.

*usu sacramenti Eucharistia:
virtutum studio:
inuocatione Sanctorum:
& sequentibus, in Cap. 92.*

Caput nonagesimum secundum.

Qua ratione boni & probi
homines se à molestia spiri-
tuum possint liberare.

*possunt primò iam dictis
deinde oratione communi Ecclesia:
usu item rerum consecratarum:
reliquis Sanctorum:*

exorcismis.

Caput nonagesimum tertium.

Communis quædam ra-
tio, qua à persequentium
Spirituum damnatorū mo-
lestia, tam probi quam im-
probi liberantur.

Hæc nititur

Locis sacris sine consecratis:

*Hominum frequentia & societate:
presentia luminis.*

INDEX SIVE ELENCHVS CAPITVM LIBELLI TERTII, QVI EST DE Nocturnis Tumultibus & Terrificationibus, quæ mor- tes hominum solent portendere, cum bre- uibus Summarijs.

Caput primum.

Ostenditur Terricula-
menta hæc nec à Deo esse,
nec eorum animabus, quo-
rum mortem significant.

*Non à Deo; quia illo indigna:
nec se solo quidquam ferè fa-
cit.*

*Non ab animabus:
tum quia illa non deserunt corpo-*

ra:

tum, quia de ipsis nihil sciunt:

*tum, quia non possunt plerag³ præ-
stare.*

Caput secundum.

Docetur eadem non
posse ab humuncionibus
quibusdam, medijs inter
bruta & homines excita-
ri.

*tum quia ille nequeunt mortes
præ-*

I N D E X.

præscire:
 tum quia nequeunt efficere omnia,
 quæ percipiuntur:
 tum quia non possunt ipsi pluribus
 locis esse.
 Sed nec sunt tales homunciones.
 ubi enim degunt?
 quomodo produciuntur?
 qua ratione vitam sustentant?
 quam tandem vitam viuunt?

Caput tertium.

Demonstratur nec exci-
 tari Terriculamenta illa, &
 tumultus à spiritibus homi-
 num defunctorum.

*quia ab officio Spirituum homi-
 num sunt aliena:
 nec Spiritus hi mortes possunt præ-
 scire.*

Caput quartum.

Non esse illa ab anima-
 bus puerorum, qui cum so-
 lo originali hinc discedunt.

*nec enim inter homines illi ver-
 santur:*

*nec mortes hominum præsciunt.
 nec per ipsos semper possunt fie-
 ri,*

*quia coniuncta sunt cum his Ter-
 riculamentis.*

Caput quintum.

Terriculamenta & Tu-
 multus illos nocturnos non
 habere auctores bonos An-
 gelos.

*Neque enim his ideo debent tri-
 buti, quasi hominem ad felicem
 mortem velint disponi.*

tum quia incerta mortis signa:

*tum quia incertum quorum mortis
 signa.*

*tum quia alijs locis audiuntur, quã
 ubi mors accidit:*

*tum quia sæpè cum ipsa morte con-
 iuncta:*

*tum quia coniuncta cum morte de-
 speratorum hominum:*

*Neque tribui etiam, quasi ipso-
 rum officio & conditioni con-
 ueniant.*

*tum quia ipsis hæc non mandantur
 à Deo:*

*tum quia scripturæ horum inter
 varia Angelorum officia non
 meminit.*

*tum quia sine leuitate aliquando
 non perficiuntur.*

Caput sextum.

A malis spiritibus Tu-
 multus dictos excitari.

à quibus enim alijs?

*sed & possunt hi præstare omnia,
 quæ ad ipsos requiruntur, &
 libenter in his rebus occupan-
 tur.*

Caput septimum.

Tumultus & Terricula-
 menta excitari à Dæmoni,
 bus ordinis inferioris.

Ad

I N D E X.

*Ad hos enim pertinent occupatio-
nes minoris momenti, ut sunt hi
Tumultus:*

*forſitan & ob delicti leuitatem hi
iſſi ſtribuuntur præ cæteris.*

Caput octauum.

*Ab inferiorum ordinum
Dæmonibus illis qui ſingu-
lorum hominum quaſi pro-
prij ſunt excitari Tumulus
illos.*

Nam nihil hic abſurdi ſequitur:

*& ipſi mortes hominum poſſunt
præſcire:*

*& poſſunt facere qua fieri audiun-
tur:*

*Porro eſſe tales Dæmones docent
Gentiles,*

Chriſtianorum plures,

Communis opinio.

rationes non parua.

Caput nonum.

*Cenſura in præcedentia
de Terriculamentis Capita.
qua docetur ipſa excitari*

*quandoq; non à proprijs Dæmoni-
bus:*

*quandoq; etiam à ſuperiorum or-
dinum.*

quandoq; etiam à bonis Angelis.

Caput decimum.

*Definibus, qui Dæmoni-
bus propoſiti ſunt in his
Terrificationibus. Hi ſunt*

*terrores,
indiciũ iſtantis mortis,
fidei apud homines conciliatio,
error in hominum mentibus.*

Caput undecimum

*De effectis nocturnorum
Tumultuum diabolicarum
Terrificationum.*

Signa ſunt mortis:

fallunt tamen quandoq;

*mortem verò non adferunt, aut ef-
ficiunt.*

Caput duodecimum.

*Inquiritur modus, quo
Tumulus excitantur.*

Excitantur verò.

nunc per aſſumpta corpora:

nunc ſine aſſumptis corporibus;

aëris beneficio:

virtute mouendi Dæmonum.

Caput decimum tertium.

*De Locis atque Tempori-
bus, quibus audiuntur & ex-
citantur Terrificationes.*

Loca ſunt ubi moratur homo:

ubi eius amici:

ubi poſſeſſionem eiꝰdem:

ubi quidquam fecit:

ubi funeralia parantur:

ubi corpus ſepelitur.

*Tempora, ut plurimum ſunt
meridies:*

intempeſta nox.

ISAGOGE IN
QVADRIPARTITAM
DISPV TATIONEM
DE DAEMONIACIS.

Status & summa Disputationis.



INTER hostes, quos humanum genus, nec paucos, nec paruos habet, haud postremus est Diabolus: vt non immeritò Apostolus Petrus, quodam loco, ipsum Leoni rugienti comparuerit: & dixerit circuire, ac studiose querere, quem deuoret. 1. 1. Pet. 5.

Tantis autem is nos machinis oppugnat, vt nulla quasi sint, & dicantur molestia quæ ab alijs, quamuis continuò nos infestantibus, 2. Ephes. 6. offeruntur. Non est nobis, inquit alius Apostolus, colluctatio aduersus carnem & sanguinem, sed aduersus Principes & Potestates; aduersus mundi Rectores, tenebrarum harum, contra spiritualia nequitia in caelestibus.

Sape hic hostis homines afflixit: sape artibus suis circumuenit: sape potentia prostrauit, & ad miserimas condiciones compulit. Id ex pluribus, vnum illud exemplum clarius demonstrat, quo primis humani generis, post Deum 3. Gen. 3. authoribus, grauis ruina causa extitit.

Quantis enim in vno hoc congressu, primos illos homines, quinimo vniuersum hominum genus, bonis priuauit? quanta mala aduexit? Et leuia illa damna censerì possent, si corporibus tantum essent allata: at non corporibus solum, etiam animabus plurimum versipellis incommodauit. 4.

Porro veterator, vt est potentissimus, ita solertissimus. Non vno tantum, sed multis modis nouit imponere & incommodare: nunc quidem exterius, 5. nunc verò interius. Nunc aggreditur arcem mentis, & vel praua suggerit, atque ad perversa trahit, vel ne rectum sequatur impedit: nunc in bona ex-

terna, qua fortuna dicuntur, impetum facit, usque spoliat: nunc sauit in corpus, & miseris modis illud affligit.

6. Hac verò partim per se efficit, partim per socios, quos fidelissimos habet, & promptissimos. Modò noceat, sufficit vtrum per se, an per alios, nec curat, nec ita magnificat.
7. In vno tamen, quo hominum generi admodum molestus est, nullius alterius opera vitur; sed quidquid propemodum molestiarum percipitur, eius opera studio & industria affertur. In quo verò? Cum hominem αὐτοπροσώπως ingreditur, obsidet, & miserum mortalibus spectaculum exhibet. De quo, quia haud pauca, non tam curiosam, qua utilem habent quaestionem, praesens Disputatio instituitur.
8. Totum autem argumentum ad quatuor summa Capita reuocabitur. Primum ad ipsos Spiritus, qui homines obsident, pertinebit: Alterum ad eos, qui à Spiritibus obsidentur & vexantur. Tertium versabitur circa modos & rationes, quibus ab hominibus Spiritus expelluntur, & profligantur. Quartum Spirituum eorundem egressum, & qua cum eodem coniuncta sunt, discutiet.

PRIMA

DISPUTATIONIS, IN QVA
DAEMONVM OBSIDENTIVM CON.

ditio, operationes, atque in Obsessos potestas; modi
item, quibus homines affligunt, & his si-
milia explicantur.

CAPVT I.

Dæmones verè ingredi quosdam homines, illosq; obsidere.

M Agnam admodum, & copiosam materiam primum Caput,
quod in hac Disputationis parte tractandum est, suppeditat. Quæritur enim, Verène Dæmones obsideant homines:
& quid illud sit: Quæritur, quomodo obsideant; & quid
in obsessis hominibus efficiant atque operentur: Quæritur, qua
parte ingrediantur; & ingressi iam, latitent. Præterea, quorum sint
Ordinum, qui in hoc genere occupantur: quod item vnum homi-
nem ingrediantur, cuiusque imperio: Denique quos ob fines, mise-
ros mortales obsideant atque excrucient.

10. Quod maligni Spiritus homines ingrediantur, & obsideant,
negare non potest, qui sensibus, quos habet, non putat habendam
fidem & omnem præteritorum temporum negandam historiam:
& quæ sacris literis continentur, in dubium reuocanda.

11. Videmus haud rarò quosdam à dæmonibus vexari; atque hu-
manæ miseriæ imaginem, & diabolicæ crudelitatis illustre exemplum
præbere. Videmus eosdem à dæmonibus, Christi virtute liberari:
Videmus ijs argumentis, & Diaboli in hominibus inhabitationem;
& eiusdem ex hominibus egressum confirmari, vt maiora homo pru-
dens petere non possit.

12. Quot præterita secula hic exempla suppeditant? Nulla referi-
mus: quia, quæ alijs præferenda sint, ignoramus. Vix Sanctus aliquis
dininorum prodigiorum patratiōe illustris est, qui huius, vel dæ-
monum ex corporibus extractione, vel scriptis libris, vel alia aliqua
ratione, argumentum non præbeat.

13. Sed egregiè hanc rem Sacræ literæ confirmant. Ostendunt illæ
hanc receptissimam apud Iudæos fuisse opinionem, vt crederent
homines à dæmonibus possideri posse. Docent non aliud sensisse
Christum Dominum eundemque pro hac, magna argumenta sub-
ministrasse. Demonstrant posterioribus temporibus hac Diabolum
potestate in homines vsurum. Denique probant Apostolos dæmo-
nibus in obsessis hominibus terrori fuisse, exitumque imperasse.

14. Iudæorum opinionem prodit ipsorum oratio, qua Christo Domino, per summam contumeliam, obijciunt; quod dæmonium habeat. Nonne bene dicimus te, inquit, quia Samaritanus es tu, & dæmonium habes? Ab hac non discedit illa ipsorum eorundem: *Ion. 8.* In principe dæmoniorum eiecit dæmonia; & illa: Quid ipsum auditis, dæmonium habet. Atque ita quidem Christi hostes, viri alioquin non ignorantes. Cum his sentiunt, quicumque dæmoniacos ad Christum, ut curarentur, afferebant. *Lucæ II.*

15. Christi sententiam primum declarat regula siue ratio, quam in quibusdam dæmonibus eiiciendis vult obseruari: quæ est, ut cum oratione coniungatur ieiunium: Hoc genus dæmoniorum, inquit, non eiicitur nisi in ieiunio & oratione. Declarat deinde ad iam dictas calumnias & criminationes placida responsio. Neque enim negat fieri posse, ut diaboli homines ingrediantur, (qua responsione omnem facile à se contumeliam depulisset) admittit id fieri posse: se ab iisdem obsessum & occupatum negat: negat se in Principe dæmoniorum Beelzebub dæmonia eiicere. *Ioan. 10.*

16. Maius his argumentum est, quod plurimos dæmones ipsis, dum communem nobiscum in terra vitam ageret, profligarit ex humanis corporibus: Neque vno id, sed pluribus locis: diuersis etiam, & non vna, apud omnes ratione: ipsis quoque dæmonibus clamantibus, & testificantibus vim sibi fieri, & suis domicilijs atque sedibus se pelli. *Matth. 12.*

17. Futurum etiam denunciat, quod posterioribus, & sequentibus temporibus hanc, in humana corpora, dæmones potestatem essent habituri. Quando verò? Dum Apostolos mittit in orbem terrarum, cum potestate dæmones expugnandi: dum docet venturos in nouissimo die, qui sibi aditum ad cælum patere volent. propterea; quod dæmonia eiecerint: dum asserit doctrinam suam, in vniuerso orbe, dæmonum ab obsessis corporibus expulsionem, confirmatum iri: Signa, inquit, eos, qui crediderint, hæc sequentur: In nomine meo dæmonia eiicient, linguis loquentur nouis, &c. *15. 17.*

18. Ad hunc Iudæorum sensum & consensum: ad Christi facta, iudicium, & promissiones, accedit exemplum Apostolorum. Non se ipsis à Domino data potestas dæmones eiicendi. Sed & dæmones per ipsos eiectiones fuisse hæc eorundem declarat oratio: Domine, etiam in nomine tuo subiiciuntur nobis dæmonia. *Marc. 1. 3.*

19. Plura pro hac re argumenta nemo desiderat. Forsitan etiam tot à nobis allata, præsertim in re clara, molesta sunt. Veruntamen molesta esse non debent: tum quia ex sacris literis, quarum auctoritas

maxima

maxima est, petita sunt: tum quia fortè necessaria sunt propter eos; qui, nescio quibus naturalibus morbis homines laborare existimant, quando à Dæmonibus possidentur, & cruciantur. In horum numero non postremas obtinet Levinus Lemnius, lib. 2. de occultis naturæ, cap. 2.

20. Horum temeritas iam dictis argumentis potest redargui. Possunt quoque idem interrogari; quoniam morbos existimant, qui ut futura, homines prædicant; absentia tanquam præsentia referant; pègrinis loquantur linguis; efficere valeant. An morborum naturalium hi effectus? Nequaquam. Opera sunt Dæmonum; qui in hominibus latitant. Sed pluribus opus non est. Id constitutum posse Dæmones humana corpora ingredi, hominibus obsidere. Nunc reliqua prosequamur.

CAPVT II.

Ad hominum à dæmonibus obsidionem duo esse necessaria.



Vod alijs in rebus accidit, ut ipsas esse sciamus ignoremus tamen plerunque quid sint; idem pluribus in hoc argumento contrigit; ut scilicet sciant dæmones homines quosdam obsidere; nesciant tamen quid illud ipsum sit, siue in quo ratio, quia homines obsidere dæmones dicuntur, consistat. Hæc igitur inquirenda.

22. Ego verò duo plerunque necessaria esse dixerim. Vnum est, ut in hominibus ipsis dæmones sint: Alterum; ut etiam potestatem quandam in eosdem acciperint. Horum si alterum desit, non bene homines à dæmonibus obsideri dixerimus.

23. Vtrumque ex ijs, qui in Sacris litteris Obsessi leguntur, colligere licebit. Prius probat; quod dicantur dæmonia homines intrasse, & ex ijsdem eiecta: Posterius; quod eosdem vexarint: reddiderint *Matth. 13. 15. 17. & 18.* mutos, cæcos, surdos: atque nunc in aquam, nunc in ignem præcipitarint; nunc per agros atque montes agitarint: Illa non bene dicuntur, si non in hominibus dæmones fuerint: hæc omnino confirmant ipsos in Obsessos potestatem aliquam habuisse.

24. Porro ad prius illud non sufficit, ut eo modo in hominibus sint dæmones, quo res quæ tam alicubi esse dicuntur ubi aut ipsarum virtus est, aut ipsæ operantur. Multis rebus sic adsunt & insunt dæmones quas tamen Obsessos esse nullus dixerit, requiritur ut reuera, atque adeo *δυνάμεις* adsint, & insint.

25. Sed tamen quia modi, quibus quædam alijs insunt, v. r. ij sunt; quædam enim insunt, ut accidentia suis subiectis: quædam, ut partes

fuis totis : quædam, vt tota quædam, & absoluta, alicui supposito: quædam, vt motores ijs quæ mouent) quomodo dæmones hominibus obsessis inesse credendi sunt.

26. Non insunt, vt accidentia suis subiectis. Neque enim accidentia sunt hi Spiritus. sunt veræ, & perfectæ substantiæ: atque adeo omnibus omninò his inferioribus perfectiores.

27. Non insunt, vt partes suis totis, & compositis. Hominisue partem aliquam esse dicemus dæmonium obsidens? Quam quæso? corpus, an animam? Tot enim, & non pluribus, partibus homo constat. Corporis locum supplere nullus dixerit: Vt animæ vices gerat fieri nequit: nisi animam prius è corpore migrare dicamus, atque adeo hominem ipsum esse definere; quàm dæmonium adueniat; quamuis nec tum verè hominis partem dæmonium dixeris.

28. Credi etiam non debet, duas hic perfectas naturas concurrere, atque in vna hypostasi recipi. In solo Christo Domino duas naturas, humanam & diuinam, vna hypostasis suscipit. Hoc ipse sibi, diuina dispensatione, proprium vendicat. præterea, quæ hypostasis quam naturam præter suam propriam, hic sustentabit? An hominis Dæmonum? an dæmonum hominis? At priusquam dæmones hominem ingrediantur, & suam ipsi hypostasin habet, & suam habet homo: & quemadmodum nec homo vnquam suam, ita neque suam aliquando dæmones deferent.

29. In hominibus igitur, quos obsident, dæmones sunt, vt motores in corporibus, quæ mouent. ita scilicet, vt nullam corpori hominum qualitatem imprimant: nullum ipsi dent nouum esse: nec propriè vnum quid, cum obsesso homine, constituent.

30. Hoc vnum duorum, quæ necessaria diximus, vt à dæmonibus homines obsessi dici possunt. Veruntamen hoc non sufficit: requiritur deinde, vt potestatem aliquam in eos, in quibus resident, acceperint: eos possint affligere, torquere, vel aliqua alia molestia afficere. Quoniam verò de hac potestate alias plura dicenda sunt, idcirco hoc loco præsens Caput concludimus: si duo Corollarij loco adiecerimus.

31. Primum est, consequi ex dictis, Non omnes eos dici debere à dæmonibus obsessos esse, qui graues ab ijsdem patiuntur persecutiones; non dico in anima solum, aut bonis externis; sed in ipso quoque corpore. Quanta à dæmonibus in corpore perpeffus est Sanctissimus Iob? Quanta Sanctus Anthonius? quanta plurimi Sanctorum aliorum? An idcirco hos à dæmonibus obsessos fuisse dicemus? Quandoquidem primum eorum, quæ hic necessaria diximus, defi-

Cap. 3. 6.

Iob 1.
Arthanas.
in vita
Anthon.

desideratur; hoc est, quia in ijs dæmones sedes suas non habuerunt, sed extra ipsos positi, mala hæc inflixerunt, nequaquam Obsessos fuisse dicendum est.

32. Alterum est, multos Obsessos dici non debere, in quos etiam ipse diabolus ingressus est. Post acceptam buccellam in Iudam ingressus est diabolus, sacra attestante historia: sed tamen non dixerimus facile Iudam Obsessum fuisse. Quid ita? quia non satis est dæmonium hominum intrasse, vt Obsessus dicatur; requiritur præterea, vt in eundem sæuiendi, vel agendi à Deo obtinuerit facultatem.

CAPVT III.

Dæmones non sub extrema, & visibili forma in hominibus esse, quamuis sub specie araneorum & muscarum quandoque conspiciantur.

DVo diximus requiri, vt à dæmonibus homines obsessi dicantur: vt, scilicet, in hominibus ipsi dæmones sint: deinde, vt in homines potestatem quandam acceperint. Quoniam verò vtrunque varijs modis accidere potest, de vtroque quaestio oritur. Ibi quaeritur, An sub spectabili forma, & specie corporea sint in hominibus hic, Quam & quantam potestatem in homines accipiant.

34. Quamuis enim (vt primum illud priori loco absoluiamus) dæmones spiritus sint, & corpora non habeant: quia tamen corpora assumere valeant, & nonnunquam sub muscarum, & araneorum forma in obsessorum ore conspiciuntur; in alijs etiam corporis humani partibus quandoque tuber quoddam excitant, sub corporea forma homines obsidere quibusdam existimantur.

35. Verum corpus hic non necessario assumunt dæmones. Quam enim ob causam assumerent? Ingreddiantur, vt homines affligant & molesti sint: quid hic opus est assumpto corpore? Fortè non nisi in assumpto corpore possunt molestias parere? Nihil ipsos hic corpus iuuat. Quidquid possunt, & faciunt; virtute sibi indita, absque corporis subsidio, perficiunt.

36. Interim quamuis necessarium non est, vt corpora assumant, si tamen velint, assumere possunt. Possunt sub specie aranei, aut muscæ in hominibus latere; paruitas corporis, quod assumerent, nihil hic impedit. Vt sub hominis; ita sub muscæ atque aranei; ita sub specie cuiuscunque animalis, etiam musca aut araneo minoris, valent latere.

37. Hæc igitur possunt dæmones. Vtrum verò semper, muscæ aut araneorum corpus assumpserint, dum animalcula hæc in Obsessorum ore conspecta sunt, definiri vix potest. Esto hæc ipsi animalia fecerint,

fecerint, & agant, necesse tamen non est, ut in illis semper latitent. possunt ijs assistere, & extra ipsa positi, quo libet impellere.

38. Atque, ut, quod sentio, dicam, putare in has muscas, atque hos araneos, nec sponte à Dæmonibus fieri; nec ipsos, nisi inuitos & coactos iisdem sæpe, vel assistere, vel inesse: sed Dei mandato cogi, ut similia animalcula & forment, & vel in ipsis latitent, vel præsentiam suam per illa testentur.

39. Huius rei illud non leue argumentum dixerim, quòd prope modum in solis Exorcismis, hisce suam præsentiam prodant, & suū ex hominibus egressum, horum recessu, testentur. Quid verò? An non, si aliàs vnquam, tum maximè, ut lateant, desiderare existimandi sunt? An fortè ab hominibus exire cupiunt, ut hac ratione discessum suum manifestare velint? Si aliàs vnquam, tum maximè latere desiderant. Ne pellantur suis sedibus; aut expulsi videantur, vehementer adlaborant. Quos igitur araneos aut muscas notamus? eos, quamuis Dæmonum opera, Dei tamen mandato adesse credamus.

40. Eodem Dei mandato fieri crediderim, ut sordida hæc, & hominum generi inuisa animalcula assumant, & exhibeant. Facit hoc Deus ad Spiritus illos confundendos: Facit ad homines instruendos. Intelligunt illi peccato suo factum esse, ut sordidissimis animalibus conferantur: Intelligunt hi miserum esse illorum imperio subesse, qui non nisi cum muscis possunt esse molesti; aut cum araneis lethale venenum infundere.

41. Porro si quando in dictis animalculis degunt, non credendum est, in nulla tum alia corporis hominis, qui obsidetur, parte molestos esse posse, quàm ubi animalia illa conspiciuntur. Quamuis, verbì causa, supra, vel infra linguam musca se contineat, qui tamen in musca latitat, Dæmon non linguam solum, verum etiam alia corporis membra potest mouere, agitare, affligere. Id in Obsessis probant nunc ingentes, quos excitant clamores; nunc oculorum in varias partes contorsiones: nunc brachiorum proiectiones: nunc totius corporis motus vehementissimi & inordinatissimi. Maior est, inquiunt Theologi, sphaera actiuitatis Dæmonum, quàm præsentia substantialis.

CAP. IV.

Dæmones, dum homines obsident, in corpora potissimum potestatem habere & exercere.

Quamnam Dæmonum in homines, qui obsidentur, potestas sit: & quanta illa sit, nunc inquirendum est. Ibi quæritur ad quidnam hominis, eorundem potestas se extendit: hic, Vtrū quantum valent

DE DAEMONIACIS.

valent hominibus obsessis incommodent, aut incommodare possint. Ad prius hoc Capite, ad posterius sequenti respondetur.

43. Habere dæmones in obsessos potestatem, superius demonstratum est, quia verò duabus partibus illi constant, anima & corpore, vtrum ad animam tantum, an etiam ad corpus, an ad vtriusque hæc se potestas extendat, in quæstionem vocatur.

44. Constitutū hīc primò sit, dæmones incommodare Animæ, quatuor modis posse intelligi. videlicet in ipsa animæ substantia: in eius facultatibus, in habitibus, quibus animæ instructæ sunt, deniq; in operationibus. In substantia animæ, si illam in bruti, aut alicuius bestię transmutent: in facultatibus, si illas tollant, in habitibus, si ipsam animam spoliant: in functionibus, si aut inuitum hominem ad aliquas cogant, aut in proprijs impédiant.

45. Constitutum sit secundò, etiam Copori incommodare, multis modis posse intelligi. Potest siquidē corpus interfici: potest vsu membrorum priuari: potest destitui, qui in ipso resident, sensibus: potest deformari: potest affligi morbi? potest multis & varijs modis excruciarī. Hæc sint constituta.

46. Nunc verò cui parti Dæmones incommodant in misera mortalium obsidione? quæ mala afferunt? Respondemus breuiter, quod res est: In corpora potissimum ipsis potestatem datam esse: In animas nihil aut parum posse: detrimenta tamen quædam animabus afferre. Hæc tria explicemus.

47. In corpora dæmonibus facultatem dari, eorum exemplis, qui obsessi aliquando leguntur, manifestum est. Quotus quisque est, cui non aliquod in corpore detrimentum allatum est? Consulamus sacras literas, docent illæ alios sensibus orbatos, alios nunc in aquam, nunc in ignē præcipitados; alios ita excruciatos, vt, relictis vrbibus & hominum societate, in montibus & desertis locis, veluti bestię quædam feræ, errauerint.

48. Non aliud docet Apostolus Paulus. Cum enim Corinthi quidam fornicationem commisisset, & talem quidem, qualis vix inter gentes reperitur, tradidit eundem Sathanæ Apostolus in interitum, vt ipse loquitur, Carnis, vt Spiritus saluus fieret.

49. Porro animabus hominum obsessorum proprie non incommodare dæmones inductione eorum, quæ ad animas pertinent, liquidum est.

50. Nunquam animos hominum, quos possident, in brutorū formas transmutant, quid quod nec transmutare valeant? Hoc, quia alias demonstratum est, hīc longius persequi necesse non est.

Matth. 12.

15. 17.

Lucæ 4. 3.

9. & 6.

1. Cor. 5.

De prodig.

Apparit.

viuorum.

*Georg. de
Valen. in
1. partem
D. Thom.
diff. 8. q. 6.*

15. Nunquam possum eosdem viribus & facultatibus ipsis congenitis & in generatis priuare. vsque adeò altæ illæ in animabus & firmas radices egerunt; vt propemodum tam sit difficile eas tollere, quam ipsas animas in nihilum redigere.

52. Sic tollere nequeunt habitus, qui in iam dictis sunt facultatibus. Non possunt animas priuare diuinis illis charismatib. fide, spe, & charitate. Non possunt spoliare reliquis virtutibus, siue illæ in voluntate sedes suas habeant, siue intellectu. Ea animarum hominum, illa facultatum earum, & qui in ipsis sunt, habituū conditio est, vt solius Dei merum & absolutum admittant imperium; ipseque solus hic summum ius habeat.

53. Nequeunt etiam renitentes animarum vires ad operandum impellere dæmones. Norunt hoc omnes. Inde verò clarum & manifestum est, quod alioquin ad peccatum, etiam inuitos, mortales nequam spiritus impellerent.

54. Sed tamen (hoc tertio loco probandum erat) dum in corpora sæuiunt Dæmones, quædam etiam ad animas detrimenta perueniunt. vt enim dum corpora benè habent, haud parua ad animas redundant emolumenta: ita afflictis & malè affectis corporibus, sua etiam detrimenta sentiunt animæ.

55. Inter hæc primum est, quod quo tempore in corpora maligni spiritus sæuiunt; animas à virtutum studijs vacare sit necesse: cum pleraq; non nisi corporum ministerio adiutæ, aut profecto corporum molestijs non impeditæ exercere valeant.

56. Deinde, quamuis hominum voluntates per se impellere nequeant, plurimum tamen possunt inclinare, & quoddam quasi pondus, vt malum sequantur, addere: id verò nunc faciunt motus quosdam, quibus facile se voluntas accommodat, in corpore excitando: nunc obiecta, quæ alliciant, sensibus tam internis, quam externis proponendo.

57. Accedit tertium, quod quando sensuum officio priuat (quod haud raro fit) omnibus quoque commodis priuent, quæ sensuum beneficio obtinentur. quot verò & quanta hæc aliquando sunt? Docere hoc potest vnus Evangelicus surdus magno suo detrimento.

58. Quartum est, quod et si habitus virtutum non tollant, frequenter tamen ita debilitent, vt nullam vel exiguam in hominibus functionem habeant. Quod dicimus, in illis maximè habitibus, quos Intellectualiales dicimus, liquet, quāuis enim hi in animæ facultatibus sedes suas habeant, phantasmatū tamen egent ministerio, si actus suos exercere debeant. At in phantasmata plurimū possunt, qui homines occupant.

Euca 11.

DE DAEMONIACIS.

11

cupant, daemones. quid quod omnia quandoque confundant? quandoque etiam magna ex parte tollant. Hæc, Dæmonum in obsessis corporibus potestas. quanta vero?

CAPVT. V.

Finitam & certam potestatem dari daemonibus in obsessorum corpora, & hoc iustas ob causas.

Magnam Dæmonum potestatem esse norunt, qui in Sacris literis etiam mediocriter sunt exercitati. Alicubi sic dicitur: Non est super terram potestas, quæ comparetur ei, qui factus est ut nullum timeat. Omne sublime videt. ipse est Rex super vniuersos filios superbiæ.

60. Veruntamen hanc non semper permittuntur in eos, quos ingrediuntur exercere. Nisi frenum tortoribus iniectum esset, nullus obsessorum salua vita eorū tyrannidem effugeret. Neque enim ipsis deest voluntas & libido extrema damna mortalibus offerendi, neque potestas, aut vires. Cur igitur extrema mala non afferunt? quia afferre non permittuntur. ligatæ ipsorum sunt manus.

61. Et profecto pulchre. Nam neque pro libidine possunt mortales ingredi, Dei hic sententiam & voluntatem expectant. Quemadmodum igitur non nisi Dei facultate obtenta corpora ingrediuntur; ita quoque hominibus, quos ingressi sunt, incommodare plus non valent, quam à Deo Opt. Max. permittitur & præscribitur.

62. Hinc tanta in obsessis hominib. differentia. Quidam grauissima patiuntur tormenta, quemadmodū filia mulieris Cananæ: quidam non ita grauia, ut qui audiendi sensu vel facultate loquendi per daemones priuati leguntur. Sunt qui vno se loco cōtinent; alij nullis locis possunt concludi. Sic hi sunt in se crudeles; illi in alios.

Matth. 9.

Luc. 11.

63. Dæmon qui sanctissimi Iob felicitati inuidebat, non plus potuit, quā à Deo fuit permissus. Sæuijt primū in fortunas Iob, sed sancti viri corp⁹ attingere nequaquā fuit ausus Sæuijt deinde, Deo permittēt, in corpus: sed ne quod damnū animæ afferret prohibitus est.

Iob. 1.

64. Ipsa quoque molestia, quæ hominibus affertur, docet certas daemonibus leges præscribi. Cum enim hic plerunque pæna quædam de peccato sumatur, conuenit, ut quia hæc Deo auctore, pro qualitate delicti exigatur, & patiatur homo; non quantum daemones, desiderarent, sed quantum æquitas postulat.

65. Finita igitur est daemonum in obsessis hominibus potestas. certis legib. astricta est. Tantū possunt, quantum ipsis à Deo permittitur. Quantū verò hoc? Norūt id, qui torquēt, daemones. Nouit, à quo ipsi

potestatem habent, Deus Opt. Max. Ignorant miseri mortales, qui dæmonum carnificium sustinent.

66. Cæterum res hæc singularem Dei erga humanum genus demonstrat prouidentiam, & testatur charitatem; & quidem tum maximè, quando in eos sequiunt Spiritus, qui hoc sibi malum suo vitio compararunt: quamuis enim extremam tyrānidem summo iure in hos exercere possent, non tamen exercere permittuntur; Deo pro amore, quo homines prosequitur, dæmonum ferociam continente.

67. Addit deinde animam miserè afflictis, & obsessis hominibus: facit ut patienter ferant, quas sustinent molestias, quia intelligunt non permittente solum Deo flagella immitti; sed etiam pro eius voluntate temperari: nec plus in homines posse coniuratissimos humanæ salutis hostes, quam magnis iustissimisque de causis à Deo Opt. permittantur.

68. Declarat tertio miseram dæmonum conditionem; qui cum plurimum incommodare valeant; incommodare quoque vehementer desiderent; non tamen permittantur incommodare; sed prorsus ab eius, quem summè oderunt, pendeant voluntate & permisso.

69. Licet denique hinc intelligere, iniustam eorum quærelam, qui dæmonum se astutia & potentia circumueniri causantur, & inuitos ad peccata trahi afferunt. Non permittit clementissimus Deus, ut quantum valent, in corpora sequantur Dæmones: permitteret ut innocentes circumuenirent, & inuitos ad peccatum pertraherent? usque adeo voluntarium est peccatum, ut nisi voluntarium sit, peccatum non sit.

CAPVT VI.

Sextuplicia ferè mala obsessis hominibus per Dæmones posse afferri.

70. **V**aria incommoda & mala humanis corporibus dæmonum studio & opera afferri nemo dubitat. Nos superius horum sex genera annotauimus. Nam vel mortem offerunt, vel membrorum usu priuant, vel aliam homini minimè conuenientem formam procurant, vel sensibus spoliāt, vel affligunt morbis, vel occultis rationibus & modis excruciant.

Cap. 4.

71. Et hæc partim perficiunt, dum homines obsident, partim dum extra homines sunt constituti: & nunc quidem per seipsos, nunc per eos, qui ipsis operas suas locant.

72. Quædam nihilominus frequentius, dum in hominibus latet, operantur: quædam frequentius extra homines positi: quamuis omnia & in hominibus positi; & omnia extra eosdem constituti perficere, tam per se, quam per alios valeant.

73. Nos

73. Nos quæ obsessis mala afferunt assignemus. Hic primum frequentissimumque est, quod occultis quibusdam rationibus, quibus medicorum arte remedium afferri nequit, excruciant & torqueant. *In vita Hilar.* Ita illorum quidam Virginem affixit, cuius B. Hieronymus meminit. Ita illos, quorum quotidie audimus horrendos clamores & videmus summas angustias & difficultates.

74. Alterum est, quod sensibus priuent. Illustre huius exemplum præbent Sacrae literæ in dæmonio muto & surdo, quod Dominus eieciisse legitur. Neque enim credendum est dæmonium mutum fuisse & surdum: mutus & surdus fuisse dæmoniacus, & quidem dæmonij opera, quod mutum & surdum appellatur. *Lucæ 11.*

75. Tertium est, quod naturalem hominum formam interdum destruant, & nescio quam, peregrinam, humanis functionibus minime convenientem, inducât. Et huius exemplum Sacrae literæ superpeditant in muliere, quæ decem & octo annis inclinata incessit, ut sursum respicere prorsus nequiret. *Lucæ 13.*

76. Quartum est, quo imaginationem hominum corrumpant, & ad quandam quasi rabiem adigant, crudelibusque bestiis reddant similes, ut non raro necesse sit vincula miseris adhibere, & compedes, ne vel sibi, vel alijs noceant. ita afflixit dæmonium eos, quos Euangelista refert latitasse in sepulchris, & furore percitos sæuissime nunc in prætereuntes, nunc in seipsos. *Marc. 5.*

77. Quintum est, quod deo quandoque redigant mortales, ut omnino sibi mortem consciscere videantur debere: neque id raro tentent. Simili Spiritu vexabatur, quem S. Marcus refert allisum terræ, foedè spumantem, dentibus stridentem, arescentem: frequenter etiam in ignem & aquam præcipitatum. *Marc. 9.*

68. His sextum malum addiderim, mortem ipsam, quam interdum afferunt. Quid aliud moliebatur, cuius iam dictus Marcus meminit? Procurauit eandem dæmoniū (ut Sigisbertus testatur) quod Gundericum Vandalorum Regem, postquam capta Hispali, Dei templum prophanaturus esset ingressus; inuasit; mox siquidem, iusto Dei iudicio, misere Regem contrucidauit. *In Chron*

79. Hæc præcipua sunt, quæ corporibus obsessorum mala dæmones procurant. Si quæ sunt alia, ad hæc facile reuocantur.

Sed quibus rationibus & modis hæc efficiunt,
id sequenti Capite explicandum.

PARS I. DISPUTAT.
CAPVT VII.

Quinq; propemodum modis Dæmones obsessorum corporibus molestia afferre.



Vemadmodum varijs malis mortalium genus Dæmones solent affligere, ita varias habent rationes & modos, quib; affligunt. Nos, quia de obsidentibus spiritus tantū disputa-
mus, illas solū persequemur, quib; ijs quos obsidēt nocent.

81. His igitur vel per ipsos incommodant absque vllius creaturæ subsidio, vel opera seu ministerio aliquarum creaturarum, quibus li-
benter, vt tanto grauius affligant, vtuntur.

82. Per se illi incommodasse videntur, quorū Sacræ paginæ me-
minerunt: per creaturas etiam, qui nostris temporib; postquam ex
hominib; eiekti fuerunt, vel aciculas, vel crines, vel clauos, vel vi-
trorum partes suæ crudelitatis argumenta reliquerunt, quæ mox
dæmone expulso, illi qui obsessi fuerant, euomuerunt.

83. Posterior hæc ratio rarius apud obsessos locum habet, vsitatio-
est apud eos, quorum opera dæmones vtūtur. Magos loquor & Ma-
leficos. At prior in vsu hīc frequentius est. ideò enim spiritus nequā
ingrediuntur homines, vt per se noceant, per se affligant, per se de-
trimenta humanis corporibus afferant.

84. Quæcunq; verò mala afferunt quinque modis efficere viden-
tur. Phantasie fascinatione, viriū hominis infirmatione, corruptio-
ne organorum, aliquorum membrorum aut distractione, deniq; ue
corporis depletione siue impulsu.

85. Primò modo efficiunt, vt mortales sibi persuadeant, se suos
hostes cernere; cernere cruentas bestias, cernere dæmones, qui mor-
tem & alia velint afferre: iudicent etiam se in bestias conuersos, &
ob id in alios, tanquam feræ crudelissime, sauiant.

86. Viriū infirmatio formā plerunq; hominum destruit & dis-
soluit, quemadmodū enim si illę integre sint, singula suis locis mem-
bra consistunt, & officia exequentur: ita si infirmantur, pulcherrima
hominis constitutio dissoluitur, & ad officia sua præstanda membra
redduntur inepta.

87. Corruptio organorum, sensus qui in organis sunt vel tollit,
vel habet. quoniam sensuum ea ratio est, vt non nisi medijs corpo-
reis organis functiones suas exequantur; quæ cum dæmones per-
dant, non mirum si sensus tollant.

88. Dolorum, quos obsessi quandoq; vehementissimos experiū-
tur, causam nō malè dixerimus membrorū quorundā, quā Spiritus
in certis partibus efficiunt, contractionem & distractionē. Maximos
enim

DE DAEMONIACIS.

enim dolores hac ratione excitari, vel solæ patientes mulieres probant. Posse verò dæmones mēbra contrahere & distrahere non ignorant docti. at contrahere & distrahere id probat, quod non iisdem semper dolores perseuerent: tum illud etiam, quod nulla medicorum arte ijs possit adhiberi remedium.

89. Depulsione denique & impulsu corporum spiritus mala afferunt. Exemplo is sit, quem nunc in ignem, nunc in aquam Euangelista testatur præcipitatum: in quo vexando hanc solam rationem dæmon obseruasse videtur. Marc. 9.

90. His modis à dæmonib. detrimenta hominum corporib. procurantur. Et aliquando hos omnes adhibent, aliquando plures, aliquando pauciores, prout nocere desiderant & possunt, ita modos nocendi assumunt.

CAPVT VIII.

Dæmones nec semper obsessos molestare, nec iisdem semper adesse.

Cum iam dictis proximè coniuncta videtur Quæstio: Vtrum semper, dum corpora obsident dæmones, molesti sint & cruciant: semper etiam in corporibus eorum, quos obsident & resistant. Quæstioni occasionem præbet diuersitas causarum efficientium & agentium. 91

92. Duplicis enim generis agentia sunt: quædam cum ratione agunt, & liberè; quædam sine ratione, & ex necessitate. Hæc ad vnum determinata sunt; illa possunt contraria agere: hæc, quoniam ex necessitate agunt, non possunt non agere; illa, cum agant liberè, possunt nunc agere, nunc actiones suas intermittere.

93. Si in posteriori agentium classe dæmones essent, facilis ad propositam Quæstionem esset responsio: nunc quoniam prioris sunt ordinis, & liberè agunt, non ita facilis; præsertim si de facto, sit quæstio: Nam si de Spirituum potestate agatur, non ita magna difficultas.

94. Atq; vt de potestate dæmonum hoc obiter dicatur, dubium non est, quin omni, quo sunt in homine, tempore molesti esse valeant & desiderent. Non ipsis deest nocendi libido; non desunt vires: & quæ in nobis exercitio atq; actuum frequentatione fatigantur & franguntur, ne continuas actiones exerceant, illæ nequaquam in dæmonibus languescunt, aut definiunt.

95. Sic dubium nō est, posse ipsos corpora, quæ inhabitant, ad tempus deferere. Fanta ipsorum cū corporibus vnio non est, quanta animorum cū suis corporibus. In corporibus non nisi, vt motores quidā sunt, quocirca facilè ipsis est, tam ingredi corpora, quam deferere.

96. Verum quemadmodū diximus de potestate præsens Quæstio nō est; queritur, vtrū quod possunt, faciant, vtrum inquā à curciatu

miserorum, in quibus sedes suas collocarunt, aliquando desistant: atque vtrum eosdem nonnunquam ad tempus planè deserant, & postmodum domicilia sua repetant.

97. A cruciatu quandoque desistere certum est. Videmus nonnūquam nihil prorsus molestiarū demoniacos perpeti: videmus eosdem nihil ab ijs, qui à dæmonum infestatione liberrimi sunt, differre: Ipsi quoque se nihil pati palam testātur haud raro. quocirca si nostris sensibus nolumus, ipsorum confessioni fidem adhibeamus.

98. Sed neque Deus permittit, vt semper affligant. Sæpè ille iustitiam suam misericordia temperat. dum iustus est, non obliuiscitur misericordiæ. Adde, quod nec tantæ hominum vires sunt, vt continuos dæmonum infestationes & molestias ferre valeant. Quid, quod ipsi Spiritus non velint semper molesti esse? ne scilicet continuata vexatione vitam obsessorum abbreviant & sedes suas, quod egerime faciunt, relinquere cogantur. Hoc de cruciatu.

99. Difficilius fit, vt ad tempus homines deserant maligni Spiritus: sed tamen fieri quandoque subiecta historia docemus. Quo die Martinus Lutherus ex hac vita discessit, dæmoniaci, qui Gheolæ (Brabantiae oppidum est) plurimi erant, & patrocinio S. Dymnæ, (quod iam multi multis annis experti erant) libertatem expectabāt, omnes à dæmonibus liberati sunt, & non ita multo post, ab iisdem rursus occupati. Res hæc obscura non est. Siquidem postera die, cum miseros homines rursus crudeles spiritus torquerent, interrogati; vbi pridie delituissent; responderunt, se mandato Principis sui, ad noui Prophetæ & fidelis cooperarij Lutheri funus euocatos fuisse, eidemque interfuisse. Confirmavit hanc rem Lutheri famulus, qui miserè morienti affuit, & cum per fenestram, auræ capiendæ gratia, aspiceret, non sine magno terrore vidit, non semel, plurimos terribios spiritus, haud procul inde saltantes & choreas agentes. Confirmant corui, qui Lutheri corpus, cum Illebio VVittenbergam deferretur, magno clamore comitati sunt. Vide Bredenbach. Collat. lib. 7. cap. 39. Simile quid de Brunone, Pincerna Comitis de Monte, legimus. Nam & eius funeri Dæmones, qui obsessos ad tempus reliquerant, interfuisse dicuntur.

Casirius
lib. 12. cap.
10.

CAPVT IX.

Per quam partem Spiritus nequam homines obsessos ingrediantur.

100.

QVI Dæmones corpora quædam, quamuis tenuia, habere credunt, necesse habent asserere, esse quosdam in homine meatus, per quos ingrediantur, & præterea certa quædam loca, vbi iam in-

gressi commorentur, & sedes habeant. Naturæ enim iura non permittunt, ut se duo corpora penetrent: eadem etiam postulant, ut certum definitumque locum omnia obtineant.

101. Qui ipsis nulla corpora (quæ probabilior Doctorum sententia est) tribuunt; quamvis ad easdem, cum prioribus, leges non astringantur, quia tamen dæmones in ipsis hominibus constituunt, qui aliquando in hominibus non fuerunt, qua via ingressi sint, & quo in angulo iam ingressi latitent, etiā docere debent. Neque enim mens humana capere posse videtur, ut in homines Spiritus ingressi dicantur, & nulla ijs via fuerit, per quam ingressi sint, atque item, ut in hominibus esse dicantur, & nullus, ubi degant, locus assignari valeat.

102. Ingressum primum scrutemur. Sunt qui existimant ipsos per os corpora hominum ingredi: fortè hinc persuasi, quod, apud non ignobiles auctores, haud raro legamus, ipsos, una cum cibo aut potu, in quo latuerunt, haustos esse, & mox magna tyrannidis suæ in miseris hominibus exempla dedisse.

103. Nec desunt, qui hinc perfectam volunt consuetudinem, quæ apud Catholicos est, ut si quando oscitent, os signo crucis muniant, quasi hac crucifignatione dæmonum in corpora ingressus prohibeatur.

104. Hos confirmat, quod in Exorcismis, quādo dæmones ex corporibus eijciuntur, sæpè sub muscæ aut aranei specie os egrediantur. Ita enim indicant, quod idem illum ostium ad ingrediendum & egrediendum patere debeat.

105. Rationes hæc quamvis magnum robur non habeant, non prorsus tamen nullæ sunt. Certum est aliquando dæmones per os in homines intrasse: certum quoque est reprehendi non debere multis annis receptam Catholicorum crucifignationem: certum denique per os sæpè egressos esse, quapropter non omninò malè opinari dicendi sunt, qui eosdem per os in homines ingredi existimant.

106. Sed tamen aliam nullam viam spiritibus patere credendum non est. Sicuti per os; ita per quemcunque meatum, atque adeò per tenuissimos, & vix perceptibiles poros, humana corpora possunt intrare, & ingrediuntur non raro.

107. Quid quod nec poris quidē in ingressu indigent? quid quod etiam appositis corporibus eorum aditus non prohibeatur? quid quod nihil possit esse tam vastū & firmū, quod non penetrare absque difficultate & molestia valeant? Hæc Spiritum (in quorum ordine dæmones sunt) conditio est, ut obiectis corporibus, nec virtus ipsorum, nec præsentia, nec operatio retardari aut impediri queat.

In qua hominum obsessorum parte Dæmones latitent, & sedes suas habeant.

108.



Va via obsessos maligni Spiritus ingrediantur, constitutum est: vbi ingressi latitent inquirendum. Hic vbi principio quid fieri possit exposuerimus, tum quid plerumq; accidere putemus, aperiemus.

109. Potest fieri, vt totum hominis corpus obsideant dæmones; ita videlicet, vt extra nullam corporis, quod obsident, sint partem, & in quacunque corporis sint parte: sint in capite, in brachijs, in ventre, in tibijs, &c. Mirum hoc non est, quemadmodum anima hominis, ita se dæmones habent in corpore: quamuis interim alias dæmones, alias anima habeat operationes, arctius etiam cum corpore anima, quam dæmones coniungantur.

110 Fieri etiam potest, vt in vno aliquo sint hominis membro, capite scilicet, brachijs, tibia, pectore. Atque hoc ab ipsa qua corpus viuit anima differunt. Illa quia omnes corporis partes viuificat, omnibus debet esse coniuncta: Dæmones, quoniam corporibus vitam non conferunt, sed motum tantummodo, in vna aliqua corporum parte sedes suas habere possunt.

111. Sed nec membris indigent, in quibus resideant. Possunt sub quacunque etiam minima atque adeò vix perceptibili hominis parte latere; & quidem illi spiritus, qui maxima aliquando vastissimaque corpora possiderunt. Nec hoc nouum. Nonne eadem hominis anima est, quæ nunc in minimo corpore, cum primâ vitam homo accipit, latet; nunc vegetat vastum, & per omnes maximi corporis partes, vt ita dicam, diffusa est.

112. Hæc fieri possunt omnia. Quid porrò sit? in qua hominis obsessi parte dæmones latitant? Difficile id est asserere. Si ex aliquo, profecto ex operationibus, quas in hominibus exercent, posset deprehendi: Verumtamen hinc certum argumentum sumi nequit. quare? quia necesse nō est, vt vbi operantur, ibi sint *ἀπορροή*; ipsi spiritus possunt hoc loco existere; & alio operari. Alia est Sphæra actiuitatis Dæmonum, alia præsentia.

113. Igitur si tuber in aliqua hominis parte excitant, si obsessorum linguam protrudant: si molestia hæc vel illud membrum, afficiant, non mox ibi spiritus esse necesse est dicere. Omnia hæc dæmonum virtute fieri possunt, quæ ad plura, quâ ipsorum se præsentia extendit.

114. Similiter dum aranei, aut muscæ in obsessorum ore conspiciuntur.

ciuntur, non ita ijsdem dæmones includimus, vt extra illa non sint. Possunt hæc animalcula producere, & in ijs latere: possunt quoque extra ipsa subsistere, & nihilominus quolibet, impellere.

115. Porro quamuis hic certò constitui nihil possit: non sine ratione tamē illos loqui dixerim. qui in corde, vel haud procul à corde, eos sedes suas plerunque habere arbitrantur.

116. Ratio huius ex duobus pendet: Ex dæmonum fine, & cordis humani conditione. Finis dæmonum est homines mouere atq; excitare: (Nam quæcunque in corpora possunt, illa propemodum motu locali efficiunt.) Conditio cordis humani est, vt sit principium actionum omnium. Ergo cum sedes suas eò loci dæmones cōstitueret credi possit, vbi facili negotio, corpus humanū, quocunq; libuerit, valeant impellere, in corde à quo omnis motus, aut certe haud procul à corde, ipsos domiciliū suū habere, dici nō incongrue videtur.

117. Nonne quod in naui est Nauclerus, id in obsessis corporibus sunt dæmones? At verò Nauclerus in ea se nauis parte cōstituit, vbi nauis commodissimè impelli potest. In illa igitur hominis parte dæmones erunt, in qua cōstituti, hominis corpus, quo lubebit, poterūt facilius impellere.

118. Præterea non hoc propositum tātum dæmonibus est, vt pro libidine hominum corpora cieant etiam in proprijs, sibi que naturalibus operationibus impedire conantur, atque adedò impediunt. Vbi igitur iustius sedes suas habebunt, quam vbi illas impedire commodissimè possunt? at possunt commodissimè, si cor quod operationum omnium principium est, possideant.

119. Norunt omnes & hoc dæmonum esse studium, vt Deo, quantum fieri potest sint similes. Petent igitur, quod Deus maximè desiderat. quod illud? Cor hominis. Fili, inquit alicubi, prebe mihi cor tuum.

Prou. 23.

120. Dicuntur hæc, vt videtur, cum ratione. Et forsitan ita se plerunque res habet. Interim tamen, præter cor, dæmones alias habere latebras id argumēto est, quod in libris Ritualibus ijsdem præcipiatur in virtute sanctissimæ Trinitatis ne se occultent, in quatuor humoribus, in carnē, ossibus, neruis, medullis, venis, suris, tibijs, renib. ventre, stomacho, in testinis guttere, collo, fane, &c.

Sacerdotale Ro. exorcismo

2.

121. Putauerim quoque frequenter fieri, vt qui in vno aliquo homine sunt, stationes suas quandoque mutant: & nunc sint in hac corporis parte, nunc in alia: nunc etiam plures simul hominis partes possideant, nunc pauciores.

122. Vbiunque verò Spiritus latitant, nō ita loco, quemadmodū corpora,

corpora concluduntur aut circumscribuntur: neque locorum, quæ occupant partibus, partes dæmonum respondent. Dæmones partes nullas habent. In quacunq; corporis parte toti sunt: in toto quod possident, corpore toti sunt; non secus atque in homine, hominis anima.

CAPVT XI.

Dæmones aliquando signis quibusdam ijsq; quadruplicibus, declarare suos in humana corpora ingressus, & hoc iustas ob causas.



Lia signa sunt, quibus Dæmones suum in homines ingressum probant; alia quibus demonstrant, quod in hominibus latitant, ipsosq; inhabitant. de posterioribus Capite 22. & sequentibus, agetur: priora hoc loco inuestigamus.

124. Duo autem hic quærentur. Alterum est; Semperne Spiritus aliquibus signis declarent, quod homines ingrediantur. alterum, quænam potissimum illa sunt signa.

125. Quod ad prius attinet, dubium non est plerumque suum in homines ingressum prodere. Potest hoc exemplis multorum, qui aliquando obsessi fuerunt, demonstrari quidam eorum, priusquam obsiderentur: se spiritus sub specie canis aut nigri Aethiopis conspexisse asserunt: quidam quodam strepitu atque tumultu fuere perculsi: quidam, nescio quas, in somno habuerunt graues & molestas imaginationes.

126. Hæc & facta esse, & quotidie adhuc fieri clarum est: verumtamen quas ob causas nō ita. Quemadmodum plurima alia sunt, quorum vix rationes assignantur, ita; cur non nisi post aliqua signa quidam dæmones humana corpora ingrediuntur, ratio certa vix dari potest.

127. Fortè vna est, quod hac re Deum imitari possint videri Spiritus: ut quemadmodum ille aduentum suum in, vel ad homines externis quibusdam magnisque argumentis testatur & indicat: ita quoque spiritus suum velint innotescere, ne hac in re Deo videantur inferiores.

128. Fortè etiam hac ratione bonos Angelos volūnt imitari. Nam & illi, ut plurimum, externis signis præsentiam suam prodiderunt. Potest hoc multis, & clavis Sacrae scripturæ locis doceri.

129. Fortè diuinæ prouidentiae ratio idem postulat. Neque enim raro ij à dæmonibus possidentur, qui in grauib; versantur peccatis, & quasi ostium, ut se ingrediantur, ipsis aperiunt: ad quorum maiorem poenam (iustissimam tamen) permittit Deus, ut carnifices suos.

suos, prius quasi conspiciant, quam eorum tyrannidem sentiant & experiantur.

130. His addiderim, quod turbatum hominem Spiritus nequam requirere videantur, quem ingrediantur. Contraria ipsorum & bonorum Angelorum sensa. Cupiunt illi quieto esse animo omnes, ad quos diuertunt; Hi turbis gaudent & tumultu. Hinc esse dixerim, ut sub horrenda se prius forma spectandos præbeant: nunc insolitos quosdam strepitus excitent: aliquando etiam colaphos infligant, vel ad terram deiciant prius, quam miseros homines inuadant.

130. Hæ signorum, quibus aduentum suum Dæmones produunt, rationes. Sed tamen his atque similibus opus non habent. Nihil omnino esse videtur, quod ipsos ad hæc adigat & astringat. Quemadmodum necesse non est, ut sub spectabili forma in hominibus sint; ita necesse non est, ut si homines ingredi velint, id externis argumentis significant.

131. Addo quod per sepe ingrediuntur, quando id ij, qui obsidentur nullo signo deprehendere possunt. pro multis sufficit vnum, *Li. 1. Dial.* quod B. Gregorius refert, exemplum virginis illius, quam sub lactuca latens diabolus ingressus est, quem illa sub lactuca esse, aut quod *cap. 4.* se ingredi tentaret, nullo argumento potuit obseruare.

132. Porro (ut secundæ quæstioni respondeatur) qua necessarium non est, ut signis suum aduentum Dæmones testentur: & si quando illa adhibent, id præcipue (ut est verisimile) ex ipsorum pendet voluntate; hinc est, quod ipsorum aduentus certa atque determinata signa non assignentur.

133. Quadruplicium tamen Sacerdotale Romanum (ut vocatus liber Ritualis) meminit. Docet interdum Dæmones se sub forma externa, quæ terrorem incutiat exhibere, priusquam homines inuadant: interdum vento & tumultu præsentiam suam testari: tertio, prius affligere vel aliqua molestia afficere: quarto, aliquando somniantibus mirabiles rerum species ingerere. *cap. 1. de Exorcismis.*

134. Forma, qua terrent, duplex est, quædam humana, quædam, brutorum animantium. Humana haud raro defuncti alicuius est, aut qui violentam mortem difficilemque sustinuit. Si brutorum animantium; vel est nigri canis, vel hirci, vel alicuius bestiae ad terrorem incutiendum compositæ.

135. Ventus & tumultus qui in hac re Dæmonibus seruiunt, mox obseruatur peregrini esse, & ex non prorsus naturalibus causis orti. Hinc & vix alijs locis, quam ubi is quem Dæmon ingredi parat, producti. Cum tumultu & vento strepitos coniungunt; qui, dum

audiuntur, ex vestibibus quæ vel colliduntur, vel per terram trahuntur, excitari videntur.

136 Molestia, quæ obsidendis affertur, fit per colaphos, per attractiones, per propulsationes, per casus, & his similia. Hæc à dæmonibus, quamuis sub spectabili specie non appareant, procurari facili negotio possunt omnia.

Cap. 1. de
Exorcismis.

137. Species rerum, quæ somniantibus obuerfantur, variæ sunt. fere tamen fit, vt quos spiritus ingressuri sunt, somnient se à Dæmonibus vexari, agitari, molestia affici, aut etiam occidi, sine iugulari: qui deinde à somno excitati, somnij veritatem magno suo detrimento & calamitate experiuntur. Hæc ferè sacerdotæ Romanum.

CAPVT XII.

Quorum ordinum sint damones, qui homines possident, & vnde id cognosci valeat.

138.

NO vocamus in controuersiam, Sintne inter ipsos Dæmones, ordines quidam & classes, ponimus esse: querimus, Ex quibus ordinibus sint, qui homines obsident, & vnde hoc possit deprehendi.

Tho. 1. p.
q. 106.

139. Primum enim illud ex bonorum Angelorū conditione colligimus. Inter ipsos certos ordines esse, natura docet, Patres constanter affirmant, & sacræ literæ haud obscuris argumentis insinuant. Cum igitur ex bonorum Angelorum numero & classibus spiritus nequam deciderint, etiam inter ipsos aliquis erit ordo, & procul dubio is ipsius, qui antequam ad suas misérias prolapsi sunt, fuit.

140 At (quod alterum est Caput) An qui homines infestant & obsident, ex omnibus sint ordinibus, difficultatem aliquam habet: propterea, quod non quas functiones, si in gratia perstitissent, nequam spiritus habuissent, easdem habeant, postquam à gratia exciderunt, & infernalibus pœnis deputati sunt.

Tho. 1. p.
q. 8. ar. 5.

141. Neque enim beati Spiritus se omnibus negotijs immiscent. Sunt quidam, quorum omnis quasi occupatio cum Deo Opt. Max. est, vt illi, qui supremi sunt ordinis: Sunt alij, qui quasi administrant res humanas, & vt Dei mandatis fiat satis, procurant, vt qui sunt medij. Tertiò sunt qui mandata hæc exequuntur, & singula perficiunt, vt qui sunt ordinis tertij.

142. Si hæc leges maligni spiritus seruarent, facilis esset, & expedita ad propositam questionem responsio. Quemadmodum enim ijs, qui sunt infimi ordinis spiritibus bonis, singularium rerum administratio, & cura commissæ est, ita posset dici spiritus qui hominibus molesti sunt, ex infimo ordine esse, esse, inquam, ex numero Angelorum aut certè Archangelorum.

143. Verum, quia gratia propria malitia exciderunt daemones, nec omnino iam, quas natura postulat leges observant, nec tam attendunt quid facere ipsos pro naturae dignitate conveniat, quam ut suae libidini faciant satis quo fit, ut hinc certo cognosci nequeat, ex quibusnam ordinibus sint qui homines obsident. *Tho. 1. p. q. 109.*

144. Interim ex dictis duo videmur nobis non perperam colligere. Alterum est, dubium non esse, quin, qui ex infimo sunt ordine, homines ingrediantur, molestant. Neque enim indignum est, ut ad privata & particularia negotia descendant; Naturae eorum conditio hoc postulat. Neque alienum ab ipsorum voluntate, ut graues sint & torqueant: Ad hoc ipsos urget propemodum summa & inueterata nocendi libido.

145. Alterum est, etiam eos, qui altiorum sunt ordinum, hic operas suas locare, & molestos hominibus obsessis corporibus esse: Quamvis enim natura ipsorum graviora & altiora studia postulet, studium tamen nocendi tantum est, ut etiam ad minima officia se lubentes demittant.

146. Fortè pro hac sententia Christi oratio est. Nam cum daemonium quoddam eiecisset, quod Apostoli eijcere nequibant, mox docuit quosdam esse spiritus, qui maiorum sunt virium, & apud quos communis exorcizandi ratio non sufficit, ad quos exigendos maiores machinas, orationem & ieiunium, adhibere oporteat. *Marc. 9.*

147. Fortè eandem sententiam probat Christi silentium. Obijciebant ipsi alicubi Scribae legis, quod in demoniorum principe Beelzebub eijceret daemones, quid ad hoc Dominus? Non negavit principem demoniorum Beelzebub homines obsidere posse: id suo silentio probat. Negavit se principem demoniorum habere, & in eius nomine demonia eijcere. *Luc. 11.*

148. Fortè potestas Apostolis super omnia demonia collata, Lucæ 10. idem confirmat. Cui super omnia demonia Apostolis potestas confertur, si non omnia mortales interdum ingrediuntur? *Lucæ 10.*

149. Maius robur ad hanc sententiam constituendam affert Apost. Paulus, dum sic loquitur: Non est nobis colluctatio adversus carnem & sanguinem; sed adversus Principes & Potestates: adversus mundi Reges & aetores tenebrarum harum, contra spiritualia nequitiae in caelestibus. Nunquid si non singulis verbis superiorum ordinum spiritus notavit, dictionibus Principum & Potestatum? quos contra dum colluctationem nobis asserit, insinuat profecto ipsos etiam corpora ingredi, & magnas molestias asferre obsessis. *Ephes. 6.*

150. Ex omnibus igitur ordinibus daemones humana corpora ingredientur. Nullus in ullo ordine erit, qui mortales ingredi, si ita Deus permittat, recuset. Verum cuius nam ordinis sint, qui in hominibus lateant, non ita facile dictum est.

151. Nam

Thom. 1. p. q. 51. ar. 2. 151. Nā si qua regula utimur, ut cognoscamus, sintne homines obsessi; eadem hac in re voluerimus uti; procul à veritate aberrauerimus. quid ita? quia illud ex operationibus, quæ homini minimè conueniunt, deprehendimus; at operationes non ita ordines dæmonum discriminant, vix in obsessis operationes notabis, quas non minimus quisque Dæmonum, si modo velit, & superioris potestate non exhibeatur, perficere valeat.

152. Haud tamen falli multum dixerim, qui Superiorum ordinum Spiritus ex duobus deprehendi posse existimant: Ex magnitudine grauitateque malorum, quæ obsessis afferunt; & præterea ex difficultate, quam in ipsis ex hominum corporibus exigendis experiuntur Exorcistæ. Maiora illi damna inferre videntur. difficilius ex humanis corporibus eiici.

153. Certius utroque argumentum est, ipsorum vi, per Exorcistas, extorta confessio. quamuis enim ultro multa asserētibus credi non debeat, quod plerunque mētiantur, & hominibus imponant: quemadmodum tamen vi exorcismorum coguntur, ut alia fateantur, ita cogi credendum est, ut ordines suos atque classes prodant.

CAPVT XIII.

Plures quandoq; in vno homine Dæmones esse; atque, vnde id cognosci queat.

Num aliquem hominem ab vno dæmone possideri, pluribus exemplis, tam sacris, quam profanis doceri potest & manifestum est: an vero in vno eodemque plures esse possint; an semper sint plures; atque vnde id deprehendi possit, hoc capite inquirendum est.

Luca 8. 155. Et plures quandoque in vno homine esse Sacrarum Scripturarum prodit grauissima authoritas. Cum quodam tempore Dominus in dæmonio eiiciendo occuparetur, & quod ipsi nomen esset interrogaret; mox responsum hoc tulit, Legionem dici, quia ut Euangelista adiungit multa dæmonia intrauerant in hominem. Idem alio loco his verbis insinuat. Cum immundus, inquit Dominus, Spiritus exit ab homine, perambulat per loca inaquosa, quærens requiem: & non inueniens, dicit: Reuertar in domum meam, vnde exiui: Et cum venerit, inuenit scopis mundatam & ornatam. Tunc vadit & assumit septem alios spiritus, nequiores se, & ingressi habitant ibi. Sed & nihil est, quod prohibeat, cur minus plures in eodem homine Spiritus esse queant. Non ea spirituum, quæ corporum, conditio est, ut vnus alteri cedat. vbi vnus spiritus, ibi mille esse pos-

se possunt, quin imo ~~6666~~ quemadmodum exemplo eius, cuius supra meminimus, perspicuum est.

Tho. 1. p. q.

5. v. 2.

156. Sicuti autem nihil prohibet, cur minus plures eundem hominem obsideant, ita nihil propemodum est, quod omnino persuadeat plures semper esse, qui unum obsideant: Quod per plures fit, id per sepe unus opera potest confici: unus aliquis ex ipsorum grege, tot & tantas molestias homini potest asserere, ut pluribus & maioribus ferendis nequaquam miser par esse valeat.

Thef. 156.

Tho. 1. p. q.

51.

157. Fit nihilominus plerunque, ut in eodem homine sint plures. Docent hoc exempla eorum qui nostris temporibus obsessi inveniuntur. vix unum aliquem deprehendas, qui non plurimum Spirituum tyrannidem patiatur.

158. Addo quod hac societate Dæmones gaudeant, quodq; illam desiderant. Esto inter se dissideant, in una tamen hominum salute oppugnanda mirum est quam sit consentiens studium, & concors voluntas: ut prorsus credi possit expetere ipsos, qui secum, in hominibus cruciandis, conspirent.

Tho. 1. p. q.

109.

159. Est pro hac assertione Christi oratio. Docet ille, quod si quando Dæmon exierit ab homine sit solitus perambulare per loca arida, & requiem querere: & si minime inueniat, reuertitur in pristinam domum; ita tamen, ut septem secum se nequiores Spiritus assumat. An assumere socios Dæmon putandus est, qui in homine vexando socios non desiderat? non potest ferre.

Luca. 10.

160. Sed nec paterentur in eodem homine se Dæmones nisi voluntate eorum fieret, ut essent plures. Cum enim earundem virum non sint; sed quò ordinibus & classibus sunt superiores, eò etià viribus potiores, omnino, qui ordinum essent superiorum, viribusq; præstarent, mox eos, qui minus viribus valerent, sedibus suis pellerent: quod quia non faciunt, se in socios torturæ consentire significant.

Tho. 1. p. q.

50. A. 4.

161. Hinc sequitur non esse contrariorum studiorum Spiritus, qui in eodem sunt homine; sed idem velle, idem conari, idem moliri, Qui consortes imperij in hominem admittunt, illi, nisi regnum suum dissolui velint, omnino ut conspirent, necesse est.

162. Cæterum quando nam sint in vno homine plures; & quot nam sint, haud ita facile deprehenditur. Certiorem hic regulam dare non possumus, quam præcedenti Capite assignata est. quemadmodum vi Exorcismorum coguntur, ut prodant, quorum sint ordinum; ita cogi possunt, ut fateantur, utrum sint plures, atq; quot sint. Non tamen mox eorum orationi fides adhibenda est. Nam cum difficulter sedes suas deserant, quas possunt affingunt amphibologias

gias, vt Exorcistis imponant, & socios non prodant.

164. Quæcirca si omnino eorum numerus constare debet, nõ solum compellendi sunt, vt dicant, quot sint; sed etiam interrogandi, num plures sint. possunt siquidem verè affirmare decem esse, qui in homine sunt; quamuis viginti & plures sint, qui hominẽ obsideant.

CAPV T. XIII.

An plures Spiritus plus torqueāt, & singuli eadẽ vel diuersa tormẽta afferāt.

165.



Vid pluralitas Dæmonũ in obsessis faciat; atque vtrũ communia omnes habeant officia, eorundem sint studiorũ, inquirimus. Ibi explicandum est. Maius uẽ malũ plures afferant, quam pauciores: hic, An, sicuti diuersi sunt qui in hominibus degunt Dæmones, ita diuersa subeant & sustineant munia.

166. Multitudine obsidentium Dæmonum augeri malum obsessorum hominum dubium nullum est. Si enim ab vno obsideri malum est; quomodo non maius malum obsideri à pluribus?

167. Nec malum hoc molestia caret. est coniunctũ cũ maiori cruciatu eius qui obsidetur. Nec mirum. Cũ eũ obsidendo molesti sint Dæmones & vexent; aut plures vnũ aliquẽ hominẽ obsidere dicẽdi non sunt; aut confitendum quod obsidendo affligunt & cruciant.

Cap. 5.

168. Seruit huic argumento pulchrẽ exemplum, cuius Euangelista Marcus meminit, vbi, quia plurimi vnum hominem obsidebant, plurima quoque tormenta & molestias afferebant. Habebat miser domicilium in monumentis; non poterat eũ quisquam catenis constringere: die & nocte in motibus vagabatur: lapidib; se cõcidebat.

169. Seruit præterea, si afferre licet, hic praua prauorum hominũ consuetudo: qui cũ alijs plura & grauiora mala desiderant, non vnũ, sed plures ijs Dæmones imprecantur: quia, scilicet, credunt, plura detrimenta plures, quam vnũ aliquẽ procurare.

170. Et Dæmones cur homines ingrediuntur, si nocere nolunt & esse molesti? Neq; enim ex eo leuamen aliquod habent suorum tormentorum, quod in hominibus resideant; neq; voluptatem aliquam ipsis hic locus atque hoc domicilium affert. Si quam voluptatem capiunt, ex eo, quod mortalibus incommodent, hauriunt.

171. Tribus verò modis intelligi potest, quod omnes sint molesti; vel vt omnes & singuli, quæ miser homo mala patitur, afferant: vel singuli propria habeant, quæ tamen in eadem hominis parte efficiant: vel deniq; vt singulis certa quædam distinctaq; in homine deputentur loca, in quæ tyrannidem exercent & libidinem expleant.

172. Primum fieri posse haud negauerim. veruntamen Spiritus tum vires suas aliquando mutare, & non oēs vno eodemq; tempore

ad

ad hominē vexandū incumbere, admodū est verisimile. Quid enim omniū opera necesse? potest hic vn^o sufficere. cessabūt igitur ceteri: & quādo ad ipsos ordo torquēdi redierit, sua rursus subibūt munia.

173. Verisimile quoq; est, aliquādo singulis certa, quæ afferāt, mala proposita esse. varia enim sunt, quæ à dēmonibus mortales patiūtur: nūc hæc patiūtur, nūc illa. quapropter ita officia sua distribuisse ipsos credi potest, vt vni hæc, alteri alia procurādi prouincia cōmēdata sit.

174. Multo verò probabilius illud dicitur, quod tertio loco afferebatur, vt singulis certa dicantur assignata esse loca, in quæ vires suas & tyrannidem exerceant. Nonne in optimē constituta Republ. fieri obseruamus; vt, si quando per plures aliqua effici debeant, quo commodius faciliusque illa expediantur, suæ singulis quasi prouinciæ designentur? quidni igitur etiā has leges seruabunt Dæmones?

175. Ceterum quæ diximus, apud eos maxime, qui vnus ordinis sunt, locum habent. Si inter plures vnus classis, aliquis sit, qui superioris sit ordinis, (quemadmodum semper esse admodum probabile est) hunc ad has leges non astringimus. Ille, vt Superior in domo, non per se quidam administrabit, sed omnibus intendet, atque, vt singuli suis officijs bene fungantur, aduigilabit.

CAPVT. XV.

De finibus, ob quos ipsi Dæmones ingrediuntur, & obsident homines.

Causæ obsessionis hominum vel ex parte Dei peti possunt: vel ex parte hominum, qui obsidētur, vel ex parte Dæmonum qui obsident. Nam & Deus est, qui iustas ob causas Spiritibus potestatem facit, vt mortales ingrediantur: & homines, si non semper, sæpe miseriarum suarum sunt authores: & Dæmonibus in hac carnificina aliquid propositum esse, licet colligere, tum ex eo, quod libenter homines ingrediuntur, tum quoque inde, quod has suas sedes difficulter deserant.

177. Hoc Capite non quid Deo propositum est; inquirimus: neq; etiam quæ ex parte hominum causæ dari possint: sed quidnam Dæmones potissimū moueat, vt hic operas suas commodant. priora illa alijs locis excutientur; hoc ad præsentem disputationē pertinet. Cap. 30.

178. Sunt, qui arbitrantur Dæmones hac hominū miseria idcirco delectari, quod propriarum miseriarū & cruciatuum sit letamen: quasi, cū in hominibus sūt, illosq; affligunt, ab infernalibus poenis respirent; easdē vero in inferno sustineāt extra homines constituti.

179. Hi in duobus errant. primò, quod non alium locum spiritibus, vbi poenas luant, attribuant, quam infernum. Si ita, quod infernus meritis eorum debeatur: sit quoque certum plurimos in

D. 2 infer-

inferno degere: sed tamen non omnes infernorum carceribus concluduntur. Multi sunt qui nec concluduntur inferno, nec in humanis degunt corporibus: qui in aëre versantur, & ad homines exercendos magna Dei providentia relictī sunt.

180. Secundo in eo errant, quod hanc vexationem & hominum cruciatus, censeant poenarum Dæmonum esse leuamen. Quocunque loco sint Dæmones, suum secum infernum circumferunt: quoscunque alijs afferant cruciatus, suis non liberantur: quantumcunque alijs noceant nullum hinc ad miseros lucrum.

1. p. q. 64.

6. 4. 3.

181. Cruciantur dum in inferno sunt, cruciantur dum in hominibus sunt, in quacunque etiam vel inferni, vel hominum parte latitent. Adde quod in hominibus constituti, à grauissimis cruciatibus ignis infernalis non sint absoluti, ut suum secum semper infernum, ita semper secum infernalis ignis circumferunt grauissimos cruciatus.

182. Interim licet poenarum & tormentorum, quæ pro meritis patiuntur, leuamen nullum habeant Dæmones, dum in obsessis sunt corporibus, voluptatem tamen quandam hauriunt inde, quod hominibus incommodant, ipsis obstant, ipsos vexent. Et hanc præcipuam causam dixerim, cur mortales ingrediuntur, & semel obsessos cum tanta difficultate deserant.

1. Pet. 5.

183. Voluptas vero hæc & noendi voluntas, ex odio, quo erga humanum genus flagrant, principium sumit. Neque enim hoc leue est. Docet id Apostoli oratio asserentis, in modum rugientium Leonum truces circuire, & quærere quos deuorent, id est, quibus extremam calamitatem afferant.

184. Quemadmodum igitur fieri videmus, ut qui odia fouent, si ijs quos odio prosequuntur, incommodent, voluptatem quandam capiant, & quasi miseriarum aliquod leuamen sentiant: ita voluptatem nequam spiritus percipiunt, dum nobis, capitalibus suis hostibus, nocent & molesti sunt.

185. Odium hoc erga genus humanum ex triplici causa proficitur. prima est auersa ipsorum à Deo summo bono voluntas. Cum enim Deum ferre nequeant. Nequam, nil mirum, si eos odio prosequantur, qui cum Deo se coniungunt, quos Deus diligit, & qui vicissim Deum diligunt.

186. Altera est humanæ felicitatis inuidencia. Inuident miseri hominum generi, quod angelica relictā humanam naturam in vnitatem hypostasis Diuinæ assumpserit Dei filius; atque illam ipsam naturam ad cælum euehere, & super omnes Angelorum choros voverit collocare.

187. Inuidencia etiam salutis singulorum, huius odij magna causa

est. Qui felicitatem humanæ naturæ diuina gratia collatam, mortali-
bus invident, illi ægerrime ferunt homines ijs in sedibus collocari,
quib⁹ ipsi, iustissimo Dei iudicio, peccatis suis postulātib. eiecti sunt.

188. Hæ causæ odij Dæmonum in humanum genus. Hinc tot
omnibus locis hominibus ab ipsis positi laquei, tot structæ insidiæ.
Hinc prima & præcipua ipsorum cura, vt à Deo mortales auertant,
& ad sua castra pertrahant. quod quidem si consequantur, præcla-
ros se purant agere triumphos; si assequi desperant, pro lucro ha-
bent, si vel corporibus vel fortunis incommodent.

189. Ex dictis soluitur quæstio, qua. Sintne feliciores illi, qui in
humanis corporibus sunt Dæmones, ijs, qui detinentur in inferno,
quæritur. Feliciores non sunt, si quas pro peccatis poenas luant, at-
tendas. quia tamen duo habent, vnde voluptatem quandam capi-
unt, forte hac ratione feliciores dici possent. horum alterum, quod
carceribus inferni, quos oderunt, non concludantur, alterum, quod
voluptatem quandam ex hominum vexatione & molestia capiant,
quorum vtroque carent alij.

CAPVT XVI.

An & qui homines possint Dæmones hominibus immittere.

190.

DEi imperio & voluntate Dæmones in homines immitti
posse, & quandoq; immitti certum est. Quemadmodum
omnis Creatura, in Dæmones sunt Deo subiecti, eiusque
imperio parent in quacunque etiam re ipse illorum opera
voluerit vti. Columnæ coeli, inquit Iob, contremiscunt & parent ad
nutum eius. Spiritus eius ornauit coelos, & obstetricante manu eius
eductus est coluber tortuosus.

Cap. 26.

191. Certum etiam est inferiorum ordinum Dæmones pro supe-
riorum voluntate, si ita Deus permittat, immitti. Hoc multorum
confessione edocti sumus. Nec ratio suadet contrarium. quid quod
necesse sit, vt aliorum imperia spiritus libenter excipiant, & manda-
tis pareant, si regnum suum tueri, propagare, & conseruare volunt?

192. De hominibus quæstio est, Vtrum illi quoque Dæmonibus
valeant imperare, & potestatem facere vt alios ingrediantur & affli-
gant. Et quoniam hominum non vna omnium conditio est, quæstio
est de ijs primum, qui sanctitatis, & pietatis sunt cultores, & pluri-
mum apud Deum possunt, tum de his, qui se Dæmonibus deuone-
runt, & ipsis operâ in detrimentis hominibus afferendis, locarunt,
quos Sagas siue Maleficos dicimus.

193. Neutris potestatem hanc esse quidam inde colligunt: quod
par in parem, multo minus in superiorem inferior, imperium non

habeat. quapropter cum spiritalis creatura, quacunque corporea sit superior, nihil cum auctoritate Dæmonibus, qui Spiritus sunt, præcipere posse volunt homines corporeos.

194. Et quamuis (addūt) diuina auctoritate priores illi in Dæmones ius habet, finitū tamen illud est. Habent, inquit, potestatem exigendi ab hominibus Dæmones, non ad eosdē in corpora immittēdi. Posteriores verò quēadmodū diuinitus posteritatem nō habet ei eiēdi, ita nec imperare valent vt humana corpora ingradientur. Sic illi.

195. Veruntamen, vt de prioribus primum dicatur, omnino illorum quidam ius illud habere videntur. quamuis enim, si spirituum naturas attendas, præstantiores ipsi hominibus sint, conditio tamen status eorum, ad quam peccatis ipsorum ita exigētibus deuenerunt, multo est multorum hominum inferior. & licet credentibus in se Dominus dederit potestatem ei eiēdi dæmonia; Apostolis tamen alicubi absolutum plerumque in Dæmonia ius videntur cōtulisse.

Marc. 16.

Luc. 9.

1. Cor. 5.

1. Timot. 1.

196. Ad hanc rem confirmandā maius robur afferunt exempla ex sacris literis deprompta. Tradidit Apostolus Paulus Corinthiū quēdam Satanae in interitū carnis, vt spiritus saluus fieret. Eidē Satanae, alio loco, tradidit Hymenæū & Alexandrum ob blasphemias.

Matt. 8.

197. Ad hæc accedit, quod ipsi dæmones poenes homines potestatem hanc esse, agnoscere videtur. quomodo? quia si quādo ex hominib. diuina virtute ei eiuntur, petunt, vt eorū, à quib. pelluntur, volūtatē & facultate alios ingredi liceat, & qui Christo eiēti rogauerūt vt in porcos mitteretur, nō crediderūt se à Christo in hoēs mitti potuisse?

Vide Cap.

50.

198. Veruntamen quamuis potestas hæc in Christi Ecclesia, apud paucissimos tamen est. Sed & rarissime illa vtendum: vnde & paucissima eorum qui potestate hac vsi sunt, reperiuntur exempla. Olim, quando aliæ rationes deerant rebelles coercendi, & in officio continendi, admitti facilius potuit; nunc, quando commodiores rationes suppetunt, vtilius intermittitur.

in vita

Hilar.

Vide infra

Caput 29.

Baro. to-

mo 1. an-

no Christi.

68.

199. Atq; ita de prioribus sit definitum. De posterioribus idem dixerim. Refert B. Hieronymus arte vatū Esculapij Dæmonem in Virginem, quam iuuenis quidam perditē amabat, fuisse immissum & miris modis illam dementasse. Refert Anastasius Nicænus, quæstione 23. Simonem Magum eos, qui ipsum præstigiatores dicerent, Dæmonibus subiecisse, postquam eos esse allocutus, bouem sacrificasset, & conuiuio excepisset. Et, qui arte Dæmonis spiritus exigebat, Appollonius Tianæus, spiritus immittere non potuisset.

200. Addo dictis demonū qui in hominibus sunt, & Maleficorum publ. confessionē. Confitentur illi, si quando Exorcismis ei eiuntur, se Sagis & Maleficis immisos esse: Testatur hi, dū quæstionib. subijci-

utur, se demones aliquādo immisisse. fides vtrorūq; forsitan in alijs reb. hic suspecta esse nō debet, cū legitima de vtrisq; fiat inquisitio.

201. Nec mirū, si aut ipsi malefici, dū hominibus incōmodare student, dæmonū operas postulent, aut operas suas ipsis locēt demones. Nūquid nō grauiora illi à dæmonib⁹ efflagitāt? Nūquid nō etiā grauiora, quā hic afferuntur, ipsis p^rmotorib⁹, dāna demones procurāt.

202. Porro non eadem hi posteriores cum prioribus potestate in Dæmones vtuntur. quid quod posteriorum nulla sit in Dæmones potestas, priorum autem sit summa? Illis non possunt obsequium suum negare spiritus, quāuis fortē hac in re sint prompti, & faciles: his quamuis non negent; negare tamen, si vellent, possent. Ibi mandata, quæ cum potestate dantur, vt serui exequuntur: hic propter pacta quæ cum miseris habent, seruitutem simulant.

203. Atq; ira de hominū in dæmones imperio constitutū sit. Vnū adimus antequā hoc Caput concludamus; alia videlicet ratione aliquando fieri, vt homo homini huius diabolicæ tyrannidis sit causa. Qua vero? mala superiorū imprecatione. Neq; enim nouum est, vt à dæmonibus mox occupati sint, quibus alij dæmones essent imprecati. Possemus argumenti huius recentia exempla producere, sed cōtenti erimus vno atq; altero Cæsarij. Refert ille iratum patrem filia quinquenni, cū lac cōmederet, imprecatū esse vt vna cū lacte diabolū vocaret. Vix verbū ille effatur, & à diabolo occupatur puella, miseramq; seruitutē vsq; ad maturā ætatem perpetitur. Similia duo idē Cæsarius habet cap. 11. & 12. eiusdem libri, alterum de vxore, cui maritus, alterum de filio, cui pater dæmonium imprecatus fuerat.

Lib. 5.
cap. 26.

CAPVT XVII.

De varijs operationibus demonum in obsessis corporibus, & quæ ex ijs, hominibus possunt tribui.



Operationes quas demones in obsessis corporibus exercent, sunt duplices: quasdā exercēt in obsessis corporibus, sed nō per obsessā corpora: quasdam & in-obsessis, & per obsessa.

Prioris generis sunt, quæ ipsis sunt propriæ, vt intellectus atq; voluntatis actiones, quæ sub nullū sensum cadunt, posterioris, quæ aliquo sensu percipiuntur, & cum corporibus aliquid cōmune habēt.

205. Hæ rursus sunt duplicis generis. quibusdā cruciantur & torquētur obsessi; aliæ sunt, quibus nullus tormentū obsessis afferri videtur. In illo genere sunt, quorū Capite septimo meminimus; in hoc partim sermones, quos in obsessis corporibus habent Dæmones partim labores, quos obsessi subire, & perferre vidētur; vt sunt vinculo-
rū disruptio, onerū, quibus humanæ vires nō sufficiūt translatio &c.

206. Qualescunque vero operationes habeant & exercent Dæ-

mones, quamuis in humanis corporibus fiant, ob humanis tamen plurimum differre dubium non est. Primæ illæ voluntatis & intellectus hoc differunt, quod necesse non sit volentibus intelligere ad phantasmata, quæ in hominis imaginatione sunt, attendere. Huius in promptu causa est, quia non quemadmodum in corpore anima est, ipsi corpora inhabitant Spiritus.

207. Si nec quicquam corpora ipsos in his operationibus impediunt, nec, ut vel plura, vel facilius intelligant, iuuant, quas res possunt, & quot res possunt, dum ab humanis corporibus expediti sunt, percipere; easdem, & quidem omnes, possunt in corporibus latitantes.

cap. 8. 208. Ratio secundarum operationum superius explicata est, hic repeti non debet. Id solum addiderim nullo modo humanas eas dici debere, præterea quod ad eas homines concurrere non videantur, sed ad patientium tantum modum se habere.

209. De tertijs dubium non est, quin illæ, ad quas subeundas humanæ vires impares sunt, Dæmonibus ascribendæ sint, at de sermone, atque oratione, quam obsessi habent quæstio est; Dæmonumne an hominum sint. Hoc nostrum iudicium est quod quamuis multa per se obsessi loquantur, ad quæ spiritus nihil conferunt, sæpissime tamen fit, ut totus sermo sit Dæmonum; tum maxime, quando terribiles rugitus atque inconditos clamores exercitant, quando, quæ ab hominibus cognosci nequeunt, futura prædicunt, quando reuelant, quæ obsessorum cognitionem fugiunt.

210. Quandoeunque vero hæc fiunt, non verè voces sunt, quæ audiuntur, quemadmodum nec veræ voces sunt, quas in assumptis corporibus formant spiritus. licet ibi viua sint hominis organa, quibus vtuntur, hic non viua, sed vel ex aere condensata, vel aliunde assumpta.

211. Sed nec tum norunt obsessi quæ dicuntur, ut soni, qui formantur, Dæmonum sunt opera, ita, quæ per sonos representantur, non cogitationes aut conceptus sunt obsessorum hominum, sed obfidentiam Dæmonum.

212. Hinc fit, ut nec vllum sit hic obsessorum peccatum, si aut peierent, aut blasphemarent, aut secreta contra iusticiam Christianamque charitatem reuelent. Quemadmodum in gladio, quo latro ad trucidandos homines vtitur, peccatum nullum est, ita nullum hic in obsessis peccatum. Dæmones hic delinquant, ut ibi latro.

Finis primæ partis Disputationis de Dæmoniis.

SECVN-


33

SECUNDA PARS
DISPUTATIONIS DE
DÆMONIACIS,

IN QVA,
QVI SINT OBSESSI; EX QVIBVS SIGNIS OBSESSI
deprehendantur; quæ ipsorum conditio, & quas ob causas Dæmo-
num tyrannidem patiantur, ex-
plicatur.

CAPVT. XVIII.

*An Energumeni & qui Baptismatis Sacramento nondum sunt initiati, à
Dæmonibus obsideantur.*

 Vemadmodum de obsidentibus Dæmonibus multa fue-
runt, quæ difficultatem habuerunt magnam: ita haud pau- 213.
ca sunt, quæ de obsessis hominibus disputantur, & in con-
trouersiam vocantur. de his altera præsentis disputationis
pars erit.

214. Ad quatuor autem summa Capita reuocari posse omnia vi-
dentur, quorum primo, de certis quibusdam hominibus disseritur,
sint ne verè obsessi: secundo, inquiruntur signa, quæ obsessos pro-
dunt. tertio explicantur misera & infœlix obsessorum conditio.
quarto causæ inuestigantur, ob quas tyrannidem hanc in mortales
exerceant Spiritus.

215. Primo Capite de quatuor hominum generibus præcipua dis-
putatio est. Principio sunt infantes, atque omnes, qui Baptismatis
sacramento nondum sunt initiati. Deinde Sagæ atque mælefici, qui
hominum generi, dæmonum opera, maxima detrimenta afferre so-
lent. Tertio Diuinatores, qui futura prædicunt, atque occulta reue-
lant. Quarto Hæretici, & à Christiana religione siue fide Apostatæ.
De singulis inquiramus.

216. Contra primos grauissimum argumentū præbent Exorcismi,
quibus Catholica Ecclesia, antequam eos Baptismi sacramento initiat,
vritur. primum enim Sacerdos, eos efflando, sic loquitur: Exi ab ijs
immunde spiritus Satana, & da locum Spiritui sancto paracleto. Mox
deinde oratio ad Deum instituitur, qua rogatur, vt disrumpat om-
nes Satanae laqueos, quibus miseri alligati sunt. Adiunguntur & hæ *Agenda*
Orationes: Exercize te immunde spiritus, in nomine Patris, & Fi- *Salp.*
lij, & Spiritus sancti, vt ex eas & recedas ab hoc famulo Dei. N. Ipse
enim

enim imperat tibi, maledicte, damnaté, atque damnandé, qui pedibus suis super mare ambulauit, & Petro mergenti dexteram porrexit. Item: Ergo maledicte diabole, recognosce sententiam tuam, & da honorem Deo uiuo & vero, da honorem Iesu Christo, filio eius, & spiritui sancto, & recede ab hoc famulo Dei, &c.

sest. 75.

217. In hac causa, ut illud primum dicatur, Certum est dæmones in infantes hos, atque ad eum omnes non baptizatos ius & potestatem aliquam habere. Disertissimis id verbis docet Sacra Tridentina Synodus, dum asserit omnes homines, cum in præuaricatione Adæ innocentiam perdidissent, factos esse immundos, natura filios iræ, seruos peccati, atque ad eum uenisse in potestatem diaboli, & mortis.

I. Ioh. 14.

218. Sententiam Consilij confirmant Sacre litteræ. Docet Saluator Principem huius mundi uenisse, & in Se non habere quicquam. Dum Se excipit, in reliquos aliquid habuisse insinuat. Idem docet non semel homines per ipsum à potestate dæmonum liberandos. An à potestate dæmonum liberari potuerunt, qui sub dæmonum potestate non fuerunt?

Colos. 1.

219. Cum Salvatore consentit Gentium Doctor Paulus. Sic enim loquitur: Christus eripuit nos de potestate tenebrarum, & transtulit in regnum dilectionis filij sui. Docet idem Christum tulisse de medio Chyrographum decreti, quod erat contrarium nobis, & affixisse illud cruci, sicque expoliasse Principatus & Potestates.

Psal. 106.

220. Non desunt etiam ad hanc rem confirmandam prophetarum Oracula, qui Christum, ut liberatorem & redemptorem nobis commendant. Proferimus ex multis unum. Confitemini, inquit Regius Propheta, Domino, quoniam bonus, quoniam in seculum misericordia eius. Dicant qui redempti sunt à Domino, quos redemit de manu inimici: de regionibus congregauit eos.

Bernard.

epist. ad

Innocent.

221. Pluribus opus non est, Doctorum omnium post Apostolos, (ut Ecclesiæ hostis Petrus Abailardus apud Bernardum testatur) hæc sententia est, diabolum dominium, & potestatem super homines habere, & iure eos possidere, propterea, quod ex libertate arbitrij, quam habebant, sponte diabolo consenserint.

Wega de

Iustif. lib.

2. cap. 3.

et 4.

Ioh. 14.

1. Petri 5.

in Psal.

118.

222. Duo autem potissimum, hæc potestate in miseros mortales possunt diaboli. Primo possunt omnes, si quidem ex hoc seculo, non per Christum redempti, discedant, in infernum detrudere. deinde possunt uiuentibus plurimum incommodare; frequentius ipsos decipere, ad idololatriam, superstitionem, aliaque grauiora & enormia crimina potentius inflectere: ob quam causam non immerito à Domino Principes mundi, ab Apostolo Rectores mundi; ab Hilario Mundi potentes dicti sunt.

DE DAEMONIACIS.

35

223. Veruntamen, quamuis hanc in Infantes & omnes nondum regeneratos potestatem dæmones habeant: non tamen illos obsidere, aut possidere dicendi sunt. Neque enim idcirco nobis homines obsidere dæmones dicuntur, quia in ipso potestatem aliquam habent; sed quia in ipsis corporibus latitant; & vt in ijs hominibus molesti sint, facultatem à Deo acceperunt.

224. Sed nec quisquam adeo desipit, vt vel infantes, vel nondum baptizatos in obsessorum numero habeat. quantus, Deus bone, obsessorum foret numerus? quot opus est omnes confringendos catenis? quot vinculis? præsertim si potestate sua vti dæmones vellent?

225. Adde quod omnes omnino peccatores à demonibus obsideri, liceret dicere. quid ita? quia in hos non minor (ne maiorem dicam) ipsorum, quam in nondum baptizatos potestas est. Cui vero vel per somnium in mentem venit, vt omnes peccatores pro obsessis habeat?

226. Solet certis signis deprehendi, quod in hominibus lateant spiritus nequam. Hæc sunt, si futura prædicant; si secreta reuelent; si diuersis loquantur linguis; si labores humanis viribus superiores perferant, &c. An hæc in Infantibus? quamdiu hæc in Infantibus, in infidelibus, in quibusque peccatoribus non deprehendimus; nequamquam obsessos dicemus, quamuis, propter peccatum, summam in ipsos potestatem habeant dæmones.

227. Quorsum igitur Exorcismi? cur exire ab Infantibus iubetur diabolus? cur discedere, & locum dare Christo? Ridet, vt pleraque alia Christianæ Religionis exercitia, hanc, ab Apostolorum temporibus receptam in Ecclesia, exorcizandi dæmonia consuetudinem Ioannes Calvinus, vult esse prorsus inanē & fictitiā: At cum Sanctissimorū patrū haud leui iniuria, quorū pro hoc ritu sunt gratissima testimonia. Audiamus ex plurib⁹ vnū aut alterū. Chrysostomus sic loquitur: Cum ad regenerationis veniunt sacramentū non prius fontē vitæ ingrediūtur, quā Exorcismis & exufflationib. Clericorū spiritus ab illis immūdus abigatur, & deinceps vasa illius eripiātur. In eandē sententiā loquitur Cyrillus Hierosolymorū Episc. Insufflationes Sanctorū, & nominis diuini inuocatio, tanquā vehementissima quædā flamma, vrit dæmones, & in fugā conuertit. Hi Græci sunt. addamus ipsis ex Latinis tres; primus sit Optatus Milletitan⁹, is sic habet: Cuius homo, qui nascitur, sine Spiritu, mund⁹ esse nō præest, quē necesse est ante salutare lauacrū excludit. Nō aliud habet Raba. Maurus, Exorcizatur, inquit, diabolus, vt suā nequitia agnoscens, & iustū super se iudicē timens recedat ab homine, nec iā contendat eū arte sua subuerrere, ne baptismū consequatur. Consentit cū omnibus B. Augustinus, qui sic

Lib. 4. c.

19. 24.

Hom. de
Adam &
Eua.

Catech. 2.

Lib. 4. cō-
tra Pym.

*Lib de
Instit.
Clerico-
rum.*

loquitur lib. I. de Symbolo cap. I. Sicut nostis fratres charissimi, paruuli exsufflantur, & exorcizantur; ut pellatur ab ijs diaboli potestas inimica, quæ decepit hominem, ut possideret homines: Non ergo creatura in infantibus exorcizatur, aut exsufflatur; sed ille, sub quo sunt, qui peccato nascuntur. Ita Patres.

*Thef.
227.*

228. Queramus etiam ex Caluino, quidnam sit, quid hic damnandum censeat? an quod credamus diabolum in Energumenos, & non baptizatos pueros potestatem aliquam habere, an quod ipsi ut hos relinquant, imperemus. Primum, iure damnare nequit. Id Ecclesiæ Doctores, id D. Paulus, id Christus ipse astringit. Si Secundum damnat, omnino fateatur oportet in Christi Ecclesia, in dæmonia potestatem nullam esse.

229. At forsitan existimat ridiculum esse, ut ab homine exire dicatur, qui in homine *αυτοπροσώπων* non fuit? Ridiculum hoc non est. Non præcipitur, ut ex corpore, quod obsidet, discedat: præcipitur, ne potestate, quam in hominem habet utatur: hoc est: præcipitur, ut exeat effectu atque operatione, qui extra hominem est autoprosoptia, præcipitur, ut suum ius, quod in hominem habet, resignet, & illud Christo, qui per proprium sanguinem hominem redemit, tradat.

*Exod. 11.
Lucas.*

230. Noua non est, nec inusitata hæc loquendi forma. Nunquid à Pharaone dicitur egressus Moyses? nunquid, ut à se exiret Dominus rogauit Petrus? an igitur aut Moyses in Pharaone, aut Dominus fuit in Petro? Ibi etiam res esse dicuntur, ubi imperium habent & potestatem erercent: inde exire dicuntur, ubi imperio & potestate priuantur. Sed ad secundos.

CAPVT XIX.

An Saga atque Malefici à Dæmonibus obsideantur.

231.

DE Sagis atque Maleficis etiam quæstio est. Hos à Dæmonibus possideri quidam sibi prorsus persuaferunt. Argumentum sumunt ex purgatione aquæ frigidæ. Existimant enim, quod si de maleficio suspectæ mulieres in aquam conijciuntur, & super natent, maleficij sint reæ: si subsidant, sint innocentes. & ita quidem maleficam aut innocentem deprehendi volunt. sed tamen quod supernatant accidere putant ex eo, quod in corpore diaboli, à quo obsessæ sint, habeant, qui cum sit igneæ, aut aeræ, ut dicunt, naturæ, efficit, ut maleficarum corpora nequaquam subsidant, sed in aquis supernatent. Ita nuper quidam edito in lucem libello.

232. Verum in hac sententia & multi sunt errores, & magni. Primus est, quod purgatione aquæ frigide probet, Nullo modo illa licita est.

non

non sine Dei summa contumelia admittitur. Optimè Stephanus Romanæ sedis Episcopus sic statuit: ferri candentis, vel aquæ feruentis examinatione confessionem extorqueri à quolibet, sacri non censent Canones; & quod Sanctorum Patrum documento sancitum non est, superstitiosa adinventione non est præsumendum.

233. Secundus error est, quod dæmones credant aeræ, vel igneæ esse naturæ: & ob id leues; atque in aquis supernatare. Neque aeræ aut igneæ naturæ sunt dæmones: neque graues, aut leues. Spiritus sunt: & quia omnis, quæ ex corporibus est, concretionis expertes; nullas earum qualitatū, quæ in corporibus sunt, admittit.

234. Tertius error est, quod eos, in quibus dæmones sunt, putent supernatare. An non in porcorum gregem immissi dæmones, (quos ex homine quodam Dominus expulit) mox vniuersos in profundum maris præcipites egerunt? Et si leuitas dæmonum non permittit, vt in aquis subsidant, qui sit, vt tot ipsorum millia intimis terræ visceribus includantur?

235. Quartus est, quod Maleficos & Sagis definiunt, qui supernatant. Supernatarunt Sanctorum plurimi, qui ob Christi fidem post alias, quas sustinuerunt, grauissimas poenas in maria præcipitati sunt; nec quamuis maximis onerati saxis, mergi potuerunt: an fortè hos in Maleficorum numero reponent?

236. Quintus error est, quod innocentiam probent ex eo, si in aquis mergantur. Quasi perditissimus Magus esse nō possit, qui in aquas coniectus subsidat. An non graua per se infernum locum petunt? aut homines in numero grauium corporum non sunt? possunt innocentes supernatare: possunt nocentes & malefici rei profunda aquarum petere.

237. Hi errores. Sed quid ad Quæstionem? Hoc breuissime. Nequaquam omnes eos, qui his artibus hominibus incommodant, à diabolis possideri.

238. Ad assertionem hanc confirmandam nullis alijs præsidij opus est, quam quæ superiori Capite sunt allata. Non eos pro obsessis habent, qui norunt, quid sit homines à dæmonibus obsideri: non vinculis eos, vt obsessos constringimus: non oneramus catenis: sed neq; in ipsis argumenta deprehendimus, quæ dæmones in hominibus sedes suas habere, demonstrare solent.

239. Adde, quod iusta de illis supplicia nequaquam sumi possent. Quis vnquam iudex de obsessis supplicium sumpsit, quando etiam alijs vel mortem, vel damnum in fortunis attulerunt? Et cur afferrent? Neque enim homines horum malorum, quæ fiunt, causa sunt,

2. q. 4. 8.
cōsuluisti.

Matt. 3.

Cap. 26.
&c.

Cap. 17.

& authores; sed qui in hominibus degunt dæmones. Illi sunt, qui corpora impellunt, cædes faciunt, dant strages, damna afferunt.

240. Veruntamen quamvis à demonibus obsessi non sunt Malefici & Sages, multo tamen deterior plerumque eorum, quam obsessorum conditio; ob maximam, quam cum dæmonibus habent, coniunctionem: ob abnegata Christianæ Religionis & fidei sacramenta: ob horrenda, quæ dæmonibus litant sacrificia: ob incredibilem, quam Sacramentis Christi inferunt contumeliam: ob turpissima, quæ cum dæmonibus habent commercia: ob maxima, quibus se, cum grauissimis hominum damnis, implicant crimina. Sed hæc alium requirunt locum.

CAPVT. XX.

An diuinatores sint à demonibus reipsa obsessi?



241.

Aior fortassis difficultas est, de Diuinatoribus. Difficilius hos ob eorum ordine videmur posse obsoluere, qui obsessi dicuntur, propterea quod argumenta, quæ obsessos produunt, apud hos certiora & maiora deprehendamus.

242. Neque enim dubium vllum est, hanc certam satis regulam, qua obsessi dignoscuntur, esse, si ea, quæ humana industria nequeunt cognosci, prædicant, & annunciant: qua in re, cum videantur excellere Diuinatores, nulla fortassis illis iniuria facta dicetur, si inter obsessos numerentur.

243. Sed tamen in Obsessorum numero diuinatores esse dici non debet, nisi alia argumenta, quæ à demonibus possideri communicant, producantur. Esto vtrique occulta reuelent, sed tamen alio modo obsessi, alio diuinatores. Loquuntur in obsessis dæmones, dum occulta reuelant; in diuinatoribus non item. Quæ referunt diuinatores, loquuntur ipsi, licet, quæ loquuntur & referunt à dæmonibus habeant.

244. Præterea, quæ per obsessos loquuntur dæmones, ignota prorsus sunt ipsis obsessis: quæ diuinatores annunciant, dæmonum relatione ipsis innotuerunt, & perspecta sunt; non minus, atqui ea, quæ hominum relatu, aut alia aliqua ratione perceperunt.

245. Accedit, quod diuinatores, nisi prius dæmones conuenerint, & occulta expiscati sint, nulla sciant, aut reuelare valeant. At hac consultatione obsessi opus non habent, ipsis, tanquam quibusdam instrumentis, dæmones vtuntur, dum occulta reuelant.

246. In Diuinatione igitur homines opera dæmonum vtuntur:
in ob-

in obsessis, hominibus vtuntur dæmones. In diuinatione dæmones agunt Præceptores: in obsessis rectores & motores. Diuination non est sine peccato hominum, qui diuinant; reuelatio secretorum, quæ per obsessos fit, sine peccato eorum, qui sunt obsessi, accidit.

247. Hinc fit, vt quemadmodum præcedenti Capite dictum est, deterior conditio sit Sagarum & Maleficorum, quam Obsessorum; ita quoque deterior sit diuinatorum: propterea quod malum à dæmonibus pati malum non fit (quod in Obsessis accidit:) grande autem malum fit, dæmonum in quacunque etiam re, opera, auxilio, aut consilio vri, quod in diuinatione locum habet.

248. Hinc item fit, vt, iusta sint, quæ de Diuinatoribus sumuntur supplicia, quæ profecto, si à Spiritibus obsessi essent, iuste sumi non possent, quemadmodum iniusta essent, si de Obsessis, si quando futura reuelantur, sumerentur.

249. Verumtamen quamuis Diuinatores omnes obsessi non sint: ex ijs tamen aliquos Obsessos inueniri aliquando dubium non est. Probat hoc exemplum puellæ (cuius in Apostolorum Actibus Lucas meminit) habentis Spiritum Pythonem, & magnum quæstum nominis sui facientis diuinando. Hanc enim verè à dæmone Obsessam fuisse, inde colligitur, quod in nomine Domini IESU CHRISTI, Apostolorum ab eadem Spiritum eiecisse, referat idem Euangelista.

Cp. 16.

CAPVT XXI.

An hæretici verè à Dæmonibus obsideantur.



Hæreticos passim malè audire extra omnem controuersiam est. Magnam etiam eosdem cum dæmonibus habere conjunctionem vel communionem, hinc licet colligere, quod Marcionem Hæreticum D. Policarpus vocarit primogenitum diaboli: quod Apost. Paulus dicit eos attenderè Spiritibus erroris, & doctrinis dæmoniorum: quod B. Ambrosio comparat Iudæ Iscariotæ, qui Satanæ fuit domicilium: quod ministri sint mendacii, cuius pater est diabolus.

250.

Hieron. de Script.

Eccles. 1.

Timot. 4.

lib. 2. de

Cain. cap.

4. Ioan. 8.

251. Sed & quàm plurimi eorum cum diabolo egerunt, vel ab eodem, tanquam à Magistro sua dogmata acceperunt. Hoc docent de Simone Mago Egesippus, & Cyrillus, de Basilide Theodoretus, de Marcione Innocentius, de Menandro Ehiphianus: de Theodoro Eusebius: de Carpocrate Tertullianus: de Buda Cyrillus, de Montano rursus Eusebius, de Massiliano Theodoretus, de Eutyche idem, de Berengario Polydorus Vergilius. Nostro etiam tempore id

Lib. 1. Fo.

lib. 3. c. 3.

de ijs,

Hæres. 22. id de ijs, quos ex se procreauit ipsemet Lutherus testatur: de Carollstadio inquam, libro contra Corollstadium; de Oecolampadio, libro de Missa angulari; de Anabaptistis, libro contra ipsos. Testantur idem de Dauide Georgio Basiliensis prædicantes in historia de ipso; de Andrea Osiandro, Erasimus Alber. libro contra Carollstadium; de *Catech. 6.* Ioanne Knopæo, Archibaldus libro de confessione Caluin. de Mar-
lib. 5. cap. co Kuuikano. Lutherus in Sympos. cap. 37. de Campano Lindanus
23. lib. libro de fugiendis Idolis: de Bucero Lutherus in Colloquio Wit-
4. fab. tenberg. anno 1537.

ibid. lib. 252. Idem hoc de seipsis duo, omnium præcipui, coryphæi me-
9. histo. moriæ prodiderunt. Nam Zvinglius clarè scripsit teste Erasmo Al-
Angl. ber. libro contra Carollstadium, se suum, de Eucharistia, placitum à
Spiritu quodam accepisse, de quo dicere nequeat albusne fuerit, an
niger: Lutherus vero pluribus folijs persequitur (libro de Angulari
fol. 479. Missa) quemadmodum Diabolus ad se venerit, se honorifice salutarit;
480. 481. sibi argumenta plura, quibus ipse ad Missam aliaque veteris discipli-
482. næ dogmata deferenda commotus sit, grandi & terribili voce propo-
suerit.

253. Et duo summi Imperatores Maximilianus I. & Carolus V.
diabolicæ consuetudinis non obscure Lutherum notarunt. ille qui-
dem, dum eum procul à se abduci iuberet, quod in eius humeris in-
fidentem Diabolum videret; hic vero, dum eum non hominem, sed
diabolum, qui hominis personam induerit, in publico & solempni
Bredenb. Edicto appellauit. Wormatiæ anno 1521.
lib. 7. Col.

154. Hæc forsitan cupiam suspicionem generabunt, & facile per-
suadebunt, ut Hæreticos inter obsessos numeret. Confirmabitur et-
iam, quando intelliget olim quosdam, ut Eusebius insinuat, in ea
fuisse sententia, ut iudicauerint Exorcismis tentandos esse Montanistas hæreticos.

255. Sed tamen, quamuis cum diabolo communionem & consue-
tudinem habeant Hæretici; in primis ipsorum Duces & capita; ob-
sessi tamen omnes nec possunt, nec debent dici; propterea quod ve-
ra in ipsis signa, quæ obsessos produnt, desiderentur.

156. De vno tamen ipsorum genere, Anabaptistis quibusdam ve-
hementes sunt suspensiones, nec sine ratione. Hoc est grauissimum
obsessi hominis, in quibusdam ipsorum iudicium. Quidam enim,
ubi deserta religione Catholica, huic sectæ se deuouent; mox post
haustum poculum, aut sumptam buccellam, norunt sacras litteras le-
gere, & de diuinis rebus differere; &c. quidam etiam mox sacrâ scrip-
turam memoria tenent, rursus, ijdem omnium obliuiscuntur. &
penitus

penitus norunt nihil; quam primum resipiscunt, & ad Catholicorum castra redeunt.

257. Non potuit aliquando doctissimus vir Guilhelmus Lindanus sibi persuadere, hanc rem ita sese habere: sed postquam fide dignissimorum testimonio confirmatus est, dubium animum deposuit. *Dialog. 3.* Et nos oculati huius testes sumus. Audiuimus huius sectæ Sartorem *t. i. Dubi-* Scripturas sacras crepantem: vidimus Rusticum easdem legentem: *tantij.* & tamen neuter villo Magistro fuerat visus. *Colonia*

258. Quis verò dubitare potest ab inhabitante maligno Spiritu *anno 60.* rem hanc proficisci? Neque enim esca vel potus sumptus hanc virtutem habet; vt diuinarum Scripturarum scientiam infillat, res per se clara est. Neque Deus est, qui hanc illis doctrinam confert; cum fidei atq; Religionis eius sint hostes, agantque vitam impurissimam. Cum igitur eandem labore non habeant, nec vilius hominis institutione; à quo, nisi ab inhabitante habebunt spiritum?

259. Præterea, quæ causâ est, vt mox, postquam ad Catholicorum castra redierint, ne verbum illorum, quæ antea nouerant, teneant? nesciant etiam legere, qui prius quando in hæresi degebant, cum quibusuis legendò poterant certare? Scilicet tum ipsos dæmon deserit, tum se relinquentes, sibi relinquit.

260. Hinc est, vt non immeritò in suspicionem quidam veniant, vt putent non Anabaptistas propriè esse, qui per se loquantur Scripturas, sed dæmones in Anabaptistis loqui: quemadmodum, dum obsessi perigrinum idioma sonant, non ipsi, sed dæmones sunt, qui voces & sonos formant.

261. Sed forsitan quia barbara in Anabaptistis his signa, & cruciatus, quos alij obsessi patiuntur, quidam non obseruant, in obsessorum loco ipsos nō habent. At non necesse est, vt hæc signa omnes obsessi edant: non necesse, vt omnes tormenta à spiritibus patiantur. etiam illi, qui omnium opinione obsessi sunt, in suis quandoque cruciatibus respirant, & à tormentis sunt liberi.

262. Qui hanc sententiam fuerint complexi, nouum quoddam obsessorum hominum genus constituent, quod ab alijs, quo communiter obsessos dicimus, his rationibus differret. Primò, Illi plerumque inuiti diabolum recipiunt, atque sæpe in peccati poenam: hi eundem vltro admittunt, cum maxima Dei offensa. Secundò, Illi cruciatus multos patiuntur à dæmonibus: hi à cruciatibus sunt prorsus liberi. Tertiò, Hi, quamuis à dæmonibus obsessi, non tamen sibi videntur obsessi, quin imò se foelices arbitrantur: illi miseriam suam deplorant, & ad commiserendum sibi alios, excitant. Quartò, Illorū

opera, quæ in speciem peccata sunt, verè peccata non sunt: horum verè peccata sunt, & Deum offendunt Quintò, potest in hos Magistratus iure animaduertere, & pœnas exigere: in illos nò potest. Sextò ab illis dæmones Exorcismis pelluntur: hos relinquunt, quando ad Catholicorum castra redunt, & dignos pœnitentiæ fructus edunt.

CAPVT XXII.

De signis duodecim, quæ non sunt certa & indubitata argumenta, latentium in hominibus Daemoniorum.

263.

EX numero Obsessorum exclusimus Energumenos, Maleficos, Sagas, Diuinatores & Hæreticos: de quibus maior, quam de aliquibus alijs, potuit esse suspicio: restat nunc quæramus, quænam signa sint, vnde Obsessi deprehendantur. Hoc est alterum huius secundæ partis Caput.

264. Reiciemus hoc loco primum illa, quæ vera Obsessorum hominum signa non sunt, quamuis vera à quibusdam habeantur, tum deinde, quæ verè Dæmones in hominibus esse probât, assignabimus.

265. In priori genere primum signum est Confessio quorundam, qui omninò sibi persuadent se obsessos esse, & vt à dæmonibus liberentur, etiam vltro se ad plagas, & virgas offerunt. Persuasio hæc non facit, vt Obsessus quis dici debeat: quemadmodum nec Rex habetur, qui omninò persuasus est se Regem esse. Multos persuasio decipit. Infinita fanaticorum hominum id docent exempla.

266. Nec vira quantumuis improba, certum argumentum est obsessi hominis. Multos reperias, etiam in grauissimis criminibus, qui non magis, quam qui inculpate viuunt, obsessi dicendi sunt: quamuis in hostium, in illos nullam potestatem dæmones habeant.

267. Sunt qui ex feris, & agrestibus moribus putant colligi posse dæmones in humanis corporibus latere. Verum ne hi sunt sine errore. Quamuis enim quandoque in Obsessis inueniantur; non tamen quotiescunq; inueniuntur produnt obsessos. Quam barbari, quam agrestes fuerunt mores Regum quorundam Turcarum? an idcirco à dæmonibus obsessos fuisse dicemus?

268. Grauis quoque, atq; diuturnus somnus; morbi præterea nulla medicorum arte curabiles: internorum etiam viscerum dolores, certo hic argumenta non sunt: alias illa, quam in hominibus latentes dæmones, possunt habere causas. Possunt viribus naturæ: possunt arte Maleficorum, possunt opera assistentium dæmonum procurari.

269. Pessima quorundam hominum est consuetudo, vt in ore semper dæ-

per dæmonem habeant. Et fortè quis obsessos dixerit, propterea, quod alicubi dicatur: Ex abundantia cordis os loquitur. Sed tamen *Matth. 12.* quamuis haud procul à talibus dæmones absint, (quæadmodum exemplo egregio alicubi docet B. Gregor.) non tamen necesse est Obsessos dicamus. Non omnes, qui malè agunt à dæmonibus possidètur.

270. Similiter à dæmonibus obsessi non sunt, qui relicto verò Deo, se totos quanti quanti sunt, dæmonibus consecrant, eius mandatis in omnibus, etiam fœdissimis & crudelissimis, rebus parent. Sagarum ista & Maleficorum officia sunt, quos inter Obsessos numerandos non esse, superius demonstratum est. *Cap. 19.*

271. Reperiuntur, qui nullo loco sunt tuti. vbique se molestantes spiritus, quandoque etiam crudeliter in corpora sæuientes experiuntur: an fortè hi obsessi dicendi sunt? Non sunt. Esto non minus graues, imò grauiiores etiam quandoque quam Obsessi, patiantur molestias, illæ tamen non ab inhabitantibus sed assistentibus spiritibus afferuntur.

272. Et qui præsentis vitæ pertæsi, crudeles sibi manus afferunt, & se vitæ huius vsura priuant, ad Obsessorum ordinem non necessario pertinent. Si pertinerent, non illis ipsa, quam sibi inferunt, mors vitio verteretur: non graues eius nomine in futura vita luerent penas: tribuerentur mors dæmonibus: nulla ipsorum hic culpa. Iam verò & mors ipsis tribuitur, & grauissimos meritò in futura vita sustinent cruciatus.

273. An, qui inuocatorum à se dæmonum præsentiam percipiunt, & sibi ut ab iisdem abripiantur imprecantur, moxq; abripiuntur, ab ijs, à quibus abripiuntur, possidentur? Possent, haud dubium, tales diaboli obsidere, veruntamen non obsident. Non opus est: ut corpora ingrediantur, si illa aliò debeant transferre: sed nec ingredi desiderare credendum est illa, quæ mox relinquere oportet.

274. Furia fortassis latentis in homine dæmonis argumentum est? Est aliquando: sed non semper. Furia non à dæmonibus solum excitatur: causas quandoque in homine habet naturales: quandoque etiam opera perditorum hominum, ad laborantibus diabolis, procuratur: denique & herbarum quarundam fit virtute.

275. An obliuio rerum cognitarum? dæmonum opera quandoq; hæc affertur, verum etiam extra homines existentes Spiritus huius possunt esse autores. sed & hæc causas quoq; potest habere naturales.

276. Quid quod nec occultorum reuelatio satis magnum hic argumentum præbeat: Diuinatores occulta reuelant. sed tamen non à dæmonibus possidentur omnes. verum de hoc aliàs. *Cap. 20.*

277. Addo, quod nec ipsa signa, quæ in Obsessis ijs reperiuntur, quorum

quorū Euangelica historia meminit, certa & sufficientia sint obsessorum hominum argumenta. Fuerunt quidam illorum cæci, alij surdi, alij muti: quidam in se, quidam in alios fuerunt crudeles. Obsessorum illa videbantur opera, at obsessorum non erant signa, nisi forte omnes cæcos, mutos, & surdos; omnes item barbaros, & crudeles homines ad Obsessorum classem reuocare velimus.

CAPVT XXIII.

Quæ & qualis occultorum reuelatio prodit latentes in hominibus Dæmones.

278. **R**est hæc, vera signa, ex quibus, Vtrum à dæmonibus homines obfessi sunt, deprehenditur, assignanda sunt. Duplicia autem hæc esse videntur: Alia enim sunt, quibus Spiritus agere videntur, alia quibus quippiam pati. Priora sunt, vel intellectus, vel corporis; posteriora, vt plurimum rebus sacris extorquentur. Intellectus sunt reuelatio occultorum, & sciētia linguarum; corporis, magnæ vires, grauiā tormenta, atque his similia. Sacrae sunt Euangelium S. Ioannis, Sanctorum Reliquiæ, Exorcismi, &c. Discutiamus singula.

279. Primum locum obtinent occultorum reuelatio; quæ hominum, qui ea reuelant, scientiam latent. Cum enim hanc à mente, siue spiritu suggeri necesse sit, si à priuato hominis spiritu non est, & si Deus, atque bonus Angelus huius causa non sunt; quemadmodum aliquando non sunt; necesse omninò est à malo spiritu ipsam proficisci.

280. Occulta hæc duplices sunt generis. quædam latent quidem ipsos, qui reuelant; sed tamē talia non sunt, vt nullo modo ab ipsidem possint cognosci: quædam sunt, quæ impossibile est humano ingenio, & viribus assequi.

281. Priora tribus temporum differentiis continentur. Nam aut præterita sunt, vt res gestæ, aut præsentia, quæ tamen ob locorum distantiam homines nequeunt scire; aut futura, quæ totum esse, quod habent, in suis causis habent. Posteriora sunt, quæ ex hominum pendunt voluntate, & libero arbitrio.

282. In his omnibus Dæmones multa, quæ vel homines non cognoscunt, vel non possunt cognoscere, norunt optimè. Norunt res gestas ab orbe condito. Norunt, quæ modo in remotissimis à nobis regionibus geruntur; quamuis hic nobis sint præsentēs. Norunt, quæ post plurima tempora, euenient.

283. Norunt quoque plurima, quæ à voluntate & libero pendent arbitrio; & homines cognoscere propemodum est impossibile. Et quid mirum? Cum enim illa voluntatis nostræ sit conditio, vt affectus sequatur corporis, moueatur etiam obiectis bonis; & ad naturæ pondus se accommodet sæpe; non nouum est, si Dæmones quæ à voluntate pendent norint; præsertim, cum & hominum affectus probè cognoscant; & sciunt, quæ menti obiecta sint, bona; & singulorum propensiones longa experientia obseruarint.

284. Occulta igitur hæc, si per homines reuelentur, hoc est, si referantur res gestæ: si manifestentur futura; si, quæ in remotissimis fiunt regionibus, significantur, si hominum studia & conatus occulti patefiant; omnino oportet dicamus spiritus alicuius hic operam adesse.

285. Veruntamen non necesse est semper à malis spiritibus hæc perfici, aut ijs qui in hominibus, per quos hæc reuelantur, suas sedes habeant. Possunt hæc à bonis spiritibus reuelari; possunt reuelari à malis, & quidem ijs, qui in hominibus nullum habent locum. Non minor, si non maior, est bonorum Angelorum, quam malorum hic solertia, & sagacitas; non minor cognitio. Quidquid possunt mali, possunt boni: & mali, quemamodum nec boni, non ad vnam aliquam, qua hæc faciunt, legem astricti sunt.

286. Prophetæ homines fuerunt. reuelarunt secreta; nunc præterita, nunc præsentia, nunc futura: quæliacunq; tandem illa fuerunt; siue humanam cognitionem omnino excederent, siue humana cognitio ad illa pertingere potuerit; dictante spiritu hæc reuelarunt; quo vero? nequam. Nequaquam. Spiritu sancto inspirati, locuti sunt Sancti Dei homines.

287. Quando igitur hæc prauos spiritus produnt? Quando nulla honesta, vt hæc reuelentur, subest causa: quando etiam quæ reuelantur, nunc in Dei cedunt contumeliam, nunc in proximi iniuriam. quæ vt cauent diligenter boni spiritus, ita studiose quærunt spiritus nequam. 2. Pet. 1.

288. Quod si interdum in hac occultorum reuelatione Dei honorem, aut proximi commodum quærere videntur dæmones (vt exemplum puellæ, quæ B. Paulum tanquam veri Dei, & salutis præconem proclamauit, insinuat) profectò non tam hæc illis proposita sunt; quam quod specie boni illudant & fallant. Act. 16.

289. A malis igitur spiritibus hæc fient, si absit ratio honestatis; si ad Dei contumeliam, aut proximi iniuriam cedat reuelatio. Veruntamen non mox necesse est ab inhabitantibus Spiritibus fieri. A fa-

miliaribus, quos habent quidam hæc accipere possunt, & in homines spargere.

290. Quod verò ab inhabitantibus, & homines obsidentibus fiant, ex duobus videntur recte posse colligi. primum est, si qui hæc reuelant, nullum cum dæmonibus pactum habeant: alterum, si in iisdem signa obseruata sint alia: quæ, quod à dæmonibus obsideantur, insinuent. Talia plerunque sunt, interni cruciatus, vagi motus proximis & sibi allata detrimenta, &c.

CAPVT. XXIII.

Quæ linguarum scientia, & an sola illa prodat inhabitantes in hominibus dæmones.

291.

Scientia etiam peregrinorum Idiomatum, & linguarum: notitia latentes in hominibus spiritus prædunt. Et meritò. Res clara erit, si tria constituentur: primum est, fieri naturaliter non posse, vt quam quis ignorat, vtatur lingua, aut idiomate. Alterum: Nullum idioma esse, quod ignorent, aut mox scire non valeant dæmones. Terrium, Omnem actionem, quæ in hominibus obseruatur causam aliquam, à qua fiat, habere.

2. Cor. 12.

292. De primo nulla controuersia est. Communis hic omnium est sensus & consensus. Hunc confirmat magnus, quem in addiscendis linguis, suscipimus, labor: vt taceatur inter beneficia, quæ singulari Dei munere Apostolis olim collata sunt, numerari donum linguarum.

293. Sic nec dubium est idiomata omnia nosse dæmones. Discunt illa homines consuetudine eorum, cum quibus viuunt, quidni igitur Dæmones discerent, qui semper inter homines versantur? obseruant quæ loquuntur? notant quæ agunt?

294. Certissimum quoque est, omnem, quæ in hominibus deprehenditur, actionem causam aliquam habere. Cum enim actio effectus & opus sit agentis, agens autem in numero causarum constituitur, fieri nequit, vt aliqua, cuius nulla causa dari possit, detur actio.

295. Ab aliquo igitur est sermo peregrinus in hominibus, qui illum sonant. At à quo? Omnino à spiritu siue mente. quid ita? quia sermo omnis, eius, quod in mente, siue spiritu latet, nuncius est: quapropter prorsus necessarium est, vt, sicut funus ignem, ita mentem prodat & spiritum.

296. A quo vero spiritu erit? profectò non ab humano. Homo non est, qui peregrinum format sermonem. Quod non didicit, non loquitur

quitur homo: peregrinum sermonem non didicit: peregrinum ergo sermonem non loquitur. Hoc superius constitutum fuit.

297. A spiritu igitur externo est? Omnino est, & quidem Angelo, vel bono, vel malo. Angeli, ut cætera hominis membra, ita possunt impellere linguam; ita partes omnes, quæ ad vocem formandam sunt necessariae.

298. Verum quemadmodum superius demonstratum est, ex fine bonos & malos spiritus deprehendi & distinguere in Occultorum revelatione; ita hic finis est, qui loquentes peregrina lingua in hominibus spiritus prodit. Cap. 27.

299. Loquebantur olim varijs linguis Apostoli; sed diuino spiritu instructi: quia sic Christi regnum propagandum erat & amplificandum: sic gentes ad Christi fidem conuertendæ. Non hoc propositum est, in obsessis malis Spiritibus, propriam gloriam, cum Dei iniuria, & hominum interitum, quærunt versipelles. Act. 2.

300. Est & aliud hic discrimen. Non poterant vlla externa vi cogi Apostoli, ut varijs linguis loquerentur: cogi possunt, & coguntur haud raro, ab Exorcistis, Obsessi, seu potius latentes in ipsis dæmones, ut etiam inuiti loquantur.

301. Sed & Apostoli linguas, quibus loquebantur, reuera norunt; intelligebant etiam significationes vocum. Loquuntur varijs linguis dæmoniaci; sed nec linguas norunt; nec, quid vocibus significetur, intelligunt.

302. Hoc signo nostris temporibus sæpius dæmones deprehenduntur. Deprehensus est eodem olim ille, qui Candidatum quendam Constantij Imperatoris possedit. quamuis enim Candidatus Francam tantum & latinam linguam nosset; tamen B. Hilarioni Syro, quo ipsum rogabat, sermone respondebat, & quidem ita perfectò, teste Hieronymo, ut non stridor, non aspiratio, non idioma ali- In vita
Hilar. quod Palestini deesset eloquij.

303. Ad hoc Idiomatum signum referuntur, quæ cum ipso magnam habent affinitatem. Primum est, scientia legendi, nullo studio comparata. Quemadmodum linguarum cognitio sine studio non habetur, ita nec legendi scientia: quocirca ut illa, ita quoque hæc inhabitantes dæmones prodit.

304. Alterum est, sine studio atque labore parta, scientia scribendi. Eadem huius, atque præcedentium duorum ratio est: quocirca non erant, qui hinc obsessos homines definiunt.

305. Tertium est, cognitio rerum naturalium, nec propria intentione comparata, nec ab villo magistro accepta. Sicut peritia linguarum;

ita

ita scientia rerum naturalium, operam nostram, studium atque diligentiam requirit; quæ si desint, non sine ratione ipsa dæmones auctores habere putatur.

306. Quantum est, peritia cantandi in eo, qui tantum non addidit. Cum hac forte non malè coniunxerim. Arithmericam, cum magnam inter se coniunctionem habeant: Neutra hæc hominibus congenita est. quapropter si in hominibus inveniuntur, nullo præcedente studio; & nec Deum, nec bonos Angelos auctores habeant; opera latentium in hominibus malorum spirituum æstimari possent.

CAPVT. XXV.

De sex generibus corporaliū signorum, quæ quamuis non omnino prodant latentes in hominibus spiritus, magnas tamen suspensiones generant.

730.

IN hominum corporibus etiam signa quædam sunt, ex quibus latentes Spiritus deprehenduntur. quamquam enim priora illis tanquam spiritibus magis propria sunt, in corporibus tamen aliquando quædam efficiunt, quæ vix alios, quam dæmones, auctores habere possunt.

308. In his primum est, barbaræ & inconditæ voces; clamores item, & ululatus prorsus belluini. Quemadmodum enim, quos certo obsessos esse scimus, has voces, clamores & ululatus scimus edidisse; ita ex his insuspicionem latentium dæmonum non sine ratione venimus.

309. Alterum esse potest horribilis & truculentus vultus, quem qui de demoino suspecti sunt, referunt. Quales enim ipsi sunt dæmones, tales formas plerumque effingunt. Quocirca cum truces sint & crudeles; vultum humanum ita interdum deformant, vt summum intuentibus honorem incutiat.

310. Sit tertium membrorum, vt ita dicam, stupor quidam & functionum fere omnium vitalium priuatio, atque perpetua quædam quasi somnolentia. Quemadmodum aliquando se furia, atque nimia corporis agitatione; ita interdum hac contraria tarditate & stupore. Spiritus manifestant.

311. Ad hæc accedit summa inquietudo; qualis eorum est, qui vno aliquo loco nequeunt consistere, & solitudines quærunt, & desertis locis delectantur. Neque enim pauci, etiam nostris temporibus, inveniuntur, quos his modis dæmones exercent.

312. Potest his quintum addi: vires scilicet in corpore humano, non humanæ. Tales sunt eorum, qui quasuis lacerant vestes, vincula dirumpunt,

rumpunt, frangunt catenas; onera item ad quæ hominum robur non sufficit, gestant, vix hæc minorem, quam quæ superioribus Capitibus allata sunt, obsessi hominis fidem faciunt.

313. Denique persecutiones, cruciatus atque tormenta, quæ quidam patiuntur, magnum hic argumentum faciunt, ut si verbi causa, nunc in ignem deiiciantur homines; nunc in aquam: nunc ex alto loco agantur præcipientes, nunc se cultris lacerant; nunc laqueo atque alijs rationibus vitam sibi adimere conentur. Huius generis obsessum *Marc. 9.* Sacra scriptura proponit.

314. Hæc atque his similia signa à dæmonibus excitari posse dubium non est: Paret illi ad nutum, ut in scholis loquimur, materia corporalis. Cum igitur in materia corporali hæc fiant omnia; opera dæmonum fieri non temerè creditur.

315. Veruntamen omnino certa & indubitata hæc signa non sunt. quoniam non dæmones tantum, verum etiam, præter dæmones, alios authores & causas habere possunt, quemadmodum de plerisque Cap. vigesimo secundo demonstratum est.

316. Si tamen non ex infirmitate naturali, aut tristitia aliqua profecta esse constaret; nec hominum quorundam nocendi libidine allata: multa quoque ex ijs concurrerent; denique accederent illorum pleraque, quorum Capitibus præcedentibus mentio facta est, haud leue argumentum subministrabunt.

CAPVT XXVI.

De signis, quæ ad rerum sacrarum usum in dæmoniacis observantur, & latentes in ipsis spiritus produnt.

PRæter signa, quæ dæmonum quasi actiones sunt, de quibus *317.* hæcenus, alia inveniuntur, quæ ipsis ex eo produnt, quod ad verba quædam prolata, aut res aliquas adhibitas pati videantur, & ij, qui obsessi sunt, trepident, concutiantur, in voces prorumpant, & omnino sibi vim inferri, magnis argumentis demonstrent.

318. Ad hæc signa elicienda, quamvis sint, qui res quasdam profanas valere velint, nos tamen sacras utilius & rectius adhiberi credimus: de quibus etiam hoc Capite.

319. Sacrarum autem rerum hic duplex est usus. nunc obsessi quædam iubentur proferre, nunc quædam ipsis silentibus abhibentur. Prioris generis sunt Inuocatio diuini nominis, aut alicuius Sanctorum Dei, nominis Iesu prolatio, psalmi aut alicuius piæ orationis re-

Deut. 32.

citatio. Si enim hæc facere recusent, de dæmonio, non sine causa, suspecti sunt. Posterioris generis sunt, si conuittantur, terreantur, impotens fiant, blasphement; postquam Sanctorum ipsis adhibitæ. Reliquiæ, aut admotæ cereæ imagines, quas Agnus Dei dicimus: aut crux fronti fuerit impressa, aut aqua lustrali aspersi, aut sanctissimum Christi Corpus in Eucharistiæ sacramento exhibitum, aut etiam in aurem ipsorum, peregrina, quam norunt, lingua insusurratum fuerit illud: Deum, qui te genuit, dereliquisti: & oblitus es Domini creatoris tui: Denique, si Exorcismos intentatos vel non ferant, vel impatienter ferant.

Cap. 42.

43. 44.

66.

320. His & similibus signis dæmones prodi dubium non erit, si doctum fuerit, hæc ipsis inuisa & molesta esse, & præterea non posse fieri, ut aut exhorrescat Christianus homo, ubi hæc adhibentur; aut difficilem se præbeat, si ut ipsis religiosè utatur, vel orationes quasdam recitet, imperatur.

321. Et quidem dæmones illa non ferre certum est. Neque eum solum trepidant ad has machinas ipsis admotas, verum etiam, quod inuiti admodum faciunt, quandoque sedes suas relinquunt, & se grauius torqueri, haud obscuris argumentis significant, verum & hoc argumento posterius.

322. Ut vero homines hæc horreant, quis credat? Horrebit forsitan Christianus homo, si Psalmum Miserere, vel dicat, vel dici audiat? si orationem recitet Dominicam, vel quamcunque aliam? piam tamen? Si videat aut tangat Sanctorum Reliquias? si ipso præsentem legatur Exorcismi? si diabolo obijciatur, quod Deum creatorem suum requirit? 323. Reperiantur hoc tempore tam deploratæ salutis mortales; ut ex iam dictis, quædam ferre nolint, putentque esse superstitiones: quis tam est perditus, ut non ferat dæmonibus improperari, quod Deum Creatorem suum reliquerunt? Cum igitur ad hanc orationem exhorrescant obsessi, cum hæc adhibente mendacij arguant; quis dubitabit, quin trepidatio, & quæ mox audiuntur, blasphemiarum latentes dæmones prodant?

324. Non leue dixerim hoc ab his signis petitum argumentum; forsitan etiã tale, quod cum quibusvis alijs conferri comparatiue valeat. In alijs enim, quia dæmones sunt, qui agunt, possunt illa, quæ in corporibus fiunt, dici non ab inhabitantibus, sed assistentibus Spiritibus fieri: hic, quia patiuntur, omnino in ipsis corporibus residere dici videtur debere, in quibus, quod patiantur, signis quibusdã demonstrant.

325. Porro quemadmodum signa hæc dæmones produnt, ita dæmonum non hominum, in quibus ipsa notantur & obseruantur, sunt

ope-

DE DÆMONIACIS.

opera. Dæmones sunt, qui hos tremores & trepidationes excitant. Dæmones, qui vosiferantur, & ululatus edunt. Dæmones, qui in aurem insusurrantes sacra verba, mendacij arguunt. Obsessi nihil hic, nisi membra sua, inuiti, & quandoq; ignorantes, accommodant. Et Hactenus de signis.

CAPVT XXVII.

De obsessorum hominum misera conditione, ob mala, quæ dæmones, partim corporibus, partim animabus afferunt.

Miseros esse homines, qui à Spiritibus nequam obsidentur dubium non est, vnde miseria hæc sit, siue accidat, inquirendum est. In priori enim omnes consentiunt, qui vel sciunt, quid sit homines esse obsessos, vel aliquando obsessos viderunt. Quis vnquam fuit, qui obsessis non condoluit? ipsorum non misertus. 326.

327. Miseria vero ex duorum altero semper est, ex malis, quæ hominibus efferuntur, & bonis, quibus priuantur. vbi vel nullum affertur malum, vel nullius boni iactura fit, quamuis sibi miseri videantur, reuera tamen miseri non sunt.

328. Nunc, quoniam reuera miseri sunt dæmoniaci, videndum est, vtrum vel mala patiantur, vel bonorum faciant iacturam, vel simul cum bonorum iactura aduersa & mala sustineant.

329. Nec opus multis? Mala Obsessis afferri certum est: bonis ipsos priuari certum est: duobus igitur nominibus sunt miseri.

330. Verum, quoniam malum multiplex est, & bonorum varia sunt genera; quot & quibus bonis miseros homines priuant dæmones? quot etiam, & quæ mala sunt, quæ adportant? Hoc secundum prius discutiamus, postea alterum persequemur. Cap. 82.

331. Mala igitur vel corporum sunt, vel animarum. quæ & quanta dæmones corporibus efferant, superius demonstratum est, dicamus igitur, quibus rebus incommodent animabus, siue quæ ipsis mala inferant.

332. Et quidem duplicia afferri fortassis dixerint, qui mores atq; studia obsessorum diligenter expendent, vnum erit internus animi dolor, qui ex tanta, quantam Obsessi perpatiuntur, miseria percipitur: alterum diuina offensa, quam peccando obsessi videntur incurere. Cap. 4.

333. Ita forsitan quidam. Sed tamé, vtrumq; hoc malum obsessis dæmones nõ afferunt. Esto causa sint doloris, & tristitiæ, quã non paruã, ex tanta sua miseria homines percipiunt, sed tamé diuinam offensam

PARS II. DISPVTAT.

12.

hominibus non conciliant. propterea, quod hominibus, vt peccent, causa non sint, nec hominibus peccatum vlllo modo. possint ascribi, quod in ipsis residentes operantur dæmones.

334. Non negamus hoc loco, plurima peccata per obsessos committi. Nunquid audimus blasphemias? detractiones? conuitia? calumnias? nunquid videmus mortem aliquibus interdum efferri? vulnera infligi? An forte hæc non peccata? vtique. diuinam quoque hæc iram prouocant: sed quamuis per obsessos, non tamen ab obsessis hæc committuntur.

Cap. 23:

Ec.

335. Hæc omnia dæmonum sunt opera: quapropter non miseris obsessis, sed infœlicibus dæmonibus tribuenda, quemadmodum alias tribuimus iisdem reuelationem occultorum, sermonem ignotum, linguam peregrinam, membrorum tremorem, atque his similia.

336. Vnum est, quod Obsessorum dicere possumus, quod, scilicet, ipsorum membris atque corporibus nequam spiritus vtantur: lingua ad formandam vocem, ore ad euomendas blasphemias, manu ad mortem & vulnera afferenda, &c.

337. Sed tamen, nec tum ita membris hominum, quemadmodum iisdem ipsi homines vtuntur. Dum suis vtuntur homines actiones verè membris possunt tribui, ipsi illa ad agendum mouent, & vere membra agunt. Dum verò ijs in obsessis vtuntur spiritus, nec proprie ijs operationes possunt tribui, nec vere ipsa sunt quæ agunt membra, sed aguntur potius, & impelluntur ab inhabitatibus dæmonibus.

338. Hæc causa est, vt peccatum hominum non sit, quodcunque tandem hic committitur: sed nec hominibus vitio vertatur, aut dedecori, quaecunque etiam flagitium committant, quemadmodum vitio non datur securi, quod ille latro ad homines trucidandos vtatur.

339. Hæc causa est, vt ad resarcienda damna non teneantur obsessi, si quæ per illos allata sunt. Sicuti non ipsi sunt qui peccant, ita nec ipsi damna afferunt aut corporibus aut fortunis. Quod si qui ad damnorum restitutionem, quæ per obsessos afferuntur, tenentur, illi tenentur, ad quos obsessorum cura quouis modo spectabit, & quorum negligentia, quam cauere poterant & debebant, damna allata sunt.

340. Hæc denique causa est, cur de Obsessis supplicia non sumantur, quamuis maxima per ipsos committantur flagitia. An forte iusta sunt ibi supplicia, vbi nulla delicta? Si pro quantitate delictorum, quantitas debet esse suppliciorum, nulla erunt supplicia, vbi nulla, quod hic accidit, sunt delicta.

341. Porro

341. Porro quamuis à peccatis Obsessos liberemus, non liberamus tamen ab omnibus. quædam sunt, quæ ipsi committunt, à quibus non minus, quàm non obsessi, sunt excusandi. Talia sunt, quæ & per ipsos, & ab ipsis fiunt, & propria ipsorum voluntate perpetrantur.

342. Neque enim semper molesti sunt obsessis dæmones: quandoque sibi relinquuntur, & molestias nullas patiuntur. Tunc quemadmodum possunt apud Deum mereri bene; ita & diuinam iram, proprijs peccatis, prouocare possunt.

343. Ex auctore igitur operum peccata dæmonum & Obsessorum hominum distinguenda sunt. Si dæmones habent auctores, dæmonum sunt, non hominum peccata. Ad hominum sunt, non dæmonum, quorum ipsi homines causa existunt.

344. Errant igitur plurimum, qui quæcunque ab Obsessis hominibus flagitia fieri conspiciunt, illa mox ipsis Obsessis tribuunt, huicque Obsessorum miseriam metiuntur. Quam esset misera ipsorum conditio: Si quæcunque per Obsessos fiunt, ipsorum culpa fiunt; *Cap. 32.* quomodo Deum à peccato excusabimus, qui iustissimas ob causas mortales huic miseriæ, ut à dæmonibus possideantur, sæpe subiicit? Et Sancti quidam viri, Deoque charissimi inueniuntur, qui dæmonum carnificiam, in suorum peccatorum vindictam, à Deo postularunt, an forte etiam postularunt, ut Deum peccatis offenderent? & hæc illis pro peccatorum expiatione exercitatio & vexatio tribueretur, quam sine Dei grauissima offensa sustinere non esset possibile?

Thesi 433.

345. Errant quoque, qui omnia, quæ per Obsessos fiunt, dæmonibus obsidentibus tribuunt, omnibus censent veniam dandam. Non omnia dæmonibus tribuenda, non omnibus venia danda. pleraque contriti cordis significatione; sacramentali confessione, dignisque poenitentiae fructibus sunt expianda.

346. Errant, qui culpas ipsas partiuntur, partimque censent dæmonibus, partim obsessis tribuendas. quamuis fortè in aliquibus partitio hæc locum habere possit, non tamen habet in omnibus. quædam totæ dæmonibus sunt tribuendæ; quædam Obsessis totæ.

347. Dictis addendum est, quod quamuis peccatorum dæmones in obsessis hominibus causa non sint; nec ullam per se culpam ipsis affricent; ad peccata tamen multum, eosdem possint promouere & impellere. Nec mirum. Si possunt, quos non possident; quidni poterunt, quos possident?

348. Quot vero impellunt ex ijs, quos non possident? Id Christi satis superque docet oratio; dum principes huius mundi ipsos vocat. docet oratio B. Pauli, qui & principes vocat potestatis aeris, &

PARS II. DISPUTAT.

54

I. Ioan. 12. operari dicit, in filios diffidentiae docet Sanctiss. Augustin qui appellat cupiditatum Principes, quibus concupiscitur omne quod transit.
Ephes. 1. Et ad quot, quamq; diuersa impellunt peccata? Excitant in alijs odium fraternum, quoniam, vt Apostolus loquitur: qui odit fratrem suum, homicida est, & diabolus homicida fuit ab initio. In alijs studium mentiendi: hinc diabolus mendax dicitur à Domino,
I. Ioan. 3. & pater eius. In alijs libidinem: ob quam causam ab eodem Domino dicitur Spiritus immundus. In alijs superbiam: hinc dæmon dicitur Rex super omnes filios superbiae. In alijs auaritiam, propter quod de Iuda auaro dicitur, vnus ex vobis diabolus est. In alijs iracundiam: vt ob id optimè admonuerit Apostolus. curandum, ne sol occidat super iracundiam, ne sit locus datus diabolo. In alijs dolum & deceptionem, vt Apostolus indicat, cum Elymam Magum vocat filium diaboli.
Act. 13.

350. Hæc possunt in non obsessos Spiritus: poterunt, eadem in miseris Obsessos. Non minor est in hos, vt diximus, quam in non obsessos ipsorum potestas quid, quod in hos plus posse, videri debeant? tum quia à pluribus & maioribus bonis possessos à se, impedire valent; tum etiam, quia in vires illas, quas peccando voluntas sequitur, maiores possunt facere impressiones.

351. Vtroque enim modo ad peccatum calcar addi, dubium nullum est. priori quidem, quia virtutum officia haud parum impediunt peccata: quapropter dum in his homines impediuntur, ad vitia quasi incitantur: posteriori verò, quia arduum est, & difficile voluntati, vt aliam ingrediantur viam, quam ad quam apparentis, boni specie, aut appetitus atque affectuum impulsu inuitatur.

352. Iam verò dictis rationibus in Obsessos plurimum possunt dæmones. Possunt in virtutum studio impedire: possunt in illas facultates, ad quas se voluntas accommodat, magnos impetus facere. prius illud sequenti. Capite demonstrabitur: posterius intelligit, qui eos meminerit dæmonum esse vires, vt & specie apparentis boni possint facultates, quas Cognoscitiuas dicimus; dementare, & mirabiles in corpore atque appetitus facultatibus motus ciere.

353. Tribus igitur modis ad peccata Obsessos promouebunt dæmones. vno indirectè, duobus directè. Indirectè dum à bonis vel auocant, vel impediunt: Directè, primò dum specie fallacis boni inuitant; deinde dum vt voluntatem ad peccandum inclinent potentias inferiores appetitiuas, & prauos in homine motus in subsidium assumunt.

354. Sed tamen ita promouent, vt suam voluntati libertatem nunquam

quam detrahant; nullam etiam eidem necessitatem imponant. valeant viribus Impostores quam maximis, tantis non valent, ut hominum voluntates, quo delectat, possint impellere.

355. Et quamvis maximas ex omni parte machinas adhibeant: plena tamen est libertas voluntati; non eo tantum ratione, quod cogi non possit; sed etiam, quod conatibus dæmonum valeat non assentiri; valeat se opponere, valeat superior esse; valeat contraria virtutum studia exercere.

356. Hinc sequitur ex hac dæmonum vexatione dæmoniacos posse quæstum facere. quo modo verò? si impotentibus dæmonum conatibus resistent, & dum ad peccata vrgentur, in peccata non consentiant. Hic, ut difficilius victoria; ita speciosior triumpus, & merces copiosior. Atque hoc de malis, quæ per spiritus nequam obsessis hominibus efferuntur dictum sit. Nunc quibus bonis per eosdem priuentur, videamus.

CAPVT XXVIII.

De obessorum misera conditione, ob bona, quibus per dæmones priuantur.



Variis bonorum genera multa sunt, de quibus tamen præsentis Capitis inquisitio est, ad duo prima genera possunt reuocari. Quædam enim sunt futuræ vitæ, quædam præsentis. futuræ vitæ sunt gaudia regni cœlorum; huius, quæcunque ad futuræ illius vitæ conducunt.

358. Posteriora hæc in triplici sunt ordine. primo sunt habitus Theologici, Spiritus S. dona, atque imprimis fides. secundo sunt exercitia virtutum, quæ bona opera dicimus. tertio est usus sacramentorum, præcipue verò, sacrosanctissimæ Eucharistiæ.

359. De his quæstio est. Quæritur; Vtrum his omnibus obsessos homines priuent spiritus, ita scilicet, ut ad vitam æternam aditus ipsis sit præclusus: orbentur Christiana fide: non possint quidquam boni, quod illis conducatur ad vitam æternam. Non etiam admittendi sint ad sanctissimum Eucharistiæ sacramentum, atque alia Christianæ religionis mysteria. Quod res est, breuiter definimus.

360. Spe vitæ æternæ non priuant dæmones dæmoniacos. Non idcirco, quia aliquis obsessus est, à regno cœlorum est exclusus. Assertioni facile credunt, qui regni illius norunt illas esse leges: ut nullum repellat, nisi quem conscientia peccati alicuius lethalis grauat: à quo cum liberi esse possunt ij, quos dæmones inhabitant, omnino credendum est, non ijs aditum ad cælum esse præclusum.

361. Fide Obsessos priuat Daniel Tossanus Professor Heydelbergensis,

Epist. ad Petrum. gensis, sed male. Si saluari non possunt, qui fidē carent (sine fide enim impossibile est placere Deo) saluari autem possunt dæmoniaci, dum ex hac vita discedunt, quomodo dici potest, ipsos carere fide?

Heb. 13. 362. Et quid est, quod fide priuat? An Spirituum tanta est in homines potestas; ut & corpora, quæ ingrediuntur possunt vexare, & mentē suo decore, atque lumine spoliare? Possint quiduis in corpus: in animam possunt nihil. Solus Deus est, qui in animas, quemadmodum & spiritus omnes, plenum absolutumque habet imperium.

373. Quæ fidei, eadem aliorum habituum, qui in anima sunt, ratio est. ut non fide; ita nec ijs priuare possunt dæmones. Quod si quando horum iacturam obsessi faciunt, proprijs hoc ipsorum sit demeritis, non vi atque efficacitate Spirituum.

364. In virtutum exercitio quoque eadem Obsessorum, atque non Obsessorum conditio est. Non peccant semper non obsessi: nec peccant semper Obsessi. Possunt tam hi, quam illi virtutum Theologicarum, atque Moralium exercere officia. Possunt actus edere, quibus diuinam sibi misericordiam conciliant; quibus gratiam augēant; quibus gloriam eiusque augmentum acquirant, prout conditio status eorum, à quibus opera hæc proficiuntur, permittit.

3.p. q. 8. at. 9. 365. An fortē ab altaris Sacramento arcendi sunt dæmoniaci? Non sunt. Patrum pro ipsis est sententia. Eis, inquit Cassianus, teste D. Thoma, qui ab immundis vexantur Spiritibus, communionem sacrosanctam, à senioribus nostris nunquam inuenimus interdictam. Hic locum habet, quod in Arausicano Concilio habetur, canone 3. Amentibus quæcunque pietatis officia conferenda sunt.

26. 46. ca. qui recedunt. 366. Verum, quamuis Obsessis communionem sacram porrigi posse dicamus, non dicimus tamen omnibus porrigendam, sed nec quouis tempore, quibus alioqui permitti potest, porrigendam Obsessorum quidam sunt, quas ab ineunte ætate dæmones possiderunt, & molestare nunquam desierunt, qui præter extremam hominis formam, vix quidquam hominis habent: hos quia à bestijs non multum dixerimus differre, à communione censemus arcendos. Adultorum est hic cibus, postulat; ut nullus, nisi probatus, accedat. quod cum in Obsessis desideretur: non dicamus ad Dominicam mensam illos admittendos

Sunt alij qui tantas molestias à Spiritibus non patiuntur, sed quandoque requiem habent: sibi interdum requiruntur, sibi sunt præsentēs. hi, quia hunc cibum ab alio valent discernere, & ad eundem se cum reuerentia suscipiendum præparare, liberè possunt ad ipsum cum fructu percipiendum, accedere: veruntamen nunc temporis, quando

quando Dæmone molesti non sunt, nec vlla Sacramento irreuerentia timetur.

368 Minor est de alijs Sacramentis difficultas. Si de peccatis commissis dolere possunt; si facere propositum melioris vitæ: si coram Sacerdote facere peccatorum confessionem, quidni absolutionis beneficium, in Pænitentia Sacramento percipient?

369 Sic, si baptizati nondum sunt Obsessi; possunt baptizari: præsertim, si, dum sibi præsentibus fuerunt, Sacramentum Baptismi petierunt. Possunt quoque baptizari, etsi baptismum nunquam petierunt; modò Christianis parentibus nati sint, & ratione tantum nunquam valuerunt, ut Baptismum petere potuerint. Si Christianorum infantibus Baptismus conferri potest, his non potest?

370 Ex dictis sequitur Conditionem Obsessorum non esse omnium miserrimam. Multi sunt, qui; quamuis non videantur, multò tamen sunt Obsessis miseriores.

371 Deterior est Condicio *Infidelium*; siue illi Hæretici sint, siue Pagani, siue Iudæi. Destituti sunt hi summo maximeq; necessario bono fide, quo sine impossibile est placere Deo: hoc Obsessi destituti non sunt.

372 Deterior quoque eorum conditio est, qui in peccatis sunt lethaliibus. Nullum hi ad vitam æternam ius habent. Omne, quod habuerunt, per peccatum amiserunt. Hoc priuati non sunt Obsessi. Possunt Dei gratia esse instructi, atque, ut filij Dei, hac ratione castigari, absque vlla salutis æternæ & humanæ felicitatis iactura,

373 Deterior etiam est eorum, qui per Ecclesiasticam Censuram à Christi corpore seiuncti sunt; non idcirco solum; quia ad Sacramenta percipienda non admittuntur; quæ Obsessis negata non sunt, verum etiam, quia bonorum, quæ in Christi Ecclesia omnibus fidelibus communia sunt, fructu priuantur, & in salutis discrimine, nisi ad Christi Ecclesiam redeant, versantur; quæ in Obsessos non cadunt.

374. Parua igitur, vel nulla, est Obsessorum miseria, dicit aliquis si ex bonorum iactura, quam Obsessi faciunt, illa peti debet. Quid ita? quoniam hætenus demonstratum est, & nullo bonorum triplicium quæ posuimus. ipsos priuari; & præterea multò meliorem esse conditionem Obsessorum, quàm aliorum aliquorum; quos tamen nos omnino infelices iudicamus.

375 Esto, sint alij Obsessis infeliciores; sed tamen non idcirco ipsorum nulla miseria. Etsi minor sit, aliqualis tamen est. Non etiam Obsessos priuent Dæmones ijs bonis, quorum meminimus; priuant tamen bonis, & priuant multiplicibus.

376. Duplicia, præcedenti Capite, mala distinximus, Corporis & Animæ: distinguimus iam *duplicia bona*: nam & Corporis quædam sunt, & quædam Animæ. Si dæmones animæ bonis non priuant; profecto Corporis priuant. Res clara est eorum exemplis, quos Obsessos accepimus.

377. Sed & in *Anima* bonis miseri detrimenta patiuntur: & quidē illis ipsis, de quibus initio præsentis Capituli quæstio fuit instituta, quod qua ratione fiat sequentibus demonstramus.

378. Non est adempta *Spes vite aeternæ* per dæmones Obsessos: ita superius Thesi 359. Sed tamē, qui propter gratia crimina ipsi sibi causa fuerunt, ut hanc dæmonum carnificiam sustineant; & iusto Dei iudicio Spiritibus nequam relinquuntur, nec tamen spaciū a vexatione liberum habent, ut à se aliquando redeant, & de commissis peccatis poenitentiam agant; in præsentissimo salutis discrimine versantur.

379. Fide non priuant Obsessos ipsi dæmones: ita Thesi 361. Verūtamē quosdam ne ad fidem animum adijciant, impediunt: alios etiam, qui fide instructi sunt, ne fidei actus, cum suo emolumento, eliciant, retardant.

380. Quæ fidei, eadem est *aliorum habituum* ratio. Nam quibus impedimento dæmones sunt, ne fidem Christianam complectantur; illos quoque, ne reliquos, qui vel fidem sequuntur, vel cum fide coniuncti sunt, habitus obtineant, impediunt. Et quemadmodum quosdam retardant, ne fidei actus exerceant; ita ne reliquarum virtutum qualescunq; etiam illæ sint. Quod igitur diximus, Thesi 364. *in virtutum exercitio* Obsessorum, & non Obsessorum eandem conditionem esse; ea ratione dictum est, ne hoc ipso, quia Obsessi sunt, hominibus virtutum officia interdicta crederentur. quoniam, non quicumque Obsessi sunt, à virtutum schola sunt exclusi, quamvis magna detrimenta persepe patiantur.

381. Quid quod præcipua *bonorum* iactura, quam patiuntur dæmoniaci, ex *virtutum officiis* petatur? Norunt qui in Catholica religione probè instituti sunt, haud parua ad animas lucra ex virtutum studio provenire. Norunt magnam messem in animarum horrea inuehi, per Iustitiæ Christianæ officio. Quando igitur ab his dæmoniacos dæmones auocant: quando in his impediunt, vel retardant; magnis bonis mortales, Dæmonum malitia, priuari negare non potest.

382. Sed fortè virtutum studia non valent impedire Spiritus. Quidni valerent? Valent optime, & valent non vno, sed multis modis. Nam *principio* multa sunt, quæ non nisi corporum ministerio exer-

centur. hæc, quoniam corpora in sua potestate habent Dæmones ipsorum opera & posse impediri, & frequenter impediri, extra omnem controuersiam est. Deinde, mentem præsentem eadem postulant, & ut cum ratione atque iudicio fiant, requirunt. At mens, cum ad phantasmata (in quæ haud parum possunt Spiritus (in suis operationibus recursum habere debeat, tam facile perturbabitur, & impediatur; quàm est facile à Spiritibus hominis phantasiam perturbari. Requiritur tertio operam voluntatis, sine qua nihil prorsus in homine rectè peragitur. At in hanc quidem per se nihil possunt Dæmones: sed tamen, quia ipsa in corpore est; corporis commodis iuuatur; & detrimentis retardatur. quapropter, qua ratione corporibus incommodant Spiritus, eadem voluntatem impediunt.

383 Ex dictis perspicuum est, quæ in tertio bonorum genere, *Sacramentorum* inquam usu, detrimenta Dæmoniaci capere possunt. Cum enim hæc, ut plurimum, sint vel actus virtutum, vel cum virtutibus coniuncta; eadem in Sacramentorum usu detrimenta patiuntur Dæmoniaci; quæ in ipsis sentiunt virtutum officijs. Hæc de bonis, quibus Obsessi priuantur.

CAP. XXIX.

An semper sua miseria & tyrannidis, quam patiuntur, Obsessi à Daemonibus, sint causa.

DE causa, ob quam homines à Dæmonibus obsidentur, quæstio est; atque, *Vtrum ipsimet suorum malorum authores sint*, in controuersiam vocatur, quanquam propriè non tam hoc, quàm *Vtrum semper authores sint*, quæritur: & si non semper ipsi; quibusnam causis ipsorum miseria ascribenda sit.

385. Vnum igitur est, quod hoc loco quasi ponitur; alterum, quod in controuersiam vocatur: tertium, quod se ultro quasi insinuat, & responsionem postulat. Ponitur Obsessos quandoque malorum suorum esse causam. Quæritur, An etiam sine suo merito hæc aliquando patiantur. Ad hæc accedit, ut, quoniam sine Dei providentia hic nihil sit, explicemus, quantum consequi possumus, eiusdem providentiæ causas, quando absque vlla sua culpa mortales Dæmonum tyrannidem patiuntur.

386. Hypothesis certa est. Constat frequentissimè accidere, ut propter peccata sua Dæmonum carnificinam sustineant homines. Tradidit *corinth. 5. Sathana Corinthiis* quendam D. Paulus, propterea; quod incestum *1. Tim. 4.*

commisisset. Idem Paulus *Satana tradidit* Hymenæum & Alexandrum, ob blasphemias.

387. De Maria Magdalena testatur historia Euangelica, pluribus locis, Dominum *septem demonia* eiecisse: & quamvis disertis verbis causam non aperiat, ob quam fuerit Obsessa: peccatis tamen suis id ipsam meruisse, insinuat, dum *peccatricem* compellat: ut de Patrum sententia hic nihil.

388. Non obscure idem docet Christi Oratio; quando his verbis dæmonum studium explicat: Cum immundus Spiritus exierit ab homine, perambulat per loca iniquosa quærens requiem: & non inueniens dicit: Reuertar in domum meam, unde exiui. Et cum venerit, inuenit scopis mundatam, & ornatam. Tunc vadit, & assumit septem Spiritus nequiores se, & ingressi habitant ibi. Cur redit in domum Spiritus, unde exiuit? Quia quam in locis aridis non inuenit, in illa inuenit; requiem. At requies illi summa est, in impiorum cordibus, ibi igitur sedes figet; ibi habitaculum eligit.

389. Sententia B. Hieron. est (In Daniele) atque Epiphaniij (in Vita Dan.) Assyriorum Regem Nabuchodonosor à dæmonibus obsessum fuisse. Nec displicet sententia: quoniam non parua Obsessi hominis exhibuit signa. Quis verò potest dubitare hoc malum peccatis eius accidisse? Si non id consultum Danielis, *elemosynas* suadentis; profecto probat, quæ in auribus eius insonuit, oratio: *Tibi dicitur Nabuchodonosor Rex: Regnum transibit à te, & ab hominibus eicient te: & cum bestijs feris erit habitatio tua: fœnum, quasi bos, comedes: & septem tempora mutabuntur super te: donec scias quod dominetur Excelsus in regno hominum, & cuiusq; voluerit, det illud.*

390. Si Saul Regem Obsessum fuisse dicamus, quemadmodum verè Obsessum fuisse grauissimorum authorum est sententia, egregiè nostram Assertionem confirmabit. An non sua culpa fuit Obsessus? Cur enim toties reprehenditur? cur Regnum, quod humilitate obtinuit, superbia dicitur amisisse.

391. Profana exempla hic plura sunt. Sufficiet sequentia. A dæmone correpta est Geilana Franconiæ Ducissa; quod S. Kilianum, qui Duci, ut ipsam, (fratris coniugem) dimitteret, persuadebat, interfici curauerit. Sigebertus circa ann. domini 697. Correptus latro quidam Longobardus, ob furtum, quod commiserat; & quia S. Mennæ pij admonitionibus non acquiescebat, ut testatur B. Gregorius, Libr. 4. Dial. Correptus Gundericus Wandalorum Rex, quando templum, ut illud spoliaret, ingressus est.

392. Dictis vnum addimus ex B. Hieronymo, In vita Hilar. & quia pluribus

pluribus locis, in hac disputatione, seruit, ipsius Hieronymi verbis: Gazensis Emporij oppido, *inquit*, Virginem Dei vicinus iuuenis deperibat. Qui cum frequenter tactu, iocis, nutibus, sibilis, & cæteris huiusmodi, quæ solent morituræ Virginitatis esse principia, nihil proficisset: perrexit Memphim, ut confesso vulnere suo, magicis artibus rediret armatus ad Virginem. Igitur post annum doctus ab AEsculapij Vatibus, subter limen domus puellæ, tormenta quædam verborum, & portentosas figuras, sculptas in æris Cyprij lamina, defodit Illicò insanire Virgo, & amictu capitis abiecto, rotare crinem, stridere dentibus, inclamare nomen adolescentis. Magnitudo quippe amoris eam in furorem verterat. Perducta à parentibus ad Monasterium Seni (Hilarioni) traditur, ululante statim, & confitente dæmone. Vim sustinui, inuitus sum adductus; quàm bene Memphis somnijs homines deludebam? O cruces, O tormenta, quæ patior? Exire me cogis, & ligatus subter limen teneor. Non exeo, nisi me A. lescens, qui tenet, dimiserit. Tunc Senex, Grandis, ait, fortitudo tua; qui lino, & lamina strictus teneris. Dic, Quare ausus es ingredi puellam Dei? Ut seruarem, *inquit*, eam virginem. Tu seruares proditor castitatis? Cur non potius in eum, qui mittebat, es ingressus? Ut quid, respondit, intrarem in eum, qui habebat collegam meum, amoris dæmonem. Noluit autem Sanctus iubere signa perquiri, ne aut solutis incantationibus Demon recessisse videretur; aut ipse sermoni eius accommodasse si dem. asserens fallaces esse dæmones, & ad simulandum callidos. Seuerè autem, reddita sanitate, increpuit Virginem; cur fecisset talia, per quæ dæmon intrare potuisset. ita B. Hieronymus.

393. Egregiè Hypotesin hæc exempla confirmant, sed non minus ratio. Quid mirum, si per dæmones, in præsentī vita, Deus peccata vindicet; quæ per dæmones, in futura vita esse vindicaturus?

394. Quid mirum, si in homines immittat Spiritus nequam, qui pœnas, ob malè actam vitam exigent; quando non rarò Spiritus excitauit, ut (quamuis non in hominibus, sed extra homines positi) extrema mala atq; adeò mortem infelicibus afferent? Optime dictum est à Psalmographo, quòd mittat indignationem iræ suæ, per Angelos malos.

395. Non vna ratio peccata vindicandi Deo est, varias habet. Nunc pugnant pro ipso elementa & cælum: nunc armat sæuas bestias. Vritur etiam Spiritibus aliquando bonis, aliquando malis. Et quidni? Nonne pro ipso pugnaturus est totus terrarum orbis?

396. Hinc bene B. August. 4 Ciuit. c. 34 dæmones, *inquit*, nisi quos fallendo deceperant, possidere non possunt. & rursus: Potestas inimica vincit, aut subuegat neminem, nisi societate peccati.

CAPVT XXX.

Ob quas suas culpas Obsessi patiuntur tyrannidem Daemonum.

397.



Vix alia Lethales sunt, alia Veniales. Illa diuinam vindictam prouocant; & *Mortales*, quia mortem animæ afferunt, licentur: hæc nomen à venia, quam facillè obtinent sort iuntur. Vtrumque genus varium est, & multiplex; prout contingit Deum varijs multisque modis offendere.

398. De his quæritur, *Quenam sint, quæ demonibus ostium, vt homines ingrediantur, patefaciunt*; an Lethales tantum, an etiam Veniales: Et si vel altera, vel vtræque; *Omnèsne* illius generis id præstent: an potius in singulis generibus *certa sint, & determinata*. Res, quia difficultatem non ita magnam habet, breuiter expedienda est.

399. Certum est *ob Lethales homines à demonibus possideri*. Docent hoc omnia propemodum superioris Capitis exempla: tam illa, quæ *facile literæ*: quàm, quæ prophana Historiæ subministrant: quocirca longiori probatione opus non est.

400. Certum quoque Veniales culpas demonibus homines ingrediendi occasionem præbuisse. *Corporaliter traditus Satana*, inquit *Cassianus*, Coll. 7. cap. 25. vel infirmitatibus magnis, etiam viros sanctos nouimus, pro leuissimis quibusque delictis. Fortè hoc probat exemplum puellæ, quod alias cap. præcedente ex B. Hieronymo adduximus. Fortè etiam alterius, cuius Prosper Aquitanicus meminit; quæ cum in balneo quoddam Veneris simulachrum nimis impudicè intuita esset, seque eidem assimulasset; mox à diabolo obsessa est; & ita vexata, vt Nequam Spiritus gutturis meatus occuparet, facultatem fumendi cibum & potum ad septuaginta dies adimeret.

401. Quod si de harum Veniali culpa dubium est: certè dubium non est de Abbatis Moyfis, & Virginis cuiusdam monialis: quorum ille, teste *Cassiano*, professus fuit, propter impatientiam, & durius prolatum verbum: hæc propter leniorem gulam, habet vt B. Greg. lib. 1. Dialog. cap. 4. Sed exempla non nostris, verum ipsorum verbis ascribamus. De Moyse igitur sic *Cassianus*, Coll. 7. cap. 27.

402. Et quamuis Venialia, leuia peccata sint; & à venia, diximus, quam facillè obtinent, nomen habeant; nulla tamen fit hominibus iniuria, quando etiam hæc propter, demonum carnificinæ traduntur. quoniam quæ comparatione Lethalium leuia sunt; comparata cum pœnis quibuscunque magna sunt, & illas longissimè post se relinquunt.

403. Nec nouum videri debet, quod ob Venialia carnificinam demonum mortales sustineant: quoniam iustissimo Dei iudicio fit. vt etiam,

etiam, absq; vlllo suo demerito, quidam eandem subeant. Verum quoniam hoc argumentū pluribus indiget sequenti ea explicandum est.

404. Nunc quoniam diximus multiplices esse tam Veniales, quàm Mortales culpas; *Vtrum certa quedam peccatorum genera sint, quæ iustus demonum patiantur vindictam, & facilius ijs aditum patefaciant,* inquiramus. Quid igitur?

445. Quod res est, breuiter dicimus. *Certum hic constitui posse nihil.* Quemamodum Veniales, & Mortales culpæ aditum dæmonibus ad ingrediendum homines patefaciunt: ita quæcunque illæ sunt, si ita Deus permittat, & velit; petefacere possunt.

406. Veruntamen non negauerim *quasdam* esse, quæ facilius aditum præbeant: vt quas vel Deus iustus hac ratione vindicare videatur: vel ob quas ipsi dæmones in homines ingressum magis possunt affectare & desiderare Et quæ illæ?

407. Prima est infidelitas, seu *Agnita veritatis Impugnatio atq; abnegatio.* Ita docet ex Cypriano Stapletonus, in Dom. 2. Quadra multos olim à dæmonibus idcirco obsessos fuisse, quod à fide recessissent. Et Nónne dignum, vt in eos Pater mendacij potestatem habeat, qui veritatis Magistrum respuunt? Possideantur à potestatibus tenebrarum; qui in suis cordibus nolunt splendere lumen veritatis?

408. Altera est *Sacrosanctæ Eucharistiæ abusus.* Pro hac ibidem afferet exempla Cypriantis: referens & viros, & mulieres à Spiritibus malis obsessos fuisse; quod sine Confessione, atque Pœnitentia peccatorum, ad mensam Domini accessissent. Fortè cùm his quidam Corinthiorum coniungendi sunt, quos infirmatos & morbis subiectos recenset Apostolus, idcirco quod non probati Sacramentis altaris communicarent.

409. Tertia est *Blasphemia,* Hæc dæmonibus ostium aperuit, qui Alexandrum & Hymenæum sunt ingressi. Certè blasphemi digni sunt, vt à Spiritibus Blasphemix occupentur.

410. Quarta est *peccatum Superbia,* Nónne conuenit, vt qui est *Rex super omnes filios Superbia,* in superbis sedem habeat? in ipsos potestatem exerceat? Conuenire docet magno suo malo superbissimus Assyriorum Rex, Nabuchodonosor, vt alios innumeros prætermittam.

411. Quinta est *Luxuria.* Ob hanc Corinthus ab Apostolo traditus est Satanae. Fortè ob eandem septem dæmoniorum tyrannidem passa est Magdalena. Ob eandem, si non Obsessi, profectò interfecti viri septem, qui Saram experierunt. Sed & puella quædam, quia impudentius Veneris simulachrum aspexit, eidem quæ se conformauit, à dæmonio obiecta est: vt notauit Prosper Aquitanicus.

Com-

Luci II.
Iob. 40.

Commodum Dæmonum domicilium sunt Luxuriosi. Sunt enim & dicuntur *Spiritus immundi*: amant *loca humida*: non inueniunt *requiem in aridis*. Virtus eorum in *lumbis & umbilico*.

2. Reg. 16.

Sap. 2.

412. Sexta *Luor & Inuidia*. Testis huius est primus gentis Isacide Rex Saul: qui quoniā in innocentissimū, optimeq; de Rep. meritum Dauidem ira inuidiaque flagrauit; à Domini Spiritu relictus est, & à Nequam possessus. Et, si *inuidia Diaboli peccatum intravit in mundum*, ab inuidis abhorreere possunt Dæmones?

Ephes. 5.

413. *Auaritia* etiam inter culpas est, ob quas Dæmones facilem aditū habent. Posset hoc forsitan recentibus nouisque exemplis doceri; sed his opus non est, cum magnum argumentum Apostolus præbeat; tum quando docet *Auaritiam esse idolorum seruitutem*; tum, quando asserit in *laqueos Diaboli, atque varias tentationes incidere*, qui diuitijs student, & sectantur pecunias.

1. Tim. 3.

414. Ad has accedit, quæ *Sæctis hominibus offertur persecutis*. Ob hanc à Dæmonibus Obsessi plurimi: inter alios etiam Geilana Franconiæ Ducissa, ob necem S. Kiliano procuratam teste Sigeberto circa annū Domini 697. Et, quidni Diabolos socios habeant, & hospites; qui sanctos viros, Dæmonum hostes, cane peius & angue oderunt?

415. Addiderim dictis *filiorum in parentes impietatem*. Verisimile est hos facile perpeti obsidentes Dæmones; quoniam sæpe extra se positos experiuntur carnifices. Rem vno exēplo Alexandri ab Alexandro verbis probamus. *Res admiratione digna est, inquit, lib. 4. Genial. dierum cap. 19. quam recenti admiratione comperimus Roma*. Quippe nota res est: Cum apud Gabios quidam infimæ sortis, & obscuris natalibus adulescēs, vesanus & furiosus (cuius prauis mores & vita facinorosa fuerat, in parentē grauib; iurgiis conuicatus foret, post iurgia immodica, cum furijs agitatus, aduocato Dæmone, cui se deuouerat homo ille improbus & impurus; furore cæcus & amens discessisset, & Romā petere coepisset eo consilio: vt aliquod dirum facinus in patrem moliretur, dum iter faceret, Dæmonem facie hominis truculenta, sordida barba & capillo, vesteque obsoleta & squallida, obuam habuisse. quò cum simul pergerent, illum interrogasse iuuenem (quem animo anxio & sollicito videbat) quid tam tristis incederet; atque ille, cum quid iurgij cum patre fuisset, quodque aliquid scelesti facinoris patrare cuperet, respondisset; Dæmonem illum se quoque simili casu percitum fuisse dicere: proinde pergerent, & suas iniurias ultum irent. Cumque nocte appetente ad urbem applicuissent, in proximo hospitio diuertisse, atque in cubiculum, quod à caupone vtrique exhibitum fuit, haud multò post, cubitum iuisse. Cumque vna cubarent, pestem

pestem illam immanem, cum illum somno oppressum videret, infestis manibus iugulum hominis apprehendisse, ut elisis faucibus necaret, quem iam oppressisset, ni expergefactus ille, Dei opem & auxilium aduocasset: quo audito furiam illam teterrimam stridore & tumultu maximo, tantoque impetu cubiculum, vnde euasit: dicitur collisisse, ut tigna & tectum euerteret, tegulosque penitus perfrerit. Ita Alexander.

416. Decima culpa est Iurgium atque Conuiuium. Hæc enim cum sine irato animo non sint, & quandam quasi coniunctam furiam habeant, optime homines ad dæmonum domicilium disponere videntur. Quid quod inter furiosum atque obsessum vix vlla videatur esse distantia? Quidquid sit: ab his non ita procul abesse dæmones alio exemplo, idem Alexander demonstrat, quod eiusdem quoque verbis ascribimus. Autor est, inquit, Thomas monachus, *Ibidem.* homo minime malus, cuius ego fidem auctoritatemque pluribus in rebus expertus didici, qui serio mihi retulit, quod cum in monasterio & sacris ædibus, quæ in Lucanis montibus sunt, cum pluribus iurgatus foret, & post immodica conuiuia & rixas, animo perturbato inde se proriperet, cum per memoria iter solus intenderet, speciem hominis vultu tetro, nigra barba, promissis tunicis, vultu aspectuque deformi, & sæuo, obuiam habuisset: quem cum compellaret, quid ipse solus per devia errabundus incederet, dixit, equum, quo vectabatur amisisse, atque in proximos campus illum euasisse credere: cumque per sinus inuios equum vnà quæsitum pergerent, ad profluentem, in cuius alueo gurgites magni, & formidabiles redundabant, deuenisse. Et cum monachus, ut aquam traiceret, calceos sibi eximere appararet, illum mognopere coegisse, & tandem peruicisse, ut super spatulas suas ascenderet, potiusque à se, qui corpore maior erat, vedaretur, qui acquiescens, cum super illius spatulas, ut succolaretur, monachus ascenderet, illeque iam aquam ingredi appararet, dum vada exquirat, illius pedes non humana, sed tetra & deformi specie conspexit: quo animaduerso, horribili terrore percitus, Deum, ut sibi præsto esset, acclamauit. Mox dæmonem, & diram illam speciem, diuino audito verbo, stridore quærulo, & vi maxima, quanta dici potest, ita è conspectu abiisse dicit, ut eminentem quercum ingenti impetu colliserit, ac perfractis ramis funditus euerterit. Et hoc Alexander.

417. Undecima culpa est, Dei contemptus, siue religionis, & pietatis neglectus. Cum enim duo sunt Domini, quibus seruire necesse est, Deus & dæmon, ad dæmonis castra accedunt, quicumque

Deum, summum bonum deserunt. pro hac re facit exemplum, quod iam secundo citatus affert Alexander de Iuvene quodam, quem horribili specie infestis manibus diabolus inuadere querebat, quia, ut verbis Alexandri utar, constabat prauis illum moribus & inciuilibus cum Dei contemptu diu vixisse.

Cap. 16.

418. Timere etiam dæmones possunt, quæ se dæmonibus deuouent, &, ut abripiantur, sibi precantur. Nec immerito. Nonne iuste quis illius carnificinæ præest subijci, quem suum carnificem efflagitat? Et si plurimos obsederunt dæmones, qui non sibi, sed quibus alij, dæmones sunt imprecati; quid nouum si eos ingrediantur, qui eundem & sibi precantur, & precando grauitè diuinam maiestatem offendunt.

419. Ad hos proxime Magi & Diuinatores accedunt, qui, si non se dæmonibus deuouerunt, magna profecto & sacrilega cum ijs habent pacta & foedera. Demones ijsdem miseram aliquando mortem attulisse dubium non est. eosdem à dæmonibus etiam interdum fuisse obsessos probat historia ex B. Hieronyma alias allata. Verum quidquid de his sit, si iustum est, ut quo quis peccauit, eo priuantur; nullam his dicemus fieri iniuriam, si tortores experiantur, quorum simulata habuerunt obsequia.

420. Dictis adiungo Sacramenti Confirmationis contemptum, vel neglectum. Nouimus non vnum, sed plures, qui graues dæmonis molestias & persecutiones sustinuerunt, antequam Sacramento Confirmationis essent initiati, à quibus mox percepto sacramento fuerunt liberati. Quidni vero vel tales ingrediatur diabolus, vel ingredi postulabit, quibus alioquin est molestus.

421. Possunt iam à nobis recensitis peccatis plura addi: sed quoniam hæc præcipua existimamus, & reliqua ad ipsa reuocari possunt, finem facimus: atque, vtrum etiam absque culpa sua homines à dæmonibus possideantur, inquiramus.

CAPVT XXXI.

Homines quandoq, non ob proprias, sed aliorum culpas Damonum tyrannidem perpeti.

Liquando homines absque vlla culpa à dæmonibus possideri, clara est confessio B. Hieronymi. Quæ causa est, inquit, & sæpe bimuli, trimuliue, & vbera materna lactantes, à dæmonio corripantur? Inuisibilia hæc inscutabili altissimi Dei iudicio sunt reliquenda. ita B. Hieronymus.

Cum

DE DAEMONIACIS.

67

423. Cum B. Hieronymo consentit D. Chrysostomus, qui in libris, quos de prouidentia scripsit, etiam in hoc diuinam prouidentiam cognoscit, quod Sanctiores homines aliquando dæmones possideant, quos dum in peccatis volutarentur, & vitijs indulgerent, nulla aduersitas molestabat, qua ratione quoque Theodorum quendam, quem dæmonum possidebat, consolabatur.

424. Res hæc dubia non est, primo exemplo puerorum, quos ob reis defectum non est possibile peccare, & tamen quandoque à dæmonibus obsideri, non solum quotidiana probant exempla, verum etiam per suos trimulos bimulosque, & materna vbera lactentes B. Hieronymus.

425. Deinde hinc ratio suffragatur. Neque enim in alia genere malorum est hoc, quod à Spiritibus affertur, quam quæ Poenæ mala dicimus, at non necesse est hæc proprijs meritis irrogari. Neque hic peccauit, neque parentes eius, loquebntur Dominus de quodam, qui orbitatem oculorum, grauissimum poenæ malum patiebatur.

Ioan. 9.

426. Accedit ad hæc Eremitæ cuiusdam iudicium. Dicitur ille à Deo postulasse & impetrasse, vt per menses aliquot eius corpus ab inhabitante dæmonio affligeretur, propter periculum peccati, quod timebat, superbiæ. Cognouit profecto vir pius non semper præteritis & commissis peccatis tribui dæmonum torturam, sed quandoque admitti, ne in peccata homines incidant, Deumque offendant.

*Sulp. in
vita Mar-
tini. dia-
log. 1.*

427. Quanta sanctissimo Iob mala attulit diabolus, non in fortunis solum, verum etiam in corpore. An forte ipsius culpa omnia? Sanctum & rectum fuisse docet Scriptura. Et qui hæc potuit, extra Iob corpus constitutus, dæmon, eadem non posset, Iob inhabitans, quamuis sine vlla sancti viri culpa?

Iob 1.

428. Scimus dixisse B. Augustinum dæmones non possidere homines, nisi quos fallendo deceperint. Dixisse quoque: Inimicum neminem subiungere, nisi societate peccati: Sed attendit Sanctissimus Pater, non quid fieri necesse est, sed quid vt plurimum fieri assollet.

Thef. 396.

429. Interim, quam non ob propriam culpam tyrannidem dæmonum, semper obfessi patiuntur, illam non patiuntur semper sine culpa. Quemadmodum aliorum culpa, alijs malorum poenæ potest esse causa, ita potest alijs dæmonum tyrannidem & carnificinam accersere.

430. Quod dicimus, non violat leges iustitiæ. Nonne in bonis, quæ quis possidet, iuste potest puniri? Et homines quidam, nonne

quorundam hominum sunt bona? filij parentum? serui domino-
rum? inferiores superiorum?

Cap. 16.

Surius 25.
Maj.

431. Sed vtrum quod Iustitiæ leges non violat, si fieret; etiam aliquando fit? dæmonumne quidam. non ob sua, sed aliorum peccata vexationes experti? Experti. Rem exemplis docemus. Superius duo ex Cæsario attulimus; his tertium addimus ex vita Zenonis Martyris desumptum: vbi mater, cum fabrienti filio poculum aliquoties præbuisset, nec filius petere desisteret, impatientia victa, eidem poculum offert, & cum poculo dæmonum imprecatur; moxque ille ab obsidente dæmone misere cæpit torqueri. Addimus quartum cælebris illius dæmoniacæ Laudanensis in Gallia, anno 1566. liberatæ; & alterius Montensis in Hannonia, anno 1584. quæ ambæ in potestatem dæmonum, mala parentum imprecatione venerunt.

432. Constitutum igitur sit, & posse homines absque sua, sed tamen ob aliorum culpam, dæmonum tyrannidem perpeti, & præterea sæpe reipsa perpeti. At qui ob quorum? difficile hoc fortè explicatu. Ita tamen ni fallimur, serres habet; quod quamuis quibusuis in quibusuis Deus exempla suæ vindictæ possit ostendere; possit etiam quosuis per quorumcunque supplicia à peccatis detertere; nullos tamen propriè hoc supplicij genere. tanquam iusta poena, ob aliorum culpas afficere iudicandus est; nisi qui cum ipsis, qui culpas dederunt, quadam ratione coniuncti sunt.

Exod. 20.

433. Vindicabit parentum peccata in filiis dæmoniorum in seruis: Superiorum in subditis: Mariti in vxore, & contra. Deus noster Deus. est, Zelotes, vindicans peccata parentum in filiis, in tertiam, & quartam generationem.

CAPVT XXXII.

Fieri quandoq; vt absq; vlla sua culpa dæmonum cruciatus in obsessis corporibus sustineant mortales; sed tamen non sine magnis diuina prouidentia rationibus.

434.

INhuius Capitis ingressu B. Hieronymi, superiori Capite allatam constituimus sententiam. Quæ causa est, inquit, vt sæpe bimuli trimuliue, & vbera materna lactantes à dæmonio corripiantur? Inuisibilia hæc inscrutabili altissimi Dei iudicio sunt relinquenda. Docet Sanctissimus vir, hac sententia, non tantum aliquando accedere, vt absque vlla sua culpa mortales à dæmonibus possideantur; verum etiam absque eum culpa. Hinc non iudi-

iudicat multum nostras cogitationes sic fatigandas, & diuinam potius vult prouidentiam admirandam & prædicandam.

435. Et ita se prorsus res habet. Eit haud raro, vt absque vlllo hominum demerito patiantur homines non hanc solum, de qua agimus, dæmonum carnificinam; verum etiam alia quæcunque mala, quæ vel corporibus possunt incommodare, vel fortunis. In quibusdam malis vix alias causas quam diuinam prouidentiam possumus inuenire.

436. Et profecto multas diuina prouidentia, potest habere causas, quando etiam nullo hominum culpa hanc carnificinam dæmonibus vel permittit, vel præcipit. scilicet vel hic propositum est homines instruere; vel à vitijs deterrere, & ad virtutum studia incitare; vel statuere exemplum patientiæ: vel maioribus bonis aptos & capaces in futura vita reddere.

437. Instruit duobus modis. Nam principio hinc intelligunt, præter corpora, Spiritus quosdam esse, omnis concretionis expertes; quod Sadducæi inficiabantur: deinde colligunt mirum non esse, si *Act. 19.* animam corporis expertem possideant; quæ etiam, quemadmodum spiritus immortalis sit æterna, & post hanc vitam, aliam viuendi rationem sit ingressura.

438. Deinde hic, in imagine quasi, ob oculos ponitur extremi illi cruciatus atque tormenta, quæ post hanc vitam reprobos manent: fitque ipsorum consideratione, vt mortales fugiant peccata, quibus dæmonum imperium & carnificinam olim in futura vita demerentur.

439. Agnoscunt etiam, quantum spirituum immundorum erga humanum genus sit odium; cum tanta in miseros homines, atque innocentes etiam barbarie sæniunt. quæ meditatio hoc habet emolumenti, vt prorsus animos mortalium (nisi fortè deploratae sint salutis) à spiritibus auertant, & omnem cum iisdem societatem, atque communionem dissoluit.

440. Possint & hinc homines discere, quidnam in anima eorum, qui Lethalia peccata perpetrarunt, dæmones efficiant. quæ in corporibus fiunt; iudicia eorum sunt; quæ in anima accidunt. An non rupta vincula in obsessis Euangelicis argumentum sunt, eos, qui cum peccatis fædus habent, rumpere omnia honestatis vincula, quæ, ne peccent, prohibere possunt? Et quod quidam hominum societatem fugiant, atque in montibus cum feris degant, nonne communionem Sanctorum, quæ in Ecclesia est, ipsos demonstrat priuari? quod vero alios lædere dicantur, nonne magnum argumentum est, peccato-

res non sibi solum, sed alijs quoque detrimenta afferre; si non alijs rebus, saltem malo, quod præbent exemplo?

441. Denique hac ratione bonos exercet Deus. de hoc dubium est nullum. ut alijs rationibus, ita hac suos Deus præest probare. Qui potestatem dæmonibus facit, ut extra iustos constitui, ipsos affligant; potest etiam salutatem dare, ut corpora ingrediantur, & suam tyrannidem exercent.

442. Et quemadmodum, suos hac ratione probat Deus: ita & ipsorum augent merita, & maioribus atque pluribus modis se ijsdem obstringit: ut taceam, quod vniuerso mundo virtutis suorum præbeat egregia exempla.

FINIS SECVNDÆ PARTIS DIS-
putationis de Dæmoniis.

TER



71

TERTIA PARS
DISPUTATIONIS DE
DÆMONIACIS,

IN QVA,

*De varia potestate, & multiplicibus modis demones ex humanis
Corporibus eijciendi, eorumq; efficacia, & his simi-
libus agitur.*

CAPVT XXXIII.

*Esse aliquam potestatem & virtutem, quia ex hominum corporibus eij-
ciantur demones:*

Ertia Disputationis Pars circa modum, & rationes spiritus nequam ex humanis corporibus profligandi versatur. In hac, si generatim loquamur, quatuor potissimum quærun-
tur. primum est, Sitne aliqua potestas, qua ex hominibus demones exigi valeant. alterum, penes quos hac potestas resideat. tertium, Quibus potissimum rebus nitatur. quartum, Quænam causæ, cur cum tanta difficultate homines relinquunt ipsi spiritus.

444. Primum caput, quemadmodum & alia, partes continet plures. Neque enim tantum demonstrandum est, Esse aliquam talem potestatem; verum etiam definiendum, vna ne sit illa, an multiplex: & si multiplex, eademne omnium conditio, siue, quod inter illas discrimen.

445. Et quidem esse aliquam tamen potestatem, nemo debet dubitare, qui vel mediocriter in sacris literis est versatus. Illæ siquidem, & à quo ipsa collata sit demonstrant; & quibus collata sit, & quam ob causam collata sit, & præterea, quam non frustra collata sit, haud lenibus argumentis insinuant.

446. Docent collatam esse à Christo Domino. Nam quos ille in vniuersum mundum misit, vt nouam in mundum lucem inferrent, cælestemque doctrinam docerent; hac voluit potestate esse munitos, & instructos, vt, quandocunque ita expedire iudicaret, demones ex humanis corporibus eijcerent.

447. Docent omnibus fidelibus, sed tamen imprimis Apostolis, atque Christi Discipulis esse communicatam. Dedi (loquitur suis
Dom-

Luc. 10. Dominus) vobis potestatem calcandi super serpentes & scorpiones, & super omnem potestatem inimici. Et profecto si vllis. his imprimis illa erat communicanda, qui & pluribus modis se Domino obstrinxerant, & socij operis tam excellentis, quod ipse perfecturus in mundum venerat, erant futuri.

448. Docent ob quem finem sit collata: vt scilicet hac ratione auctoritatem sibi apud infideles facerent: & veritatem doctrinæ, quam afferrent, virtute miraculorum, & præcipue dæmonum profligatione, astruerent.

449. Docet non frustra hanc Apostolis collatam fuisse potestatem. Nunquid non plurima, ex hominum corporibus, dæmonia eiicerent? Infinita pro hac re, exempla suppeditant, qui eorum res gestas descripserunt: verum illa referre necesse non est, cum sacra suppetant. Nominis à S. Paulo eiectionem esse spiritum pythonem ex puella, quæ haud paruum quæstum suis Dominus diuinando faciebat. Nouimus attractu sudarij eiusdem profligata dæmonia. Nouimus omnium Apostolorum hanc communem esse vocem: Domine, etiam in nomine tuo nobis subiiciuntur dæmonia.

Act. 19.
Act. 15.
Luc. 9. 450. Potestas hæc Apostolis collata, cum Apostolis extincta non est. mansit sequentibus temporibus. neque enim ad Apostolos tantum pertinet, quod dicitur: Signa eis, qui crediderint, hæc sequentur. In nomine meo dæmonia eiicient: Omnes Christi fideles hæc oratio comprehendit. tamdiu hæc à Christo collata potestas perdurabit, quamdiu erunt, qui Christi fidem profitebuntur.

Mar. vlt. 451. Quanquam & aliud pro hac potestate argumentum sacræ litteræ subministrant: dum docent futuros sequentibus temporibus, qui dæmonia sunt expulsuri: & tamen longe à Christi amicitia alieni. de quibus his verbis Dominus. Multi dicent: Domine, Domine; Nonne in nomine tuo dæmonia eiiecimus, & virtutes magnas fecimus? quibus dicetur: Nescio vos.

Matth. 7. 452. Si Patrum pro hac re sententias omnes proferre voluerimus, haud dubium, molesti erimus. Sed tamen non omnes prætereundi sunt, ex multis igitur paucos referimus. Dæmones, inquit Terullianus, non tantum respuimus, verum etiam reuincimus, & quotidie traducimus, & de hominibus expellimus, sicut pluuiis notum est. Cyprianus ita habet: O, si audire velles (sic compellat Demetrianum Africæ Proconsulem) & videre; quando à nobis adiurantur & torquentur spiritualibus flagris, & verborum tormentis de obsessis corporibus eiiciuntur: quando eiulantes, & gementes voce humana, & potestate diuina flagella & verbera sentientes venturum ludi.

Ad Scapulam. c. 2.

DE DAEMONACIS.

73

Iudicem confitentur. Veni, & cognosce vera esse, quæ dicimus. ita Martyr Cyprianus. In eandem sententiam loquitur Iustinus de veritate Religionis Christianæ. Eius, inquit, nominis (Iesu) potentiam dæmones tremunt, & reformidant. & hodie quoque illi, per nomen Iesu Christi, Crucifixi sub Pontio Pilato, qui Iudææ procuratorem egit, adiurati nobis parent.

453. Nostri quoque temporibus in Christi apud Catholicos Ecclesia, hæc potestas est; & eadem illa, quæ à Christo suis primum collata fuit discipulis, sequentibus seculis perduravit. quod quamvis quidam sine ratione negent, probari tamen haud obscure inde potest; quod eadem est apud Catholicos, quæ in Apostolis fuit, & Maioribus nostris, orthodoxa fides: quod idem Catholicis, quod olim illis fuit propositum: denique quod non aliæ ferè modo, quam olim, ad dæmones expellendos adhibeantur machinæ, & tormenta. Sed de his alias.

Cap. 42.
& sequē-
tibus.

CAPVT XXXIII.

De quadruplici potestate, qua dæmones ex hominum corporibus ejciuntur

E Sic potestatem aliquam, qua dæmones ex humanis corporibus pelli possunt, probatum est: vtrum vna illa, eademque omnibus locis atque temporibus fuerit; atque vtrum si multiplex, æquales omnium vires, omnesque probari debeant, non temerè quæritur: quocirca nec sine ratione hic definitur.

454.

455. Et præter illam, quam Christus Ecclesiæ relinquit, de qua præcedenti Capite actum est, fuisse aliam aliquem, Dominus docere alicubi videtur. Cum enim per summam contumeliam, quod in nomine Beelzebub dæmonia ejceret, ipsi obijceretur, hanc à se calumniam, exemplo filiorum Iudæorum, qui apud ipsos Exorcistas agebant, & dæmonia eijeiebant, remouit. filij, inquit, vestri, in quo dæmonia ejciunt.

Lucæ 11.

456. Scio per filios hos, quosdam Christi Apostolos intelligere; & putare, non alterius, quam Christi Exorcismi hic fieri mentionem: sed rectius sentiunt, qui non Apostolos, sed Exorcistas Iudæorum, qui Christum etiam multo tempore præcesserunt, & dæmonia eijcerunt, intelligunt. Neque enim, cum aduersus Iudæorum calumnias se Dominus defenderet, iam cum hac dæmones ejciendi potestate ad Euangelium prædicandum missierant Apostoli. postmodum hæc ipsis concessa fuit. Accedit, quod similem calumniã Apo-

Ians. 1. c.

49.

Mat. 18.

Mat. 10.

stolos passuros Dominus significauerit. Si patrem familias, inquit, Beelzebub vocauerunt, quanto magis domesticos eius?

457. Sed fuerint hi quicunque voluerint, fuisse præter illam, quam suis Dominus contulit, aliam, qua dæmones pellerentur potestate, ex Iosepho Iudæorum scriptore clarum est: is sic loquitur. Præ-

*Lib. 8.**Antiq. 6. 2.*

stitit autem Deus etiam Salomoni, ut contra dæmones artem, ad utilitatem hominum, & eorum curas edisceret: & incantationes instituit, quibus adstricti dæmones, ne denuo redeant, effugantur. Et hæc cura hætenus apud nos multum præualere dignoscitur. vidi enim quendam Eleazarum, de gente nostra, præsentem Vespasiano, & eius filijs, & tribunis, alioque simul exercitu, curantem eos, qui à dæmonibus vexabantur. Modus autem medicinæ fuit huiusmodi. Intulit naribus eius, qui à dæmonio vexabatur annulum habentem sub signaculo radicem à Salomone monstratam: deinde per nares odorantis dæmoniū abstraxit, & repete cecidit homo. Postea id adiurauit, ne amplius rediret, Salomonis interim mentionē faciens, & incantationes ab illo inuentas recitans. Volens autē satisfacere, ac probare præsentibus Eleazarus hanc se habere virtutem, ponebat ante eos aut calicē, aut peluim aqua plenum: & dæmoniū imperabat, ut ab homine egressus, ea euerteret; & videtibus præberet iudiciū quod hominē reliquisset: quo facto sapiētia Salomonis cunctis innotuit. Hæc Iosephus.

458. Addo, quod non tantum his à Salomone acceptis artibus Iudæi ad profligandos dæmones vsi sint, verum etiam ad eandem rem adhibuerint nomen tetragrammaton. Cui enim illud scire, aut fari licuisset, quemlibet eam facultatem aduersus dæmonia affecutum esse testatur Epiphanius, agens aduersus Ebionæos.

Cap. 30.

459. Præter has dæmones eiiciendi, iam recensitas rationes, quarum possumus constituere, qua per dæmones dæmonia expelluntur. Hac Apollonius Tyanæus vsus est, & tot sibi discipulos consciiuit, ut

*Lactant. l.**3. c. 3.*

Eusebius octo libros aduersus Philostratum Appollonij præconem coactus fuerit conscribere. Hac vsi Magi, de quibus apud Leonem Africanum legimus: qui post ductos aliquot circulos & characteres in fronte dæmoniacy, interrogatumque dæmonem, eundem ab hominibus exigebat: Hac etiam illi vsi videntur, quorum Iustinus meminit, oratione ad Gentiles. De similibus locutus videtur Vlpianus,

*Lib. 1. ff. de**var. &**extraord.**cognit.*

cum negat ijs, qui incantarunt, qui imprecati sunt, & qui exorcizarunt, de eorum mercede ius esse dicendum. Non enim Christiani erant, qui gratis absque aliqua conuentione stipendij, huiusmodi officium impendere consueuerunt, sed gentiles, impostores, & circulatores, qui vrbes circuibant, & superstitionibus utebantur, eoque exerci-

tio

tio instar medicorum curantium corpora, quæstum faciebant, & pecunias colligebant.

460. De hac quartaratione dubium nullum fuit apud Iudæorum Scribas & Phariseos. hinc Christi miracula, & dæmonum expulsionem eleuantes: In principe dæmoniorum Beelzebub, inquebant, eijcit dæmonia. Sed nec res noua videri debet; cum constet non æquales omnium dæmonum vires esse; sed alios alijs potentiores, & ob id facile fiat, vt hi inferiores sedibus suis pellant.

461. Et quamuis Dominus alicubi probare videatur fieri non posse, vt dæmones dæmonia pellant; nisi suum regnum velint dissolutum: non tamen animo negasse dæmones hanc potestatem habere; quin imo indicasse hauc exceptionem aduersus rationem à se allatam produci posse, inde potest colligi, quod illa, non tanquam satis firma, non contentus, alias, quæ non ita facilem exceptionem haberent, in medium proferre voluerit. quanquam & hoc dici potest, significare voluisse Dominum inuitos Diabolos per socios nunquam pelli. quando enim ad sociorum imperium cedunt, non tam expelluntur, quam sponte egrediuntur.

462. Ex dictis sequitur quadripartitam potestatem dæmones pellendi posse distingui. vna potest dici Christi: altera Dei: tertia Salomonis: quarta Diabolica. Et hæc quidem ab ipsis fere authoribus distinctio sumitur. Ita dicemus aliam diuinam esse, aliam naturalem. Naturalis est, qua dæmones vi dæmonum pelluntur: diuina, qua Dei munere & beneficio: vt in illa Dei, Christi, atque Salomonis contigit.

CAPVT XXXV.

De multiplici differentia inter quadruplicem potestatem expellendi Dæmones.

Multiplex est differentia inter rationes; quibus superiori Capite dæmones expelli diximus, & alia ab ipsarum authoribus; alia à forma; alia à subiectis; alia à finibus, alia ex alijs causis & circumstantijs petitur. 473.

464 Priores tres, quas diuina autoritate niti diximus, Deum habent authorem, si tamen vnde primùm illæ profectæ sunt, velimus attendere. Hoc de illa, quam Christus suis cōmunicauit, dubium non est, cū Christum omnes verū Deū profiteamur. Constat quoq; de illa, qua per inuocationē nominis tetragrammaton dæmonia pulsa sunt. Nec possumus de illa Salomonis dubitare, cū & diuinitus illā cōmunicatā esse testetur Iosephus, & omnis omnino potestas, qua dæmones pelluntur, si modo licita sit, diuina sit. At hoc Diabolica ab his dif-

fert. Hæc enim vt à dæmone nomen habet, ita dæmonem agnoscit authorem.

465. Forma in omnibus alia atque alia est. Dei, nominis Tetragrammaton constabat inuocatione: Salomonis postulabat anulum habentem subter signaculum radicem à Salomone monstratam, quem & naribus eius qui Obsessus erat, oportebat inferri: Christi olim præcipue habebat eius nominis inuocationem, aut restales, quæ ad eius diuinitatem asstruendam, aut doctrinam confirmandam facerent. Nihil horum habuit Diabolica.

466. Etiam subiectis siue ministris differunt. Diabolica non pene quoscunque; sed illos, qui se dæmonibus vouissent, fuisse videtur. Dei apud eos, quibus permissum erat in nomine Tetragrammaton, vt Epiphanius insinuat, Salomonis certos habuit Exorcistas. At Christi quamuis præcipue Apostolis, omnibus tamen omnino fidelibus initio communicata fuit.

467. Fines diuersos fuisse in his diuersis modis nemo dubitat. Neque enim vnquam idem Deo, & dæmonibus propositus est finis. Itaque in potestate, quæ à Deo est, diuini nominis gloria, & augmentum, hominum incolumitas & salus, & à miseria libertas quæritur: in Diabolica, si fortè hoc postremum confertur, profectò priora frustra expectantur.

468. Quod si primordia atque principia potestatum harum inquiramus, etiam hinc aliquod discrimen licebit accipere. Postrema omnium est, quam Dominus suæ Ecclesiæ contulit: hac aliæ sunt prioris, Inter has, si ordo constituendus, poterit præponi illa Dei. Neque enim verisimile est Salomonis præcedere, cum ante Salomonem à dæmonibus mortales obsessos fuisse dubium non sit; & credi debeat non defuisse ijs subsidia, quibus iuuarentur. Diabolicam autem Dei posteriorem esse, idcirco videmur posse asserere; quod dæmon Dei simia dicatur, qui Dei in rebus omnibus opera imitetur, & effingit.

469. Efficacia omnes superare videtur illa Christi. Id non inde solum colligimus, quod in propria persona illam Dominus exercuerit, & nullo labore, leuissimis etiam adhibitis machinis, multitudine propemodum innumerabiles dæmones expulerit; verum etiam ex eo, quod suis promiserit maiorem, quasi quam ipse in edendis miraculis habuit, virtutem & potestatem. An non quod dicimus *Thef. 583.* probant D. Pauli cingula? Petri vmbra? dæmonia etiam ab ijs pulsa, qui quamuis Christo non crederent, Christi tamen inuocationem in dæmonum eiectione adhibebant.

470. Differunt quoque duratione. Constantior multo est illa Christi profligandi dæmones ratio. Aboleuit, quæ per nominis tetragrammaton inuocationem Spiritus pellebat: perdidit suas vires illa Salomonis: Christi perdurabit, quamdiu eius in terris Ecclesiæ subsistit. Si diabolica manet, non viribus suis, sed Dei permissione manet.

471. Licet hinc aliud discrimen petere, quod illud? quod priores, hoc est, diuinæ illæ absolutæ sint: diabolica non item. Sint quantæcunque vires dæmonibus superioribus; sint inferiores promptissimi ad superiorem mandata exequenda; nisi tamen ita Deus permittat; illi hos per Māgos humanis corporibus pellere non possunt: quemadmodum neutri, id est, tam inferiores, quam superiores, nisi Deo permittente homines possunt ingredi & possidere.

472. Addimus dictis vltimam, qua diabolica à cæteris distat, differentiam. Non debent damnari illæ tres, quæ diuinam habent auctoritatem: diabolica probari nulla ratione potest. Quocunque hic propositum sit bonum; quodcunque malum caueri possit; permitti non debet, vt opera dæmonum in dæmonibus pellendis quis vtatur.

CAPVT XXXVI.

Ob quem finem Ecclesiæ sua Dominus contulerit potestatem dæmones ex Dominum corporibus eiiciendi.

Non tam hic quæritur, quare Dominus missurus Apostolos 473 ad Euangelium prædicandum, ipsius dæmonia eiiciendi facultatem tradiderit, quam, propter quam causam voluerit hanc in sua Ecclesiæ perpetuis temporibus esse hanc potestatem. Prorsus forsitan pauciores; huius plures sunt causæ: quæ, quia illas suo ambitu complectuntur, hoc loco solum referendæ sunt.

474. Possunt autem hæ, vel ex parte eius, qui hanc potestatem Ecclesiæ contulit; vel eorum, qui potestatem exercent; vel eorum, qui à dæmonibus liberantur; vel etiam ipsorum, qui ex obsessis eiiciuntur dæmonum, conditionibus peti.

475. Christo potissimum erat propositum initio nascentis Ecclesiæ Euangelium suum mundo persuadere. Ad quod cum maximis machinis opus esset, non debuit dæmonum eiectio, quam magni miraculi loco omnes habent, prætermitti.

476. Et quamuis alijs, etiam rationibus, sed tamen imprimis dæ-

monum eiectione: Euangelij virtus erat confirmanda: vt vel hinc intelligerent mortales, dæmonum regnum Christi doctrina dissolui, & à dæmonum potestate credentes in filios Dei vindicari.

476. Quocirca mirum videri non debet, quod in hoc mirandi genere se plus Dominus occupauerit, pluribus etiam hic rationibus fit vsus. quibus vero? quosdam sibi vltro oblato liberauit, nihil ab ijs exigendo: ab alijs exegit fidem. quosdam item absentes ad aliorum petitionem enrauit, vt filiam Cananæ; nonnullos sibi per occasionem obuios factos. Sic alijs cum ipsorum aliquo incommodo subuenit; quibusdam cum aliorum detrimento. Nonnullos etiam dæmones eiecit imperando silentium; alios exigendo nomen ipsorum.

Luc. 4.

Mar. 6.

Mat. 15.

Mat. 8.

Mar. 9.

Mat. 8.

Luca 4.

Luca 8.

Ioan. 5.

478. Voluit etiam hac Spirituum eiectione Dominus virtutem suam mundo probare, atque se esse verum Deum demonstrare. Hinc ipse quodam in loco: Opera, inquit, quæ facio, illa testimonium perhibent de me. Nec leue hinc argumentum sumitur. Cum enim summa dæmonum potestas sit, nec vlla quæ cum ipsorum conferri valeat, profectò, quando ad Christi imperium profligantur, ipse omnibus dæmonibus superior esse conuincitur.

479. Et Christi diuinitatem egregiè confirmabant partim modus, quem in dæmonijs eijsciendis seruabat: eijscebat plerumque verbo. partim multitudo expulforum, qui aliquando 666. fuerunt. præterea dæmonum trepidatio atque angustia, qui se torqueri magnis clamoribus testabantur: & quod non per ipsum solum; sed & per alios, in suo tamen nomine, dæmonia eijscerentur: denique quod vel sola sudaria atque semicincta eorum, qui ipsius essent discipuli, ad spirituum expulsionem valerent:

480. Hæ præcipuè Christi temporibus fuerunt causæ. Ad has accedit, quod hac ratione suorum amicorum sanctitatem & integritatem mundo voluerit innotescere Dominus. Neque enim paruum sanctitatis testimonium est, quod ex Spirituum eiectione sumitur; præsertim si in vita, quod reprehendatur. deprehendatur nihil; multa etiam sint, quæ laudem, & commendationem mereantur. Hæc ratio in S. Hilarione (vt alios omittam) locum habuit: de quo sic B. Hieronymus: Latebat, inquit, in Cypro insula Hilarion. Cæterum vix ad plenum viginti transire dies, cum per omnem insulam quicunque immundus habebant Spiritus, clamare cæperunt, venisse Hilarionem, seruum Dei, & ad eum se debere properare. Hoc Salamina, hoc Curium, hoc Lapetha, & vrbes reliquæ conclamabant. Intra triginta igitur, nec multo amplius, dies, ducenti ferme, tam viri, quam mulie-

In vita eius.

mulieres ad eum congregati sunt, qui omnes ab eodem curati.
Hæc Hieronymus.

481. Cum hac causâ, alia affinitatem habet, quod ad Sanctorum virorum honoré Dominus re hanc valere velit. An ignoramus Deo propositum esse; ut, in hac etiam mortalivita, honoribus prosequatur, *IOAN. 17.* qui ei ministrant, & voluntatem promptè exequuntur? Quantus vero hinc ad Sanctos honor redit; dum nunc ad ipsorum imperium, quando in viuis erant, dæmonia profligata; nunc, postquam ex hac vita discesserunt, ne puluerem quidem ipsorum illa ferunt? nunc *CAP. 43.* etiam ad solum Sanctorum nomen exhorrescant & trepidant?

482. Voluit etiam hac potestate Deus obsessis hominibus consultum esse. Quamuis enim animarum præcipuæ sit medicus, & animarum salutem ante omnia quærat, corporum tamen curam non omnino deponit; etiam quæ illis aduersa sunt (ut sunt molestiæ à spiritibus allatæ) pro humanitate sua, & erga humanum genus beneuolentia, tollit & tanto magis ab ipso hic auxilium erat expectandum; quod solus ipse iuuare posset.

483. Hominis dignitas quoque hinc potest deprehendi, & summus Dei erga ipsum amor & beneuolentia. quomodo vero? Subiecerat homini initio conditi orbis vniuersam corpoream creaturam. In orbis recreatione, & restitutione, eidem etiam in spiritualem creaturam confert potestatem: potestatem, inquam, calcandi super serpentes, scorpiones, dæmonia. Nonne hæc magna hominis dignitas.

484. Præterea ad splendorem atque ornatum Ecclesiæ, quam maximopere Christus dilexit, facit hæc Ecclesiæ communicata potestas. Sic scilicet nullum amorum genus ipsi patitur deesse. Non tantum voluit instructam esse spiritualibus illis præfidijs, quibus animorum lucra & commoda habentur; sacramenta loquor; voluit quoque ornari potestate, qua dæmonia valeret ex humanis corporibus exigere. *Ephes. 5.*

485. Possunt & hinc mortales intelligere, si quando peccant, non dæmonibus peccati culpamtribuendam esse, sed sibi. Esto circumcant, ut Leones, dæmones, retia ubiq; collocent, ubique struant infidias: superior tamen ipsis est homo: cuius hoc magnum argumentum; quia etiam inuitos suis sedibus pellere potest. *1. Pet. 5.*

486. Denique valet hæc potestas ad confundendos spiritus. Quam est grauis ignominia, si potissimus dux à sordido, & pannofo vincatur? arce sua atque domo pellatur? priuetur possessione & bonis? Quanta verò dæmonum potentia? sed tamen Christianus aliquis miles, quam

quamuis nullo loco in mundo habeatur, versetur cum bestiis terræ ieiunio & inedia sit exhaustus, potest nihilominus verbo dæmonibus exilium imperare; potest inuitos sedibus suis pellere.

CAPVT XXXVII.

Penes quos sit potestas dæmones eiiciendi, quam sua Ecclesia Christus Dominus reliquit.

487.



Equitur vt penes quos sit potestas Dæmonica eiiciendi, definiamus. quod dum facimus; simul, quid in ijs, qui hac potestate legitimè, cum fructu vti volunt, requiratur discutendum est.

488. De sola vero Christi, quam ille mortalium generi in Ecclesiæ suæ commodum reliquit, sermo est. Etenim si de vniverso genere loquendum sit, dubium non est, quin & penes Deum illa sit, & penes Angelos, & etiam penes quosdam ex ipsismet nequam Spiritibus.

489. De Deo res clara est. In manu eius sunt omnes fines terræ: In ditione eius omnia posita. Omnia eius imperio parent. Qui factus est vt nullum timeat, Deum timet. Quemadmodum Deus omnes res ex nihilo creauit, ita omnes in nihilum potest redigere; ita loco movere, ita sedibus suis exturbare.

*Lib. 3. de
Trin. c. 4.*

490. Angelos bonos in malos habere imperium docent B. Augustinus, & B. Gregorius. Augustinus sic loquitur: spiritus vitæ deservitor, atque peccator regitur per spiritum vitæ rationalem, pium & iustum. Gregorius docet virtutes aduersas (quarum nomine dæmones intelligit) subiectos esse Angelis, qui potestates dicuntur. Quod si ita est, quidni possent sedibus suis eiicere? Sed & Raphael Almodæum in ægypti fines fugauit, atque, ne vnquam ad Saram rediret; mandauit.

Tob. 6.

*1. p. q. 109.
art. 4.
ad 3.*

491. Et omnes quidem, etiam inferiorum ordinum, Angeli, quoscunque ordinum superiorum dæmones eiicere valent. qui inferiores sunt ordine naturæ, inquit S. Thomas, præsent dæmonibus, quamuis naturæ ordine superioribus: quia addit, virtus diuinæ iustitiæ, cui Angeli boni inhaerent, potior est, quam virtus naturalis Angelorum.

492. Possunt & mali malos spiritus pellere, socij socijos, nequam nequam. Neque enim omnes æqualium sunt virum. qui superiores sunt ordinibus, superiores sunt viribus. qui sunt inferiores viribus minus valent. quocirca & hi illis coguntur cedere, & illi
hos

hos possunt, si modo volunt, sedibus deijcere, vt superius assertum *Cap. 16.* est.

493. Cæterum de his nostra disputatio non est de hominibus est quæstio. Quærimus, quibus hominibus potestas, quam Christus in mundum intexit, communicata sit: omnibus siue, an certis? & si certis, quibusnam illis? Atque hoc præcipuum hîc caput est.

494. Porro, si ex vsu potestatis, rem voluerimus definire, atque exemplis niti, quæ Nouum Testamentum suppeditat, tres hominum classes constituere necesse erit, quibus iam sæpe dicta facultas communicata esse videri posset: si vero non exempla, sed Christi orationem consulamus, duas tantum reperiemus.

495. Expulerunt dæmonia Apostoli & discipuli Domini. id ipsorum oratio testatur: Domine, inquit alicubi, etiam dæmonia subijciuntur nobis. Expulerunt, qui Christi fidem complexi erant, quamuis in Christi, vel discipulorum, vel Apostolorum non essent ordine. Neque enim frustra à Domino dictum est: Signa eos qui crediderint. hæc sequentur: In nomine meo dæmonia eijcient. Expulerunt etiam, qui nec in discipulorum essent numero, nec inter fideles haberi vellent, vt Apostoli Ioannis hæc oratio probat: Præceptor, videmus quendam in nomine tuo eijcientem dæmonia, & prohibuimus eum, quia non sequitur nobiscum. *Luc. 10.* *Mar. vlt.* *Luc. 9.*

496. Verum his omnibus, Christi oratione, aut promissione, potestas collata non erat. hoc in tertio horum genere manifestum est; qui quamuis Christi nec discipuli essent, nec doctrinam profiterentur, cum Christi tamen nominis inuocatione, vt alios facitare videbant, dæmonia expulisse videntur.

497. In horum numero fuerunt Exorcistæ, quorum Actuum Apostolicorum historia meminit: qui circumeuntēs, super eos, qui Spiritus malos habebant, nomen Domini Iesu, quem Paulus prædica-
Cap. 19. bat, innocabant: sed tamen non eandem hi cum prioribus illis fortunam experiri. Illis paruerunt dæmonia, & sedes suas reliquerunt, hos vestibis spoliatos, & egregie pulsatos conuerterunt in fugam.

498. Duobus igitur hominum generibus hanc à Christo potestatem dicamus esse communicatam: viris Ecclesiasticis, siue Deo consecratis, quos Christi discipuli referunt; & hominibus Laicis, siue, qui nullis sacris ordinibus sunt initiati, quales haud pauci initio nascentes Ecclesiæ fuerunt.

499. Pro vtrisque sunt Sacrarum Scripturarum testimonia. Pro prioribus quod dicitur: Ecce dedi vobis potestatem calcandi super serpentes, & scorpiones, & super omnem potestatem inimici. Pro *Luc. 10.*

Mat. ult. posterioribus quod inter signa, quæ credentes dicuntur secutura, numeretur dæmonum eiection.

500. Atque ita se res habuit initio nascentis Ecclesiæ: id multis exemplis Apostoli; id multis quicunque fere Christi fidem susceperant, demonstrarunt. De Apostolis res certa est: reliquis Christianis testimonium dat Tertullianus; qui & à militibus testatur eiectiones

De Cor. immundos Spiritus; & parentes docet solitos exorcizare proprios filios.

Mili. cap. 11. *De Idol. cap. 11.* 501. Voluit, suspicor, initio nascentis Ecclesiæ Dominus hanc esse communissimam potestatem, ut sic pluribus argumentis, veritas fidei Christianæ, quæ mundo, tanquam noua lux, inferebatur, commendaretur: ut intelligerent homines, dæmonum regnum Christi aduentu dissolui, & omnino necessitatem incumbere, deserta infidelitate Christianam complectendi.

Baro. tomo 1. anno 56. 502. Fuisse tamen peculiare munus ordinis Ecclesiastici ad hoc opus instituti, sanctorum Patrum assertione exploratissimum est; & imprimis Ignatii Apostolorum discipuli, qui inter ceteros Ecclesiasticos ordines, & officia, recenset Exorcistas. Et Cornelius Papa, scribens ad fabium Antiochenum, in Romana Ecclesia dicit esse institutos Exorcistas, & Lectores, vna cum Ostiarijs quinquaginta duos: Concilia præterea Romanum, sub Syluestro, Laodiceum, Carthaginense II. inter Ecclesiasticos enumerant Exorcistas; sicut & B. Hieronymus, in Epistola ad Titum cap. 3. scribens. Insuper in prædicto Laodicensi statutum est, ne, qui non sunt ab Episcopis ordinati, tam in Ecclesijs, quam in domibus exorcizare præsumant: Imo, ne quid superstitionis in Exorcismos irriperet, consultum est, ut ordinandus Exorcista de manu Episcopi libellum acciperet, in quo scripti essent Exorcismi, dicente sibi Episcopo: Accipe, & commenda memoriæ; & habeto potestatem imponendi manus super Emergumentum, siue baptizatum, siue catechumenum: ut patet ex antiquis Ecclesiæ Ritualibus libris, & Concilio Catha. III. cap. 7.

CAPVT XXXVIII.

De Exorcistarum varijs conditionibus.

Luca 10. *Ibidem.* **M**agnum est, & arduum opus dæmones ex humanis corporibus eicere. Omnium id opinione, & consensu certum est. Hinc Apostoli; Domine, inquit, admirabundi, etiam dæmonia subiiciuntur nobis & ad Apostolos Dominus: Ecce, inquit, dedi vobis (rem non vulgarem & leuem) potestatem calcandi.

di super serpentes, & scorpiones, & super omnem potestatem Inimici. Et in magnam suspicionem sanctitatis atq; diuinitatis Christi, plerique Iudæorum venerunt ex eo, quod obseruarent ipsum dæmonia verbo expellere. Mat. 1.

504. Itaque quemadmodum ad res omnes arduas perficiendas, multa necessaria sunt; ita haud pauca ab his requiruntur, qui humana corpora à dæmonibus liberare tentant. Quæ vero hæc sunt? quibus hic opus machinis? quibus præfidijs?

505. Si vrbes essent expugnandæ, aut arces; tormenta bellica adhiberi possent: si regno pellendus Tyrannus aliquis; militum copia opus esset: verum quoniam non hic arces expugnandæ, nec Tyranni, qui sub aspectum veniunt, sed cum Spiritibus potentissimis bellum suscipitur; aliæ adhibendæ sunt machinæ, alia tormenta; quam quibus muri quatiuntur, aut Tyranni pelluntur.

506. Sed tamen hoc cum illis commune habere debent Machinæ, quæ ad profligandos dæmones adhibentur; vt hosti sint aduersæ, & contrariæ; illas ipse oderit, non sustineat: etiam hic locum habet, quod dicitur: Contraria contrarijs pelluntur.

507. Hinc intelligimus iustissimas esse, quæ in exorcistis, si quando hoc certamen ineunt, postulantur conditiones. petitur, vt conscientiam exomologesi peccatorum mudent, vt orationi iustent, vt corpus ieiunio affligant, vt magnam animi submissionem ad hoc opus afferat, vt Dei amore flagrent, & bene de diuino adiutorio speret.

508. Iustissimæ hæc sunt conditiones. Nam & dæmonibus inuisæ sunt, & magnum ipsas robur habere ad dæmonum vires frangendas operaque dissoluenda, tum exemplis, tum rationibus, tum etiam Christi grauissima autoritate potest probari.

509. Confessio peccatorum mundam parit conscientiam, & vitæ affert sanctitatem. His quid magis immundis Spiritibus inuisum? An non hoc exempla eorum probant, ad quorum præsentiam, nunc in Idolis obmutuerunt, nunc se torqueri confessi sunt, nunc etiam, quæ multis annis Idola inhabitauerunt, reliquerunt?

510. Oratione fugari autoritate docetur Christi: qui orationem ad omnia à Deo obtinendum maximumque, certissimumque præfidium esse asseruit. sed tamen Orationis in hoc negotio necessitatem & virtutem maximè declarat; quod dicitur quoddam dæmonio- Ioan. 14.
rum esse genus, quod, nisi oratione, non eijcitur. Luca. 9.

511. Non minores sunt vires Ieiunij. & hoc Christi probat auctoritas. Orationi enim Ieiunium adiunxit; & vtrunque docuit Luca 9.
esse medium necessarium ad illos Spiritus propulsandos, quos

ex miseri cuiusdam hominis corpore. Apostoli eijcere nequiverunt.

512. Sic ut in alijs rebus omnibus, ita hic plurimum valet animi submissio, & humilitas. Cum enim superbissimi sint spiritus; eos, qui de se humiliter sentiunt, ferre nulla ratione possunt. Sed & Deus eorum sic vult confundi superbiam, dum potissimi arrogantissimiq; per eos, qui se nihil posse, & esse existimant, profligat, & sedibus pellit.

Prov. 8.

Psal. 144.

513. Habet etiam hic locum flagrans Dei amor. Quid potest Deus negare amore sui flagrantibus? diligentes se diligit. Voluntatem timentium se facit. Quantus igitur amor Dei affertur; quanta reuerentia, dum quis dæmones tentat eijcere; tanta vis dæmonibus videtur afferri.

514. Denique omnino necesse est, ut spem habeant Exorcistæ, & de Dei præsentia; eiusque auxilio pie præsumant. quid, quæso, quis aggreditur, qui omnem rei conficiendæ spem abiicit? At ubi hostis magnos aduersariorum animos obseruat; & trepidat, & spem victoriæ aduersarijs præbet.

Atba. in

vitâ An-

thonij.

515. Hæc cum ita sint, optimè dixisse iudicandus est B. Anthonius: Mihi credite, fratres; pertimescit Satanas piorum vigilias, orationes, ieiunia; voluntariam paupertatem, misericordiam, & humilitatem; maxime autem ardentem amorem in Christum Dominum.

CAPVT XXXIX.

Num puritas conscientia in Exorcistis necessaria sit; si Spiritus ex humanis Corporibus eijcere debeant.

516.

EX iam dictis haud obscure colligitur, plurimum expedire; ut qui Exorcistarum officio funguntur, & dæmones eijcere tentant; vitæ sanctitate polleant, & nulla lethalis peccati conscientia grauentur. Nam si iam dictæ machinæ per se magnum impetum facere possunt; quantum poterunt coniunctæ cum sanctitate, & vitæ innocentia?

Matth. 7.

517. Veruntamen, hoc omnino necessarium non est. Multi venient in extrema illa die, & dicent: Domine, Domine, Nonne in nomine tuo dæmonia eiecimus? &c. num idcirco hos ad cælestem Curiam admittendos censebimus? Sine errore non possumus. Dicitur illis: Nescio vos. Si Sancti essent, excludi à regno Dei non possent.

Luc. 9.

518. Quocirca, & in sacris Scripturis legimus, fuisse quosdam, qui in Domini nomine dæmonia eiciebant; nec tamen Dominum sequeban;

quebantur. At hoc prorsus erat necessarium, si vitæ sanctitas omnino necessaria est, an qui Dominum non sequitur, sanctus esse possit.

§19. Quocirca nequaquam, tanquam paradoxum, eiici debet, quod Ephiphanius, aduersus Ebionitas scribens, refert de Iosepho homine Iudæo, quod necdum credens in nomine Iesu à dæmonio obsessum hominem liberauit. *Hæres. 30.*

§20. Itaque & Dominus non iudicabat gloriandum, & gaudendum in hoc Apostolis, quod ipsis dæmonia subijcerentur: tum ipsos iustam materiam gloriæ existimabat habere; quando constaret ipsorum nomina scripta esse in cælo: significabat scilicet, fieri posse, ut etiam à regno Dei excludendi dæmonia eijcerent. *Lucæ 10.*

§21. Scio magnum & prorsus diuinum esse opus dæmonia eijcere; sed diuinum quoque est opus, donum linguarum; diuinum, donum sanitatum; diuinum, donum prophetiæ: an vero omnes à peccati laqueis absoluius, quibus hæc diuinitus donata collata sunt? *1. Cor. 12.*

§22. Scire non potest homo, vtrum amore vel odio dignus sit, ita cum vniuersa antiquitate, tota per totum orbem profitetur Ecclesia. *Eccles. 9.* Quid vero? Si ad dæmones ex hominum corporibus profligandos vitæ sanctitas necessaria est; quomodo non ijs de gratia sua atque vitæ sanctitate certò debet constare, quibus constat quod dæmones eiecerint.

§23. Qui diuinorum sacramentorum sunt administratores, non necessario omnes puras habere debent conscientias. Verè sacramenta administrare possunt, atque adeo verè administrant, quorum grauius criminibus rea conscientia tenetur: quid ni igitur dæmonia valerent eijcere?

§24. Si ita, dæmonum potestati sint subiecti, qui in peccatis versatur: sed tamen quemamodum iniquus Iudex non admittit potestatem iudicandi, ita iniqui Exorcistæ non facultatem dæmones profligandi, sunt subiecti dæmonibus, quia peccatores: sunt dæmonibus superiores, quia diuina virtute sunt instructi.

§25. Non priuata est, nec mortalibus congenita hæc dæmones eijciendi potestas, diuina est. Dei beneficio collata est: quocirca multo est omni dæmonum potestate superior: quando igitur Exorcistis parent & cedunt dæmones, non Exorcistarum cedunt virtuti & innocentiae, sed Dei imperio & voluntati.

§26. Non illa peccati vis est, ut mox, ubi ceperit habere locum, omnem potestatem destruat; & priuet omni, quam quis in alios habet, iurisdictione. Quid quæso, si hoc semel constituerimus, certum

in Christiana Repub. habebimus? quanta mox omnium rerum sequetur confusio. priuet peccatum Dei amicitia; indignos reddat omnibus diuinis & humanis beneficijs: his priuilegijs non priuat.

§27. Hinc consequitur certum argumentum sanctitatis & innocentiae alicuius ex hac re sumi non debere; atque plurimum errare, si qui ob hanc solum causam Sanctorum Cathalogo ascribendum aliquem censent, quod in dæmonibus eijciendis excelluerit: Etiam in peccatis constituti dæmones possunt eijcere.

§28. Magnum nihilominus aliquando hinc argumentum sumitur: tum scilicet, quando non desunt alia sanctitatis indicia, casti integrique mores, vitæ austeritas, orationis studium, animi profunda submissio, & excellens diuinæ bonitatis amor, &c.

CAPVT XXXX.

Num Exorcista hæreticus, siue qui aliam, quam Catholicam, religionem profitetur, Dæmones valeat eijcere?

§29.



Matt. 24.

Acilè credet fieri posse, vt hæreticus dæmonia ex humanis corporibus eijciat, quia d. Domini verba attendet. sic enim quodam in loco loquitur, Surgent pseudochristi, & pseudoprophetæ; & dabunt signa magna, & prodigia; ita vt in errorem, si fieri posset, durantur etiam electi.

§30. Sed contrarium iudicabit, qui finem, qui in patrandis miraculis Deo propositus est, velit attendere. Cum enim hic sit veritatis confirmatio: hostes verò veritatis sint hæretici; nulla ratione Deus ad dæmonum expulsionem (quæ inter miracula reponi potest) concurrere dicendus est: & ob id Hæretici nunquam dæmonia eijcient.

§31. Et ita serres habet. Nunquam ab hominum corporibus, pellent dæmones Hæretici quandocunque, & quotiescunque, hoc tentabunt, vt doctrinam suam, quam profitentur, confirment. Quod dicimus, præter iam expositum argumentum, quatuor fere sunt, quæ probare videntur.

Mar. vlt.

§32. Primum Christi oratio, quæ dæmonum eiectionem insinuat fidelium esse signum: Signa, inquit, eos qui crediderint, hæc sequentur: In nomine meo dæmonia eijcient, &c. at in fidelium numero Hæretici non sunt. dæmonia igitur, ex Christi sibi communicata potestate, profligare non valebunt.

§33. Alte-

§33. Alterum est, quod eos nunquam dæmonia expulisse legamus. Cum igitur illa vix fieri posse dicamus, quæ præteritis temporibus nunquam facta sunt, Hæreticos dæmonia eijcere, idcirco videmur rectè posse negare, quia nulla vnquam tempore illa eiecisse probatur.

§34. Tertium est, quod sæpe in dæmonum eiectione ipsos illos fuisse certis historijs doceatur, pro multis duas referimus. primam Staphilius in absoluta responsione contra Iacobum Schmidelinum, his verbis recenset. possum ego, inquit, redigere mihi in memoriam anno 1545. dæmoniacam quandam puellam, è Misniæ ditione adductam Wittenbergam ad Lutherum ea spe, quod Lutherus, ceu tertius Elias, puellam istam à malo dæmonio liberaturus esset. Quamvis autem Lutherus ad hoc admirandum, & magni momenti opus, initio non parum difficilem se ostenderet, at tandem tamen iussit puellam adduci in parochianæ Ecclesiæ Wittenbergenfis sacrarium: illicque coram alijs plerisque Doctõribus, & eruditis viris, (inter quos ego, tum quoque magister iuuenis aderam) dæmonem cœpit adiuvare, & exorcizare, sed id tamen more suo, non eo, qui apud Catholicos receptus & vsitatus est. Cum autem ille diu multumque adiurasset dæmonem, cedere ille noluit, sed eas in angustias, sit venia verbo, Lutheri caligas redexit, vt is quam primum è sacrario se proripere vellet. At quid accidit? Malignus ille dæmon vsque adeo fores sacrarij obstruxerat, vt neque forinsecus, neque intrinsecus aperiri possent. Quæ res Lutherum in maiores etiam angustias adduxit, ita vt iam ad fenestram properaret, sperans per eam se posse effugere, & exilire. Verum obstabant illi Cancelli ferrei, sicque compulsus est vna nobiscum tantisper inclusus hære, donec per cancellos ferreos ab adiuto nobis oblata securis, mihi que, ceu iuueni viro, tradita, vt ea fores effringerem: quod equidem tum conatus sum, & ad effectum perduxi. Interea vero visu admirandam erat: vt Lutherus angoribus correptus, sursum deorsumque cursitaret, atque, instar ouis parturientis, huc ilucque se inuerteret. Hactenus Staphilius. Eandem rem, Staphilium, habet Wilhelmus Lindanus Dialogo 3. capite primo Dubitantij. & Bredenbach. Collationum libro 7. cap. 40. Altera historia Augustæ Windelicorum accidit anno Domini, 1563. in filia Michaelis Rossimanni ciuis Augustani, quam Theologiæ Doctor & apud S. Mauritium parochus Simon Schei-

Scheibendardus Catholico ritu liberauit, postquam multa frustra tentassent verbi Ministri. Rem pluribus per sequitur Bredenbachius lib. 7. Collatio cap. 42.

535. Quartum est, quod non in dæmonum solum eiectione, verum etiam in alijs; si quando quædam perpetrare voluerunt, miraculis nihil efficere potuerunt, & egregie confusi sunt iidem Hæretici. pro hac re & vetera, & noua suppetunt exempla. Vetera primum adducimus. Sub Honorico Catholicorum hoste, Cirola quidam Arianus Episcopus fuit; qui cum Catholicos, pro fidei suæ confirmatione, miracula edere cerneret. ne ipsis inferior haberetur, hominem quendam quinquaginta aureis inducit, vt se cæcum ad tempus similet, & postquam à Cirola iussus fuerit respicere, visum sibi beneficio Cirolæ restitutum esse publicè testetur. quid vero? fiunt omnia. vnùm non fit, iussus non respicit fictus cæcus. Iusto Dei iudicio ex vidente fit cæcus, magno cum Cirolæ, & omnium Arianorum dedecore Ita Gregorius Turonensis de gloria Sanctorum. Alius quidam Episcopus, Regis Leuildi imperio inductus, idem tentauit; & eodem quoque euentu. vt idem habet Gregorius de gloria Sanctorum.
- Lib. 2. c. 3. Ausus est Policronius, ad confirmationem scetæ suæ, vltro apud & 13. sextam Oecumenicam Synodum in Trullo, polliceri, se mortuum vitæ restitutum, & non multo postallato cadauere, cum virtutis suæ speciem esset editurus, & diu mortuo inclamasset frustra, ab omni concione, vt vanissimus nebulo, exclusus est. Idem, frustra, tentauit Simon Magus, teste Egesippo. Voluerunt etiam Ariani, Valentis Imperatoris infirmum filium sanitati restituere: verum tantum abest, vt restituerint; vt ex viuo mortuum fecerint: teste Nicephoro.
- Lib. 3. c. 2. Idem Manichæo accidit, Cum Persici Regis filium præsumeret curare, vt Theodoretus docet. Hæc vetera sunt. Adiungimus noua. Ioannes Calvinus Burlæum quendam Orlunensem, promissis vitæ subsidij, induxerat, vt mortuum se simularet: qui tandem, cum ex composito per Caluinum resuscitandus esset, diuina ultione percussus, verè mortuus apparuit. hoc Hieronymus Bolsecus, in vita Caluini. Simile in Polonia accidit in Matthæo quodam, homine paupere, qui & ipse spe lucri, quod Hæreticus Minister promiserat, ad infelicem, & impiam simulationem inductus fuit, teste Franciscò Turriano, de dogmat. charact. verbi Dei. Et Wilhelmum Nesenum in Albi submersum ad vitam voluit reuocare Lutherus, sed frustra. Lyndanus in Dubitatio.
- Lib. 1. Dial. 3. cap. 1.

536. Hinc optimè antiquissimus Scriptor Tertullianus, hoc ab Apostolis Apostolicisque viris differre dicebat Hæreticos, quod il-

li de mortuis viuos facerent; hi de viuuis mortuos. Addamus nos, quod illi ex hominum corporibus dæmonia eijcerent, hi in homines illa immitterent.

537 Quid igitur est, dicet aliquis, quod pseudoprophetæ dicuntur daturi signa & prodigia? Respondemus: Signa dabunt; sed falsa, non vera signa, qualia sunt, quæ Magi fecisse leguntur, & quæ patrâurus dicitur Antichristus: cuius signa & prodigiâ, mendacia vocat Sanctissimus Paulus.

Matt. 24.

Exod. 3.

2. Thes. 2.

CAPVT XLI.

De quinq; diuersis modis, quibus in Christianismo, siue apud Catholicos, Dæmonia ex hominum corporibus eijciuntur.

Varijs modis homines ab immundis spiritibus liberatos esse, nemo ignorat. Neque enim, vna eademque ratio seruata est ab ijs, qui olim in veteri lege dæmonia eiecerunt; & ijs, qui idem in noua lege præstiterunt. Quod dicimus ex Capite 42. & sequentibus præsentis Disputationis perspicuum est.

538.

539. Sed in veteri lege aliam rationem seruauerunt, qui à Salomone instituti erant; aliam qui Tetragrammaton nomen adhibebant. Et in noua, non vna apud omnes ratio fuisse videtur. Alia vsus Christus, alia Apostoli, alia Apostolorum successores. quamuis ne semper diuersa vsi sint ab Apostolis Apostolorum successores; nec vna semper eademque fuerit omnium Apostolorum.

540. Christus etiam Dominus non eundem semper modum secutus est. Nunc dæmonia verbo expulit, nunc quosdam quasi Exorcismos adhibuit. sanaturus enim quendam dæmoniacum, surdum & mutum, primo omnium ipsum apprehendit, tum à turba abduxit, mox mittit digitos in auriculam, hinc expuit, & linguam obfessi tangit, denique suspiciens in cælum dixit: Epheta.

Marc. 9.

541. Rationes illas veteris Testamenti persequi non est necesse. iam vetustate, si non alia de causa, antiquatæ sunt, & abolitæ. Nec illam discutiemus, qua Christus vsus est. Reliquæ, quia magnos à quibusdam nostra ætate patitur insultus, & præter omnem rationem traducuntur, & à calumnijs sunt vindicandæ, si tamen quæ illæ rationes sint, quibus & olim expulsi, & nostris temporibus dæmones expellantur, prius assignauerimus.

542. Prima igitur ratio est, per nominis Domini nostri IESV Christi inuocationem. de hac Iustinus in hunc modum: per nomen, inquit, ipsius filij Dei, & primogeniti Creaturæ omnis, dæmonium omne adiuratum vincitur, & in ditionem redigitur. & paulo ante:

Disp. cum
Tripho.

M

Eius

Eius nominis (Iesu) potentiam dæmones tremunt, & formidant: & hodie quoque ipsi per nomen Iesu Christi crucifixi, sub Pontio Pilato, qui Iudææ procurationem egit, adiurat in obis parent. Hæc Iustinus. Prudentius similia habet.

*In Apoth.
contra
Iudaos.*

—————torquetur Apollō.
*Nomine percussus Christi, nec fulmina verbi
Ferre potest: agitant miserum tot verbera lingua,
Quot laudata Dei resonant miracula Christi.*

*Orat. de
Babil.
Hom. 7.
de 7.
Machab.*

§43. Secunda ratio est, per vsum Reliquiarum. Ea est Sanctorum potestas, inquit Chrysostomus, ut illorum superstitum ne umbras quidem, aut vestes ferre possint dæmones: vita autem funetorum & loculos quoque reformident. Itaque (inquit idem) ut audaces latronum duces, siue impij sepulchrorum efflores, si forte dum prædas agunt, aut spolia capienda conquirant, in arma vel ornamenta Imperatoris incurrerint, quamlibet cupidi prædarum, tamen ita, agnitis Regis insignibus, terrentur; ut fugiant, neque cominus accedere vel attingere audeant, unde sibi compendium non procedere, sed periculum prouident imminere, si quid inde audeant usurpare: ita profecto, & dæmones, qui vere latronum & Principes & Magistri sunt, ubi coronatorum Martyrum viderint corpora posita, longè illico à conspectu illorum pauidi fugiunt & absiliunt.

*Lib. 4.
cap. 27.*

§44. Tertia ratio est, per Sanctæ Crucis impressionem. de hac Lactantius: Sicut ipse (Christus) cum inter homines ageret vniuersos dæmones verbo fugabat, hominumque mentes emoluebat, & malis incurfibus furiatas, in sensus pristinos reponebat; ita nunc sectatores eius eosdem Spiritus inquinatos de hominibus, & nomine Magistri sui, & signo passionis excludunt.

§45. Quarta est, per vsum verum Consecratarum. Antiquissima in Christi Ecclesiæ consuetudo est, ut res quædam consecrentur, & benedicantur; quibus deinde fideles, tum ad dæmones profligandos, tum ad morbos pellendos, aliaque mala arcenda, vterentur.

*ad Deme-
trianum
Procons.*

§46. Quinta est dæmonum per Exorcismos adiuratio. Huius meminit Cyprianus. Adiurantur, inquit, à nobis & torquentur spiritualibus flagris; & verborum tormentis de obsessorum corporibus eiciuntur dæmones. Sed & prudentius formam quandam Exorcismi his verbis expressit,

Intonat

*Intonat Antistes Domini, fuge collide serpens,
Exue te, membris, & spiras solue latentes:
Mancipium Christi cur corruptissime vexas.
Desine. Christus adest; humani corporis vltor.
Non licet, vt spolum rapias, cui Christus inhaesit.
Pulsus abi virose liquor, Christus iubet. Exi.*

§47. His quinque possemus alias rationes addere. sed hæ præcipuæ sunt, & aliæ in iâ dictis, præsertim vero in Exorcismo, continentur: vt sunt in Ieiunium, Oratio, Missæ sacrificium, Litaniæ, Sanctorum inuocatio, Crucifixi imago, & his similia.

CAPVT XLII.

Examinatur primus modus, quo per Inuocationem nominis Iesu, Dæmonia ex hominum Corporibus eijciuntur.

Formam & rationem dæmonia eijciendi per nomen Domini nostri & Dominus videtur præscripsisse, & Apostoli obseruasse, & viri sancti vsurpasse. Dominus præscripsit, cum dixit: In nomine meo dæmonia eijcient. Apostoli sibi gratulantur, quod in nomine Christi ipsius subijceretur dæmonia. D. Paulus in nomine Iesu præcipit dæmonio, vt à puella exeat. Primis Christianis testimonium præbent Iustinus & Prudentius superius citati: quibus accedit Lactantius. Firmianus denique eiusdem nominis inuocatione Spiritus eiecisse D. Antonium testatur, in ipsius vita, Athanasius. Quid, quod eadem vsi etiam illi, qui Christi doctrinam non profiterentur? Vidimus, inquit Ioannes, quendam eicientem dæmonia, qui non sequitur nobiscum. Huic adiunxero illos, quorum Lucas, in historia Apostolorum, meminit; qui Iudæam circuibant, & super eos, qui malos spiritus habebant, nomen Domini inuocabant. Iosephum item cuius Epiphanius meminit.

§49. Verum in hac dæmonia eijciendi ratione, quatuor sunt, quæ in quæstionem venire videntur. primum est, quid sit in Christi nomine dæmonia eijci. secundum, cur potius in Christi, quam aut Patris, aut Spiritus sancti nomine dæmonibus discessus imperatus. Tertium, quodnam potissimum Christi nomen (varia enim habet) hic assumptum sit. Quartum & postremum, An ipsa per se nuda Christi nominis compellatio robur aliquod habeat, ad Spiritus ex hominibus exigendos.

§50. Primæ quæstionis definitio requirit, vt ambiguitas Nomi-

Luce 5.

Ioan. 14.

ibidem.

Ioan. 10.

nis prius distinguatur. Neque enim vna est ipsius significatio: nunc pro imperio, nunc pro meritis, nunc pro auctoritate, nunc pro virtute ac potestate sumitur. Exemplum primi est, quod Petrus in verbo siue nomine Domini dixit se laxare rete. exemplum secundi, quod Dominus promittat omnia petentibus & rogantibus Patrem in suo nomine. exemplum tertij, quod doceat patrem missurum Spiritum sanctum in suo nomine. exemplum quarti, quod in patris nomine asserit se opera & prodigia facere.

551. Hoc constituto, dicimus quod quamuis & Christi imperio, & Christi meritis, & Christi auctoritate dici possit dæmonia eijci, quando ad Nominis eius inuocationem pelluntur; proprie tamen virtutem eius intelligimus; vt idem sit in Christi nomine, atque in virtute Christi dæmonibus exercitum imperare.

552. Quod dicimus, facile probabit, qui, quale opus sit Dæmonum electio, expendet. diuinum prorsus est, & humanas vires longissime superans: diuinam igitur virtutem requirit, qua dæmones vt expelli demonstremus, Christi nomen, hoc est, virtutem, quæ diuina est, inuocamus.

553. Itaque in hac dæmones eijciendi ratione duo videntur concurrere: primum est Christi nominis vsurpatio; alterum eiusdem virtus & potestas. Illud voce profertur, hoc animo concipitur, & verbo insinuat. Et sic ad primam quæstionem responsum sit.

554. Altera difficilior est: sed tamen breuiter dicimus, ob multas, & magnas rationes in filij potius, quam aut Patris aut Spiritus sancti, aut etiam Dei nomine dæmonia pelli. quamuis enim omnium personarum æqualis sit potestas; quia tamen filij diuinitas erat astruenda, & doctrina confirmanda, omnino conueniebat, vt filij nomine inuocato dæmonia pellerentur; cum hæc res egregie ad vtrumque valeret.

555. Innouerat olim mundo prima in diuinitate persona; filius non item. quemadmodum igitur Pater multis rationibus se probauerat; ita altera persona, filius Dei, suam diuinitatem signis & prodigijs debebat probare.

Ioan. 14.

15. &c.

556. Pro Spiritus Sancti persona, inquit aliquis, etiam hæc ratio militat. Non hoc ignoramus. Sed aliæ ipsi non defuerunt, quibus suam diuinitatem astruxit, rationes: & alia maxime quod Christi gravissimum pro se testimonium haberet; cuius diuinitas siue Spiritus Sancti diuinitate constare non potuit.

557. Sed & filio multò maximè his prodigijs, & signis opus fuit quid ira? postulabat, scilicet hæc doctrina, quam mundo inferebat: postula-

postulabant homines, quibus doctrina illa erat tradenda. postulabant illi, per quos erat tradenda. Nunquam mundo Christi doctrina (ut persuasa est) persuaderi potuisset; nisi ad hanc inferendam, & contrariam extirpandam hæc prodigiorum machinæ, & dæmonum profligationes fuissent adhibitæ.

558. Doctrina omnes ingenij vires superabat. Carni erat contraria; & quæ mundus in præcipuo honore habebat, aspernabatur. Tradenda hæc erat ingenij, acumine valentibus; & qui, quod ratione non capiebant, paradoxum iudicabant. Tradenda ijs, qui præter oblectamenta carnis, & huius vitæ, nulla alia superesse existimabant bona. Et per quos tradenda? Non per Sapientes, & in Academicis congressibus, multis iam annis, exercitatos Naturæ magistros: non per potentes & militum copia instructos; sed per homines piscatores, & qui vix ad honestorum virorum conspectum admittendi videbantur. quantus igitur, & qualibus hic machinis, si quid feliciter fieri debuit, erat opus?

559. Esto, potuerint hic aliæ machinæ adhiberi: adhibitæ etiam sint: nec frustra adhibitæ sint, veruntamen conveniebat, ut etiam dæmones in nomine Christi profligarentur; illi scilicet, qui iam in mundo principatum obtinebant: qui multis modis, hominibus plurimos annos illuserant: ad quorum regnum dissoluendum, spolia deripienda, arces occupandas, Christus præcipuè in mundum venerat.

560. Hinc est, quod inter præclara à Christo gesta, nihil ita prædicetur, ut dæmonum ex hominibus eiectiones: nullum etiam opus sit, in quo frequentius occupatus videatur: nullum ferè, quod ita homines mirati: nullum, quod magis ipsius hostes & aduersarij calumniati.

561. Sed tertia nos ad se quæstio vocat, qua quæritur: Quoniam potissimum Christi nomine, & Apostoli, & Apostolorum successores vsi sint in dæmonum profligatione. Atque hoc loco, ut quod sentio, dicam, extra controuersiam esse puto, omnium Christi nominum vim magnam esse; & quod vnus sit vsurpatione, id posse fieri aliorum omnium. Hoc, ne alia præferam, declarat, qui nunc non infructuosè dæmoniis adhibentur, Exorcismus, in quo omnia prope modum, quæ Christo tribuuntur, nomina inueniuntur.

562. Veruntamen, quamuis omnium vis magna sit: nomine Iesu tamen vsos esse, & in eo plus præsidij potuisse, optimè videmur posse affirmare, ob sequentes causas. primo, quia licet multa Domino nomina tribuerentur, vnum tamen proprium erat. Vocatum est

Luca. 2. nomen eius Iesus, inquit Lucas, quod vocatum est ab Angelo, priusquam conciperetur. iam vero ipse suo nomine (quis dubitabit, quin hoc proprio?) dæmonia dixit eijcienda.

Mar. ult. 563. Deinde huius nominis inuocatione dæmonia expulsa legitimis, non per Apostolum Paulum tantum; verum etiam Iudæorum Exorcistas, qui Apostolorum, aliosque Christi discipulos imitabantur. Quid, quod primi Christiani hoc præ cæteris nomen assumpserint? Nominis Iesu, inquit Iustinus, potentiam dæmones tremunt, & reformidant: & hodie quoque illi per nomen Iesu adiurati nobis parent.

De veritate Relig.

Christ.

Philip. 2.

564. Tertio, quia huic nomini aliquid plus tribuisse videntur Apostoli, quam alijs omnibus. Omitto quod in nomine Iesu dicatur flectendum omne genu cælestium, terrestrium, & infernorum: quoties Sanctissimus Paulus idem illud nomen in ore habuit? quoties in corde? Licet id intelligere partim ex ipsius scriptis, in quibus quingenties extat, partim ex grauissimis Scriptoribus, qui eiusdem abscissum caput, ter Iesu nomen, inclamasse testantur.

565. Ad hæc accedit fidelium omnium, qui iam sunt, (haud dubium, quin & priorum) consensus; & quæ damnari non potest (nisi fortè à Christi hostibus) consuetudo; qua frequentius hoc, quam quodcunque aliud nomen, si quando terrentur, aut cadunt, compellant: quæ morientibus hoc potius, inclamant; qua præ cæteris pingunt, & maiorem illi, quam alijs, reuerentiam, nunc Capitis inclinatione aut detectione, nunc geniculatione. exhibent.

566. Sed & ratio egregiè pro hac sententia militat. Finis, qui in demonum eiectione propositus fuit, hoc potius, quam quocunque aliud nomen requirebat. quid ita? quia cum hic propositum esset, ut Christi gloria atque diuinitas innotesceret, ipseque pro vero Deo susciperetur & haberetur; nonne illud nomen assumere oportebat, quod Christo erat maxime proprium? quo ab omnibus passim compellabatur? Atque hoc esse dulcissimum Iesu nomen, si non alia, certè Titulus Triumphalis, ut vocamus. satis superque declarat.

567. Porro hæc pro tertiæ quæstionis responsione dicta, haud parum ad quartæ solutionem faciunt. Neque enim obscure insinuant ipsum nudum Iesu nomen dæmonibus molestum, & graue fuisse; magnam quoque ad ipsos sedibus humanis pellendos impressionem fecisse. Id exemplo etiã eorum confirmari videtur, qui, quauis Christum non sequerentur, nondum crederent, fortè etiã ipsius hostes essent & aduersarij; Iesu tamen nomine inuocato dæmonia pellebant.

569. Sic Sagis, & ijs, qui se diabolo deuouerunt, mandari, & serio præcipi scimus, vt, si quando nocturnos conuentus habent, prorsus à nomine Iesu abstineant, quanquam Iesum abiurarint scimus subito & diabolos, & præsentem turbam disparuisse, si quando Collegarum alicui, etiam præter intentionem, nomen Iesu excidisset.

570. Dæmonia aliquando consuluit Christianæ Religionis defensor, & persecutor Iulianus. Cum vero eidem, terribili, & quam ferre non posset forma, apparuissent, pro consuetudine, quam Christianus adhuc, habuit, se cruce muniuit, crucis hostis: & ipsa mox disparant: probantque ipsum per se nomen Iesu dæmonibus horrore esse.

*Naz. O-
rat. in
Iulian.*

571. Non leuia hæc sunt argumenta. Sed, vt Caput hoc concludamus quatuor dicimus, primum, magnum huius nominis vim esse, si cum reuerentia, atque pietate proferatur. Secundum, Etiam per multum valere, quamuis nullum pietatis affectum habeant, qui eo vtuntur; si tamen eo fine, vt Christi virtute quippiam obtineant, assumant. Tertium, Nullam eius vim esse, si vt nuda quædam in aerem prolata vox est, consideretur. Quartum, quod si vt signum aliquod vsurpetur, dæmonibus terrori esse posse, quamuis & pius absit affectus, & nihil ab eo qui profert, expectetur.

572. Primum illud probant eiectiones ab Apostolis dæmones, serpentes sublatis, haustum sine detrimento venenum, infirmorum curatio, & his similia: vt taceam, quod pius animus, cum re qualibet (quidni cum diuini nominis inuocationem) possit plurimum.

Mar. ult.

573. Secundum dubium non est. Illi ipsi, quos iam sæpe produximus, huius rei testes sunt: illi inquam, qui apud Christum à discipuli sdelati, quod dæmonia eiicerent in eius nomine, quem non sequerentur. Debuerant quoque hic homines intelligere, Christi magnam esse virtutem; quando etiam illi, qui ipsius doctrinam non per omnia probabant, in eius nomine dæmonia eiicerent.

574. Tertium omnes ni fallor, admittunt. Cum enim vox in aerem prolata, nihil sit aliud, quam concussus aer; nihil efficeret, quod non concussus aer præstat. Si pica aut psittacus doceatur nomen Iesu proferre, virescæ alias, quam quodcunque nomen prolatum habebit.

*Testim. 1.
Reg. c. 16.
q. 40.*

575. Quod vero quarto loco afferebamus, idem inquam Christi nomen, vt signum quoddam est, vires aliquas habere, facile credet, qui animaduertet dæmones non rebus tantum, verum etiam signis terreri & cruciari. Res clara est, de signo Crucis, quod ubicunque tandem conspexerint, & quomodocunque formatum sit, odio habent impostores & detestantur quemadmodum fures, rotas & patibula.

CAPVT

PARS III. DISPUTAT.
CAPVT XLIII.

Examinatur secundus modus, quo per vsum Reliquiarum Sanctorum, demonia ex hominum corporibus eijciuntur.

1.

Altera ratio eijciendi daemones est per vsum Reliquiarum Sanctorum. Pro hac produximus superius B. Chrysostomi sententiam, Chrysostomo adiungimus semicinctia, & sudaria Apostoli Pauli, de quibus ita S. Lucas: virtutes, inquit, non quasi libet faciebat Deus per manum Pauli, ita vt etiam super languidos deferrentur à corpore eius sudaria & semicincta; & recedebant ab ijs languores, & Spiritus nequam egrediebantur. Addimus quoque vmbra Petri, qua daemonibus vim allatam esse haud obscurè insinuat capite quinto historiae Apostolorum.

Possent pro hoc argumento iam dicta satis esse; verum quoniam hæc exorcizandi ratio magnos & multos habet Aduersarios, pluribus exemplis, rationibusq; illustranda videtur, & explicanda.

Ab exemplis initium facimus. Refert B. Hieronymus ad Eustochium de vita Paulæ. ad sepulchrum Elifæi, Ioannis Baptistæ, atque Abdiæ, rugire consueuisse daemones. Idem attestatione totius populi Mediolanensis fieri ad sepulchra Prothasij & Seruasij testatur B. Ambrosius, de Prothas. & Seruas.

Eorundem Prothasij & Seruasij memoria fuit in villa Victoriana ab Hipponse regio, minus triginta millibus distante. Portatus est eò adolescens quidam, qui, cum de medio tempore ætatis, equum ablueret, in fluminis gurgitæ daemonem incurrit. Ibi cum iaceret, vel mortui proximis, vel similis mortuo, tandem daemone fugam capiente liberatus est, ita B. Augustinus, lib. 22. de Ciuit. cap. 8.

Nazianzenus, Orat. 19. tanquam rem omnibus manifestam relinquit, ad Cypriani Martyris sepulchrum daemonia eiecta.

Plurima quoque per catenam S. Petri eiecta esse docent, & testantur historiae. Anno salutis 900. accidit, vt quidam Comes, Otthonis Imperatoris familiaris, occupatus ab immundo Spiritu, seipsum dentibus dilaniarit, iussu vero Imperatoris ad Ioannem Pontificem ductus sit, atque, vt sacram catenam attigit, erumpens nefarius Spiritus, hominem liberum reliquit. Hoc Vincentius lib. 24. cap. 88. & Chronicon Saxonie.

Quibus Belgium notum est, non ignorant apud Gheelam Brabantie, ad sacrosanctas D. Dymnæ Reliquias daemoniacos singulari Dei Opt. beneficio in hunc vsq; diem liberari, inquit Breidenb. lib. Col. cap. 37.

Sic anno 1541. in Sicilia, in templo Sancti Philippi, qui S. Petri discipulus fuit, ducentæ propemodum foeminae liberatae sunt, & quotannis ipso D. Philippi festo dieliberantur non pauci, quemadmodum quodam in loco refert Thomas Fazellus.

Gregorius Ligonensis Episcopus adductos ad se Energumenos, signo crucis, & verbo curabat: sed eo absente multi daemonia ab Obsessis virga, quam gestare solebat, pellebant: quemadmodum habet Gregorius Turonensis in eius vita. Idem Gregorius, lib. 2. Miracul, cap. 44. docet ad pignora S. Iuliani Daemoniacum cum vomitu sanguinem daemonemque eiecisse.

Sic daemones clamabant se gemino incendio torqueri; cum S. Genouefa Reliquias S. Martini visitaret: quia scilicet, nec sancti Viri Reliquias, nec S. Virginis praesentiam ferebant. Surius Tom. 1.

Agonouit hanc reliquiarum virtutem Pipinus, Caroli Magni parens. Cum enim Clericum suum (Brunco is vocabatur) à daemonis tyrannide cuperet absolui, ad Sanctorum Reliquias ipsum destinauit. Nec spes sefellit: siquidem mox, ut limina Ecclesiae S. Maximini, Treuirensis Episcopi, attigit, curatus est Brunco: teste Lupo, in Vita S. Maximini, apud Surium, Tom. 3.

Idem Lupus addit, vno eodemque die, S. Maximini sacro triginta septem earundem Reliquiarum beneficio à daemonibus esse liberatos; in eorumque numero fuisse foeminam, quam post quadraginta septem annorum carnificinam Satanicam Spiritus reliquerit; sulphureo nidore, in discessu suo, templum implens. Sequenti item anno, eodem S. Maximino sacro die, curatos viginti duos: tertio anno curatos tredecim.

De Reliquijs S. Liborij Episcopi Cenoanensis scribitur; quod cum anno 836. corpus eius è tumba leuaretur, transferendum Badelbornam; liberatus sit Diaconus quem multis annis diabolus torserat. in itinere verò cum ad eiusdem sacra pignora mulier obsessa adduceretur; coeperit horrendum in modum daemon. mugire, sibilare, atque alias ferarum bestiarum voces edere: mox verò discedere coactus sit; feretrum attigerit. Hæc apud Surium, Tom. 4. fol. 338.

De puluere, in quem effusa fuit aqua, qua B. Osualdi ossa fuerunt abluta, refert Beda, lib. 3. Histor. Anglic. cap. 11. quod daemoniacum sanauerit, apud quem nihil profuerunt Exorcismi.

Sic nihil proficiebatur in monasterio Bellæuallis, omnibus Exorcismis, quos adhibebant dicti monasterij Viri religiosi: stola autem, qua S. Bernardus uti consueuerat, Energumeno per Pontium lo-

ei Abbatem, admota, subito Spiritum exegit, teste Wilhelmo S. Theodorigi, in vita Bernardi lib. 4. cap. 1.

De Gregorio Thaumaturgo scribit Gregorius Nyssenus, in eius Vita; apud Surium, Tom. 4. quod anhelitu oris sui velum afflarit: & obfesso illud imponens, dæmonem expulerit.

De Maltoniæ Episcopo testatur Sigebertus, qui eiusdem Vitam descripsit, (habetur apud Surium. Tom. 6. quod rogatus, ut nobilis cuiusdam filiam, quam miserè dæmon torquebat, curaret; proiecerit in Obsessæ collum, suum strophium: & statim in conuitia Spiritus proruperit, & post potam benedictam aquam discesserit.

Sic Terentianus prætorix cohorti præfectus ob mortem Ioannis & Pauli Romanorum ciuium, quam iussu Iuliani Apostatæ curauerat, cum filio à Spiritibus immundis, sceleris patrati vltoribus inuaditur, sed ab iisdem liberatur, quamprimùm ad Martyrum sepulchra fuit perductus. Ita in Vita Ioannis & Pauli per Terentianum scripta, teste Baronio in Martyrologio 16. Iulij.

4. Habet hic locum, quod de S. Bernardo refert Bernardus Bonæuallensis Abbas. Huic, cum Mediolani in Ecclesia S. Ambrosij esset celebraturus: puellam adducunt à Dæmonio obsessam, auxilium eius implorantes. Quid Sanctus? Aquam manibus suis iubet superinfundi; quam cum puellæ bibendam dedisset, mox pristinx sanitati illa restituitur. Habet quoque locum, quod B. Augustinus affert 22. de Ciuit. cap. 8. se Mediolani domum vidisse, quæ à dæmonio vexabatur, & suspensa in illa parte terræ sanctæ, à dæmonij infestatione liberata est. Hinc optimè B. Hieronymus dæmoni, qui per os Vigilantij, Reliquias contemnentis, loquebatur: *Tu hoc vilissimo totus es sape puluere.*

5. Nec mirum est dæmones aut profligari, aut cruciari. Reliquijs: cum vel maiora, vel certè æqualia Reliquiarum attactu, & virtute perfecta esse sciamus. Per has enim alijs est restitutus visus: alijs redditus vsus pedum: alijs data vita: alijs ab incurabilibus morbis liberati: vt bene dictum sit à Patribus Nicænæ II. Reliquias Sanctorum esse fontes salutes, quibus Deus multa beneficia hominibus præstat. Nec hic exempla desiderantur. Mulier quædam fluxu sanguinis laborauerat, annis duodecim. Exponderat in medicos omnes, quas habebat, facultates. Christum in medio turbæ conspicata, cogitabat si vel fimbriam vestimenti eius tangeret, fore, ut sanaretur. Quid multis? Vicit pudorem desiderium sanitatis. clàm, Dominum accedit, fimbriam tangit, & mox sanitati restituitur.

Coniicitur in sepulchrum. Elisæi Prophetæ cadatier hominis cuiusdam

iustam defuncti; subito, ubi Elisæi ossa attigit, surrexit homo viuis,
4. Reg. 13.

Scribit S. Epiphanius in Vita eorum, à plurimis coli solita sepulchra Ezechielis, Isaiæ, & Hieremiæ, ob multa beneficia, quæ in ijs locis propter eorundem merita Deus conferebat.

Basilii Oratione in Mamantem, dicit omnibus nota esse miracula, quibus Martyr alijs sanitatem, alijs vitam reddiderit. Refert idem Orat. in Iulianum, cum reliquiæ S. Iulitiæ in quendam locum, ubi aquæ penuria laborabatur, adductæ fuissent, è terra erupisse fontem aquæ dulcissimæ; ut videretur sancta illa, quasi mater & nutrix communis; totam illam regionem lacte suo alere voluisse.

S. Gregorius Nazianzenus, Orat. in Cyprianum: Omnia, inquit, potest pulvis Cypriani cum fide, ut sciunt hi, qui ipsi experti sunt, & miraculum usque ad nos trans miserunt.

Ambrosius Sermone de Geruasio & Prothasio, & Epistola ad Sororem de eisdem; inter alia facta, refert etiam cæcum, nomine Seuerum, arte Lanionem, omnibus notissimum, fuisse curatum ad contactum feretri, quo Reliquiæ portabantur.

B. Augustinus lib. 22. de Ciuit. cap. 8. asserit tot facta esse miracula, breuissimo tempore, ad Reliquias S. Stephani, ut multi libri scribendi sint, si omnia referri debeant. Sulpitius, in Vita S. Martini, dicit solo contactu vestis eius curatam mulierem à fluxu sanguinis. Legendus est Iacobus Rabus de Miraculis contra Morbachium.

Magna sunt quæ diximus. Sed illud magis Reliquiarum virtutem probat, quod etiam sudaria, vel vela, (quæ Sanctuaria vel Brandea dicebantur) ijs, cum tangendi facultas non concederetur, Maiores ad-mouerint, & postmodum his tanquam rebus sacris, ad res magnas perniciendas vsi sint. de quibus ne longiores simus, consulendus est Cæsar Baronius, in Martyrologio, 15. Iunii. Quantam autem virtutem haurirent huiusmodi Vela, admota Sanctorum tumulis, locuples testis est B. Gregorius PP. scribens ad Constantiam Augustam, lib. 3. cap. 30. & Gregorius Turonensis de gloria Martyrum, cap. 28. & Diaconus in Vita Gregorij.

Quid, quod non tantum velamina, & Panniculi Reliquijs ad-moti; sed & Vestimenta languentium: atque mortuorum, sacris altaribus, ubi Sanctorum seruarentur Reliquiæ, superposita, virtutem quandam diuinam hac ratione contraxerint; ut postea infirmis aut mortuis adhibita, præsens remedium attulerint? Pro hac re est sanctissimus Augustinus, qui ad arguendam Gentilium impietatem complurium miraculorum suo tempore in Africa editorum cata-

longum texuit; eandemque gratiam floribus, qui iisdem sacrarum Reliquiarum loculis admoueri consueuerunt, impartiri solitam, pluribus monstrat exemplis. Videlib. 22. de Ciuit. cap. 8.

Maximis his maiora addimus, *Puluis* etiam atque fitus, qui circa Martyrum sepulchra inuentus est, maxima propter Martyres præditus fuit virtute. Fidem huius integram faciunt Patres ferè omnes, sed imprimis Gregorius Nyssenus, Orat. in Theodor. qui de consuetudine prædicti *Pulueris* colligendi hæc ait: Si quis Puluerem, quo conditorium, ubi Martyris corpus quiescit, oblitum est, auferre permittat: pro munere puluis accipitur, atque tanquam res magni pretij condenda terra colligitur.

Cæterum, quot quantæue miracula, ex collecto Puluere, circa Sanctorum sepulchra iacente, Deus operari consueuerit, verax testis est B. Gregorius PP. lib. 3. Dialog. cap. 17. qui fideli ceteraque attestatione refert, ex Puluere collecto, ex altaris crepidine mortuum esse reuocatum. Multa id genus habet de his, qui pleraque ipse expertus est, Gregorius Turonensis, de Miraculis S. Martini, lib. 2. cap. 1. & lib. 3. cap. 12. & lib. 4. cap. 32. & sequentibus. Item libro primo, de Gloria Martyrum, cap. 62. & lib. 2. cap. 33. 42. 45.

Nondum finem facimus. Addimus & hoc, quod etiam à Sanctorum loculis separata, si tamen in ipsorum impendantur honorem, eandem edendi miracula facultatem affecuta sint. Hoc de oleo manifestum est, quo ex more in Ecclesia antiquitus obseruato, lampades circa sepulchra Sanctorum solent accendi. eo enim vnctum cadauer filij Irenæi, mox reuixit, vt habet B. Augustin. 22. de Ciuit. ca. 8. Sic ingentia miracula edita ad Oleum ex lychnis, ad Martyrum sepulchras refert Theodoretus, in Historia Sanctorum Patrum. De Cera particula, à S. Martini templo delata commemorat Turonensis, quod igni iniecta totum incendium, quo domus ardebat, restinxerit; & nouo miraculo Cera, quæ ignem alere est solita, violentias ignis oppresserit.

Vnum adhuc pro Reliquiarum gloria, atque argumenti confirmatione addimus. quod ipsa quoque dira poenarum instrumenta, quibus Martyres excruciatifunt, magnam virtutem atque vim ex Sanctorum membris hauserint, Testatur id *Lapis*: quo B. Stephani Protomartyris brachium est percussum. de quo S. Augustinus, Serm. 31. & 32. de Diuersis, quod plurima per ipsum Anconæ, ubi religiosè seruabatur, facta sint miracula.

Testantur D. Petri *Catena*: de quibus idem Augustinus, Serm. de Sanctis 29. Merito, inquit, per omnes Christi Ecclesias auro pretiosius

fius habetur Ferrum illud poenaliū vinculorum. Si tam medicinalis fuit adumbratio visitantis; quanto magis Catena vincientis. Si inanis quædam species vacuæ imagines (vibræ) habere potuit in se vim salutis: quanto magis de corpore meruerunt attrahere salubritatis, ferreo pondere sacris impressa membris Vincula passionis?

Testatur Craticula S. Laurentii, cuius miraculorum meminit S. Gregorius Papa, in Registro lib. 2. Epistola 33. Hinc optimè Gregorius Nazianzenus, Orat. 1. in Iulianum: Quorum (loquitur de Martyribus) corpora idem possunt, quod animæ: siue manibus contrectentur, siue honorentur: quorum vel solum sanguinis guttæ, atque exigua passionis signa idem possunt, quod corpora.

Intellexerunt, haud dubium, hanc Reliquiarum Virtutem Maiores nostri. Id ex *quatuor* Capitibus possumus deprehendere. Primum est, quod longas & difficiles Peregrinationes ad Sanctorum susceperint Reliquias. *Qui* inquit B. Chrysostomus) à Martyribus miracula eduntur, magna affatim ad illos multitudo affluit.

Alterum est, quod ipsas studiosè quæsierint: magna diligentia compararint: comparatas non alio; quam maximi thesauri loco habuerint. Hinc Theodoretus ad Græcos, de Martyribus; sic habet: Animæ triumphatorum Martyrum in cælesti nunc patria vitam agunt, Angelorum choris interstitæ: eorum verò corpora non singula quidem singulis monumentis conduntur; sed Ciuitates, oppida, paganiq̃ue conuentus hæc inter se sortitò partiti sunt, laborantibusq̃ue animis ac ægrotis corporibus salutaria ea confiteri non cessant.

Tertium est, quod easdem in summo honore iudicauerint habendas esse. Hoc pulchrè exprimit Gennadius de Ecclesiasticis dogmatibus: Sanctorum corpora, inquit, & præcipuè beatorum Martyrum Reliquias, perinde ac si Christi membra, sincerissimè honoranda; & basilicas eorum nominibus appellatas, veluti loca sancta, diuino cultui mancipata, affectu pijsimo & deuotione fidelissima adeundas credimus. Si quis contra hanc sententiam venerit; non Christianus, sed Eunomianus, & Vigilantius creditur.

Quartum est, quod magni beneficii loco habuerint, si ijs locis, vbi Sanctorum Reliquiæ conseruarentur, sua haberent sepulchra. In *Constantinopoli*, inquit D. Chrysostomus Homil. Quod Christus Deus, Reges nostri magnam gratiam putant, non si prope Apostolos; sed si vel extra eorum vestibula, corpora sua sepeliantur, fiantq̃, piscatorum Ostiarj Reges.

Quæ diximus, egregiè, ni fallimur, nostrum argumentum confirmant.

firmant. Pluribus opus non est. finem facimus, si quam ob causam, per Reliquiarum usum, Deus dæmonia expelli voluerit; paucis doceamus: simul etiam exposuerimus, Verène aliqua virtus Reliquijs insit, quam dæmones ferre nequeant.

13. Prioris non malè dixerimus duas esse causas. Altera est, Christi diuinitatis & diuini numinis confirmatio: altera sanctitatis eius, ad cuius Reliquias dæmonia profligantur, declaratio. Et nunc duæ hæ causæ simul concurrunt: nunc altera tantum locum habet.

14. Olim, quando etiam ad Domini nominis Inuocationem miracula edebantur, Christi gloria maximè erat proposita. Quocirca non tam mirabantur homines illa; ad quorum præsentiam attactumque dæmonia eiiciebantur; quam, in cuius virtute eiicerentur: sicque non tam ad prædicandos Christi Apostolos atque Discipulos excitabantur; quam ad Christianam Religionem complectendam vrgebantur.

15. Sequentibus, & nostris temporibus, stabilita iam Christiana Religione, quæ ad Reliquias miracula eduntur, sanctitatis ferè sunt argumenta. Vult Deus eos, qui sibi ministrant, honorari: ad quam rem cum miracula, dæmonumque eiectione plurimum faciant; ad Sanctorum Reliquias & Pulveres hæc vult fieri. Sic scilicet de Sanctis maiorem sanctitatis opinionem concepiunt homines. Sic maiorem ipsis honorem impendunt: feruentius ipsorum patrocinia implorant: & tutius meritis confidunt. quanquam & in his quoque Christi gloria proposita est.

16. Sed tamen (quod secundo loco explicandum erat) *Vis naturalis, qua dæmonia profligantur, nulla vel Reliquijs; vel ijs quæ cum Reliquijs coniuncta sunt, inesse dicenda est.* Quam enim aliam rebus corporeis, quam corpoream, inesse dicemus? At qua dæmones pelluntur, illam non oportet esse corpoream. Corporea nihil ad profligandos dæmones: nihil ad res, quæ naturæ vires superant, facit.

17. Diuina igitur virtus est, qua dæmones eiiciuntur. Id in simili causa egregie demonstrat Apostolus Petrus. Cum enim aliquando quendam ex vtero claudum curasset, & ob id omnium in se oculos vultusque conuertisset: hac oratione à se, in Deum, patratum miraculum amolitus est. *Viri Israelitæ, inquit, quid miramini in hoc, aut nos quid intuemini, quasi Nostra virtute, aut potestate fecerimus hunc ambulare. Deus Abraham, Deus Isaac, Deus Iacob, Deus patrum nostrorum, glorificauit Filium suum Iesum. In fide nominis eius, hunc quem vos nunc videtis & nos, confirmauit nomen eius: & fides, qua per ipsum est, dedit integram sanitatem*


ratem istam, in conspectu omnium vestrum. ita Petrus.

Interim Reliquijs etiam dæmonum exilia, atque prodigia alia, tribuuntur. Quia quamuis Deum authorem primum & summum habeant; alias tamen etiam possunt habere causas. Non ignorabat Dominus in digito Dei ejci dæmonia; sed tamen & homines verè dæmonia ejcere, hac ratione confirmat: *In nomine meo dæmonia ejciant.*

At, quam causæ rationem in hoc negotio Reliquiæ subeunt? Instrumentalis suspicor. Per Reliquias Deus, tanquam per instrumenta quædam, dæmones pellit: quemadmodum eosdem per ignem tanquam iustitiæ instrumenta torquent, & punit. Sed hæc alium locum requirunt. Nostra persequamur.

CAPVT XLIV.

Examinatur tertius modus, quo per vsum Signi Crucis dæmonia ex humanis corporibus ejciuntur.

rucis rationes & considerationes variæ sunt. Aliud Crucis Christi, aliud Signi Crucis Christi nomine intelligimus. *Crucem* dicimus illud ipsum lignum, in quo Dominus salutem nostram operatus est: *Signum* Crucis quidquid illud sensibus offert. *De signo hic questio est.* Nam Crux ipsa ad præcedens, de Reliquijs, caput pertinet.

Signum verò Crucis duplex potest distingui. Alterum permanentis est: alterum transiens. Permanentis aut ex ligno, aliæve solida materia fit, aut colore in plano effigiatur. Transiens, mox ubi formatum est, esse desinit. Illud in eodem genere ponitur, cum Imaginibus hoc inter rationes, quibus dæmonia profligantur, superius constituimus.

Huius Transientis duplex usus est. Quoddam homines sibi imprimunt (ut cum pietatis studio Cruce vel frontem, vel pectus, vel os muniunt:) quoddam alijs à se, ut fit in Sacramentorum, maxime verò Baptismi, Confirmationis, & Extremæ unctionis administratione; & quando fidei populo in Ecclesia, ab Episcopis & Sacerdotibus benedicitur.

Uterque modus antiquissimus est: & non cum paruo fidelium fructu frequentatus. Quod ut in alijs multis, ita in dæmonum ejctione & profligatione licet deprehendere; cum novum non sit ex humanis corporibus, virtute Crucis, ipsos ejci; quemadmodum gravissimus testis est,

testis est, quem superius produximus, Lactantius Firmianus.

Nec hic defunt exempla. Ex multis pauca afferimus. Gregorius Lingonicus Episcopus ex Energumenis, ad se adductis, tantum facto Signo Crucis iubebat Dæmonia discedere; ut loquitur Gregorius Turonensis, in Vita Patrum cap. 7. Eodem Signo eadem à muliere quadam exegit Albinus, Andegauensis Episcopus; quemadmodum testatur Vincentius Lib. 23. cap. 243.

6. Scribit Epiphanius, Hæres. 30. Iosephum quendam, nondum Christianum, Christi Cruce dæmonia eiecisse, & deinde Christianum effectum, eodem Signo Iudæorum incantiones destruxisse.

Eadem Cruce visa est S. Catharina Senensis in illo exigendo dæmone; qui egrediens horrendos in Obsessi gutture excitauit tumores; ut docet Raimundus in Vita eiusdem, apud Surium, Tom. 4.

Eadem Theodorus Archimandrita; primum in curanda Principis filia; quæ ab occulto Spiritu per annos 28 graues cruciatus sustinuerat: deinde in muliere, quam dæmon ex colle quodam egressus inuaserat, misereque torquebat; tertio, in suo Ostiario Eutychio, in cuius corpus, præter brachium nihil Spiritus potuit. Cruce conatibus usà S. viro opposita. Hæc Gregorius presbyter eius discipulus, in Theodori Vita.

Eadem usus est B. Germanus, Parisiensis Episcopus; dum occultum quendam ex puella Dæmonem eiecit. siquidem mox post impressam puellæ Crucem, Spiritus per nares, in specie muscæ, egressus est. Vide Fortunatum Pictauorum Episcopum in Vita Germani, cap. 27.

Eadem S. Brigitta vidua, in foemina cuiusdam curatione; quemadmodum Scriptor Vitæ eiusdem testatur Surius, Tom. 4. fol. 350.

Eadem Arnolphus Svéffionensis Episcopus; quando ad ipsum perductus est adolescens dæmoniacus, qui grauem ab integra dæmonum legione carnificinam patiebatur: qui quamuis vix vllis vinculis potuerit constringi, mox tamen visa Curce, velut agnus, quieuit, sanctumque virum adorauit. Scribit hoc in eius Vita Lisiardus Svéffionensis Ecclesiæ Episcopus, cap. 24.

Eadem D. Bernardus: quando Sacrificio Missæ insistens, quotiescunque hostiam sacram Cruce signabat, etiam Obsessæ mulieri Crucem impressit. Vide cap. 46. huius Disputationis. Et tum usus est, quando à puero Spiritum eiecit, qui molestior & morosior erat. tum maximè: quando puer vel Ecclesiam ingrediebatur; vel aqua benedicta aspergebatur: vel Euangelium audire compellebatur; aut diuinis interesse sacramentis: Vide in Vita Bernardi, cap. 3. lib. 2.

Eadem

Eadem Mauritius Episcopus Andegauensis in dæmoniaca liberanda, quem propter ferocientem Spiritum vinculis fuit necesse constringi, teste Fortunato in eius Vita.

Crucem quoque pectori Obsessæ impressit S. Laurentius, Archiepiscopus Dublinensis, quemadmodum & ori eiusdem infudit aquam benedictam: & post utrunque ad orationem conuersus, dæmonem eiecit. Ita habetur c. 28. eius Vitæ, Tom. 6. apud Surium.

Sic Patroclus, eremi cultor, plurimos dæmoniacos curasse legitur, sed signo Crucis, teste Gregorio Turonensi, in eius Vita cap. 9. Idem Gregorius Turonensis, in Vita Nicetij Episcopi Treuirensis, refert, quod sub vestimento suo (volens vitare arrogantiam) Crucem opposuit dæmoniaco, & sic miserum à dæmonis vexatione liberauerit. Historiam ad longam, superius Thefi vltima, cap. 32. dedimus.

Mirum verò non est Crucis signo dæmonia ex hominum corporibus pelli. Etiam extra homines constituta, huius vim ferre nequiverunt, si quando ipsa Christiani olim hoc aggrediebantur & oppugnabant. Expertus est vim Crucis Gregorius Neocæsariensis, quem sæpe contra dæmones his armis depugnasse testatur Gregorius Nyssenus in eius Vita.

Expertus est Miles Gregorius, qui iisdem simulachrum Apollinis confregit, cum in templum Apollini immolaturus, iussu Diocletiani esset adductus: teste Metaphraste, in eius Vita.

Experta S. Margareta, quæ Cruce dæmonem, in forma Draconis sibi appropinquantem, profligauit; vt idem Metaphrastes 27. Iulij scribit.

Expertus sanctissimus Antonius, qui hoc armorum genere, omnibus nequam Spiritibus fuit terribilis: quemadmodum B. Hieronymus docet, in vita Pauli.

Refert quoque Gregorius Nyssenus, in vita Neocæsariensis, Diaconum Gregorij Neocæsariensis, Crucis signo munitum exiisse noctu incolumem ex balneis, inter innummerabilia spectra; ex quibus nemo eorum, qui noctu intrasset, vnquam vixit.

Refert Lactantius, Lib. 4. cap. 24. præsentem Christiano, qui frontem Cruce signauerat, Diabolum non ausum fuisse Imperatori responsum dare.

Adde, quod quamuis etiam pietatis studio hæc Crucis arma contra dæmones non sumerentur, dæmones tamen afflixerint, & grauiter torserint. Notum est exemplum Iuliani; qui dum pro Christianorum consuetudine, ipse abiuratus Christianus, se Cruce signat,

signat, dæmones quos euocauerat, fugat, teste Nazianz. Oratione in Iulianum.

Sic Lucianus, Epicureus licet, cuiusvis Religionis illufor, tradit Eucratem dignum fidē virum, cū annulum accepisset ex ferro, vt ait, ex quapiam Cruce facto, aduersus prauos dæmones redditum effe fecurum. Itaque, inquit Cæsar Baronius, Anno Christi 60. quemadmodum Iudæi Exorcistæ, licet in Iesum Christum non crederent; tamen quod scirent à Paulo & alijs Christianis in nomine Iesu pelli dæmones; & ipsi eodem nomine ad dimouendos eos, ab Obsessis hominibus vtebantur: ita Magi, quod à Christianis foelicitate factitari videbant, nimirum Crucis virtute eos dæmonibus imperare; & ipsi ad coercendos, cū opus esset, impetus dæmonum signo Crucis vti voluerunt.

Habent hic suum locum egregiæ Patrum sententiæ. D. Basilus lib. de Spiritu sancto Crucem vocat *saluberrimum remedium* ad pellendos dæmones. Ephrem de poenit. cap. 3. asserit *insuperabilem Christianorum armaturam*. Idem cap. 2. lib. de Armatura spiritali, sic ait: Scuti vice, Crucis signo te muni: validissima enim armatura est. Origenes in eandem sententiam loquitur, Hom. 6. in 5. cap. Exodi. Timor & tremor, inquit, cadunt super dæmones, cū signum in vobis viderint Crucis fideliter fixum. Idem Homilia 8. ad diuersos sic habet: Immortale labarum (Crucem) portemus in frontibus nostris. Cum dæmones hoc viderint, contremiscent, qui aurata Capitolia non timent. B. Augustinus ad Catechumenos, docet idcirco eos Cruce signari, vt dæmonibus sint terrori. B. Antonius, teste Athanasio in eius vita, contra omnes terrores, solo Crucis signo iubebat securos esse Monachos. Paulinus pro Cruce sic cecinit, Natali 8. S. Felicis.

*Nos Crucis inuicta signum, & confessio munit;
Armatiq; Deo mentem, non querimus arma
Corporis: & quanquam membris videamur inermes:
Arma tamengerimus, quibus & sub pace serena
Contra incorporeos animis decernimus hostes.*

Quocirca non otiosa est hæc Cyrilli exhortatio: Non pudeat, inquit, vos Christum crucifixum confiteri; sed in fronte confidenter signum Crucis digitis imprimantur: & in alijs omnibus Crux fiat: in panibus comedendis, & in poculis bibendis, & in egressu, & in ingressu: ante somnum recumbendo, & surgendo; eundo & quiescendo. Magna hæc est custodia: quæ propter pauperes gratis datur: sine labore propter infirmos: cū à Deo sit hæc gratia & timor

mor dæmonum. Triumphauit enim de illo hoc signo. Ostenta illi audacter. quando enim viderint Crucem, recordantur crucifixi: metunt enim eum, qui contriuit capita Draconis. ita Cyrillus Hierosolymitanus Catech. 9.

Et profectò haud dubitauerim hanc præcipuam, aut certè inter præcipuas, causam esse: cur tantus *Vsus* Crucis apud Christianos omni tempore fuerit, vt (quemadmodum loquitur Tertullianus, de Coro. milit. cap. 3. triuerit frontem Crucis signo: ad omnem progressum atque promotum; ad omnem aditum & exitum: ad vestitum, ad calceatum, ad lauacra, ad mensas, ad lumina, ad cubicula, ad sedilia; breuiter, quacunque nos conuersatio exercet. Vt mirum non sit, quod Theodoretus refert, militem quendam inde agnitum esse Christianum, quod ad omnem potum signaret poculum. Vide cap. 16. lib. 3. Theod.

Quòd si veterum Historias repetamus, & quas res Deus per Crucis signum voluerit perficere, atque adeò perfecerit, diligentius expendere; neque mirabimur, quòd dæmones Crucis signum ferre nequiuert; neque quòd religiosissimè illo vti sint Maiores nostri. Incredibilia propemodum sunt, & infinita, pro hac re argumenta. Refert Palladius in historia Lusan. cap. 2. senem quendam, cum in puteo aspidem vidisset; signo Crucis puteum muniuisse; ac deinde sine timore aquam hausisse, & haustam sine vilo detrimento bibisse. Alium item fuisse, (id cap. 54. habet) qui signo Crucis munitus in medijs flammis longo tempore perdurauit: legisse etiam se librum Hippolyti, de Virgine, quæ cum corporis sui copiam Iudici negasset, in postibulum sit detrusa, sed signo crucis liberata. Vide cap. 149.

Testatur Theodoretus per Iulianum & Martianum Martyres, ingentes Dracones signo crucis occisos esse: Sanctos item Aphraatem & Macedonium, Petrum, & alios, eodem signo varios morbos curasse. In Vita ipsorum.

Cæco cruce lumen oculorum restituit Engenius Episcopus, vt habet Victor Vticensis, de Persecutione Wandalica, & Laurentius Martyr, vt notauit Ado Treuerensis.

Iussus erat ab Imperatoris Diocletiani Præfectis Tiburtius, aut simulachris immolare, aut super ardentes carbones ambulare: Posterius Martyr elegit: sed signo crucis se muniens, aduersi patitur nihil. ita Metaphrastes.

Archidiaconus quidam, vt scribit D. Gregorius, Episcopo Sabino venenum propinauerat; hic cruce facta, venenum sumit, & molestiam sensit nullam.

Post mortem Iuliani Imp. mare terminos egressum, quasi nouum diluuium minabatur: rei nouitate perculsi indigenæ, in Epidaurò Dalmatiæ ciuitate, S. Hilarionem adducunt, atque in littore constitutum rogant; vt precibus suis mare, iramque Dei auerteret. Quid Hilarion? Tribus in arena Crucibus factis, manus contra fluctus eleuat: & ecce, subitò in modum muri eriguntur; & quasi vim sibi fieri sentientes, paulatim recedunt. Hoc Hieronymus in Vita Hilar.

Quotempore Mauritius rerum potiebatur; veniunt Turcæ Constantinopolim à Rege Cosdroa missi, interrogati ab Imperatore, cur signum Crucis in frontibus gererēt (omnium enim frons Cruce signata erat) cum Cruci nullum honorem putarent deferendum; responderunt, Signum hoc ingentis beneficii, esse symbolum: hoc se olim à sæuiente peste liberatos fuisse, cum à Christianis edocti tali signo frontem signassent. ita Nicephorus.

S. Martini hæc ad Iulianum oratio fuit: Ego, inquit, signo Crucis, non clypeo protectus, aut galea, hostium cuneos penetrabo securus. Sulp. in Vita eius. Prudentius pro hac re, in hymno ante somnum sic cecinit.

<i>Fac cum vocante somno,</i>	<i>Crux pellit omne crimen,</i>
<i>Cassum petis cubile,</i>	<i>Fugiant Crucem tenebra,</i>
<i>Frontem locumq; cordis,</i>	<i>Tali dicata signo,</i>
<i>Crucis figura signet.</i>	<i>Mens fluctuare nescit.</i>

His addimus vnum ex Augustino, & quidem Augustini verbis. 22. de Cinit. cap. 8. In Carthagine, inquit, Innocentia religiosissima fœmina, de primarijs ipsius ciuitatis, in mamilla cancrum habebat; rem sicut medici dicunt, nullis medicamentis sanabilem. Hoc illa à perito medico, & suæ domui familiarissimo acceperat: & ad solum Deum orando se conuerterat. Admouetur in somnis appropinquante Pascha, vt in parte fœminarum obseruanti ad baptisterium, quæcunque illi primitus baptizata occurrisset, signaret ei locum signo Crucis Christi. fecit, & confestim sanitas secuta est. Hæc Augustinus.

11. Quæ cum ita sint, mirū est nostris temporibus inueniri homines; qui nullā Crucis vim cōtra dæmones esse velint: Tribuāt etiā eorūde astutia, si quādo ad hoc signū discedūt: quasi Nequā hominū superstitionē hac fuga, quā simulare dicuntur, fouere & promouere intendāt.

12. Si in dæmonum fuga vim Crucis nullam agnoscunt; quid dicent ad tot, tanta, tam certa prodigia, quæ solo crucis signaculo sunt perfecta? ad profligandos morbos? ad restitutam sanitatem? ad haustum sine detrimento, & salutis iactura venenum? ad sublato ingentes dracones? an fractos & repulso maris fluctus? ad hostes prostratos?

prostratos? ad deiecta, & confracta simulachra? ad innumera alia, quæ dæmonis arte perfici non potuerunt?

Mirum est posse dæmonibus vim hanc tribui: cùm vniuersa antiquitas illam, non dæmonibus, sed signaculo tribuerit Crucis. Mirum est dici posse, superstitionis hæc esse argumenta; cùm à viris sanctissimis, qui dæmonum coniuratissimi hostes fuerunt, veluti Christianæ religionis firma præsidia, ad omnia aduersa profliganda, fuerint assumpta. Mirum est dici posse, illos colluisse cum dæmonibus; quorum nec viuorum præsentiam: nec mortuorum cineres nequam Spiritus sustinere potuerunt.

No. hic dæmonum non astutiam, sed infirmitatem intelligimus; quando ad Crucis signum discedunt, Vt in alijs omnibus, quæ The- si 10. recēsuimus; ita in dæmonum eiectione Crucis virtutem agnoscimus. Crucem ad pellendos Spiritus *saluberrimum remedium*, cum Basilio, credimus, & profitemur. *Veniat*, dicimus cum Athanasio (libro de Incarnatione & salutari Domini aduentu) *veniat*, inquam, qui istorum dictorum experimentum capere velit, & in ipsis præstigijs Dæmonum; & imposturis vaticiniorum; & in miraculis Magiæ, vtatur signo Crucis ab ipsis deriso: nomenque Christi inuocet; & videbit, quomodo eius rei metu Dæmones fugiant, vaticinia conquiescant, magiæ & veneficia iacent. Hactenus Athanas.

Sed *quæ causa est*, quæret aliquis; *vt ad Crucis signum dæmones fugiant?* Quæstio hæc, etsi curiosa videatur; non tamen inutilem habet disputationem. Quæritur enim, Sitne aliqua virtus in Cruce, quæ dæmones torquet; aut potius odium ipsius Crucis in ipsis tantum sit, vt potius cum dedecore malint cedere; quàm cum molestia Crucem sustinere.

Et virtus quidem duobus modis Signo huic inesse intelligi potest. Prior est, vt quemadmodum cæteris rebus virtus impressa est, qua agant; ita quoque signo Crucis sit impressa. posterior; vt non quidem ipsi virtus sit impressa; sed tanquam instrumentum Dei assumatur, quod Deus ex se, atque *opere operato*, vt in scholis loquimur; valere velit ad dæmones profligandos.

Dici nullo modo potest Cruci, quæ in aere formatur, aut fronti imprimitur, vim ea ratione inesse; qua sua rebus naturalibus dicitur inesse. Si, quod naturæ viribus habeat. consideremus; vires nullas alia hæc Crucis signatio in aere facta, habebit; quàm quæcunque, digito aut manu hominis in aere formata, figura.

Quod Deus Cruce, tanquam instrumento, & vt diximus, *ex opere operato* dæmonia profligari velit, admodum est verisimile: & qui-

dem si non aliunde, certè ex illo, quòd sæpe homines Iudæi & Ethnici, sine vera fide, aut deuotione, signo crucis adiuti sint. Hoc de Iuliano testatur Nazianzenus, Orat. in Iulian. de Iosepho Hebræo Epiphanius Hæres. 30. His addimus Hebræum alium, cuius B. Gregorius meminit, lib. 3. Dial. 3. & insignem B. Augustini sententiam, qui ita loquitur (quæstione 79. qq. 83. Nec mirum, inquit, quod hæc Signa valent, cum à bonis Christianis adhibentur: quando etiam cum usurpantur ab extraneis, qui omnino suum nomen ad istam militiam non dederunt, propter honorem tamen excellentissimi Imperatoris valent. Cum autem non cedunt Signis his huiusmodi Potestates; Deus ipse prohibet occultis modis, cum id iustum atque vtile iudicat. Nam nullo modo ulli Spiritus audent hæc Signa contemnere; contemiscunt hæc, ubicunque illa prospexerint. ita B. Augustinus.

19
1. Timoth. 4. Hominum pietas, ut ad alia omnia, Apostolo teste, ita etiam hic utilis est, & valet. Quando enim Signum hoc pietatis studio assumunt; Christi merita, crucis signo quasi expressa, postulant, & inuocant. Quocirca dæmonibus signum crucis opponere; est Christi passionem opponere, & Deum per Christi merita inuocare. An non hæc plurimum valent?

20. Sed odium dæmonum maximè hic valet. Incredibile est, quantum sit illud erga Christi crucem. Itaque ut vos res inuisas & odiosas; ita illi crucem detestantur & fugiunt.

21.
Coloss. 2. Odij huius, ni fallor, causæ duæ sunt, præcipua est, quia Signo hoc, vires eorum fractæ, & regnum dissolutum. *Christus enim* (inquit Apostolus *chirographum decreti, quod erat contrarium nobis, tulit de medio, affigens illud Cruci, expolians Principatus & Potestates, traduxit palam confidenter, triumphans illos in semetipso*: Quocirca ut canis baculum, quo percussus est, detestatur; ita diaboli crucem.

22. Altera causa odij ex fructu, quem ex Signo hoc fideles carpere possunt, oritur. Neque enim hic paruus est. Atque, ut non dicam hoc Signo reficari passionis Christi memoriam, quæ maximum emolumentum importat; explicat idem, primò, totam perfectionem Christianam. Profundum crucis insinuat fidem; sublimitas spem; latitudo charitatem; longitudo perseverantiam; quæ si in Christiano inveniuntur, perfectum constituunt. Explicat deinde, effectum Christi Passionis; qui est cœli patefactio, quod cacumen crucis insinuat; inferni vastitas & solitudo; quod productio eiusdem ad pectus usque: & totius orbis redemptio & salus; quod productio manus à sinistro ad dextrum latus. Hactenus de tertio modo.

CAPVT XLV.

Examinatur quartus modus, quo per vsum Rerum Consecratarum Dæmonia ex humanis corporibus eiiciuntur.

Quarta ratio dæmones eiiciendi est, vt diximus, per *Vsum Rerum consecratarum*. Hæc à præcedentibus tribus hoc videtur differre; quòd quamcunque in dæmonia potestatem habet; illam accipiat, per Orationem & Verbum Dei; cum priores illæ, non ab Ecclesiæ oratione, sed aliunde vim suam habent.

Ratio hæc simplex non est; quemadmodum nec vñum eorum genus, quæ consecrantur & benedicuntur. Benedicuntur *aqua*: benedicuntur *sal*: benedicuntur *herbæ*; benedicuntur *Imagines cereæ*, quas ab effigie, ceræ impressa, *Agnus Dei* dicimus, & quidem benedicuntur hæ res, non ob eum finem, vt à dæmonum infestationibus sint liberæ, (quomodo aliæ quædam benedicuntur,) sed vt ijs contra dæmonum infestationes, & molestias vtamur.

Quod dicimus, ex formulis, quibus Ecclesia in harum rerum benedictione vtitur, licet colligere, in *salis* benedictione sic orat: Immensam clementiam tuam, Omnipotens æternæ Deus, humiliter imploramus, vt hanc creaturam Salis, quam in vsum generis humani tribuisti, benedicere, & sanctificare digneris; vt sit omnibus sumentibus sanitas animæ & corporis; & quidquid ex eo tactum, vel aspersum fuerit, careat omni immunditia, omni que impugnatione spiritualis nequitiae. Per Domin. In consecratione Aquæ, hæc forma vtitur: Deus, qui ad salutem humani generis maxima quæque Sacramenta, in aquarum substantia condidisti: adesto propitius inuocationibus nostris; & elemento huic multimodis purificationibus præparatio virtutem tuæ benedictionis infunde; vt creatura tua mysterijs tuis seruiens, ad ambigendos Dæmones, morbosque pellendos diuinæ gratiæ sumat effectum, &c. Sic dum Herbas, & Ramos benedicit; rogat, vt quicunque ex ijs acceperint; accipiant sibi ad protectionem mentis, & corporis, &c. Dum Cereas Imagines, inter alia sic orat: Quæsumus, Domine, hos Agnos, quos de cera virgineæ, in tuum honorem formauimus, sacra & perenni vnda, balsamoque sacri Crismatis perfusos, benedicere, sanctificare, & consecrare digneris: quatenus à te benedicti, virtutem accipiant contra omnia diabolica tentamenta: & omnes portantes tuti esse possint, inter aduersa & prospera, vt tua consolatione accepta, nullum periculum timeant, nullamque formident umbram: nulla fauitia diabolica, aut versutia

sutia humana ijs noceat; sed fortitudine tuæ virtutis roborati, tua consolatione glorientur; qui verè paracletus diceris, &c.

4. Hæ Ecclesiæ sunt preces. Quem harum effectum esse iudicamus? Si, quod Dominus dixit: *Quidquid petierimus Patrem in eius nomine, consecuturi sumus*, an hic nostro desiderio frustrabimur? Et cum oramus, ut creaturas suas ad dæmones profligandos valere velit, vota nostra rejiciet?

5. Fortè non in eius (Christi) nomine hæc à Patre petuntur: Sed peti finis singularum, quo *Per Dominum nostrum*, &c. tribui postulamus, probat. Fortè, quod verbis confitemur, rebus negamus; dum quod superstitiosum est, & diuinis legibus contrarium, postulamus. Et quid illud? Quod creaturas benedicti volumus? Quod iam benedictas volumus valere ad res prodigiosas perficiendas? Quod ad dæmones profligandos vim tribui rogamus? Sed hæc superstitiosa non sunt. Non aduersatur diuinis legibus creaturarum benedictio. Non Opinio, non benedictæ ad res prodigiosas valeant? Non Opinio, quod valeant ad dæmonum ex humanis corporibus eiectionem. Docemus hæc tria.

6. Primum omnium, *Creaturas benedicere* superstitiosum non est, nec diuinis contrarium legibus. Quod superstitiosum est, omnibus superstitiosum est: Quod diuinis legibus repugnat, nec ipse Deus vult sibi esse permissum. Quid inde? quid? Superstitione vacare creaturarum benedictionem: non repugnare diuinis legibus. Quamobrem verò? quia Deum creaturas benedixisse, tam est certum, quàm quod certissimum.

7. Fortè, quia à Deo Creaturæ benedictæ sunt, ne secundo benedicantur, cauendum est, Cur quæso? an quod semel benefactum est, secundo fieri nequit? vbi nulla lex est, quæ, ne factum repetatur, prohibet? Sed nec eo, quo Deus, siue nunc creaturas benedicimus. Nos benedictione petimus ad morbos pellendos, dæmonesque eijciendos valere. Hoc in prima rerum conditione, quando ipsis Deus benedixit, propositum non fuit.

8. Adde, quod nec Saluator culpa careret: Neque enim semel hac benedictione ille usus est. Usus est antequam ex hac vita discederet; & postquā gloriosus à morte resurrexit. Usus est in deserto, & in Emaus. An fortè, quàm initio conditi orbis rebus omnibus Deus benedictionem contulit; illa ad panes, quibus Dominus benedixit non pertinet?

9. Quas res possumus maledicere; easdem benedicere possumus. Hoc nullus negauerit. At creaturas maledicere possumus: Poterimus

mus igitur & benedicere. Assumptio certa est, quoniam & in Noua lege maledixit Dominus ficum: & in Veteri, si quando occultum crimen adulterij prodi debuit, id aquis à sacerdote maledictis, Deus fieri voluit.

Marc. 11.

Num. 5.

Nouares in Christi Ecclesia non est Creaturarum benedictio. Magnam habet auctoritatem à veneranda Antiquitate. *Oleum*, quo Apostoli infirmos curabant, benedictione mystica hanc virtutem habebat. Benedictum *oleum* fuit, quod per Poculum Christianum administrari solitum, scribit Tertullianus ad Scapul. 4. cap. 11. Basilus, libro de Spiritu sancto, docet Apostolica esse traditionem, quod *aquam* benedicimus. Sed Antiquitatem probat maxime Oratio, quæ inter Constitutiones à Clemente conscriptas reperitur. Ibi sic dicitur, Domine Sabaoth, Deus virtutum, Creator aquarum, & dator olei, misericors & benigne, qui dedisti aquam, ad potum & mundiciem; oleum ad exhilarandam faciem in exultatione lætitiæ, ipse quoque nunc sanctifica aquam, & hoc oleum, in nomine eorum, qui attulerunt; & da virtutem sanitatis effectricem, ægritudinum expultricem, dæmonum fugatricem, omnibus insidijs aduersariam, per Christum, qui est spes nostra, quo cum tibi gloria & honor & cultus, cum Spiritu sancto Amen.

10.

Marc. 7.

Cæterum, quemadmodum noua non est; ita nec *rara* fuit, in Christi Ecclesia; creaturarum Benedictio. Hoc primum, in *aqua*, multorum testimonio clarum est. Dionysius de Ecclesiastica Hierarchia dicit *aquam* sacris inuocationibus consecrari. Cyrillus Catech. 3. docet simplicem *Aquam* fieri sanctam, inuocatione Dei. Cyprianus lib. 1. Epist. 3. Oportet, inquit, *Aquas* prius mundari, & sanctificari à Sacerdote. Ambrosius lib. de his, qui myst. initiantur, cap. 3. docet *aquam*, nisi signo crucis prius sacretur, nullum habere vsum in Ecclesia. Denique benedictæ *aquæ* meminerunt Ephiphanius, Hæres. 30. Theodoretus, lib. 5. cap. 21. Augustinus Homil. 27. ex 50. Homil. & sermone 19. de Sanctis. & lib. 6. in Iulianum, cap. 8.

12.

Similia pro aliarum rerum consecratione & benedictione sunt testimonia. Benedictionis *olei* meminerunt Clemens, Dionysius & Tertullianus locis citatis, & Augustinus tractatu 118 in Ioannem.

12.

Benedictionis *panis* extra Eucharistiam B. Augustinus libro secundo, de Peccatorum meritis, cap. 26 & Paulinus in Epistolis ad Alipium & Romanianum: quæ sunt 35 & 36. inter Epistolas diui Augustini. Benedictionis *Cerei* paschalis Strabo, cap. 30 & Patres in Concilio Toletano IIII. can. 8. Benedictionis *Palmarum*, & *Cinerum* beatus Maximinus, cuius extant Homiliæ inscriptæ in die Ci-

P

nerum,

nerum, & Dominica Palmarum, &c. Hæc pro primo Capite.

13. Sequitur, vt doceamus (quod secundum erat) *sine crimine fieri, quòd Creatura ad prodigiosos effectus, & qui naturam superant, adhibeantur.* Pro hoc autem argumento egregiè militant sacrarum Scripturarum documenta, non ex Veteris solùm; verùm etiam ex Noui Testamenti libris deprompta. Laborans incurabili morbo Naaman Syrus, venit ad prophetam Elisæum, ab eo sanitatem petiturus: & ecce, postquam, vt iussus, *septies in Iordane se lauit, mox aquarum beneficio pristina sanitatis restitutus est.* Quam prodigiosum est, quod, Numerorum 5. legitur? vt ad sumptam aquam, in quam maledicta congestisset Sacerdos, *adultera cõputescat femur; & tumens vterus distrumpatur?* Hæc Veteris Testamenti. Noui est illud, quòd Euangelista refert *oleo vsos esse Apostolos in infirmitatum quarumcunque expulsiõne*: & quòd *de aqua probatica dicitur ab Angelo mota*; quæ primùm ipsam intranti præsentissimam sanitatem afferebat.

14. Præterea nec in ijs rebus, de quibus est disputatio, hic desunt exempla. Docemus id primùm in *Aqua benedicta*. Magnam locustarum vim, omnia confumentem, hac aqua profligasse B. Apheratem narrat Theodoretus, in eius Vita. Eadem aqua in quatuor partes fusa eisdem ex horto quondam abegit Theodorus Siccæorum Archimandrita: vt habet Metaphrastes, in eius vita: quemadmodum, eodem teste, alias Ancyranorum iumenta à sæuiente peste liberauit.

Confregit hac tumescentes, & inualescentes maris fluctus, quosdæmon, viri sancti in Angliam aduentum impedire volens; excitauerat, sanctus Germanus, vt habet Beda in Histor. Angl. libro 1. cap. 17.

Quintianus, Auernæ Episcopus, domum Hortensij cuiusdam, in qua febris omnes corripuerat, hac aspersit, & mox sanitas secuta est, ita Gregorius Turonensis, in eius Vita.

Hac morti proximum filium Eueliæ, mulieris Antiochenæ, liberat, & sanitati restituit B. Chrysostomus: teste Metaphraste, 13. Nouembris, quemadmodum iam extremis corporis partibus mortuum famulum Comitum cuiusdam Anglicani Gulibertus Hybernæ Episcopus; vt in eius vita habet Venerabilis Beda.

Sanauit hac paralyticum S. Brigida (Surius in eius Vita) leprosum & Cæcum. S. Theodorus, cuius superius meminimus: febris & difficultate partus laborantes diuus Bernardus, vt in eius Vita scribit Bernardus Bonaualensis, lib. 2. cap. 3.

Præterea Gothus quidam in itinere ex equo cadens, coxam confregerat, vt B. Gregorius scribit, lib. 1. Dialog. cap. 16. rogat mox Fortunatum

tinatum Episcopum Tudertinum pro salute. Ille aqua benedicta coram aspergit, &c. & ecce, omnis fractura ita solidata est, ut lecto surgeret, & ascenso equo iter inceptum perficeret.

B. Marcellus, Episcopus Apameæ, omnem Diaboli conatum, ne Iouis Apameni famosum delubrum combureretur obnitentis, aquæ crucis signo benedictæ, usu penitus superavit. Rem hanc fusius describit Theodoretus, lib. 7. cap. 21.

Henricus Receburgensis Comes captos tenebat Parisios, multis tormentis in eos sæuiens. Intercessit pro ipsis Euernoldus Raceburgensis Episcopus; sed nihil proficit. Dies erat solennis Paschæ, cum captiui in catenis sub custodia starent in Ecclesia. Circuiens Pontifex, cum fideles aqua benedicta aspergeret; captiuorum quoque aspergens catenam, dixit: *Dominus soluit compeditos*. Quid deinde? Mox catena dissilijt, illis liberè discedentibus. In facti testimonium catena seruatur. Hæc Krantius lib. 5. Vandalia.

Nimij fuimus in exemplis pro Aquæ benedictæ virtute confirmanda. Non dubium, tædium nostra oratio afferret, si similem syluam in reliquis produceremus. Modus igitur orationi imponendus est. Sufficiet vnum aut alterum in alijs producere. Igitur *Oleo benedicto* plurimos curauit Hilarion, teste Beato Hieronymo, in eius Vita. Eodem ad sanitates impertiendas vsos esse Monachos Aegypti, scribit Sozomenus, lib. cap. 21. & 29. & ante ipsum Ruffinus, lib. 2. cap. 4. Eodem Theodorum Archimandritam expulisse Cacodæmonem, qui mirum cruciatum & tremorem membris obsessi nautæ afferebat, scribit in Vita Theodori Presbyter Georgius. Et de Vrsmaro legitur apud Ratherium, Veronensem Episcopum, in Vita Vrsuarii, quod Monialis, à qua dæmon eiecit, & os, & oculos, & nares Oleo benedicto liniuerit.

Salis benedicti meminit Gregorius Turonensis in Vita S. Monegundis, quæ anno Domini 560. vixit. Rogabatur illa, ut quia mortua infirmis (quod viua fecerat) mederi non posset, olium salemque benediceret, quæ ægrotantibus, benedictionem flagitantibus, ministrarentur. Paret votis, & quidem cum plurimorum emolumento: quoniam, ut idem Gregorius loquitur, de memorata benedictione multi post eius transitum ægroti incolumitatis beneficia sunt experti.

De cerea Imagine, quæ Agnus Dei dicitur, ita scribit Molanus, anno 1568 cum Princeps Auricus numerosa exercitu in Brabantiam irrupere tentaret: in agro Iuliacensi, propè Traiectum ad Mosam, quendam Hispanum captiuum habuit, quem capitis damnatum,

milites arbori alligatum sclopetis, vel bombardis occidere conabantur. Verùm frustra sua in illum emiserunt tormenta ænea. Tantum enim abfuit, ut illum sic arbori alligatum bombardis transuerberare, ut nec creberrimis emissionibus lædere potuerint. Quo viso obstupefacti, coeperunt eum suis spoliare vestibus, arbitantes hominem occultis quibusdam armaturis communitum, quas vis tormentorum penetrare non potuerit: verùm nihil præsidii ab ipsis inuentum fuit, præter dependens ex collo amuletum Agni, quo eidem sublato, primo ictu bombardæ extinctus, occubuit. Hæc Molanus, teste Petro Matthæo in VII. Decretalium. Plura huius generis nostra ætas obseruauit, & eorum superstitum adhuc testimonio, qui virtutem huius Imaginis experti sunt, possunt confirmari; ut non errasse iudicemus, qui hac re cecinit:

*Pellitur hoc signo tentatio Dæmonis arti,
Et pietas animo surgit, ab itq; timor.
Hoc aconita fugit, subitaq; pericula mortis,
Hoc & ab insidijs vindice tutus eris.
Fulmina ne seriant, ne saeva tonitrua ledant,
Ne mala tempestas obruat, istud habe,
Vndarum discrimen idem propulsat, & ignis,
Illaq; ne noceat vis inimica, valet.
Hoc facile partum tribuente puerpera foetum,
Incolumem mundo proferet, atque Deo.*

Clarius & breuius quidam hæc sequentibus est complexus:

<i>Fulmina pellit,</i>	<i>Et parientem</i>
<i>Crimina mundat.</i>	<i>Prole secundat.</i>
<i>Dæmones arcet.</i>	<i>Plurima dignis</i>
<i>Liberat igni.</i>	<i>Munera confert:</i>
<i>Seruat ab vndis,</i>	<i>Prauaq; tantum.</i>
<i>Mortemq; prompta.</i>	<i>Portio prodest,</i>
<i>Subiungat hostes,</i>	<i>Maxima quantum.</i>

18. Hæc, quæ diximus, Rebus Consecratis fieri potuerunt; non poterunt, iisdem; (quod tertium Caput est) *exigi ex hominum Corporibus dæmones?* Si causas scrutemur; cur, quæ iam mirabilia recensuimus, Rerum Consecratarum beneficio patrata sunt, aliam vix inueniemus, quàm quod Ecclesiæ oratione atque consecratione hanc virtutem sint consecutæ. Verùm quemadmodum rogatus Deus est, ut has creaturas valere velit ad profligandos morbos; ad tempestates auertendas, &c. ita rogatus est, ut valere velit ad dæmonia profliganda. An fortè hic manum suam retraxisse, auxilium denegasse putandus

putandus est; qui in alijs rebus tam fuit liberalis, & munificus?

Fortè rebus sensibilibus & corporeis non abiguntur dæmones; 91.
nec hæ ad ipsos pellendos vim illam habent. Etiam his abiguntur:
etiam hæ vim habent. Ne hic exempla desiderantur. Nonne quan-
do citharam pulsabat David, Dæmonum reliquebat Regem Saul? 1. Reg. 16.
Et fel, quod iussu Angeli ex pisce detraxit Tobias, nonne vim habuit Tob. 6.
fugandi dæmones? Quid quod Salomon herbis in dæmonum eie-
ctione vti voluerit? Vide Ioseph. lib. 8. cap. 2.

Sensibiles res sunt, quæ in aere formantur, voces; dum Christi no-
men imploramus: Sensibiles, quas digitis formamus cruces, Sensibi-
les, Sanctorum Reliquiæ: sed tamen harum beneficio insensibilium
atque incorporeorum Spirituum vis fracta est: ad harum præsentiam
subsistere nequiverunt nequam Spiritus: quemadmodum Cap. 24. &
sequentibus demonstratum est.

Fieri igitur potest, ut his rebus dæmones fugentur. Sed non quid
fieri possit, tantum doceamus: ostendamus quoque *id factum esse*. O-
stendimus. Primum se hic nobis offert Sanctus vir Macharius: Hunc
Aqua benedicta puerum dæmoniacum sanasse docet Palladius, in lib.
qui inscribitur Paradisus Heraclidis, cap. 6. 23.

Offert se secundo Eligius Noviomenensis sanctus Episcopus, Nite-
batur hic impias quasdam superstitiones, in quodam vico, haud pro-
cul à Noviomeni oppido, tollere: verum, ubi pluribus concionibus
nihil proficeret, iniuria etiam, atque contumelia ab auditoribus af-
ficeretur; exemplum Apostoli secutus, *tradit ipsos Satana in interitum
carnis, ut spiritus saluus fieret*. Currunt hinc ad Sanctum virum Obsef-
forum amici, auxilium magnis desiderijs postulantes: sed hoc non,
nisi post vnius anni poenitentiam, promittit Eligius. Tum ad se ad-
ductos (erant autem plures quinquaginta) *Aqua benedicta* asperzione
à Spiritibus liberat. Hæc Audoenus, Rhotomagensis Episcopus in
Vita eius, lib. 2. cap. 20.

Est tercio puer quidam, à parentibus Sancto Eucharior oblatus,
ut ad præscriptum Regulæ, cum alijs in monasterio institueretur.
Hic cum aliquando à dæmone (in forma hominis) oblata aquam,
antequam eandem cruce signasset, bibisset; ab eodem possidetur.
Mox ad S. Eucharij altare adducitur. fiunt pro ipso orationes, sacra-
tur aqua, offertur bibenda, hausta subito abactus dæmon. ita Surius
in Historia Inventionis sancti Celsi, cap. 11. Tomo 7.

Dictis addimus quartum. Arnolphus Episcopus Svéstionensis
pacem inter quosdam compositurus erat. Hic dum quidam ipsi re-
sistit; &, ne oratione viri Sancti ad pacem cogitatur, fugit; à Dæ-

mone in fuga corripitur. Quid deinde? Pro Obsessi sanitate rogant alij: & illam, fide pacis admittendæ data, obtinent; sed beneficio *Aquæ benedictæ*, quæ dæmoniacum Sanctus vir asperfit. Hoc Lifardus Episcopus Svveffionensis. in eius Vita, cap. 24.

Ad S. Bernardum (hoc quintum sit) puer triennio grauissimè ab obsidente dæmone tortus adducitur spè libertatis consequendæ. Iubet post alia Bernardus in os Obsessi *aquam consecratam* infudi: sed contra niti dæmon cœpit, labia comprimere, & frendere dentibus. Tandem sordidissimo post se vomitu relicto est egressus. In Vita Bernardi, lib. 2. cap. 3.

Seruiunt quoque nobis hic S. Laurentius Dublinensis Archiepiscopus, & Maltonius Episcopus, cuius Vitam describit Sigebertus. vterque in Energumenorum curatione *Aquam benedictam* putauit adhibendam. sed & insignis eius virtus est obseruata: quando mox ad eandem haustam in fugam coniecti sunt Spiritus: quemadmodum in vtriusque Vita manifestum est, apud Surium, Tom. 6.

Et in Vita S. Elisaberhæ, Hungariæ Reginae, scribit Iacobus Spirensis, cap. 30. quod ad sacrophagum eius adductu sit puella; quæ ad malam parentum imprecationem dæmonis torturam patiebatur; & pristina incolumitati sit restituta, mox, vbi parum *benedicti panis*, & *sacra vnda* hausit.

22.

His similia sunt, aut potius hæc confirmant sequentia Domus cuiusdam, inquit Metaphrastes, multum à dæmonibus vexabatur. Cum Domestici pranderent, aut cœnarent; lapides super mensas iacebantur: rumpebantur telæ mulierum: Tanta quoque multitudo murium & serpentum domum occupabat, vt præ formidine nemo eam ingredi auderet. Ingressus tamen ad aliorum preces Theodorus Sicaorum Archimandrita; &, post orationem, *Aqua*, cui benedixerat, totam aspergit, & à Spiritibus immundis liberat. ita Metaphrastes in eius Vita.

Fuit quoque dæmonum, quod iam triennium in pago Camonte, non procul à Bingio, suis præstigijs Mogantinam Ciuitatem, & vicinos affligebat, & illud tandem Sacerdotes Litanij, & *Aqua benedicta* abegerunt, teste Sigeberto, anno 858. Eodem modo Moguntia domum quandam liberatam esse scribit Bernardus Crucius

in Vita Ludouici II. Imperatoris. Itaque verissimè

dici putamus: *Huius aqua tectos, depelli
dæmonis actus.*

Examinatur quintus modus, quo per Exorcismos demonia ex hominum corporibus eijciuntur.

EXorcismi nomine, hoc loco, illam rationem intelligimus, qua per Deum Spiritus nequam adiurantur; & vt ab humanis corporibus discedant, Deoque Creaturam suam, quam possident, restituant, & vexare desinant, coguntur.

Hanc antiquissimam esse Cypriani Martyris, & Prudentij Christiani Poetae testimonio clarum est. Addimus vtrique Tertullianum, vt in ore trium omne stet verbum. Ille quodam loco, lib. de Praescip. cap. 40. in mulierculas quasdam, quae exorcizare praesumebant, his verbis inuehitur: Ipsae mulieres Hæreticae, quam procaces? Quae audeant docere? exorcistas agere? &c.

Non paruas esse huius vires probant clamores, gemitus, eiulatus; quos in obsessis hominibus saepissimè daemones dederunt. de quibus ita Cyprianus: de Idolorum vanitate loquens: Adiurati, inquit, per Deum verum à nobis, statim cedunt & fatentur; & de obsessis corporibus exire coguntur. Videas illos nostra voce & operatione Maiestatis occultae flagris cædi, & igne torreri, incremento poenae propugnantis extendi, eiulari, gemere, deprecari; vnde veniunt, & quando discedunt confiteri. ita Cyprianus.

Eiusdem virtutem quoque probant Hilarion, & Bernardus Abbatēs, Hilarion vim eius in Marsia ostendit; Bernardus in muliere Mediolanensi. Marsias fortissimus iuuenis de territorio Hierosolymæ, tantum valebat viribus; vt quindecim frumenti modios diu longèque portaret: & hanc haberet palmam fortitudinis suæ, ac si asinos vinceret. Hic afflictus pessimo dæmone, non catenas, non compedes, non claustra ostiorum integra patiebatur. Multorum nasum & aures morsibus amputauerat: horum pedes, illorum gulam fregerat: tantumque sui terrorem omnibus incusserat; vt oneratus catenis, & funibus in diuersa nitentium, quasi ferocissimus taurus ad monasterium Hilarionis Eremitæ pertraheretur. Quem postquam fratres videre, perterriti (erat enim miræ magnitudinis) indicauerunt Patri. Ille, sicut sedebat, iussit eum ad se pertrahi, & dimitti: solutoque: *Inclina, ait, caput; & veni.* Tremere ille; & cervicem flectere, nec aspicere contra ausus: omni ferocitate deposita, pedes coepit sedentis lambere. Adiuratus itaque Dæmon & tortus, qui iuuenem possederat, septima die egressus est. Hæc Hieronymus in Vita Hilar.

Bernardus verò Mediolani, mulieri cuidam, quam Spiritus Nequam

Nequam diu exabit, hostiam patinæ impositam, superimposuit his verbis: *Adest, inquit, Spiritus, iudex tuus, adest summa potestas iam resiste si potes. Adest ille qui pro salute nostra passurus, inquit, Nunc Princeps huius mundi eijcietur foras. In eius igitur potestate precipio tibi, ut ab hac eius ancilla egrediaris. Quid verò? Locum dare Spiritus compulsus est.* Hæc in Vita Bern. lib. 2. cap. 4.

5. Puto quoque ex aliare eius præstantiam colligi (nisi fortè hoc testimonium est sanctitatis viri) De Eugenio Abbate legitur, quòd rogatus, ut puellam ab immundo Spiritu liberaret: primum quidem multam ad Deum orationem fuderit: deinde breuem Exorcismum scripserit, obsignarit, & collo puellæ alligari mandarit: demonem verò discesserit, antequam ad puellam Exorcismis esset perlatus. Vide Surium, Tom. 1. in Ianuario. Simile quid de S. Bernardo in eius Vita cap. 4. lib. 2. habetur. Expulerat ille secundò ab Obsessa quandam Spiritum nequam. Quia verò verebatur, ne se discedente, rursus miseram ingrederetur; hunc ipsius collo affixit Exorcismum: *In nomine Domini nostri Iesu Christi, precipio tibi Demon; ne hanc mulierem ingrediaris.*

6. Porro non una semper eademque huius Rationis dæmonia eijcendi, fuit forma. Olim ferè paucioribus rebus videtur constitisse; nunc quandoque plura adhibentur; quòd non tam facile modò, quàm olim, à dæmonijs corpora videantur liberari.

7. Hinc esse crediderim, quod alijs atque alijs modis dæmones per alios atque alios eiectos esse legamus. S. Laurentius Iustinianus dicitur Spiritum prius increpasse, & mox exitum imperasse, & impetrasse. Docet hoc Bernardus Iustinianus, Orator Venetorum, cap. 8. in Vita Laurentij. Eodem prorsus modo infantem liberavit Bernulphus, Abbas Bobiensis, teste Iona; qui eius res gestas describit, apud Surium. Parthenius teste Metaphriste 7 Februarii, solum egressum cuidam imperavit; & sic pristinam incolumitatem Obsesso restituit. Idem S. Remigius legitur præstitisse ei dæmoniaco, quem ad ipsum misit S. Benedictus: ut docet Hincmarus in Vita Remigij.

Anatolia, sanctissima virgo, primo afflat dæmoniaco: mox ad dæmonem conuersa: *Exi, inquit, ab homine, & de sanitate sibi gratulatur miser.* Ita in eius Vita, apud Surium, Tom. 4.

S. Columbanus, cum Parisiorum urbem ingrederetur; Clotarum Regem inuisurus, obuiam habuit Obsessum, multis se conuictijs proscindentem: imperat Spiritui egressum vir Dei: sed dum tandem est egressus, ubi post iniectos in os eius digitos, eiusdem aliquandiu attraxerat linguam. S. Bernardus quali forma usus fuerit, superius Thes. 4. indicatum est.

Gregorius Lingonensis cum imperio signum Crucis coniunxit, teste Gregorio Turonensi, in eius Vita, cap. 6. Eugenius Abbas, ut dictum, Exorcismum breuem scripsit; eundemque Obsessi collo præcepit allegari, sicque Satanam fugit. Surius Tom. I.

Hinc etiam esse dixero, ut Hæretici, qui vniuersa propemodum Catholicorum pietatis exercitia ad examen reuocant, nunc quoque plura habeant, quæ carpant ac damnent in nostro, quàm in illo prioribus temporibus recepto Exorcismo.

Veruntamen iniqua ipsorum est censura. Iudicium temerarium, & falsum. Quod dicimus, tum demum erit manifestum, postquam, *quacunque in Exorcismo concurrunt, iustissima esse, & omni superstitione vacare demonstrauerimus.* Age igitur hoc præstemus.

Varia autem sunt, quæ in Exorcismo reperiuntur. Veruntamen ad duo præcipuè genera reuocari possunt, *res & verba.* Verba partim ad Deum diriguntur: partim ad Sanctos, Dei amicos; partim ad obfidentes Dæmones. Ad Deum diriguntur per Orationem, & Sacrificium Missæ: Ad Sanctos per Litaniam: Ad Dæmones, per Adiurationem. In Oratione attendi potest, vel quid petant, vel quo modo, siue per quid petatur. In Litijs præcipuè Sanctorum inuocatio. In Adiuratione modus dicendi; ipsa adiuratio, & quid potissimum dæmonibus imponatur.

Petitur à Deo peccatorum venia. Petitur, ut ministris suis, in tam arduo & difficili negotio velit adesse: velit etiam misereri obsessi hominis, & eundem à Dæmonum potestate eripere. Petuntur hæc per Christi, & Sanctorum merita. Inuocantur Sancti, ut pro nobis, & Energumeno velint orare. Dæmones durioribus verbis increpantur: imperatur iisdem quandoque ut se prodant: nomen dicant: prodant socios, explicent causas, cur homines ingressi: ex hominibus discedant; infernum petant; discessum suum aliquod signo declarant.

Res similiter in Exorcismo variæ sunt, atque multiplices. Quædam sacræ sunt; quædam signa sacrarum. Variæ sunt Sanctissimum Christi corpus, quod sub visibilibus speciebus offertur: Sanctorum Reliquiæ, quæ aliquando adhibentur: Aqua benedicta; qua Obsessi asperguntur. Signa rerum sacrarum sunt, Crux maximè, quæ nunc fronti, nunc pectori, nunc alijs Obsessorum membris imprimitur. His addo Locum, ubi Exorcismus peragitur; qui plerumq; templum est: Vestes item sacras, quibus Exorcista induitur: Stolam, quæ aliquando Obsessis imponitur: Impositionem manuum Sacerdotum; Cereos ardentes: quibus interdum adhibentur flagella: atq; digitorum Exorcistæ in os Obsessi immissio.

Q

Hæc

Hæc ferè sunt, quæ in Exorcismo reperiuntur. Sed tamen quemadmodum nec omnia necessaria sunt : ita nec semper adhibentur : nunc plura adhibètur : nunc pauciora. Verùm enim verò siue adhibeantur, siue omittantur, *superstitione vacant omnia* ; quod ut sua Exorcismo auctoritas constet, sequentibus, sed breuissimè, docemus.

14.

Oratio, quæ adhibetur, damnari non debet. In hac maximum aduersus Spiritus immundos præsidium esse putauerunt, quicunque aliquando ipsos eiecerunt. Hac Fortunatum Tudertinæ Ecclesiæ Episcopum à dæmonijs homines liberaffe scribit B. Gregorius lib. 1. Dial. cap. 10. Sic D. Bernardum per totius noctis Orationem dæmonium Cremonæ expulisse, quod se ipso Papiæ eiectum esse, nequiter simulauerat : autor est Bern. Bonæuallensis in eiusdem Vita lib. 2. cap. 4. Oratione ducentos propemodum tam viros, quàm mulieres liberaffe B. Hilarionem, in Cypro insula, vbi se latiturum sperabat, docet B. Hieronymus in eius vita.

Adductus aliquando est ad S. Marcarium puer, quem mirum in modum dæmon vexabat. eundem Oratione curauit vir sanctus ; postquam vnâ manuum suarum capiti pueri imposuisset, & alteram eiusdem pectori admonisset : ita Palladius in eius Vita.

Et Genouefa, sancta virgo, quos Turoni Energumenos curauit, Oratione ad Deum facta curauit : quemadmodum cognoscitur ex Vita, apud Surium, Tom. 1.

Eadem Oratione vsi sunt Parthenius : de quo Metaphrastes 7. Februarij. Eugenius Abbas : de quo Surius, Tom. 1. Arnolphus Episcopus Metensis : de quo Surius Tom. 4. Herebertus, Archiepiscopus Coloniensis : de quo Rupertus Tuitiensis in eius Vita. Patroclus item eremi cultor : de quo Gregorius Turonensis cap. 9. in eius Vita. Laurentius Archiepiscopus Dublinensis : de quo Surius Tom. 6. Marcianus : de quo Theodoretus Sectio. 3.

Et horum aliqui sibi comprecatores asciuerunt : vt Arnolphus, atque Bernardus aliquando : alij priuata contenti ; sed tamen nunc feruenti admodum ; nunc admodum diuturna vsi. Nam Laurentius Dublinensis humi prostratus Deum orasse legitur : Patroclus verò triduanam adhibuit orationem. pluribus haud opus. Ipse Dominus docet quoddam dæmoniorum esse genus, quod non, nisi *Oratione* pellitur.

15.

Si verò tantum valet Oratio ; quidni hic plurimum possit *Sacrificium Missæ* ? Possent multa pro hac in medium proferri : sed nos, quæ ad præsentem rem faciunt, proferimus. Refert Prosper Aquitanicus, libr. de Prædict, cap. 6. suo tempore Sacrificium Missæ fructuosè

fructuosè pro salute dæmoniacæ oblatum: & rursus, illa à dæmonio liberata, oblatum pro gratiarum actione.

Meminit sanctissimus Augustinus Sacrificij Missæ oblatis pro domus purgatione, quæ à dæmonibus plurimùm infestabatur; & sacrificio peracto docet liberatam esse.

Et in Missa haud parum præsidij positum esse credidit S. Bernardus. Illum enim ipsum, cuius Thesi 4. huius Capituli, meminimus, Exorcismum in Sacrosancto Missæ Officio adhibuit: id valere credens ad tam insolentem atq; crudelem, cum quo tum bellum erat, Spiritum profligandum. Si quidem plurimis annis mulierem Spiritus hic obsederat: Visu, auditu, facultateque loquendi priuarat; faciem Obsessæ ita immutabat; ut non hominem, sed monstrum referret: quandoque etiam linguam ad modum proboscidis elephantinæ protrudebat. Adductus etiam ad S. virum, pede eundem trudebat. Quocirca S. vir & preces præsentis populi pro Obsessa postulabat; & Missæ Sacrificium in subsidium accipiebat. Quoties verò, Sacrificio insistens, hostiam signabat, ad mulierem conversus, & ipsam eadem hostia signabat: dæmone magis atq; magis semper in eadem Obsessa ferociente: donec tandem abhibito supradicto Exorcismo, post orationem dominicam, in Sacrificio recitatam, eundem profligavit.

Huc omnino facit: quod B. Chrysostomus, Homil. 4. contra Armenos docet, olim in more, atque consuetudine fuisse; ut tempore diuinorum Officiorum ad ipsum Sacrificium adducerentur dæmoniaci. Verba eius hæc sunt: Causam dabo, cur homines dæmone agitato, & furiosè accitos teterrimo, adduci tempore illo, & capita inclinare iubet Diaconus. Qua de causa enim agitur? Dicam, quod sentio. Vincula, perquam parua & gratia agitatio dæmonum est: Vincula ferro validiora. Ut itaque tempore instante, quo ludex prodire, & pro tribunali sedere est solitus, custodes carceres, quos in vinculis habent, omnes carcere educunt, & pro cancella septisque fori collocant squallentes, sordentes, contra oppletos, pannis miserrimè obductos: sic Patres statuerant, ut cum breui Christum, veluti pro tribunali sedere, ipsisque Sacramentis apparere futurum esset; homines dæmone agitati, illi, tamquam vinculis quibusdam retenti adducerentur; non ut rerum, quas commississent, examen subirent; modo eorū, qui in vinculis sunt: nec ut luerent penas, & supplicio afficerentur; sed ut populo vniuersaq; ciuitate præsentem communes pro his fieret supplicationes, ut omnes iugi concordia Dominū communem oraret pro his: & ut miseretur, magno clamore cōtenderent. Ita Chrysost.

Adde, quòd in Missa, atque Oratione, quæ ad dæmonum eiectionem

nem adhibentur, nihil petatur; quod vel nos petere sit indignum: vel Deum dare non conueniat. Id petimus, quod ut petamus, à Domino sumus instituti: scilicet, ut nostra nobis remittantur delicta: ut à malo tum corporis, tum animi liberemur. Quid hic superstitiosum?

18. Nec damnari potest *Modus*, quo illa à Deo petimus: videlicet, quod per Christi atque Sanctorum merita petamus. Quid non possunt Christi merita? Quid potest Pater negare per Filij vulnera atque sanguinem deprecantibus? Filius hic pro nobis est: *Si quid*, inquit, *petieritis Patrem in nomine meo; dabit vobis.*

Fortè damnantur Sanctorum merita. Sed malè. Quot & quanta beneficia Iudæorum populo propter Abraham, Isaac, Iacob merita, Deus contulit? Placent Deo Patriarcharum merita; non placebunt Apostolorum Petri & Pauli? atque aliorum Sanctorum, qui, ut Apostolus loquitur, *ludibria & verbera experti, insuper & vincula & carceres: lapidati sunt, secti sunt, tentati sunt, in occisione gladij mortui sunt: circuierunt in melotis, in pellibus caprinis, egentes, angustiat, afflicti, quibus dignus non erat mundus?* Seruit quoque nobis hic exemplum Pontij Abbatis Bellæuallensis: qui cum frustra vidisset multa adhiberi à suis ad Obsessum quendam à dæmonis tyrannide liberandum: Stolum, qua S. Bernardus in oblatione Sacrosanctæ hostiæ uti solebat, Obsesso admouit: & in virtute Christi, per sancti viri *Meritum*, cuius stolum tenebat, exitum feliciter præcepit. Vide Wilhelmum Abbatem S. Theodorici, in Vita Bernardi lib. 4. cap. 11.

19. Non est, quod quisquam hac ratione Christi Merita *obscurari* cauilletur, Illustrant Sanctorum Merita, Merita Christi. Christi gloriam illa amplificant, quando hinc intelligimus tantum illa potuisse, ut passionis fructus seruorum quoque Meritis magnam virtutem contulerit.

20. *Litania frustra in Exorcismis non adhibentur.* Multa illæ emolumenta sæpe Christianitati attulerunt, ut alias dictum est. Sed & Litanis felicissimi dæmonum ex humanis corporibus Exorcismi perfecti sunt, ut docent Isengringius, Geruasius Tornacensis, atque Iacobus Rabus. Accedit quod Gregorij Magni hortatu formidabile quoddam dæmonis, quasi cornuti, spectrum, quod certo cuidam loco ita infestum erat, ut in eo commorari nullus posset, Litanis abactum tandem, & expulsum sit, quemadmodum & aliud, & superius docuimus, in agro atque ciuitate Moguntinensi. Vide pro utroque cap. 1. de Locis infestis. Præterea, si Sanctorum Cineres ferre nequeunt spiritus; ferent Nomina, quæ in Litanis recitantur? Ad solum S. Antonij *Nomen* fugisse Dæmones, testes locupletissimus est, in eius Vita. D. Athanasius.

Ipsa

Ipsa *Adiuratio* (pergimus ad Orationem, quæ ad Spiritus habetur) mala non est. Patrum sanctissimorum, & qui primi quasi Duces Christiani gregis fuerunt, exempla illam confirmant. Adiurati, inquit Iustinus, dæmones nobis parent. Et Cyprianus: adiurati à nobis dæmones, torquentur & eiiciuntur. Vide cap. 41. discutiamus Adiurationis modum.

21.

Modus hic postulat, ut durus sit sermo, vehemens, & non amicus. Christi in hoc, atque Apostolorum exemplum sequimur, qui dæmonia increpasse leguntur. De Christo dicitur, Matth. 17. *Et increpauit illum* (Dominum) *Iesus.* & Marci 9. *Comminatus est spiritus immundo, dicens: Surde & immunde spiritus, ego precipio tibi, ut ex eas ab eo.* De Apostolis, Paulo præsertim, Actuum 16 legitur, *quod conuersus dixerit spiritui: Precipio tibi in nomine Iesu Christi exire ab eo.* Sic de S. Laurentio Iustiniano, Venetorum Patriarcha, refertur, quod spumantem ore, & dentibus frendentem durius increpauerit: & quasi probum obiecerit, quod infirmam mulierculam fuerit ingressus. Ita Bernardus Iustinianus Venetorum Orator, in Vita Laurentij. *Et cum hostibus, & coniuratissimis hostibus quis potest esse amicus sermo?* Fortè etiam ut flagella corpori; ita durus sermo Spiritibus molestus est.

22.

An superstitionem sapiunt, quæ Dæmonibus in adiuratione imponuntur? Non sapiunt. Licet dæmonibus, *ut se prodant*, præcipere. Theodorus Archimandrita (teste eius discipulo, Georgio presbytero, in eius Vita) præcepit illi, qui 28. annis puellam quandam miris & occultis modis torserat, ut se proderet. Licet postulare, *ut nomen suum prodant.* Christi pro nobis stat exemplum. Licet urgere, *ut socios iudicent;* ut cum quibus hostibus bellum sit. Exorcistæ norint. Licet *interrogare causam ingressus in homines;* ut hac, si tolli potest, remota, minor sit Spirituum in homines potestas; facilisque exigi possint. Licet *signum discessus postulare;* ut de parta nobis ab hostibus victoria constet. Licet *in infernum amandare:* quod ipsis hic locus, Christo teste, paratus sit.

23.

In *Verbis* igitur nulla superstitio est. In *rebus* minus est periculi. Quid ita? Quoniam iam superius pleræque illarum, ab omni superstitione vindicatæ sunt, videlicet. Sanctorum Reliquiæ: Aqua benedicta: & Signum sanctæ crucis. Reliquarum vis non rationibus solum, verum etiam grauissimis exemplis, quæ omnes propemodum ætates suppeditant, confirmantur.

24.

An displicet, quod sanctissimum Christi in Eucharistia Sacramento corpus adhibetur? Sed pro nobis hic est sanctissimus vir Bernardus, qui idem mulieri Mediolanensi adhibuit, Dæmonumque profligauit

25.

hac, quam adiungimus oratione: Adest, inique spiritus, inquit summa potestas. In eius tibi virtute præcipio; ut ab hac eius ancilla egrediaris. In Vita Bernard. 2. cap. 3. apud Bonæuallens. Idem Viro obsessio cibotium, in quo sanctissima Eucharistiæ continebatur, imposuit, atque ita demonium fugauit, teste Wilhelmo Abbate libr. 1. cap. 10. eiusdem Vitæ.

Refert etiam Prosper Aquitanicus lib. 6. de Sacerd Virginem quandam, in quam ob impudicem aspectum simulachri Veneris, demon erat ingressus, communicatione Corporis Christi liberatam esse. Historiam nos ad longum superius retulimus. Eadem ratione anno Domini 1566. liberata est Nicolaa quædam, in oppido Picardiæ Veuino. Bredenbach. lib. 9. Coll. cap. 22.

Sed & virtutem Sacramenti Eucharistiæ, ad immundos Spiritus profligandos, magnam esse, sequenti exemplo ostendit Ioannes Franciscus, Mirandulæ Comes, libro, de Strigibus: Fuit, inquit, in Alpibus Rhetijs sacerdos quidam probus ante annos duodecim, cui cum foret opus ad ægrotum quendam Eucharistiam deferre: cum longius ille abesset, videretque non ita, ut oportebat, celeriter ad eum pedibus posse peruenire, ascendit equum, colloque sanctissimum Christi corpus, pyxide inclusum, satis honorificè alligauit, iter suum quanto ocyus accelerans. Cum nonnihil processisset, obuium habuit quendam, qui eum ut equo descendens pergeret ad spectaculum quoddam mirabilissimum, inuitauit. Imprudens homo, & cupiditate rei tam stupendæ ductus, paruit. Vix equo se demiserat, cum sensit se per aera vnà cum comite deferri, & breui tempore in altissimo montis cacumine statui. Ibi amplissima & amoenissima planities erat, arboribus vndique excelsissimis obsepta, rupibusque horrendis circumcincta. In medio choros innumeros, ac varios ludos cuiusque generis, mensas lautas & diuersis instructas erat videre. Audiebantur etiam concentus quilibet, omni sanitate affluentes: denique aderant quæcunque animos hominum iucundissimis delinimentis tenere possent. Obstupefactus improuisa re Sacerdos, attonitus hærebat. Tum socius, qui adduxerat, petijt ab eo, Vellène Reginam, quæ ibi aderat, supplex venerari, & munus illi aliquod offerre. In alto quodam folio Regina assidebat, effigie formosissima, regio cultu. Accedebant ad eam, prosternentes se humi cuncti, qui aderant, varia munera afferentes. Sacerdos reputans Reginam esse Christi matrē, & quid illi dono daret, existimauit nullum ei gratius atque iucundius futurum munus, quam Filij corpus. Accessit, & ad pedes accidens in modum supplicis, arculam, in qua erat Augustissimum Sacramentum è collo detractum,

detractum, in gremio mulieris illius posuit. Mira res: Omnia continuo euanescere. Percussus nouitate Sacerdos, & prestigijs irretitum se videns, & in horroribus densissimis, opem diuinam coepit implorare; & cum diu per vastas syluas errasset, vix tandem pastorem reperit, à quo viam edoctus, didicit se millia centum à loco abesse, quò Eucharistiam deferre cupiebat. Ad suos tandem reuersus, totam rem detulit ad Magistratum. Contigit hoc imperante Maximiliano Primo. Haëtenus Comes Mirandulae, pro virtute Eucharistiae, contra Dæmones:

Quòd in *Templo* plerunque Exorcismi fiant, damnari non debet. Docemus hac ratione, cuius virtutem hic imploremus: cuius potestate nitamur, Dei scilicet, cuius Templum domus est. Habentur praeterea hic ad manus praesentissima arma, quæ dæmones haud parum debilitant. Adest hic fidelis populus, cuius orationes vehementer Exorcistas iuuant. Denique Locus ipse ob multas causas haud parum dæmonibus inuisus est; cuius vel hoc argumentum est, quod (vt refert Sigebertus) praecedente nocte, antequam Ecclesia S. Petri Coloniae consecraretur, auditæ sint malignorum Spirituum voces, qui, quòd sedibus suis pellerentur, multum conquerebantur. Itaque & S. Bernardus, cum difficilem admodum aliquando haberet Spiritum; Templum, locum pugnae delegit: sibi quæ praesentes Christianos, qui orationibus iuuarent, rogauit, quemadmodum superius dictum est.

Cum Templo coniungo Sacrarium, quo vsus est B. Germanus, Antifiodorensis Episcopus. Cum enim in Italia existens rogaretur, vt dæmoniacos curaret, adductos ad se in Sacratio curabat omnes, teste Constantino Presbytero, in eius Vita. lib. 2. cap. 10. apud Surium Tom. 4. Pro vtriusque loci confirmatione sunt tres Obsessi, vno eodemque tempore ad S. Theodorum Archimandritam adducti, qui Cellam Sancti viri qua concludebantur, graue sibi tormentum esse vociferabantur. Idem confirmauit vir Sanctus. Nam cum in horum curatione occupatus à S. Cyriaco Patriarcha auocaretur; duos quidem à dæmonio liberauit: sed tertio, cuius difficilior curatio erat, mandat, vt torturam eiusdem loci ad suum reditum sustineret, ita Presbyter Georgius in eius Vita.

Induuntur quandoque Sacris Vestibus Exorcistæ. Quod hic peccatum? Non sumus tam inepti, vt has ad dæmonum eiectiones parum facere ignoremus: sed tamen dicimus non temerè vsurpari. Dæmonstrant *hoc Vestitu* Exorcistæ; non se sua virtute, aut meritis niti: sed potestate diuinitus sibi communicata: Præstare item officium Ordinis, quod Christi autoritate, non humanis nititur meritis. An fortè.

fortè indignum, vt quis artis suæ atque officij insignia ferat?

Stola etiam Energumenis, & damoniacis imponitur: Sed exemplo Maiorum. Hac dæmonium exegit ex muliere Sacerdos quidam, cuius D. Gregorius alicubi meminit, primo Dialogorum, teste Ioanne Bodino, de Dæmonomagia, lib. 3. cap. 6. Et Pontius quidam, Abbas Monasterij Bellæuallis, dæmonum expulit illa, qua aliquando vsus est, stola S. Bernardus, in Vita Bernar. lib. 7. Taceo Stolam inter signa referri, quæ dæmones non sustinent: quoniam, vt notat Alcuinus, is qui ea induitur, admonetur, vt memor sit se sub Christi esse iugo: & vt habet Bonauentura, in expositione Missæ, cancellata in pectore, ad modum Crucis, primum significat Christi passionem mente & corpore circumferendam; deinde etiam populum Iudæorum à dextera transferre, in sinistram: contragentes à sinistra in dexteram. Adde quod & Christi significet obedientiam. vt vult Rupertus Tuitiensis, de diuinis Officijs, quam, licet Dominus omnium, pro nostra exhibuit salute, dum formam serui assumpsisset. Vide apud eundem lib. 1. cap. 21.

Imponunt & manum Obsessis Exorcistæ. Nihil nouum. Imposuit olim Sanctus Martinus famulo Tetradij, Treuiris, teste Sulpit. in Vita eius: atque vt Martinus non frustra (nam & dæmonem pepulit, & Tetradium ad Christi fidem impulit) ita nec frustra Sacerdotes. Similiter à sæuissimo spiritu liberatus est puer, teste Páladio, in Vita Macarij; postquam eiusdem capiti vnâ & alteram pectori apposuisset, orationemque ad Deum, à quo omne bonum est, direxisset.

Et Manum impositionem adhibuit Theodorus Archimandrita, in filiæ Principis cuiusdam curatione, quam iam annis 28. grauiter dæmon torserat. Habet hoc sæpius citatus, discipulus eius Gregorius Presbyter. Sic de Gregorio Agrigentino Episcopo testatur Metaphrastes in Vita eius; quod custodijs carceris filium, qui ob ferocientem in ipso Spiritum columnæ erat alligatus, restituerit pristina incolumitati mox, vbi capiti Obsessi imposuit *Manum*. Idem de Hospitio, magnæ continentia viro, refert Turonensis, lib. sexto Histor. Franc. Quid quod Apostolorum hic sequuntur exemplum; *qui super agros manus imponebant, & bene habebant?*

30. *Lumen Cereorum* non adhibetur, vt Spiritus videri possint; sed vel eandem habet cum Rebus sacris rationem, & efficaciam; vel abhibetur, vt ab homine discedens Satan, hoc extincto, discessum suum testetur.

31. *Flagella* rarius assumuntur, assumuntur tamen: dnas, vt suspicor, ob causas. Altera est, quod Dæmones egregiè confundant, dum hæc tanquam contemptus sui argumenta assumi intelligunt. Altera, quod

quòd ad ipsorum etiam eiectionem valere videntur; dum quas ipsi in corporibus humanis conditiones postulant, his dissoluantur: ut ob id minus apta habeant domicilia. Refert Gerardus à Nazareth, Cap. 20. de conuersatione seruorum Dei, Flagellis ab homine quodam Diabolum pulsus, qui post multa, etiam sacra adhibita media, discedere detrectauit.

Cum Flagellis *Alapa* coniungimus, quibus & B. Benedictus, & S. Hubertus daemóniacos liberarunt, quemadmodum de hoc Surius 3. Nouembris in eius vita testatur; de illo B. Gregorius 2. Dialog. cap. 30. & de tertio quodam Krantius, libro quinto Historiæ Vandalicæ, Capite ultimo. Quibus quartum addimus, Monachum, qui ob inobedientiam à demone fuit occupatus; & per fratrum preces adiutus; postquam eidem suus Abbas Poppo *Alapam* inflixit. Historiam recenset Euerhelmus, Abbas Altimontensis, cap. 18. Vitæ Popponis, apud Surium, Tom. 1. Et quintum illum, quem ob stupri consuetudinem demon ingressus est, cuius in vita Simeonis Abbatibus mentionem facit Leontius, Neapoleos Cypri Episcopus, quem Abbas inflicta *Alapa* expulit, dicens: *Noli amplius machari: & demon ad te minimè accedet.*

Coniungimus quoque cum flagellis vim, quam attulit cuidam Obsessæ Theodorus Archimandrita: Per comam siquidem legitur eandem apprehendisse, & Cruce eadem facta, Spiritum exegisse. Seruit etiam huic argumento factum aliud eiusdem Theodori. Cum puer adhuc esset, quidam sanctitate vitæ eius permotus, filium ipsi sistit daemóniacum, pro sanitate multum orans. Quid faceret puer adhuc Theodorus? *Modum*, inquit, *dæmones exigendi ignoro.* Tum patet pueri, Flagellum illi porrigit: *Hoc*, inquit, *filium percutite; & vi inimica dæmonis discedet.* Paret Theodorus. sed percutientem, primò & secundò ridet Spiritus: percutientem tertio fugit, & discedit. Hæc Theodori discipulus Georgius Presbyter in eius Vita apud Metaphrastem.

Digitos quoque aliquando Exorcista in os Energumenorum immittunt. Sed exemplo Maiorum, sanctorum hominum. Quorum? Patrocli Abbatis, & eremi cultoris, teste Gregorio Turonensi, lib. de Vita Patrum, cap. 9. Columbani item teste Iona, in Vita eius, & S. Clari Abbatis Viennensis, apud Surium Tom. 1. in eius Vita.

Ex dictis clarum est, nihil in Exorcismo criminis esse; nihil esse superstitionis. Sed fortè non displicent singula: displicet quòd omnia hæc coniungantur: & quòd, qui virtute Dei Verbi eijci possunt, ad hos profligandos tot machinas adhibeamus. Verùm, nec hoc displicere


R

debet,

debet, aut damnari. Christus nobis huius auctor videtur. Potuit ille verbo, ne dicam, nutu, dæmonia eijcere: sed tamen signa; quæ Exorcismi quandam speciem referrent, adhibuit. Cum enim dæmonia cum quendam sanaturus esset; primum ipsum apprehendit de turba seorsum: tum misit digitos in auriculam eius: post expuens tetigit eiusdem linguam: denique suspiciens in cælum ingemuit; & postquam Ephethæ dixisset, sanitatem contulit.

CAPVT XLVII.

*Rationes & modos, quibus Dæmones eijciuntur, non semper esse
efficaces: id quæ contingere varias
ob causas.*

1.  Vanquam Exorcismi vires magnæ sint; quemadmodum & aliarum rationum, quibus dæmonia diximus eijci; *non semper tamen effectos speratos consequuntur.* Neque id quidquam Exorcismi virtuti, aut illarum efficacitati detrahit. quoniam nec, quæ Apostolorum temporibus dæmones eijciendi rationes receptæ & probatæ erant, semper à dæmonibus hominum corpora liberare potuerunt.

2. Efficax fuit illa ratio, qua filij Scenæ Sacerdotis vti volebant: & multi salutarem effectum ex illa consecuti sunt: sed in Scenæ filijs tantum abest, quòd vires habuerit, vt etiam dæmones in se conuerterint, & summam inde ignominiam retulerint, vnde nominis gloriam, & egregiam laudem venabantur.

3. Apostolis quoque super serpentes, scorpiones, & dæmones potestas fuit collata. Potestas tamen hæc non vbique suas habuit vires. Adduxerat quidam ad ipsos filium suum, quem mirum in modum Spiritus torquebat, ab ijs auxilium exspectans: sed spe sua frustratus est: à dæmonio non potuit per Apostolos liberari filius.

4. Idem suis temporibus accidisse testatur Origenes Hom. 24.4. in Iosue: & ob id malignos Spiritus comparat Amorrhæis; quòd quemadmodum hi inter filios Israel permansissent: ita sæpe in Obsessis hominibus permaneant Spiritus. Adhibeantur, inquit, multæ orationes, multa ieiunia, multæ Exorcismorum inuocationes: adhuc omnia surdus in obseffo corpore dæmon permanet: tolerabilius ferens Exorcistarum poenas, & adhibita sibi ex Dei nominis inuocatione tormenta; quàm discedere ab homine, quem impudenter & nequiter obsidet.

5. Sic de S. Benedicto legimus, apud Hincmarum, in Vita S. Remigij: quòd suis, quos adhibuit Exorcismis, dæmones non profligarit: à Tolofana

à Tolofana puella: hoc tamen extorferit, Remigij precibus & opera posse eijci. Ad quem etiam rogatus sanctus vir literas destinavit, sanitatem puellæ expetens. Vide aliud pro hac re exemplum apud Bedam, lib. 3. Hist. Anglor. cap. 71.

Ratio huius rei, ni fallor, nunc in ipsos Exorcismos; nunc in eos, qui dæmonia eijcere tentant; nunc in miseros, qui torquentur, & à Spiritibus possidentur; nunc in alias causas referri potest.

Exorcismorum non eo ratio est, quæ Sacramentorum. Consequuntur hæc suos effectus necessariò propterea: quòd ex diuina institutione, certa & efficacia sint, signa gratiæ cælestis; at hanc promissionem Exorcismis non fecit Dominus. quo fit, ut non semper, quantas Sacramenta, vires habeant, dæmonesque pellant.

Exorcistarum etiam conditio interdum obstat. Id suo exemplo Apostoli testantur: qui si se prius *ieiunio atque oratione* armassent, haud dubium (docet id Christi oratio) expulissent dæmonium quod sine *istis* præfidijs eijcere nequiverunt.

Hinc est quod superius monueramus, multas in Exorcistas conditiones requiri, si suo officio feliciter fungi debeant. Quòd si has prætermittant, & ad arduum hoc opus imparati accedant; si in officio sint negligentes, quid mirum, si aut parum, aut nihil efficiant?

Accedit, quòd non omnibus hanc gratiam Deus velit esse communem. Alij, inquit, *datur gratia sanitatum, alij operatio virtutum: alij Prophetia: alij discretio Spirituum: alij genera linguarum: alij interpretatio sermonum.* Quocirca fit, ut qui multis machinis & Exorcismis adhibitis per hos expugnari non possunt dæmones, mox cedant, & sedes relinquunt, quàm primùm ab alijs leuiter tentantur.

Peccata quoque eorum, qui Obsessi sunt, quandoque merentur, ut nò mox à dæmonibus liberentur. Cùm enim, ut dictum est, hanc vexationem sæpe peccata afferant, iustissimo Dei iudicio fit: ut quâvis efficaces Exorcismi, aliæque machinæ adhibeantur; nihil item in Exorcistis desiderentur; non tamen dæmonia eijciantur, propterea quòd nondum satis in ijs, qui obsessi sunt, sint vindicata peccata. Hæc quoque causa fuit, cur plurimùm rogati S. Eligius Noviomen- sis Episcopus, & S. Parthenius; hic iuuenem quendam ex Hunnis oriundum, ille quinquaginta viros à dæmonum vexatione liberare noluerint. Parthenius pro illo rogantibus dicebat: *Sinite torqueatur: parricida est.* Eligius pro his, *Sinite, experiantur, cui seruire peccato suo elegerint.* Hoc de Eligio Andoenus, cap. 20. lib. 2. Vitæ eius: de Parthenio Metaphrastes, 7. Feb.

Quandoque etiam non Obsessorum peccatis præteritis tribuitur, quòd

tur, quòd discessum morentur Spiritus, sed quia ipsis *fides deest, spes-
que libertatis consequenda*. Orantes Deum, aut eius beneficia exspe-
ctantes, oportet magna cum fiducia accedere; quam quia Obsesso-
rum quidam non habent; quid mirum, si adhibita ipsis remedia nihil
efficiant? Hanc rationem Cyprianus, & Minutius Felix assignant: *Ad-
iurati daemones*, inquit, *vel exhibunt statim, vel evanescent gradatim, pro-
ut fides patientis adiuuat*. Eandem fidem siue fiduciam multum in
Obsessis vrget Tostatus, quæstione 163. in 17. cap. Matth. Pro qua o-
tiam adducit illud Domini Matth. 12. *Amen dico vobis, si habueritis fidem,
& non basitaueritis, non solum de ficulnea facietis: sed & si huic monti dixe-
ritis, Tolle te, & iacta te in mare, fiet, & omnia quacunque petieritis in oratio-
ne credentes, fient* & illud Iacob. 1. *Si quis indiget sapientia, petat à Deo; qui
dat omnibus affluenter, postulet autem in fide, nihil basitans*.

13.

His adde, quod persæpè etiam nec Obsessis difficultas sit, nec in
ijs qui Exorcismos Obsessis adhibent; daemones tamen non cedant
adiurati. Quemadmodum multis de causis permittit Deus, vt homi-
nes à daemonibus, etiam sine vlla sua culpa, possideantur; ita iustas
potest habere causas, cur daemonibus in homines potestatem relin-
quat, quanquam suarum misèriarum nullam dent causam.

CAPVT XLVIII.

*An sensibilibus, prorsusque naturalibus rebus Daemones ex
humanis corporibus eijci
valeant..*

2.



Via rationes, quibus daemones ex humanis corporibus, vel
olim in Christi Ecclesia eiecti sunt, vel adhuc hodie eijci-
untur, examinauimus; non abs re fecerimus, si dictis vnum
adiecerimus, & definiamus; Possint fieri, vt *robis quibus-
dam sensibilibus atque naturalibus*, & quibus nihil diuinum, aut super-
naturale inest, iidem daemones pellantur:

2.

Et quidem, si daemonum conditionem inspiciamus, attendamus
etiam, quam vim res sensibiles, & naturales habeant, difficile non est
ad propositam. Quæstionem respondere: Cum enim prorsus spiri-
tuales creaturæ sint daemones: Spiritualium autem illa sit conditio,
vt longè post se, omnes res corporeas relinquant; non malè dixerim
fieri non posse, vt in ipsos res sensibiles agant: vim ijs afferant
sedibus suis pellant.

3.

Nec argumenti huius vim eleuat, quòd animabus, dum in cor-
poribus sunt, à sensibilibus rebus vis afferri possit: possint etiam vi
à corporibus separari. Longè alia animarum, quàm Daemonum in
corpore

corpore conditio est. Illæ corporibus, vt formæ, coniunctæ sunt: hi vt quidam motores & rectores: Quapropter illæ certas in corporibus dispositiones postulant, quas hi, quoniam corporum formæ non sunt, non requirunt: quare & hi in corporibus esse possunt, quomodocunque etiam illa se habeant; illæ nisi aptata sibi sint, informare non valent.

Cæterum, quamuis res ita se habeat, vt corpora per se nihil possint in Spiritus, *tria* tamen sunt, quæ in præsentî Disputatione contrarium suadere videntur: quæ, quoniam ferè ex Sacris Scripturis deprompta sunt, contemni nec debent, nec possunt.

Primum suppeditat Historia Regum Ibi Spiritum malum Psaltes David à Saule Rege, citharæ sono legitur profligasse. *Quandounque enim* (dicitur Regum 16.) *Spiritus Domini malus arripiebat Saul; David tollebat Citharam, & percutiebat manu sua, & refocillabatur Saul, & lenius habebat. Recedebat enim ab eo Spiritus malus.*

Alterum indicat Angelus Raphael Tobia Juniori, qui cum de flumine piscem extraxisset, iussus est ab Angelo cor, fel, & iecur eius conservare; didicitque ab eodem, *cordis particulam, si super carbones poneretur, summo suo extricare omne genus demoniorum, tam à viro, quàm muliere, & quidem ita, vt ultra non arceant ad eos.*

Tertium ex Salomonis Exorcismo sumitur. Quoniam, vt Iosephus testatur, qui hoc dæmonia profligabant (vt Eleazarus) naribus dæmoniacorum annulum, qui sub signaculo radicè Salomoni monstratam habebat, inferebant, moxque per odorantium nares dæmonium extrahebant.

Hæc firmissima videntur, quæ pro hac causâ afferri possunt, præfida. Quid vero? Qui dæmones, cum Platone, corporeos dicunt, facilius hic se expediunt. Qui nullam in ijs corporijs, aut materiæ concretionem agnoscunt, difficultatem habent non parvam. Nos singula discutiamus.

Quod ad *primum* attinet, non putarem in dubium vocandum esse, Saulem verè à dæmonio obsessum fuisse: quamuis enim multa præclara, et etiam tempore, quo à Spiritu nequam vexabatur, gesserit, non tamen hinc inferri debet à dæmonio liberum fuisse. Potest quis à dæmonio possideri, & non semper eius Tyrannidem perpeti, vt cap. 8. Disputa. præsentis ostensum est. Sed & Saulem verè Obsessum fuisse, docent Theodoretus, q. 38 39 54. Gregorius, Abulensis, Lyranus in libro Regum, & Vallesius cap. 30. de sacra Philosophia.

Dubium verò est: Vtrum à Dæmonio aliquando liberatus fuerit:

rit: & si liberatus, Vtrum Dauidis opera: & Quali tandem Dauidis opera liberatus. Neque enim de hac re inter omnes constat. Sunt, qui liberatum negant. Sunt, qui volunt liberatum, veruntamen non efficiente hoc cithara; sed innocentia, & probitate Dauidis merente.

11. Ut quod sentimus, dicamus. Nullo modo ob probitatem Dauidis, eiusque innocentiam à dæmonio liberatum putamus Saulem. Neque enim quærebatur, à seruis Saul, vir aliquis sanctus; quem diabolus non ferret: sed qui Citharam pulsando dolorem, quem dæmon afferebat, mitigaret.

12. Nec Citharæ sono, aut melodia fugatum dæmonum verisimile est. Iam aliàs demonstratum est, eas rerum corporalium, & sensibilem vires non esse, ut quidquam in Spiritus possint. Aures quidem concentus & melodia demulcet; & voluptatem quandam animo affert, sed nequam Spiritus ex hominum corporibus eijcere non valet.

13. Non existimamus à dæmonio liberatum Saul, villo vel obsequio, vel auxilio Dauidis. Hoc sacra Historia confirmare videtur. Quærebatur (ut illa testatur) vir, non qui Spirituum pelleret; sed qui Citharam pulsando efficeret, ut leuius dæmonis molestias Rex ferret. Sic inuentus refertur Dauid; quo Citharam pulsante refocillabatur Saul; & dæmonis molestias minus sentiebat.

14. Citharæ igitur harmonia voluptatem quandam Regi afferebat Dauid: quæ, quemadmodum omnis voluptas, quæ aliunde accedit, præsens, quod quis patitur, malum mitigat: ita dolorem, quem ex dæmonis tyrannide patiebatur Saul, haud parùm frangebat. Atque hoc sensu etiam dæmon pulsus esse intelligi potest.

15. Potest quoque dici, quòd corporeis humores, pulsata cithara, sunt purgati, & à melancholiæ affectione liberati, & quia dispositione ea male Spiritus gaudent, fit ut sublata ipsa, *per accidens*, vel abigantur, vel, ne ita molesti sint, impendantur. Magnam enim Musicæ vim esse ad homines, humoresque commouendos nemo dubitat. Exemplo Regis Daniæ Erici, ostendit hoc Krantzius, lib. 5. Daniæ cap. 3. quod ad verbum hic subiungimus: *Cùm Ericus, inquit, interea iam reuersus in Regnum, solemnī curia vteretur, multorumq; militum simul & artificum industria delectaretur: aderat inter alias Musicus qui artis eam peritiā tenere se diceret; ut homines in quoscunque vellet affectus vocaret: ex mæstis latus: ex alacribus tristes: ex indignantib; placatos: ex placidis indignantes, & vsq; ad furorem insanientes se facere, iactaret: Atq; is, quo faciebat ista maiora, qua se posse diceret; Regem experiundi fecit cupidissimū*

desimum. Iamq; pœnitebat artificem sua iactantia: velletq; nō tam de se magna predicasse: quippe in Rege ista expēdere, nō sine periculo esse. Insuper, si minus quē dixit, factō probasset, mendacem se futilemq; haberi, non sine discrimine formidabat. Orabat quōs potuit, Regem ab eo desiderio auerterent. Sed nihil egit. Vbi vidit, non se euasurum; quō minus impleteret, quā iactasset; orat exportari omnia arma, & quibus lasio possit inferri. Deinde vt extra sonum citharæ consistunt nōnulli, qui possint adesse vocati, curauit: ereptamq; manibus citharam capiti iubentur illidere canentis. Omnibus iam ritē instructis, Regem cum paucis in aula reclusum aggreditur. Primum graui sono mœrorem quendam audientibus ingerebat. inde succinendo plausibilis, in latititiam vertit; vt paululum abesset, quō minus iocabundi dissultarent. Tum modis acrioribus intentatus, indignationem quandam concitabat; quæ ubi inualuit; furere Regem, astantesq; cernere erat. Mox signum dedit delitescentibus, vt introirent, Regemq; iam sauientem continerent. Illa sa primū ex conditio citharæ, Regem deinde aggrediuntur. Sed tantum fuit robur viri; vt pugno quosdam examinaret. Inde multis obrutus puluinaribus, ardor ille conquieuit. Sed cum iam se in se recipisset, vehementer indoluit, sauisse in eos, quos habuit ante fidiſsimos. Hæc Krantzzius.

Si quis tamen omnino à dæmonio, Dauidis Cithara, velit liberatum Saul; non multum reluctabimur: veruntamen non id sono, quem pulsata Cithara excitabat, tribuemus: sed Christi in Cruce expansi (cuius signum quoddam Cithara fuit) virtuti, & passioni: vt dici possit; ita Dauidis citharam dæmonium profligasse; quemadmodum idem persepe eiecit signum Crucis, Vide Matth. Filesum in 2. Sent. distinct. 8.

Sic nec eorum sententiam damnamus, qui etiam Citharæ sono eiectionem tribuunt, nulla eius habita ratione ad Christi passionem. Hi naturalem dæmonum potestatem volunt diuinitus restringi; rebusque naturalibus subijci; quemadmodum igni infernali eosdem subiectos esse, & torqueri, docent Theologi.

Cæterum qui Dauidis Cithara à Saul Spiritum malum fugatum dicunt, ita fugatum volunt; vt ad tempus, & nullas à Spiritu perpeſsus fuerit molestias; & verè etiam ab ipso Spiritu fuerit liberatus: ad tempus inquam: quoniam cum rursus odio atque inuidia in triumphantem Dauidem excandesceret, à dæmone rursus est correptus. quemadmodum ex cap. 18. eiusdem primi lib. Regum, licet colligere. Sic enim ibidem dicitur, *Post autem diem alterum inuasit Spiritus Dei malus Saul, ille scilicet, qui in fine cap. 16. dicitur recessisse.*

Secundum argumentum maiorem difficultatem habet: propterea, quòd ipsius Angeli testimonio, quem mendacij arguere non possumus,

16.

17.

18.

19.

sumus, Fumus vi ignis, ex cordis & iecoris particula excitatus, dæmonia extricare dicatur.

20. Sunt, qui vim huius argumenti parvam arbitrantur; quòd in Canone sacrarum Scripturarum Tobiae Liber, unde Argumentum desumptum est, non reperiatur. Sunt alij, qui admittunt Angelum alicuius superstitionis Tobiae fuisse authorem, dum suo quasi exemplo docuit fumo fugari posse dæmones; sed tamen à culpa absolunt, quòd hoc, ne proderetur præstiterit. Sunt tertij, qui dæmonis expulsionem Fumo, tanquam signo, tribuunt, quemadmodum de Dauidis Cythara, & signo crucis diximus.

21. Quidquid de hoc tertio sit (quod non damnamus) certum est, Librum Tobiae à Canone sacrarum Scripturarum reijci non debere. Quanta reliquorum, tanta libri Tobiae est authoritas. Certum quoque est supersticiosum non fuisse Raphaelem; nec superstitionis authorem fuisse Tobiae. Nec peccant Angeli, nec alios ad peccandum inducunt.

22. Et quamvis hunc Fumum rei sacrae signum esse negaremus, nihil tamen est, quod nos cogere possit, ut sensibilibus signis dæmones expelli dicamus. Dicere possumus: Non docere Angelum, vi Fumi diabolos expelli; sed tantum afferere, ipsos fugandos, quando Fumus excitatus fuerit. Quocirca quemadmodum necesse non est, lationem meam causam Eclipsis Lunae esse, quòd, dum ego lauo, hæc accidit: ita necesse non id dicere, Fumum causam esse, quæ diabolos pellat; quamvis dum Fumus fit, diaboli pellantur. Docet Angelus quid fiat, non causam reddit, cur hoc fiat.

23. Hoc fortè Tobiae, cap. 8. indicari videtur. Neque enim dicitur Fumus dæmonem profligasse, sed Raphaelem Angelum. Protulit, dicitur ibi, Tobias de cassidili suo, partim iecoris, posuitq; eam super carbones vivos. Tunc (subiungitur) Raphael Angelus apprehendit dæmonium, & restigavit illud in deserto superioris Aegypti.

24. Quid igitur est, quod dæmonium profligavit? Fumus? Non. Raphael Angelus profligavit. Quomodo verò? An ob excitatum Fumum? nec hoc etiam. Veruntamen, quando excitatus est Fumus, profligatus est dæmon. Si quid hic præter operam Angeli fuit, quod dæmonium profligavit, fuerunt merita atque orationes Tobiae, & Saræ.

25. Quanquam & de Fumo dicere possumus, quod se sono Citharæ Dauidis insinuauimus: diuinitus scilicet fieri; ut naturalis dæmonum virtus, etiam rebus corporeis subiiciatur & constringatur. Quæadmodum enim rei corporeæ consecratione, quæ illis adhibetur, ut
Spiritus

Spiritus crucient, potestatem accipiunt; ita eosdem potest Deus velle iisdem subiectos esse & constringi, quamvis nulla consecratio ad ipsas accesserit.

Eleazarum, qui *Radibus* in Exorcismo usus dicitur, quidam inter magos numerant; voluntque cum dæmonibus pactum habuisse. Hinc negant Salomonis Exorcismo usum; negant Dei virtute dæmonia eiecisse.

26.

Alij admittunt Salomonis, quem profitebatur, esse usum Exorcismo: & verè non dæmonum; sed Dei opera dæmonia eiecta: veruntamen nullam hi tribuunt virtutem Radici: propterea, quòd non ex institutione Salomonis Radix in Exorcismo adhibita sit, sed propria & priuata Eleazari voluntate; & ob id aliqua superstitione non caruerit.

27.

Prius illud non facillè dixerim; cùm haud pauca sint, quæ contrarium suadere videantur. Alterum crediderim fieri posse. Neque enim nouum est, vt res quæ diuinam institutionem habent, hominum malitia deprauentur: & tamen eundem, quem Deus illas habere voluit, consequantur effectum.

28.

Interim non intelligo, quidnam mali sit, dicere Radicem, in Salomonis Exorcismo adhiberi solitam; illamque efficaciam fuisse; & præterea omni superstitione caruisse, si diuinitus institutus exorcismus Salomonis. An non potuit velle Deus vt

29.

Radix adhibita ad homines à dæmonibus liberandos valeret? Sed de his plura in Disputatione de Locis infestis.

S

QVAR.



QVARTA PARS

DISPV TATIONIS DE DÆMONIACIS.


138

IN QVA,

De Damonum ex hominum corporibus egressu, egrediendi difficultate, & crudelitatis signis, qua in egressu relinquunt; via item, qua egrediuntur, & loco, quo egressi tendunt; hisq; similibus agitur.

CAPVT XLIX.

Dæmones admodum difficulter relinquere homines, quos semel obsident.

1.  Varta Disputationis pars egressum immundorum Spirituum scrutabitur. Et in hac quemadmodum alijs, plura discutienda sunt: sed potissimum hæc. Ostendendum summa cum difficultate homines, quos obsident, dæmones relinquere. Inquirendæ causæ huius; & Cur quidam difficiliùs eiciantur, quam alijs: quivè illi sint. Explicandum præterea, quibus potissimum signis egressum suum prodant, Quæ item signorum causæ & rationes, tam in genere, quàm specie. Qua via egrediantur, dum abscindunt, & homines relinquunt. An etiam omnes simul egrediantur, dum v. g. vnum aliquem hominem plures ipsorum obsident. Ad hæc, Quò tendant eiectiones ex hominibus. Cur ægrè admodum & difficulter ad infernum descendant. Postremò, An voto & desiderio ipsorum, qui egressuri quippiam petunt, liceat satisfacere. Præcipua ferè hæc sunt Capita, cum Spirituum egressu coniuncta: & quæ difficultatem aliquam possunt habere. Si quæ sunt alia; vel difficultatem singularem non habent: vel ex prioribus huius Disputationis partibus innotescunt. Sed ad Primùm.

2. Dæmones igitur, siue Spiritus immundos difficulter homines, quos obsident, deferere, nemo rectè potest dubitare. Multa pro hac re sunt argumenta. Et primò quidem hic servit quotidiana experientia. Quotus enim quisque dæmonum ex humanis corporibus eicitur; qui non suo Exorcistæ plurimos parit labores atque molestias? quotusque Exorcistarum hoc opus aggreditur, qui non arduam se credit adire provinciam? & in qua administranda non plurimis præfidijs existimat sibi opus esse.

3. Confirmant experientiam hanc Damonum à Christo expulso-
rum exempla, qui quod ægerrimè sedes suas reliquerint, partim his verbis
estati

testati sunt: *Quid nobis & tibi Iesu? venisti ante tempus torquere nos. Scimus quis sis: partim grauissima tortura, qua egressuri miseros mortales affecerunt. patent hæc Matth. 17. Marci 9. Lucæ 9.*

Confirmant *Apostoli*, qui quamuis consuetis, & à Christo Domino traditis machinis, in dæmonum quorundam eiectione vterentur, nihil tamen proficere potuerunt: dæmonibus suas sedes in hominibus retinentibus: nec quidquam de priori tortura remittentibus, & hoc patet Marci 9. Lucæ 9. Matth. 17.

Intellexerunt idem *quicunque apud Iudeos, Christi Apostolorumq; Exorcismis affuerunt*; qui quod vel Dominus verbo, vel illi, Christi nomine innocato, dæmonia eiicerent, in stuporem fuerunt conuersi mirantes, scilicet, quod tam arduum & difficile opus tam leui opera, vt videbantur, conficeretur.

Sed & *quicunque immundos Spiritus sequentibus temporibus eiecerunt*, summam semper experti sunt difficultatem. Hinc tot tamque egregijs præsijs muniti, & armis instructi esse voluerunt, antequam hoc opus aggredierentur: & suis viribus aliquando diffisi aliorum orationibus adiuuari: quemadmodum pluribus exemplis in tota hac Disputatione clarum est.

Et *Dæmones quoque* idem multis modis declararunt. Quibus verò? *Primò* quod quandoque se negarunt expelli posse ab hominibus, vt inter alios, ille, qui se neque Syrulum; neque Bernardulum curare aiebat, de quo nos aliquoties in hac Disputatione. *Secundò*, quod per sæpe expelli non potuerunt; quamuis etiam maximæ machinæ pro ipsorum eiectione adhiberentur: vt ille, quem ad B. Remigium misit B. Benedictus, de quo Thes. 14. cap. 23. *Tertio*, quod expellendi maximos clamores atque vociferationes, quibus vim sibi fieri testati sunt ediderunt. Horum plures postea recensēbimus. *Quartò*, quod verbis & clamoribus non contenti, grauiter miseros mortales in suo egressu torserunt, quemadmodum pluribus exemplis est clarum. *Quintò*, quod se torqueri dixerunt, si quando expellerentur: quemadmodum legio eorum, quos Dominus expulit, de quibus sic Lucas cap. 8. *Obsecro*, loquebatur legio Domino, *ne me torqueas, precipiebat enim* (addit Euangelista) *Spiritui immundo, vt exiret ab homine.* *Sextò* & postremò, quod in Exorcistas grauiter sæpe inuecti, quibus potuerunt modis, & nunc veris, nunc fictis excogitatis in ipsos criminibus, eosdem conati sint à suscepto exorcizandi munere auertere. ne his contenti, in Deum cælitescq; aliquando fuerunt blasphemæ. Exemplo hic esse potest, quem Paulus Simplex, à S. Antonio rogatus, eiecit: qui Paulum quidem atque

Antoninum vocabat Helluones, veterinosos, & cæt. Christum autem blasphemijs proscindebat. Vide Palladium Sect. 25. Hist. S. Patrum.

8. *Expellendi & eijciendi* verbis etiam satis insinuat inuidos discedere ex hominum corporibus Spiritus nequam: Et horum est vsus frequentissimus in ijs Scripturæ sacre locis, vbi proscripti dicuntur. *In nomine meo Dæmonia eijcient*, loquitur Dominus Matth. 10. *Quare nos non potuimus eijcere illum?* loquuntur Apostoli Matth. 17. *In Principe dæmoniorum Beelzebub eijcit dæmonia*, loquuntur Pharisei Lucæ 11. Sic legitur *eiecisse* dæmonia Dominus, Matth. 9. Apostoli, Marci 6. Filij Phariseorum, Luc. 11. & quidam alius, qui Christum non sequebatur, Lucæ 9.

9. Legitur quidem quoddam dæmonium rogasse Theodorum Archimandritam, vt sibi hominem quem possidebat, relinquendi daret facultatem. Veruntamen hoc non tam hominem cupiebat relinquere, quàm à molestia, quàm præsentia Theodori afferebat, liberari. Rem totam describit Georgius presbyter Theodori discipulus, apud Sukium, Tom. 2. fol. 754.

10. Sic legitur quosdam Spiritus fugam cepisse, prius, quàm ad Sanctos, à quibus eijciendi essent, peruenirent: vt ille, qui Gordiani Imperatoris filiam torquebat, qui aduentum B. Triphonis, à quo se eijciendum sciebat, anteuertit, teste Mataphrast. in Vita Triphonis 1. Febr. quosdam ad solum Sæctorum aspectum disparuisse; vt integra Legio, quæ adolescentem inuaserat, qui moribus quosq; obuios lacerabat; qui mox, viso Arnolpho Syvestionensi Episcopo, discessit, quæ admodum eiusdæ Ecclesiæ Episcopus Lisiardus, in Arnolphi Vita testatur, c. vigesimo quarto: quosdā ad solam visam Crucem fugatos; vt illos, qui ad S. Gregor. Liouensem Episcopum sunt adducti: de quibus in eius Vita Gregor. Turonensis, ca. 7. Quosdam verbo eiectos; quorum Euangelica historia meminit. Sed tamen & hi si non grauissimis machinis coacti fuissent, domicilia sua nō reliquissent: & quæ reliquerunt, inuiti admodum atq; ægerrimè reliquerunt. Atque ita demonstratum sit, dæmones sedes suas difficulter relinquere.

CAPVT L.

Qua causa, cur cū tanta difficultate dæmones deserant homines, quos obsidēt.

1. **D**ifficilis dæmonum ex humanis corporibus migrationis causam haud malè quis ex desiderio, quod dæmones ad homines obsidendos habent, collegerit. Ob easdem videntur ægrè discedere; ob quas desiderant homines ingredi. propterea, quòd cum difficultate illa relinquuntur, quæ cum voluptate possidentur.

Hinc

Hinc manifestum est, studium, & voluntatem nocendi præcipue eos in hominibus retinere. Quemadmodum enim in hominum ingressu non ipsis propositum est, ut poenarum suarum remissionem consequantur, sed ut noceant; ita hoc difficili suo recessu quærere videntur omninò, ut noceant.

Sunt nihilominus, qui *alias* atque *alias* causas huius difficultis discessus assignant. Vtrum *bene*, discutiendum est. Quidam volunt ipsos discessum morari, propterea, quòd semel ex hominibus expulsi, secundò eosdem ingredi, & vexare non possint. Alij quòd mox, ubi exacti sunt, ad Infernum, quem vehementer detestantur, detrudantur. Priores hoc fundamento videntur niti, quòd semel ab homine victi, ad eundem secundò tentandum nunquam dicantur accedere: Posteriores ex illo coniecturam accipiunt, quòd à Christo expellendi Dæmones rogauerunt, ne *imperaret in abyssum discessum*.

Priorum, ut fundamentum infirmum est, ita non firma satis assertio. Esto, non statim ad eundem hominem tentandum redeat dæmon, à quo victus est; redire tamen ex illo colligimus, quòd victus à Christo rursus eundem aggressus sit: nisi fortè frustra à Luca Evangelista (cap. 4.) dictum esse velimus, quòd *consummata omni tentatione* recesserit à Domino Dæmon *ad tempus*.

Sed & si non eundem reditus conceditur, potest tamen esse facultas alium ingrediendi. Probat id, qui Diocletiani Imp. filiam, Artemiam, aliquando torfit. Cùm enim hunc S. Cyriacus, Christi nomine inuocatio, eijceret; nec vllum ipsi aliud commodum (ut postulabat) domicilium assignaret; eiectus, *Cogam te*, inquebat Spiritus, *cum molestia in Persidem venire*. Quid deinde? Mox ab eodem Spiritu in Perside obsidetur Saporis Persarum Imper. filia. Pro cuius incolumitate, cùm pater esset sollicitus, intelligit Cyriaci opera filiam iuvari posse; eundemq; accersit. Accersito insultat Satanas: *Nunquid dixem, inquit, futurum, ut in Persidem difficile, iter subires*. Apud Surium Tom. 4.

Quid quòd & ad eundem, semel eiectus dæmon, aliquando redeat? Docet hoc Domini oratio. Cùm enim *immundus Spiritus*, inquit, *discesserit ab homine, per ambulat per loca inaquosa, quærens requiem: & non inueniens dicit: Reuertar in domum meam, vnde exiui*. Et cùm venerit, inuenit eam scopis mundatam & ornatam. Tunc vadit, & assumit septem alios Spiritus nequiores se, & ingressi habitant ibi. Idem significat Dominus Mar. 9 quando ià egressuro dæmoni præcepit, ne rursus hominem ingreditur. Si enim rursus ingredi nò potuit, cur ne ingreditur præcepit?

9. Quod Dominus docet, confirmari exempla; illius imprimis, quem S. Bernardus aliquando eiecit. Res sic se habet. Papiæ Sanctus vir agebat. Hic ipsi dæmoniaca adducitur: quod spes esset meritis atque patrocinio Bernardi liberandam. At dæmon mox Sancto viro cœpit insultare: *Non me inquietans, de amacula me apelles, porculos edens, & brassicas deuorans.* Tum Bernardus obsessam ad S. Syri Reliquias iussit adduci. Sed mox insolentior factus Spiritus, *Non me Syrolus; Non me Bernardulus eijciat*, clamabat. Reductæ ad se Bernardus: *Nec te, Syrus, nec Bernardus eijciat*; inquit, *sed Dominus noster Iesus Christus.* Et ad orationem conuersus, impudentem Spiritum eiecit. Marito domum reuerso, iterum à spiritu mulier inuaditur. Rursus igitur ad Bernardum maritus. Rursus Spiritum expellit Bernardus: & ne se discedente tertio mulierem ingrederetur Dæmon, collo Obsessæ hunc appendit Exorcismum: *In nomine Domine nostri Iesu Christi, precipio tibi dæmon, ne hanc mulierem ingrediaris.* Ita cap. 4. lib. 2. vitæ S. Bernardi, apud Surium, Tom. 4. fol. 802.

8. Et exemplum Saulis primi Iudæorum Regis hic nobis seruit. De hoc, quod verè aliquando obsessus fuerit, ostensum est superius, quod verò Spiritus aliquando ipsum reliquerit, admodum est probabile, propter illud, quod in fine cap. 16. dicitur: *Recedebat ab eo Spiritus.* Et tamen ad eundem rediisse dæmonium manifestum est ex cap. 18. ubi sic dicitur: *Post diem autem alteram inuasit Spiritus Dei malus Saul.* Atque hoc prioribus sit dictum.

7. Posteriores quamuis cum ratione loqui videantur; quod tamen asseritur, non potest certò constare. Vnde quæso constabit? Non patrocinantur huic sententiæ sensuum iudicium: Non sacra eloquia: Non dæmonum confessio.

10. Quid quod contrarium non obscurè Sacra eloquia insinuant? Scimus Raphaelem dæmonium abegisse: veruntamen non in *infernum*; sed in Aegyptum relegauit. Neque hic multum referre putamus, ex homine, an ex domo dæmonium eiectum sit. Omnino huic, quod Raphael eiecit, locus videbatur assignandus, quem petunt, qui ex humanis corporibus eijciuntur.

11. Idem illi, qui à Domino eiecti postulant, ut ne in abyssum mitterentur, confirmant. Si enim constabat se, postquam eiecti essent, in *infernum* mittendos; quid rogant, ne mittantur? Sed quia non necessario ad *Inferos* mittuntur eiecti; Christi autem summam in eijciendo facilitatem & potestatem obseruabant; verebantur, ne qui ipsos corporibus expelleret; in *Infernum* pelleret: quod ne faceret, precabantur.

Cum

Cum his idem senserunt, quorum in Vita S. Germani Parisiensis Episcopi fit mentio. Egreffuri enim Sanctum virum rogarunt; ut si inter homines versari non permitterentur, liceret saltem errare per desertum. Ita fortunatus cap. 30. S. Germ.

Veruntamen quamvis *Infernus* non sit definitus locus dæmonibus, humana corpora relinquentibus; ad *Infernum* tamen relegari posse ex eo, ni fallimur, possumus conijcere: quod, si quando ex hominibus expelluntur, nihil ita timeant; quam quod in *Infernum* relegantur.

Quocirca non probatur quod quidam dicunt, nullam hominum in dæmonia aliam esse potestatem; quam quod illa ex humanis corporibus eijcere valeant: Esto dicatur Dominus dedisse *potestatem eijciendi dæmonia*; non tamen aliam quamcunque negavit. Quid, quod alibi dederit *potestatem calcandi super dæmonia*? & Sanctissimus Paulus, qua potestate dæmonia in homines immisit? Vide Abulens. in 10. Matthæi.

12.

13.

Luca 10.

1. Cor. 5.

CAPVT LI.

Quod quidam Spiritus dæmoniorum difficilius eijciuntur: & quinam illi sint: atque vnde hoc habeant.

Quamuis omnes Spiritus humana domicilia ægrè admodum relinquunt; quidam tamen sunt inter ipsos; qui cæteris difficilius eijciuntur; quidam facilius. Et quemadmodum hoc certum est accidere; ita non illud certum est, *Quinam illi sint*, qui difficilius eijciuntur: & quibus de causis id ipsum contingat. Omnia verò hæc tria præsentī Capite ostendenda sunt.

Et primum illud, ut à pluribus supersediamus, illius dæmonis exemplo manifestum est, qui ab Apostolis eijci non potuit; quorum tamen in dæmonia fuit plena & summa potestas. Nam qui plurimam in varijs locis eiecerant; in vno, cuius tres Euangelistæ (Matth. 17. Luc. 9. Mar. 9.) meminerunt, frustra laborarunt.

Nec est, quod quis omnem, huius difficultis discessus, causam in Apostolos conijciat, quasi fides ad hoc opus perficiendum ipsis defuerit; quæ non defuerit, quando alios Spiritus ex hominibus eiecerunt. Quamuis enim incredulitati ipsorum Dominus tribuat, quod Dæmonium illud non eiecerint; præter incredulitatem tamen significat etiam in ipso dæmonio causam fuisse. Hoc genus dæmoniorum, inquit, non eijcitur nisi ieiunio & oratione. Insinuat scilicet, Dominus, in alijs profligandis ab Apostolis non opus fuisse ieiunio & oratione, suffecisse Christi inuocatum nomen. hic præterea fuisse illis opus alijs subsidijs: quod difficilius hoc quam alia pellantur.

2.

3.

Idem

4. Idem admiratio, & stupor populi Iudaici confirmat. Neque enim semper illi stupebant aut mirabantur; quando vel ipsorum filij, vel Apostoli, aut etiam Dominus dæmonia eiiciebat: in aliquorum eiectione clamant: *Nihil simile visum in Israel*: Matth. 9. nunc etiā Christum pro Messia incipiunt habere, Matth. 12. *Nunquid*, inquit, *hic est filius David?* Messias? quia scilicet, ea à Domino videbant eiici, quæ ab alijs non posse pelli existimabant.

5. Sed *Qui illi Spiritus?* difficile est vniuersim definire, quinam, scilicet, ex omnibus sint, qui cæteris *difficilius* eiiciantur; superiorumne Ordinum, an inferiorum: qui maiores molestias alijs afferunt, an qui minores: qui diutius sedes suas in hominibus habuerunt, an qui non ita diu: quibus causa data sui in homines ingressus, an qui ultro, absque vlla Obsessorum culpa eosdem cruciant. Quamuis enim hinc aliqua coniectura peti posse videbatur, certa tamen, & quæ exceptionem non patiatur, peti non debet.

6. Verisimile est, & in inferioribus Ordinibus; & nō tantum in superioribus, quosdam esse; in quorum eiectione plus laboris suscipiendum Exorcistis: Et esse eos etiam aliquando, qui minores afferunt molestias: Et eos, qui non ita longo tempore in hominum corporibus sedes suas habuerunt: Et præterea tales, quibus nulla per Obsessos in ipsos tyrannidis causa est data.

7. Nam qui superiorum Ordinum tantum hos esse dixerint: propterea, quod hi viribus maioribus polleant, non attendunt etiam qui inferiorum Ordinum sunt, quamuis illis viribus sint impares, omnibus tamen hominibus, à quibus eiiciendi essent, esse superiores. *Neque enim est potestas*, inquit Iob, cap. 41. hominis vilius, quæ cum cuiuscunque, etiam minimi, potestate conferri possit. Sed nec ex viribus spirituum hæc res est metienda. quia non permittitur, quantum possunt, in miseros mortales sæuire. modus ipsis impositus est. Quocirca fieri potest, vt plus etiam aliquando permittatur alicui inferioris Ordinis Spiritui, quàm alteri Ordinis superioris: & difficilius ille, quam hic pelli possit.

8. Qui crediderint eos solos difficulter cedere; qui nullam quietem, nec diurnam, nec nocturnam ijs, quos obsident, relinquunt: refutantur exemplo illius, quem Matth. 17. Dominus docuit difficulter expelli. Difficulter ille admodum cedebat, sed tamen non continuo molestus erat illi, quem obsidebat. aliquando etiam eundem deserebat: quemadmodum Obsessi parens testatur apud Euangelistas, Mar. 9. & Luc. 6.

9. Eodem exemplo eorum sententia refellitur, qui difficilius expelli volunt,

volunt, quibus iusta ab hominibus, quos obsident data est vexandi causa. Refellitur, inquam, quia miser ille nullam ingressus causam Spiritui dederat: ut qui ab ineunte ætate, quando peccare nondum potuit, carnificinam dæmonis sustinuerat.

Denique neque diuturnitas vel breuitas temporis, quo hominibus molesti fuerunt, certa hic regula esse potest: ut difficilius pelli illi dicendi sint, qui diutius suas in hominibus sedes habuerunt, (quod Hieronymum sensisse testatur Maldonatus, Comm. in Euangel.) facilius qui non ita diu. Nam qui difficilimè pulsus est, Matth. 17. postquam aliquot annis miserè puerum torfit: difficilimè etiam pulsus fuisse, ipso quo primùm ingressus est die: cum ut verisimile est, in principio, quemadmodum sine & mutus fuerit & surdus.

Interim tamen quamvis ex iam dictis certum iudiciū non videatur posse peti; ex vno tamen & de vno dæmonum genere constare potest, quod quæritur. Ex quo vero? Christi reuelatione. Et de quo? Illo à quo Lunatici, siue surdi & muti, Obsessi dicuntur. Postquam enim frustra in hoc Spirituum genere eijciendo laborassent Apostoli; *secretò* (quemadmodum S. Matth. habet, cap. 17.) Dominum accesserunt, interrogaturi, cur qui alios expulissent Spiritus, hunc eijcere nequirent: Quibus Dominus, post alia: *Hoc genus*, inquit, *Dæmoniorum, non eijcitur nisi in ieiunio & oratione*: quasi dicat: Misi quidem vos, cum potestate dæmonia in nomine meo eijcendi. Eiecistis quoque plurima: veruntamen in hoc eijciendo, quamvis consuetas machinas adhibueritis, nihil profecistis, quia scilicet aliud hoc dæmoniorum genus est: Non ita facilè pellitur, ut cætera: hæc meo inuocato nomine fugiunt. Illud nisi oratione & ieiunio vrgeatur, non cedit. ita Tostatus q. 127. in 17. Matth.

Et certum hoc dæmoniorum genus à Domino designatur. Pronomen, *Hoc*, magnum huius præbet argumentum. Demonstrant idem omnes, quibus res gesta describitur, circumstantiæ. Dæmonium enim illud puerum miserè torserat: pro ipso expellendo pater Apostolos rogarat: Apostoli eijcere, sed frustra, tentarant: ante eius proscriptionem Dominus fidem patris postulabat: torturæ tempus sciscitabatur: ieiunio atque oratione solum profligari poterat.

Verùm hic iam quæstio est, Quodam illud dæmonum genus? Respondemus ex Euangelica id constare historia. Lunatici dici possunt, siue surdi atque muti Dæmones. Quoniam Dæmonem, qui difficilius expellebatur, pater nunc *Lunaticum Spiritum* voca.,

T

nunc

10.

11.

12.

13.

nunc *surdum & mutum*. Matth. 17. sic loquitur: *filius meus Lunaticus est*, at Marci 9. *Tuli filium meum habentem Spiritum mutum*. Quod verò idem *surdus* fuerit, Christi exorcismus confirmat: *Surde*, inquit ille, & *mute Spiritus*, precipio tibi, *Exi ab homine*. Itaque siue Lunaticum dicas, siue *surdum & mutum Spiritum*, perinde: hoc certum, pelli difficulter hoc dæmoniorum genus.

14. Sed tamen si Lunaticum dicas, quod certis Lunæ temporibus tantum cruciat, non verò facultate vel audiendi, vel loquendi priuet, qualia inueniri nemo potest dubitare, non quoscunque Spiritus Lunaticos; sed mutos tantum atque surdos dicemus esse, qui cæteris difficilius ex humanis corporibus exigantur.

15. Et meritò difficilius. Quam enim rationem in his exigendis sequeris? Neque enim quid loqueris volent intelligere, cum surdi dicantur: neque ad interrogata vnquam respondere, cum sint muti.

16. Meminisse tamen hic oportet *mutos* atque *surdos* dici: non quòd facultate loquendi audiendique careant; sed quod hac priuent, quos obsident. Et Lunatici vocantur, quod certis Lunæ temporibus & decrementis grauius torqueant. Priori illo ostendunt odium, quo erga miseros mortales flagrant, quos præcipitis sentiendi facultatibus priuant: posteriori inuidiam erga vniuersorum Dominum, Deum Opt. Max. cum hac Lunatica vexatione malum, quod ipsi afferunt, in Dei cupiant deriuare creaturas, atque ita ipsum sum apud mortales, vel in odium trahere, vel certè reddere contemptibilem.

17. Mutos igitur atque surdos dæmones dicimus esse, qui difficilius expelluntur: Sed an hos solùm? An præter hos, alios quoque? Huius definitionem nos alijs relinquimus. Ad Tertium, quod hoc Capite propositum nobis est, accedimus. & difficilis huius discessus. *causam* inquirimus.

18. Nicolaus igitur Liranus. in 9. cap. Marci, viribus & potentia Spiritum hoc tribuit, quòd hi alijs difficilius eijciantur. Cum enim *viribus sint impares Spiritus*, qui maioribus, inquit, *instructi sunt*, *difficilis ex hominibus exiguntur*, qui minoribus *facilis*. Veruntamen hæc non ita bene dici videntur.

19. Primum, Quoniam Spirituum immundorum vires maximæ sunt, multisque modis humanas quasunque superantes. Neque hoc de ijs tantum dictum volumus, qui superiorum sunt Ordinum, & viribus superant eos, qui sunt Ordinum inferiorum; de omnibus dictum volumus. Minimè Spirituum (cuiuscunque etiam ille Ordinis, conditionisque sit) quemcunque mortaliū, etiam robore viribusque

viribusque valentem superat, Iob. 14. Quocirca si virium hic ratio habenda, non minus difficulter minimus, quam maximus à quocunque mortalium eijciatur.

Deinde, non permittuntur pro virium suarum quantitate in Obsessos mortales sæuire dæmones. Docet id, vel is, qui difficulter, Mat. 17. à Domino est pulsus. Quomodo, quæso, non interfecisset miserum puerum, quem nunc *in aquam atque ignem precipitabat; in terram prosternebat?* si quantum per vires suas voluit, sæuire permissus fuit?

Tertiò, quia machinæ, quæ pro dæmonum eiectione adhibentur, non ex se habent hoc, quod dæmonum possint frangere vires: veluti calida frangunt vim frigidorum: Dei voluntate quod possunt, possunt in dæmones: & ab iisdem tam facile, si Deus vellet, vincuntur, & ex hominibus eijciuntur Spiritus supremi, viribusque præstantes: quam infirmi; quorum minor virtus atque potestas.

Quæ igitur tam difficilis egressus causa? quia, scilicet, hi Lunatici, siue surdi atque muti Spiritus maiorem in Obsessorum corpora acceperunt à Deo potestatem. Et quo maior ipsis in corpora potestas collata; eò difficilius ex corporibus eijciuntur. Pro quantitate potestatis, quâ in homines accipiunt; maior atq; minor vis ad ipsos ex hominibus pellendos necessaria videtur. Ita Tostatus Abulensis, q. 172. in 17. Matth.

Hinc est, quod Christi in his Lunaticis, siue mutis atq; surdis Spiritibus expellendis, potestatem plus mirati sint, & prædicarint Iudæi; quam in quibuscunque alijs eijciendis: quàm etiam in mortuorum ad vitam restitutione. Postquam enim mutum dæmonium eiecisset, mutusq; locutus fuisset; *mirata* inquit, Matth. Euangelista, ca. 9. *sunt turba dicentes; Nunquam sic apparuit in Israel.* Et capite 12. cum iterum eiecisset dæmonium mutum, in illam veniunt opinionem, vt credant esse Messiam. *Nunquid, inquit, hic est filius David?* Similiter testatur Lucas, cap. 9. *obstupuisse omnes in magnitudine Dei,* postquam curauit Lunaticum, cuius mentio fit Matth. 17. Et tamen hic stupor ipsos non apprehendit; quando mortuos excitabat: Nunquam in similes voces proruperunt. Atque hoc breuiter pro hoc argumento.

CAPVT LII.

Quibus potissimum signis egressum suum prodant dæmones.

Non quæritur, Quibus signis constare potest, homines à dæmonum obsidentium tyrannide esse liberatos: sed Quibus egressum suum illi prodant. Quemadmodum enim, vt prima disputationis huius parte dictum est, alijs produnt suum in homines ingressum; alijs suam inhabitationem: ita alijs po-

test constare, quòd homines obsessos reliquerint iam; alijs quod egrediantur.

2. Prius illud vno aut altero argumento est clarum: posterius potest immotescere pluribus. Obtentæ libertatis hoc vnum argumentum est, si nullum eorum, de quibus cap. 22. 23. 24. &c. egimus, signorum latentes Spiritus prodant: nullam etiam mortales sentiant, aut experiantur molestiam, siue cruciatum alterum est, si qui obsessi fuerunt, significant se libertati esse restitutos.
3. Quamuis enim aliquando in hominibus possint latere Spiritus, & molesti non esse, quemadmodum doctum est prima Disput. parte; vt tamen nullas molestias pariant, vel nullo se signo insinuent; aut non contingit, aut contingit rarissimè. Ille, cuius aliquoties mentionem fecimus, quem expulit B. Germanus, Parisiorum Episcopus non ita molestus erat puellæ, quam obsidebat: sed tamen hoc ipso se insinuabat, & proditus est; quòd vsu membrorum obsessam priuaret, si quando ad templum illa properaret. Sic qui obsessi fuerunt, post adhibitos Exorcismos & alia Christianæ religionis, quibus contra Dæmones pugnatur, arma, si se significant liberatos, de libertate ipsorum non temerè præsumitur.
4. Sed *signa, quibus Dæmones discessum suum prodant*, inquiramus. Igitur *duplicia* illa sunt. Quædam ab Exorcistis coacti dant Spiritus: quædam vltro dant non coacti. Siquidem aliquando Christianorum adiurationibus iubentur discessum suum editis signis prodere: aliquando discedentes vltro, post se discessus signa relinquunt. In priori genere sunt luminis extinctio, vitri alicuius ruptio, aut quid simile: in posteriori alia atque alia.
5. Est verò inter duplicia hæc signa plurim discriminis. Quæ coacti dant, pro imperantium imperio eduntur. Quæ sponte, pro voluntate ipsorum Spirituum. Rursus, in prioribus plerumque nihil est, quod reprehendas: in posterioribus semper aliquid, quod meritò displiceat. Priora item sæpe solius Dæmonis perficiuntur opera, extra ipsos Obsessos: posteriora quamuis Dæmonum sint opera, sæpe tamen, in vel per ipsos Obsessos fiunt. De posterioribus hic nobis maximè est sermo.
6. Et quæ illa? Plurima sunt, & admodum varia. Nec mirum. A libera, & quæ variorum & plurimorum effectuum causa esse potest, proficiuntur voluntate. Sed tamen ex multis quædam nobis, quæ ex rerum gestarum historijs collegimus, sunt recensenda.
7. Primum sit, *ipsorum Spirituum confessio*. Hac suum egressum indicarunt illi, quorum S. Euangelista Marc. cap. 1. meminit. cum enim
necessitas

necessitas exeundi, & sua domicilia, quæ possederant, relinquendi ipsos vrgeret, in hanc vocem eruperunt: *Quid nobis, & tibi, Iesu Nazarene? venisti ante tempus perdere nos.* Et ille, quem S. Cyriacus ex filia Diocletiani Imperatoris expulit. *Iam quidem,* inquebat impostor, *discedam: sed efficiam, ut cum difficultate in Persidem venias.* Ita in Vita Cyriaci, apud Sur. Tom. 4.

Secundum est *animalculorum quorundam ab Obsessis discessus*: In quorum genere præcipuè sunt muscæ, aranei, formicæ, & huius similia. De Petro quodam Cauponis filio legitur, in Vita Theodori Archimandritæ: quod cum ipsum à Dæmonis tyrannide vir sanctus liberaret, Dæmon visus sit discedere, in specie nigræ formicæ. De Magnosledini cuiusdam filia scribit Fortunatus, in Vita sancti Germani, cap. vigesimo septimo; quod ab illa, ad Imperium S. Germani, Spiritus malus exierit in specie muscæ.

Huc refero auiculam, quæ supra caput cuiusdam Diaconi visa est, mox ubi eundem ab obsidente spiritu liberauit. Idem Germanus Parisiorum Episcopus, teste eodem Fortunato, Pictauiorū Episcopo, cap. 56. eius Vitæ. Refero quoque Draconem septuaginta cubitorum, in quem mutatus est dæmon, quem Paulus Simplex ab adolescente eiecit, Historiam ad longum refert Palladius Sect. 25. in Vita Pauli Simplicis.

Tertium sit, *ingentos clamores, vociferationes, atque belluarum voces.* Dum clamore valido egressus est, quem, Marci primo, eiecit Dominus (quamquam, cum clamore, torturam grauem attulerit Obsesso) quemadmodum & ille, qui Marci nono expellitur: & plurimi, quorum Actuum 8. meminit sanctus Lucas. Item alius, cuius in Vita S. Macarij fit mentio, qui & cum clamore coniunxit cruciatum. apud Metaphrast. 7. Februarij.

Cum eodem clamore egressum suum prodiderunt, qui se gemino incendio torqueri dicebant; quando S. Genouefa Turonem ingrediebatur, visitatura Reliquias sancti Martini: apud Surium 1. Ianuarij. Et illi, qui à sancto Parthenio eiiciendi, cum petiissent, quod diuerterent, audierunt, se Parthenium ingrederentur. Magis enim clamoribus editis disparuerunt, teste Metaphraste, septimo Februarij. Sic magnos clamores cum corporis Obsessi collisione edidit, quem Theodorus Archimandrita expellit, de quo Thesi 8. huius Capituli.

At belluarum voces, hoc est, ululatum, rugitum, sibilium, &c. in suo egressu reddiderunt illi, qui ad reliquias sancti Lithorij Cenomanensis Episcopi fugere coacti sunt. de quibus Surius, Tom. 4.

fol. 338. Illi quoque, quos ad sepulchra Elisæi, Ioannis Baptistæ, atque Abdiæ rugire consueuisse, docet B. Hiero. Epist. 27. ad Eustachium de Vita Paulæ.

10. Quartum signum est, *deformitatis per diabolum allata cessatio*. Hoc deprehensum est, ab obsidente dæmone liberatum esse puerum, qui in modum vtris inflatus erat. Cum enim pro hoc sanctus Marcellinus orasset, maxima copia aqua ex Obsessi corpore defluxit, tumorque omnis resedit, & expulso Spiritu maligno pristina incolumitas rediit. Metaphrastes 7. Febr.

11. Quinti signi loco sit *vomitus*, cum quo Spiritus egressi leguntur haud rarò. propinauerat cuidam Obsesso puero sanctus Bernardus aquam benedictam. & mox post haustum egressus est Spiritus cum ingenti vomitu. Ita in Vita Bernardi, libro 2. cap. 3. Sic quem beatus Dominicus eiecit, magnam vim carbonum euomuit. In Dominici Vita, libro 2. cap. 9. apud Surium, Tom. 3.

Cum vomitu *sanguinem* coniungo: quem præter iam dictum, per nares abundantem, vnà cum musca eiecit puella à S. Germano curata, de qua Thesi. 8. huius Capitis. & Energumenus, de quo Gregorius Turonensis, lib. 2. Miracul. cap. 44.

Coniungo *saniem*, quæ egressa est ex ore mulieris, quam à dæmonis vexatione S. Huber. liberauit. de qua Surius Tom. 6. in Vita Huber.

12. Sextum signum sit *foetor grauis*, quem nunc exhalant Obsessi, nunc post se relinquunt. Hic prodidit discessum dæmonis ex puella Tolosana, quæ ad S. Benedictum primùm à parentibus adducta, ab eodem deinde Rhemos, in Galliam, ad S. Remigium missa est. de qua Hincmarus, in Vita Remigij, quòd ingentem post se foetorem reliquerit, quàm primùm eandem diabolus reliquit. Cum simili foetore discessit Spiritus: quem S. Svibertus, ex quodam Edelhero, in villa Velsenberg, profligauit. de quo cap. 20. Marcellinus in Vita eiusdem. Et inter triginta septem, qui vno eodemque tempore ad Reliquias S. Maximini sunt curati, mulier fuit; quæ 47. annis Spiritum obsidentem perpeffa erat: quam postquam ille reliquit, sulphureo odore templum resperfit. teste S. Lupo in Vita Maximini. Simili sulphureo foetore aerem infecit, quem S. Columbanus imperio suo expulit, cum Parisios, Clotharium Regem inuisurus, efferingressus. ita Jonas cap. 27. in eius Vita.

13. Septimum indicium discessus Spirituum immundorum, est *insolitus tumor in Obsessorum corpore, maximè illa parte qua egredi volunt*. Hoc agnouerunt discessum suum moliri illum, quem B. Catharina Senensis eiecit,

sis eiecit. Recedente siquidem tumore, quem in Obsessi gutture excitauerat; obseruata est mox integrā sanitas Obsesso restituta. Vide Raimundum in Catharinæ Vita:

Octauum argumentum est, *membrorum disruptio*, & vehemens cruciatus. Hoc in illo fuit, cuius S. Marc. meminit, dæmonio. Cum enim iuberetur à Domino exire, hominem discerpfit; & magna voce edita discessit, Marc. 1. Et Spiritus, qui per solum Triphonem ex Diocletiani filia se eijci posse dixerat, postquam puellam multum discruciaffet, egressus est, teste Metaphr. 1. Febr. Sic cum ingenti corporis membrorumque omnium distractione discessit. cui S. Dominicus imperauit exire ex muliere, quæ Romæ ipsius interturbabat concionem, quemquam hæc simul & multum sanguinis, & magnam carbonum euomuerit copiam; vt lib. 2. cap. 9. Vitæ eiusdem docetur. Ille item, qui coactus est cedere S. Columbano, de quo superius Thef. 12. huius Capituli.

14.

Nonum signum sit *Obsessorum in terram deiectio, & allisio*. Cum hoc sanitatem consecuta est Principis cuiusdam filia, per Theodorum Archimandritam. Cum enim vir sanctus importunius dæmonem vrgeret: miseram ille terræ allisit, & magna voce edita discessit. ita Georgius presbyter in Vita Theodori. Similiter in terram prostrauit hominem, quem Simon Salus, alapa inflicta curauit: de quo Leontius Episcopus Neapoleos in Vita Simonis. Illa quoque, quæ post haustam aquam benedictam, quam S. Maltouius propinauerat, curata mox fuit, in terram primum corruit, teste Sigeberto, in eius Vita. Et cui S. Nicetius Treuirensis Episcopus, Crucem opposuit, primum in terram dilapsus est, post sanus surrexit. Vide Thef. vltimam, cap. 23.

Decimum signum sit. *Imago mortis*: Neque enim rarò obseruatur eos, à quibus dæmones eiecti sunt, veluti mortuos concidere, & à mortuis vix differre. Exemplum huius præbet S. Marcus cap. 9. Evangelicæ historiæ. *Comminatus est, inquit, Dominus Spiritui immundo, dicens illi: Surde & mute Spiritus, ego precipio tibi, Exi ab homine: & amplius ne introeas in eum. Et exclamans, & multum discerpens eum, exijt ab eo: & factus est sicut mortuus. Et multi dicebant, quia mortuus est.* Hæc Marcus. Præbet aliud huius exemplum Surius Tom. 6. in Vita S. Huberti, Episcopi Leodiensis. Nam quam hic ab infestante dæmone eripuit, eandem semi mortuam dæmon reliquit.

19.

Denique vndecimum signum sit, *magni tumultus, & cum tumultibus damna* aliquando mortalibus allata in fortunæ bonis. Refert Palladius, Sect. 71. in Vita Abbatis Possidonij, à muliere grauida eiectum.

ctum

ctum esse immundum Spiritum, qui egrediens diruerit à fundamento totum aule parietem.

18. Hæc signa. Duo verò vel tria his adijcienda sunt. Primum est, non credendum esse, ut quemadmodum nos dicta signa distinximus, & in certas classes coniecimus, ita ipsa semper distincta inueniri. Quoniam quamuis quædam per se inueniantur sola, nihil tamen prohibet, multa (quid, quod omnia) aliquando obseruari, quæ vnius Spiritus discessum testentur. Hoc & exempla pleraque à nobis allata testantur; & quotidiana confirmat experientia.
19. Alterum est, non certum omnino atque infallibile ex his signis datis, discessus dæmonum argumentum accipi. Sicuti pro voluntate sua Spiritus hæc post se signa relinquunt, ita eadem possunt dare, & nihil ominis in hominibus, quos aliquandiu obsederunt, sedes suas retinere. Et de nullum apud doctos dubium est.
20. Tertium est, nec necessariò signa hæc cum Spirituum discessu coniuncta esse; adeò, ut ex humanis corporibus migrare valeat nullus, quin simul editis signis discessum suum testetur. Sæpenumero ipsa cum dæmonum discessu coniuncta sunt, sed nihilominus fieri potest adeoque fit non rarò, ut discedant, nullis sui discessus post se datis signis.
21. Ne hæc mira cuiquam videri debent, quia pleraque signorum dictorum à libera ipsorum Spirituum pendent voluntate; non illa tantum, ut quemadmodum hæc, ita alia reddere valeant; verum etiam ea, ut ommittere omnino possint. Ad signa hæc edenda, plena est ijs libertas, ut in scholis loquimur, & quo ad *spectationem* & quo ad *actus exercitium*.
22. Hinc est, ut multoties eiectiones legamus Spiritus, de quibus, quòd ex humanis corporibus discesserint, nullus in egressu, datis signis constare potuit, quales sunt eiectiones à Triphone Phrygiensi, Berthulpho Abbate Bobiensi, Bernardo Clareuallensi, Germano item Episcopo Antifiodorensi, alijsque quam plurimis; quorum frequens in hac Disputatione facta est mentio.

CAPVT LIII.

Explicantur rationes & causa signorum discessus, quæ ex humanis corporibus eiectiones Spiritus edere solent.

IN causis rationibusque Signorum, quæ Spiritus nequam ex hominibus egressuri edere solent, inuestigandis, vel queri potest, *Cur Spiritus plerumque non egrediantur, nisi signis sui discessus relictis*; vel non hoc solum, verum etiam, *Cur hæc atque illa signa relinquunt*. Quemadmodum enim rerum omnium aliæ possunt

sunt esse rationes cur operentur, alia cur hoc vel illud operentur: ita alia possunt esse causae atque rationes; cur signa in suo discessu Spiritus immundi edant; alia cur haec atque alia edant.

Utriusque vero rationes & causae nobis explicandae sunt; tum ut absolutior sit Disputatio: tum quia utrobique sunt, quae non inutilem habent inuestigationem. A prioribus initium sumemus.

Cur igitur *Signis quibusdam* suum discessum produnt daemones? Respondeo breuissimè; *partim quia prodere coguntur: partim quia ultro prodere volunt.* Quod dicimus ex distinctione signorum, praecedenti Capite data, manifestum est. quaedam enim ipsis ab Exorcistis imperantur: quaedam ipsi ultro, nec rogati, nec coacti, dant. In prioribus illis coguntur: in posterioribus his liberrima est voluntas, quae signorum est causa.

Sed, itane in prioribus coguntur, ut illa edere prorsus sit necesse? Si non semper, profectò ut plurimum coguntur. Quemadmodum enim vi Exorcismorum, atque imperio Sanctorum hominum, usu etiam consecratarum rerum illis necessitas imponitur, ut domicilia sua relinquunt inuiti, ita ut discessus sui signa dent & argumenta.

Rursus, Siccine libera sunt posteriora, ut omittere si vellent, possent? Possunt. Neque enim liberè illa ab ipsorum voluntate proficerentur, nisi penes ipsos esset eadem intermittere. Quae liberè dant, liberè possunt non dare, liberè possunt intermittere.

Cæterum *alterum*, hoc est, Causas atque rationes inuestigemus, cur haec potius, quam illa sui discessus dent symbola. Et hic nobis prior distinctio signorum seruire debet. Siquidem alia locum habent in prioribus illis, alia in posterioribus. Quid mirum? Nam priora pro hominum redduntur imperio & voluntate: posteriora pro beneplacito Daemonum. Possunt autem alia rationes & causae, homines mouere, cur haec vel illa postulent: alia daemones, cur haec vel illa relinquunt.

Et quae causae signorum, quae ab hominibus petuntur? Propemodum semper una eademque, & quidem illa ipsa, quae discessus Spirituum sit argumentum. Neque enim aliud omnibus, quaecunque & qualiocunque homines petunt, indicijs propositum est, quam ut de Spirituum exitu sint certi: quocirca hic eadem causa signorum, & talium atque talium signorum.

Quae vero rationes Signorum, quae pro sua voluntate aut certè non ab hominibus coacti, daemones relinquunt? Respondeo semper sibi conuenientissima dare, quaecunque tandem dent. quemadmodum mali corui, malum omnium: quamuis alia atque alia rationes

& causæ in alijs, atque alijs Signis fiat ipsis propositæ. Obscuritis hoc, Explicandum ergo.

9. Varia superius docuimus esse signa, quibus egressuri dæmones discessum suum testantur. Sed tamen omnia propemodum ad *quatuor genera* reuocantur. Alia dici possunt *crudelia*, alia *sordida*, alia *barbara*, alia *leuia*. *Crudelia* sunt, disruptio membrorum, internus viscerum dolor, corporum in terram disiectio, & plurima mortis imago. *Sordida*, vomitus, tam per os, quam per nares, egestio sordium, foetor sulphureus, odor grauis. *Barbara*, rugitus, boatus, inconditi clamores, aliæque belluarum voces. *Leuia*, formæ quorundam animalium abiectorum.

10. Et hæc quidem omnia, ut diximus, dæmonibus optimè conueniunt. *Crudelia*, tanquam homicidis, quo nomine ipsos Dominus compellat, Ioannis, cap. 8. *Sordida*, tanquam Spiritibus immundis, quod nomen iisdem idem Dominus tribuit, Lucæ 11. *Barbara*, tanquam Leonibus, quibus D. Petrus ipsos confert; cap. 4. *Leuia*, tanquam abiectis Dei hostibus, quorum pro ratione suorum peccatorum, miserrima est conditio.

11. Sed tamen in singulis propemodum aliud atque aliud propositum videtur Spiritibus. *Crudelia* igitur statuunt ex odio, quo flagrant erga miseros mortales, nocendique libidine, quæ ipsos nunquam deserit. Quemadmodum enim hæc omnium miseriarum atque molestiarum, quas obsessis hominibus afferunt, sunt causæ; ita efficiunt, ut ab hominibus discedentes, quam possunt, & permittuntur, exerceant crudelitatem.

12. *Sordida* relinquunt, vel ad præsentis vexandos, vel in detestationem rerum sacrarum, quarum in ipforum eiectione est usus. Neque enim tantum in ijs cupiunt esse grates, in quibus suas sedes habent; cupiunt esse quibuscunque, quibus eorum ex mortalibus proscriptio est grata, quocirca cum præsentibus alia ratione aliquando nequeant, foetore excitato ipsis sunt molesti. Sic quia Aqua benedicta ipsis aliquando porrigitur, suo fomitu, quam hanc detestentur, declarant.

13. *Barbara* ferocientis & beiluini animi erga mortales sunt argumenta: simulque, quam agrè eosdem relinquunt, his volunt esse testatum. Quemadmodum enim eadem aliquando ab hominibus non beneficiis, quamuis non Obsessis, ob eosdem fines dantur, ita dari ob eosdem à dæmonibus, admodum est verisimile.

14. *Leuia*, ni fallimur, in ipsis dæmonibus causas, ut plurimum, non habent: nec tam ipsa ultro dare videntur Spiritus; quam aliunde, ut dent, cogi. Huius non leue argumentum illud est: quod ad formam

dico.

dictorum animalium, quibus discessum suum testentur, cogi videantur. Quocirca in his, non quid Spiritibus, quàm illi, qui hæc animalia imperat, propositum est attendendum.

CAPVT. LIV.

Qua via egrediantur demones, quando humana corpora relinquunt.

Quæ Cap. 9 dicta sunt de Via, quam Spiritus tenent in suo, in miseros mortales ingressu; eadem nobis seruiunt hoc loco, vt doceamus, quam seruiunt in egressu. Verisimile est, quod aut semper aut plerumque eandem teneant, & quando ingrediuntur, & quando egrediuntur.

Quocirca primum hoc constitutum sit *certam determinatamq;* illis nullam esse, ad nullam ita esse astrictos, vt illam deferere nequeant, & aliam quamcunque in egressu tenere non valeant. Quemadmodum quicumque hominis meatus, atque porus ipsis patentissima est porta ad ingrediendum; ita ad egrediendum. Quid quod aut meatibus, aut poris nullis egeant? possunt ipsa penetrare corpora?

Si corporibus instructi essent Spiritus, poris indigerent, aut meatibus: si non magnis, saltem aliquantis, per quos se in corpora insinuerent: at quia corporum expertes sunt, tam facile loca peruadunt, quæ corporibus etiam solidissimis sunt referta; quàm quæ corporibus sunt destituta.

Possunt igitur per os hominis egredi, possunt per nares, per aures, reliquosque meatus & poros. Possunt per quamcunque hominis partem. Et de prioribus illis difficultas nulla est; pro posteriori seruit nobis Theodorus Archimandrita: qui cum obseruasset demonem in brachio Ostiarij sui Eutychij latere, non ad os, aut alium aliquem meatum, illum compulit: quin imò ne ad caput aliamve partem, vbi facilius videtur esse egressus, perueniret; opposito humeris Crucis signo prohibuit; coegitque in brachio sibi viam, qua exiret, quærere, quemadmodum & quæsiuit, & inuenit. Sic de Miraculis S. Martini refert Gregorius Turon. quòd cum obseruatum esset, in ungulam pollicis cuiusdam Energumeni descendisse demonium, digito infusum esse oleum, de sepulchro Martini sumptum, & disrupta cute, vnà cum sanguine discessisse demonium. Ita Turo. cap. 9. de Gloria Confess.

Nihilominus qui multas habere, & tenere possunt in suo, ex humanis corporibus, egressu vias, duas videntur præcipuas obseruare, quarum licet altera ipsis tanquam immundis Spiritibus sit conuenientior, altera tamen magis vsitata.

Prior illis Spiritibus fuisse videtur, qui, foetore graui post se reli-

cto. sua habitacula deseruerunt, quorum plures recensuimus Cap. 52. & disertè testatur Gregorius Turonensis, de Gloria Confessorum. cap. 9. oleo; quod de S. Martini sepulchro desumptum fuit, vinctum esse caput Energumeni cuiusdam, *subitò demonem per fluxum ventris egressum esse*. Posterior fuit alijs quam plurimis: sed in primis triplicibus, *Primum* ijs, qui discessus sui signa in ore. Obsessi dederunt, exhibitis animalculis, formicis, muscis, araneis. *Deinde* ijs, qui eundem suum discessum prodiderunt, tumor gutturis, aut colli ipsorum Obsessorum. *Tertio* ijs, qui cum vomitu turpi & foedo discesserunt. Et horum exempla eodem cap. 52. data fuerunt.

7. Probabilia sunt hæc, quæ diximus; veruntamen non ita certa, ut contrarium asserere temerarium sit; quin possunt & posteriores hi, in Obsessorum ore, aut circa os discessus sui signa dare; & alia via egredi. Et possunt priores foetorem post se relinquere, & per os euolare. Sed ut diximus, probabilitatis speciem habent, quæ asserimus, non veritatis necessitatem.

CAPVT LV.

An omnes simul egrediantur; si quando multi fuerunt; qui vnum aliquem hominem obsederunt; & exire coguntur.

1. **P**rioris Capitis quæstio curiosior fortassis fuit, hæc utilior videtur. Nam cum constet plures quandoque in vno homine esse, si simul non omnes discedunt adiurati, intelligunt faciliè Exorcistæ nondum integram se victoriam obtinere de hoste: quando de aliquorum discessu magna manifesta que habent indicia: sed vltius sibi esse progrediendum; nec cessandum, donec postremum eiecerint; si perfectam sanitatem, & incolumitatem afflictis mortalibus velint esse restitutam.
2. Nisi fortè dicere velimus, eam vim virtutemque esse machinarum, quibus domicilijs suis eijciuntur Spiritus; ut quamuis ipsi per se possint, & velint discedere nunc simul; nunc hi sine illis: tamen tum ipsis necessitas incumbat simul discedere, quando his machinis petuntur. Sed quis hoc asseruerit?
3. Quid igitur ad propositam Quæstionem? Hoc videlicet: *Nec semper simul egredi Spiritus*, quando per se egrediuntur, non coacti, aut saltem leuiter tentari: *Nec semper simul egredi*, quando grauioribus etiam tormentis videntur.
4. Prius illud clarum est ex ipsorum Spirituum conditione. Liberrima hæc est. Non vnus ab illo pendat; aut ut sit, aut ut oportere tur. Potest quisque per se esse. Potest quisque per se operari. Potest igitur hic voluntate sua hominem, quem obsidet, relinquere, quamuis ab eiusdem vexatione alter nolit desistere.

Præter.

Præterea in discessu Spirituum ab hominibus, alia non est, quam in eisdem ingressu ratio. At necesse non est, ut omnes *simul* ingredi-
antur. Potest vnus alterum in societatem asciscere, potest in domici-
lium recipere; quemadmodum haud obscure Dominus insinuat,
Matth. 12. Possunt igitur & hi à mortalibus discedere; & illi in iisdem
cum eorundem molestia perseuerare.

Quod si vires Spirituum attendamus, hinc quoque constabit ra-
tioni admodum esse consentaneum, quod dicimus. Non illæ æqua-
les sunt omnium. quidam alijs sunt robustiores. Quocirca & hi infe-
riores, etiam intuitos suis sedibus possunt pellere, & quamuis id non
faciant, (Lucæ 11.) possunt tamen facere.

Certum quoque est, vnum pro alterius imperio & voluntate ce-
dere. Plura eius rei argumenta nos capite decimo sexto attulimus.
Si verò cedunt pro voluntate atque imperio eius, qui extra Obses-
sum est, qui prohibet, cur minus vnus alteri cedat pro voluntate ali-
quorum, qui vnum aliquem hominem simul possident?

Cæterum, *Vtrum, cum Exorcismis, aut alijs (quibus Christiani contra
ipso pugnare) armis tentantur, simul omnes discedant*, forsitan aliquis du-
bitauerit: propterea, quod quandoeunque (ni fallimur) legimus ip-
sos per Sanctos homines esse eiectiones; omnes simul eiectiones legamus.
Sed tamen nec hic necesse est confiteamur, omnes cogi, ut *simul* dis-
cedant.

Huius *prima ratio* ex daemonum inæquali in homines potestate ac-
cipitur. Dùm enim in vno eodemque plures esse possint, quorum
non æqualis est in Obsessum potestas: potuerunt eijs, qui minorem
habent potestatem; & sedes suas retinere, qui habent maiorem.

Alter ex machinis, quibus expugnantur expellendi, sumitur. Ne-
que enim omnes omnibus seruiunt. Etiam Christi Apostolorum
que ætate pro quibusdam exigendis seruiebat Iesu inuocatum no-
men; pro alijs illud vires non habebat: quemadmodum docet Lu-
naticus, cuius aliquoties meminimus. Quid si igitur Iesu nomen
adhibeatur quibusdam; non verò, quæ Dominus docet requiri, Ie-
iunium atque Oratio? Et tamen possunt vtriusque generis quidam
in hominibus latere. Nonne igitur hi sedes suas mutabunt; illi eas-
dem retinebunt.

Tertiam Exorcistarum conditio suppeditat. Multa in ipsis neces-
saria esse, diximus cap. trigésimo octauo, si suo officio bene fungi
velint. At quædam horum ipsis possunt deesse: quædam quamuis
adsint, possunt reddidi perfectiora: quædam quamuis perfecta sint
necesse est repeti, si optatos effectus obtineri debent. Fieri igitur

potest, vt Exorcismis vel leuiter tentati, vel semel tentati, quidam fugam capebant: alij non nisi ijsdem identidem repetitis discedant.

12. Hæc omnia confirmant experientia, nostra ætate obseruata. Neque enim rarò notatum est quosdam Spiritus, relictis post se certis indicijs, discessisse: quosdam sedes suas in ijsdem hominibus retinuisse; qui & ipsi postmodum grauioribus machinis tentati, datis signis, egressi sunt. Taceo confessionem dæmonum, qui huic rei fidem quandoque fecerunt.

13. Quæ cum ita sint, non male faciunt Exorcistæ, quando, cum dæmonibus congressuri, primum sciscitantur, *Quotnam* ipsorum sint, qui miserum hominem affligant, quique singulorum, vel certè præcipuorum capitum nomina exquirunt; nec exorcizandi finem faciunt prius, quàm victoria de singulis sit parta. Sic enim plena sua mortalibus restituitur libertas. Sic omnis dæmonum cessat vexatio. Sic non inanis eorum intelligitur fuisse labor. & defatigatio.

14. Verumenimuerò, quamuis non semper *necesse sit simul* omnes egredi, quando Christianæ religionis, sibi contrarijs armis vrgentur; vt plurimum tamen simul egredi ex tribus videmur colligere. *Primum* ex illo, quod Sanctos homines, de quorum Dæmonomachia Annales extant, vel vno Exorcismo, vel alia aliqua ratione vfos legamus, in quorumcunque Dæmoniacorum curatione. *Alterum* est, quòd vel nunquam, vel rarissimè legamus vnum aliquem, aut alterum eiectum ab aliquo homine fuisse, & interim in eodem, alios aliquos hæsisse. *Tertium*, quòd machinæ, quibus dæmones tentantur, omnes ipsis fiat exosæ: & ob id si vnum aliquem in fugam conuertant, verisimiliter in fugam conuerti omnes.

CAPVT LVI.

Quo tendat Spiritus demoniorum ab hominibus eiecti.

1. **V**ARIA sunt loca, ad quæ immundi Spiritus, domicilia sua relinquentes, solent diuertere, *sed præcipuè sex*, ni fallimur. Et ad horum quædam inuiti proficiscuntur: ad quædam libenter, ad quædam libentiùs, ad quædam libentissimè.

2. Primum omnium sunt *humana corpora*. Neque enim aut impossibile est, aut nouum, quòd ex vno egressi, aliud ingrediantur. Qui Artemiam Diocletiani Imperatoris filiam obsidebat, à S. Cyriaco Diacono expulsus, mox in Persidem transuolauit; ibique Iobiam, Saporis Persarum Imperatoris filiam ingressus, magna summæ crudelitatis dedit argumenta: quemadmodum constat vita Cyriaci, apud Surium Tomo 4. Et qui nostris temporibus ei cinntur, sæpissimè, vt alios ingredi liceat, efflagitant.

Sunt

Sunt secundo loco *bestie atq; pecudes* humanis vñibus seruientes. Exemplum huius præbet grex porcorum; in quos integra legio expulſorum Spirituum permiffa est ingredi: qui deinde magno impetu facto, cum dominorum fuorum damno gregem in mare egerunt præcipitem. de quibus Matth. 8.

Sunt tertio, *loci culta*, hominum vñibus apta, atque ab ijs inhabitata. Nam quemadmodum dubium non est quosdam inter mortales cum voluptate conuerſari, atque etiam aliquos ingredi: ita credi po- teſt quosdam ex hominibus egreſſos, hominum ſocietatem quærere. Seruit hinc eadem dæmonum legio; quæ rogabat *ne extra regionem, in qua verſabatur, mitteretur*. Sed & de locis infeſtis Diſputatio, plura hic exempla ſuppeditat.

Quartus locus eſt *ſuperior aër*, quibuſdam vſque ad diem ſupremi iudicij, à Deo Opt. Max. ad homines exercendos deſtinatus. Quemadmodum ex hoc plerique, Dei permiſſu, homines ingrediuntur: ita ex hominibus eiecti, ad hunc, quaſi ſibi deputatum & proprium locum reuertuntur.

Quintus locus eſt *ſolitudo ſive deſertum*. Hic ſedem ſuam habuit dæmoniũ, quod mortem attulit viris, qui Saræ concubitu expe- rebant, de quo Tobia 8. Capite. Et de hoc loco plura in illa de locis infeſtis Diſputatione.

Sextus denique locus eſt *infernus*, quem Dominus dixit *paratum diabolo, & Angelis eius*. Matth. 25. Ad hunc ne mitterentur rogabant illi, qui *Abyſſum* deprecabantur. Matth. 8. Quamvis enim, vt bene notat Ianſenius, cap. 31 Concordiæ Euangelicæ, *Abyſſus* propriè ſignifi- cet aquarum profunditatem; accipitur tamen quandoque (maximè in nouo Teſtamento) pro Inferno; propterea, quod ſub terra ſit mor- tuos damnatos ita abſorbens, vt emergere illinc non poſſint. Sic ad Rom. 10. accipitur, & Apoc. 9. 11. 17. 20.

Magna autem & multiplex eſt inter hæc loca *differentia*: Sed cuius hic habenda ratio; illa ex voluptate & difficultate, quam eiecti ex hominibus Spiritus hiſ habent, nobis diſcutienda eſt.

Ad *prima* igitur illa loca libentiſſimè diuertunt, virſipelles. Nul- libi maiorem, quàm hiſ voluptatem percipiunt. Nec mirum, quia, quod nequam intendunt, hic aſſequuntur facilè, hominum ſcilicet malum: quod partim corporibus afferunt, partim animabus; quando ſedes ſuas in hominibus habent.

In hoc verò domicilij genere, impios ſive malos homines præ bonis experti videntur. niſi fortè illa impiorum ſit conditio; vt prorsus deſperate ſint ſalutis. Quamvis enim vtriſque incommo- dare:

dare desiderant, hos tamen præferunt: quòd intelligant hic se, cum maiori suo emolumento, & horum detrimento versari: cum his ad gratia reditum videantur præcludere; bonis maiorem & gloriæ & gratiæ sua tortura præbere segetem.

11. Post humana corpora, reliquis locis *bestias & pecudes*, quæ humanis vsibus seruiunt, præferunt: non tam vt bestiis molestiam, quàm vt hominibus, quorum bestia sunt, detrimentum afferant. Vbiunque magis mortalibus possunt incommodare, gratior illis est residentia: quia vt mortalibus incommodent, præcipuæ eorum cogitationes: Hinc, quos ex homine eiciebat Dominus, Matth. 8. quia, vt eiectioni rursus in homines mitterentur, spem nullam habebant; vt porcos ingredi liceret, peccati sunt, & obtinuerunt.

12. Quod si iam dictis locis habitatio negatur, vt inter homines saltem ipsis esse, & versari liceat, petunt. Idem iam dicti à Domino eiectioni docent. Quam enim aliam ob causam, ob regionem mitterentur rogarunt? Et ijs locis libentius versantur nequam; vbi nequitia suæ aliquando argumenta dederunt: & quibus, quòd dare possint, spes affulget: qualia sunt, quæ ab hominibus incoluntur.

13. Quid si nec inter homines ipsis locus datur? Eligent præ reliquis *vastas solitudines*. Neque enim ab his ita abhorrent; sicut ab aere, aut inferno, ipsi per voluntatem Dei, quem oderunt, destinatis locis. Crux quædam, atque tormentum ipsis est, & aer, & infernus: quamuis maior infernus.

14. Atque vt hæc loca vel expetunt, vel præ alijs elegunt Dæmones, ita præ omnibus abominantur, fugiunt & horrent *Abyssum*, siue *Infernum*. Res ipsorum confessione clara est, Matth. 8. Cur verò? An quia in inferno conclusi, viuis incommodare nequeunt? An quia extra infernum supplicia nulla sustinent? illa verò mox subeunda, vt in infernum religantur? An quia maiora & grauiora ipsorum supplicia in inferno, quàm extra? An quia semel in infernum missi, nunquam facultatem habent inde redeundi? Causas has sequenti Capite discutiamus.

CAPVT LVII.

Cur diaboli ægerrimè ad Infernum descendant.

1. **I**nis præcedentis Capitis materiam suppeditat præsentis. Inquirebantur ibi causæ, cur *Abyssum* siue *Infernum* horreant eiectioni ex hominibus dæmones: & potius quæcunque alia, quàm inferni loca eligant adire. Illæ hoc Capite explicandæ.

2. De quatuor verò quæstio instituta fuit: quæ Vtrum omnes; an vna,

una, aut plures locum habeant, quamuis curiosè, fortassis tamen cum fructu, disputatur. Et alijs quidem dæmones bono aliquo priuari possunt videri: vt si ideo refugiant; quòd vel libidini suæ, qua hominibus nocere cupiunt, nequeant satisfacere: vel quia vagandi libertate, necessitate carceris infernalis, priuentur: Alijs malo afficì; vt subeundæ: vel ob earùdem augmentum quod ad priores accedit.

Et sunt, qui dictas causas omnes volunt valere apud hos Spiritus. Alij non omnes, sed aliquot; & horum quidam pauciores; quidam plures. Nos quod res est paucis Assertis definiemus.

Rectè sentiunt, qui dæmones Infernum reformidare, & horrere existimant, *quòd libidini suæ in hominibus vexandis satisfacere nequeant.* Hoc primum Assertum. Huius ratio manifesta est, quoniam Infernus ijsdem, non vt ibidem noceant; sed vt, quas meruerunt, pœnas persoluant, destinatus est. Quocirca cum voluptatem ex hominum vexatione haud paruam capiant, eaquæ priuentur, cum Inferno concluduntur; non possunt non tantum odisse Infernum; quantum, vt hominibus noceant, habent desiderium, atque voluptatem.

Non tamen Inferno conclusus omnis potestas, mortales cruciandi ablata est. Illa solum est ablata, quam in viuos habent. Interim qua in damnatos sæuire possunt, tantum abest, vt ablata sit, vt tum primum atrocius in miseros sæuire credi debeat. Neque enim tantum ad Infernum retrusi sunt dæmones, vt patiantur: sed etiam vt diuinæ iustitiæ sint ministri, & damnatorum hominum sint tortores, hæc loca modò occupant.

Secundò, eos bene sentire existimamus, qui ob aliquod emolumentum, quo infernali carcere priuantur, eos creelunt Infernum horrere. Et quod illud? *Quòd vagandi libertas ipsis ablata sit.* Dubium non est; quin res creatæ omnes sua, quam habere aptæ natæ sunt, libertate gaudent; & magis atque magis illæ, quæ excellentiora, præ cæteris, naturæ prædia obtinuerunt. Res inductione omnium clarissima est. At præ cæteris omnibus naturæ dignitate excellunt Spiritus. In primis igitur libertatis erunt amantissimi. Iam verò hoc priuantur Spiritus Dæmonum, Inferni carceribus conclusi. Non igitur possunt non odisse eos, & detestari.

Tertium Assertum esto. Errant qui Infernum dæmonibus horrore esse dicunt; quòd *ibidem supplicia, quæ iam olim promeruerunt sunt sustinenda;* à quibus extra Infernum constituti sunt liberi. Vbicunque miseri sunt, sunt miserrimi in inferno, in aere, in solitudinibus, in pæcudibus, in hominibus, in ipso quoq; , si eò redire daretur, coelo. Summa semper secum cruciantem ignem circumferunt. Hoc quia

copiosius docet disputatio de Locis infestis, hic pluribus prosequi necesse non est.

8.

Hinc prespicuum est, in graui errore versari eos; qui dæmonum supplicia vsque ad extremum generalis iudicii diem volunt esse suspensa. Quamuis enim in hac olim sententia fuerunt viri, non parum literati; tamen nostris temporibus, sine graui hæresios periculo, ea sententia non defenditur. Hic omnium iam rectè sentientium est sensus, & consensus, mox post peccatum à Spiritibus *nequam* commissum, sua de generibus supplicia à Deo fuisse decreta, & à miseris subita.

9.

Veruntamen (quod quartum sit Assertum) quamuis quod semel meruerunt supplicium, semper passi sint, patianturque dæmones, quocunque etiam loco versentur: dubium tamen nullum, *Inferni carcere cruciatum ipsorum augeri*; & ob hoc poenarum auctuarium, Infernum ipsis odio esse.

10.

Accidentalem hanc poenam vocant Theologi: quemadmodum priorem, quæ ipsorum peccatis debetur, *essentialem*. Neque enim hæc propriè ipsorum, ut *essentialis* illa, peccatis debetur; sed conditione inferorum sequitur: & inde proficiscitur, quod inferno conclusi facultate vagandi priuati sint, & libidini, qua hominibus nocere cupiunt (quod ipsis graue est) nequeant satisfacere. Atque hætenus de locis.

CAPVT LVIII.

An voto & desiderio dæmonum liceat obtemperare, quando egressuri ex hominum corporibus aliquid petunt?

1.



Habent quandoque, quod petant egressuri dæmones. Et ut quotidiana omittamus, id clarum est, exemplo aliquot millium, qui à Domino, iam iam eiiciendi, leguntur postulasse, *ne extra Gerasenotum regionem mitterentur, atque ut liceret ingredi in porcos.*

2.

Hinc quæstio oritur: *An ipsorum desiderio, si quid egressuri petant, possit fieri satis.* Christi exemplum suadere videtur, ut quandoque possit: Ctorarium insinuat nocendi eorum summum & indefessum studium.

3.

Res, ni fallimur, sic se habet: *Ut si iniquum non sit, quod petunt, petitioni possit fieri satis: sin secus, non possit.* Prius trifariam contingit. Nam vel petunt, ne malum ipsis affertur: vel ne bono aliquo, quod habent, priuentur: vel ut bonum aliquod de nouo consequantur. Posterius duo rerum genera continet; quorum aliæ Dei honorem lædunt, aliæ incipiamus.

4.

Nunquam Dæmonum petitioni satis fieri debet; si quod Dei honorem, aut gloriam lædat, postulant. Nihil Dei honori præferendum. Etiam si ab homine egressuri non putentur Spiritus *nequam*, nisi

nisi in hac re ipsorū petitioni fiat satis, petitioni annuendum non est.

Sic, si quid, quod proximorum salutē officiat, petant; audiendi non sunt. Post Dei honorem Dei amicitia atque nostra salute nihil possumus habere prius. Quocirca si salutis vnius etiam hominis iactura fieri debeat, quamuis totius mundi incolumitas, & pax, opera Dæmonum, expectetur; Dæmonibus acquiescendum non est.

Dum postulant, ne nouis malis grauentur, ne scilicet in infernum detruantur miseri, petitioni acquiescere possunt. Exorcistæ: hoc est, possunt non in infernum relegare, quos potestate sibi diuinitus data, si vellent, relegare valerent. Hoc quid mirum? Si sine peccatō sunt Exorcistæ, quando Dæmones ex hominibus ocellis non eijciunt, criminis rei erunt, si quos eijciunt, non ad inferos remittant.

Si rogent, ne bono quod possident priuentur; audiri aliquādo possunt. Christi hic nobis suffragatur exemplum. Rogabāt enim quidam, ne regione Gerasenorum, quam quasi possidebant, pellerentur. Nec pulsi sunt à Domino. Fortē nullum ipsis bonum ea in regione? Cur igitur repellantur, rogant? Quemadmodum diuersi Dæmones alijs & alijs vitij, delectantur: ita diuersi ad diuersas regiones afficiuntur: & eas maxime, in quibus mores hominum, propter longam consuetudinem perspectos habent; atque vbi ipsis maior spes est, & occasio nocendi.

Quid, quod si bonum aliquod postulent, obtinere id quandoque possint? Bonum quoddam ipsorum est, hominum vexatio & cruciatus: hoc ijs potest aliquando concedi petentibus. Nunquid nō Deum roganti cuidam, vt lob affligeret, id est, concessum? Adde quod Dæmoni Apostolus Paulus quendam Corinthium tradiderit, tradiderit etiam Alexandrum & Hymenæum. An potest Apostolus Dæmoni præcipere, vt homines ingrediatur; & roganti, vt in hominem ingrediatur, si quando expellitur, non potest facultatem facere?

Veruntamen magna hic cautela opus est. Multa in hac permissione Exorcistis sunt attendenda. Non faciliē hic Dæmonum petitioni acquiescendum. Necessē est, vt si in aliquos ingrediendi facultas conferenda sit, id ipsorum opera mereantur; dignumque sit, de quibus ob demerita graues poenæ sumantur: quemadmodum Apostolus suo exemplo docuit in Alexandro, Hymenæo, & Corinthio.

Nec hoc sufficit. Necessē etiam est, vt qui Exorcistarum officio funguntur, in eos, quos Dæmoni tradunt, imperium & ius habeant; adeoque ratione officij & possint, & valeant, animaduertere. Quemadmodum habuit Elogius Nouiomensis Episcopus, qui in suorum subditorum quinquaginta Dæmonibus sæuendi potestatem fecit, quod ab impijs & sacrilegis ritibus non abstinerent, teste Audoeno in Vita eius, cap. 20.

Debet

5.

6.

7.

8.

9.

10.

Iob 1.

1. Cor. 5.

1. Tim. 1.


11. Debet quoque hic proposita esse spes maioris boni: ut, scilicet, qui alijs rationibus non videbantur posse iuvari, hac iuandi credantur: & spiritus saluus fiat, dum in corpus seuiunt Dæmones. Et hæc spes eidem Elogio proposita fuit. Vnde rogatus non statim hanc poenam relaxauit: *Discant, inquit, prius, cui seruire elegerunt, antequam à tyrannide Dæmonis absoluantur.* Eandem fuisse propositam D. Paulo, hæc ipse ostendit: *Quos (intellige Hymenæum & Alexandrum) tradidi Satana, inquit, ut discant non blasphemare.* Sic (1. Corinth 5.) tradidit Satana Corinthium in interitum carnis, ut spiritus eius saluus sit, in die Domini nostri Iesu Christi.
12. Debet etiam abesse studium Dæmonibus placendi. Non ipsi tanquam amicis hic gratificandum est; sed tanquam licitoribus & carnificibus utendum. quibus quantum gratum est incommodare; pro hominum tamen imperio & voluntate incommodare, molestura est. Quapropter non hic Dæmonum malitiæ seruitur; sed eorum malitia & nocendi studium nobis seruit.
13. Addiderim his, Hanc potestatem Dæmonibus dandam non esse, nisi ab ijs, qui summum in ipsos ius habēs; & quodcumque libet, eos humanis corporibus exigere possunt, quale habuisse D. Paulum Sacre docent literæ: & Elogium, cuius iam secundò mentionem fecimus, res ipsa. Siquidē postquam iustū de suis supplicium sumptum est, aquam benedictam ipsis offert: qua sumpta, mox spiritus recesserunt. Quia verò hoc ius paucis, hoc tempore, tributū est, parcissimè Dæmonum petitioni in hac causa putarem satisfieri oportere,
14. Porro quamuis in quibusdam, ut dictum est, possimus ipsorum desiderio satisfacere; in nullo tamen facere tenemur: licet etiam quæ ex re hominum sunt, petant. Nobilis quædam mulier obsessum seruū ad Theodorum Archimandritam adducebat; atque ut ab eo Dæmonium pelleret, rogabat. Theodorus mox, ne se loco moueat, imperat. Quid Dæmon? magnis vocibus se torqueri clamabat, facultatemque discedendi petebat. An obtinuit? Non obtinuit nisi postquam Theodoro visum est. Ita Georgius presbyter in Theodori Vita apud Surium, Tom. 2.

DE LOCIS
INFESTIS PRIMA
DISPUTATIONIS PARS.

IN QVA

IPSORVM LOCORVM ATQVE
*Spirituum, molestiarum quoq, quæ locis infestis
afferuntur, genera, modi, fines causæ, & his
similia, inquiruntur, examinantur,
explicantur.*

ISAGOGÉ IN PRIMAM DISPUTA-
tionis partem, de Locis Infestis.

 Argumentum præsentis Disputatio-
nis trium definitionem requirit.
Principiò demonstrandum est, esse
quædam loca Spiritibus & Spectris
infesta. Deinde assignandæ rationes,
quibus Spirituum talium status & conditio in-
notescit. Tertiò præscribendus modus, qui in hu-
iusmodi Spiritibus exigendis, & Locis ab iisdem
purgandis, servari possit. Potuerunt pleraq, ho-
rum ex ijs, quæ aliàs de Spiritibus, & Dæmonia-
cis dicta sunt, à prudentioribus intelligi, verum,
quia non omnium idem ingenij acumen, quædam
etiam hic singularem habent difficultatem, liben-

A

ter

²
ter quorundam desiderio & petitioni satisfacimus, & hanc, de Locis infestis, Disputationem damus.

2. Porro primum Caput trium explicationem postulat, quorum in titulo fit mentio: locorum, qui infestantur: Spirituum, qui infestant: molestiarum & difficultatum, quæ in Locis infestis, ab infestantibus Spiritibus hominibus afferuntur.

3. In unoquoque genere haud pauca sunt, quæ difficultatem habent. In Locis queritur: Sintne verè quaedam loca infesta. Præterea, sintne omnia unius generis. Rursus, an omnia æquè infesta, an alia alijs magis, minusve: & unde hoc accidat, atque his similia. In Spiritibus: Quinam & quales Spiritus sint, qui infestant, quibusq; de causis infestant: quas ob causas hæc potius, quàm illa loca: hos potius, quàm illos homines infestant: quando infestant, &c. In molestijs duo spectantur; scilicet, modus, quo molesti sunt: & mala, quæ sua molestia afferunt. Neque enim unus est molestandi modus: neque unius generis, quæ afferuntur, mala. Omnia hæc prima Disputationis parte inquiremus.

CAPVT I.

*Varijs, omnium propemodum temporum, atque
locorum, exemplis docetur, loca quadam
Spectris, atque Spiritibus infesta esse.*

R *se quædam loca Spectris & Spiritibus infesta, dubium non est.*^{1.}
Rerum gestarum historia rem hanc egregijs exemplis declar-
at atq; confirmat. Recentia & quotidiana omittimus, pro-
ferimus aliquot priorum temporum, quæ idcirco hic maius
robur habere debent; quòd & plurima sint: & probatos authores ha-
beant: & varijs disiunctissimisq; locis, atque temporibus accide-
rint: & tum Gentilium, tum Christianorum opinione sunt confir-
mata.

Refert B. Augustinus Hesperij cuiusdam, viri Tribunitij, domum^{2.}
à Spiritibus plurimùm vexatam esse. Verba eius ascribimus. Vir
Tribunitius, inquit Hesperius, qui apud nos est, habet in territorio
Fussalensi fundum, Cubedi appellatum: vbi, cùm afflictione anima-
lium, & seruorum suorum, domum suam Spirituum malignorum
vim noxiam perpeti comperisset, rogauit nostros, me absente, presby-
teros; vt aliquis eorum illo pergeret, cuius orationibus cederent.
Perrexit vnus: obtulit ibi sacrificium Corporis Christi; oras quan-
tum potuit, vt cessaret illa vexatio: Deoq; protinus miserante cessa-
uit. Acceperat autem ab amico suo terram sanctam, de Hierosolymis
allatam, vbi sepultus Christus, die tertio resurrexit, eamq; suspen-
derat in cubiculo suo, ne quid mali etiam ipse pateretur. Hæc B. Au-
gustinus lib. 22. de Ciuit. Dei, cap. 8.

In Thermis Angularibus, à Germano Capuano Episcopo, visum^{3.}
esse, & versatum, Spiritum Paschasij cuiusdam recenset B. Gregorius.
Post multum, inquit, temporis (intellige à morte Paschasij) Germa-
no Capuano Episcopo, Medici pro corporis salute dictauerant, vt
in Angularibus Thermis lauaretur. Ille ingressus Thermas, Pascha-
sium Diaconum obsequentem in caloribus inuenit. Viso ipso vehe-
menter extimuit, & quid illic tantus vir (Apostolicæ sedis Diaconus)
faceret, inquisiuit. Cui ille: Pro nulla alia causa, inquit, in hoc pœnalī
loco deputatus sum, nisi quia in parte Laurentij, cōtra Symmachum
fensi. Sed quæso te pro me Dominum deprecare: atque in hoc cog-
nosces, quòd exauditus sis; si huc rediens, me non inueneris. Fecit vir
Domini Germanus, quod rogatus fuit; & post paucos dies rediens,

iam dictum Paschasium in eodem loco minimè inuenit. Ita B. Greg. lib. 4. Dialog. cap. 39. Simile huic aliud exemplum idem habet Gregorius, quod à Felice Portuensi Episcopo se accepisse asserit. In eiusdem etiam Vita legitur Spiritum quendam habitationem suam habuisse post absidem oratorij, vbi Gregorius Deo laudes consueuerat celebrare: eundemque intempestiuo incurfu sapiùs Sanctum virum, orationi intentum, perturbasse: equos ex stabulo eduxisse: duos ex ipsis præcipientes egisse: viros religiosos, eiusdem cum B. Gregorio professionis, nunc in forma cati vnguibus tentasse lacerare, nunc sub specie Aethiopis lancea petiuisse. Ita Ioannes Diaconus, in Vita Gregor. lib. 4. cap. 89.

4. Infestorum quoque balneorum meminit alius Gregorius, Nyssen-
nus dictus, in Vita Gregorij Neocæsariensis; docetque Spectra, quæ
in ijsdem fuere, plurima mala attulisse; & neminem illorum, qui bal-
nea noctu intrasset, manè viuum exiuisse, præter Gregorij Neocæsariensis
Diaconum, qui signo crucis munitus nihil sit passus. Rem
gestam adscribimus Gregorij verbis. Cùm vespere, inquit, ingressus
ciuitatē Diaconus, lassus esset ex itinere; necesse esse duxit corpus la-
uacro reficere. In eo autem loco dominatum obtinebat quidam Dæ-
mon homicida, versans in lauacro: cuius vis exitialis, post tenebras o-
perabatur in eos, qui accedebant. Ea de causa post occasum solis non
patebat ad id aditus; neque id exercebatur. Ad quod cùm accessisset,
rogabat eum, qui illi præerat, vt id ei aperiret, & non ei inuideret
balnei vsum, quo se recrearet. Cùm is autem testaretur, nullum ex
ijs, qui illa hora ausi sunt intrare, suis rediisse pedibus; sed Dæmo-
nem omnes vespere superasse, multosque ob ignorationem passos
esse grauissima, quos pro sperata recreatione exceperunt lamentatio-
nes, eiulatus & sepulchra. Cùm hæc referret, & quæ sunt huiusmodi;
ille nihil de suo remisit desiderio: sed instabat omninò cogens, vt
eum intromitteret. Ille autem satis se lucrifacere existimans, si non
cum hospitis ignoratione vna veniret in periculum; cùm ei dedisset
clauem, procul recedit à balneo. Postquam autem nudatus fuit in-
tus, multiplices terrores, & variæ obstupefaciendi causæ adornaban-
tur à Dæmonio. nempe omnis generis visa, ostendentia naturam
igne & fumo mixtam, & quæ in forma hominum & ferarum in oculo-
los incurrebant, in auribus resonabant, anhelitui appropinquabant,
& in orbem circa corpus effundebantur. Ille verò se signaculo Crucis
muniens, & Christi nomen innocans, domos peruasit illæsus. Inter-
ius autem progressus, in grauiora incidit spectacula, in grauiorem
aspectum transformato Dæmonio. Nam & simul terræmotu existi-
maba

P A R S P R I M A.

mabat domum cōcuti, & perruptum solum nudam flammam ostendere inferius, & scintillas ex aquis emitti flammeas. Rursusque ei arma itidem fuere signaculum & Christi nomen, & quod per Magistrum (Gregorij) preces ferebatur auxilium, discutebat quæ videbantur, & fiebant terribilia. Aqua autem recreatus, cum properaret egredi; rursus prohibebatur, fores opponente Dæmonio. Sed hoc quoque rursus impedimentum, pari rursus virtute & solutum, foribus signaculo cedentibus. Postquam autem ei omnia processerunt ex sententia, dicitur Dæmonium voce humana ad eum exclamasse, Ne sibi vim illam attribueret, per quam effugit exitium. Vox enim quæ eum commendauit, ei qui custodiebat, præstitit, ut minimè læderetur. Hoc ergo modo conseruatus, magnam attulit admirationem ijs, qui loco præerant, cum nullus apparuisset viuis ex illis, qui illa hora aquam ausi essent ingredi. Hæc Gregorius de Gregorij Diacono, apud Surium Tom. 4.

Meminit infestæ à Spiritibus domus, in Vita Theodori Sicæorum Archimandritæ, Georgius presbyter, Theodori discipulus, in qua & hominibus & iumentis plurimum molestiarum afferebant Spiritus. In eadem cum domestici pranderent, aut coenarent, lapides in mensas à Spiritibus iaciebantur; & telæ mulierum rumpebantur. Tanta quoque murium & serpentum multitudo domum occupabat; ut, præformidine nemo ingredi auderet.

Et Metaphrastes in Vita S. Panthenij meminit officinæ purpuraræ, quam Dæmon ita infestauit, ut cum magno suo detrimento, domini eandem deferere fuissent coacti, nisi Parthenius rogatus in Christi nomine Spiritum eiecisset. Apud Surium Tom. 1. Sancti. Vbi sic Metaphrastes. Accidit, inquit, ut officina, in qua tangebatur purpura, impediretur ab immundo Spiritu. Sed & immundus Spiritus apparebat tinctoribus & opus imperatoris non sinebat effectum reddere: adeò, ut ex hac re magnum periculum & damnum serui sustinerent & tinctores. Quamobrem cum hæc rescuisset homo Dei Parthenius, & ab ijs fuisset rogatus, prompto & alacri animo venit ad locum officinæ: & cum aduocasset immundum operantem Dæmonem, & eum inuocasset terribili & sancto nomine Christi, fecit eum euanescere ex omnibus finibus: illo clamante omnibus audientibus: Tanquam ab igne expellor in gehennam ignis. Cum autem iussisset Sanctus, tinctores impleuerunt lebetes, & eo præsentem immiserunt lanā. Ea verò ab illo tempore, quam oportebat, tincturam, citra vllum impedimentum accepit etiam in futurum. Sicque & qui gerebant rempubl. & tinctores omnes liberati sunt à periculo Imperatoris. Hæc Metaphrast.

DE LOCIS INFESTIS

7. In Anastasio Imperatore sic scribit Glycas, parte 4. Erat his temporibus Rex Persarum Coades; qui cum in Castello quodam gemmas magni pretij didicisset; ac quo minus potiretur ab incolis loci Genijs impediretur; omni genere præstigiarum usus est. Nam & Iudæos, & quosuis alios accersitos adhibebat: neque tamen illorum quisquam aliquid efficere potuit, Tandem Antistes eius loci solo Crucis signo Dæmonem expulit. Ita Glycas.
8. Tempore Romani Argyropoli Imperatoris, in Tracensi Prouincia, apud radices montis Cuzenæ, *vox miserabilibus eiulatibus & lamentis, à Mense Martio audita*, primum quidem præsentis Spiritus indicauit; deinde etiam cladem Romanorum in Cælisyría portendit. Hoc Cedrenus, & post ipsum Ioannes Curopaletes, in Historia Græcorum Impp.
9. Scribit Plinius lib. 7. Epist. 27. Athenis fuisse ædes, in quibus *umbra ingens & macilenta, catenarum stridore, quibus vincta videbatur, ædes ipsas replebat*. Propter quam rem cum inhabitare ædes nullus auderet, ad exiguum pretium locatio redacta est Athenodorus verò Athenas profectus, domum conduxit, perspectaque umbra eam audacter sequutus: ubi vidit locum, in quo apparere desineret, humum effodit, illicque corpus catenatum, umbræ, quæ apparuerat, simile inuenit, sublatumque cadauer horrore ædes liberauit. || Fulgosus lib. 1. c. 6. Exemplum hoc ad longum referimus Plinij verbis, Capite 86. præsentis Disputationis.
10. Simile quid accidisse Corinthi, in domo Eubatidæ refert Pythagoricus quidam Arignotus apud Lucianum in Philopseude. Inhabitabilis illa erat, propter terricula: quod si quis inhabitasset, expauesfactus subito fugiebat. Deciderat ergo iam, tectumque rumpebatur. Nullus erat, qui ingredi auderet. Arignotus hæc audiens, incantationibus & carminibus armatus, domum ingreditur, Umbram, si appareat, domo exacturus. Dum tacitus in vastissimo atrio sedens, ad lumen legit, adest Dæmon squallidus, hirsutus, & tenebris nigrior: tentatque si qua ratione terreat & expugnet: & nunc in canem, nunc in taurum, nunc in leonem se vertit. Nihil his omnibus commouetur Arignotus: sed assumpto carmine, in quendam domicilij tenebrosi angulum, Spiritum compulit, ubi mox ille disparuit. Mane sumptis ligonibus iussit effodi locum, ubi Spiritum se condentem noctu obseruârat, inuenitur cadauer hominis defuncti, quod exhumatum, ubi sepulturæ fuit traditum, omnis infestatio comum reliquit. Ita Arignotus apud Lucianum.
11. Pausanias Spartanorum Rex interfecta Cleonice Byzantina virgine,

gine, per tenebras, manibus illius, ad mortem usque exagitatus fuit, teste Plutarcho. Sed Plutarchum audiamus. Fama est, inquit, virginem Byzantinam, illustribus ortam parentibus, nomine Cleonice, quam stupri causa accersuerat Pausanias, à parentibus fuisse necessitate & metu subactis dimissam. Eam pro cubiculo precatam ut lumen auferretur, cum per tenebras silentio ad cubile pergeret sopitiam Pausaniæ, incurrisse inuitam in lucernam, eamque euertisse. At illum ex strepitu obturbatum, stricto pugione, qui propè iacebat, quasi ab hoste aliquo peteretur, percussisse, & prostrauisse puellam, quam ex vulnere mortuam non permisisse Pausaniæ quietem, sed Spectrum noctu se offerens, in somno hunc versum cum indignatione ad illum protulisse.

Tu cole iustitiam; teq; atq; alios manet ultro. Quod factum socij cum Cimone, iniquo animo ferentes arctè obsederunt eum Byzantij. Elapsus tamen est, & viso illo exterritus, Heracleam confugit ad manium oraculum, euocataque Cleonices anima, offensam deprecatus est. Illa in conspectum Pausaniæ venit, ac breui eum ostendit illis malis explicatum iri, ubi Spartam venisset, obscure ut conijcio, imminetia illi fata designans. Hæc Plutarchus in vita Cimonis.

Non caruerunt Spectris aliquando ædes Dionis. Et huius testis est Plutarchus, in Dione. Dum coniuratio, inquit, coitur, Spectrum est Dioni immane & monstri cum oblatum. Sedebat fortè diei serò domi cogitabundus in porticu: strepitu repente ibi facto respiciens, clara adhuc luce, ad alteram porticus partem, conspexit grandem mulierem, cultu & facie nihil à tragica abhorrentem furia; quæ verberabat scopis domum. Ille vehementer percussus & trepidans, acciuit amicos, visumque ijs narrauit: atque orauit, apud se ut permanerent & pernoctarent; quòd planè extorpesceret; timens ne si solum reliquissent, iterum sibi obuersaretur monstrum. Cæterum id non est reuersum, sed filius eius ferè adultus, per dolorem aliquem animi, & iram ex parua & puerili ortam occasione, è fastigio domus præcipitauit se in caput, & interiit. Et hæc Plutarch.

Antequam cadauer C. Cæsaris Caligula sepeliretur, custodes hortorum lamiarum umbris inquietati sunt. In domo verò, qua ocubuit, nullam noctem, sine aliquo terrore, transactam esse affirmarunt, donec tandem incendio domus est consumpta. Hoc Suetonius in Caligula & his propemodum verbis.

Sic Neronem, postquam matrem Agrippinam, dicta factaque acerbius corrigenstem, interfecit, ubique Spiritus infestantes secuti sunt. Nunquam, ut testatur Suetonius, potuit sceleris conscientiam ferre

ferre: sæpe confessus se materna specie exagitari, atq; verberibus furiarū, ac ardentibus tedis. Antè eiusdem Neronis mortem, in Curia, *barbaricum murmur*, cū multò risu; & *tumultum*, in theatro, cum magno fletu auditum esse, cū tamen nullus ibi hominum esset, scribit Xiphilinus in Dione.

15.

De Ottone refert idem Suetonius. A supplicijs ille imperium, occiso Galba, auspicatus; sed infelicitè. Siquidem nox, quæ primum diem imperij secuta est, adeò infesta illi contigit, vt gemitus ediderit ingentes, repertusque sit humi antè lectum iacens, à Galbæ manibus se expelli, & prosequi dicens. Suetonius hanc rem his verbis refert. Dicitur ea nocte per quietem pauefactus, gemitus maximos edidisse: repertusque à concursantibus humi antè lectum iacens, per omnia piaculorum genera, Manes Galbæ, à quo deturbari expelliq; se viderat, propitiare tentasse. Ita in Ottone Suetonius.

16.

Inhabitauit Romæ ædes Alexander ab Alexandro, ita euidentissimis portentis infames, vt nemo illas incolere ausus fuerit; quin assiduis Umbrarum illusionibus, & tetricis imaginibus, noctibus ferè singulis, inquietaretur. Docet in ijsdem, præter nocturnos tumultus, qui medio noctis silentio audiebantur, & horridos fremitus, cum eiulatu striduloque vocis sono, quibus lachrymari & tremere videbatur; visam esse speciem hominis squalida facie, vultu minaci, nigro corpore, aspectu formidabili, nomen suum exprimentem, & opem implorantem. Hæc ipse Alexander lib. 5. Genialium dierum, cap. 23. qui & pro horum confirmatione egregia exempla adfert.

17.

Refert Cardanus, lib. 16. cap. 93. de Rerum Varietate, quod sequitur. Est, inquit, familia nobilis, ac inter primas Parmæ, Torrello-rum nuncupata. Possident arcem, in qua aula est: in ea, sub cammo, solet videri anus, iam centum annis, quoties ex familia obiturus est aliquis.

18.

Pertulit & Hildesheimensis in Saxonia Diœcesis *infestantem spiritum*, Hudekin appellarunt lingua Saxonica, siue pileatum, à pileo, quo caput opertus fuit. Mira de ea referuntur. Hominum conuersatione plurimum videbatur delectari, quibus nunc sub humana specie, in habitu rustico, sese exhibebat, nunc inuisibiliter illudebat. Principes viros de rebus magnis admonebat: alijs sua obsequia non negabat. In culina Præsulis frequentius inueniebatur cecis ministrare. Cū quidam, longius profecturus, ipsi vxorem satis procacem, commendasset per iocum; officio ille strenuè functus; qui libidinis

P A R S P R I M A.

9

nis causa vxorem petebant, aliquoties impediuit. Neminem, nisi prius læsus, iniuria afficiebat: læsus non parcebat. Itaque cum in prædicti Præfulis culina puerulus quidam assidua consuetudine ipsi familiarior factus, eundem contumelijs afficeret: principio culinæ Præfectum admonuit, vt insolentiam pueri coërceret. At vbi nihil profecit, inuentum, in culina, dormientem puerum primum suffocat; mox in frustra diuidit; tandem igni appositum coquit. Nec hac vindicta contentus, multis alijs modis, & culinæ Præfectum, & plerosque alios ex aulicis vexat, quemadmodum pluribus prosequitur Ioannes Trithemius, in historia Monasterij Hirsangienfis, circa annum Domini 1132. Tandem ab eius loci Episcopo, Bernardo, per Ecclesiasticas Censuras, Prouincia illa excedere compulsus est.

Testatur Wilhelmus Parisiensis, Pictauij, in parochia S. Pauli, anno 1447. fuisse Spiritum, qui cyathos & vitramenta frangebat, iniectis lapidibus; neminem tamen mortalium præsentium læderet. Bodinus lib. 3. de Dæmon. cap. 6. 19.

Haud procul à Binga oppido, vbi Naas fluiolus Rheno miscetur, pagus est, Camon vulgò, quasi caput montium, dictus. Hic anno 858. Spiritus fuit, qui plurimas incolis molestias attulit. Primo à nemine visus, coepit in homines iactare lapides, & pulsare fores. Mox, sub humana specie, responsa reddidit; furta prodidit: quoscunque nota infamiæ aspersit; discordiasque & similitates excitauit. Paulatim horrea omnesque casas succendit & exulsit. Vni autem, præ cæteris, fuit molestior, perpetuo eius lateri, quocunque diuerteret, hærens, atque domum comburens. Nec hac molestia contentus, vt vicinam vniuersam in necem innocentis concitaret, ob scelera illius, hunc locum infamem esse, & suis infestationibus obnoxium, mentiebatur. Vexatio tum demum finem habuit, quando ab Archiepiscopo Moguntino missi sacerdotes, lustrali aqua, atque comprecationibus pestilentem Spiritum profligarunt. Hæc Sigebertus, Martinus, Chronicon Hirsangiense. 20.

Simile quid refert Ioannes Diaconus, in Vita B. Gregorij, lib. 4. c. 93. accidisse in fundo Barbiliano. Hunc propter incolarum scelera, plurimum infestabat Dæmon; atque in forma ferocientis tanri, nunc oues infestabatur, & fatigabat: nunc gregum atque armentorum custodibus graues molestias afferebat, vt etiam quidam ipsorum propter molestias solum mutare coacti sint. Hunc tandem vir Sanctus Litaniarum, atque aquæ lustralis præsidio profligauit. 21.

Eandem propemodum molestiam ab infestantibus Spiritibus, sustinere Deo consecratæ Virgines, Monasterij Verretenfis, in 22.

B

comi-

comitatu Hornensi. Siquidem in loco, vbi dormire solent, audiebatur incessus Spectri ingemiscantis: audiebatur item vox, quæ Virgines hortaretur, vt surgerent, & secum ad ignem, ægrotum consulaturæ, accederent. Aliquoties pedibus è lecto, ad passus aliquot, subtrahebantur à Spectro: aliquoties sub plantis adeò titillabantur, vt præ nimio risu, modò non morerentur: quibusdam particulæ carnis tuellebantur: plerisque in aduersam partem prorsus intorquebantur tibiæ, brachia, & facies. Mitto reliquas, quas sustinuerunt, ad tres annos, molestias: quas videre licet apud Wierum, lib. 3 c. 9. de Præstigijs Dæmon.

23. Circa annum Domini 1098 non longè à Wormatia, multis diebus ac noctibus, maxima multitudo armatorum equitum, & pedum apparuit, tanquam ad placiti colloquium, seu bellum processura: & nunc huc, nunc illuc, quasi per turmas discurrentes, circa nonam horam noctis, ad vicinum montem: ex quo prodire consueverunt, reuertebantur. Tandem, nocte quadam, Monachus Limburgensis Cœnobij, non procul à monte de quo exire solebant, distantis, assumptis, secum quibusdam alijs, ad locum infestum accessit; muniensque se signaculo sanctæ Crucis, exeuntes de monte, *Qui essent*, per virtutem sanctæ & indiuiduæ Trinitatis, vt dicerent, adiurauit. Cui vnus ex turma: Nos phantasma, inquit, sumus, nec militum viuentium turba; sed animæ hominum, quoddam in hoc mundo, Principi terrenorum militantium, non ante multos annos, in hoc loco interfectorum. Arma, habitus, & equi; quæ nobis, dum viuere-mus, instrumenta fuerunt peccati, etiam nunc, post mortem, in nobis sunt quædam indicia tormenti. Omne quod iam cernitis circa nos totum ignitum est nobis; quanquam vos ignem nostrum minimè videatis. Cumque Monachus, vtrum ab hominibus inuari possent, inquireret; respondit Spiritus: Ieiunijs, & orationibus, & maxime oblatione corporis & sanguinis Christi adiuuari possumus & rogamus. His dictis omnis illa multitudo Spirituum, quasi vna voce, clamabat trina vice: Orate pro nobis: orate pro nobis: orate pro nobis. Mox omnes in ignem resoluti videbantur. Sed & mons ipse, quasi arderet, ignem & maximum fragorem arborum & strepitum emisit. Ita Chronicon Hirsaugiense, circa annum Dom. 1098. Similia Spectra sunt, quæ Marathonicum campum, olim horrendum reddiderunt: illa etiam quæ Calcerandus Rochensis Hispanus conspexit, & quasi prænuncia fuerunt ingentium motuum Siciliæ, quibus furens plebs Hugonem Montecanum Proregem, vrbe Panormitana eiecit, eo tempore, quo Siciliæ Regnum ad Carolum V. per-

V. peruenit: de quibus sic Thomas Facellus. *Paucis antè diebus*, (scilicet quàm tumultus excitaretur, vinente adhuc Ferdinando Rege) cum sub primam lucem in lectulo vigilaret Calcerandus, magnam hominum multitudinem in area perstreptentem audiuit. Ad fenestram ocyus accurrit, virorum frequentiam primùm, peditumque species: mox hastatos scutatosque subsequi, ac equites deinde in turmas diuisos, armatorumque acies in praelij speciem concurrentes in regiam domum, qua Hugo utebatur, irruere, ac oppugnare, oculis per inanem umbram sibi videre est visus. Plerique præterea sub idem tempus ad verticem ac radices. Peregrini montis milites armis instructos noctu concursantes se vidisse fassi sunt. Hæc Fazellus lib. 10, & ultimo de Rebus Siculis.

Apud Aquilonares populos plura loca infestantur. Refert Olaus Magnus. solere apud ipsos, nocturnos viatores, gregumque & armentorum excubijs intentos, *portentis diuersi generis circumfundi, mirifico concentu*. Hunc nocturnum Monstrorum ludum vocant incolæ Choream Eluarum, de quibus eam habent opinionem, quod animi eorum hominum, qui se corporeis voluptatibus dedunt, corporibus illapsi, circa terram volutentur. Vestigia harum larvarum manè interdum, in herba rosida, deprehenduntur; interdum verò ceu igne exesa conspiciuntur. Olaus, lib. 3. cap. 11. Gentium Septentrionalium.

In Islandia insula, sub polo Arctico, promontorium est, quod instar Aetnæ perpetuis ignibus æstuat. Illic submersorum, siue alio violento casu occisorum Spectra sese offerunt congressibus notorum hominum, tam manifesta, ut tanquam viuentes accipiantur ab ignaris mortis illorum. Nec deprehenditur error, priusquam disparuerint Umbræ. Idem Olaus, lib. 2. cap. 3.

Arx est in extremis terris Finlandiæ suppolaris, Regno Suetiæ subiecta. Præterlabitur hanc vastissimus fluuius, inscrutabilis profunditatis. Ad hunc Spectra subinde apparent: & imminente morte Præfecti arcis, vel militis alicuius, Cytharædus, per noctem, in medijs vndis, ludens conspicitur, & auditur. Hoc quoque Olaus, lib. 2. c. 19 & 20. Apud Philappas quoque ingens est numerus Spectrorum; quæ cum ipsis conuersantur, colloquuntur, conuiuantur; nec arceri aut abigi vlla ratione dicuntur. Cumque præcipuè terreantur à manibus cognatorum; ne id fiat, prohibent cadaueribus defossis & sepultis sub foco. Beucherus lib. de Diuinat. fol. 283.

Similiter Sterlingi, arx in Scotia, à Spiritibus infestatur: & quia ibidem gementes & clamantes nocte audiuntur, nomen accepit, ut

Mons dolorosus dicatur, quemadmodum scribit lib. 4. Scotorum historiae H. Boethus.

28. In ea, quæ est circa Syrtes Lybia, quandoque, & maximè quieto à ventis tempore, apparent in aere diuersarum animantium formæ, quarum quædam quiescunt, quædam mouentur: & hæ aliquando fugiunt, aliquando fugientes insequuntur: quos verò comprehendunt, frigido circundant contactu. Refert hoc Diod. lib. 3. c. 4.

29. Ex Aristotele de Admirandis auditionibus refert Thomas Fazellus lib. 1. de Rebus Siculis, tumultum in Lipara Insula olim fuisse, ad quem noctu accedere nemini licebat. Cymbala namque, crotali quoque, immanes præterea sonitus, tumultusque cum inconditis cachinnis ibi exaudiebantur. Quibus territi Liparenses, ne quid sibi mali accideret, illuc progredi perhorrebant. At cum mero quidam correptus eo temere peruasisset: iuxta tumuli specum obdormiuit, perquæsitusque à domesticis post triduum exanimis est repertus. Pro mortuo autem inde elatus, cum sepulture paratis exequiis, ac funebri pompa tradendus efferretur, repente omnibus admirantibus experrectus, quæ & viderat, & passus fuerat enarrauit. Hoc Fazellus.

30. Et fodinæ metallicæ quædam à Spiritibus infestantur. Hinc Spiritus Annebergicus, qui operarios duodecim amplius flatu interfecit in specu, qui Corona Rosacea appellatur, eo etiam nomine relictus; quamuis argêto diues esset, flatum verò emittebat ex rictu: cum equi specie, habentis procerum collum, & truces oculos, appareret. Hinc alter Schnebergicus, nigro cucullo vestitus; qui in fodina Georgiana operarium è solo sublatum, in superiori loco maximæ illius concauitatis, quondam feracis argenti, collocauit, non sine corporis attritu. Hæc ex Georgio Agricola. Munsterus l. 1. Cosmograp. ca. 15.

31. In Prouinciæ Peruanæ ea parte, quæ Ititanorum est, Catarina sedecim annorum puella, ob sacrilegio sæpius violatâ Confessionem, & infelicem mortem, post mortem multarum turbarum atque tumultuum fuit causa. Mox, vt anima exhalauit, fœdum cadauer remansit, tam tetri odoris, vt seponendum fuerit sub diò, ne inficeret domum. Eodem tempore mansuetus alioquin equus & placidus sic furere cœpit, vt calcibus arietaret in murum, & hac illacque percurfaret, vinculis abruptis. Auditi canum latratus, & inquieti discursus. Adolescens quidam extra lectum brachio extractus, vna ex ancillis calce in humerum percussa, cuius plures ad dies manserunt vestigia. Hæc corpore Catharinæ nōdum humato acciderunt. Post sepulturam in famulam, ingredi cupientem cubiculum, vbi illa erat,

vas

vas deiectum est de tabulato superiore. Et maior pars oppidanorum conspexit vim magnam laterum regularumq; magno fragore dispergi per ædes. Neque hoc satis. Domina coram decemque alijs aut duodecim mulieribus, semel iterumq; ac tertio est rapta pede altero (nec apparebat raptator) famula, quæ Catarinæ familiaris fuerat. Secuta sunt alia monstra. Cum in cellam vestiariam iret ancilla, ut promeret vestem, videt Catarinam extollentem sese vasi prensando, at ipsa cum clamore repente se proripit; cæterum vas in parietem proiectum, distractum est quassu ingenti. Cum Domina strepitu excitata, intraret cellam, dimidiatus later magno impetu in murum est impactus. Postridie, impressa in pagina Christi effigies de cruce pendentis, aptè applicata est glutine in pariete vestiarij; statimque cunctis inspectantibus, euulsa tres in partes conscissa est. Eodem die cum in horto cœna esset, magna pars lateris decidit in lancem, & conturbavit mensam. Vide Annales Societatis Iesu anno 90. & 91 in provincia Peruana, fol. 766. vbi hæc & plura his similia habentur.

Kerope castrum est vnum ex ijs, quæ Moschus Polono cessit, in quo multi Germani à Moscouitis occisi sunt. Castrum hoc, & tota vicinia illusionibus diabolicis adeò erant ante annos adhuc duodecim infesta, ut Cacodæmones palam, & in conspectu omnium, cum luna nocte splenderet, in equis sedentes effusis habenis circum mœnia, magno cum impetu, currerent, & subinde morerentur. Interdum quoque more Moschorum vestiti, integros currus onustos frumento, in humeros suos ferentes, omnibus aspicientibus in vicinum locum villæ cuiusdam arcis proximæ conijcerent. Hæc Iffelt anno 86 Historiæ.

Est alius locus palustris, decem scilicet passuum millibus ab Odepe, quod prædium est noui Episcopatus Vendæ in Liuania. Lacus autem, qui in eo erat, sic infestabatur, ut nisi singulis annis sanguis infantium in eum mitteretur, ultra modum affligarentur vicini, & plurima damna ijs Dæmones afferrent; conturbarent aera: tonitrua, fulmina, procellas & tempestates excitarent. Hinc visitatum apud illos erat matribus furari infantes, atque in lacum projicere, aut saltem extractum ex eorundem corporibus sanguinem in eundem mittere. Etiam hoc Iffelt eodem loco.

Hæc pro veritate infestorum locorum exempla. Quæ in hac Disputatione ad duo valere volumus. Lectori. Primum, ne de infestis quibusdam locis vllum in animo ipsius relinquatur dubium. Deinde, ut ad hæc, id est, ad primum Caput recurrat, si quando in disputationis

tationis nostræ discursu quædam exemplis confirmamus & vnde illa petita sunt, non assignamus. Ad primum caput conuertat animum cogitationesque: illud, quod desiderabitur, docebit.

CAP. II.

*Multiplicia esse loca, quæ à Spiritibus infestantur:
& quòd omnia ad duo genera possint reuocari,
quæq; sit inter ipsa differentia.*

1. **R**æcedenti Capite demonstratum est, esse quædam loca Spectris & Spiritibus infesta; sed ita: vt simul insinuaturn sit, non vnus generis omnia illa esse. Data sunt infestæ domus; vt inter alias illa, quam Alexander ab Alexandro inhabitauit. Dati fundi; vt Hesperij, quorum meminit Augustinus. Data arces & palatia, vt illa in Scotia, ob Spirituum gemitus Mons dolorosus dicta. Data ciuitates; vt Moguntia. Data insula & prouincia, apud Aquilonares populos, & in Saxonia Episcopatus Hildesheimensis. Rursus data loca subterranea, in Fodinis metallicis. Data priuata, vt domus, quam Theodorus, Sicæorum Archimandrita, purgauit. Data publica, vt Angulares Thermæ, &c. Sed hæc omnia ad pauciora genera reuocantur.
2. Et quidem, si rectè ratiocinabimur, duo constitui possunt. Locorum enim quædam possumus dicere. *Infesta propter homines:* quædam *infesta per se.* *Infesta propter homines* illa vocamus, quæ non nisi propter certos homines, quos ipsi Spiritus persequuntur, horrida sunt. *Infesta per se*, quorum infestationis ratio ex Spiritibus; & non ex hominibus, qui iisdem locis degunt, petitur.
3. Itaque *infesta propter homines* sunt, domus, quæcunque Pausaniam Spartianorum Regem excipiebat: domus quam Nero post cædem matris inhabitabat: Locus, vbicunque Otto Romanorum Imperator, post internecionem Galbæ, reperiebatur, &c. Hos siquidem, quocunque diuertetent, ob vindictam patrati sceleris, infestantes sequebantur Spiritus.
4. *Infesta per se erunt*, fundus Hesperij, apud B. Augustinum: Thermæ Angulares, apud B. Gregorium: domus, tam illa, quam Theodorus Sicæorum Archimandrita liberauit, quàm alia, quam Romæ inhabitauit Alexander: Aquilonares prouinciæ, & arces Olai Magni; campi Wormatienses: & fodinæ metallicæ, &c.
5. Multiplex verò est, inter hæc duo locorum genera, *differentia.* Prima à tempore, quo Spiritus molestare incipiunt, sumitur. Nam

in illis, quæ propter homines infesta sunt, prius ipsi homines in locis inueniuntur, quam loca Spectris sint horrida. Quia enim certis locis Nero, Pausanias, atque Otto inueniebantur; idcirco molestantes patiebantur Spiritus, quibus antea caruerant. In posterioribus, prius ipsa loca infesta sunt, quàm hominibus molestia à Spiritibus afferatur; quemadmodum 1. Cap. allata probant exempla.

Altera differentia à *duratione* petitur. Illa tamdiu infesta sunt, quamdiu homines, quos infestantes Spiritus sequuntur, ijs locis degunt, & causas molestiarum non tollunt: Sublatis verò hominibus, aut causis molestiarum cessantibus, desinunt infestantes Spiritus. At posteriora hæc infesta manent; quamuis etiam ab hominibus prorsus deserantur.

Tertiam differentiam suppeditant *finis Spiritibus in his locis propositi*. Qui prioribus locis inueniuntur, vindices plerumque sunt patratorum scelerum; quemadmodum Spiritus virginis à Pausania interfectæ; manes matris Neronis, & Imperatoris Galbæ. Qui verò posterioribus, non item. Et quamuis aliquando, non tamen semper mortales affligunt: vt verò affligant, per se ipsis propositum non est.

Quartam differentiam *forma*, quibus se Spiritus dictis locis exhibent. Præbent priorum locorum Spiritus plerumque sub eorum se specie (& ob id humana) exhibent, qui iniuriam passi, vindictam his terculamentis expetere videntur. Hinc à matris Spiritu Nero; à virginis Byzantinæ Pausanias; & à Galbæ Spiritu Otto cognouit se persecutionem pati. At posteriorum locorum Spiritus, nunc sub proprijs, nunc sub peregrinis formis conspiciuntur, quemadmodum primi Capituli exempla demonstrant.

Quintò differunt dictorum locorum Spiritus; quòd in priori genere pauciores ferè inueniantur, qui molestant; in posteriori plures. Rarius audimus, quosdam suos ubique molestantes sequi Spiritus; sæpius certis atque definitis locis alios atque alios molestos esse.


Denique hoc differunt, quòd in his alia; quàm illis, *expiandis* ratio seruari debeat. In ijs, quæ propter homines infesta sunt, præcipua est occupatio, (si modò plena securitas obtinenda est,) cum hominibus, quorum causa loca infesta sunt; in alijs non tam hominum, qui infestis locis degunt; quàm ipsorum locorum ratio habenda est, quemadmodum suo loco docebitur; Tertia parte Disput. præf.

Cæterum, quamuis iam dictis rationibus loca hæc distinguantur; multa tamen habent communia, imprimis illud, quòd in vtrisque

que omnis generis molestantes Spiritus deprehendantur dæmoniaci, scilicet, & hominum, tam purgandorum, quàm perpetuis supplicijs deputatorum. De quo insequentibus.

C A P. III.

Tria esse Spiritum genera, quæ loca infestent, de quibus præsens est Disputatio.

1.  N argumeto Capiti huic præfixo, vnum certum ponitur, alterum in quæstionem vocatur. Illud est, Esse plura Spirituum genera, per quos loca infestari queant: hoc, Quinam illi sint Spiritus. Nec de potentia quæstio est; Sed de facto, quia, non, quinam valeant loca infesta reddere; sed qui reipsa infestent, quæritur.
2. *Primum autem omnium confessione manifestum est. Nec malè. Quoniam sunt boni Spiritus, & mali: & inter vtrosque (vt de Deo Spirituum auctore nihil dicamus) quidam humani sunt; vt inter malos damnatorum animæ; inter bonos, mentes beatæ atque purgandæ: quidam Angelici, vt inter malos, Diaboli: inter bonos Spiritus cælestes, in nouem ordines siue choros distincti.*
3. *De potentia verò quæstio non est, Quinam, videlicet, Spiritus loca infestare valeant. Cum enim omnium magnæ sint in res corporeas vires; & in rebus corporeis loca, & quæ in locis sunt, habeantur: dubium nullum est, quin quicumque Spiritus, si modò velint, & nulla superioris autoritate prohibeantur, loca infestare possint.*
4. *Qui igitur reipsa infestant. Tria potissimum Spirituum genera. Vnum prorsus incorporeorum: duo humanorum: hoc est: Diaboli primum; deinde hominum animæ ad inferorum supplicia damnatæ: & tertio illæ, quæ purgatorijs pœnis expiantur, viucentibus molesti sunt.*
5. *Non negamus interim Angelos bonos certis quibusdam locis, & olim visos esse, & modò interdum videri. Plura pro hoc argumento exempla protulimus illa, quam de Spirituum Apparitionibus dedimus, Disputatione. Nec ita cælis includimus bonos hominum Spiritus, vt ipsis quasi vincula iniiciamus; & extra cælum comparere fas non sit, quoniam etiam hos sæpius alijs locis visos esse, in iam dicta Disputatione demonstratum est. Sed aliud est apparere Spiritus certis locis: aliud locis esse affixos quasi & molestos.*
6. *Quòd si quis etiam, ipsorum præsentia opera, loca infesta fuisse, aut esse, omnino velit conuincere, non multum repugnabimus: quæ tamen*

tamen nos Loca Infesta hac *disputatione* dicimus, illa prioribus, triplicibus Spiritibus, infestari, intelligi volumus.

Neminem verò usque adeò desipere existimamus, ut omnes omnino. quæ vel molestiæ percipiuntur; vel tumultus infestis locis audiuntur, bonis tantum Angelis, vel certè humanis illis felicibus Spiritibus auctoribus fieri credat. Multa hic fiunt, quæ non, nisi à pravis atque peruersis; aut certè miseris hominum Spiritibus fieri possunt, ut aliàs demonstrandum erit.

Sic nec quisquam erit, qui molestias atque tumultus omnes ab Angelicis illis pravis Spiritibus putabit excitari. Quemadmodum non omnia, quæ fiunt, cœlestibus illis beatis possunt ascribi; ita neque omnia Dæmonibus. Quædam non nisi Dæmones, quædam non nisi homines habent authores. Sic quædam non nisi homines, quædam non nisi Dæmones produnt.

Et quæ hic ab humanis Spiritibus fieri certum est, non eiusdem conditionis sunt omnia, quamvis prodant miseros Spiritus aliquos: non tamen semper damnatos. Neque enim omnes miseri Spiritus, damnati Spiritus: quamvis damnati omnes, miseri. Miseri illi, qui purgatorijs poenis expiantur: miseri, & damnati; qui infernalibus supplicijs adiudicati.

Cæterum à dictis tribus Spirituum generibus loca infestari, quamvis difficile non sit, certa quadam ratione docere; exemplis tamen rem illustrasse breuitati studentibus suffecerit.

Pro Dæmonibus igitur sunt Spectra, quæ in fodinis mineralibus, & salinis obseruata: quæ Hesperij domum reddiderunt infestam: quæ in balneis, quorum B. Gregorius Nyssenus meminit, multis mortem attulerunt: quæ aqua benedicta profligata à Theodoro Siczorum Archimandrita: quæ agrum Bingensem afflixerunt: choreæ item Eluarum, quarum mentionem fecit Olaus: Huttingen. etiam Hildesheimensis. De quibus primo Capite.

Præterea terribilis & monstrosa effigies, quæ ad M. Brutum nocte ingressa, & quisnam esset interrogata, respondit se eius esse genitum. Fœdum quoque & dirum Spectrum, quod Cassio Parmensi obuersatum est, sub id temporis, quo iussu Augusti interfectus est. De utroque Sabellicus Tom. 4. lib. 1. Exemplorum, cap. 3. Denique quæcumque visa sunt sub peregrinis formis, de quibus capite 19. Thes. 9. & 10. in sequentibus.

Pro animabus purgandis sunt, Paschasius; quem celebrat Gregorius Magnus: Spiritus, qui obsequium aliquamdiu exhibuit presbytero, Felici, Portuensi Episcopo noto: & armatorum, ut credimus,

mus, tam equitum, quam peditum multitudo, quæ in agro Wormatiensi, multis noctibus atque diebus, conspecta est: de quibus 1. cap.

Mater quoque S. Elizabethæ, Hungarorum Regina; quæ filia post mortem apparuit; pœnas, quas ob vitam negligentius actam sustineret; exposuit: & ut filia suffragiis iuuetur, rogavit: & tandem, voti compos facta, pro matris liberatione gratias egit, cum secundò iam filia, post fusas ad Deum preces, appareret, quemadmodum in eius Vita testatur Iacobus Montanus Spirensis, cap. 23.

13. Denique pro ijs, qui *inferni cruciatibus addicti sunt*, est Umbra, quæ Athenis domum, quam postea Athenodorus inhabitavit, turbabat: sunt manes matris Neronis, Cleonicæ Byzantinæ Virginis, & Galbæ Imperatoris: Aethiops, qui apparuit Isidoro Monacho: de quo vide Thesin 8. c. 38. Spectra demum, quæ plurima offerunt Regiones Aquilonares.

Quamvis enim ipsa apparitionis, & infestationis horum Spirituum ratio, ipsos damnandorum loco habendos esse, non *necessariò* demonstret; ex alijs tamen nullam ijs cum beatis aliquando partem futuram clarum est. Ex quibus verò? quia vera fide destituti (ut de alijs criminibus dicatur nihil) ex hac vita discesserunt. Nequit cuiquam quæcunque, probè transacta, vita ad salutem prodesset; qui vera fide destitutus, præsentem hanc cum alia vita (ut illi) commutat. Pro hac (ne plura dicam,) diserta est B. Augustini sententia, lib. de fide ad Petrum. Firmissimè, inquit, tene, & nullatenus dubites, non solum omnes Paganos; sed etiam Iudæos, Hæreticos atque Schismaticos, qui extra Ecclesiam Catholicam, præsentem finiunt vitam, in ignem æternum ituros, qui paratus est diabolo & Angelis eius.

Eodem modo in damnatorum Spirituum numero illi erunt; qui quamvis cum Christiana fide; sine charitate tamen hinc discesserunt: quemadmodum idem Augustinus eodem loco his verbis testatur: Firmissimè tene, & nullatenus dubites, non omnes, qui intra Ecclesiam Catholicam baptizantur, accepturos esse vitam æternam: sed eos; qui, percepto baptismo, rectè vivunt, id est, qui abstinuerunt à vitijs & concupiscentijs carnis. Regnum enim cœlorum, sicut Infideles, Hæretici atque Schismatici non habebunt; sic Catholici criminosi possidere non poterunt.

14. Porro ex dictis tria, vel quatuor, inferimus. Primum est, *animas hominum cum corporibus non interire*; sed depositas corporibus, vitam aliam vivere. Hoc probant & defunctorum Spiritus, qui apparent; & quos

& quos in diuersis locis excitant, tumultus atque terrificationes.

Alterum est, *Non vno tantum loco infernales pœnas sustineri.* Esto sit vnus locus, qui hoc sibi ius, præ reliquis, vendicet; & qui post extremum Iudicij diem, solus damnatorum sedes erit, & domicilium; nunc tamen, præter hunc, plures habet Deus Opt. Max. in quibus debitas, pro meritis, à damnatis, pœnas exigit. Nonne damnati Dæmones? nonne infernalem ignem sustinent? Et tamen eos mundi Rectores tenebrarum harum, & Spiritualia nequitia in caelestibus vocat Apostolus Paulus. Et aerem sublunarem plenum esse Dæmonibus, vt communis, ita non vana, mortalium est opinio.

Tertium est. *Non vno loco contineri animas, quæ non plenè purgata, ex hoc saculo discesserunt.* Præcipuus earum locus, quem Purgatorium dicimus, haud procul ab Inferno constitutus est, in visceribus terræ: ad hunc maxima ipsarum pars à morte demigrat. Præter hunc, singulari Dei prouidentia & clementia, quædam alia habent, quibus purgantur loca. Sed hæc aliò pertinent.

CAPVT IV.

Varios esse tam Dæmoniorum, quàm miserorum hominum Spritus, qui mortalibus molesti esse solent, & loca reddere infesta.

Ria Spirituum genera astruximus, quæ loca infesta reddere soleant: Dæmones, Damnatorum hominum animas, & illas, quæ purgantur. *Vtrum in singulis generibus gradus sunt, & ordines;* an, contra, in vnoquoque genere omnes vnus eiusdemque conditionis, definiendum est.

Dæmonum igitur (ab his initium faciamus) Psellus, quidam Philosophus & Christianus, (sed videtur Christianæ doctrinæ rudis) sex genera, secundum locorum varietatem, distinguit. Vnum *Igneum* vocatur; quod circa sublimiorem aerem vagatur. Alterum nominatur *Aereum*, in hoc aere, nobis proximo oberrans. Tertium appellatur *Terreum*; quia plurimum circa terram versatur, *terrenisq;* rebus, & machinis aduersatur homini. Quartum dicitur *Aquatile & Marinum*; quod humoribus immergitur, libenter circa lacus & flumines habitans: in mari fluctus & tempestates suscitans; nauigiaque hominibus onusta, submergens. Quintum est *Subterraneum*, subter terram habitans, infestansque fossiles puteorum, & metallorum: efficiens terræ hiatus: concutiens fundamenta, & flammivomos ventos excitans. Sextum & ultimum

ultimum genus est *Lucifugum*, & inscrutabile, & penitus tenebrosum passionibusque frigidis, violenter multas res perdens. Ita Pselus lib. de Dæmonibus.

3. Melius alij molestantes *Dæmones* in duo genera distinguunt; in *Mites*, & *Tetricos*, siue *Truculentos*. *Mites* volunt *Lares* dici, qui concubia nocte in domibus versantur, & aliquid facere se, strepitu vario, indicant: nihil tamen faciunt. Germani (inquit Georgius Agricola libro de Animantibus subterraneis) *Guteolos* vocant, à bonitate: alij *virunculos montanos* dicunt, quia plerumq; apparent Nani, tres dodrantes longi. *Truculentos Larvarum* appellatione dignantur: hi familiam terrent, molestant, turbant. Vtrorumque meminit Cassianus, Collat. 7. c. 32. Priorum his verbis: Nonnullos immundorum Spirituum, (quos etiam *Faunos* vulgus appellat) ita seductores, & ioculatores esse manifestum est, ut certa quædam loca seu vias iugiter obsidentes, nequaquam tormentis eorum, quos prætereuntes potuerint decipere, delectentur: sed risu tantummodo & illusione contenti, fatigare eos potius studeant, quam nocere. Posteriorum verò sequentibus: Alios ita esse furori ac truculentia deditos, est manifestum, ut non sint contenti hominum tantummodo corpora, quos suppleuerint, atroci dilaceratione vexare, sed etiam irruere super eminus transeuntes; & affligere illos sæuissima cæde festinent. Ex hoc posteriorum genere inueniuntur plures. Ex priorum fuit, cuius mentionem facit Wilhelmus Parisiensis (c. 8. secundæ partis, partis secundæ principalis) qui cum ioculatore, quem Wilhelmus se vidisse testatur, solebat ludere: nec quiescere eundem patiebatur: quique noctis quietem nunc lapidibus in parietem iniectis nunc tumultu & strepitu suppellectilis, nunc detractò lecto, interturbabat.
4. Sed distinctio hæc non in disiuncta Spirituum genera est, sed in vnius generis Dæmonium *diuersa officia*: Nullos Dæmones crediderim, qui tantum sunt *Mites*: nullos, qui tantum sunt *Truculenti*. Qui nunc mites; post truculenti: Qui nunc truculenti; post mites. Nam nec mitibus deest suabilis, aut nocendi potestas vel voluntas. Et qui ex odio in nos sæuiunt (quia mille artes norunt) etiam in Angelos lucis se transformant, & summam quandoque simulant mititatem.
5. Alij hos molestantes Spiritus distinguunt, pro ratione *Ordinum*, in quibus à Deo creati sunt. Hic nec in hoc errant, quòd ut bonos, ita malos Angelos, nouem Ordinibus distinguunt: nec in illo, quòd quoscunque, quorumcunque etiam sint Ordinum, putant loca infesta reddere. Quamuis enim superiorum Ordinum Spiriti-

Spiritus beati minima officia non subeant; superiorum tamen Ordinum Nequam Spiritus conditionis suæ rationem non habent: & sæpe, non quòd ipsos, pro naturæ suæ conditione, facere oporteat, attendunt; sed quò libido trahit, perficiunt. De quo aliàs, Disput. de Dæmoniacis.

Damnatorum hominum Spiritus duplicis sunt generis. Quidam propter solum originale peccatum, cum quo ex hac vita migrarunt, miseri sunt: quidam propter actualia etiam, quæ commiserunt. Posteriores hos, certis locis, molestos esse posse, clarum videtur ex multis, quæ primo Disputationis Capite allata sunt, exemplis. De prioribus maior est difficultas; præsertim, si, qui cum originali labe discesserunt, infantes fuerunt: aut teneræ adhuc atque immaturæ ætatis.

Cùm enim hæc molestandi ratio horum Spirituum quodquam etiam supplicium sit: quod ob sua ipsorum delicta, de ijs Deus Opt. Max. exigit; omnino ab hoc liberi videntur ij, qui propria voluntate Deum non offenderunt; nec quicquam, quod propter grauius puniantur, commiserunt, ut hi posteriores sunt.

Vniuersim tamen non facilè negauerim, hæc Spiritus posse esse molestos. Quid ita? quia quòd defunctorum manes viuentibus molesti sint; non solum ob defunctorum; quæ commiserunt, sit delicta; sed aliquando etiam viuentium malo merito; quod dignum est mortuorum Spirituum molestatione vindicari.

Non merebatur Cleonice, Byzantina virgo: ut post mortem adesset aliquoties viuenti Pausaniæ: sed Pausaniæ hoc exigebat peccatum, & crudelitas. Non matrem Neronis defunctam propria; sed filij culpa cogebat viuorum rebus sæpe interesse. Et quod post mortem Galba esset molestior, viuentis Ottonis merebatur impietas. De his 1. Cap.

Amauerit pater quidam plus æquo filium, Deumque amando grauius offenderit: Sit alius, qui per nefandam libidinem filium procrearit; quid obstabit, ne dicamus manibus defunctorum filiorum terreri, affligi, atque molestari posse parentes viuos?

Probandum erit, Capite decimo septimo, iusto Dei iudicio fieri, ut crudeles homicidæ innocentium interfectorum Spiritibus infestentur: At verò potest innocenter vita priuari, non adlatus tantum, qui Deum grauius offendit: potest etiam *infans*, & quem solum grauet originalis culpa. quid ni igitur & hic, ut ille, post mortem grauis erit cædis authori? Hoc probabiliter dici pu-


tamus, quomodo contrarium doceat Tostatus in 25. Matth. q. 754.

12.

Purganda anima etiam sunt in duplici ordine. Quædam solas peccatas persolunt, quas in hac vita peccatis grauioribus contraxerunt: quædam etiam leuiiores culpas purgatorio igne deponunt. Vtræque viuorum rebus interesse possunt, & viuentium auxilia excitato strepitu, postulare. Sed tamen illæ in primis, quæ persolvendarum poenarum pondere grauantur. Priorum culpæ facilius expiari videntur, vt ob id hac infestatione, ijs viuorum auxilia implorare necesse non sit. Posteriorum poenæ, quia grauius, & diutius vindicandæ; etiam hac ratione, possunt vel expiari, vel viuentium subsidium obtinere.

CAP. V.

Quinam dictorum Spirituum, præ omnibus, frequentius rebus humanis intersint, & loca reddant infesta.

1.  Mnes Spiritus molestos posse esse, & esse, demonstratum est. An aequè omnes molesti sint, nunc inquiramus. Duplex autem eius, quod quæritur sensus est. Alter, an omnes æquales molestias afferant: Alter, an omnes aequè frequenter infestent, & mortalibus adsint; an potius hi illis frequentius. Posterius hinc definiendum: prius illud alium habet locum.
2. Difficilis autem admodum est illius definitio. Neque enim ex effectibus hinc certum argumentum peti potest; cum sæpe eadem hominum, atque Dæmonum Spiritus operentur. Nec clarum est ex Spirituum confessione; quod & suspecta illa sit; & admodum rarò habeatur. Nec deprehenditur ex Spirituum conditione & attributis; cum quæ quorum propria sint, difficillimum sit intelligere.
3. Sed tamen omnino intellectus res hæc impossibilis non est. Cum enim quæ hinc fiunt, ratione & consilio fiant, si rationem ducem sequamur, posterius veritatem ipsam, si non perfectè assequi, certè à longè intueri.
4. Ratio verò omnino suadet, vt credamus quàm rarissimè Spiritus damnatorum hominum rebus viuentium interesse, & molestias excitare: frequentius purgandorum hominum: præ vtrisque Spiritus Dæmoniorum.
5. Quam enim ob causam credi debet, frequentius rebus viuentium

PARS PRIMA.

23

tium ad esse, & interesse damnatorum hominum Spiritus? An fortè, quia id ipsi expetunt? An quia ita placet Deo Opt. Maximo? An velle id possunt Dæmones, sub quorum potestate damnati sunt?

Expetere hoc non possunt ipsi mortalium Spiritus. quia causam, cur expeterent, nullam habent: habent verò, cur cupere debeant latere, & ad viuos redire nunquam. Prius clarum est ex eo; quod bonum sperent nullum: posterius ex malo, quod suo ad nos reditu incurrunt.

Si miseris bonum aliquod propositum esset; quod viuorum consuetudine consequi valerent, reditum fortè affectarent: At propositum prorsus est nullum. Non fortunarum, aut corporis; quia huius capaces non sunt. Non animæ; quia ea Spirituum horum est conditio, vt secundum animam perpetuò debeant esse miseri, & infelices.

Sed & malum, quod suo ad nos reditu incurrunt, ne reditum affectent, impedit. Illud est honoris, quem apud nos saluum esse cupiunt, iactura: qui in præsentissimum periculum hoc reditu adducitur. An fortè honoris rationem non habent superbiæ filij? quorum, vt diuina habent eloquia, Superbia ascendit semper? Aut in discrimen honor non vocatur; cum socij intelliguntur esse Dæmonum? hostes Dei? ter, in omnem æternitatem, miserrimæ creature.

Dei forsitan voluntate, atque imperio, rebus viuorum sæpius intersunt damnatorum Spiritus? Verum vnde hoc constat? Quod Dei voluntate ad nos redeant certum: quod sæpissimè redeant; nec certum, nec verisimile, imò improbabile.

Habet hoc Deus Opt. Max. vt legum, quas sanxiuit, studiosissimus sit obseruator. Iam verò ita de perditæ salutis hominibus statuit; vt quamprimum ex hac vita discederent: mox sua ipsis supplicia, suis certis locis, manerent, quæ perpetuum sustinerent. An decretum hoc temerè violabit? An locis alijs, quàm à mundi constitutione ordinatis, volet hærere?

Quid verò hîc dubium? Vtrum, quod perditæ hominibus mox à morte, sua maneant supplicia? An quod hæc certis locis miseri sustineant? An quod Deus legum suarum sit studiosus obseruator.

Primum clarum est, vel solo diuitis Epulonis exemplo; qui suorum, quæ mox à morte sustinuit, tormentorum, testis est misera illa & lamentabili oratione; Crucior in hac flamma. Lucæ 16. Scio quosdam hoc argumentum illudere, & docere præsentis temporis verbo, futuras

futuras poenas significari, quas post diem iudicii Epulo, cum alijs damnatis, communes habiturus est: sed attendant illi: vtrum etiam post futurum Iudicii diem velint futuros in mundo Epulonis fratres; quos tamen ipse suo malo desiderat sapientiores reddi: vtrum tunc tempus velint admittere, quo audire licebit Moysen & Prophetas; quos audiendos docet Abraham. Quo tempore licuit Moysen & Prophetas audire: quo tempore superstites erant fratres Epulonis, cruciabatur Epulo. Mox igitur à morte cruciabatur. Sed de hoc aliàs.

13. Et certis locis miseri supplicia sustinent: In Inferno, Damnatorum perpetuo carcere: loco vmbroso, omnis desperationis & miserix plenissimo. de quo licet quidam disputent. Vbinam sit: nobis tamen satis ex Scriptura colligitur, esse intra viscera terræ. *Infernus subitus* (inquit Isaias cap. 14.) *conturbatus est, in occursum aduentus tui.* Et Ecclesiasticus prædicens aduentum Christi ad inferos (cap. 24.) dixit: *Penetrabo omnes inferiores partes terra, & inspiciam omnes dormientes, & illuminabo omnes sperantes in Domino.* Denique explicans Scriptura (Num. 16.) quomodo Dathan & Abiron descenderint in Infernum, ait: *Disrupta est terra, sub pedibus eorum, & aperiens os suum deuorauit illos, cum tabernaculis suis, & vniuersa substantia eorum: descenderuntq; viui in Infernum, aperti humo.*

14. Longè verò est à Deo, quas ipse leges posuit, mox violet. Fidelis est in omnibus verbis suis. Non est Deus quasi homo, vt mentiatur; neque vt filius hominis, vt meretur. Num. 23. Apud ipsum nulla transmutatio, inquit B. Iacobus c. 1. Ipse verò, Ego Deus, inquit, & non muror, Malach. 3. Quid ex his? Hoc scilicet; Non facile redire Spiritus hominum damnatorum.

15. Sed & hoc quærimus, quam ob causam possit Deus velle, vt miseri rebus viuentium, intersint? An vt testes sint suppliciorum infernalium, apud viuentes? Habent hi Moysen & Prophetas, illos audiant. Habent Verbum Dei, illi credant. Fortè credituri sunt ex inferis resurgentibus: Si Moyse, Prophetis, & verbo Dei non credunt, nec credent resurgentibus à mortuis. An fortè volet redire, vt per hos de peccatoribus iussa exigit supplicia, & peccata inflatis malis vindicet? Hic ipsi seruiunt mentes Angelicæ, ab hoc, & alijs (quibus Deo famulantur) officijs dicti *Administratorij Spiritus.*

16. Ex his facile colligitur aut nunquam viuorum rebus interesse hominum damnatorum Spiritus, quod dici non debet; aut interesse rarissime, quod in hoc Capite probare nobis est propositum. Quamuis enim Deus legum suarum obseruator sit studiosissimus: in ijs

tamen

tamen, quæ à libera ipsius pendent voluntate, dispensat aliquando; & non priuati semper, sed communis boni rationem habent quandoque.

Nec Spirituum igitur propria voluntate, nec Dei permisso 17.
frequentius uiuentibus adsunt hominum damnatorum Spiritus.
An fortè hoc uolunt *Dæmones*, sub quorum degunt potestate? Pri-
mum omnium hæc res à *Dæmonum* voluntate non pendet. Quæ
Dei legibus subiecta sunt (quemadmodum esse ostendimus, quod
in Inferno sint damnatorum Spiritus) non *Dæmonum*, nec ullius
creaturæ voluntate; nisi Deus permittat, violantur, aut infringun-
tur. Quocirca hinc maior necessitas, cur ad nos hi Spiritus redire fre-
quenter possint, non petitur, quàm ex ipsa Dei voluntate. Deinde ut
maximè *Dæmonum* uoluntati esset subiecta; cur tamen, redire ve-
lint ad nos Spiritus hos, causam non habent *Dæmones*. Quid enim?
An hoc reditu ipsis seruitur? an sic, quod quærunt, regni ipsorum
propagantur fines? an horum indigent opera, ut mortalibus no-
ceant? Nulla hinc ipsis seruitus præstatur. Regnum ipsorum hoc re-
ditu magnas sæpè patitur defectiones. Per se, ut noceant, sunt
promptissimi & potentissimi.

Quæ cum ita sint, si qui Spiritus raro rebus mortalium interfunt, 18.
profectò *damnatorum hominum Spiritus sunt*. Addiderim & illud non
solum damnatorum hominum Spiritus rarissime ad nos redire; sed
sæpe quoque uiuentibus illudi; ut damnatorum hominum Spiritus
se videre existimant, qui tamen non nisi *Dæmones* sunt, sub damna-
torum hominum forma, & imagine. Hoc quomodo, & quibus de
causis *Dæmones* efficiant, alterius est loci.

Post hos frequentius uiuentibus adsunt Spiritus hominum purgandorum. 19.
Quamuis enim ipsis suus sit determinatus locus, & hoc, pro Dei vo-
luntate, puniantur. desiderare tamen ipsi possunt, ut rebus uiuorum
interfint; & desiderio ipsorum atque expectationi facilius potest
satisfacere Deus.

Damnatorum Spiritus redire non affectant: quia bonum à uiuis 20.
nullum sperant. Desiderant non redire: quia honoris timent iactu-
ram. At alia purgandorum Spirituum ratio. Quia enim boni à uiuis
& sperare & consequi possunt; redire desiderant: & quia honorem
non quærunt; quinimò libenter peccatum suum agnoscunt, redire
non refugiunt.

Neque erga hos ea seueritate, atque vigore iustitia, utitur cle- 21.
mentissimus Deus; duo erga damnatos, atque reprobatos: qui po-
tius, quia ipsos, ut filios clarissimos, amat; seueritatem disciplinæ,
leuiori

leuiori poena mitigat: permittit, vt aliorum ipsis charitas prosit, qui egregia erga bonos omnes flagrant charitate.

22. Accedit, quod & in hoc suo permissu magnæ & multæ rationes Deo possunt esse propositæ, quæ apud Spiritus damnatorum locum non habent: quas, quia aliàs prosecuti sumus, hîc repetere necesse non est.

23. Porro his purgandis Spiritibus *frequentius adhuc viuentium rebus intersunt Dæmoniorum Spiritus*. Hoc ex dictis, & quotidiana experientia est manifestum. Cum enim plurima loca infesta sint; & rarò purgandorum Spiritus adsint; rarissimè damnatorum; omninò necesse *frequentissimè* Dæmonibus loca infesta esse.

24. Idem aliundè demonstratur. Ex Spirituum istorum voluntate & desiderio: Ex Dei prouidentia atque ordinatione: Ex hominum quorundam nunc molestia, nunc patientia, quæ hîc prosequi prohibemur, quod aliàs illa à nobis sint tractata; Disputatione de Apparit. Spirituum.

CAP. VI.

*Qui præ ceteris, vt plurimum ex Spiritibus Dæmoniorum soleant rebus viuentium interesse:
loca reddere infesta, & mortales
molestia afficere.*

1. **I**N maximo numero esse Dæmones extra controuersiam est. Et profani nōrunt hoc auctores; & Sacrarum literarum scriptores. Sed & si his præsidij destituti essemus, vnus miseri hominis exemplum magno nobis potest esse argumento, à quò Dominus verbo *legionem*, id est, 6666. (re-ctius secundum Linsenium in Euang. Concord. 12250.) aliquando expulit.

2. Confusa autem hæc multitudo non est. Quem *Ordinem* Spiritus, antequam ob peccata è cœlo disturbarentur, habuerunt; eundem adhuc habent, habituriq; sunt in omnem æternitatem. Nec mirum. Naturam sequitur Ordo: naturam eandem semper retinent Spiritus. Vt idcirco nouum videri non debeat, quod *Regnum* Spiritus illi habere dicantur, Matth. 12. *Principes* item atque *Potestates*, Ephes. 6.

3. Hinc est, vt quemadmodum inter beatos Spiritus, *tres* distin-

guun-

guuntur Ordines; & in singulis Ordinibus Chori tres: ita inter Dæmoniorum Spiritus, tria prima genera liceat distinguere, & in singulis generibus tres Choros; quos iisdem possemus (quamvis vsus non ita permittat) nominibus, quibus beatos Spiritus solemus, compellare.

Hæc cum ita sint, quæritur, *Omnesne hi Dæmoniorum Spiritus loca reddant infesta, & molestijs mortales fatigent promiscue*, an potius, ex toto numero certi sint aliqui? & qui illi? quorum Ordinum? quorum Chorum? Curiosa forsitan quæstio: sed certè difficilis explicatur: & quæ si non magnam, aliquam potest lucem præsentì Disputationi asserre.

Eius verò solutio non ex Dæmonum voluntate petenda est; sed diuino potius decreto, decretique causis. Si solius Dæmonum voluntatis ratio habenda esset; nullos iuste excluderis. Si diuini decreti, de pluribus merito dubitaueris.

Quid quærunt magis versipelles; quid ita expetunt; quàm, primum ne infernalibus carceribus includantur? Deinde, ut mortaliū generi, quibuscunque rationibus valent, incommodent? Omnium quidem hoc desiderium: sed illorum ardentius, qui naturæ præstantia superant. Quid inde? omnes, & in primis illos superiorum Chorum desiderare loca vinorum infestare, nullamque ipsis pacem relinquere.

Quod inferimus, rectè inferri omnes intelligunt. Sed de *propositionum* veritate forsitan quis dubitat. At non minus certæ sunt omnes, quas ponimus. Certum, omnes Spiritus horrere carceres inferni. Certum, mortalibus omnes cupere incommodare. Certum, horrorem carceris atque nocendi studium maius esse apud superiorum Ordinum Spiritus.

Quòd *Inferni carceres omnes horreant*, malintque quibuscunque alijs, quàm inferorum locis esse, illud probat, quòd hîc in peccatorum poenam, quàm summoperè detestantur; constituti sint: sed in primis ostendit ipsorum oratio ad Christum, ipsos ex homine quodam exigentem, facta; qua significant vereri se, ne ab ipso *ante tempus torqueantur* (Lucæ 8) tum etiam deprecatio, qua ut in porcos & non in abyssum mittantur, rogant, Matth. 8. Scilicet potius in porcos cupiunt mitti, quàm in Inferni abyssum: quod grauius ipsorum in Inferno, quàm porcis, supplicium. Et *ante tempus* torqueri se existimabant; si, ante iudicij diem, ad inferos detruderentur: quod grauioris poenæ loco habebant, quàm si extra inferni locum, suum nihilominus infernum haberent.

9. Quod verò viuentibus cupiant incommodare omnes, nemo non nouit. Clara est Apostoli oratio. *Diabolus, inquit, circuit tanquam Leo rugiens, quarens quem deuoret.* 1. Petri 5. Idem alius Apostolus confirmat; dum docet nobis perpetuum grauissimumque esse bellum non aduersus carnem & sanguinem, sed *aduersus Principatus & Potestates; aduersus mundi Rectores tenebrarum harum, &c.* Ephes. 6.
10. Sic dubium non est, *magis exhorrescere inferni claustra superiorum Ordinum Spiritus.* Quò illorum natura præstantior, eò indignius fuerunt peccatis suis constitutas pœnas. Superborum hoc ingenium est. Præterea, cum pœna ipsis sit hic carcer; quò grauius ipsorum delictum: eò quoque pœna carceris ipsis molestior. at grauius superiorum esse delictum quis dubitat? Nonne grauitatem peccati dignitas personæ, quæ peccat, auget grauissimum igitur huius carceris odium.
11. Nec dubium, *grauius superiorum Spirituum esse odium erga miseros mortales, quàm sit inferiorum.* Cum enim odium ipsorum ex nostro bono proficiscatur; quò perfectius hoc Spiritus cognoscunt, eò grauiori odio erga nos flagrant. At cognoscunt tanto perfectius superiorum Ordinum Spiritus, quanto naturæ dignitate, intelligendi vi, & ingenij perspicuitate inferiores superant.
12. Quocirca, quod initio dicebamus, si ex voluntate Spirituum iudicium petendum esset; non his potius, quàm illis infestatio locorum tribuenda; cum æquè omnes ab inferorum carcere capiant abesse quàm remotissimè: æquè omnes cupiant mortalibus, quas possunt, molestias afferre.
13. Verum, quod omnes cupiunt, non omnibus concessum videtur. *Diuinum decretum ipsis, quemadmodum peccatoribus omnibus, alias leges præscripsit, & posuit.* Exigit Deus pro ratione delictorum supplicia: grauissima grauissimis, leuia leuibus vindicat. Quorum igitur Spirituum grauiora peccata, illorum grauiora supplicia: quorum leuiora; leuiora supplicia.
14. Iam dubium non est superiorum Spirituum grauiora multo esse peccata, quàm inferiorum. Ostendit alicubi S. Thomas grauissimum fuisse peccatum primi Angeli: sed qua ratione ille ostendit huius fuisse grauissimum, eadem grauiora esse superiorum Spirituum facile concludunt docti: grauior igitur constituta pœna superioribus.
15. Quid inde? *Rarius rebus viuentium interesse Spiritus superiorum Ordinum, frequentius inferiorum.* Quomodo hoc? quoniam pœnarum & sup-

suppliciorum, quæ Dæmonibus decreta sunt, haud parua pars sunt ipsi, quibus conclusi sunt, carceres. Si verò inferni carceribus superiores conclusi sunt; quomodo rebus viuentium possunt interesse? eosdemque molestare?

Assertionem hanc haud parum confirmant terriculamenta nocturna, quæ mortes hominum solent portendere. Hæc omnibus propemodum locis; omnibus propemodum temporibus obseruatur: & auctores, vt plurimum inferiorum, non superiorum Ordinum Spiritus habent. quemadmodum docet Libellus de Terrificationibus nocturnis, aliàs à nobis datus. 16.

Cæterum, non ob hæc, vniuersim omnes superiorum Ordinum Spiritus exclusos à viuentium locis volumus: non volumus omnes Inferno ita conclusos, vt nulli inde ad viuos patuerit aliquando, aut adhuc pateat accessus. Quamuis carcer ipsis sit iusta pœna: potest tamen is, qui eos hac carceris iusta pœna exercet, Deus Opt. Max. alia in eisdem aduertere; quam etiam, extra infernum positi, maximo cum suo cruciata sustineant. Hoc solum volumus esse definitum, frequens eos, qui inferiorum sunt Ordinum, & Chorum, loca reddere infesta, & viuentibus molestos esse. Vide Caput 12. de Dæmoniacis. 17.

CAPVT VII.

Quinam ex Spiritibus ijs, qui purgatorias pœnas sustinent, facilius ad viuos redeant, & viuentium suffragia postulent.



Difficilis videtur ad propositam quæstionem responsio: propterea, quòd ex locis purgatorijs reditus Spirituum ad viuos, pro Dei fiat voluntate atque iudicio; quod *abyssus multa* dicitur, Psalmo 35. & hominum ingenio comprehendi nequit. 1.

Nec enim Spirituum pro nobis hîc suppetit confessio. Nouimus multos ex ipsis ad viuos rediisse: sed neminem nouimus, qui, cur si hoc, præter cæteris, priuilegium concessum sit, causas dederit, ex quibus quinam præ cæteris redeant, coniecturam capere possimus. 2.

3. Nec ex peccatis, quæ purgatorio igne expiantur, coniectura petenda est; quasi illi facilius redeant, qui leuiores, & quæ veniam facilius merentur, commiserunt: illi vel nunquam, vel difficilius, qui perpetrarunt grauiores. quoniam & difficile admodum est nobis de grauitate peccatorum, quæ ab alijs committuntur, iudicare; & eorum, qui ex purgatorijs locis ad nos redierunt, quidam leuius, quidam grauius deliquisse videntur.
4. Sic status persona hæc parum facit; fuerit sacris initiatus, qui ad nos redit, an homo profanus; quasi hi præ illis, aut illi præ his facilius uiuentibus adsint. Non tantum redeunt sacris initiati: non tantum homines profani. Ex utroque genere redeunt: ex utroque æquè frequentes redeunt. Nec profanus status facit, quod redeant; nec sacer, quod non redeant; aut contra.
5. Verum quamuis ex his similibusque rebus nulla coniectura capi possit; non tamen omnino nullam esse dici debet. Probabiliter admodum dicitur eos facilius ad uiuos redire, qui dum uiuerent, ut redirent, quasi meruerunt, id est, qui illarum se virtutum studio exercuerunt, quæ diuinam clementiam atque bonitatem maximè solent conciliare. Ne hoc mirum. Cum enim ex singulari Dei clementia hi Spiritus redeant; nonne credi potest ijs hoc præ cæteris priuilegium concedi facilius; qui dum nobiscum communem vitam agerent, eandem Dei clementiam pluribus, maioribusque rationibus sibi conciliârunt?
6. Sed quæ hæ rationes? quæ hæ virtutes? Duæ præcipuæ. Flagrans & singularis erga Deum charitas; & ardens, proximum, & in primis piè in Christo defunctos iuuandi, studium. Non potest non Deus diligentes se diligere; & ob id, ijsdem benefacere. Et omnino conuenit, ut qua quis mensura alijs mensus est, ipsi remetiatur, atque ob id mortuus uiuorum possit experiri, aut etiam expetere suffragia, qui uiuens mortuorum patrocinium suscepit, eosdemque quibus potuit rationibus iuuat.
7. Est & aliud piè defunctorum genus, quod sepius redire solet, uiuentiumque operam implorare. Illorum, inquam, qui ære alieno grauari plenam perfectamque restitutionem, cum ex hac vita discederent, non fecerunt. De horum reditu plurima nostris temporibus referantur exempla. Damnare omnia quis audeat?
8. Scimus, non talibus, sed hæredibus officere, si per hæredes, quæ restitui seriò mandarunt, non restituantur, bona: sed tamen restitutio-

P A R S P R I M A.

31

tutionem illi apud hæredes vrgere meritò possunt; tum quòd omnibus benè velint, sed ijs in primis, quibus ipsi, quouis modo, peccati occasio (vt hic fit) fuerunt; tum quòd hæc per hæredes facta restitutio aliquod ipsis in pœnis leuamen esse possit. De quo plura capite 79.

Quod verò hi Spiritus meritò petere possunt, quidni identidem permittit Deus Opt. Max. & quidem ipsis? Dei charissimis amicis? in rebus (vt alieni est restitutio) ad salutem maximè necessarijs? cum magno sæpe eorum solatio & fructu, quorum bona ab iniquis possessoribus habentur?

Atque hæc ex parte ipsorum Spirituum petitæ sunt causæ. Veruntamen quoniam ex Dei voluntate hic reditus maximè pendet, non negandum est, alias persæpè diuinam prouidentiam habere, cur eosdem reditus permittat: qui nunc ex viuorum, nunc ex alijs defunctorum rationibus petantur: nunc etiam in solam diuinam, mortalium generi occultissimam, prouidentiam referantur.

Addo præterea, nec tantum robur recensitas à nobis causas habere; vt *semper* credi debeat talibus Spiritibus facultatem fieri ad viuos redeundi, eorumque suffragia, excitatis tumultibus, implorandi. Quemadmodum si his diuina clementia mouetur, vt reditum permittat, Spiritus defunctorum possunt gratias agere: ita si reditum neget, non habent, quod conquerantur. fit Spiritibus gratia, quòd redeant: non fit iniuria, si reditus negetur.

C A P. V I I I.

*Qui ex Spiritibus hominum damnatorum facilius
aut frequentius ad viuos redeant, ijsq; ex-
citatis tumultibus molestias
pariant.*

EX peccatis hominum, qui horum Spirituum molestias patiuntur, peccatis item Spirituum, qui molestias afferunt: omnino deprehendi debet, Quinam Spirituum damnatorum hominum facilius frequentiusque ad viuos redeant, & infesti sint. Et meritò, quoniam vel ipsorum Spirituum; vel viuientium peccatis tribuuntur, quæ ab his molestiæ excitantur,

Hacten-

DE LOCIS INFESTIS

2. Huius illud magnum argumentum est; quòd non facilè hos Spiritus molestias attulisse deprehendes, quin vel Spirituum observes delictum aliquod; vel hominum, qui molestias sustinent, culpam. Sed hoc maius, quòd quamuis graue hisce Spiritibus sit inferni carcere concludi, vagarique malint; inuiti tamen ad viuos, vt ab ijs cognoscantur, redeant, & quotiescunque redeunt, in suam (si non aliorum) ad minimum poenam, quæ peccato debetur, redeant.
3. Nec enim videtur vlla esse alia ipsorum reditus ad viuos causa. Ipsi, qui redeunt, sibi bonum non petunt. non petunt alijs: quibuscunque tandem sese exhibeant. Illi, quibus apparent, ipsorum præsentia non delectantur: molestias verò fuerint ægerrimè. An igitur alia de causa, quàm sua, vel viuientium culpa, viuos molestant?
4. Et vt fieri aliquando possit, quòd ob nullam suam culpam ferant molestias viui: quis credat, vt malum aliquod sustineant, quod non merentur, defuncti? Cedit ad viuorum emolumentum, si immeriti aduersa patiantur; ac emolumentum nullum sperant hi defunctorum Spiritus. Quocirca si non viuientium, defunctorum saltem delicto tribuamus, quod inuiti redeant.
5. Cæterùm non omnia vel ipsorum, qui redeant, Spirituum, vel viuientium, ad quos redeunt, peccata, huius reditus sunt causa. Quid? An non omnes omnino Spiritus damnatorum hominum redire necesse esset ad viuos, cum ipsorum nullus sit, quem non sua peccata ad inferos detruferint? Et ex viuorum genere, quàm sunt multi, qui etiam grauib; se inuoluerunt peccatis; & tamen horum Spirituum molestias nunquam experiuntur?
6. Certa quedam peccata sunt, quibus hic, cum molestia coniunctus reditus tribui debere videtur. Nec malè, tum quia rarius accidit; tum quia, cum singulare quoddam insolitumque vindictæ sit genus, singularibus quibusdam delictis, & non promiscuè quibusuis, ille decretus existimari debet. Atque hoc insinuasse forsitan videtur. Porphyrius, l. 2. de abstinentia animalium. Nam cum de prauis & fallacibus Dæmonibus dixisset, mox hæc de Animabus subdit. Tales, inquit, sunt & Animæ defunctorum, quæ varijs oppletæ è corpore migrarunt: conflictantur enim etiam tunc, iræ & concupiscentiæ perturbationibus; & in naturam conuersæ Dæmonum, similes illorum redduntur: noxiæ ac turbulentæ in varias se vertunt formas: ac modò conspicuas se oculis præbent, modò recondunt: & ita eludunt aciem tum intuentium, tum etiam cogitantium. Hoc Porphyrius.
7. Sed quæ ista peccata? Existimo horum alia ex ipsis molestantibus

bus Spiritibus; alia ex viuentibus, qui molestias patiuntur, esse petenda. Vtrique possunt quædam commisisse, quæ propter & illos conueniat redire, viuentibusque molestos esse; & viuentes horum molestias sustinere. Et *qua Spiritum defunctorum?* hæc prius indagemus.

Omnia, si generatim de ijs loquamur, ad vnum genus, quæ charitatis erga proximum iura enormius violantur, reuocari possunt: Si ad species descendamus, alia sunt, quibus officium, quod parentibus debetur, in grauem contumeliam est versum: alia, quibus viscera misericordiæ erga summa, vel graui, egestate laborantes clausa fuerunt: alia, quibus iidem oppressi sunt. Vt huius redditus rectè tria ferè genera peccatorum constitui debeant, *impietas, scilicet, erga parentes: induratum erga egentem proximum peccus: & grauis in subditos tyrannia.*

Et quidem exempla eorum, qui reuer si leguntur, magnam nostræ assertioni fidem faciunt: Sed tamen ratio, quàm hoc conuenienter fiat, clarius demonstrat. Primùm optimo iure hæc pœna damnatis hisce debetur. Deinde, & mortales cognoscant Deum peccata, quibus in proximum grauius peccatur, iustissimè punire (vt hic punit) magnæ rationes probant.

Norunt omnes, quantùm pietas erga parentes filijs commendata esse debeat. Norunt, quantùm supplicium impijs omni iure constitutum sit. Cùm igitur defunctorum Spirituum graue supplicium sit ad viuos redire; quis dubitabit, quin Deus hoc supplicia genere eorum peccata, qui *in parentes impij* fuerunt, vindicare iustissimè velit?

Ita misericordia indigni sunt, qui *misericordiam miseris negant*; & quibus possunt modis & commodissimè valent, miseris egentibus non subueniunt: maluntque cum Dei offensa in greges impudentium canum, aut obscuros Lenones, expendere suas substantias; quàm, cum maximo animarum suarum lucro, Christi membris egentibus conferre. Sacrarum literarum auctoritate confirmata est sententia. *Iudicium illi sine misericordia, qui non prestitit misericordiam.* Iacob. 2. Et hi igitur hac vindicta digni.

Nec meliori loco *tertij illi* habendi sunt. quinimò hoc illorum conditio est deterior, quòd non solum miseris pro ratione suarum facultatum nō subueniant; sed etiam miseros reddant miseriore, & vulnera vulneribus, mala malis addant. Quorum verò aut par culpa est; aut etiam grauior: leuior erit pœna atque supplicium?

Atque quemadmodum horum, vt ita dicam, barbaries mere-

tur, vt hoc supplicij; præter alia, genere vindicetur; ita conuenit, vt viuentes intelligant (intelligant autem hoc misero reditu) hæ eorum iusta supplicia. Sic re ipsa cognoscunt Deum legum suorum esse rigidum obseruatorem: vrgere charitatis leges: humanitatis leges erga proximos non violandas: non opprimendos pauperes: misericordiam miseris exhibendam.

- 14 Quæ diximus, Spirituum, qui redeunt, molestique sunt, sunt peccata. Aliquando non Spiritus in causa sunt: sed *viuentium* peccata merentur, vt infestationes Spirituum horum sustinere debeant. Et *qua illa?* quibus vel *damnatis Spiritibus culparum, suppliciorumque, qua sustinent, fuerunt causa; vel summa crudelitatis in damnatis aliquando argumenta statuerunt.*
- 15 An iniusta priorum vindicta? Iustissima. Cum enim culparum fuerint miseris locij; & suppliciorum, quæ grauissima patiantur, quodammodo sint auctores; nonne conuenit, vt de his miseri sese excitatis tumultibus, alijsque rationibus, vt ita dicam, vlciscantur? & molestant, quos propter perpetuam ipsis in inferno molestiam sunt sustinendæ?
- 16 Sic nec posteriorum iniusta vindicta. Esto, defunctorum delicta hunc reditum non mereantur: merentur tamen summæ crudelitatis viuorum in ipsos statuta argumenta, in quæ etiam his rationibus animaduertere solet Deus: vt quod pluribus rationibus charitatem, mutuumque amorem cupit mortalibus esse commendatum, eo pluribus vindictæ generibus (atque hoc inprimis reditu) intelligant omnes eundem offendi, si violetur:
- 17 Vtrorumque exempla proferre haud esset difficile. Sed quid opus? Plura à nobis primo nostræ præsentis Disputationis Capite allata sunt. Non pauca etiam in reliqua Disputatione obseruantur. Nec desunt curiosis quotidiana, quæ ab alijs malumus obseruari, quàm à nobis hoc loco proferri.
- 18 Quocirca, vt quæ pluribus dicta sunt, contra hamus, *quinque ferè Spirituum damnatorum hominum genera sunt, quæ ad viuos frequentius, faciliusque, redeunt, & molestias pariunt: sunt impij in parentes; sunt immisericordes: sunt pauperum oppressores: sunt miserè seducti: sunt crudeliter necati.*
- 19 Et priores tres ob propria sua delicta redeunt; posteriores ob viuentium adhuc hominum. Quod fit, vt hi molestare definant, si vita excesserint illi, ad quos molestandos redeunt; illi certis hominibus alligati non sunt, possintque nunc his, nunc illis molesti.

testi esse, prout diuinæ prouidentia visum fuerit. Verùm de hoc plura in sequentibus.

CAPVT IX.

Vtrum semper in propria persona adsint uiuentibus Spiritus, dum molestias excitant: & ostenditur ex omni genere aliquando adesse.



D*vobis* modis intelligi potest Spiritus molestijs, quæ ab ipsis afferuntur, uiuentibus adesse, videlicet vel autoprosopos, id est, in propria persona, vel heteroprosopos in persona aliena. Quemadmodum enim quis duplicem personam potest sustinere, propriam, vel alienam: ita potest vel propria, vel aliena persona dici adesse, & se exhibere, atque molestus esse.

De Spiritibus igitur, qui molestias mortalibus afferre creduntur, quæstio est, Vtrum quotiescunque rebus mortalium intersunt, molestique sunt, semper adsint in propria persona: & quæ fieri obseruantur, ipsi præstent; an non ipsi; sed alij ipsorum nomine, quidquid agitur, perficiant; qui ob id ipsorum personam sustinere & gerere dici possint.

Et quæstio est præcipua de humanis Spiritibus. De Damonibus res adeò quibusdam est certa, vt in illam suspicionem venerint; per hos solos, molestias omnes afferri; nullas per Spiritus humanos. Spiritus humanos ita suis locis esse conclusos; vt nunquam exire inde liceat. quo circa & semper illud; uiuentium sensibus, quotiescunque sub humana, quam etiam norunt, Spiritus conspiciantur, aut molestant.

Et sententia hæc nobiles authores habet, teste Maldonato, in 16. Lucæ. Nam Chrysostomus in Homil. vltima de Lazaro, alijsque nonnullis locis: Tertullianus in libro de Anima: & Athanasius, aut quisquis author est qq. ad Antiochum, q. 11. & 13. & Isidorus lib. 8. Etymolog. ca. 9. & Theophylactus in 8. Matthæi, prorsus negant vnquam fieri reditus animarum defunctorum, ad viuos.

Sed & cur fieri non conueniat, multas rationes afferunt. Primum, id viuis utile non esse: qui si viuis non credunt, ne mortuis quidem credent; vt Abraham diuiti respondet. Deinde, quòd si etiam ipsis oculis damnatorum supplicia homines cernerent, nihilo se magis à peccatis abstinere.

Quotidie, inquit Chrysostomus, fures & alios reos ad supplicia duci vident; & iisdem se, propter quæ illi puniuntur, peccatis inuoluunt. Præterea, quod si id fieret progressu temporis res in contemptum veniret: & non magis mortui nos, quàm viui commonerent, ut eodem loco Chrysostomus inquit. Denique, quod ea res multorum errorum causa esse posset; dum Dæmon fingens se alicuius mortui animam esse, homines ludificaret, & quidquid vellet, illis persuaderet, ut Tertulianus, Chrysostomus & Athanasius argumentantur. Nam & cum sciamus, inquit Chrysostomus, mortuorum animas non redire: tamen sæpe Dæmon, per quietem & somnium, qua vna ratione potest; animarum defunctorum personam sumit: quid facturum fuisse, si animas redire sciret. Ita dicti Patres. Quid nos?

- 4 Libenter his concedimus Spiritus Dæmoniorum autoprofopos ad superos redire, iisdemque molestos esse. Ratio fieri posse docet. Probat quotidiana exempla. Communis hic omnium conspirat consensus. Nec est, quod contrarium demonstret.
- 5 Damus quoque his, Non semper adesse humanos Spiritus, etiam tunc, quando omnino adesse videntur. Quot modis hominum sensibus possunt illudere Dæmones? Quoties nunc hos, nunc illos exhibent; quando neutri autoprofopos adsunt? Quoties tumultus, traegediasque excitant, quæ ipsis authoribus fiunt; & tamen Spiritibus humanis tribuuntur?
- 6 Nunc in Angelos lucis se transformant Nequam: nunc Dei simulant personam: nunc Sanctorum hominum; quemadmodum aliàs dictum est. Et qui horum possunt personam effingere; atque dissimulare; non poterunt Spirituum, vel purgandorum, vel damnatorum hominum?
- 7 Non minor est Dæmonum virtus; quàm bonorum Angelorum (si quid beneficio naturæ habent, attendamus.) At Angelos, & hominum, & Christi, & Dei personam sustinuisse tam est certum, quàm quod certissimum. Quidni igitur personam purgandorum Spirituum, atque damnatorum hominum referant aliquando Dæmones?
- 8 Beatissimus Augustinus, libro de Cura pro mortuis agenda, cap. 13. quod probamus, probat: & ex illo colligit: quod eundem Spiritum quandoque eodem tempore in diuersis, maximè distantibus locis apparuisse certa experientia probatum sit: in quibus tamen locis ipsummet reuera fuisse personaliter non facile quis dixerit. Et quise eos Spiritus autoprofopos rebus, viuentium adesse, aut interesse dixerit, quos Necromantici ad viuos reuocare se existimant? Quales fuerunt,

runt; quos Osthaneſ, Necromantiæ nobiliſſimus profeſſor, apud Plinium. li. 30. ca. 2. reuocauit: illi etiam, quos Appion per Cynoccephaliã herbã, quæ in Ægypto vocatur Oſyrites, adduxit, & qua patria Homeruſ, quibuſue parentibuſ eſſet genituſ, docuerũt. Præterea mortuũ, qui ſexto Pompeio exitum Phariſaliæ pugnæ denunciauit, excitatuſ ab Eriſtone venefica, apud Lucanuſ? Omitto hiſ ſimileſ. Atque hæc ex ſententia S. Thomæ 1. part. quæſt. 89. art. 8. ad 2. à nobiſ ſunt dicta.

Cæterũ quãuiſ hæc ita ſint, dici tamen non debet, *humanos 9 Spirituſ, tam purgandos, quã damnatoſ, nũquam, aut oprofopoſ, ad ſuperoſ redire, uiuentibuſque excitatiſ tumultibuſ & ſtrepitu eſſe moleſtoſ.* An fortè loca, quibuſ ob merita deſtinati ſunt, exire non permittuntur? an exire quidem permittuntur; ſed viriuſ infirmitate præpediti, exire nequeunt? An ſi & hoc poſſunt, & illud licet; fruſtra ad viuoſ, redirent; quia nullam nec gratam, nec aduerſam, cum iſdem poſſent habere communionem.

Primũ dici non debet. *Non eſt iſſiſ omniſ facultat hæc loca egredi- 10 endi adempta* Cæleſtiuſ Spirituũ, ſiue bonoruſ Angeloruſ propriuſ locuſ cælum eſt; non minus atque Purgatoriuſ purgandoruſ, & damnatoruſ hominuſ, Infernuſ: veruntamen hi curam noſtri gerunt in terris. Idem cælum propriuſ locuſ eſt feliciũ Animaruſ; & tamen cælõ ipſaſ concludere indignuſ cenſet B. Hieronymuſ. Tu, inquit, contra Vigilantiũ, Apoſtoluſ *vincula in ycu: vt eſſe ad diem iudici cogantur in cuſtodia?* Et ruruſ. *Cũ Diaboluſ & Dæmoneſ vbique toto orbe vagentur: quare Martyreſ poſt effuſionem ſanguiniſ tenebuntur incluſi?*

Fortè hiſ conceditur facultat, quia *feliceſ ſunt: noſtriſ purgandiſ, 11 & damnatiſ negatur; quia ſunt infeliceſ.* At infeliceſ non minus ſunt Dæmoneſ; quoruſ propriuſ locuſ Infernuſ; qui tamen, vt B. Hieronymuſ loquitur, *toto orbe vagantur.* Præterea, quemadmodum illoruſ non in hoc poſita eſt felicitat, vt vbiuiſ eſſe poſſint: ita neque infelicitat horuſ in eo; vt vno tantũ concludantur loco. Illi feliceſ ſunt viſione Dei, vbi cunq; etiam agant: hi infeliceſ ſunt ſuppliciũ igniſ infernaliſ, quem ſecum, quocunq; deueniunt, circumferunt.

Scio Chriſti lege & ſententia purgandiſ Purgatoriuſ; damnati, 12 Spiritibuſ Infernuſ eſſe deſtinatũ: ſed exceptionem illa admittit; quemadmodum lex omniſ, omniuſque Principuſ ſententia. Bonuſ publicuſ legiſlatori ſemper propoſituſ eſt. Hoc ſi lege præterita obtineri poteſt, legiſ ratio magna non habetur.

13 Secundum quoque dici non debet. *Virium imbecillitate non impediuntur* Spiritus humani, cur minus loca sua deserere valeant. Esto, sit grauisimum, quod sustinent, supplicium; vires tamen miserorum non frangit, aut debilitat. Vruntur igne; non exuruntur; cruciantur; non moriuntur: Quocirca cum quæ in Spiritibus omnibus est, in ipsis non desideretur, *se mouendi facultas*; virium infirmitate ne ad nos redeant, non prohibebuntur.

14 Et hoc non de ijs tantum Spiritibus dictum volumus, qui ad æthereas sedes quandoque transferendi sunt. Omnes etiam damnatorum hominum Spiritus, oratio nostra comprehendit; etiam eos, qui in tenera ætate ex hac vita discesserant; quibus hic facultas non fuit, sua, quibus, ut ita dicam vestiti fuerunt, corpora, circumferendi; illi à corporibus expediti, se facile huc, illucque transferre valent.

15 Præterea, quamuis viribus spiritus, vel omnes, vel aliqui essent destituti, autoprolos nihilominus viuentium rebus interesse possent. Nunquid aliorum opera possent transferri? si damnati mox, à corporibus egressi, à Dæmonibus rapiuntur ad inferos: si purgandi à bonis Angelis deducuntur ad loca purgatoria; quid prohibet, cur minus utrique locis viuentium per eosdem restituantur?

16 Forfitan nullam cum viuis possunt habere communionem hi spiritus; ut ob id ipsos redire credi non debeat; quod frustra venirent. Tertium hoc impedimentum insinuabatur superius. sed & hoc nullum est. *Possunt habere cum viuis communionem: & quidem non exiguam.* Quid ita? Possunt se in corporibus, quæ circumferunt, viuentibus exhibere: Possunt tumultus excitare: Possunt molestia afficere: Possunt his similia haud pauca præstare, quæ Capite 13. fusius prosequemur.

17 Et ut ipsi nullam communionem haberent; magnæ tamen & graues causæ possunt esse; cur ipsos *Deus Opt. Max.* ad viuos autoprolos redire vellet: quæ locum non haberent, si, quæcunque spectra conspiciuntur, Dæmonia sint; si quicunque tumultus excitantur, à Dæmonibus excitentur; si quæcunque molestiæ afferuntur, Dæmones habeant autores: has causas hic repetere necesse non est, alibi easdem prosecuti sumus.

18 Nihil igitur est, quod prohibet *autoprolos Spiritus hos mortaliū, vel viuentium rebus interesse.* Quid quod multa ostendant eosdem sæpius interfuisse? Omitto pro hac re communem populi Christiani vocem grauisimam doctorum hominum sententiam

in primis B. Augustini, qui lib. de Cura pro Mortuis agenda, cap. 15. 16. ait, non nisi impudenter negari id posse: idemque confirmat exemplo B. Felicis Nolæ Episcopi, quem ciuibus Nolanis apparuisse testatur sibi constare certis testibus: omitto etiam exempla, Samuelis, quem sacræ literæ offerunt, & aliorum, quos probatæ historiæ suppeditant: ipsa quorundam Spirituum species atque forma, vox & oratio, officia, hisque similia magnum sæpe argumentum præbent, vt omnino autoprosopos Spiritus defunctorum nobis adesse credere debeamus.

Nec Abrahami ad Lazarum facta oratio nobis hîc contradicit; 19 in quâ tamen plurimum præsidij quidam ponunt. Non enim respondet Abraham, non posse, aut non solere ad hanc vitam redire mortuos; quemadmodum ante responderat. *Et in his omnibus inter nos, & vos chaos magnum firmatum est; vt hi, qui volunt hinc transire ad vos, non possint: sed respondet, Habent Moysen & prophetas, &c.*

Constitutum ergo hoc Capite sit, & *Demoniorum* Spiritus ad vi- 20 uentes autoprosopos reuerti, molestosque esse: & reuerti etiam autoprosopos defunctorum hominum; siue ignibus infernalibus ad tempus, siue perpetuò sint adiudicati. Sed qui frequentius? Hoc sequenti Capite definiendum.

CAPVT X.

Qui ex molestantibus Spiritibus frequentius autoprosopos rebus viuentium intersint, & qui rarius.

QUod coniectura, rationeque consequi possumus, in proposita quæstione, id tribus membris concludimus, frequentissimè rebus viuentium interesse autoprosopos Spiritus *Demoniorum*: Rarius Spiritus purgandorum: Rarissimè Spiritus damnatorum hominum. In his astruendis eadem nobis hîc seruiunt rationes, quibus superius, Capite quinto, docuimus rarissimè molestos esse Spiritus hos postremos, frequentius secundos, frequentissimè primos.

Et de *Demoniorum* Spiritibus res clara est multis argumentis. Primò quia etiam quando plerique humanorum adsunt; ipsi non desunt: & sæpissimè ipsi & suo priuato nomine molestant; & nomine Spirituum humanorum; quando omninò necesse est ipsos in propria persona adesse.

Deinde

- 40
- 3 Deinde quotiescunque sub *brutorum animantium* forma conspiciuntur Spiritus; quotiescunque *monstra* exhibentur, dubium non est *autoprofopo* adesse Dæmoniorum Spiritus. Hæ formæ humanis non conueniunt; conueniunt tamen, multis, iustisque de causis, Spiritibus Dæmoniorum. Quoties verò sub his formis conspiciuntur Spectra?
 - 4 Tertiò sæpissimè molestias tantas, & tales sustinent viuentes, in Spirituum infestationibus, vt per humanorum Spirituum vires non posse videantur afferri. Hic si quandoque *autoprofopos* humani Spiritus adsunt, profectò non absunt Spiritus Dæmoniorum. Quòd si iam *ingenium* Dæmonum attendamus; clarius, quod asserimus, intelligetur. Cupiunt ipsi viuentibus esse molestis quocirca & iisdem adesse. Defunctorum hominum alij, id est damnati, malunt hominibus esse ignoti: alij, quamuis cognosci non refugiant, molesti tamen esse nollent, si alijs rationibus necessitates suas explicare possent. Molesti igitur qui sunt, quique conditionem suam innotescere cupiunt, vt plurimùm Dæmones erunt.
 - 6 Deus quoque potest velle; vt iisdem sæpissimè rebus mortalium intersint, partim ob grauia, quæ in improbis vindicanda sunt delicta: partim ob profectum proborum; quorum per Dæmones virtutem exercere solet. Vtraque enim, quamuis alijs rationibus, per infestantes tamen Dæmones, ob plurimas causas, perficit.
 - 7 Nam in improborum delictis vindicandis, intelligunt mortales peccatorum suorum grauitatem: defectus suos atq; errata non latere Deum in cœlis: futuræ vitæ extremam miseriam: infelicissimam suam, nisi resipiscant, conditionem: denique non fabularum loco habenda, quæ de futuræ vitæ, per Dæmones afferendis, grauissimis tormentis Sacræ paginæ recensent: quando eorum etiam in hac vita obseruant, & experiuntur, quamuis leuia, argumenta.
 - 8 Eadem possunt intelligere in proborum exercitio. Sed illud præterea, quod verissimè ab Apostolo dictum sit, *Diabolum circuire, tanquam leonem rugientem; & querere, quem deuoret*: hoc inquam possunt intelligere, quando non ex insidijs tantùm, & occultè nos adigitur; sed palam quoque infestationibus, molestijs, & terriculamentis oppugnat, & exagitat.
 - 9 Hinc tot exempla infestationum Dæmoniacarum, non Ecclesiastici solùm, verùm etiam profani Scriptores literis consignarunt, & posteritati tradiderunt Hinc tot nostris temporibus, si nò apud probos, quorum minor numerus, certè apud improbos Dæmonum, nunc ludificationes, nunc infestationes.

Cæterum, vt Dæmoniaci Spiritus frequentissimè: ita rarissimè 10.
autoprofopos adsunt Spiritus damnatorum hominum. Neque enim ipsi
 causas habent; cur, vt ad viuos redeant, affectare debeant: Neque,
 vt Deus Opt. Max. ipsos identidem redire velit, rationes iustæ in-
 ueniuntur; Neque per Dæmones, sub quorum potestate sunt, redi-
 re frequentius coguntur. Hæc, quia superius docuimus, hîc repe-
 tere non est necesse.

At non ita rarè *autoprofopos viuientium rebus intersunt Spiritus pur-* 11.
gandi. Quæ enim causæ prohibent damnandorum hominum Spi-
 ritus redire; illæ hos ad reditum prouocant. Arcet illos superbia; at
 hi Spiritus, humilitatis sunt alumni; & honoris per hunc reditum
 vel iacturam non faciunt, vel si faciunt, tanti non faciunt; quanti
 bonum, cuius consequendi spe lætantur.

Bonum his proprium magnum est propositum; libertas, videlicet, 12.
 à grauissimis pœnis, hoc illi sperare non possunt. Quocirca hi, non
 illi, in hoc suo reditu singularem Dei clementiam agnoscunt. Est &
 aliorum ipsis *bonum* propositum, quibus se exhibent, hos partim de
 futuræ vitæ supplicijs instruunt; partim ad opera misericordiæ Spi-
 ritualia, cum magno ipsorum emolumento, inuitant. Neutrum
 propositum est damnatis; licet prius aliquando eueniat.

Volet eosdem etiam sæpius ad nos redire *Deus Opt. Max.* non pro- 13.
 pter iam dictas causas tantum; verum etiam quia filiorum loco
 habet, dignosque censet, quibus vberiora suæ clementiæ argumen-
 ta aliquando exhibeat. At hæc in damnatorum hominum Spiritus
 non conueniunt.

Nec eadem necessitate hi Spiritus ad purgatoria loca, quâ illi ad in- 14.
 fernum, alligati sunt. Huius illud haud leue est argumentum; quod
 his nulla sit spes Infernum aliquando relinquendi; illi certissimi
 sint, quod purgatorijs locis perpetuò concludi non possint.

Hæc confirmant ipsorum Spirituum, qui plerumque mole- 15.
 stant, *confessio.* Exorcismis enim adiurati plurimi; vt qui sint, quas-
 ve ob causas ad viuos redierint, prodant; miseriam suam explica-
 uerunt, seque suffragiorum obtinendorum causa adesse pro-

fessi sunt; & fidem verbis suis fecerunt; quia

post suffragia exhibita, omnis per illos

allata molestia & infestatio

conquieuit.

CAP. XI.

An, & unde possit constare Spiritus humanos autoprofopos rebus viuentium interesse.

1. **N**on propositum nobis est hoc loco explicare, quæ res Spiritus humanos prodant: id ad secundam huius Disputationis partem pertinet, ibique multis Capitibus docetur: inquirendum est, Quibus signis deprehendi possit *autoprofopos* rebus viuentium interesse. Multum differunt, Spiritus humanos *adesse*, & *autoprofopos adesse*. *Adesse* possunt, & tamen non *autoprofopos adesse*.

2. Neque hoc mirum alicui debet videri, quia & beatorum hominum Spiritus, qui cum Christo in coelis degunt, sæpe mortalium rebus interesse leguntur; quando tamen *autoprofopos* affuisse dicendi non sunt. Huius D. Augustinus, lib. de Cura pro mortuis agenda, cap. 13: hoc non leue censet esse argumentum, quod eundem Spiritum quandoque eodem tempore, in diuersis, maximeque distantibus locis, apparuisse certa experientia probatum sit, in quibus locis ipsum *autoprofopos* fuisse nemo facile dixerit.

3. Et Christi Apparitiones quædam, nobis hic patrocinantur. Sæpe ille aliquibus legitur adfuisse; quibus non affuit *autoprofopos*. Et doctissimus nostræ Societatis Theologus, Franciscus Soarez Tomo 2. in 3. partem D. Thomæ Disput. 51. Sect. 4. hoc duobus ferè modis putat accidisse; scilicet, aut per solam imaginariam visionem, *qualis*, inquit, *credi potest apparitio facta S. Martino, & similes*, quæ in somnis factæ referuntur, ut de Constantino memorat Eusebius lib. 1. in vita eius, cap. 23. Et Socrates, lib. 1. Hist. cap. 2. & de quodam Iosepho refert Epiphanius Hæres. 30. Aut per repræsentationem extrinsecam & visibilem, in aliquo corpore aëreo, ad eum modum; quo olim, ante Incarnationem solebat Verbum diuinum in specie humana apparere. Et hoc modo exponi possunt Apparitiones factæ S. Carpo, Antonio, & multo magis aliæ, quæ leguntur factæ S. Brigittæ & Catharinæ Senensi, aliæque id genus. Hæc Soarez.

4. Itaque & nostri Spiritus; id est, damnatorum, purgandorumque hominum, possunt dici rebus viuentium interfuisse, & tamen non *autoprofopos*, sed *hetroprofopos* interfuisse; & ob id ex alijs rationibus colligendum, Spiritus humanos rebus viuentium *interfuisse*, ijsque molestias atque tumultus tribuendos; ex alijs humanos Spiritus esse præsentem *autoprofopos*, & per se tumultuum, molestiarumque esse authores.

Porro

Porro quod in rebus plurimis usu venit, ut facilius sit demonstrare, quod res non sint, quam quod sint; & quid non fiat, quam quid fiat; id hic imprimis locum habet. Haud difficile est demonstrare, quando autoprofopos non intersunt viventium rebus, difficile, docere quando intersunt autoprofopos.

Fallit hic *forma* Spirituum, qua conspiciuntur; quia quacunque apparent, alijs quam humanis Spiritibus potest attribui. Fallit *tumultus*; quia possunt omnes, qualescunque excitentur, authores habere Spiritus Angelicos. Fallunt *tempora & loca*, ubi, & quibus molestiae percipiuntur; quia nulla ferè sunt, quæ iisdem Angelicis Spiritibus sunt prohibita. Quid multis? Quidquid humanis Spiritibus proprium videri potest, id propemodum Angelicis potest convenire.

Sed neque Spiritum *confessio*, qua se humanos testarentur, certam nobis fidem facere potest. Quid si non humani sunt, sed mendacium Dæmoniorum, qui hoc profiterentur? Et si humani essent; quomodo constabit, purgandine sint, an damnati? Nam quamvis illi mentiri nec possint, nec velint; ab his tamen, tanquam Dæmonum socijs, mendacia aliena non sunt.

Quocirca omnino constituendum est, certò viventibus constare non posse, quinam ex molestantibus Spiritibus humanis *autoprofopos*; qui *hetroprofopos* molesti sint, ipsorumque rebus intersint.

De quibusdam nihilominus *facilius* creditur, quod autoprofopos adsint; ijs, scilicet; qui ex purgatorijs locis redeunt, viventiumque suffragia postulant. Quemadmodum hos *facilius* ad vivos redire, & *autoprofopos* redire demonstratum est; quam Spiritus damnatorum hominum; ita credendum facilius, eos autoprofopos nobis adesse; si quando adesse, certis argumentis fuerit deprehensum.

Et quid vetat, cur in *propria persona* adsint, suasque necessitates exponant? Non prohibentur imperio Dæmonum: quia illi nullum in hos Spiritus habent. Non destituuntur ministerio Angelorum in hoc opere; quia promptissimi sunt ad sua obsequia charissimis Dei amicis præstanda. Nec volet eos Deus necessitates in aliena, & non propria persona proponere: quia qui vult aliorum patrocínio ipsos iuvare, non prohibere iudicandus est, ut in propria persona patrocinia efflagitent.


Forſitan locū, cui deputati sunt, exire prohibentur. At nec dānati: nec qui in cēlo cum Christo regnāt, ita suis sunt cōclufi locis, ut exire

aliquando non permittantur : quemadmodum aliàs demonstratum est.

12. Constitutum igitur sit, admodum verisimile esse *Spiritus hominum purgandorum in propria persona adesse*, si quando eos ad viuos redire contingit, & rebus viuientium interesse.

CAP. XII.

An Spiritus humani cognoscant, quæ aguntur, vel ab ipsis, vel ipsorum loco ab Angelis (tam bonis, quàm malis) dum rebus viuentiũ interesse dicuntur.

1.  Difficultatem in proposita quæstione quædam Scripturæ loca efficiunt; quæ omnem omnino cognitionem hisce defunctorum Spiritibus adimere videntur. Nam Psal. 145. dicitur : *In illa die* (quando scilicet Spiritus exierunt ab homine, & reuersi fuerint in terram suam) *periturae omnes cogitationes ipsorum.* Et Salomon, Eccl. 9. docet, *Apud inferos nō futuram, aut sapientiam, aut scientiam. Meliorem etiam esse canem viuum. leonem mortuo: propterea, quod viuentes sciunt se esse morituros, mortui autem nihil amplius norint.*

2. Difficultatem hanc augeat Beatissimus Augustinus; qui, libro de Cura pro mortuis agenda, cap. 13. asserit, *nescire animas defunctorum, etiam sanctorum illa; quæ geruntur apud viuos, putatque sibi hinc seruire primū illud, quod Isaia 63. dicitur, Abraham nesciuit nos, Israel non cognouit nos.* Deinde illud 4. Reg. 2. quod promisit Dominus Iosifæ Regis. *Colligam te ad patres tuos, & colligeris ad sepulchrum tuum in pace; vt non videant oculi tui omnia mala; quæ introducturus sum super locum istum.*

3. Et hæc quidem ad omnes defunctorum Spiritus, quomodo cunque ad nos redeant, pertinent; sed tamen in ijs, qui *heteroprosopos* rebus humanis interfunt, locum maximè habent. Si enim beati Spiritus ignorant, quæ apud viuos geruntur, quomodo cognoscent miseri? quamuis etiam rebus humanis *autoprosopos* interfint? quomodo cognoscent, si *heteroprosopos* interfint?

4. Possemus Disputationem hanc ad omne humanorum Spirituum genus extendere; etiam illos, qui *felices* sunt; & cum Deo, in *coelis* regnant: sed nolumus nobis propositos terminos transgredi: no-

di: nostris sumus contenti. De nostris, id est, purgandis & damnatis Spiritibus definiendum est; Vtrum norint quæ geruntur, vel ab ipsis, vel ipsorum nomine ab Angelicis Spiritibus, dum rebus viuentium intersunt.

Quia verò rebus nostris eosdem dupliciter interesse contingit; 5.
& heteroprosopos & autoprosopos; primùm quidem definiendum erit; vtrum, dum heteroprosopos adsunt, quæ geruntur norint: tum deinde vtrum norint eadem quando adsunt autoprosopos.

Initio hîc statuendum est, in graui eos errore versari, qui hosce 6.
Spiritus, mox, vbi corpora deposuerunt, omnis cognitionis volunt esse expertes. Quid? An fortè censent animas cum corpore simul interire? Si verò non intereunt, nullam vitalem exercere operationem? Si verò exercent: quam possunt, nisi intellectus, quæ & prima est, & sine qua aliæ esse nequeunt?

Manet in anima vis intelligendi: eiusque illa est facultas, vt in 7.
operatione sua à corpore non dependeat. Docet hoc fides, non repngnat naturæ Magister Aristoteles. Cur igitur perpetuò otiosam torpentemque dicemus?

Mibi nunquam persuaderi potuit, inquit præclare Cyrus moriens, 8.
apud Xenophontem, tum animam esse insipientem; cum ex insipienti corpore euadit. Non possumus incorporalem, & aternam animam in modum glirium immobilem, torpentemque, sentire. Sententia est D. Hieronymi, Epistol. ad Pammachium, aduersus errores Ioannis Hierosolymitani, de anima extra corpus constituta.

Sunt quoque hîc ipsorum Spirituum pro nobis exempla. Vni 9.
ipsorum ab Abrahamo dicitur, Lucae 16. *fili recordare, quia recepiisti bona, in vita tua.* Idem ipse & fratrum meminit, & multa cum eodem Abrahamo disserit.

Sunt alij, qui de malè transacta vita sua, per Salomonem (Sap. 4.) introducuntur ratiocinantes. Erunt, inquit, gementes, & memoria illorum peribit. Venient in cogitationem peccatorum suorum timidi: & traducent eos ex aduerso iniquitates ipsorum. Hæc paucis, qui plura velit, Toftat. legat: Abul. in c. 25. Matth. 9. 570. & sequentibus.

Quid igitur est, dicet aliquis, quod in illa die, quando Spiritus 10.
corpora egressi, dicuntur peritura omnes cogitationes eorum? Respondeo non peritura dicuntur; quasi nullæ sint futuræ; sed quia non futuræ fructuosæ. Dicuntur peritura cogitationes; quia adueniente morte, peribunt, quæcunque cogitauerunt miseri, & facere constituerunt, nec optatos fines ipsorum consilia consequuntur.

- II. Et quid est, quod apud inferos *neque scientia, neque sapientia esse* dicitur? Quia scilicet nullum hæc emolumentum miseris afferunt, & ob id, ita erunt, quasi non essent. Quocirca idem Salomon, qui scientiam atque sapientiam apud inferos futuram negat, optime hortatur viuentes, ut dum hinc vita superstes est, operentur, si in futura vita fructum sperent; hinc seminant, si metere ibi volent.
12. Sed *mortui dicuntur nihil amplius nosse*: Sap. 9. Imperiorum hæc vox est; non Regis sapientissimi Salomonis. In impiorum ille sæpe persona loquitur, quemadmodum hinc, quando *mortuos nihil post hanc vitam asserit nosse*.
13. D. Augustinus porro nullo modo, omnem defunctorum hominum Spiritibus scientiam rerum, quæ apud nos geruntur, adimit. Præter plurima, quæ naturaliter cognoscunt, docet quædam, quæ apud nos geruntur, non per se; sed Spiritu Dei reuelante, cognoscere. Possunt, inquit, eodem libro, c. 15. *Spiritus mortuorum aliqua, qua hinc aguntur, qua necessarium est eos nosse; & qua necessarium non est eos non nosse, Spiritu Dei reuelante cognoscere*.
14. Constitutum igitur sit *cognitionis expertes non esse defunctorum hominum Spiritus*. An verò nostra, & quæ per ipsos geruntur cognoscunt, dum rebus nostris interesse dicuntur? Respondemus nec nostra ipsius; quæ ipsorum nomine apud viuos geruntur; nec quidem quòd rebus viuientium intersunt, vi sua, aut cognoscere; aut posse cognoscere; & si quid cognoscunt, sola id sibi aliunde facta reuelatione cognoscere. Atque hoc de ipsis dictum esse volumus, dum *heteroprosopos* viuientium rebus intersunt; & quæ fiunt, non per ipsos; sed per Angelicos Spiritus perficiuntur.
15. Non negamus quia multa Spiritus illi cognoscant: & quidem *vi sua, atque naturaliter* cognoscunt. Cognoscant aliorum hominum Spiritus: cognoscunt quoque spiritus cœlestes, quanquam illos perfectè, hos imperfectè: ut post D. Thomam, Gregorius de Valentia, in q. 89. D. Thomæ art. 2. prim. part. Cognoscunt res naturales: in confuso tamen atque communi; ut art. 3. ibidem S. Thomas. Cognoscunt & distinctè, ex naturalibus rebus, illa; ad quæ, dum in corporibus essent, peculiarem habuerunt habitudinem vel per cognitionem, vel per affectionem, vel necessitudinem aliquam. Et hoc S. Thomas art. 4. legendus Toftatus Abul. in 15. Matth. qq. 185. 186. 187. &c.
16. Non negamus quoque Spiritum Angelicorum reuelatione posse cognoscere, & nostra, & quæ ipsorum nomine apud viuentes geruntur. Nunquid sibi mutuò loqui possunt Spiritus? & humani
- Ange.

Angelici? & Angelici humanis? Aut quæ apud nos geruntur, pleraque ignota possunt esse Spiritibus, aut Dæmoniorum, aut bonorum Angelorum?

Vtrum verò Angelici nostra ipsis reuelent; quæque ipsorum nomine illi apud viuos agunt, postea dicendum; Hoc nunc certum esse existimamus. quòd *nisi illi reuelent*, humani Spiritus, siue damnati illi sint, siue purgandi? *cognoscere hac nequeant.* 17.

Quòd dicimus, *ex modo*, quo Spiritus à corpore separati intelligunt, facillè cognoscitur. Duplex illa est S. Thomæ, q. 84. art. 1. ad 1. Nunc enim per species, quas, in hac vita sibi compararunt, intelligunt: nunc per alias, quas, ubi corpora reliquerunt, Deus infundit. Iam verò rerum nostrarum, quæcumque per Angelos ipsorum nomine geruntur, species ex hac vita secum non deferunt. Sed nec earundem species Deus ipsis à corpore separatis infundit. Quomodo igitur vel res nostras, vel quæ Angeli ipsorum nomine operantur, intelligunt? 18.

Fortè rerum harum species secum ex hac vita deferunt? Non deferunt. Species, quas secum deferunt, à rebus iam præteritis, sunt abstractæ, easque repræsentant. & ob id rebus præteritis non autem futuris, aut præsentibus, quales sunt, de quibus nobis sermo est, seruire possunt. 19.

Quòd verò Deus, mox è corporibus egressis, Spiritibus nouas infundat, & quidem rerum harum, quarum aut nullus, aut rarissimus est vsus, quis credet? præsertim cum vel necesse non sit Spiritus nosse, aut nostra, aut quæ eorum nomine apud viuentes geruntur; vel hæc Angelorū reuelatione facili negotio innotescere valeat. 20.

Non igitur *per se* hæc Spiritus cognoscunt, Atque in hanc sententiam locutum esse S. Thomam arbitramur in 1. part. q. 89. art. 8. ad 2. verba eius hæc sunt: Huiusmodi apparitiones fiunt per operationes Angelorum bonorum, vel malorum etiam ignorantibus mortuis: sicut etiam viui ignorantes alijs viuentibus apparent in somnis. ut Augustinus docet l. de Cura pro Mortuis agenda. c. 10. Ita Thom. 21.

Sed an quod ex se non habent; ex reuelatione habent Angelorum, qui illis sua ministeria hîc exhibent. *Existimamus habere, ut plurimum*, Neque enim damnatis Spiritibus vlla esset pœna, neque purgandis vllum solatium, (quæ dici non debent) si se, quamuis in aliena persona, rebus viuentium interesse ignorarent. Atque hoc de priori. 22.

Restat, doceamus, vtrum, quando *autoprosopos* rebus viuentium interfunt. & nostranorint: & se rebus viuentium interesse sciant; & cognoscant, quæ ipsorum nomine, vel gratia, ab Angelicis Spiritibus aguntur. 23.

Et qui-

24. Et quidem *omnia hac* ex aliorum *reuelatione* ipsos cognoscere posse dubium non est. Neque enim deterior est ipsorum conditio, dum *autoprosopos*, quàm quando *heteroprosopos* viuentibus adsunt. Quocirca si hîc possunt, poterunt & ibi, Spirituum aliorum reuelatione, hæc cognoscere.
25. Sed *vi sua* num cognoscunt? Non vna responsione quæstioni propositæ potest satis fieri, quia non vnum quæritur, sed multa.
26. Primum igitur, si quando *autoprosopos* ad viuos redeunt, *redire se, non possunt ignorare*. An ignorare possunt se de loco ad locum transire? aut esse, vbi reuera existunt? vbi agunt? vbi patiuntur? vbi tumultus excitant? vbi sunt molesti?
27. Sed tamen (quod secundo loco sit dictum) *viuentium res, ad quas redeunt, non per se omnes intelligunt*. Dum *heteroprosopos* adsunt nostra non intelligunt; propterea, quòd rerum speciebus atque simulachris careant; at iisdem etiam quando *autoprosopos* præsentibus sunt, sunt destituti: & præterea plurima ipsorum possunt ijs esse occulta.
28. Sic (quod tertio loco dictum volumus) *nec intelligunt semper quacunque ipsorum nomine Angelici Spiritus operantur*. Varia illa sunt, quemadmodum Capite vigesimo quinto à nobis explicabitur. Et quædam quidem *vi sua* cognoscunt, quædam minimè: quæ tamen, vt plurimum Angelorum, qui ipsis quasi deferuiunt, habent reuelatione. Sed hæc ad Scholas magis pertinent.

CAP. XIII.

De causis & finibus, qui tam Deo, quàm Spiritibus & Spectris, in locis infectis, propositi sunt.

- I. **C**AUSÆ & fines, ob quos loca à Spiritibus infecta sunt, vel ex Dei, vel ex Spirituum voluntate petendæ sunt. Hoc Capite, quid vel illi, vel his propositum sit inquirimus. Quia verò Spirituum infestantium tria sunt genera; vtrum idem omnes quærant, an aliud illi explicandum erit.
2. Et quamuis res hæc non prorsus humanum ingenium superet, difficultatem tamen aliquam habet; propterea quod Dei hic, hominumque atque Dæmonum voluntatis rationes, causasque scrutemur, quas cum per se intueri nequeamus, necesse est ex alijs coniectura assequamur. Ab *humanis* autem Spiritibus principium facimus.

Horum

Horum duo sunt genera. Vnum purgandorum: alterum damnatorum. Vt vtrorumque alia, atque alia conditio; ita alij atque alij fines; vbi cumque tandem locorum mortales tentare atque molestare deprehenduntur.

Purgandis vnum, omnibus actionibus, & tumultibus, quos excitant, *per se* propositum videtur, *vt viuentium opera inuentur*. Neque enim excitati ab ipsis tumultus pœnarum ipsorum aliquod leuamen sunt: res per se clara est; Neque his incommodare, aut molesti viuentibus esse desiderant: boni enim sunt. Neque eorum est viuentes aut à vitijs detertere, aut ad virtutum studia excitare hac ratione. Hic Moyses, Prophetæ, & aliæ rationes vniis seruiunt. Suam igitur tantummodo causam agunt. Et quemadmodum singulari Dei priuilegio, alius ipsis, præter communem, pœnarum locus concessus est; ita facta potestas, vt, si possint, viuentium se iuuent subsidijs.

Alijs, *damnatorum* inquam *hominum*, *Spiritibus* non hic finis est. Veniæ ipsis spes nulla est, nec vllis possunt viuentium subsidijs iuari. Vtrumque probè norunt infelicissimi. An quærunt hac ratione alijs aliquod afferre emolumentum? Non quærunt. boni faciunt nihil: boni cupiunt nihil: nullis, quantumuis optimis olim in sæculo sodalibus, aut amicis, bene volunt. *Omnis voluntas damnati iniusta est*, inquit B. Gregorius 8. Moralium. cap. 7. Quid igitur infestationibus quærunt? Hoc ipsum ferè, quod ipsorum socij Dæmones. Sicuti amborum eadem societas & conditio: ita eadem ferè studia: infelicissimorum infelicissima.

Et quid *Dæmones*? Id ipsum, quod omnibus temporibus, omnibus locis, omnibus conatibus, omnibus studijs, quæ hominum causa, vel sponte, vel pro Dei imperio suscipiunt. Quemadmodum semper humanæ salutis, & incolumitatis sunt hostes; ita his terriculamentis, quæ diuersis locis excitant, hominum molestiam, perniciemque quærunt impensè, &, præter hanc, vix aliquid. Nequam sunt semper nequissimi.

Nullum ipsis in pœnis, quas maximas sustinent, hæc terriculamenta leuamen afferunt. Quid quod nec gaudium, aut voluptatem ex iisdem capiant, quamuis etiam vehementer Nequam Spiritibus arrideant? Sicuti felices mentes, etiam ex aduersissimis rebus nullam percipiunt molestiam, atque dolorem; ita ex prosperis Spiritus miseri nullam voluptatem, Purus est infeliciū dolor, nullo gaudio respersus. Purum est felicium gaudium, nullo dolore permixtum. Vide huius duplicem causam apud Ludouicum Molinam q. 46. Disp. 3. in 1. part D. Thom.

9. Sic nec miseri vllum volunt bonum mortalibus, quos infestant, Quod si quædam ab ijs in speciem bene fieri videntur; si in quibusdam videntur commodare; id totum, vt incommodent, faciunt. Quæcumque ab ijs fiunt: qualiacunque ab ijs fiunt; omnia ex prauis finibus, quos sibi propositos habent, vitium contrahunt. Quemadmodum ex B. Gregorio dictum est, Thef. 6. huius Cap. Quid verò in omnibus machinentur, Capite 15. fusius demonstrandum erit.
10. Porro Deo, quemadmodum omnibus in rebus; ita in his infestationibus; non nisi bonum propositum est: siue ipso tantum permitte, non autem imperante: siue etiam imperante; à quibuscunque licet Spiritibus, loca infestentur. Docemus in singulis Spiritibus.
11. In purgandis præcipuè misericordiæ, & bonitatis suæ dat documenta; quæ non ipsi solum defunctorum Spiritus; verumetiam viuentes adhuc homines experiuntur: Illi quidem; quòd hac ratione viuentium subsidia, quasi, emendicare valeant, & peccatis debitas pœnas, aliorum pijs operibus redimere: hi verò; quòd intelligant, ex his, peccata sibi esse cauenda: digna pœnitentiæ opera magno animo subeunda: non expectandas futuræ vitæ grauissimas pœnas; denique materiam sibi benefaciendi, & proximum pijs misericordiæ operibus inuandi præberi.
12. In damnatis peruersorum hominum Spiritibus, præter misericordiæ, præbet etiam exemplum iustitiæ. Quid ita? quia grauissimis remedijs & machinis vrget immeritos mortales ad peccatorum, & malè transactæ vitæ, pœnitentiam. Hoc summæ misericordiæ est, Et dum easdem pœnas quodam modo hominum sensibus obijcit; & ijs locis exigit, vbi peccatorum meritis contractæ sunt, se æquissimum probat Iudicem: vt qui & scelera vindicet; & ibi, cum summo miserorum dolore, vindicet, vbi cum voluptate plerumque contracta fuerunt.
13. In Dæmonum infestationibus duobus modis se Deus habet. Nunc Dæmonum opera vtitur; ipsoque imperante fit, vt spectris. loca sint horrida: nunc permittit ijsdem, vt pro libidine sua suas nequitias exerceant, & spectra exhibeant. Sed tamen vtroque cum hominum, si modò volunt, emolumento. Permisit Dæmonibus potestatem in Iob: in filios eius; in filias: vniuersamque sanctissimi hominis substantiam: quanto verò cum Iob emolumento? Præcepit ijsdem (vt fortè non malè creditur) subuersionem Sodomorum, & vicinorum populorum: & si non illis, quantus alijs horum exemplo metus. iniectus? quot, horum pœna percussi, à fœda peccandi libidine reuocati, saniora sectati sunt consilia?

Quæcunque infestationes locorum Dæmonum opera patratae 14.
sunt, si benèratiocinabimur, hominum emolumenta iisdem Deum
(quo permittente, vel imperante factæ sunt) spectasse, obscurum
non est. id tum in omnibus, tum in singulis facile est deprehendere.

In omnibus ostenditur, præter corpoream, esse quandam naturam 15.
Spiritualem: illam hominum saluti, & incolumitati esse infestissi-
mam: vires illius in corpora, resque corporeas esse maximas: eius-
dem nobis societatem, communionemque peste & angue peius esse
declinandam.

In singulis alia emolumenta capere possumus. In illis, quarum in 16.
fodinis mineralibus author est, discere licet, eos qui diuitias qua-
runt, incidere in laqueos Diaboli; in illa, fundi Hesperiam, mag-
nam esse vim atque virtutem Reliquiarum: in alia, domus infestæ, à
Theodoro Sicæorum Archimandrita, liberatæ, plurimum valere
contra Diabolicos insultus, res consecratas. Sic Deum esse ultorem
scelerum, quibus charitatis fraternæ, iustitiæ, & honestatis iura vio-
lantur, docent illæ, quæ propter Pausaniam, Neronem, atque Otto-
nem excitatæ fuerunt. Aliæ alias habent commoditates. Consule 1.
Caput de his omnibus.

CAP. XIII.

*Inter loca esse quedam alijs magis infesta: Et id con-
tingere, non ex locorum natura, Et conditione:
sed pro Dei atque Spirituum
voluntate.*

Quamuis nulla propemodum loca sint, quæ non infestantes 1.
admittant Spiritus: quædam tamen esse, vbi frequentius
inueniantur, haud pauca sunt, quæ probant: quæ vbi indicaue-
rimus, vnde id accadat, explicandum erit.

Igitur inter horrida magis, & Spirituum infestationibus exposi- 2.
ta loca, primò sunt *deserta & inculta solitudines*. Hoc insinuare vide-
tur Isaias Propheta, c. 24. quando desertas Idumæorum ciuitates do-
cet futuras *domicilia Lamiarum, Dæmoniorum, onocentaurorum, & piloso-
rum*. Idem sanctissimus Ioannes in sua Apocalypsi, ca. 18. dum deser-
tam Babylonem, habitationem vocat *Dæmoniorum*, vt ibidem expli-
cat Ribera. Idem Euangelista Matthæus, c. 4. cum Christum asserit in
deserto Dæmonis insultus sustinuisse.

Sed & suo exëplo hoc obseruare potuerunt olim Eremitæ incolæ; in

primis grandæuus Antonius: de cuius, quæ in *deserto* sustinuit, *Spectris*, sic B. Athanasius. Dæmones (inquit, in Vita Antonij) bestiarum & serpentum formas induentes, omnia, vbi vir Sanctus agebat, protinus repleuere phantasijs leonum, taurorum, luporum, aspidum, serpentum, scorpionum: necnon & pardorum atque vrforum. Et hæc singula secundum suam fremebant naturam. Rugiebat Leo, occidere volens: Taurus rugitu & cornibus minabatur: Serpentes sibilo personabant: Luporum impetus inhiabat: Pardus discolor authoris sui calliditates varias indicabat. Truces omnium vultus, voces horridæ, dirus auditus. Hæc Athanasius. De Antonio etiam, per *Eremum* ad Paulum iter faciente, sic habet S. Hieronymus: Conspicit hominem equo mixtum, cui opinio Poëtarum Hippocentauro nomē dedit, & paulò post: Inter saxosam conuallem, haud grandem hominuculum videt aduncis naribus, fronte cornibus asperata; cuius extrema pars corporis in caprarum pedes desinebat. Hic Antonio respondit: *Mortalis ego sum, & vnus ex accolis Eremiti, quos vario delusa errore gentilitas Faunos, Satyrosq; & incubos vocans, colit*

Hinc ob causam idem Hieronymus *Eremum* dicit *monstroforum animalium feracem*: Cyrillus verò, in cap. 34. *Isaiæ: Spiritus mali*, inquit, *libenter dicuntur in desertis locis habitare*. Et Procopius, cap. 13. eiusdem, *Desertis*, inquit, *incultisq; locis ipsi Dæmones gaudent*. Hinc quidam ipsorum, cum iam eijciendi essent ex hominibus, à S. Germano, Parisiensi Episcopo, rogabant, vt saltem per desertam solitudinem ipsis errare concedatur, si inter homines versari non liceret. ita Fortunatus Pictauorum Episcopus, in Vita S. Germani. cap. 30.

Valet pro his locis exemplum Gordiani, spectatæ fidei hominis, cuius Alexander ab Alexandro meminit, li. 2. Genialium dierum, ca. 9. Hic cum Aretium, cum familiari suo proficisceretur, & ab itinere longè aberrassent, per *difficilia & deuia loca*, vbi nihil viderent culti, sed *saltem nemora*; vergenteque ad occasum sole, labore fessi confediscent; tandem hominis vocem procul audire visi sunt: quam secuti, trium hominum conspiciunt *imagines*, immanes & formidabiles, ultra humanum modum; nigris & demissis tunicis, in veste lugubri funestaque, barba capilloque summisso, horribili facie. Ita Alexander.

Valet & Adriani Patritij Nanarchi, cuius Ioannes Curopalates meminit in Compendio Historiarum, fol. 43. Hic cum ad liberandos Syracusanos, cum exercitu, à Constantinopolitano Imp. mitteretur; & haud prospera navigatione vsus, in portu Peloponensi, qui Accipitris vocatur, hæreret; urbem captam esse intellexit à Dæmonibus

nibus, loca deserta incolentibus. Locus est, inquit Caropalates, in Peloponeso, qui vocatur Palus; propter sylvæ, quæ ibi est, densitatem, hoc sortitus cognomentum. Hic Romanorum classis in statione erat. Quadam igitur nocte, cum Dæmones illic habitantes, inter se colloquerentur, audierunt Pastores heri captas, & solo æquatas Syracusas: divulgataque ab alio in alium fama, ad Adrianum quoque peruenit, qui accersitis pastoribus, diligenterque interrogatis, comperit quæ audierat illorum verbis confirmata: cumque vellet suis auribus ipse ea percipere, ipsos Dæmones percunctatus, audiuit iam captas esse Syracusas. Hæc ibi.

Secundò sunt *loci humida & paludosa*. Afferit hoc quidem Ioannes 3. Bodinus; sed Dominus insinuat alicubi, apud Euangelistam Lucam, cap. 11. dum docet eiectiones ab hominibus Spiritus, *in locis in aquosis non inuenire requiem*, & idcirco ad priores sedes reuerti: significans eosdem in *locis aquosis* requiem inuenire; atque ibi sedes suas figere.

Hinc est, ut apud Aquilonares populos Spectra plura inueniantur, & flammantes ignes (quæ sæpè vel Spectra sunt, vel non sine Spectris) secundum aquas conspiciantur, & ad aquas, ut incautos homines suffocent, prouocent.

Hinc in Cracouiensi tractu, infestus lacus ab omni piscatione incolæ prohibuit; & anno 1283. nouo Spectro factus est celebrior. Rem totam his verbis in sua Polonia refert Cromerus. Memoratur, inquit, in Cracouiensi tractu Spectrum apparuisse. Lacum enim quendam per amp'um infestatione Dæmonum, piscationibus & vsibus hominum exemptum fuisse. Ad eum, hiberna glacie concretum, vicinos cum sacerdotibus Vexilla, Cruces, & Reliquias sacras, quibus vis Dæmonum propulsaretur, ferentibus, piscandi gratia conuenisse; immisso autem reti, primo quidem tractu, contendentibus piscatoribus, tres piseiculos; altero nihil nisi rete conuolutum; tertio denique monstrum horrendum caprino capite, & in speciem ignis ardentibus oculis extractum esse: territis autem & diffugientibus cunctis, Spectrum illud sub glaciem se submersisse, ac toto lacu discursans, terribilem strepitum & sonitum edidisse: afflatosque ab eo nonnullos homines fœda vlcera retulisse. Hæc Cromerus, lib. 9. de Rebus Polonorum, circa finem, fol. 169.

Rursus palustris locus est decem circiter passuum millibus ab Odepe, quod prædium est noui Episcopatus Vendæ in Liuonia. Est enim hic *lacus* (teste Michæle ab Isselt, circa annum 1585. Commentariorum Rerum in orbe gestarum) quæ à Dæmonio sic infestabatur, ut nisi singulis annis sanguis infantium in eum mitteretur, ultra

modum affligeret vicinos, & plurima damna accolis circumquaque inferret.

4. Tertiò sunt *specus subterranea*, præsertim vbi metalla, & alia vñibus hominum necessaria effodiuntur. Vix aliquam inuenias, quæ non Spectrorum nomine sit infamis. Pro horum confirmatione, exemplorum gratia, produximus superius, cap. 1. illam *Annebergicam*, quæ *Corona Rosacea* dicta est: & aliam *Georgianam*, cuius Georgius Agricola meminit, libro de Animantibus subterraneis. Nunc aliam adiungimus ex supra dicto Cromero. Is ita loquitur. In salinis Bochinensibus exaudiuntur nonnunquam canum, gallorum, & aliorum animalium assimilata voces in profundissimis Specubus: idque mali & incommodi alicuius imminentis portentum vulgo habetur. Cromerus libro priore Poloniæ suæ fol. 485.

Refert quoque Georgius presbyter, in Vita Magistri sui, Theodori Archimandritæ, apud Surium Tom. 2. fol. 741. quod cum Gratianopolis, in Gordiana regione, incolæ pro ponte construendo, in lapidibus eruendis occuparentur, magna vis Dæmonum eruperit: quorum pars viros & foeminas illius loci inuaserit, & torserit; pars cæteris graues morbos attulerit: complures occuparint vias, & transeuntibus atque bestiis molestiam pepererint.

Idem Georgius ibidem refert, quod sequitur: *Ex Ponti oppido Heraclea*, inquit Theodorus, cognomento *Lazæas*, diues, & claro loco natus, ad piū virum (Theodorum) accessit, & ad pedes eius prostratus, lachrymans supplicabat; vt ad urbem suam veniret, & in sacra æde sanctissimæ Dei genitricis pro domesticorum suorum salute precaretur. Cū enim domi suæ foderetur, ex ea fossione contrigit, vt magna Spirituum immundorum multitudo, tum familiares suos, tum alios ciues innaderet, & acerbè vexaret. Beatus igitur vir, cū in æde illa sanctissimæ Dei genitricis precari cuperet, abiit cum illo; & desiderio suo satisfecit, familiamque præclari viri & reliquos ab immundis Spiritibus, precibus & supplicationibus liberauit. Ita Georgius.

Sic collis quidam fuit in oppido Sandi, in quo plurima Dæmonia fuerunt, eodem Georgio teste. Cū enim Eutolmius quidam aream suam cuperet reddere ampliorem, & collis iam dicti lapidem amoueret; immundi mox Spiritus egredientes, inquit Georgius, greges, armenta atque homines inuadebant, excruciabant, nec finem malorum fecerunt, donec adueniens Archimandrita Theodorus omnes rursus in locum vnde egressi erant, compulit.

5. Quartò sunt *vasta & ampla arces atque adificia*. Nouimus quasdam
ab ho-

ab hominibus desertas esse. quod Spectris essent horridæ. Nonimus alias, in quibus plurimas molestias indigenæ sustinent, nunc interpeffa nocte, nunc etiam clara luce, Superius quoque Scoticæ illius facta est mentio, quæ à gemitu & eulatu Spirituum nomen accepit, & *Mons dolorosus* dicitur. Cap. 1. Disput. huius.

Quintò sunt *loca memorabili, & crudeli cade clara*. Hoc nomine 6. *Marathonius campus*, ubi aliquot millia ex Darij exercitu ceciderunt, nocturnis Spectris horridus est. Hoc *campus VVormatiensis*, cuius Spectra longiori oratione Trithemius profecutus est.

Referri huc debet *Kerope*, in Lituonia castrum, vnum ex ijs, quæ Moschus Polono cecidit; in quo multi Germani à Moschouitis occisi sunt. Castrum hoc, & tota vicinia, illusionibus diabolicis adeò fuerunt, nostro adhuc tempore, infesta; vt Dæmones palam, & in conspectu omnium, cum luna nocte splenderet, in equis sedentes, effusis habenis, circum mœnia, tanto cum impetu, currebant, vt equi defatigati, sub onere corruerent, & subinde morerentur. Interdum quoque more Moschorum vestiti, integros currus onustos frumento in humeros suos ferentes, omnibus aspicientibus, in vicinum lacum villæ cuiusdam, arci proximum, conijciebant. Hæc Michael ab Isselt, circa annum, 1585. suæ Historiæ.

Referri etiam huc potest incredibile, vt Bonfinius rerum Vngaricarum, Decad. 3. lib. 3. vocat miraculum, quod in Valachiæ quodam campo obseruatum est, post cruentam admodum pugnam inter Dæan & Merchen, eodem genere natos, & de Valachiæ dominatu contendentes Principes. Miraculum Bonfinij verbis ascribimus. Secundo, inquit, tertioque anno, cum plerique in eum campum descendissent, ubi patratam stragem fuisse memorat, editissimumque cadauerum aceruum spectarent; emissam inter ossa vocem subinde exaudiuere tristissimâ, Iesu Christi Saluatoris & Diuæ Mariæ virginis nomina resonantem. Admiratio simul & pavor hos incescit. Cum ad verba subticuissent; eadem paulò post, quasi difficulter expressa accepere. Dum vocem inter ossa disquirerent, portentis desiderio succens; loquax, inter cadauera, caput inueniunt: quod ubi homines sibi adesse agnouit. Quid tam, inquit, stupidi hîc statis viri? christianus ego sum, & magnæ Matri D. Mariæ semper addictus, inexpectatus, inconfessusque in hoc bello occubui. Magna Dea, in cuius tutela vitam degi, me æterni supplicij reum esse non patitur. Hæc me adhuc linguæ compotem seruauit; vt & delicta fateri, & animam sacris ritè Apostolicis lustrare queam: proinde sacerdotem, qui Confessionem exaudiat, & me expiatum reddat,

dat, accersite, quæso. Rogatus, quo tantum à Dea beueficij promeruiſſet, reſpondit: peculiare ſibi id in vita fuiſſe numen, ſeptena, quottaunis in vita ſua, feſta reuerendiſſimè celebraſſe, religioſiſſimisquē ieiunijs, ex pane duntaxat & aqua decorafſe, ſacris fuiſſe quàm ſtudioſiſſimè operatum: illi tantum numini cunctas animi vires dedicafſe. Accerſito è pago proximo ſacerdote, confeſſionem ritè tranſegit, & impetrata erratorum omnium remiſſione, acceptaque nouiſſima luſtratione, id defuncti caput repente contriuit, perpetuoquē quieuit. Hæc Bonfinius.

7. Dictis locis ſextò adiungimus illa, *vbi innocentis ſanguinis effuſi verſantur rei, & crudeles homicida.* Quemadmodum enim quædam loca ob memorabiles cædes clara, Spectris infeſta ſunt: ita quorſdam crudeles homicidas Manes ſequuntur, & infeſtant: omniaquē, quibus ipſi degunt, reddunt horrida loca. Docent hoc cùm alijs, tum ſæpius repititi Imperatores, Nero, Otto, Pauſanias. Cap. 1. Diſput. præſentis.

8. Adjicimus ſeptimò illa; *vbi homines quidam grauius Deum offenderunt, pœnasquē, quas iam vita defuncti ſuſtinent, meruerunt.* Hic nobis ſeruiunt Thermæ B. Gregorij, in quibus Felix Portuenſis Epiſcopus, à præſbytero quodam cognouit, idcirco ibidem illius loci dominum, poſt mortem, obuerti, & pœnas ſuſtinere; quod ibidem diuinam in ſe iram, viuens adhuc prouocafſet. Gregorius lib. 4. Dialog. cap. 40,

9. Sunt præterea, præ cæteris, infeſta loca, *vbi ſedes ſuas habent, qui in granibus verſantur peccati;* ijs maximè, quibus pietatis, iuſtitia, mutuæ charitatis, & honeſtatis iura enormiter violantur. His enim proximos eſſe Spiritus, cùm alia probant, tum exemplum illuſtre, quod verbis Alexandri ab Alexandro, nos Cap. 30. Diſputationis de Dæmoniacis retulimus. Ad hæc loca, illa pertinent; vbi vel Gentilium videntur ſuperſtitiones; vel exulat vera religio. Quàm moleſti Idolorum cultoribus fuerunt Dæmones? Et in Liunia quid non paſſi à fide Apoſtata?

10. Denique illa ſunt loca, *in quibus inſignis ſanctimonia & pietatis homines commorantur.* Hoc, quamvis recentibus exemplis docere difficilius ſit; præteritorum tamen ſæculorum hiſtoriæ tot exempla demonſtrant, vt propemodum ſit oleum & operam perdere ijs recensendis immorari. Refert Caſſianus, Collatione 7. cap. 23. in ipſis Coenobijs, vbi olim degebant Monachi, vel octo, vel decem, ita Dæmones graſſatos fuiſſe, & frequentes: vt non auderent omnes pariter noctibus obdormire: ſed viciffim alijs deguſtantibus ſomnum, alijs vigilas cele-

celebrantes, psalmis & orationibus & lectionibus inhæsisse.

Maximas quoque à Dæmonibus molestias sustinuisse Monachos, ubi B. Gregorius Oratorium suum habuit, in eius Vita docet Diaconus, c. 89. Sic in monte Serrato, insidijs Dæmonis (qui eremitam simulabat) tentatum atq; superatum, & grauissimis se criminibus, fornicationis atque homicidij obstrinxisse virum alioquin sanctum, solitudinis cultorem, Ioannem Garlinum, referunt Annales Hispaniæ, & ex his Patritius quidam Augustanus, germanico idiomate, impressus Monachij, Anno 1588. Legendus Palladius, qui plurima pro hoc argumento exempla suppeditat.

Et hætenus quidem prius huius Capituli membrum explicatum sit. Sed unde accidit, ut hu potius, quàm illu locu Spiritus sint molesti? Hoc secundo loco inquirendum est. Ego verò sic existimo, huius rationem, vel ex natura locorum, vel ex Dei Spirituumq; voluntate petendam esse. Neque enim tertium video, in quod huius causam conijcere debeamus.

Porrò natura loci nullius illa est, ut hos infestantes Spiritus ad se rapiar, atq; deposcat. Quod dicimus, facile intelliget, qui quæ Spirituum conditio sit; quæque ratio locorum, probè perspectum habuerit. Conditio Spirituum est, ut omnis corporeæ concretionis sint expertes: locorum ratio postulat, ut corporum sint fines; corporumq; quorum fines sunt, afficiantur qualitatibus. Cum igitur inter Spiritum, corpusque distantia maxima sit; non est, quod locum per se Spiritus aliquos ad se rapere existimemus.

Magna est inter Spiritus & corpora, si locorum attendamus conditiones, differentia. Corpora quædam non omnibus, sed certis, definitisque locis producuntur: & quædam non omnibus, sed certis locis conseruantur & promouentur: Spiritibus, ut perinde est omnibus locis produci; ita & omnibus esse, & omnibus conseruari. Nec malè, quoniam corpora à cælestium orbium pendent influxu & motu, circumstantiumque corporum proprietatibus & affectionibus. Spiritus ab his subsidij habent nihil.

Quæ temporum, eadem est locorum, apud Spiritus, conditio. Valent illa in corpora, quoniam, ut quidam loquitur, *tempus facit omnia senescere*; & teste poeta: *racitūq; senescimus annis*: at nihil valent in Spiritus. Hi nec senescunt tempore; nec tempore languescunt. Tam sunt hodie vegeti, postquam aliquot annorum millibus fuerunt; quàm fuerunt primo, quo creati sunt, die. Nihil igitur mirum, si nec quicquam in ipsos possint loca.

- 15 *Ex voluntate igitur vel Dei, vel Spirituum locorum pender infestatio? Omnino pender. Quia enim Spiritus quibusdam locis volunt esse molesti; & quia Deus quædam loca Spiritibus vult esse horrida & infesta; idcirco infestantur, idcirco sunt horrida.*

CAPVT XV.

*Qua cause, ob quas Spiritus, maxime Diabolici,
hæc magis, quàm alia, loca
infestent.*

- 1 **H**oc Capite, non cur *loca*; sed cur *certa loca*, id est, *hæc* potius, quàm *illa*, Spectris infesta sint, inquirimus. Prius enim illud, superius, Capite sexto, declaratum: posterius hoc, non sine fructu; ut credimus, demonstrandum.
- 2 Et quamvis quid singulis Spiritibus infestantibus propositum sit, inquirendum esset: modus tamen orationi imponendus est; & solum rationes, cur *Dæmones his potius, quàm illis, locis infesti sint* assignandæ. Etenim, quid humanis Spiritibus propositum sit; & quas ob causas Deus has infestationes permittat, aut præcipiat; quæ Capite sexto dicta sunt, satis superque demonstrant.
- 3 Quid igitur *Dæmonibus* singulis locis propositum est? Respondedo in omnibus quidem terrorem, quem hominibus incutere affectant: in quibusdam præterea nocumentum, quod ipsi cupiunt, afferre: (qualescumque tandem illud sit; siue in corpore, siue in anima, siue in bonis fortunæ) In aliquibus etiam horum nihil moluntur, sed sua tantum seruare videntur libidini: Sed singula loca, quorum Capite superiori meminimus, perlustremus.
- 4 In desertis igitur & ab hominum consuetudine alienis, (de quibus Thesi 2. Capitis superioris) suæ libidini seruiunt, dum infesti sunt, & tumultus excitant. Ne enim nihil agere videantur, dum hisce degunt; artis suæ & potestatis, his terriculis, aliquot dant indicia. Fortè etiam (quod probabile credimus) brutis animantibus hisce locis degentibus, tanquam Dei, hostis ipsorum hominumque bonis, incommodant. Docet hoc B. Hieronymus in Vita S. Hilarionis.
- Quid quod & hominibus, his locis, obesse studeant, & eos, vel ad mala prouocare, vel à bono reuocare? Olim quando infidelibus erant omnia plena, idcirco desertis locis apparebant, ut persuaderent

rent mortalibus, Deos quosdam in terra versari, quibus cutē essent montes, & rura, & pecora: quibus ob id sacrificia offerri oporteret. Hoc facilius tum persuadere potuerunt, cū communis omnium sensus sit, *Deos cum hominibus non conuersari*, vt apud Daniele Prophetam, cap. 2. testantur Magi. Et in animalium tum figura, quæ rarò videbantur, apparebant; vt & maiorem sibi reuerentiam conciliarent, rarò visi: & cū animalia illa viderentur, etiam si in ijs non essent, in illis tamen ipsi adorarentur. At post Christi aduentum apud Infideles quidem idem illis est propositum: apud fideles verò, (presertim homines sanctiores) vt à bono auocarent. Deterere voluerunt Monachos ab incolenda Eremo, quæ ab ipso ferè Apostolorum tempore coliccepta est: *fuitq;* (vt verbis vtat Cassiarū Collat. 7 cap. 23) *Itanta eorum hic feritas vt vix pauci, & admodum stabiles, atq; aetate prouecti: tolerare habitationem solitudinis potuerint.*

Idem ferè propositum est secundis locis; *paludosis* inquam, & humidis. Neque enim vllam aliam, cur loca hæc infestent, si hominibus inculta sint, causam dare possumus. Si verò ad ipsa hominibus aditus pateat præter terrorem, quoque damna afferunt. Hoc superius, Thesi 3. Capitis 14. allata præbant exempla. Nam illo, ex Cracouiensi tractu desumpto, clarum est ipsos à piscatione incolas impediuisse: fatuos verò in ijsdem locis ignes, ad interitum incautos inuitare, communis est plebis vox; & pluri mi suo periculo experti sunt. Sed & hæc loca Dæmones affectare, ob id, possunt videri; quòd signa sint eorum, quibus Nequam delectantur & afficiuntur; *Luxuriæ* inquam, atque nefandorum carnis operum. Vt enim rebus, ita rerum signis delectantur Spiritus.

In *subterraneis specubus* damna mortalibus afferri, aliàs à nobis (id est Thesi 4. Capite 14.) allata probant exempla. Quid si etiam bona, quæ his locis colliguntur, ipsos mortalibus inuidere dicamus? Hoc omninò probare videtur exemplum ex Glyca primo Capite, Thesi 6. allatum.

Fortè & hîc volunt persuasum mortalibus, se bonorum subterraneorum esse dominos; hæcque ab ipsis petenda: quemadmodum illorum quidam, cū Christum tentaret (Matth. 4.) impudenter, omnium, quæ Christi oculis subiecerat, se Dominum esse, haud obscurè insinuauit. Quicquid sit sine hæc bona inuideant: siue se bonorum horum Dominos esse persuadeant, nobis incommodant.

Arcibus & amplis edificijs plures ob causas, possunt esse Dæmo 7

nes infesti; quatinus omnes hæ non in omnibus locum habeant. Sæpe his locis grauissima perpetrata, & perpetrantur, scelera; quibus Dæmonibus seruitur: vt ob id, ijs locis ipsi scelerum quoque esse & molestare debeant, tortores. Sæpe his grauiter afflicti & cruciati Innocentes; quorum Manes hac ratione iustam vindictam postulant. Sæpe miserorum sanguine & sudoribus illa constructa, vt ob id iusto Dei iudicio, non tam hominum, quàm Dæmonum conueniat esse domicilia & receptacula.

8 In locis memorabili, & crudelitate clavis, quæ etiam Spectris infesta esse diximus, (Thesi. 7. Capitis 14.) alia Dæmonibus proposita esse videntur. Nunc enim hic Dei sunt ministri, & carnifices: nunc propria voluntate tumultuum authores. Ibi non tam placet, quod iustitiæ sint ministri, quàm quod in homines sæuire valeant: hic forsitan, in errorem moliuntur inducere viuentes: vt damnatorum animas credant non infernalibus supplicijs torqueri.

9 Quando Innocentium homicidas suis locis persequuntur; si id Deo imperante non faciunt (qui hic etiam ratione scelera vindicat) certè, vt ipsos molestant: in desperationis foueam præcipitent; sibiq; crudeles manus afferant: quærunt versipelles.

10 Delectantur quoque locis, vbi graua commissa sunt crimina. Et quid mirum? graua ipsis crimina perplacent; ipsis authoribus sæpe perpetrantur: ipsis tortoribus vindicantur. Tumultus igitur iisdem locis quasi lætitiæ quedam signa, exhibent: & de misera mortalium conditione, ob perpetrata, ijs locis, crimina, triumphant: & ea quasi sui iuris loca esse, quibus ipsis strenuè seruitum est, his molestus insinuant.

11 Erquemadmodum Deus singulari ratione adest sibi seruentibus, suamque voluntatè, pro virili exsequentibus: ita ijs locis libenter inueniuntur præsentès, præsentiamque suam testantur Dæmones, quibus ipsis seruitur. Hanc ob causam superius, Thesi 9. capitis 14. inter loca Spectris infesta illa posuimus; vbi sedes suas habent, qui grauib; peccatis se inuoluunt; in primis verò ijs, quibus pietatis, iustitiæ, fraternæ charitatis, atque honestatis iura violantur apertius. Ita propter incolarum scelera Dæmonibus infestus fuit fūdus Barbilianus, quemadmodum in Vita S. Gregorij testatur Ioannes Diaconus, lib. 4. cap. 93.

12 Cur è Sanctu viru inhabitata loca Dæmonum infestationi frequentius exposita sint, quod Thesi. 10. Capitis 14. asseribamus, per se clarum est. Quas ob causas viros Sanctos persequuntur; easdem ob causas tumultibus & infestationibus excitatis, vbicunq; locorum posunt

sunt, iisdem sunt molesti. Quidni persequerentur, quos oderunt? At, *Credite mihi*, inquit B. Antonius, (vt in Vita eius testatur Athanasius) odio prosequitur, & pertimescit Satanas Sanctorum vigilas, orationes ieiunia, voluntariam paupertatem, misericordiam: humilitatem; maximè autem ardentem amorem in Christum Dominum.

CAPVT XVI.

Non aequales omnibus locis, omnes homines à Spiritibus molestias pati; sed quosdam alijs plures & maiores, & in quo inaequalitas hæc posita sit.



LOCA infestari demonstratum est. demonstratum quoque ita infestari, vt infestationes ipsæ atque molestiæ ac homines perueniant. Vtrum verò ad omnes aqualiter pertingant, an quidam præ alijs, vel sæpius, vel grauius molestantur, quæritur. Nos vbi, in quo hæc inaequalitas consistere possit, primùm exposuerimus, ad quæstionem propositam. quod res esse videtur; respondebimus.

Molestiæ igitur hæ, vel modo, quo accidunt, differre possunt: vel *malis*, quæ afferunt: vel actuum numero & frequentatione. In modo, considerandæ sunt variæ molestandi rationis: In *malis*, damna quæ rebus mortalium Spirituum opera, accidunt: In *numero*, multitudo & pluralitas molestiarum.

Diuersæ molestandi rationes in his consistunt; vt vel solùm tumultus & strepitus à Spiritibus excitentur: vel solùm, sine strepitu, viventium conspectui ipsi se obijciant: vel primò quidem præsentiam suam aliquo strepitu indicent; deinde mox se videndos exhibeant. Rursus, hæc omnia, vel fiant sine oratione & sermone: vel ita, vt etiam loquantur Spiritus. Præterea, fiant vel sine vlla viventium alia, quàm quæ his actibus percipitur, molestia; vel cum alia aliqua, vt si dormientibus stragula detrahant; ipsos lecto ei jcient, candelas extinguant, suppellectilem, qualiscunque illa sit, evertant, &c.

Mala, quæ afferre possunt, præcipuè cernuntur in duobus bonorum generibus, corporis & fortunæ. Animæ siquidem bonis nobis inuitis, incommodare Spiritus non possunt. In corporis ma-

lis pono verbera, vitiones, mutilationes, & his similia; in fortunæ verò damna, quæcunque in externis bonis accidunt.

5 In *numero* diximus pluralitatem molestiarum attendi; & actum quibus molesti sunt, frequentationes. Quocirca illis molestiores Spiritus dicendi sunt; qui ipsorum insultus plures sustinent: contra illis minus; qui eisdem vel semel, vel non ita frequenter experiuntur quamquam accidere possit; vt vna aliqua, quæ accidit molestia, grauior dicenda sit, vel ex *modo*, quo accidit, vel ex *malo*, quod affert; quàm alioquin multæ, in quibus minus malum affertur, aut minus molesti sunt Spiritus. Ex *dictis* æquabilitatem, inæqualitatemque molestiarum metimur. Nunc *æqualesve Omnes. Omnes omnibus* sint definiamus.

6 Pro huius definitione haud parum seruit, quam superius (Cap. 2.) posuimus distinctionem; qua loca alia *per se* infesta diximus, alia infesta *propter homines*. Etenim in ijs, quæ *propter homines* infesta sunt, res difficultatem vel nullam, vel parvam habet. Certum omnino est in his certos homines, & plures & grauiores molestias sustinere. Cùm enim *per se* hæc loca infesta non sint; sed infestatio homines sequatur, & persequatur; quis dubitabit, quin illi, quorum causa loca infesta sunt, vel soli molestias sustineant, vel alijs plures grauioresque sustineant?

7 At in *per se* infestis, vna omnium, quæ ijs degunt & versantur, videtur esse ratio & conditio, vt quemadmodum communis est locus, ita communis sit omnium, locum inhabitantium, molestia. Neque enim *propter homine* hæc loca infesta sunt, sed *per se*. Quocirca fit, vt quicumque & qualescunque homines loca hæc accedunt ipsas locorum molestias sustinere debeant.

8 Et ita quidem non malè aliquis iudicauerit. Sed tamen, qui exemplorum rationem habere velit, etiam *his locis molestiarum inæqualitatem* deprehendet; obseruabitque quosdam præ reliquis minus infestatos: rursus, alios præ alijs grauiores molestias sustinuisse. Prius illud confirmant Spiritus in Idolis latitantes, quorum quosdam statim conticuisse, & responsa negasse legimus: postquam iisdem locis Christiani, vel essent conpecti; vel se signo crucis munuissent; Potterius in omni genere Spirituum clarum est. In genere Dæmonum probant spectra; quæ Antonium, Paulum, Hilario- rum, aliosque Eremitas, præ cæteris affligerunt: & illud, quod imago Bingenfi à rustici latere discedere noluit. In genere Spirituum *purgandorum* anima Paschasij, & cuiusdam alterius (de quibus
Thesi

Thesi 3. Capitis primi) qui non quosuis, sed certos agresi sunt. In genera denique damnatorum hominum, Spiritus sociorum Diomedis, de quibus, 18. de Ciuitate Dei, Cap. 18. B. Augustinus.

Spirituum quoque ingenium, si rectè perscrutabimur: & hominum conditiones, si attentius intuebimur, inæqualitatem molestiarum admittit. Non omnium Spirituum idem est ingenium: nec idem omnibus in infestando propositum est. Sic hominum quidam sunt, quos præ cæteris iustius, etiam in iisdem locis Spiritus molestare & tentare desiderare possunt. Quod si igitur hinc iudicium aliquod peti potest; & *purgandas animas & animos damnatorum, & malignos Spiritus*, quosdam præ cæteris molestare, vel certè molestare desiderare, credi potest.

Purganda animæ, præ cæteris, molestæ erunt duobus hominum generibus. primum Catholicis: tum deinde affinitate, vel consanguinitate, vel quauis alia ratione magis coniunctis. Ratio huius ex fine, qui hisce Spiritibus propositus est, petitur. Subsidium uiuentium illi quærunt à quo igitur sperare hoc possunt; hos præ cæteris tentabunt. Ad ab Infidelibus, & non Catholicis, qui nullas animas purgari credunt, sperant nihil. Sciunt hos uiuorum, quæ fiunt pro defunctis, suffragia subsannare. Inter Catholicos autem, (qui defunctorum Spiritus uiuorum meritis iuari credunt) ab ijs maximè sperabunt, quibuscum magis sunt coniuncti. quocirca & Catholicos pro subsidio tentabunt; & inter Catholicos ibi maximè coniunctos.

De his Spiritibus crediderim verum esse, quod vulgo dicitur, rarius Hæreticos, quàm Catholicos, à Spectris infestari: & magis infesta esse Spectris Catholicorum, quàm Hæreticorum loca; quia, scilicet, ad Hæreticos redire non affectabunt Spiritus, qui spem uitæ æternæ consequendæ habent.

Animæ damnatorum, quamuis nulli bene, & omnibus malè uelint; erga eos tamen infestiori animo sunt, qui pœnarum atq; suppliciorum infernalium ipsis sunt authores. Res hæc dubia non est. At odium sequitur vexandi, persequendi, molestandi libido. Hos igitur præ cæteris persequentur.

In infestatione *Dæmonum* potest haberi ratio vel criminum, ob quæ Spiritus iustè mortales persequuntur; vel libidinis, peruersæque voluntatis, qua nocere desiderant. Ratione prioris maiores molestias patientur, qui grauioribus pluribusque criminibus sunt impli-

implicati: ratione posterioris, qui integrioris sunt vitæ.

14. Et quamuis vtrique grauiiores molestias sustineant quandoque in posteriori tamen genere, illorum scilicet, quos *ob sanctioris vitæ studium* Dæmōnes persequuntur, plura sunt exempla. Omitto celebres illos Eremitas incolas, Paulum, Hilarium atque Antonium, religiosorum & ordinum primos authores, quorum, aliquorum vires sub onere molestiarum propemodū defecisse videri poterant: quanta ab iisdem tortoribus passus V Vilhelmus Pictauorum Comes? quanta Macharius Alexandrinus? quanta Guthlacus atq; Sabas, viri sanctissimi? priorum Eremitarum egregij æmulatores?

15. Nec Eremitis tantū molesti fuerunt hi Spiritus, alios eiusdem propositi, quamuis alterius sexus, quoque infestant. Euphrasiam virginem sanctam, de tertio solario aliquando præcipitarunt: aliquando in puteum detruserunt: aliquando grauissimè sauciârunt. S. Catharinam, sanctæ matris Brigittæ filiam nunc è lectulo excusserunt; nunc etiam miserè cæciderunt. sic sanctissimæ Marinæ fuerunt molesti, partim terribilibus formis, quas finxerunt; partim execrandis sibilis; & grauib; quos in aëra sparserunt, odoribus: quemadmodum reseatum gestæ, per insignes Auctores descriptæ, demonstrant. Apud Surium in Tormis, quos de Sanctis edidit.

16. Causam verò huius pulchrè ostendit Fulbertus in Vita S. Aichardi Abbatis Chimesiensis, apud Surium Tom. 5. Sublimiora studia, inquit, Diabolus subtilioribus infestare non desinit insidijs. Carnalibus namque & huius mundi amatoribus, quos in præsentis vitæ voluptuosa latitudine ambulantes comperit, quasi parcendo blanditur: quia nimirum de his securus. Ad Spirituales se conuertit, & his acrius instat; more latronum ad prædam festinâtium: quidum fugientem innocuam turbam insequuntur, quoscunque cursu superant, hostransilientes à tergo relinquunt: in eos verò, quos præ oculis conspiciunt eminus fugientes, in eos, inquam, studio consequendi, vires totas effundunt, & impetu maiore prosequuntur. Veruntamen si reliquis captis ex omni turba vnus euaserit, ex hoc vno inter eos læpius magis fit querulosa recitatio, quàm ex vniuersis captiuis exultatio. Ita

Fulbertus.

CAP.

PARS PRIMA.
CAP. XVII.

65

Quinam præ cæteris, Spiritum molestiis & insultibus expositi sint, & quibus de causis quosdam, Spiritus præsertim Diabolici, hostilius persequantur.

Quinam in locis per se infestis, insultus molestiasque sustineant, ^{1.}
ex iam præcedenti Capite dictis clarum est. Certum quoque est, in ijs locis, quæ propter homines infesta sunt, eos vel solos, vel sæpius, & grauius infestari, quos propter loca sunt infesta. Explicandum nunc est, *Qualesnam illi sint, propter quos loca hæc infesta reddantur, & spectris horrida: siue vt clarius dicatur, Quosnam homines Spiritus singulariter persequantur & molestant.*

De duobus verò hominum generibus, *bonis* inquam, & *malis* quæ- ^{2.}
ritio est: & de vno Spirituum, qui molestias afferunt *de Daemonibus*. In reliquis res non magnam habet difficultatem. Quod igitur in Disputationem vocatur, hoc est; *Vtrum quicumque, persecutiones malignorum Spirituum sustinent; suis semper meritis exigentibus, sustineant: an etiam aliqui præter vlla sua merita, has patiantur.*

Atque hoc definiendum nobis est præsentī Capite, veruntamen ^{3.}
non hoc solum *speciatim* etiam explicanda sunt *crimina eorum*, qui ob sua merita Dæmonum insultus, atque molestias sustinent: vt non solum sciatur, quosdam ob peccata, Dæmones molestantes sustinere; sed etiam, quænam illa peccata sint (neque enim vnum est peccatorum genus) ob qua sustineant, intelligatur.

De priori verò sic sentio: Non vnus generis hos esse; sed *tam ma-* ^{4.}
los, quam bonos, Spirituum insultus sustinere: hoc est, quosdam ob sua merita, quosdam absque vllis suis meritis; & priorum quosdam, ob graues excessus eosdem sustinere; alios ob leues defectus. Vt Tria in vniuersum loquendo, sint hominum genera, qui Dæmonum persecutiones sustineant: innocentes, improbi, medij.

Quod enim de vniuerso persecutionum genere dicitur: id ^{5.}
in molestantibus Spiritibus locum habet. Non omnes persecutiones ob peccata accidunt; nec omnes sequuntur viros innocentes. Quædam sunt, quæ peccatorum, nunc enormium, nunc leuiorum sunt vindictæ: quædam, vt innocentium patientia, atque probitas innotescat, afferuntur. Eodem prorsus modo, quosdam idcirco

I. probat

probat maligni Spiritus molestantur; quòd suis peccatis id meruerint: quosdam absque vlla sua culpa, magna tamen diuinę providentię dispositione.

6. In locis *per se* infestis, rem ita se habere dubium nō est. Ob grania delicta persecutionem à Spiritibus passi olim plures Gentiles. Ob defectus leues, si non omnes, certè plurimi in agro Bingenfi, absque vlllo suo merito, Eremitę cultores. Quod si igitur *per se* in infestis locis, non vna molestandi ratio: quid mirum, si & in locis *propter homines* infestis, ob diuersas causas molestię adferantur diuersę.
7. Quocirca prauum est, & perversum eorum iudicium; qui mox criminis eos damnant, quos Dęmones persequuntur. Quemadmodum non omnes, qui à Spirituum infestationibus liberi sunt, integrę sunt, & inculpata vitę; ita neque omnes, qui ipsorum insultus sustinent, meritis suis ita exigentibus, illos sustinent.
8. Sed in re clara pluribus opus non est: *Crimina*, & quidem *maiora illa, quę Spirituum hac quasi carnificina vindicantur, inquiramus*. Illa, ni fallor, *duplicis sunt generis*. Quędam sunt, quibus apertius Christianę Charitatis iura violantur. Quędam, quibus Deo grauior ignominia irrogatur. In priori genere sunt iniustę cędes, pauperum oppressio: atque in parentes impietas. In posteriori blasphemia: violata religio, hęresis & traditio sui ipsius Dęmonibus facta.
9. Non negauerim *alias* ob culpas, alios sustinere persequentes Dęmones: sed tamen has crediderim esse precipuas; quę vel his molestijs vindicentur; vel vt vindicentur, magis mereantur. Ostendamus in singulis generibus, quod asseremus.
10. *Cades & neces iniusta allata, his infestationibus vindicata sunt*, in Nerone, Pausania, atque Ottone, Imperatoribus, de quibus 1. Capite. His addimus hominem, quem se in vinculis vidisse scribit, lib. 2. ca. 3. de Dęmonomagia, Bodinus; qui, ira percitus, vxorem occiderat: post, singulis noctibus, ab vxoris Spiritu se miserè cędi conquestus est.

Addimus aliud Aristidemi, viri nobilis, familię Aepiradarum, apud Messenios; qui cū oraculo Delphici Demonis intellexisset diuturni belli, quod Messenij gerebant cum Lacedęmonijs, victoriam penes ipsos futuram, si puram virginem Deo immolarent: gratificaturus ille patrię primū vnicam, quam habuit, filiam destinauit sacrificio; deinde vbi intellexisset corruptam à quodam, (qui vt miseram conseruaret, à se gravidam fingeat) excandescens iracundia, interfectam filiam dissecuit. Huic enim post mortem foęda specie apparuit filia, adeoque perculsit, vt ad tumultum eiusdem

dem sese miser iugularit. Hoc Casparus Beucerus lib. de Diuinat. 11.

De pauperum oppressoribus suppetunt plurima exempla domestica: sed quia odiosa, proferenda non sunt. Iustissimam verò hos, cum homicidis, Dæmonum molestiam sustinere inde colligitur; quòd vix alio, quàm homicidarum, loco Deus Opt. Max. ipsos habeat. Ita sacra docent eloquia, Ecclesi. 34. *panis egentium vita pauperu: qui defraudat illum, homo sanguinus est. Qui aufert in sudore panem; quasi qui occidit proximum suum.*

Impietatem erga parentes grauissimum esse crimen, cùm alia multa doceant; tum illud, quod ad honorem parentibus exhibendum insigni præmio Deus nos inuitet. Et hanc igitur iustè per infestantes Dæmones, vindicari credi debet. Est pro hoc insigne exemplum: quod, quia ad longum, in illa de Dæmoniacis disputatione ex Alexandro allatum est Capite 30. hîc repetere superuacaneum est. 12.

Blasphemos Spirituum insultibus iustè puniri, vel ipsi blasphemi, si non verbis confitentur, certè rebus ipsis probant. Quomodo verò? quia nullo loco sibi sunt tuti. Sicuti suam semper secum ferunt carnificinâ, conscientiam; ita vbique blasphemie ultores credunt adesse Spiritus. 13.

Sed nec hîc desunt blasphemorum exempla, quos in hac vita Spiritus sunt persecuti. Notum est, quod de blasphemo puero scribit B. Gregorius 4. Dialog. cap. 18. Verba eius ascribimus. Quidam vir cunctis in hac vrbe (Roma) notissimus, ante triennium filium, habuit, annorum, vt arbitror, quinque; quem nimis carnaliter diligens, remissè nutriebat, atque idem paruulus, quod dictu graue est, mox vt eius animo aliquid obstitisset; maiestatem Dei blasphemare consueuerat: qui in hac ante triennium mortalitate percussus venit ad mortem: Cumque eum suus pater in sinu teneret, (sicuti hi testati sunt, qui præsentes fuerunt,) malignos ad se Spiritus venisse, trementibus oculis puer aspiciens, coepit clamare: Obsta pater: obsta pater. Qui clamans declinauit faciem, vt se ab ijs in sinu patris absconderet. Quem cùm ille trementem requireret quid videret: puer adiunxit dicens: Mauri homines venerunt, qui me tollere volunt. Hæc cùm dixisset, maiestatis nomen protinus blasphemauit & animam reddidit. Ita B. Gregorius.

De alio blasphemo aliud pro præsentis argumêto exemplū recenset alius Gregorius, Turonensis in quâ, l. de Gloria Confess. c. 67. Ad Basilicam S. Lupi, inquit, Maurus cuiusdam seruus, negligentia admissa confugit. Frensdès verò Dominus eius de vestigio profectus ingressus Basilicâ nec oratione prostratus blasphemias in Sanctum euomere coepit, ac dicere. Et tu Lupe; seruum meū auferes, & propter te non

licebit mihi in eum ultionem debitam exercere? Et iniecta manu seruum trahere coepit dicens: Non mittet hodie hic Lupus manum suam de sepulchro, ut eruat te de manibus meis. Hæc dicente misero, extemplo lingua, quæ in Sanctum blasphemias effudit, diuinitus obligatur: atq; mutatus homo, debachare coepit per totam ædem, dans mugitum ut pecus, sermonem ut homo non proferens: tertia denique die cum graui cruciatu vitam finiuit. Hoc Turonensis.

14. Religionem violari multis modis contingit. Sacramentorum profanatione: Templorum euerfione atque spoliatione. Imaginum, statuarumq; & Ecclesiasticæ suppellectilis confractio: Reliquiarum Sanctorum contemptu atque irrisione &c. Quibuscunque modis violetur, dubium nullum est, *ipsius violatores iustissime posse pati Dæmones infestantes*; quando pluribus exemplis, tam recentibus, quàm veteribus, clarum est; & olim passos esse Dæmonum molestias; & nostris temporibus, in Galliæ atque inferioris Germaniæ tumultibus, pati quàm plurimos. Vide pro hac re exempla apud Petrum Cluniacensem lib. 2. Miraculo. cap. 1.

15. *Hæresum, siue prauorum dogmatum inuentores, atque doctores, sibi à Spirituum malignorum infestatione posse timere* docent, post alia, Lutheri, Zvinglij, atque Carolstadij, nota exempla. Lutherus ipse testis est Dæmonem à se visum; se salutasse; multis argumentis Missam oppugnasse; socium in comedendo sale fuisse. Zvinglius testatur, se suum, de Eucharistia, dogma à Spiritu (haud dubium) nigro accepisse. Carolstadium à Dæmone fuisse interfectum haud obscure docent Basilienses. Vide Cap. 12. de Dæmoniacis.

16. Quod *qui Spiritibus malignis se tradunt, à malignis Spiritibus molestantur*, mirum non est. Mirum verò valde, si quandoque nullas molestias sustineant. An fortè Nequam Spiritus ignorari possunt, quod ipsis miseri mortales sese dedunt? An acceptare nolunt se ultro offerentes? Vbiq; præsentem sunt nobis, versipelles, & actionum nostrarum censores, etiam non vocati. Si tamen nomen suum audiant, (probat exemplo, B. Gregorius lib. 3. Dialog. cap. 20.) mox aduolant, obsequiaque sua præstant.

Sed & studiosè ipsos querere nostram perniciem, probat ipsorum summum, quo erga vniuersum mortalium genus flagrant, odium. Nec hîc defunt exempla. Quot ferè Sagæ sunt atque Malifici, tot pro huius rei confirmatione exempla suppetunt. Infestantur plerique Spectris; quia plerique se Dæmonibus deuouent. Est & horrendum huius rei exemplum apud Surium Tomo 4. in Vita S. Bernardi, in muliere, quæ fœdam aliquot annis cum Dæmone consuetudinem

dinem habuit; quod quia capite 29. referemus, hic ascribere necesse non est.

Est & non minus lepidum, quam horrendum, quod Germanus quidam 1. cap. suæ, de Lamijs, Disputationi inseruit. Idem Auctoris verbis refert Martinus Delrio lib. 3. par. I. quæst. 7. Sect. 1. ex quo illud licet petere.

C A P. X V I I I.

*Quibus temporibus Spiritus & Spectra molestant,
& cur nocte potius, quam interdiu.*

Variæ temporum sunt distinctiones: sed quæ argumento nostro deseruit, vna potissimum; quæ in nocturnum, & diurnum distribuitur. Nunc hinc quæstio est, Hocne potius, quam illud, id est, nocturnum potius, quam diurnum Spiritus deligant, ut viuentium rebus intersint, eosque tentent, vel molestant. 1.

Ad neutrum Spectra sic alligata esse, ut necessitas ipsis incumbat, hoc, & non illo, tumultus, si velint, excitare, certum est. Spiritus sunt; & ob id, quemadmodum non à loco: ita neque à tempore dependent. Non iuvat Spiritus locus ad tumultus excitandos: non iuvat tempus. Ut omni loco: ita omni tempore possunt: nocturno, diurno, inter vtrumque medio. 2.

Prorsus à voluntate dependet, quod hoc potius; quam illo molestant. Cuius verò? Deine, an ipsorum Spirituum? Et Dei, & Spirituum. Fit Dei, & Spirituum voluntate; quod rebus viuentium intersint, fit Dei, & Spirituum voluntate; quod his vel illis temporibus intersint. 3.

Sed tamen à propria Spirituum voluntate præcipuè esse dixerim; ut, quod ipsi sibi maximè commodum his molestiis incitandis tempus nouerunt, id deligant. Cuius hæc argumenta sunt, quod infestationes in sua potestate habeant: non iisdem semper temporibus excitent: non ad eundem semper terminum producant: quandoque etiam velint, ab iisdem cessare valeant. 4.

Et nocturno tempore sæpius loca infestari, hominesque vexari pluraprobat. Nam & Spiritus, qui interdiu molesti esse solent, etiam noctis quietem inturbant: & plurimi nocturno tempore molesti sunt, qui interdiu ne obseruantur quidem. Exemplà pro his ex primo Capite petenda sunt. 5.

Sed multis modis hoc probat Spiritus, qui ædes Alexandri ab

Alexandro infestabat, qui *noctibus* tantum molestus erat; & lumen, si quando ille impediabatur, extinguebat, si verò extingueri non posset, in fugam conuertebatur. Vide eundem li. 5. Genialium dierum, cap. 23.

Probat Idolum senis, macie & squallore confecti, quod per *noctis silentium* insultabat Athenodoro Philosopho, de quo Plinius l. 7. Epist. *Silentium* interpretatur Censorinus de die Natali ca. 9. intempestam noctem.

Probat quod Liuius scribit, super ædem Vestæ vocem *noctis silentio* auditam, clariorem humana. Probat quod profundam & ferè *mediam noctem* Plutarchus in Bruto nominauit, vbi verba facit de monstrosa horrendaque illa Imagine, quæ M. Bruto ex Asia exercitum traicere volenti apparuit.

Apollonius quoque prodat in confutatione contra Hieroclen, 4. vbi de Vmbra Achillis à se visa refert miraculum: hanc enim euauisse ait, post colloctiones aliquot, quòd iam *cantus gallorum* audiretur.

Vnde refert Eusebius Cæsariensis, *noctem intempestam*, quæ gallicinium proximè antecedit, conuenientiore esse malo Dæmoni. Et de pluribus Sagis refert Nicolaus Remigius, li. 1. de Dæmonolatria, ca. 14. quòd affirmarint eam tempestatem, quæ vna atque altera hora *mediam noctem* præcedit, apprimè idoneam esse, non modo illis conuentibus; sed quibuscunque alijs Dæmonum tericulamentis, ludibrijs, occursationibus, strepitibus.

6. Cæterum, quia hoc Spirituum, vt diximus, voluntate fit; voluntas verò rationem sequitur: non sine ratione *noctem* præ die, à Spiritibus deligi credi debet. *Quæ igitur huius ratio?* Alia hinc mouet malos Spiritus, tam Dæmones, quàm damnatorum hominum: alia illos, qui purgantur adhuc, & cœlestibus mentibus aliquando associandi sunt.

7. *Mali Spiritus*, quia malè faciunt, *noctem* quærunt, & tenebras. *Qui male agit*, inquit Dominus, Ioan. cap. 3. *odit lucem*. Ipsos *Rectores tenebrarum harum* vocat Apostolus, ad Ephes. 6. Ipsorum tandem habitatio in *tenebris exterioribus*: Matth. 8. Sed & ipsorum instituto *nox* atq; tenebræ seruiunt. Cum enim terrere desiderent excitatis tumultibus & exhibitis Spectris; etiam id tempus, quod per se terrorem affert, deligunt: scilicet, vt tumultus atque Spectra, cum nocte coniuncta, terrorem augeant, magisque mortales percellant.

8. *Purgandi Spiritus* ad quietem & solitudinem *noctis* attendunt. Vtraque ipsis seruiunt. Solitudo externorum tollit societatem, qui men-

mentem sæpe cogitationesque distrahunt: quies efficit, vt facilius, qui excitantur, nocturni strepitus percipiantur. Vtunque affectant hi Spiritus; vt commodius suas necessitates mortalibus insinuare, his tumultibus & terriculamentis, valeant.

Præter hæc, cōmunia aliqua vtrique, tam boni, quàm mali Spiritus habere possunt, propter quæ noctem eligant. Fugiunt, videlicet, hominum conspectum plerumque, at hic seruiant optimè noctis tenebræ, cū *visus in suum obiectum, non, nisi illustratum, feratur*, quemadmodum in Scholis loquuntur Philosophi. 9.

Rursus plerumque satis habent Spiritus excitatis tumultibus, & allatis molestijs, quocirca nec semper, vt postea docebitur, corpora vera assumunt: At tumultibus non seruit lumen diei, & quamuis nec per se nox seruiat, efficit tamen vt propter summum ipsius silentium, facilius percipiantur. 10.

Accedit, quòd pluribus opus sit, si interdiu sub spectabili specie Spiritus apparere debeant, tumultusque excitare; quibus non est, si tumultus solum excitent, & sub spectabili forma se non exhibeant. quid si igitur his velint supersedere? & paucioribus ad propositos fines tendere? 11.

Denique nigricantes se plerumque exhibent, vnde & *Vmbra* dicitur, & hic nox seruit; quæ, vt omnia propemodum nigra appareant, efficit. Hæc difficultia non sunt. Pergamus ad alia. 12.

C A P. XIX.

De varijs modis, quibus Spiritus locis infesti sunt: sed, qui omnes, vel auditu, vel visu, vel tactu percipiuntur.

Varijs modis infesta esse loca, tam certum est, quàm certum esse infesta. De his cū multa dicenda sint, principio omnes infestationes ad pauca quædam summa genera sunt reuocanda. 1.

Infestationes igitur, prima sui diuisione, possumus distinguere; vt alias dicamus esse *apertas*, alias *Occultas*. In illis aperto quasi Marte nos aggrediuntur Spiritus; in his, quasi per insidias tentant. *Prioris* ferè generis sunt, quæ vt plurimum interdiu, & clara luce fiunt, & maiori cum Spirituum nunc impetu, nunc molestia, nunc manifestatione. *Posterioris*, quæ nocturno tempore: quibus vel se non ita produnt Spiritus; vel non tanto nos impetu aggrediuntur; vel non tam graues afferunt molestias. 2.

Ad Aper-

3. Ad *apertas* infestationes referrem illas in Insula Islandiæ; ubi occisorum spectra tam sunt manifesta; ut tanquam viuentes accipiantur ab ignaris mortis ipsorum: Illam item cuius in Vita Theodori Siccæorum Archimandritæ mentio fit, in qua proiectis lapidibus res agebatur: & Illam, quem ex Bingenfi agro Litanij, & lustrali aqua profligauit Clerus Moguntinus; qua integræ ædes atque horrea conflagraverunt, &c. de quibus primò Capite Thesisibus 5. 20. &c. Denique Illas, quarum mentio fit Capite 16. Thesisibus 14. & 15.

4. In *Occultarum* numero haberem, quam in domo sua perpeffus est Hesperius, vir Tribunitius: & in sua, quam Romæ inhabitauit Alexander ab Alexandro: Illam præterea, quæ domum, in qua Caligula Cæsar occubuit, horridam reddidit: denique quæ Neronem, Ottonem atque Pausaniam secutæ sunt: & in fodinis metallicis, operarijs sæpe incommodarunt. Et de his in primo capite, Thesisibus pluribus.

5. Altera distinctio infestationum constitui potest, pro ratione sensuum, quibus percipiuntur. Aliquando *auditu* percipiuntur, aliquando *visu*, aliquando *tactu*. Aliorum sensuum etiam aliquando, rarior tamen, in infestationibus est usus.

6. Leuissima est prima illa, quæ *auditu* percipitur; grauior, quæ *visu*: grauiissima quæ *tactu*. Sed ut hæc grauiissima, ita rarissima: non ita inusitatæ priores, prima frequentissima.

7. *Auditum* non vna molestandi ratio deprehenditur, sed admodum variæ. Nunc Spiritus solum præsentiam suam, agitato quasi aere, & ventulo leui, insinuant: nunc strepitus excitant: nunc simulant incessum; nunc cachinnos edant & risus: nunc promunt suspiria & gemitus: nunc vociferantur & clamoribus loca implent: nunc suauius loquuntur: nunc cantillant. &c.

8. Exemplis pro his non indigemus Lares domestici, quos concubia nocte, in ædibus, versari diximus; *solo ferè strepitu*, quo aliquid se facere simulant, terrent: quamuis etiam aliquando cachinnos edant.

In fodinis metallicis, quidam se *flatu* prodiderunt. In domo, quam Alexander inhabitauit, nocturni audiebantur *tumultus*, & *horrendi fremitus cum eulatu*, *striduloq; vocis sono*; quemadmodum & in arce Scotiæ, Sterlingi Qui Athenis aliquando obseruatus fuit Spiritus; *catenarum stridore*, quibus vinctus videbatur, ædcs replebat. Qui Monasterium Verretense molestabat, voces formabat, & ad se Virgines inuitabat. Qui apud Aquilonares sunt populos, *concentu* recre-

recreant viatores, & gregum, armentorumque custodes. Qui, anno 1444. ante pugnam illam, quam pauci Heluetij, contra ingentes Ludouici Delphini Franciæ copias propè mœnia vrbs Basiliensis, commiserunt, aliquot noctibus, circa illa auditi sunt, militum edebant clamores, armorum sonitus, pugnantium strepitus. Teste Lauatero, prima parte de Spectris, ca. 17. De his & reliquis vide ca. primum; & Thesin 3. ca. 67.

Meminit & cuiusdam Theodoretus in Vita S. Iacobi, sect. 21. qui à Marcionistis excitatus intempesta nocte, lingua Syriaca molestauit his vocibus Theodoretum (erat hic Marcionistis contrarius) Cur tu bellum geris cum Marcione? Cur hanc pugnam aduersus eum suscipis? Quanam is vnquam te affecit molestia? Desine belligerari, desiste à maleuolentia; aut disce experientia, quantum bonum sit quies. *Voces hæc audiebantur, nemo verò conspiciebatur.*

Meminit & alterius Cardanus lib 9. de Subtilitate, qui in Germaniæ oppido Schiltach dicto (abest à Friburgo, octo millibus germanicis magnis) sibilo terrebat dominum domus: quem cum ille, furem suspicatus, persequens, neminem deprehendisset, & aliquoties repetito sibilo delusus esset; post, per sacros homines adhibitum exorcismum, cognouit esse Dæmonem, qui postea graue damnum toti oppido dedit. Hæc Cardanus ex Erasmo, qui totam rem longius prosequitur, quemadmodum ex Henrico Clariano didicerat.

Denique cuius nos Capite primo Thesi 7. mentionem fecimus, auditu, non visu perceptus est, de hoc in hunc modum Ioannes Curopalates in Historia Basilij & Constantini, fol. 79. *Hoc tempore, inquit, incredibile prodigium accidit in Tracensium regione, ad radices montis Curæ, ubi fons est pulcherrima & limpidissima aqua. Vox quadam audiebatur miserabilis, cum lamento, & vab, & ploratu, & mulieris eiulatu similis: id quod non semel aut iterum, sed à Martio mense vsque ad ipsum Iunium, dies noctesque, cumque abiissent quidam locum exploratum, ubi vox illa mittebatur, eiulatus alio euasit. Ita Curopalates,*

Visui atque oculis se varijs formis obijciunt Spectra & Spiritus. Nam 9. vt alias formas, quæ difficultatem singularem non habent, omittam; nunc humana; nunc brutorum animantium; nunc horrendorum monstrorum conspiciuntur. Ne hæc vnus generis atque modi sunt omnes; in quolibet genere sunt variæ.

Quàm varij Spiritus, sub forma humana, sed tamen alia atque alia, visi? Aliquando prorsus sub ea apparuerunt, quam viuentes homines habuerunt: vt Paschasij Spiritus; quem ob id visum statim agnouit Germanus, Capuanus Episcopus: Spiritus item metris Ne-

ronis; & illi, qui in Islandia Insula obseruati sunt. de quibus primo Capite.

Aliquando sub tristi, & macie quasi confecta imagine; vt Spiritus, cuius Plinius meminit. Aliquando sub forma *nigrescentis hominis*; vt ille, qui Verretenfibus Virginibus fuit molestus. M. Bruto suus genius apparuit, tanquam Spectrum dirum & prodigiosum *immaris & horrendi corporis*: teste Plutarcho in Bruto. Qui circa annum Domini 1098. in agro VVormatiensi conspecti sunt, *pedites instructos bene armis referebant, & equites*, Qui in fodina Georgiana visus, *nigrum erat indutus cucullum*, Qui domum infestabat Alexandri, referebat hominem *squalida facie, vultu minaci, nigro corpore, aspectu formidabili*. De his omnibus i. cap.

Eidem Alexandro (ipse testis est lib. 2. Genialium dierum cap. 9.) retulit Gordianus spectatae fidei homo, quod cum Aretiam proficisceretur cum familiari; & ab itinere longè aberrassent per difficilia & deuia loca, vergenteque ad occasum sole, labore fessi confedissent, hominis vocem procul audire visi sunt, quam secuti, *trium huminum conspexerunt imagines immanes, & formidabiles, vltra humanum modum, nigri & demissi tunicis, in veste lugubri, funestaq; barba capilloq; submisso, horribili facie*.

Mirabile est, quod Krantzius habet lib. 8. Vandaliæ, capite 29. Anno 1351. inquit, *grandis vbique per Germaniam sauit pestis*. Lubeca in conuentu Prædicatorum audiuit frater ex conuersis, qui curam habebat, præ cæteris, coquina, nocte vna subter se, cum in strato esset, in hospitale domo, strepitum; & interea vocem loquentis ad fenestram coquina: *Coce, para cibum abituris fratribus*. Et ille intus: *Quot sunt transituri?* Tum ille; *Triginta sex de Conuentu, & duo aduena cum illis profecturi*. Miratus ille intempestam euocationem; de lecto surgens, intuetur per foramen in domum hospitalem. *Videt mensa asidere numerum fratrum, quem audierat; in albis, velatis frontibus, vt fieri solent iam tumultandis*. Horrens rediit in lectum, nec audebat rem detegere. Si dùm euentus omnia probasset, *funeratus 36. de Conuentu fratribus; & duobus, qui Hamburgo venerant, tum palam dixit, quod ante vidisset*. Ita Krantzius.

11. Sic non vna fuit brutorum animantium forma, sub qua Spiritus conspecti sunt. Nunc canum fuit, nunc catorum, nunc luporum, nunc vrsorum. nunc murium atque serpentum &c. Nec hic exempla desideramus. Diximus superius in ea quæ est circa Syrtis Libya, in aere apparere *diuersarum animantium formas*, quarum quædam quiescant, quædam moqueantur: & has aliquando fugere, aliquando fugientes insequi.

Spiritus Annebergicus, cuius c. primo, meminimus; in Specn, cui nomen *Corona Rosacea*, videbatur sub forma *equi*, habentis procerum collum, & cruces oculos. Sic vel Spectra ferunt & Spiritus; vel à Spiritibus facti, *mures* atque *serpentes*, qui in domo per Theodorum, Sicæorum Archimandritam, liberata, molesti fuerunt: quemadmodum & *mures*, quos Princeps quidam, nec in medio Rheni declinare potuit: & *aves* Diomedæ, quas Plinius Barbaris infestas fuisse commemorat.

Meminit & B. Athanasius, in Vita S. Antonij *leonum, taurorum, luporum, aspidum, serpentum, scorpionum, pardorum atq; vrsorum*. Sub iisdem formis Spiritus molestos fuisse Guthlaco Anachoretæ & confessori, testatur VVilhelmus Ramelij Anglus, apud Surium. Tomo 2. de Vitis Sanctorum: & VVilhelmo Pietaurorum Comiti & Eremitæ, vt habet in ipsius Vita Theobaldus: & Sabæ Abbati, vt est videre apud Metaphrasten in Cyrillo, qui eiusdem res gestas descripsit.

Sic ipsorum quidam molestus fuit, sub specie *tauri*, bubulcis, in fundo Barbiliano, teste Ioanne Diacono, in Vita S. Gregorij, lib. 4. ca. 93. Alius sub specie *bovis* cornupetæ S. Catharinæ, filia Brigittæ; apud Surium, Tomo 2. Alius in forma *serpentis* adolescenti, qui S. Nicetam consilium rogaturus accedebat, teste Theostericto, Oratione de S. Niceta, apud eundem Surium, Tomo 2.

Alius in forma *merula avis* Benedicto; vt in eius Vita refert B. Gregorius cap 2. Alius in forma *volantis corui* Machario Alexandrino, apud Palladium Episcopum Cappado. in Vita duorum magnorum Macariorum. Alius in forma *nuac passeris*, nunc *simia* S. Dominico; sicut in Vita eius docet Theodorus de Apoldia, li. 3. ca. 7. Alius in forma *cati* religioso cuidam, teste Ioanne Diacono, in Vita B. Gregorij li. 4. ca. 89. Sic Duci cuidam Palestino, sepulchrum Domini visitare cupienti, alius plurimum molestiæ attulit sub forma *arietis*; sepinsq; accessu sepulchri eundem prohibuit, quemadmodum ex Prati Spiritualis, ca. 49. pluribus refert Cæsar Baronius, Tomo 6. anno Domini 13.

Monstrorum quoque sub forma conspecti Spiritus. Conspexit, teste B. Hieronymo, B. iam nominatus Antonius *hominem equo mixtum*; cui opinio Poetarum Hypocentauri nomen dedit. Idem vidit *homunculū aduncis naribus, fronte cornibus asperata, cuius extrema pars corporis in caprarum pedes desinebat*. Visus eidem est Spiritus, teste Athanasio, in eius Vita, ea forma, qua describitur à B. Iob. ca. 41. Diabolus: Oculi enim eius, inquit, erant sicut species Luciferi: ex ore ipsius procedebant lāpades ardentes: crines incēdijs spargebātur: ex naribus

egrediebatur fumus, quasi fornacis æstuantis ardore carbonum: halitus eius, ut prunæ, flamma verò ex ore ipsius glomerabatur.

Huc pertinet forma Diaboli qua se B. Dominico exhibuit in specie *lacerta* deformis, & abominabilis, duo grandia capita circumgerentis; ut in eius vita legitur, l. 3. c. 7. Rursus illa, qua terruit Mariam Virginem. cui se exhibuit per modum *draconis multicoloris*, & *serpentibus per totum corpus cincti*, terrumque odorem emittentis. quemadmodum testatur frater ipsius Gregorius Nissenus. Illa quoque, qua *centimanus & centipes* aggressus est Brigittam, puellam adhuc teneram: ut Surius habet Tomo 4. Sanctorum denique illa, qua in Præmonstratensi monasterio se cuidam Religioso exhibuit *tria ostendens capita*, Trinitatem se esse contestans, sicut refert Sigebertus, circa annum Domini 1125.

31. Tertia molestandi ratio *tactu* percipitur. Et hæc plurimis modis contingit. Primo absque *vlla corporis læsione & doloris sensu*. Sic sæpe dormientes sentiunt molestantes Spiritus; qui nunc lectum detrahunt, nunc aures vellicant, &c. Huc pertinet exemplum, quod libro 2. Genialium dierum cap. 9. refert Alexander de familiari suo amico, Curauerat is amici funus. Cumque Romam reuenteretur, nocte adueniente, ad hospitium viæ proximum, diuertit, seque quieti tradidit. Dum solus in lecto degit, & adhuc vigilat; accedit Imago defuncti, summo pallore & macie confecta, ad cubantis lectum, in eodem se lecto collocat, & non nisi pulsa vi iacentem relinquit. Hic primus modus.

Ad quem & puto pertinere: quod lib. 7. Epistolarum. Epist. 27. refert his verbis Plinius. Est libertus mihi, inquit, Marcus, non illiteratus, cum quo minor frater eodem lecto quiescebat. Is visus est sibi cernere quendam in toro residentem admoventemque capiti suo cultros, atque etiam ex ipso vertice amputantem capillos, Vbi illuxit, ipse circa verticem tonsus; capilli iacentes reperiuntur. Exiguum temporis medium, & rursus simile aliud, priori fidem fecit. Puer in pædagogio mistus pluribus, dormiebat. Venerunt per fenestras (ita narrat) in tunicis albis duo, cubantemque toto derunt: & qua venerant recesserunt, Hunc quoque tonsum, sparsosque circa capillos dies ostendit. Ita Plinius.

14. Alter est, quod *contactu* hoc non contenti Spiritus; viuentes etiam aliquando *propellunt*, & *protrudunt*, atque *precipites agunt*. Hoc modo molestos fuisse Spiritus seruis Hesperij indicat B. Augustinus, l. 22. de Ciuitate Dei, ca. 8. Sensit & has molestias Otto Imperator, qui à Spiritibus proprio lecto aliquando exturbatus fuit, Sensit operari, Sed fodina

fodina Georgiana; quem ex infimo loco ad supremum, non *sine corporis attritu* subuexerunt, de his 1. Cap,

Sensit quoque sanctus vir, Nicolaus Tolentinus, quem improbus Spiritus nunc in *terram* prostrauit; nunc egregiè *fustibus* excepit, nunc dè ad angulos quosdam allisit, vt in eius Vita scribitur apud Surium, Tomo 5. Sensit Euphrasia virgo, ab eodem Spiritu ex tertio solarario aliquando *præcipitata*; aliquando etiam in puteum deiecta. Et hoc apud Surium, Tomo 2.

Tertiò molestant *visione & inflictis verberibus*. Confessus est Imperator Nero, se non præsentia solùm matris defunctæ molestari; sed etiam *verberibus* furiarum, & ardentibus *tadibus* cruciari. Virginitibus Verretenfibus sæpe *particula carnis* ex corpore detrahebantur; in aduersam verò partem nunc tibie, nunc brachia intorquebantur, & Euphrasia, cuius præcedenti Thesi mentionem fecimus, aliquando à Spiritu miserè *sauciata est*, aliquando *olere ebulliente* perfusa.

Hæc confirmant exemplum, quod B. Augustinus Sermone 117. eorum, qui recens Lotanij impressi sunt, commemorat. Refert ibidem Ciuem Hipponensem quendam, quia iusiurandum ei detulerat, quem periuraturum nouerat; ad Dei tribunal raptum, & grauissimè *casum* esse: & postridie plagarum vestigia in dorso eius apparuisse.

Molestant quartò, *necè allata* viuientibus. De Spectro in balneis cuius meminit B. Gregorius Nyssenus, notum est; adeò hominibus infestum fuisse; vt omnibus propemodum *mortem* intulerit. Spiritus Annebergicus in fodinis metallicis duodecim amplius homines, vno flatu, *interfecit*. Hudekin in Saxonia miserrimè puerum sibi insultantem *strangulauit*: in frustra cecidit, & coxit.

Potest hic seruire exemplum horrendum, quod Michael Isselt refert contigisse anno 84. in Apeldorn Veluæ pago. Duo nobiles Germani, inquit, (folio 1191.) ordinibus militantes, inter se conuenerant, vt vino adusto sese tam diu ingurgitarent, donec alter illorum expiraret. Si quis prior surgeret, in eum Diabolus potestatem haberet. Accidit dum strenuissimè hac lege potarent, mercatorem illac fortè transire, quem vt se tertium adiungeret, coëgerunt. Inuitus ille huc inductus est mortisque metu. Paulò post malignus Spiritus ingressus locum, vbi sedebant, utrique ceruicem fregit. Hoc Isselt.

Potest quoque seruire historia, quam Sifridus Presbyter Misenensis affert, li. 2. suæ Epitomes, anno 1260. Studiosus quidam miserè deperibat puellam, cum alia ratione non posset, ipsius sibi copiam fieri

fieri per Nicromanticum, data pecuniæ summa, cupit. Hic se adolescentemque circulo includit, seuerissimè ne eundem egrediatur imperans. Mox ad coniurationes conuerso, plurima se species phantasmatum offert, tandem ipsa quoque, quæ quærebatur, imago puellæ. Hic adolescens, libidine victus, præcepti immemor, manum extendit, amaram apprehensurus; sed maximo suo malo: siquidem à spiritu Nequam parieti allisus, miseram *exhalat animam*.

17. Addo dictis quintum, quòd *fortuna bonis etiam Spectra incommo-* dant. Qui Hesperij domum infestabat Spiritus, non hominibus tantum erat molestus, sed etiam *animalia* affligebat. Qui à Theodoro Siczorum Archimandrita pulsus est; mulierum *telas*, præter alia, rumpebat. Qui in agro Bingenfi sæuebat; & *horrea*, & rusticorum *casas* incendebat, & ad extremam paupertatem miseros redigebat. de his 1. Capite. Qui sibilo molestus fuit in oppido Schiltach, de quo Thesi 8. Capitis præcedentis *conflagrationis totius oppidi*, administra infelici muliere, causa fuit.

Cum fortunæ bonis coniungo *infantes*, eos maximè, qui baptismatis sacramento initiati non sunt. In his haud rarò parentibus incommo- datur; dum priorum loco, per Spiritus, alij supponuntur, qui vel graui morbo plerumque tota vita laborant; vel ubi adoluerunt: corruptis moribus magnas difficultates parentibus afferunt.

18. Sextus modus esse potest, quòd ad *stuprum atque nefandos congressus* quandoque sollicitant; aliquando etiam vim tentant adferre inuitis. Huius exemplum obseruatum est, in oppido Flandriæ, Boerburgi, haud procul à Grauelinga, anno Domini 1587. ubi post quatuor annorum molestias, quas vir doctus atque pius, Ioannes à Porca, ibidem Plebanus, cum castissima sorore passus est; Spiritus tandem compti adolescentis personam induit: & sororem solam domi deprehensam, primò muneribus, deinde minis ad *stuprum* sollicitauit: tandem etiam, ubi sic nihil proficit, vim virginis pudicitiaæ afferre cœpit: & perfecisset, nisi superueniens frater sororem ex Dæmonis manibus eripuisset, quemadmodum patet copiosius ex Appendice ad historiam anni 87. Michaelis Ifelt.

Similia duo habet Cæsarius, quorum alterum Bonnæ accidit, apud Coloniam Agrippinensem, alterum Prumiæ in Eiflia. Bonnæ cum quidam filiaæ suæ, pudicitiaæ timens, illam in solario domus suæ, si quando exiret, includeret, Spiritus in forma adolescentis ad virginem ingressus, cum *illa rem habuit*. ægerrimè tulit illa se à Spiritu deceptam, tantumque non in furorem rapiebatur. Pater filiaæ casum miseratus, vt in posterum à Spiritu molestatione libera esset, ipsam alio misit.

misit. Apparet mox Dæmon; vxorem suam repetit: & stomachabundus ita pectus parentis percussit, vt post sanguis vomitum tertia die exspirauerit.

Prumiæ verò non foemina, sed vir Diaboli versutias expertus est. Veruntamen iusta sua culpa. Sollicitauerat ille puellam, vt ad se in tempesta nocte, libidinis explendæ causâ, veniret. Venit non illa; sed in illius forma Spiritus Nequam, *sædumq; concubitus* perficit. Prius illud Cæsarius cap. 8. posterius ca. 10. li. 3. recenset.

Addimus his, quod Sozomenus in Trip. l. 8. ca. 1. refert de Apelle eremita, & fabro ferrario. Huic, cum nocte quadam pristinum exerceret, apparuit Dæmon, sub *umbra*, vt loquitur Sozomenus, *sue forma speciosa mulieris*, inuitans eundem ad *turpem libidinem*, nec non ad labefactandam corporis, & vitæ, quam diu coluerat, puritatem. Statim ille ferrum quod elaborabat, è fornace extrahens, in faciem eam percussit. Et Dæmon stridens ac ingemiscens, procul aufugit.

Fuit & Menippus Lycius ænos natus 20. & quinque in huius familiaritatem in hunc modum se infinuasse dicitur Spiritus sub forma mulieris. Pergebat quandoque Menippus Corintho Cenchras solus. Et ecce phantasma quoddam illi occurrit, quod se in mulieris speciem conformauerat: atque ex manu apprehendens Menippum: Jampridem, inquit, se illius amore teneri captiuam. Eius blanditijs delinitus Menippus, vespere ad mulierem pergit, ac deinceps frequenter, perinde ac ad suas delitias, donec tandem à Mago edoctus intellexit Lamiam esse seu Spiritum Nequam. Rem pluribus prosequitur Rodoginus Coelius, l. 16. ca. 4. Vide aliud huius rei exemplum capite 92. huius Disputæ.

C A P. XX.

Quæ ratio & conditio Vocum, Sonorum, atque Tumultuum, qui auribus viuientium percipiuntur, & à Spectris, siue Spiritibus, locis infestis excitantur.

NON solum quomodo Voces, Clamores, Gemitus, Risus, Cahtus, Strepitus, Tumultus, & quæcunq; subauditus sensum cadunt, & à spiritibus infestis locis excitentur, hoc Capite nobis explicandum erit: sed &, An hæc verè excitentur, & verè talia sint, qualia vulgi opinione putantur, definiendum. Imò verò hoc prius constituendum; vt illud facilius docere valeamus.

Voces

2. Voces igitur, quæ audiuntur, si propriè loquamur, voces non sunt. Vox, inquit Aristoteles, est *ictus aeris respiratione attracti*: qui quidem ab anima fit ea, quæ his partibus collocatur, ad eam partem, quæ gurgulio appellatur, Solorum animalium est Aristoteli, habere voces: & non quidem omnium; sed respirantium tantum: quorum etiam non quicumque sonus Vox est; sed ijs tantum, quorum etiam attractus, & qui animalis vel affectum, vel conceptum significat. Iam verò Spiritus animalia non sunt. Nulla est in ijs respiratio; nulla anima; nulla pars, quæ animæ motionem excipiat; nullus gurgulio.

Quòd si voces non sunt, quas Spiritus formant; nec veri erunt, quos excitant, *Clamores*. Quid ita? Quia ea ratio Clamoris est, ut sine voce esse nullo modo queat. Neque enim aliud est Clamor, quàm intensa vox: nec ullus Clamores, alijs, quàm viventibus, tribuerit.

3. *Gemitus* affectuum, eorum, à quibus eduntur, sunt signa; quemadmodum & *Suspiria* qui igitur affectibus carent, *Gemitus* edere nequeunt. Sed tamen non apud quoscunque affectus esse possunt, possunt & *Gemitus* esse. Eas etiam partes, quibus vox ad sui formationem indiget, requirunt; quibus cum Spiritus careant; possunt quidem videri *Gemitus* edere, sed reuera non edunt.

4. *Risus* eadem est ratio. Omnis qui à Spiritibus fit, simulatus est, specie sui fallit. Sed & *Risus* ridendi potentiam sequitur, quam Philosophi contendunt affectum quendam rationalis esse animalis. Quis verò Spiritus animalia rationalia dixerit?

5. *Cantus, Conventus, & Melodia*, qua Aquilonares Spiritus nocturnos viatores, armentorumque & gregum custodes recreant; à sono, qui fistulis, organis, alijsque mnsicis instrumentis excitatur, non differt. Quemadmodum igitur hunc sonum propriè *Cantum* non dixeris; ita neque *Melodiam* atque *Concentum*, cuius Spiritus sunt auctores. Sonus tantum est, & præter sonum nihil. Quid quod Cantus vocis quædam sit modulatio? Quomodo igitur *cantare* Spiritus conveniet, quibus vox negatur?

6. Hinc est, quòd Spiritus in voce, clamore, gemitu, risu, cantu formandis, *nullis organis*, quemadmodum homines atque animalia, quæ voces formant, opus habeant. Non indigent ore; non lingua; non palato; non labijs; non dentibus; quæ in articulata magis voce requiruntur. Non pulmone, arteria siue gutture, corde, gurgulione, cum viginti suis musculis; quæ ad alias, non ita articulas, necessaria sunt.

Sed & plerunque cum voces simulant, *nihil horum possident Spiritus*: ut illi in primis, qui clam & secreto, voces fingunt. Cur assumerent, quod ad nullos usus ipsis seruire debet? Possunt simulare voces, absque ullo prædictorum instrumentorum auxilio, quemadmodum & simulant, ut plurimum. 3.

Quando verò apparent Spiritus, ut se viventium oculis obijciunt; his quidem instrumentis, ore, lingua, faucibus, dentibus instructi aliquando (*non enim semper*) sunt, non quod his, ad voces formandas opus habeant; sed quod non ita, sine his, commodè, propositos sibi fines assequuntur. 9.

Cæterum, quamuis omnia iam dicta *specietenus* talia sunt, qualia vulgò iudicantur; *soni* tamen reuera esse possunt. Nonne quandoque aures audientium percelluntur? Nonne audiendo molestiam aliquando patiuntur? Et hoc forsitan sine vero *sono*? 10.

Quocirca & ipsi infestantes atque molestantes Spiritus; licet verè *voces* edere nequeant; quemadmodum demonstratum est, veros tamen possunt edere, eduntque *sonos*. Non tot ad *sonum*; quod ad *vocem* sunt necessaria. Multo paucioribus indiget *sonus*. Et à non viventibus veri possunt excitari, excitanturque *soni*, quamuis non veræ *voces*. 11.

Hinc est, ut translata significatio verborum non sit, quæ Spiritibus tribuuntur, & præter sonum nihil in se includunt: translata sit, si Spiritibus tribuuntur, quæ in genere sunt vocum. Prioris generis sunt *strepitus*, *tumultus*, & his similia: posterioris *clamor*, *risus*, *gemitus*, *illachrymationes*, &c. 12.

Dum tamen *sonos* excitant Spiritus, non vnum aliquid illorum sunt, quæ ad sonos formandos sunt necessaria. *Tria* illa sunt; corpus percutiens: corpus percussum: & medium, in quo sonus recipitur. Nihil horum sunt Spiritus. Veruntamen quia possunt percutientia corpora, percussis admovere: inter quæ interceptus aer ruptus & fractus sonos format; ipsi *sonos edere* dicuntur. 13.

Sonos igitur *veros* edunt Spiritus, dum loquuntur, clamant, gemitunt, illachrymantur, rident, tumultuantur, strepitus excitant. An verò *semper*? An *aliquando*? An, ut *plurimum*, vel rarius? Tria quærentur. Responderetur ad singula. 14.

Non *semper* edunt. Argumento illud est, quod accidat, ut in multorum præsentia quidam nonnunquam sint, qui tumultus, strepitus, que Spirituum se audire credant, & constanter asserant: cum interim cæteri præsentés percipiant nihil. 15.

16. Scio & hîc *veros quandoq;* esse sonos, qui ab his audiuntur, ab illis non audiuntur. Quemadmodum organum visus atque tactus: gustus atque olfactus; ne suo officio fungantur, impedire possunt Dæmones; ita possunt auditus: & dum in his impediunt, in illis suas ipsas functiones permittere possunt. sed tamen, ut hoc fieri potest; ita & illud; ut prorsus auditui illudatur, & nullus verus ad ipsum sonus perueniat; quamuis interim sibi quis, quod veros sonos audiat, persuadeat. Si fallere possunt, ut quis videre se credat, cum videat reuera extra se nihil: non poterunt fallere, ut credat quis se audire sonos, quos reuera non audit? Non igitur *semper* veros sonos edunt.

17. *Aliquando* tamen edunt. Pro hoc posset nobis communis omnium sensus atque consensus seruire: qui quod *veros* sonos, tumultus, strepitus audiant, omnino sibi persuadent: nec ut contrarium sentiant, induci possunt.

Sed tamen pro eodem duplex ratio militat. Altera est, quod quandoque auditus organum grauius in horum sonorum perceptione lædatur: Altera, quod ab omnibus, qui aliquo communi loco circumscribuntur, percipiuntur; quamuis etiam ex omnibus illis vnus aliquis sit, quem Spiritus persequantur.

18. Sed & ut *plurimum*, veros sonos excitari dixerim: tum quod in hoc negotio difficultatem magnam Spiritus non habeant: tum quod qui audiuntur tumultus, ab omnibus, ut plurimum, percipiuntur: quemadmodum exempla, primo Capite allata, docent; & confirmat quotidiana experientia.

19. Interim, quamuis verî soni audiuntur, & excitentur: non tamen credendum est, *semper ijs corporibus* excitari, quibus excitari videntur. sæpe disiecta putatur suppellex; quando illa prorsus mansit immota. Sæpe excitatus malleis sonus; quando nullus in domo malleus. Sæpe armorum collisione iudicatur fieri tumultus; quando nulla arma, sed armorum tantum inanes formæ.

20. Hîc plurimum Spiritibus seruit *aër*: Hunc illi concitant. huius varia collisione, constrictione, disruptione, allisione, & ut ita dicam, inundatione; nunc rugitum leonum simulant, nunc mugitum taurorum, nunc serpentum sibilum, nunc porcorum grinitum, &c.

21. Quocirca aer hîc non tantum *medium* est, per quod sonus ad aures defertur: sed nunc quoque *percutientis* corporis, nunc *perculsi*, subit rationem. *Percutientis* quidem, dum percussam aliud pulso à Spiritibus

ritibus aeri resistit; *perculsi* verò; dum aliquod solidius in illum facit impressionem.

Atque ita quidem *sonus* formant Spiritus, dum à collisis corporibus illi excitantur, & *verè veri* audiuntur. Sed tamen, (quemadmodum diximus) non *verus* semper, realisque sonus est, qui percipitur. Ut visum, ita *auditum illud* contingit. Nunquid non qui phrenesi laborant, non solum se mira videre; sed & mira audire existimant? cum tamen nihil sit, quod vel extra ipsorum sit visum, vel extra auditum? Et nos, cum somno capiti, dormimus; quoties somniantes respondemus ijs, quos in somnis, tanquam interrogantes, & nobis loquentes imaginamur? & tamen hinc nulla aut vox, aut sonus ad nostras aures pertingit.

Varijs igitur, & non vno, modis contingit audiri Spiritus. *Vnus* est, in quo viventibus non illuditur; quia & verus sonus est, qui ad aures deferitur; & verè ab ijs corporibus excitatur, à quibus excitari creditur, *Alij* sunt, quibus viventibus illuditur: qui & ipsi *varijs* sunt.

Contingit primò viventibus illud, non quidem obiecto auditus (sono inquam) quasi reuera is non sit, qui ad aures deferitur: sed soni *authore* & causa: dum malleis, vel gladijs, vel supplectile iudicatur excitari, qui non nisi concusso aere excitatus est, Secundò illud contingit, quando iudicatur *extra* hominem factus, qui in homine vel in miringa excitatur. Quemadmodum enim in externo aere sonos possunt efficere Spiritus, qui ad hominum aures deferuntur: ita possunt in ipsa aure: qui tamen ab audientibus illum, extra aurem factus credatur. Et his duobus modis, quemadmodum & primo, *verus realis* sonus percipitur semper.

Aliquando nullus *realis* sonus est, qui percipitur: percipi tamen iudicatur, quemadmodum in phreneticis, & dormientibus accidere diximus. Atque hoc *dupliciter* accidit, derivatione specierum soni ad organum sensus; & imaginatione. Hinc solius imaginationis est operatio: ibi aliqua auditus, Sed hæc alterius loci. Nostra prosequamur.

C A P. X X I.

Quæ ratio & conditio formarum, quæ in oculos incurrunt: quibus se viventibus Spiritus Spectra exhibent.

Q Vem in ijs, quæ *audiri* obiecta sunt, ordinem servauimus 1.
L 2 . idem

idem in rebus visis seruandus est. Principiò de visarum rerum *condi-
tione*; tum deinde de *modu*, quibus Spiritus, & Spectra conspiciuntur,
agendum est.

2. In priori illo *Tria* quærentur. Primò, Vtrum *reuera hoc sint*, quod
videntur Spectra. Secundò, si *reuera hoc non sunt*, An quando ita vi-
dentur, *sint saltem res animata*. Tertiò, An si animarum non sint, *reuera
saltem sint corpora*.

3. Quia verò præcipuè *tribus* formis diuersis se Spectra exhibent vi-
uentium conspectui, *humana*, scilicet, *brutorum*, & *monstrorum*: *primum*
illud trium explicationem postulat. quæ sunt. 1. An veri sint *homines*,
qui videntur humana forma. 2. An vera *bruta*, quæ brutorum conspi-
ciuntur specie. 3. An vera *monstra*, dum monstrorum occurrunt for-
mæ.

4. *Homines non sunt*, qui forma humana videntur Spiritus: quacumq; etiam
se forma simulent; tristi, læta, amica, horrida; graui, leui: id in humanis
Spiritus certum est; propterea quòd defunctos illi referant: qui
ad vitam, non nisi grauissimo miraculo (quod hic nullum est) reuo-
cari possunt. In Diabolis verò multò est manifestius; cum & illorum
proprium sit hominibus illudere: & vires ipsorum tantæ non sint,
vt vel hominem producant nouum; vel à mortè ad vitam reuocent
defunctum.

5. *Bruta, quæ conspiciuntur*, sæpe specie sui fallunt, aliquando etiam hoc sunt,
quod videntur, atque tum, vel opera Spirituum, de nouo producta sunt;
vel aliunde adducta fallunt plerumque illa, quæ intempesta nocte con-
spiciuntur; aut, si alijs temporibus, vsum diurnum non habent,
moxque euanescent; qualiacumque illa sint, siue perfectorum, siue
imperfectorum animalium formas referant. Opera Spirituum aliquan-
do illa producantur, quæ animalia imperfecta, siue incisa, vocantur.
Quando perfecta conspiciuntur, & vera sunt; non à Spiritibus facta
sunt, sed aliunde adducta.

Postremi huius generis (nam de cæteris constat) vnum producit
B. Hieronymus in Vita Hilarionis. Ad Hilarionem quoq; inquit, ani-
malia quotidie pertrahebantur; in quibus Bactrum Camelum enor-
mis magnitudinis, qui iam multos obtriuerat, triginta & eò ampli-
us viri solidissimis funibus ligatum eum clamore adduxerunt. San-
guinei erant oculi: spumabat os: volubilis lingua targebat: & super
omnem terrorem rugitus personabat immanis. Iussit igitur eum di-
mitti Senex. Statim verò, & qui adduxerant, & qui cum sene erant,
vsque ad vnum omnes diffugere. Porro ille solus perrexit obuiam
& sermone Syro: Non me, inquit, terret Diabole, tanta mole cor-
por

poris, & in Vulpecula, & in Camelo vnus atque idem es. Et interim perfecta stabat manu. Ad quem dum furens, & quasi eum denotatura bellua peruenisset, statim corruit summissumque caput terræ coarctauit: mirantibus cunctis, qui aderant, post tantam ferociam, tantam subito mansuetudinem. Docebat autem Senex, hominum causa, Diabolum etiam iumenta corripere: & tanto eorum ardere odio; ut non solum ipsos, sed ea, quæ ipsorum essent, cuperet interire. Hactenus B. Hieronymus.

Monstra si quando videntur, propemodum semper opera Spirituum sunt. In genere animalium nullum nouimus, quale B. Hieronymus refert, hominem equo mixtum; & aliud, fronte cornibus aspera, cuius extrema pars corporis in caprarum pedes desinebat. Quod si quidam, cum Plinio li. 7. c. 2. Satyros sub solanis Idorum montibus, tum quadripedes, tum recti-currentes, humana effigie, admiserunt; nobis in hoc argumento contrarij non sunt: quoniam hi ipsi Dæmonem prodent; ut per quos humanum sermonem sensumque mentitur; & humanam, aut etiam plusquam humanam vim atque sapientiam ostentat.

Igitur si *freuera* nec homines sunt, nec bruta, nec monstra, quæ conspiciuntur; profecto errant; qui in his ipsorum operationes, quæcunque tandem illæ sint, posuerunt: aut operationum principia & organa; aut quicquam, quod illa pro conditionis suæ ratione postulare potest.

An saltem sunt res viuentes & animata? Nec hoc sunt. Atque hoc secundo loco explicandum erat. Quomodo enim viuentes res dicemus, quæ neque in hominum sunt genere; neque in villo brutorum animalium?

Vnum genus formarum, quibus terrent & molesti sunt Spiritus, in numero viuentium posuero: illud scilicet, quod, imperfecta animalia, quæ opera Dæmonum fieri possunt, repræsentat: præter hoc vix aliud.

Interim tamen, quod tertio loco dicendum est, *corpora per sepe sunt, quæ videntur Spectra*: sub quibuscunque etiam figuris videantur. Vera corpora sunt homines qui conspiciuntur. Vera corpora, bruta animalia: Vera corpora monstra.

Triplicem autem generis hæc corpora sunt. Aliquando quidem vera & viua ipsorum, quæ videntur, quemadmodum illa imperfectorum animalium, quæ diximus: & perfectorum aliunde allatorum. Aliquando vera quidem sed non viua, ut si hominis defuncti ex patibulo corpus circumferant. Aliquando nec viua, nec vera; ut si aliquod, ex aere, forment, quod vel hominis, vel alicuius animantis externam formam simulet.

12. Persæpe diximus corpora esse, quæ conspiciuntur. Non enim semper sunt. Accidit non raro, ut corpora esse iudicentur quæ oculis obijciuntur; corpora autem reuera non sint. Quemadmodum auditum fallunt, ita possunt fallere & fallunt visum Spiritus.
13. Ex dictis inferimus, *quatuor* modis Spectra oculis viuenti obijcit. Primus est in veris animalibus. Secundus in animalium tantum corporibus. Tertius, in animalium tantum externis formis, non verò animalium corporibus, licet veris corporibus. Quartus, in animalium tantum formis, absque vllis, vel alijs, vel animalium corporibus.
14. *Quibus verò modis hæc omnia Spiritus efficiunt?* Hoc, quia ex dictis haud difficile est conijcere, breuissimè nunc, non tam explicandum, quàm indicandum. *Verà igitur animalia*, si aliunde ad suum vsum assumant Spiritus; re externa non indigent: præstant ipsi hac virtute, ut corpora possint de locis ad loca transferre. Si producant, rerum externarum operam requirunt; earum scilicet, in quibus virtus, qua animalia produciuntur, quasi lateat.
15. Dum hominum, animaliumque corpora exhibent, non plus negotij habent, quàm dum viua corpora de loco transferunt ad locum: immò minus; propterea; quod hic defunctorum corpora, quæ resistere non possunt; ibi viua animalia, quæ resistere quodam modo possunt, transferant.
16. Quando animalium formas in alieno corpore exhibent; ibi animalium nihil est, præter externam formam; ad quam aerem, quo, ut plurimum, vtuntur, aptant. Quemadmodum verò corpus hoc aerum faciliè dissoluitur, ita externa forma in aere efficta, euanesce facillimè.
17. Quartus modus, quo visui maximè illuditur, varius est: prout varia sunt, quæ ad visum concurrunt: obiectum, medium, potentia. Et nunc quidem obiectum aliter atque aliter afficiunt: nunc medium: nunc potentiam. Huic illum adiunxero, quo visus nihil afficitur; sed omnis occupatio est in imaginatione, & imaginatione perficitur: quamquam viuentes visum affici existiment. Hæc breuissimè. Plura de his, & exacta, noster Ludouicus Molina in primam partem D. Thomæ.

CAP. XXII.

De ratione atq; modo, quo Spectra tangunt: vstionem & verbera viuentibus asserunt, & necis causa existunt.

Quod

QUOD *tactu* viuentes aliquando Spiritus percipiant, certum est. 1.
Superius, Cap. 19. id pluribus est probatum, ex molestia homi-
nibus per Spiritus allata; quam etsi quandoque alijs, præcipue
tamen tactus sensu perceperunt. *Quinq;* autem, in modis superius re-
censitis, difficultatem habent, quæ hoc Capite explicanda sunt. Pri-
mum est, Verum ipsi Spiritus *vi tangendi* valere, & verè tangere dicen-
di sint. Alterum. Cur *frigida* ferè percipiantur Spirituum, quæ tangun-
tur, corpora; aut certè non ita calida. Tertium, Qua ratione *visionis*,
quam aliquando afferunt, sint *causæ*. Quartum, Quomodo *verbera*
& *vulnera* infligant, cum armis omnibus videantur destituti. Quin-
tum, Quomodo *mortem* atque *necem* procurent.

Tangere Spectra dici posse, si quæstio est de tactu, quem Aristoteles 2.
Mathematicum vocat, omnino clarum est. Siquidem fieri potest, vt (in
quo ratio *huius tactus* consistit) inter Spectra, atque aliud corpus nihil
sit medium; & vtriusque exerema simul existant. At si de tactu illo
sermo sit, qui *viuentium potestas* est; & primarum præcipue qualitatuum
est capax, nec tangere dici debent Spectra, nec virtute tangendi esse
instructa: propterea, quod, principio talis tactus, anima scilicet infor-
mante, careant.

Quamuis autem verè non tangant, verè tamen à viuentibus tan- 3.
guntur. Nam & virtute tangendi instructa sunt viuentia; & qualita-
tum tactibilibus impressionem sentiunt, quandoque vel tangunt Spe-
ctra, vel tanguntur à Spectris.

Subfrigida verò, vt plurimum, percipiuntur corpora Spirituum, 4.
quæ tanguntur, id obseruant, tum illi, qui nocturnas molestias à Spi-
ritibus sustinent: tum qui cum iisdem nefarios congressus exercent.
Nec mirum. Nam, vt plurimum, vel defunctorum, vel ex aere com-
pactorum corporum ministerio vtuntur: quæ & natura sunt frigida,
& caloris, si alicuius, certè illius naturalis viuentium, capacia non
sunt.

Vruntur quandoque viui Spirituum attactu. Quo modo verò?
An fortè igne illo, quo damnati torquentur infernali? An alio ali-
quo corporibus assumptis *ingenito*? An quem ipsi, sua vi *per se pro-*
ducunt? An *sublunari* assumpto? An alio) *Non infernali*. Non, quia
illum secum ex inferno ad viuentes deferre non valent; sed quia
vt deferant, nulla necessitas cogit. Nec enim corpora, quæ circum-
feruntur, illo torquentur: & Spiritus extra infernum existentes,
etiam illo infernali verè torquentur, quamuis inferni terminis
ille maneat circumscriptis. *Non corporibus assumptis ingenito*. Nullus
ipsis

ipsis ingenitus est; quin potius omnem suam naturam reiicere videntur. *Non subluari*, quoniam hunc, quod ex suo loco detrahant; & sibi apud nos seruire faciant, vix credi potest. Quo igitur? *Aliquo à se producto*. Et quomodo? Aliorum corporum, quæ ignem possunt & excitare & fouere, subsidio.

6. Sed tamen præter hunc, & alios duos *visionis* modos, norunt, & fortè usurpant. Vnus est, per candentes carbones, titiones, aliasque res, quæ ignem concipiunt, & fouere possunt. Alter, per vrticas, & res, non formaliter, sed virtute calidas; quarum cum vires cognoscant, miris & occultis, sed tamen veris, modis *visionem* efficiunt.

Nec dubitabit veris, quamuis occultis modis hæc fieri, qui meminerit rerum admirandarum, quarum mentionem facit Plinius lib. 2. cap. 103. & 107. flammæ, inquam, quæ in Nymphæo exit è petra, pluuiusque accenditur: fontis quoque Iouis in Dodone, qui quamuis gelidus sit, si tamen extinctæ ipsi faces adhibeantur, eas accendit. quemadmodum extinguit iniectas in se accensas: præterea fontis frigidi in Illyrijs, super quem expansæ accenduntur vestes.

7. *Verbera atq; vulnera* tribus modis infligunt. Nunc per assumpta corpora: nunc subsidio concitati aeris: nunc neutro horum modorum; sed vi atque sua potestate nuda. Prior modus difficultatem nullam habet, Quemadmodum nos fuste, hasta, gladio, similibusque instrumentis, in vulneribus infligendis utimur, ita Spiritus assumptorum corporum membris. Alter, qui opera concitati aeris sit, clarus est. Neque enim quisquam ignorat plurimum posse concitatum aerem, argumento sunt, vi ipsius disiectæ ædes, concitata maria, confractæ arbores &c. *Tertium* confirmant vires Dæmonum, quæ in corpora tantæ sunt, ut illa disrumpere atque distrahere minimo negotio valeant.

8. Quibus modis vulnera infligunt & verbera iisdem *mortem* consciscunt: propterea, quod inflicta vulnera & verbera, via quædam sunt ad mortem, in quâ cum longior progressus sit, tandem ad mortem peruenitur, & vita amittitur. His venenum adderem, quod dum viuentibus afflant, vita priuare possunt.

CAP. XXIII.

Qui sint veri proprij auctores eorum, quæ in Spirituum infestationibus, atque molestijs percipiuntur vel visu, vel auditu, vel tactu, vel quocunq; modo alio:

Et ostenditur, quæ humanis Spiritibus tribui debeant, quæue minimè.

Molestias, quibus Spiritus viventibus infesti esse solent ad *Tria* 1.
capita reuocauimus: alias visu, alias auditu, alias tactu percipi docuimus. Explicauimus singularum rationes: Post hæc ipsarum verus & genuinus auctor inquirendus est, & discutendum, *Sintne singuli Spiritus, qui molesti sunt, omnium molestiarum, quæ ipsis tribuuntur, per se auctores; an potius per alios aliquando fiant; his tamen vel illis tribuantur, quod vel horum vel illorum nomine, vel ipsis presentibus excitantur.*

Et de Spiritibus *humanis* præcipua quæstio est: non de Dæmonibus. Hi enim cum plurimum valeant ingenio, scientia, atque potentia: quasunque recensuimus molestias *per se*, suisque viribus poterunt excitare; de quibus, Vtrum ab humanis Spiritibus afferri valeant, non sine multis, magnisque rationibus dubitatur. 2.

Primum enim *ingenij acumine atque perspicuitate* Dæmoniorum Spiritus plurimum superant humanos. Quamuis n. & hoc quidam mortales excellant; & quædam quasi naturæ monstra inter homines, vñ sint; Dæmoniorum tamen quoscunque homines, tantum ingenij præstantia, quantum natura excedere videntur. Et natura quantum excedunt? Vt nulla humana, eorum perfectionem attingat. 3.

Deinde *scientia* Spirituum humanorum multò illorum inferior est. Illi & variam rerum habent experientiam; & multa in vastissimo orbe, à condito mundo obseruarunt: &, quod præcipuum est, rerum omnium species atque simulachra, quæ scientiarum quoddam quasi sunt seminarium, à Deo Optimo Maximo (cùm primum conditi sunt) acceperunt; in quibus ob id, quandocunque lubet, non minùs, quàm speculo, rerum naturas proprietatesque clarissimè perspiciunt. Quid horum in Spiritibus humanis? Quàm parum in corporibus experti? Quàm pauca in mundo obseruarunt? Qua-

rum rerum speciebus, nisi quas ex hisce inferioribus, quasi emendicarunt, sunt instructi?

5. Sed etsi ingenij acumine abundarent Spiritus humani: & quibus Dæmones ornati sunt, pollerent scientijs; necdum tamen illos accederent; propterea, quod *viribus*, quæ hic etiam magnæ requiruntur, multo sint Dæmonibus inferiores. Comparatur homo, *sæno*, quod hodie est, & *cras in clibanum mittitur*. Comparatur *sæni flori* quæ citò decedit. Esa. 40. At de Dæmonibus dicitur, quod non sit potestas super terram, quæ cum eorum potestate conferri comparariq; debeat. Iob. 2.

6. Et hæc quidem ex ipsorum Spirituum conditione rationes petite non immeritò dubium animum reddunt. Sed res, quæ cum molestijs sunt coniunctæ, difficultatem augent plurimum. Quam enim sunt variæ? magnæ? multiplices? stupendæ? humanam fidem prope modum superâtes? Obseruatur primum varius motus: deinde produciuntur rerum diuersæ formæ; oculisque viuientium obijciuntur: formantur corpora, & quidem diuersissima, pro ætatum, sexuumque conditione; eademque de locis ad loca transferuntur: Fiunt varij soni; nunc granes, nunc leues; excitantur tumultus; audiuntur voces: vis viuentibus infertur: protruduntur, retrahuntur. Nunc mors ipsis adfertur, nunc infliguntur vulnera. Denique sexcenta his similia notantur. Hæccine vniuersa humanos Spiritus auctores habere credendum est?

7. Habere probant ipsi Spiritus, qui apparere dicuntur; hæcque hisque similia efficere. Non habere persuadet & rerum, quæ fiunt magnitudo; & Spirituum infirmitas. Nos in re difficili, & ardua & dubia; quantum ratione & coniectura assequi possumus, *saluo melius sentientium iudicio* docebimus; si prius vnum atque alterum, de quo dubium nullum est, posuerimus.

8. Primum est, *Omnia hæc non malè humanis Spiritibus tribui, quando, hisce Spiritibus presentibus, Angeli* (boni atq; mali non laboro, posterius hoc, c. sequenti explicabitur) *hæc in persona humanorum Spirituum efficiunt, ut ob id non malè dicamus. nos humanos Spiritus vidisse; quamuis quicquid viderimus, opus fuerit Angelorum. & audiuisse humanos Spiritus, ab usq; molestiam passos; quamuis molestiarum auctores fuerint Angeli.* Nonne Imperatorem rectè se vidisse dicet; qui chlamydem, quæ Imperatorem texit, vidit? Nonne à Rege dicitur supplicio affectus; qui à Regijs ministris, qui Regis personam sustinebant, supplicium tulit? Non mentiebatur, qui populo Iudæorum dicebat, Dent. 6, *Audi Israel: Ego sum Dominus Deus tuus: & tamen non Deus loquebatur*

tur, sed Angelus: qui dicere poterat se esse *Dominum Deum*, quia Domini Dei personam sustinebat.

Alterum est, *Omnia illa opera, quæ recensuimus, etiam tunc rectè posse humanis Spiritibus tribui, quādo ipsi autoprofopos præsentes non sunt; sed tamen in ipsorum persona, ab Angelis fiunt.* Scripturæ mos est, ut rerum Imagines iisdem nominibus insigniantur, quibus ipsemet res solent appellari. Cælestium potestatum imagines, quæ ex metallo formatæ super arcam Testamenti collocatæ erant, nomen *Cherubin* retinent. Exod. 25. Rex Pharaō, qui spicarum atque boum imagines futuræ sterilitatis nuncias, viderat dormiens, nihil se nisi *Spicas & boves* vidisse testatus est. Gen. 41. Et Pincerna Pharaonis in carcere cum Ioseph existēs vitem se in somnis vidisse dixit, in qua essent *tres propagines*: & tamen nec vitem, nec propagines; sed rerum illarum imagines vidit. Ibidem. Et nos quoq; cū pictam videmus tabulā, eorum ipsam nominib. compellamus, quorum formas refert species.

9.

10.

Veruntamen quamuis hæc ita sint; non tamen nullæ hic sunt Spirituum humanorum partes. Quamuis aliquando ipsi præsentes non sint; non tamen semper sunt absentes. Quamuis non omnia per se faciunt; non tamen dicendum est facere omnino nihil. Aliquando præsentes sunt in propria persona. Aliquando quædam efficiunt. Et quandoq; etiam possunt, quæ tamen non faciunt.

11.

Quando igitur sunt præsentes his molestiis humani Spiritus? Quid in his possunt? Quid faciunt, & per se moliuntur?

Quando sint autoprofopos præsentes, non semper clarum est. Vide quæ superius c. 10. 11. dicta.

Non certò semper constat, quid per se ipsi hic faciunt.

Quid vel possint, vel non possint sequentibus docemus Affertis.

12.

Primum sit. *Possunt defunctorum hominum Spiritus propria virtute ad alia atq; alia loca transire; nec in hoc opus habent vllō vectore.* Ita docet Tostatus, in 25. Mat. q. 772. Cur enim non possent? An ipsis vis omnis se mouendi, postquam corpora deposuerunt, adempta est? Quis credat? si nec locis, ubi corpora intereunt, semper manent? quid absurdius dici potest?

13.

Subsistentes quædam per se, naturæ sunt humani Spiritus, quando corpora reliquerunt: valentque perfecta & intelligendi & appetendi virtute, quid si igitur tum locum quendam sibi conuenientem apprehendant; & illic esse atque conuersari desiderant; nonne eodem se suis viribus promouere, nisi superioris auctoritate (quæ tamen ius naturæ ipsis saluum relinquit) prohibeantur, poterunt? Sic si præsentem, in quo degunt, sibi intelligant esse

molestum & perniciosum, volentq; inde cedere; annon valebunt?

14. Imperfectissima illa animalia Aristoteli sunt, quæ ita locis affixa sunt, vt se mouere inde nequeant: & ramen inter hæc ipsa, nulla sunt, quæ non aliquouſque vel aliquatenus, se possint promouere: Et hominû Spiritus, qui inter naturas creatas post Spiritus cælestes principem locû obtinent, omni, se mouendi, virtute destituti erunt?

15. Valent virtute se mouendi mentes illæ cælestes, & quidem maxima. Ita constanter cum Theologorum schola docent Philosophi: Sed ad harum conditionem proximè accedunt Spiritus humani, à corpore seiuncti, præstabunt igitur & ipsi eadem, qua illi, mouendi virtute.

16. Hinc est, vt animabus, siue humanis Spiritibus, duplex mouendi vis collata sit: altera, qua corpus, quod vegetant; altera, qua se mouent, Illam exercent, cum corporibus sunt inclusi: hanc, dum à corporibus sunt expediti. Illam habent communem cum brutis animantibus: hanc cum Spiritibus cælestibus, qui omnis concretionis cum materia, sunt expertes.

17. Sed si se mouere possunt; quid est, quod anima Lazari, illius Evangelici, Lucæ 16. dicitur, *ab Angelis deportata in sinum Abrahæ*? quid opus vectore Spiritui firmo atque robusto? Absurda nimium est sententia quorundam, hinc colligentium, Animas corporibus exutas mouere se loco non posse: quod *ab Angelis*, quasi mortuum & ignatum onus dicantur *deportari*. Non ea vim *portandi* verbum habet; vel significet onus gestare; sed pro *ducere* positum est; vt in illo psalm. 90. *In manibus portabunt te, ne forte offendas ad lapidem pedem tuum*. Neque enim significat Propheta Angelos manibus portaturos Christum: sed ita ducturos, quacunque incederet, & ita perfecturos, vt non magis ad lapidem posset offendere; quàm si manibus gestaretur. Eodem modo significatur animam Lazari portatam ab Angelis. Quocirca non magis, ex hoc loco, animas, quam ex illo Psalmi Christum moueri non posse, probari potest. Non Angelorum ministerio Lazari anima indigebat, Honoris officium, quod ipsi debebatur, præstabunt Angeli.

18. Idem beneficium *beatis animabus*, quando ex hoc seculo emigrant, iidem Angeli præstant, quæ alioquin per se absque vlllo cælestium Spirituum subsidio & sodalitia, mox ad cælestia regna transuolare possent. Neque enim animæ hæ locum possunt ignorare, aut quò & quâ tendunt, beatæ enim sunt, & quæ ad ipsarum conditionem pertinent, nōrunt perfectè. Neque deest ipsis facundum mouendi, hoc iam demonstratum est. Et cum ipsos ardens cupiditas

tas teneat; vt Christo sint præsentes; summaque obedientia, vt sententiam, quæ pro ipsis lata est, cum corpora relinquerent, expediant; subito se ad coelos transferent. Vide Tostatum, in 25. Matth. q. 777.

Et quamuis *purgandorum Spiritus*, non sine custode Angelo, ad supplicij locum descendant; non tamen ille vector, sed ductor ipsorum est, sciunt illi Spiritus, postquam è corpore egressi; quis ipsis locus destinatus sit. Et licet poenas horreant, promptissimè tamen ad illas se offerunt: adeoque ad supplicij loca festinant, cum sciant peccatis suis illas deberi; & ijs persolutis aditum sibi ad coelestia sempiterna & immensa gaudia patere. Angelum tamen ductorem atque socium habent, partim, vt viam, quam ignorare possunt, demonstret: partim, vt solatium aliquod ab iisdem percipiant. Vide Tostatum in 25. Matth. q. 778.

Similiter *damnatus Spiritibus*, si quidem per se, diuinam sententiam exequi vellent, vectoribus nullis opus esset. Vectores tamen (non tantum ductores) habent, & quidem Dæmones, (quamuis Hieron. in 7. c. Daniel & Ambr. l. 5. Ep. 21. bonos Angelos videantur asserere:) tum, quia locum supplicij sibi destinatum ignorant: tum, quia supplicia, suppliciorumque locum, quæ adeunda sunt, horrent & aduersantur: quemadmodum & Deum ipsum, cuius sententiam detestantur, & blasphemant, vt ob id, nisi vis illis à Dæmonibus, quasi diuinæ iustitiæ ministris, fieret, atque ad inferos raperentur, loco inferni nequaquam per se peterent. Vide de his Dominicum Soto in fine Comm. in 4. Sententiarum, & Theodorum Peltanum, de Purg. & Sedib. Anim. & Tostatum, in 25. Matth. q. 779. *Valent igitur vi mouendi defunctorum Spiritus*. Atque hoc primum est Assertorum nostrorum.

Secundum sit. *Possunt iidem defunctorum Spiritus propria virtute ad viuentes redire; quamuis, vt redeant, non semper permittatur*. Cum enim virtute se mouendi sint præditi; & loca mutare valeant; cur minus potuerunt ad superos redire, quàm ad quæcunque alia loca penetrare? Et cum bonum propositum ipsos ad loca petenda inuitet, poteritne hoc æquè apud superos inueniri, quàm quibuscunque locis alijs?

Veruntamen, quòd virtute naturali sibi congenita, possunt; hoc non semper ipsis permittitur; & imprimis illis, de quibus nobis est sermo, molestantibus Spiritibus. Hi certis locis, pro ratione suorum meritorum, sunt deputati: ex quibus non nisi pro eius, qui supplicia decreuit, voluntate exire licet. Sed aliud est quærere,

DE LOCIS INFESTIS

94

quid culparum merito debeant; aliud, quid viribus naturæ possint.

23. Tertium, Assertum. *Defunctorum hominum Spiritus rerum species per quas in viventium oculos incurrunt conspiciuntur, sibi idem vera desint corpora, per se efficere nequeunt.* Explico, quod obscurius dicitur. Duobus modis contingit, ut defunctorum Spiritus sub visus sensum veniant: nunc in nudis tantum, quæ fiunt speciebus, nunc in veris corporibus, quæ species sui ad oculos transmittunt. De priori nobis sermo est. Sed hic duplex est. Aliquando enim ipsæ species non extra humanos sunt oculos; quemadmodum neque ipsæ quæ videri videntur, res: aliquando in aere factæ, ad oculos transmittuntur. Neutro modo opera sunt humanorum Spirituum.

24. Quo enim dici debent? Dum nullum esse extra visus organum habent, ingenio magno, acriq; industria fiunt; & nunc quidem humorum varia multipliciq; compositione: nunc phantasmatum commotione, quid autem hic possunt humani Spiritus, quib. neque in humores, aut phantasmata potestas data; neque sciunt, quomodo utraq; componi, misceriq; debeant, ut quas vellēt formas exhibeant?

25. Ita cum in aere compacto atque composito formantur species, humanos Spiritus non habent auctores. Et hic magna scientia, & excellens necessaria est potestas: quæ si non in omnibus, certè in pluribus, qui molesti sunt, Spiritibus, desiderantur. Ut taceam credi fortè posse in hoc genere non posse Spiritus hos à corporibus liberos, quod non potuerunt (quemadmodum hoc non potuerunt) corporibus coniuncti.

26. Quarum Assertum fit. *Nec his defunctorum Spiritibus authoribus hominū Imago inmediate perturbari, aut affici potest.* Omnis quæ in imaginationem hominis impressio fit, rerum speciebus & simulachris, tanquam quibusdam instrumentis, perficitur. Quocirca qui potestate has species producendi carent; in hominis imaginationem possunt nihil. At carent hac Spiritus defunctorum. Nec mirum, quia etiam vivi in imaginationem hominis potuerunt nihil inmediate, quicquid potuerunt, interueniente exteriorum sensuum ministerio perfectum est.

27. Hinc iam ad quintum Assertum descenditur; quo dicimus, *Molestias, quas in somno quidam patiuntur, ob simulachra atque idola variasq; formas, quæ phantasiam occupant, humanos Spiritus autores habere non posse.* Si vigilantibus has afferre nequeunt, poterunt dormientibus, & somno pressis? Somnus forsitan aliorum vel scientiam Spiritibus addit maiorem, vel vires robustiores?

28. Corpora quoque propria virtute vigiæ sua assumere nequeunt hi molestantes huma-

PARS PRIMA.

95

humani spiritus. Hoc sextum sit eorum, quæ asserimus. Cæterum nomine assumptionis, hoc loco, non illam unionem intelligimus, quæ Spiritus corpori, tanquam mobili uniuntur, in eoque apparere, & se exhibere affectant: sed compositionem, atque aeris coagmentationem talem, quæ prorsus humanam formam, figuramue referat. In priori illa admittenda difficiles non sumus, at posteriorem ob duas causas humanis Spiritibus suspicamur impossibilem. Prior est, quod non inter Philosophos etiam excellenter doctos conveniat, qua ratione assumptio illa perficiatur, posterior, quod vires humanorum Spirituum, dum corpora sua sustentant, huic negotio sint impares.

An fortè maiores sunt vires Spirituum separatorum, quam coniunctorum? Vires naturas sequuntur: quo illæ habent perfectius *Esse*; 29. eò integriores vegetioresque vires. At *esse* Spirituum corpora informantium perfectius est eò, quod habent à corporib. separati: quemadmodum docet Testatus Abul in 25. Matth. q. 85.

Fortè tunc scient; quod in corporibus constituti, in hoc corporum, & aeris coagmentatione ignorant. At unde scire possunt illi, de quibus nostra est disputatio, damnati, vel nòdum beati Spiritus? Ex se non intelligunt. Unde igitur? forsitan statim aliquis ipsis se pædagogus, qui doceat, offert? 30.

Et ut intelligant rationem; modumque componendi maximè: vires etiam habeant non inferiores abstracti à corporibus, quam corporibus inclusi: necdum tamen tantum creduntur posse; ut corpora hæc forment. quod non pares, sed multò maiores vires hic necessariæ videntur, quàm humanis Spiritibus à Deo Opt. Max. sint communicatæ. 31.

Porrò quemadmodum corpora hæc coagmentare atque condensare *per se* nequeunt humani Spiritus: ita neque ipsi sunt, qui formas atque figuras, sub quibus conspiciuntur à viventibus. Hoc septimum Assertorum. Eosdem authores habent *figura* atque formæ; quos habent ipsa condensata corpora: propterea; quod fines condensatorum corporum sint figuræ, atque à condensatis corporibus non differant. 32.

Non igitur Spirituum humanorum opera sunt facies tristes, & macie confectæ; aut vultus hilarior: non forma viris aut foeminea, non species senioris aut adolescentioris: non intonsa & prolixior barba: non truces oculi: & quæcunque tandem ad formam spectare possunt. Quemadmodum vestis authorem habet non illum, qui ipsa utitur; sed sartorem; ita formæ hæc non Spiritus, qui illas circum- 33.

circumferunt; sed illum, qui corporum, in quibus formæ sunt, est compactor & fabricator.

34. Eadem ratione colores, qui in hisce corporibus conspiciuntur, his Spiritibus, tanquam authoribus, tribui non debent. Hoc octauo assertum esto. An in formata iam corpora colorem per se valent inducere? Nec ipsi quidem hoc possunt (quamuis longè his excellentiores) Angeli: qui quotiescunque colorem rebus addunt, non per se, sed subsidio aliorum corporum addunt. Colores igitur, quoniam corpora sequuntur, eosdem cum corporibus habebunt autores.

35. Interim tamen, quamuis corpora assumere visua non possint humani Spiritus; possunt tamen iam formata, & sibi quasi commodata, mouere & circumferre. Atque hoc nouum sit nostrorum Assertorum. Quid enim; cur minus possint, prohibet? Si sua potuerunt, quæ olim fouebant; non poterunt his similia, quæ non fouent? Et formæ sunt corporum hi Spiritus: & corporum motores sunt. Hic quamuis formæ non sint; motores tamen sunt: quocirca & hæc mouere poterunt. Atque hæc pluribus docet Tostatus in 25. Matt. q. 773. quamuis contrarium doceat S. Thomas in 1. part. 117. art. 4.

36. Veruntamen non quacunque sibi commodata & tradita mouere possunt. Quid si mole ingentes excedant montes? quid si enormi magnitudine superent quæcunque humana? & nihilominus humanam retineant formam? Spirituum humanorum in assumptis corporibus non maior virtus est; atqui eorundem fuit in corporibus proprijs. Quocirca si quæ corpora disdistant a son humana excedant, humanorum Spirituum vi tantum illa non mouebuntur, sed etiam virtute aliqua superiore. Hoc decimum sit Assertorum, ex sententia Tostati Abul. in 25. Matt. q. 774.

37. Quod si verò assumpta infra humanorum corporum sint quantitatem; multo illa facilius mouebunt. quoniam faciliior motus; vbi virtus agentis maior, & minor patientis. Si iustam humanorum staturam attingent, mouebunt: quamuis non æquè facile, vt propria, quæ informarunt aliquando; propterea, quod maior sit vis Spirituum informantium & mouentium, quàm mouentium tantum, & non informantium. Sit hoc Vndecimum.

38. Præterea in hoc Spirituum corpora mouentium motu, non illa mouendi ratio seruetur, quæ in corporibus proprijs. Hic ita mouent Spiritus, vt parte vna mota, eadem aliam impellant, & moueant: ibi ita assumpta corpora mouent, vt tota simul pellant, & promoueant. Hoc Duodecimum.

Sed & hęc corpora ita mouent, vt tamen non ipsi sint, qui eadem ne con- 40.
cidant, atq; dissoluantur, conseruent, quod ibi præstant. Quemadmodum
enim dum corpora informant, eadem virtute illa, qua informant,
conseruant; ita hęc, quia corpora nec informant, nec formant; non ipsi
sunt, qui conseruant, sed illi, qui eadem formant, Spiritus. Sit hoc
decimum tertium Assertorum.

Cæterum, quia corpora hęc Spiritus mouere possunt, idcirco 41.
quacunque cum hoc motu coniuncta esse possunt, ydem Spiritus præstare valent,
eademq; ipsis Spiritibus authoribus rectè tribuuntur. quod decimum quar-
tum Assertorum loco volumus esse assertum. Neque hoc mirum.
Corporibus his tanquam instrumentis vtuntur Spiritus, quemadmo-
dum ergo quæcunque per instrumenta fiunt, præcipuo agenti; ita quæ
per horum corporum motum; ipsis Spiritibus, qui corpora mouent,
tribuenda sunt.

Quæ verò hęc? Ad *Tria* genera prima reuocantur omnia. Quæ- 42.
dam percipiuntur visu: quædam auditu: quædam tactu. Visu perci-
piuntur ipsa corpora, corporum quantitas, colores, figuræ atque motus.
Auditu strepitus, tumultus, clamores, gemitus, & his similia. Tactu im-
pulsus, tractus, verbera, & quæ eiusdem sunt generis.

Possunt igitur *visum* mouere Spiritus humani. Quamuis enim ipsi 43.
colorem, figuramque, quæ visus obiecta sunt, non forment; secum ta-
men afferunt, & oculis viuientium ingerunt: & quia hęc species sui in
sensibus relinquunt; hoc ipso Spiritus videri, rectissimè dici possunt,
*visum*que mouere.

Possunt *excitare tumultus* atque strepitus. Quia sua; quæ circumfe- 44.
runt, possunt alijs allidere corporibus: ita, vt inter vtraque interceptus
aer ruptus, pressusque strepitum reddat. Possunt & arreptis instru-
mentis, non minus atque fabri, alia corpora *pulsare*. Possunt aeris com-
motione in ipsis, quæ circumferunt, corporibus, sibilos, sonos, aliaq;
quæ auditum afficiunt, producere.

Et hęc possunt in sensu destituta corpora. Possunt quoque in illa, 45.
quæ sensu sunt prædita. vt ob id hęc verè dici possit Spiritus hos sen-
sus afficere: & nunc dolorem parere; nunc voluptatem afferre; non
minus, quàm viuientium adhuc corpora in viuentibus hęc effi-
ciunt.

Discrimen nihilominus aliquod est inter *Tria* hęc, quæ sensibus 46.
percipiuntur, & humanis Spiritibus authoribus, per assumpta cor-
pora fiunt, rerum genera. Nam quæ sub *visum* cadunt, semper ipsis
Spiritibus possunt tribui. quæ auditu atque tactu non semper. Expli-
co. Quotiescunque oculis viuientium corpora suo Spiritus obijciunt,

visum ipsi per se, absque alterius Spiritus subsidio mouere, dici possunt. At non quotiescunque audiuntur tumultus: non quotiescunque aliquid à similibus corporibus viuētes patiūtur, hæc in solos Spiritus humanos, qui in corporibus degunt, sunt referenda. Possunt esse tanti tumultus, vt humanas vires superent. Possunt esse molestiæ tam graues, & vis illata tanta; vt superiorum Spirituum operam, industriamque requirant. Sunt suæ certæ atque definitæ vires Spirituum in his corporibus: quæ ob id non quoscunque, sed sibi respondentes effectus producere valent. Vtrum verè hic *omnia* quæ possunt, *re ipsa* præstent, sequenti Capite explicandum erit.

CAP. XXIII.

Quæ ex ijs rebus, quas in molestijs atq; infestationibus Spirituum, viuentes percipiunt, Spiritibus Angelicis tribuenda sint. Et non humanis: quamuis humani illarum videantur esse authores.

1. **I**nquisitum est, quid in molestijs; quæ per Spiritus viuentibus afferuntur, humanis Spiritibus tribui possit. Quia verò exiguum est illud, non abs re fuerit, si doceamus, *Quinam reliquarum, quæ afferuntur, molestiarum, sint authores.* Parum enim est scire, qui ipsarum authores non sint: multum, nosse qui non sint.

2. Et quidem si rationi consentanea sunt, & à vero non aliena, quæ superiori Capite sunt dicta, expediri hic est responsio. Concedendum enim est, *omnium, quæ ab humanis Spiritibus non efficiuntur, Angelos (vtrum bonos vel malos, postmodum discentietur) authores esse.* Quid ita? quia de molestijs, quas Spiritus afferunt, tota Disputatio est, Spirituum autem horum duo tantum sunt genera: sunt alij Angelici; alij humani. (de Deo hîc nihil) quæ igitur ab humanis non fiunt, prorsus necesse est, fiant ab Angelicis.

3. Verumenimverò, quia quædam hîc difficultatem habent; res etiam digna est, quæ, diligentius discutiatur: operæ pretium fecerimus, si omnes molestandi modos, quos superiori Capite percurrimus, hîc relegamus; & in singulis, non quid possint, sed quid præstent Spiritus Angelici, explicemus.

Nam.

Nam si quid *Possint* quærat. brevis responsio est: *Omnes omnino molestandi rationes, quocumq; modo illæ percipiantur, Angelos posse habere authores. Possunt. Angeli sensus exteriores immutare. Possunt imaginationem hominis varijs simulachris imbuere; mirabilesque affectiones excitare. Possunt strepitus & tumultus edere. Possunt viuentes protrudere, impellere, retrahere. Possunt denique vulnera infligere, atque aded mortem ipsam afferre.* 4

Atque quemadmodum hæc in his tumultibus, locisque infestis, *possunt*:: ita multo plura *per se* simpliciter *possunt*, quæ quoniam fidem humanam quasi superant, hæc, quæ diximus, ijs authoribus fieri posse, dubium nemini esse debet. Et quæ illa? Ad duo genera reuocari posse videntur omnia, quædam immediata ipsorum actione fiunt, quædam interuenientibus causis naturalibus. Quæ ibi fiunt, fiunt per motum localem: quæ hic virtute rerum naturalium præcipuè. In utroque genere species multæ. 5.

Motu locali *possunt primò* plurimum in elementa. Nam ignem ex superioris aeris parte *possunt* in hæc inferiora dimittere, atque incendia excitare (Iob. 1.) Sic *possunt* immittere ventos, qui etiam vasta diruant ædificia. (Iob. 1.) item: excitare tempestates in mari vel concitatis ventis, vel aquis maris turbatis; denique terram magnis motibus concutere, aut immisione spirituum vehementium in cauernasteræ, vel concussione conclusi spiritus in iisdem. 6

Possunt deinde ex vno loco in alium transferre, & homines, & animalia, & quæcunque alia corpora.

Possunt tertio, res præsentis subito ex hominum conspectibus subtrahere, atque ita inuisibiles reddere.

Possunt quarto efficere, ut statuat, resque aliæ anima destitutæ more hominum incedant. *Possunt efficere quinto*, ut eadem quemadmodum homines loquantur aut loqui videantur. *Possunt sexto* facere, ut animalia ita se moneant, ita agant, ac si ratione & consilio vterentur; quemadmodum serpens Aesculapij quem diuinitatis quædam quasi signa dantem Romani in Urbem aduexerunt, teste Valerio, lib. 1. capite 8.

Possunt septimò res certis locis ita sustinere, ut ijs magna etiam vi adhibita, moueri nequeant. *Possunt 8.* subito globos igneos, ardentisque flammæ producere. *Possunt 9.* flumina sistere, & in contrarium impellere cursum. *Possunt 10.* corpora quorumcunque animalium formare, eaque induere.

Possunt 11. repræsentare varias quarum libet rerum formas, auri, argenti, cupri, gemmarum, dapum, &c. *Possunt 12.* concitare &

conturbare humores, vel spiritus, qui sunt in corpore humano; distrahere item partium compages atque connexiones, cum maximo hominum dolore.

Possunt 13. spiritus animales, qui interiorum sensuum functionibus deseruiunt, ita mouere & conformare; vt res quasdam præteritas, vel præsentēs; vel futuras representent. Eosdem spiritus iam speciebus rerum exteriorū informatos possunt ad sensus exteriores deuoluere, atque ita miris modis hominibus illudere, vt sibi videre ante oculos videantur, quæ extra oculos non sunt.

Possunt 14. dormientium phantasmata mouere, atque res varias, etiam futuras, representare; quemadmodum & in diuinatoribus faciunt. *Possunt 15.* imponere sensibus exterioribus, vel intrinsecus spiritus animales commouendo, & vt diximus ad sensus exteriores deuoluendo; vel extrinsecus falsa obiecta, & rerum tantum simulachra, non autem res ipsas offerendo.

Possunt 16. omnis generis effectiones in homine excitare, gaudij, doloris, amoris, odij, timoris, spei: &c. & hoc vel species & formas rerum obijciendo, quæ dictarum affectionum sunt, causæ; vel interius nunc phantasiam ad similes representandas mouendo; nunc humores, qui harum affectionum materia sunt, concitando. Hæc omnia motu locali possunt spiritus dicti. Exempla singula docere breuitatis studium non permittit.

7. Mira etiam *possunt* interuenientibus causis naturalibus, ijs, quas *secundas* dicimus: Sunt enim harum virtutes & vires multæ, magnæ, præclaræ, admirabiles, stupendæ: vt exemplis plurimis docent Plinius, lib. secundo Naturalis historię, capite nonagesimo sexto. Proclus libro de Sacrificio & Magia. S. Augustinus, libro vigesimo primo de Ciuitate Dei, capite quarto, & quinto. Albertus Magnus libro secundo Mineralium, Tract. 2. cap. 1. 11. 17. Fracastorius libro de Simpathia. Ficinus libro quarto de Theologia Platonis, capite primo. Cardanus de Subtilitate & Varietate rerum. Et nōrunt spiritus, de quibus quæstio est, quæ virtutes quibus rebus infint. Nōrunt vbi locorum res lateant. Nōrunt quibus cum rebus componi, misceri, quomodoque temperari debeant. Nōrunt, quo tempore tempestiuè, & oportunè ad operandum adhiberi oporteat. Hæc nōrunt omnia. Et cum res maxima facilitate, celeritateque, quocunq; libuerit, & valeant transferre; miranda sunt, quæ harum adminiculo *possunt*: & miranda eò magis mortalibus; quòd quomodo hæc fiant, non intelligant, quamuis etiam naturaliter fiant.

Hæc possunt Spiritus, & possunt ijs modis, quos recensuimus: vt nō- 8.
runt docti; & exemplis confirmat Benedictus Perierius, lib. primo de
Magia, capite sexto. Quidni igitur possent omnia, quæ locis infestis ob-
seruantur? Verum, quoniam de potentia quæstio non est, sed de factis;
quidnam ipsi Spiritus præstent, in his tumultibus; & quænam ipso-
rum hîc ita sint propriæ functiones, atque officia; vt Spiritibus huma-
nis tribui non debeant, hoc discutiamus.

Huic igitur quæstioni hoc responsi datum sit. In molestijs his atque 9.
infestationibus, duplicis generis res esse, quæ non humanos, sed Angelicos Spi-
ritus habeant auctores. Quædam sunt, quæ ab humanis perfici neque-
unt: quædam quamuis horum opera fieri possint, vt tamen fiant, non
est verisimile. De prioribus, quod Angelos auctores habeant, non
potest esse dubium, cum alios nequeant habere. De posterioribus,
quod habeant, & Angelorum, & humanorum Spirituum conditio
persuadere videntur. Vtræque variæ sunt. Ostendimus in singulis
generibus.

In priorum genere sunt primùm præstigia atq; illusiones sensuum, quî- 10.
bus viuentibus imponitur, vt se percipere existiment, quæ reuera non
percipiunt; sed vel in solis sunt sensibus externis; vel rerum solum
sunt simulachra in aere effecta. Diximus superius ab humanis Spi-
ritibus hæc fieri non posse. quò fit, vt quæ hac ratione, molestia affertur,
ab Angelis afferatur.

Sunt deinde impressões in hominis imaginationem productæ: ve- 11.
runtamen tales, quæ absque exterioris corporis (quod sensus ex-
ternos primùm afficiat; deinde sui species ad phantasiam trans-
mittat) subsidio sint factæ. Nam quæ exteriorum censuum
adminiculo ab obiectis corporibus excitantur; ab humanis Spi-
ritibus, dum corpora circumferunt, fieri possunt. Ad quæ
hoc corporum subsidio destitutæ sunt, fiuntque humorum,
spirituum, specierumque, quæ in phantasia sedes suas habent, com-
motione; quia humanas vires excedunt, Angelos auctores agnos-
cunt.

Sunt tertio illusiones nocturna, quæ dormientibus somnoq; pressis accidunt. 12.
Angelis etiam illæ tribuendæ sunt. Possunt hî in hominis phantasi-
am se insinuare. Possunt æquè dormientibus atque vigilantibus va-
ria idola obijcere. Et cum ad hæc quoque impares sint hominum
Spiritus, authorem nihilominus postulent, Spiritus habebunt Ange-
lbs, à quibus producantur.

Quartò opera Angelorum sunt, quæ formantur & circumferuntur 13.
corpora. Huius quidem eadem, quæ priorum, ratio: sed tamen

quàm hæc bene, expediteque ab Angelis perficiantur docent Theologi, qui materiam corporalem ad nutum ipsis dicunt esse subiectam vt & formare subitò quæ velint, valeant corpora; & eadem mox, quando libet, possint deponere.

14. Et quemadmodum corpora formant hi Spiritus Angelici, ita ipsi sunt, qui ne forma concidant, impediunt; eademque conseruant; & quibus eorundem tandem dissolutio tribuenda est. Et prius illud propria aliqua, distinctaque ab ipsis actione efficiūt. Hoc Idcirco ipsis tribuitur; quòd ipsa definant conseruare: patianturque in priorem, ex quo compacta sunt, aerem redire. Hoc quintum in molestijs hisce Angelorum opus.
15. Sic ipsis tribuenda figura atque forma, sub quibus humani spiritus conspiciuntur. Sicuti corporum; ita formarum, quæ corpora sequuntur, sunt authores. Quamuis negari non debeat, quin easdem immutare quadam tenus valeant humani Spiritus, corporis, quod circumferunt, nunc contractione, nunc dilatatione, &c. Sit hoc sextum opus.
16. Tribui quoque debent Angelis colores, per quos in viuentium oculos incurrunt. Quid mirum non sunt effectus Spirituum humanorum: oportet igitur sint horum. Corporum etiam sequuntur compositionem; & pro materiæ, & ex qua oriuntur, varia coactione; pro qualitate luminis, quod concipiunt, alij sunt, atque alij. At corpora componunt Angeli. Materiam alio atque alio modo cogunt Angeli. Colores igitur quoddam sunt opus Angelorum
17. Octauo, Spiritibus Angelicis authoribus credi debet exhiberi & circumferri ingentia, vastaque corpora, & quam mole sua viuentes meriò terrent, quantumcumque illa humanam formam referant. Communis quidem horum cum iam dictis est ratio; quod similibus corporibus circumferendis vires humanæ non sufficiant; sed tamen ex causa redditus Spirituum idem facillè docetur. Redeūt enim Spiritus hominum, vt cognoscantur: Conuenit igitur, vt non sub peregrina; & humanam formam excedente; sed vsitata, & hominibus familiari, & tali, qualem olim habuerunt, conspiciantur.
18. Tumultus quoque aliquando ingentes audiuntur, audiuntur maximi strepitus; qui nonnunquam integras videntur concutere domos; Atque etiam ibi audiuntur, vbi constat molestos esse humanos Spiritus. Sed tamen non humanorum Spirituum hi sunt opera. Quemadmodum ingentia illa corpora; ita hos tumultus atque strepitus Angeli excitant. Illorum vires non superant; hominum vires superant.

Decimò. In Angelos illa molestia tactiles referenda sunt, quæcumq; ab hominibus fieri non posse iudicantur. Quemadmodum in cæteris omnibus vires humanas certam regulam constituimus humanarum molestiarum; ita easdem valere voluimus ad molestias illas, non humanis, sed Angelicis Spiritibus tribuendas, quæ easdem vires excedunt. In harum ferè genere sunt incendia, euerfiones ædium, vstiones, sectiones, sine armis inflicta vulnera atque his similia, quæ videri quidem possunt ab humanis Spiritibus fieri, reuera tamen sunt ab Angelis plerumque. 19.

Dictis vndecimum addo. Quòd quodocumq; aliquibus inuisibiles in assumptis corporibus redduntur humani Spiritus, opus Angelorum agnoscere oporteat. Et hoc aliquando fieri dubium non est. quia eodem loco existentes ab his videntur, ab alijs nequaquam. Quod verò Angelorum hoc opus sit, tam est certum; quam quod humanorum Spirituum esse non possit. 20.

Et quæ hætenus diximus, in illorum sunt genere, quæ idcirco Spiritibus Angelicis tribuuntur; quia per humanos fieri nequeunt. Alia sunt, quæ quamuis per humanos fieri possint; & humanas vires nõ excedant; ob iustas tamen causas, potius Angelis, quàm hominum Spiritibus tribui debere videntur. 21.

In horum genere sunt grania damna, quæ viuentibus quandoque per Spiritus afferuntur, qualia sunt mors, contractio membrorum, & his similia. Hæc quamuis humanis Spiritibus authoribus fieri possint; ab Angelis tamen, & non humanis Spiritibus afferri credimus, ob rationes, quas capite 29. in secunda nostra Disputationis parte afferimus. 22.

Ex dictis manifestum est, quid discriminis sit inter molestias, quas Angeli atque illas, quas humani Spiritus viuentibus afferunt, si ad molestiarum authores respiciamus. Possunt Angeli absque humanorum Spirituum opera molesti esse: non possunt Spiritus humani absque Angelorum. Quotiescunque molestiæ ab humanis Spiritibus afferuntur, aliqua opera Angelorum interuenit. At non quotiescunque molesti sunt Angeli: opera accedit Spirituum humanorum. 23.

DE LOCIS INFESTIS.
CAP. XXV.

Quibus Angelis authoribus tribuenda sunt illa, quæ cum molestijs, quæ ab humanis Spiritibus afferuntur viventibus, coniuncta sunt: bonisne an malis.

1. **P**lurima esse in infestationibus atque molestijs, quæ per humanos Spiritus afferuntur, & non his, sed Angelis authoribus fiunt, ex duobus præcedentibus Capitibus certum est, & manifestum. Verum quoniam Angeli duplices sunt: quidam mali, qui propter peccata sua, à Dei gratia exciderunt, & infernalibus poenis adiudicati sunt: quidam boni, qui in gratia perstiterunt, & vitam æternam, quam iam felicissimam agunt sibi promeruerunt; meritò quæritur, *Vtròsnam veros autores atque effectores molestiarum agnoscere debeamus*; bonosne, id est, beatos Spiritus; an malos, id est, Dæmones. Cui quæstioni præsentis Capite respondendum est.
2. Et quidem ab vtrisque molestias omnes, qualescunque etiam illæ fiat, omniæque, quæ ad molestias concurrunt, *posse* procurari, nemo ignorat. Cum enim hîc tria necessaria sint, voluntas, ut velint; scientia, ut norint; potestas, ut valeant: hæcque omnia & singula, tam in bonis, quam malis Angelis reperiuntur; quid prohibet cur molestiæ hæ vtròsque autores habere possint.
3. Et de *voluntate*, quod velle possint, dubium non est. potest à Deo ipsis officium hoc imponi; voluntati autem eius quis resistet? possunt & ipsi ultro hæc officia suscipere. Non enim ab ipsorum conditione sunt aliena. Denique hæcque hisque similia vtrique non rarò præstant apud viuentes.
4. Sic de *scientia* ipsorum res est extra controuersiam. Possent scientia maxima vtrique ob rerum omnium sibi in principio mundi congenitas species, in quibus veluti in speculo, quas, & quot, & quando volunt, res possunt perfectissimè intueri. Ad hanc cum rerum multarum obseruatio, experientiaque accesserit; non potuit non magna incrementa rerum successu accepisse.
5. Nec est dubium de potestate vtrorumque. *Natura corporalis*, inquitunt Philosophi, *ad omnem localem motum Angelis subiecta est*. An bonis tantum? Etiam malis. Iam verò molestiæ hæ, & quæcunque cum

cum ipsis sunt coniuncta, motu corporalis naturæ fiunt & perficiuntur omnia.

Obstat fortassis dictis, quòd quidam ipsorum, à statu perfectiori, in quo conditi sunt, exciderunt? Non obstat. Non ob hoc vires ipsorum, quæ hic requiruntur, labefactatæ sunt: non sunt diminutæ. Natura tam in his integra, perfectaque permanfit; quàm in alijs, qui à statu suo non exciderunt, sed maioribus transnaturalibusque donis sunt cumulati.

Sic nec à bonorum Angelorū conditione officia hæc aliena sunt. quamvis enim hi in diuinæ Maiestatis contemplatione sint toti; humanarum tamen rerum curam, cogitationesque quas Deus Opt. Max. illis commendauit, non deponunt; quin eò & diligentius & ardentius exequuntur sibi imposita officia; quò diuinæ beneuolentiæ in se sentiunt & obseruant argumenta clariora & maiora.

Et possunt boni Angeli etiam esse authores molestiarum, quæ damnatorum hominum Spiritibus tribuuntur. Et possunt mali Angeli esse authores earum, quæ tribuuntur purgandis Spiritibus. Cur enim non possunt? An quod suis viribus possunt, id ne præstare valeant, prohibet conditio Spirituum humanorum? Non prohibet.

Possunt igitur vtrique omnium molestiarum, & quæ cum ipsis coniuncta sunt, esse authores, siue à bonis, purgandisque Spiritibus afferantur; siue à malis damnatorum hominum Spiritibus. An etiam authores sunt? Hoc maiorem habet difficultatem.

Quæstioni verò huic ita rectè responsum existimamus, si dicamus, Omnium quæ malis damnatorum hominum Spiritibus tribuuntur, ab ipsis autem fieri nequeunt, non bonos, sed malos Angelos authores & Architectos esse. Præterea, Omniū quæ à purgandis Spiritibus fieri putantur, nec tamen ipsorum virtute fieri possunt, Angelis bonis, tanquam causis efficientibus ascribenda. Vt breuiter dici possit: Damnatorum Spirituum administratos in molestijs esse Dæmones; Purgandorum verò in iisdem Administratos esse Angelos beatos. Vide Thom. 1. p. quæst. 89. a. 8. ad 2.

Quòd dicimus vtrorumque conditio postulare videtur. Quæ enim participatio iustitiæ cum iniquitate? quæ societas luci ad tenebras? quæ conuëctio Christi ad Belial? qui consensus templo Dei cum idolis? Ita D. Paulus 2. Cor. 6. Et hæc docere possunt bonos Angelos non hic perditæ salutis Spiritibus seruire: sed eadem inuersa probabunt malos Angelos non se ingerere in res, atque negotia purgandorum Spirituum. Quæ enim participatio iniquitati cum iustitiâ? quæ societas tenebrarum ad lucem? quæ conuentio Belial ad Christum? qui consensus idolis cum templo Dei?

12. Veruntamen, ut ad singulos Spiritus descendamus, *dici non debet, damnatorum hominum ministros in his molestijs esse Angelos bonos*. Ipsi ut communem hanc mortalemque vitam reliquerunt, mox ab Angelis bonis omnibus deferuntur; infernalibusque tortoribus perpetuò cruciandi traduntur. ut ob id horum, non illorum Angelorum, si qua in re opus habent, ministeria expectare debeant.
13. Sed odium atque crudelitas Dæmonum hoc clarius persuadet. Cum enim incredibili odio erga miseros flagrent; quis credat, quod in ipsorum potestatem reductos, sibi que planè subiectos, vel ad breuissimum tempus, vel ad latum vnguem deferant? Quocirca non in inferno tantum infelicibus adsunt, sed eosdem, si quando ita Deo iubente redire coguntur, sequuntur ad viuos proficiscentes; eorumque prauos conatus, quibus possunt modis promouent.
14. Et quamuis inuiti viuentium rebus intersint damnatorum hominum Spiritus; nunquam tamen adsunt, quin viuentibus malè velint, suosque redditus detrimenta illis adferre desiderent. *Damnatorum voluntas omnis iniusta est*, inquit B. Greg. 18. Moral. cap. 1. Ad hæc verò bonos Angelos operas suas locare quis credet? malos recusare, cui persuadebitur?
25. Poena quædam damnatorum Spirituum hic redditus esse creditur. Quamuis enim extra infernum, propter vagandi libidinem, esse percipiant: ut tamen viuis appareant: viuis ipsorum misera conditio innotescat, refugiant. *Superbia eorum ascendit semper*. Iam verò ad damnatorum hominum poenas non boni Angeli; sed Dæmones concurrunt. His igitur non beatis Angelis, quæ in hoc molestandi genere obseruantur; tribuantur.
16. Mox ab ipsorum morte ut in hos Spiritus sententia iusti Iudicis fertur, miseri in Dæmonum veniunt potestatem. Per Dæmones rapiuntur ad loca tormentorum. Per Dæmones detinentur iisdem locis. Per Dæmones cruciantur. Per Dæmones educuntur (quando exire datur) ex inferno: Et solæ molestiæ quas extra infernum mortalibus afferunt, quæque cum molestijs coniuncta sunt, bonos Angelos, & non Dæmones habebunt authores? *Hoc de damnatorum hominum Spiritibus.*
17. Porro ut Spirituum damnatorum hominum administri non sunt boni Angeli; ita mali, siue *Dæmones* nihil eorum, quæ cum purgandorum Spirituum molestijs coniuncta sunt, efficiunt. Omnia hæc bonos Angelos habent authores. Melior rectè sentientium opinio est, purgandos homi-

hominum Spiritus à malis Angelis pati nihil. Si verò lateri ipsorum adhærent, dum rebus viuentium interfunt, adeoque propemodum omnia subministrant atque efficiunt, quæ hic necessaria sunt; quomodo ab ipsis pati nihil, nulla molestia affici credi debet?

Viuentes quidem sequuntur Diaboli: viuentibus molestiam pariunt: sed piè in Christo mortuos, quamuis etiam purgatorijs pœnis expiuntur, prorsus deferunt. Ibi persequuntur; quia ruinam ijsdem se sperant posse afferre: hic deferunt; quia frustra sciunt laborem omnem suscipi contra animas, de salute sua securissimas.

Non ignorant Dæmones horum Spirituum conditionem. Non ignorant quas ob causas redire ad viuos permittantur. Sciunt esse ascriptos numero ciuium cælestium. Sciunt reditum ipsis singulari Dei beneficio concedi; vt citius à pœnis expediti, Deo perfruantur. In hanc rem operas suas conferrent Spiritus Nequam? Nequaquam.

Ita à potestate Dæmonum Spiritus purgandi sunt exempti: vt neque defunctos corpore comitentur ad purgatoria loca: neque in purgatorijs locis vllam ijsdem molestiam afferant: sed nec adsint purgatorias pœnas sustinentibus. Hæc melior opinio. (Alij aliud. Vide fol. 1945. Bel. Tom. 1. Et si quando ad superos, Dei benignitate redeunt, socios non hos, sed bonos Angelos habeant: quomodo igitur dici potest, ipsorum opera corpora formari, aliaque effici, quæ in hac molestandi ratione sunt necessaria?

Singulari Dei beneuolentia, atque beneficio fit, quòd hi Spiritus ad viuos redeant. Negari quoque non potest reditum hunc rarum quoddam Dei esse opus. In hoc verò vel necessaria esse Dæmonum operam, vel eandem Deum postulare dici potest: credi non debet.

Indignum est eos, qui de Diabolo triumpharunt; qui hæredes sunt regni Cælorum: qui bonorum Angelorum sunt conciuēs: qui tantum non sunt possessores bonorum supernorum; pendere à malignorum Spirituum auxilio: & quidem ea in re, vnde tanta tam ad bonos Spiritus, quam ad viuentes homines veniunt emolumenta.

Dum homines viuerent, opera Dæmonum nec potuerunt, nec debuerunt vti, nisi granem Dei voluissent incurrere offensam. Res omnium sententia clara est. Defuncti iam, & poterunt, & debebunt? Non debebunt, non poterunt.

Finis primæ partis de infestis locis.




DE LOCIS

INFESTIS ALTERA
DISPUTATIONIS PARS:

IN QVA

ARGVMENTA ATQVE IVDICIA,
Vnde molestantium Spirituum conditio cognosci-
tur, aperiuntur & discutiuntur.

ISAGOGE IN ALTERAM DISPUTA-
tionis partem, de Locis Infestis.

1.  Altera Disputationis pars in peruesti-
ganda distinctione Spirituum, qui
molestant, versatur. Cum enim pro-
positum nobis sit, modos, quibus ab in-
festantibus Spiritibus loca purgentur, præscribere: &
non eadem ratione omnes Spiritus abigantur, (quem-
admodum nec una omnium Spirituum est conditio)
2. omnino Spiritus ipsi prius cognoscendi sunt, atq; di-
stinguendi quàm modi dandi, quibus loca purgentur.
Atq; ad hoc Secunda Disputationis pars seruit.

3. Non tamen omnium Spirituum, quæ apparent,
distinctiones hic inquirimus: illos solum, qui mole-
stant, cupimus cognoscere: quia de his solis, non de
cunibus, nostra Disputatio est. Alibi quoque de
aliorum distinctione tractatum est: licet breuiter.

Quoniam autem molestantes Spiritus duplicis
sunt

Sunt generis, Humani & Daemoniaci: prima nostra occupatio erit, ut quibus rationibus Humani à Daemoniacis distinguantur, aperiamus. Deinde, quia Humani quoque duplicis generis sunt, secundo inquirendum discrimen, quo hi ab illis discernuntur, damnati, videlicet, à purgandis.

Porro distinctio humanorum Spirituum à Daemonibus, vel à forma peti potest, qua conspiciuntur: vel à strepitis & tumultu, qui excitatur: vel ab oratione, quam ad viros habent: vel à malis, quæ afferunt: vel ab officijs, quæ præstant: vel à locis, ubi degunt: vel à tempore, quomodo grassantur: vel ex ingenio mortalium, qui Spiritus persequentes sustinent: vel ex conditione persequentium Spirituum. Nos in singulis, quid verisimile iudicemus, docebimus.

DE NOTIS, QUAE DAEMONVM SPIRITUS ab humanis distinguunt.

CAP. XXVI.

An, & quæ forma distinguat humanos Spiritus à Daemoniacis, siue Demonibus apparentibus.

Forma rationem magni faciendam esse in discernendis, atque distinguendis Spiritibus plerique sentiunt: quorum ut iudicium temerarium non est, ita levis animi illud, citra omnem tergiuersationem, admittere. Nos duobus aut tribus Assertis, veritatem concludi existimamus.

Primum est, formas quasdam esse omnibus Spiritibus communes; ex quibus proinde certum inter Spiritus discrimen peti nequit.

Alterum, quasdam Dæmones prodere.

Tertium, quasdam probabiles coniecturas de humanis Spiritibus facere.

2. *Humana forma omnibus Spiritibus communis est*. Illa se viventium conspectui offeruat, non defunctorum tantum hominum Spiritus; verum etiam Dæmoniacy. Quot nos, superius Cap. Spirituum molestantium exempla produximus, sub *humana forma*; quorum tamen alij humani, alij Dæmoniacy?
3. Facile forsitan, quis sibi persuaderi patietur, humanos esse Spiritus, qui sub *humana* conspiciuntur *forma*: at non ita facile, sub *humana* latitare Dæmones. At tam facile est Dæmonibus *humanam* formam effingere, atque assumere; quam aliam quamcumque. Nec hic maior potestas: nec maior, quam ibi, requiritur industria: nec cognitio maior.

4. Sub *humana forma* visi sunt plures. Primum ille, quem Hildesheimenses Hutgen, à pileo; vocarunt; cuius superius capite 1. meminimus. Deinde duo alij, quorum Alexander ab Alexandro meminit, li. 4. Genialium dierum, ca. 19. quorum vnus ei se socium præbuit, qui dirum facinus in patrem commissurus, Romam proficiscebatur: alter Thomam quendam, religiosum, trans flumen portare paratus erat. de quibus c. 30. de Dæmoniacy, forsitan etiam is, qui Christum, in deserto, tentaturus accessit.

Sed & sub *humana forma* sæpissimè Sanctos homines sunt agresi, & de arce sanctitatis eos deijcere conati. Quidā sub specie genitoris accessit VVilhelmū Pictauorum Comitem, & sanctissimum eremicultorem: vt in eiusdem vita refert Theobaldus, c. 19. apud Surium Tomo 1. Alius sub specie *mariti* miserabilis S. Melaniam: apud eundem Surium, eodem Tomo, Tertius sub specie *Monachi* S. Dominicū: in eius Vita l. 3. c. 12. Quartus sub specie *mulieris* S. Iustinam, quam Cyprianus aliquando deperiit: quemadmodum in vtriusque Vita scribit Metaphrastes.

Et qui B. Vicentio molestus fuit, nunc referebat vastum *Aethiopem*; nunc venerabilem quendam, ætate grandem, *eremitam*, teste Petro Rauzanio, l. i. c. 9. In Vita eius. Qui verò Monachos tentaturus veniebat obuiam B. Benedicto, *medicus* videbatur; vt dicitur ca. 30. Vitæ ipsius, à B. Gregorio descriptæ. Et nigellus *puer* visus est; qui molestus fuit S. Claræ: vt habetur cap. 13. in vita eiusdem. Et formosissimus *miles*, qui turpem consuetudinem habuit cum muliere, cuius mentio fit in vita B. Bernardi, lib. 2. cap. 6. (Vide de hoc cap. 92. huius disputationis) Qui Abbatem Nachonem tentauit, *puella Aethiopissa*, quam ipsæ olim nouerat, speciem induit, teste Pálladio in Historia SS. Patrum, Sect. 26.

De S. Martino refert Sulpitius, in Vita eiusdem cap. 24. quod se eidem

PARS ALTERA.

eidem nunc in forma *Iouis* exhibuerit; nunc in forma *Mercurij*: per-
sæpe quoque simularit *Venerem* atque *Minervam*. Et cum parentes
suos sanctus vir visitaturus, præterisset Mediolanum, eundem Spi-
ritum sub *humana* effigie habuit obuiam: insultantiq[ue], quod sem-
per ipsi esset aduersaturus, respondit Martinus: *Dominus mihi adiutor,*
non timebo quid faciat mihi homo. Hoc cap. 4. Sulpitius.

Atque vt ex Gentilium historia etiam exemplum depromamus.
Sub *humana*, & quidem grandioris mulieris sese exhibuit Curtio
Rufo. Rem totam his verbis refert Plinius. lib. 7. Epistolarum,
Epist. 27. Tenuis, inquit, & obscurus obtinenti Africam comes hæ-
serat: inclinato die spatiebatur in porticu, offertur ei mulieris figu-
ra, humana grandior, pulchriorq[ue], perterrita Africam se, futuro-
rum prænunciam dixit. Iturum enim Romam, honoresq[ue] gestu-
rum, atque etiam cum summo imperio in eandem prouinciam re-
uersurum, ibique moriturum, facta sunt omnia. Ita Plinius.

Nec Iudæis humana specie Diabolus defuit. Indutus aliquando
formam Moyfis, Iudæos accessit, & se ducem ijs, in promissionis
terram futurum, pollicitus est. Induxit persuasos ad mare transfer-
rendum: sed plurimi ipsorum vndis inuoluti, suffocati sunt. Vide
Sigebertum circa annum Christi 438.

Omnibus addamus illum, qui anno Domini 1153. qui in Furnen-
si agro, pago Eggafridi inferioris Germaniæ *Gerardum* Ducem Be-
raniæ se mentitus est, & diu multumq[ue] varijs præstigijs homini-
bus illudit: qui tandem à Diacono quodam Rodolpho adiuratus,
quod erat, immundum se spiritum esse, confessus est. Ita Iacobus
Mayerus lib. 5. Annalium Flandriæ, anno 1153.

Quid, quod non humanam tantum formam effingant Spiri-
tus hi Nequam; sed in *Angelos lucis* se quandoque transferant? Hortatur
quodam loco Corinthios (2. cap. 11.) Apostolus Paulus, vt sibi à fal-
sis Prophetis caueant: & idcirco putat eos non posse nimium
esse cautos; quod sint *operarij subdoli transfigurantes se in Apostolos*
Christi. Nec hoc vult ipsis mirum videri; cum etiam ipse Satanas
transfiguret se in *Angelum lucis*. Et sub *Angeli* specie se exhibuit S.
Elphago, Episcopo Cantuariensi: quemadmodum in Vita eius scri-
bit Orbertus, eiusdem Ecclesiæ Episcopus. Apud Surium Tom. 2.
Item Osualdus VVigornienſi Episcopo: apud eundem Surium,
Tom. B. 5.

Sed nec Angelorum forma contenti: etiam *Christi* simulant spe-
ciem atq[ue] imaginem. Cum morti proximus esset sanctissimus Marti-
nus, ea se specie ipsi exhibuit *Dæmon*, quæ *Christum* referret: & qua,
nisi

nisi habitus versipellem prodidisset, fortè vir sanctus deceptus fuisset. Quocirca non deformitatem vultûs, quæ nulla erat; sed peregrinum & alienum, à Christo, habitum Dæmoni obijcit, dicens: *Dominus Iesus Christus non purpuratum, aut diademate venientem se venturum esse pradixit.* In eadem Christi specie se exhibuit Sedundello (cuius in Vita Friardi reclusi mentio fit apud Gregorium Turonensem, lib. de vitis Patrum ca. 10.) atque ut eremû relinqueret, auctor fuit In eadem Valenti, eremi cultori; quemadmodum ad longum describit Palladius, in Historia SS. Patrum, Sectio. 28 Quid quod Trinitatem aliquando triplici capite exhibere voluerit? Vide Thes. 22. Capit. 19.

7.

Nec mirum est, *humanas formas* vultusque Dæmones effingere: quoniam non ipsis tantum propositum est, ut viuentibus terrorem atque horrorem incutiant: etiam quærunt mortalium perniciem atque animæ interitum; quem cum ficta *hominum* forma possint procurare; ita *humano* vultu quærunt, ut interimant; quemadmodum peregrinis formis, ut terreant. Hoc primum. Secundum sequitur.

8.

Quadam tamen forma & facies, Dæmones produnt. Quæ verò? Illæ omnes secundi, & tertij ordinis, quarum Thesibus 11. & 12. Capit. decimi noni mentionem fecimus, *brutorum, & monstrosorum animalium.* Produnt, inquam, Dæmones: quia & Dæmonibus optimè conueniunt; & ut sub his defunctorum hominum Spiritus prodeant, nulla cogit necessitas; nulla ratio probat.

9.

Et quidem optimè Dæmonibus illæ conueniunt: siue fines attendamus, qui Dæmonibus sub his larvis propositi sunt; siue rationes diuinæ prouidentiae, quæ etiam in hoc negotio non desideratur. Propositum est Dæmonibus terrorem incutere, & molestare: annon hic magis ferarum & brutorum horrendæ; quàm humana, per se amica, species seruit? Diuinæ prouidentiae ratio postulat; ut & conditionem suam intelligant Spiritus: quæ ob peccatum miserrima est, atque à brutorum, monstrorumque vix differt: & ut homines cognoscant, quam à Dæmonibus sibi cauendum sit, quorum exterior etiam & simulata forma, argumenta summæ crudelitatis præbet.

10.

Ut sub his formis hominum Spiritus prodeant, *nulla ratio cogit.* Nam illi; vel viuentium rebus intersunt, ut ipsorum subsidij inuentur, quod purgandis Spiritibus propositum est: vel ut diuinæ iustitiæ in se præbeant testimonium; & benè cum sua ignominia, pœnas luant, quas malè viuendo contraxerunt: qui finis in damnatis spectatur,

tur. Vtrobique vt forma humana appareant, necesse est.

Quod si quandoquē peregrinum quid, vel monstruosum in humanis Spiritibus obseruatur; tantum illud non crediderim; vt aliam speciem formamq; tribuat; propterea; quod, vt diximus, semper hi Spiritus, vt cognoscantur, videantur apparere: cognosci verò nequeant, nisi humanam, & propriam propemodum referant. Hoc secundam.

Formæ igitur brutorum atque monstrorum produnt Spiritus Dæmoniorum. Et familiares hæ sunt Dæmonibus. id sequentibus docemus. D. Basilii in Isaïæ c. 2. refert illos sæpè hominibus petulanter insultare *felis, mustula, & canis se discerpentis* specie. Aluarotus à Minues, Ouieda, & qui Indorum occidentalium mores scriptis mandarunt, frequentissimos aiunt illis esse Dæmonū occursum, modò hac, modò alia animantis facie se ostendentium. Andreas quidam Italus in *canis caci & rufi* specie secum ducebat Dæmonem, anno 1548. qui vniuscuiusq; arcana aperiret, stupendaq; alia ederet. ita V Vesper. in Iustinum. Cornelius Agrippa cacodæmonem *nigri canis* forma, quotidianum affeclam habuit, cui collare erat lorum magicis per clauorum emblemata notis inscriptum. hoc Iouius in Agrippæ Elogio.

Sic Dæmones Septem in Nicæa ciuitate inter sepulchra delitescabant sub forma *canis*; qui obuios quosque lacefferent, donece eos S. Andreas, rogante populo, in solitudinem exegit; teste Abdia, in Hist. Apost. Equorum etiam species referunt. Commemorat Olaus Magnus lib. 3. Histor. Septent. cap. 19. Hodingum Danorum Regem, in suum regnum, quo nonnullorum factione fuerat eiectus, per immensa maris spatia ab Othini Dæmone in *equi* specie esse reductum.

Seruit quoque hic modus Sagarum confessio. Illarum vna, teste Nicolao Remigio, l. 1. c. 7. de Dæmonolatria, retulit, cum se Martinellus suus captiuam inuiferet, modò *auis* per fenestram inuolantis, modò *leporis* aut *muris* circumcurrentis formam induisse. Alia assernit sub *atri canis* specie à se itidē in carcere visum: alia obseruatū instar *cancris*: alia in carcerem illabi consuenisse per cancellos, *felis* aut *pussillo alicuius bestia* habitu. Hæc Remigius. Sed ad tertium.

Tertio dicebamus, Quasdam formas probabiles coniecturas facere; quodd hominum, non Dæmonum Spiritus sint, qui viuentibus adsint. In harum numero vel solam, vel certè præcipuam dixero illam, quæ ita humana est, vt peregrinum, & ab humana alienum habeat nihil: & nec vlla sui parte, nec peregrino colore, nec figura, nec habitu, nec gestuū aut

P morum

morum leuitate, nec mole, nec paruitate ab humana degeneret.

14. Hanc humani Spiritus indicem esse nullus dubitat. Quid tam humanum Spiritum repræsentare potest, quàm humana forma? & quidem talis, qualem cum corpus agebat, & fouebat, Spiritus efficebat? Quod verò hæc non facillè alium, quàm humanum, Spiritum repræsentet; inde coniectura accipitur; quod sub humana Dæmones vix conspiciantur, nisi etiam sui *aliquod* indicium, quadam humanæ formæ deformatione præbeant; ex qua illos, vt ex vngue Leonem, facillè deprehendas.

15. Hinc est, quòd qui vel Spectris territi, vel quouis modo à Spiritibus tentati sunt; si præter humanam speciem notassent nihil, non Dæmonum, sed hominum Spiritus crediderint, qui viderentur. Contrà, pro Dæmonibus habuerint: si humana species *vitium* aliquod, vel parte sui, vel colore, vel habitu, vel nimia mole, vel exiguitate corporis referret. Non dubitauit esse hominis Spiritum Imperator. Nero, qui matrem suam referebat, de quo i. e. At Thomas Monachus, teste Alexandro ab Alexandro (lib. 4. Genialium dierum c. 19.) quem se socium itineris hominem habere credebat; tandem deprehendit verum esse Dæmonem; non aliunde, nec prius, quàm vbi pedes ipsius transitori vadum, *beluæ* non hominis pedes animaduertit.

16. Ex dictis sequitur *duobus modis* formam externam Dæmoniorum Spiritus prodere. Alter est, si sub *brutorum & monstrosum* figura conspiciantur spectra. Alter, si sub humana; sed tali, quæ *vitium* quoddam habeat, & ab hominum vsitata, quodam modo, degeneret.

17. Vitium porrò multis modis in forma accidere potest. Aut partis alicuius additione; vt si caudatus ab humana forma appareat Spiritus: aut partis detractio, vt si sine capite, brachijs, vel alia notabili parte: aut figura; vt si pedibus referat leonem, auribus asinum: aut excessu quantitatis; vt si prodigiosæ magnitudinis conspiciatur: aut quantitatis defectu: vt si infra omnem humanam appareat quantitatem: aut habitu; vt si peregrino prorsus, & cuius apud homines vsus non est, videatur: aut motu corporis; vt si nimium gesticuletur, & incensus dissolutior sit, atque homini minimè conueniens, &c.

Itaque dubium non erat, quin Dæmon esset, quem fratres quidem loquentem audiebant, sed tamen videre poterat nemo; Videbat autem S. Benedictus, *teterrimum*, vt loquitur S. Gregorius, & *succensum*, & qui in ipsam ore oculisq. flammantibus, sæuire videbatur, quando S.

do S. vir in monte Cascini contriuit Idolum Apollinis, & eiusdem templum conuertit in Oratorium S. Martini. Historiam hanc pluribus verbis refert Cæsar Baronius, Tomo 7. Annalium circa annum Domini 529. ex c. 8. l. 2. Dialog. B. Gregorij.

Et vitata hominis forma Dæmones frequenter Sagis se exhibent: 18.
Refert Nicolaus Remigius de Dæmonolatria, li. 1. ca. 7. plurima exempla earum, quæ omni exceptione maius huius rei testimonium dederunt. palamq; confessæ sunt *facies* Martinellis suis fuisse obscuras atrasque; lamina penitus abdita & instar flammæ micantia: oris rictus sparsos, profundos, ac perpetuo olidi sulphureiq; aliquid æstuant, manus strigosas: & villis atque hamis deformes: pedes corneos bifidosque: staturam nūquam iustam; sed aut breuitate aut vastitate semper aliqua insolentem; totamq; adeò seriem extra modum. Ad-didit alia Martinellum se quandoq; vidisse *capite vel altero pede trūcum*, mutilumq; cū fortè saltationes nocturnas vna cum suis agita-ret. Hæc Remigius.

Atque ita de *forma*, quæ Dæmoniorum Spiritus prodit. His v- 19.
num addo ex iam dicto Remigio (lib. 1. cap. 23.) inter omnes pecu-dum formas vnā *Hirci* ipsis gratissimam esse, maximè tum, cū se obseruantia aliqua Sagis colendos exhibent. Huius dat causam: quòd forma hæc moribus ingenioque, ipsorum conueniat. *Hir-corum*, inquit, præter ceteras pecudes nobilitatur graueolentia; nulla re tam certo suam Demon testatur præsentiam, quam odoris fæditate intolerabili. *Hircorum* libidinosa obscœnitas etiam prouerbio locum fecit: hoc vnum Dæ-mon præcipuè satagit, vt suos rebus venereis quàm maximè deditos habeat. & ne desit occasio, ipse se quoties illis occurrit, eam formam induit, quæ huic vsui sit accommodatissima. *Hircorum* in obuios quosque sæpè profusa petu-lantia est: nulla non obit, ac pererrat terrarum loca Demon, dum offendat, in quem impetum incursumque faciat. *Hirci* saliuæ fructibus venenum est, teste Varrone, lib. 1. de Re rustica, cap. 2. eiusque dentes satius interitus ac pe-stis præsentissima: Satana viperinus morsus est, afflatus letalis & exitiosus. *Hirci* obtutus trux & ferox, frons cornibus aspera, barba promissa & inculta, villi temerè pendentes, succincta crura, totus habitus corporis ad fæditatem comparatus. & hæc Dæmoni conueniunt. Vide plura, si placet, apud Remigium.

C A P. XXVII.

An, & qui strepitus humanos Spiritus à Dæ-monibus distinguant.

1. **A**ltera ratio, qua Spiritus deprehenduntur, est *strepitus*, & qui se in aures insinuat, *sonus*. Et quia eadem quandoque solet esse ratio veri distinctionis, quæ cognitionis, vtrum ex strepitu excitato, & simulatis clamoribus deprehendi valeat, qui Dæmoniorum sunt Spiritus, & qui hominum; hoc Capite explicandum est.

2. Diximus superius *varios* esse, qui à Spiritibus excitantur, sonos: verum *duobus generibus* comprehendi videntur omnes. Quidam speciem habent eorum, qui non nisi à *viuentibus* excitantur: vt sunt, vox, clamor, risus, gemitus: quidam *nudi* sunt soni, & rebus quoque vita destitutis conueniunt. An fortè priores illi humanos Spiritus produnt, posteriores Dæmones? *Non hinc distinctio Spirituum* perfecta sumitur. Dæmones, vt nudos, siue non viuentium sonos; ita viuentium perfecte excitare possunt.

3. Rursus viuentium soni duplicis sunt generis. Alij articulati sunt, alij cõfusi, siue *non articulati*. Illi proprij sunt hominum; hi etiam brutorum animalium. An fortè ex illis Spiritibus deprehenditur humanus; ex his Diabolicus? Quidquid sit de his posterioribus; *priores illi nõ solis hominibus tribuendi sunt*: quocirca nec solos homines produnt. Esto vox vera, articulataque homini conueniat: at vox non vera, quantumuis articulata, qualis hic est, Dæmonibus conuenire potest.

4. Fortè sonus articulatus talis, qui *conceptus mentis sit index*, si audiat; ab humano tantum erit Spiritu, humanumque Spiritum probabit? *Nec hoc dici potest*. Qui possunt edere sonos, Diabolici Spiritus; possunt & articulatos sonos: & eos, qui mentis atque conceptuum indices sunt, formare.

5. Est in sono alia differentia, qua alij *acuti*, alij *graves* dicuntur. Vtrique excitantur à Spiritibus: vtrique auribus viuentium hauriuntur. Verum quemadmodum iam dicti, Spiritus non produnt; ita *neque hi*. Possunt acuti & graves excitari à Spiritibus humanis: possunt excitari à Dæmonibus.

6. Præterea sunt quidam, qui *grauiter* audientium aures *perstringunt*: sunt alij qui *suauius* afficiunt. An fortè illi produnt crudeles, & truces Dæmones; hi, si non omnibus, saltem aliquibus defunctorum hominum Spiritibus sunt proprij? *Nec hoc quidem*. Qui in Angelos lucis se transferunt Nequam Spiritus; non possent Angelorum etiam linguis loqui, & aures demulcere?

7. Nicolaus Remigius, lib. 1. de Dæmonolatria cap. 8. ex duplici voce videtur docere Dæmones prodi, *obscura* atque *exilis*, siue debili.

Prius

Prius probat exemplis Maleficarum plurium, quæ Dæmonibus, suis Martinellis, confessæ sunt *vocem esse, qualem emittunt qui os dolium, aut testam rimosam insertum habent*: alterum testimonio Hermolai Barbari, qui teste Petro Crinito, lib. 7. de honest. discipl. cap. 2. testatur à se auditam fuisse vocem *subfibilantis Dæmonis*, cum ille fortè de Aristotelis Entelechia interrogatus, sibi & Georgio Placentico respondisset. Ad hæc accedit, quod Psellus lib. de Dæmon. docet Dæmones dedita opera *tenuēs & exiles voces* edere, ut eorum mendacia propter indistinctam illius obscuritatem minùs deprehendantur. Et Gennadius Patriarcha Constantinopolitanus *vocem confusam inaudit* Spectri, ad altare nocte stantis; cum ille id iurgabundus increpasset, ut Cedrenus, Calistes, & Theodoretus in additione ad Zonaram, Tom. 3. lib. 1. collectan. Hystor. Eccles. scriptis suis testatum relinquerunt. Assyriorum etiam & Chaldæorum *λεχαινομάχων* hoc præstare solebat, ut Dæmones è pelui *stridula voce & tenui sibilo* verba ederent. Hæc & his similia dicto loco Nicolaus Remigius.

Sed non hoc sine ab ipso sunt dicta, quasi hac vocum differentia Dæmoniorum Spiritus velit distingui ab alijs Spiritibus. Omnibus Spiritibus dictæ voces *possunt* convenire, & ut dictæ *conveniunt* Dæmonibus; ita dictis contrariæ possunt ijsdem convenire. Solum docet Remigius Dæmones dictas voces in assumptis corporibus edidisse.

Veruntamen, quamvis ex iam dictis Spiritus humani à Dæmonibus non distinguantur; quidam tamen soni sunt & strepitus; qui solis Dæmonibus videntur convenire: quidam qui probabile indicium præbent humanorum Spirituum: ex quibus proinde aliqua Spirituum discretio, atque differentia peti potest.

Duplices verò sunt; qui Dæmones habent auctores. Principio illi, qui non nisi bruta animantia atque horrenda monstra referunt: tum deinde, qui cum ingenti tumultu fiunt, & corporum magna agitatione atque motu.

Utrique vix alios, quàm Dæmones, possunt habere auctores. Sed & solis Dæmonibus conveniētissimè tribuuntur. Priores quidē, quia non alia horum tumultuum, & sonorum, qui à Spiritibus excitantur, ratio; quam *formatum peregrinarum, atque monstrosarum*. Quemadmodum igitur formis se visui obijciunt, & insinuant: ita brutorum animalium, & monstrosorum effectis vocibus auditui. *Posteriores verò; partim quia solùm ob molestiam afferendam excitantur; quæ præcipuè in locis infestis ab infernalibus Spiritibus quaritur; partim, quia sæpe humanis viribus fieri nequeunt.*

11. Accedit quòd multa ratio cogat, vt hos tumultus & brutorum animalium inconditos clamores humanis Spiritibus tribuamus. Quibus enim tribuamus? Purgandis? At quod illis, dum ad nos redeunt, propositum est, non hos clamores exigit. An damnatis? At quamuis molesti esse cupiant; quia tamen diuinæ prouidentiae ratio postulat, vt magis se prodant, quàm noceant; potius humanos, vt ita dicam, tumultus & sonos, quam brutorum excitare dicendi sunt.

12. Atque hinc est, quod sancti viri praesentiam Dæmonum deprehenderint ex barritu, sibilo, rugitu, ululatu, grunitu, & his similibus brutorum animalium vocibus. Vide caput 19. praesentis Disputationis.

Hoc etiam modo se prodidit Spiritus Nequam in domo quadam apud Corinthios, quàm Dacius Episcopus Mediolanensis aliquando inhabitauit. Rem totam ex 3. Dialog. cap. 4. verbis B. Gregorij ascribimus. potest enim pluribus locis, in hac Disput. seruire. Tempore igitur Iustiniani, cum Dacius vrbs Mediolanensis Episcopus, causa fidei exactus, Constantinopolim pergeret, Corinthum deuenit. Qui cum largam domum ad hospitandum quæreret, quæ comitatum eius totum ferre posset: & vix inueniret; aspexit eminus domum congruentis magnitudinis, eamque sibi præparari ad hospitandum iussit. Cumque eiusdem loci incolæ dicerent, in ea tunc manere non posse; quia multis iam annis eam Diabolus inhabitaret; vir Venerabilis Dacius respondit dicens: Imò ideo hospitari in eadem domo debemus, si hanc malignus Spiritus inuasit, & ab ea hominum habitationem repulit. In ea igitur sibi parari iussit, securusque illam, antiqui hostis certamina toleraturus, intravit. Itaque intempestæ noctis silentio, cum vir Dei quiesceret, antiquus hostis, immensis vocibus, magnisque clamoribus coepit imitari rugitus leonum, balatus pecorum, ruditus asinorum, sibilos serpentum, porcorum grunitus, stridores foricum. Tunc repente Dacius, tot vocibus excitatus, surrexit; vehementer iratus, & contra antiquum hostem magnis coepit vocibus clamare dicens: Benè tibi contigit, miser. Tu ille es qui dixisti, ponam sedem meam ad aquilonem, & ero similis altissimo. Ecce per superbiam tuam porcis & foricibus similis factus es, & qui imitari Deum indignè voluisti; ecce, vt dignus es, bestias imitaris. Ad quam eius vocē Dæmon erubuit: & fidelium habitaculum domus facta est. abscessitque mendax & infidelis Spiritus. Hæc Gregorius: & post eum Baronius. Tom 7. anno 540.

13. Interim tamen, inter duos iam dictos modos, ex priori *censius* argumentum desumi dixerim, quàm posteriori: quamuis fortè nec prior ita

PARS ALTERA.

or ita sit certus, vt exceptionem nullam admittat. Miserrima damnatorum conditio fortassis hos quandoque clamores exprimit. Nequitia etiam eorum summa efficit, vt cū mortalibus nocere desiderent, etiam hos tumultus, qui ad nocendum magis accommodati sunt, edant.

Sed *Quomodo*, *humani hic Spiritus deprehendantur*, dicamus. Vnum ego hic sonum pro ipsis non leuè argumentum præbere existimarem; illum, videlicet, *qui tristis animi, certa quadam significatio est*; vt sunt suspiria, gemitus, fletus, illachrymationes. Quamuis enim hæc etiam Dæmones possint habere authores; humanis tamen propria videntur: humanis magis conueniunt; & humanis magis, quam Dæmoniorum Spiritibus seruiunt.

Propria videntur esse humanis, quoniam gemere, flere, lachrymari hominum sunt propria; vt ob id, quemadmodum ex propria hominis forma haud leuè; ita hinc, si non magnum, aliquod saltem argumentum sumi debeat.

Humanis magis conueniunt, propterea quod testificatio sint prementis doloris, quem vt præ alijs, exprimant humani Spiritus, Deus in hoc Spirituum ad nos reditu postulare videtur; nimirum vt sic defunctorum miseras mortales intelligant: & ipsorum exemplo edocti sibi caueant, melioraque sectentur: quæ Spirituum Diabolicorum planctu & eiulatu, qui alterius ab hominibus naturæ sunt & conditionis, non ita commodè præstari posse videbantur.

Sic suspiria hæc atque gemitus, non tam Dæmonibus seruiunt, quàm humanis Spiritibus; si non omnibus, profectò bonis & purgandis. Etenim ad commiserationem excitandam omnino apta sunt. Quidni igitur ijs tribuenda, quibus misericordia fieri potest? At Dæmoniorum Spiritus, & misericordia indigni: & misericordiam nullam sperant: sperant autem, & digni sunt Spiritus purgandi.

CAP. XXVIII.

An, & quæ oratio distinguat humanos & Dæmoniorum Spiritus inter se.

Non strepitus solū, tumultus, & inconditi soni audiuntur à Spiritibus excitati: audiuntur & *orationes*, quas ad homines habent: & ob id præsens Disputatio postulat, vt non

non strepitus tantum; verum etiam *orationes* inuestigemus: ut, Vtrum illæ quoque aliquod discrimen suppeditent, intelligamus.

2. Et quidem si vnus generis essent omnes *orationes*, frustra hic labor susciperetur: (in vna enim eademq; oratione, & quæ sibi semper est similis, quod discrimen constituas?) nunc quia orationum genera sunt *plura*; non potest esse inanis hæc Disputatio: forsitan etiam eò difficilior, quò genera sunt *plura*.

3. Sunt orationes quædam *enunciatiuæ*; in quibus verum est, vel falsum. Sunt aliæ *non enunciatiuæ*; quæ quauis perfectum sensum contineant, non tamen verum significant, aut falsum. Rursus priores, vel præteritum tempus respiciunt, vel præsens vel futurum. Posteriores autem nunc deprecatiuæ sunt; nunc imperatiuæ, nunc interrogatiuæ; nunc optatiuæ: nunc vocatiuæ. Præterea omnibus potest accidere, ut vel bonæ sint, vel malæ, &c.

4. Et omnes hæ orationes à Spiritibus habentur: Et, quod magis est, ab omnibus omnes possunt haberi. quocirca & de omnibus examen posset institui. Verum, quoniam res propemodum esset infiniti negotij; aliquas, quæ familiariores sunt Spiritibus, & discrimen inter ipsos certius prodere videntur, discutiendæ sunt.

5. Hæ sunt, *apertè mala: ad bonum hortatoria*; *boni petitoria: occultorum reuelatoria*. & *vana*: siue, quæ non nisi ostentationis causa, aut leuiter susceptæ sunt.

6. Hæc genera. In singulis generibus species plures. *Apertè mala* sunt, quæ vel in iniuriam cedunt Dei: vel proximis incômodant; vel ad hæc inuitant. Primi generis sunt blasphemix: secundi diræ imprecationes, conuitia, contumeliæ, detractiões, mendacia, turpilogia, & si quæ aliæ. Tertij, quæ ad dicta quouis modo deducunt.

7. *Ad bonum hortatoria*, pro bonorum ferè generibus multiplices sunt: sed tamen illorum propriè bonorum sunt, quæ sunt *libera*, & per nos quouis modo præstantur: ut sunt eleemosynæ, ad Deum oratio, ieiunium, & quarumcunque virtutum officia, &c.

8. *Boni petitoria*, orantis bonum attendunt. quæ & ipse, pro genere bonorum, distribuuntur: & apud Spiritus, potissimum cernuntur in operibus ijs, quibus iuari possunt: ut sunt peregrinationes, Sacrificia, orationes, opera misericordiæ corporalia, &c.

9. *Occultorum reuelatoria*, vel præteritum tempus respiciunt, vel præsens, vel futurum. Horum enim, quamuis quædam, natura sua occulta non sint; pro ratione tamen cognoscentium occulta esse possunt. Cum his secreta cordium, quorumcunque coniunxero.

Vanas orationes vocamus, in quibus dictorum nihil propositum est; sed quæ ioci aut leuitatis causâ suspiciuntur; & vix aliud, quàm loquentium ostentant actiones. Hæc generum species. *An hi humani Spiritus distinguuntur à Damonibus?* 10.

Si aliquâ oratione distinguuntur; *non nisi boni petitoria, atq; occultorum reuelatoria distinguuntur.* Illa ex se est humanorum Spirituum: Hæc ex se propria Dæmonum. *Ceteræ tres & Damonibus, & humanis Spiritibus (quàmuis non omnibus) communes sunt.* 11.

Tria igitur vt sua huic assertioni veritas constet, demonstranda sunt. 12.
Primum est esse tria orationum genera, quæ communia sunt Dæmonibus, & humanis Spiritibus quibusdam: quæ ob id Dæmonum Spiritus ab humanis, vniuersè, non distinguunt. Deinde vnum genus solis Dæmonibus competere. Tertium, vnum humanis Spiritibus esse proprium, & ob id ex his duobus discrimen inter humanos atque Dæmoniorum Spiritus peti posse. Doceamus singula.

De apertè malis, quod Damonibus sint familiares, certum est. Quidni 13
apertè malas affectarent, quorum studium est, vt etiam ex se indifferentes; etiam ex se bonas adulterent? sed & nulla est, in vniuerso malorum genere, quam refugiant: nulla, quam non aliquando vsurpent. *Primi & Secundi generis* ab ipsorum ingenio non abhorre, in Dæmoniacis probant, per quos plaustra blasphemiarum, conuictorū, detractionum, & mendaciorum quandoque euomunt.

Exempla in promptu sunt. Quidam ipsorum à Theodoro Archimandrita eiiciendus ex puella, quam 28. annis miserè vexarat, ipsum vocat meretricis filium, quemadmodum in Theodori Vita testatur Georgius presbyter, apud Surium Tom. 2. Alius meretricem, clamabat sanctissimam virginem Ephrasiam; cùm sibi vim à virgine afferri sentiret. Et hoc in eius Vita, Tomo 2. apud Surium. Sic in conuitia effundebatur ille, quem S. Maltouius Episcopus eiecit, cuius res gestas describit Sigebertus Monachus. Ab alio debuit Bernardus audire, quòd porcellos ederet, & denoraret brassicas, habetur in Vita eius lib. 2. ca. 4. Et Benedictus cùm aliquando importuno Spiritui non responderet, *Maledictus* ab eodem, per summam contumeliam est vocatus, teste B. Gregorio. Hæc pro primo & secundo genere.

Pro tertio sunt, qui molestârunt SS. Melaniam atque Claram: Vincentium atque Sedundellum: vt alios innumeros præteream. Melaniæ persuadere conati sunt, vt relicta fide orthodoxâ, sectaretur blasphemiam Nestorij; vt in eius Vita habetur apud Surium, Tomo 1. Clare, vt de studio orandi aliquid remitteret, & hoc apud

Surium, Tom. 4. Vincentio, vt relicta ſæuiori vitæ diſciplinâ, genio in florida ætate indulgeret, teſte Petro Panormitano, li. 1 c. 9. in Vita eiufdem. Sedundello, vt valefaciens eremo, patrândis miraculis operam nauaret, quemadmodum habet Gregor. Turonenſ. in Vita Friardi, ca. 10. li. de vita Patrum. Fuit alius quidam, cuius ca. 92. nequitiam referemus, qui foediſſimum coitum mulieri cuidâ ſuaſit, & perſuaſit.

14. Veruntamen quàmuis hæ Dæmonibus familiares ſint, *non tamen ſolis ſunt familiares.* Etiam damnatis defunctorum Spiritibus conueniunt. Non refugiunt hi blaſphemias; *quibus datum eſt os loquens magna & blaſphemias.* Apocal. 13. Non refugiunt mendaces; qui ſocij ſunt Patris mendaciorum. Non mali imprecatorias; qui omnes vellent eſſe ſocios pœnarum. Non calumniatorias, aut detractorias, qui, vt Dæmones, magnâ erga viuentes *flagrant inuidiâ*, &c.

15. *Hortantur etiam ad bonum aliquando Dæmones.* Non quòd benè nobis velint; ſed vt ſub ſpecie boni illaqueent, & decipiant. Itaque ad bona malè hortâtur. Non curant verſipilles, quid agant miſeri mortales; bonum an malum; modo operum authores perdant, & ad æterna ſupplicia pertrahant.

Ioanni Garlino Eremitæ, cuius Theſi 10. c. 14. mentionem fecimus, quidam ſuaſit, ne filiam comitis Barcelonenſis Guiſfræ, quam ille in ſui cuſtodiam ſuſceperat, à ſe dimitteret, magnoque animo contra carnis tentationes certaret: verùm fornicationis atque homicidij ſubſecuta vitia veteratoris animum prodiderunt.

Sic alius Iuſtinæ egregiè ſuaſit virginitatem; veruntamen ita, vt propoſitâ difficultate & periculo auerteret virginem à virginitatis propoſito. quemadmodum in eius Vita ſcribit Metaphraſtes.

Alius ſub forma puellæ in Eremo errantis, S. Viſtorino Epifcopo vrbis Aminternæ, cùm eremum incoletet, commendauit hospitalitatem, atq; vt ſibi, nocte inſtante, in eadem cella permanere; & contra beſtias tutò eſſe liceret, rogauit: & perſuaſus vir ſanctus, luxuriæ crimen incidit. Ita Ado Treuirenſis in Martyrol.

Et fuit, quì doceret S. Gutlacum Anachoretam, leuioreſ eſſe pro ſancto viro abſtinentias biuanas, aut triduanas in hebdomade: emulandum eſſe ieiunium quadragintâ dierum Moyſis & Eliæ: ſcilicet, vt grauiori abſtinentiâ vitam arbumperet. Apud Surium Tom. 2. in eius vita.

Hæc cauſa fuit, quæ B. Antonium monerit, vt etiam bona conſulentibus Spiritibus non putauerit acquieſcendum. *Si orare,* inquit, *compellunt: ſi ieiunia ſuadent, nō ex eorum nos meritis id agamus, ſed ex noſtra conſue-*

consuetudine. Ita de Antonio, in eius Vita, Athanasius.

Et in hoc *Dæmonum* emulatores sunt mali hominum Spiritus. Deprehensum est, hos quoque sua oratione, aliquibus bonorum fuisse auctores: verum peruerso animo, prauo nocendi studio. Cuius hoc clarum Argumentum, quod, ut *Dæmones*, benè agant nihil, ut sæpius ex B. Gregorio dictum est. 16.

Tertium orationum genus, à quo nec *Dæmones*, nec damnatorum hominum Spiritus abhortent, est; quod *vanitatis seu leuitatis est plenū*. An hoc potest alienum esse à *Dæmonibus*; qui à Domino. (Iohan. 12.) *Principes dicti sunt mundi*; mundi, in quo *vanitas vanitatum, & omnia vanitas*? Eccles. 1. An à *damnatorum* Spiritibus? quorum studium, & cor (cuius oratio index est) dum viuerent, in *vanis mundi* rebus, & negotijs fuit totum? 17.

Non igitur hæc orationum genera humanos Spiritus à *Dæmonibus* distinguunt: quia nec solis conueniunt humanis: nec solis *Dæmoniorum* Spiritibus, quemadmodum demonstratum est. 18.

Licet verò *totum* *Dæmoniorum* genus, à *toto* humanorum Spirituum non distinguant; distinguunt tamen *totum* *Dæmoniorum* genus ab *aliquo* humanorum Spirituum: illis, scilicet, à quibus Deus purgatorias pœnas exigit. His nec conuenit *oratio aperte mala*: quia peccare non possunt: Nec quæ ad bonum, *malo fine* hortetur: quia hæc peruersa est. Nec *vana* aut *leuis*: ut qui, quæcunque loquuntur, magno cum consilio & ratione loquantur. 19.

Porro *occultorum reuelatrix oratio* (si tamen vera sit, non falsa) *pulchre* *Dæmones* ab hominibus distinguit, quia & *Dæmones* hæc possunt: non est, quod Spiritus defunctorum, non beatorum, corporibus exuti, *mox* plus vi cognoscendi hîc valeant, adeoque cognoscant hîc; quàm valuerint, & cognouerunt corporibus inclusi. Cum igitur corporibus inclusi, occulta, *per se*, non cognouerint, & reuelare nequiverint; poterunt corpora exuti? At *Dæmonum* scientiam occulta non latent. Multis vijs & rationibus ex ijs quædam assequuntur quemadmodum nôrunt dicti. 20.

Quocirca & quæ tempore Romani Argiropoli Imperatoris in Tracensi prouincia, apud radices montis Cuzenæ, vix miserabilibus eiulatibus & lamentis, à Mense Martio, ad Iunium exaudita est; & clades Romanorum in Celisyria portendit, *Dæmones*, non humanos Spiritus prodidit. De hac Cedrenus.

Sic *Dæmonium* fuisse dicimus, & non humanum Spiritum, qui


Curtio Rufo prædixit, futurum; ut Romam proficisceretur: honores ibidem gereret: & cum summo imperio in Africam rediret. de quo Theſi 4. c. 26. ex Plinij li. 3. Ep.

Sic deprehensus est esse Dæmon ille, qui se Ducem Betaniæ Gerhardum dicebat, in agro Furnenſi pagi Eggafredi, cuius mentio facta est Theſi. eadem, eodem capite. postquam occultum quoddam crimen inter Hillinum quendam religiosum virum, quod ille in iuventute cum Theta virgine commiserat, prodidit. Rem prolixius describit Iacobus Meyerus li. 5. Annalium Flandriæ, circa annum Domini 1253.

2. 1. *Et ert a io boni petitoria, humanos Spiritus (quàmuis non omnes) à Dæmonibus distinguit. Quid ita? Quia Dæmonibus, ut aliquod sibi bonum petant, non conuenit: & si petunt; simulatè, non verè petunt. Verùm de hoc, posteriùs Capite quadragesimo.*

C A P. XXIX.

An, & quomodo molestijs, quæ afferuntur: & malis, quæ inferuntur, Spiritibus authoribus: possint distinguere humani Spiritus à Spiritibus Dæmoniorum.

1.  Acilè aliquis in illam sententiam concesserit; ut ex malis & molestijs, quæ à Spiritibus afferuntur, nullum putet discrimen, quo humani à Dæmonum distinguantur, posse deprehendi: Non solùm idcirco, quòd tam humani, quàm Dæmonum possint esse molesti; verùm etiam, quòd utriq; magna aliquando mala & detrimenta attulerint.

2. *Sunt molesti, sine vlla corporis læsione, Dæmonum Spiritus.* Res est clara quotidianis exemplis: & si vetera postulantur: probant inter alios, Spiritus, qui, in Scotia, arcem Sterlingi, gemitibus horridam reddiderunt. de quibus Cap. 1. Sunt quoque, sine vlla corporis læsione, molesti Spiritus humani, ut probat Cleonica, Byzantinæ virginis Spiritus; qui solâ suâ præsentia grauis fuit Pausaniæ Spartanorum Regi. quemadmodum dictum eodem primo Cap.

3. *Infixerunt vulnera Dæmonum Spiritus.* Expertæ sunt hoc, & suo malo probant, Virgines Verretenſis Monasterij: & qui ex fodina Georgiana sublatus est, operarius: de quibus 1. Cap. Et humanos Spiritus infligere posse, atq; ad eò infligere; probat Spiritus matris Neronis; qui, ut Suetonius loquitur, aliquando verberibus furiarum in ipsum sauit.

Con.

Confirmant idem exempla Petri Apostolorum Principis, & B. Virginis Matris. De Petro refert Beda, l. 2. cap. 6. Historiæ Anglorum, quòd Laurentium, Cantuariensem Episcopum, à grege tenero, & Christo recens initiato, fugam meditantem, nocte flagellis ceciderit. De Virgine Matre Nicephorus, l. 18. ca. 33. quòd impio cuidam hospiti dormienti astiterit; verbis primum perstrinxerit; deinde vimine eius genua, circumcirca velut exarans, circumscripserit; ille verò à somno excitatus, à reliquo corpore disrupta inuenerit: & iustum Dei iudicium, non oris solùm testimonio, sed corporis quoq; habitu promulgauerit.

Attulerunt mortem Damones. Exemplo sunt illi (de quibus 1. Cap.) duodecim, quos Annebergicus Spiritus vno flatu interemit. Et si mortem non attulerunt; posse afferre *humanos Spiritus*, docent exempla sanctorum hominum (quorum Spiritus quidni possent, quod ipsi?) exempla, inquam, Petri Apostoli; qui mortis Ananias & Saphiræ: Eliæ, qui quinquagenariorum; Elisæi, qui puerorum quadraginta duorum auctores fuerunt. Act. 5. 4. Reg. 1. 4. Reg. 2.

Sed ad rem magis faciunt duo, quæ adiungimus exempla. Primū refert Gregorius Turonensis l. 5. Historiæ Francorum, c. 5. his verbis: *Anno quinto Episcopatus sui* (loquitur de Pappolo, Episcopo Lingoniensi; qui gregis sibi commissi nullam curam gerebat) *dum dioceses & villas Ecclesia circuiret, quādam nocte dormienti illi apparuit vultu minaci B. Tretricus* (Tretricus hic Pappolum in Episcopatu præcessit, & officio boni Episcopi egregiè erat perfunctus) *Cui ita. Quid tu, inquit, hic Pappole? ut quid sedem meam polluis? ut quid oues mihi creditas dispergis? Cede loco: relinque sedem, abscede longius à regione. Et hac dicens, virgam quam habebat in manu: pectori eius cum ictu validè impulsit. In quo ille euigilans, dum cogitat quid hac esset, fixè in loco defigitur, ac dolore maximo cruciatur, abhorret cibum potumq; & mortem iam sibi proximam postulat. Quid plura: Tercio die, cum sanguinem ore proijceret, expirauit. Hæc Grægorius. & post Gregorium Baronius An. D. 552.*

Alterum huic haud ita multum abfimile refert Ioannes Naucerus, generat. 34. Vdo quidam Magdeburgensis fuit Episcopus; qui cum cura Episcopatus deposita, totus libidini, cum Deo consecrata virgine vacaret, primū hanc voce (*Cessa de ludo, tussisti iam satis Vdo*) ut desistat, admonetur: deinde ubi peccatum peccato iungit, de latere concumbentis secum scorti detrahitur. adducitur mox in Sanctorum, qui in choro Ecclesiæ S. Mauritij confidere visi sunt,

consilium accusatur apud Filium à Virginè Matre, damnatur capitis, à Pugile decollatur. Rem totā, prout oculis conspexit narravit. Fredericus quidam, eiusdem Ecclesiæ Canonicus; factiq; testimonium hodie præbet cruor Vdonis in marmore candido exceptus.

5. *Incommodârunt bonis fortuna Dæmones.* Iob id suo magno, sed tamē felici, malo didicit. Experti sunt idem ab infestante Spiritu Bingen-
ses; plurimique alij, quorum 1. Cap. meminimus. Et quidni possint *Spiritus humani* idem in bona externa, quod valent in bona corporis? in corpora ipsa?

6. Hæc à nobis allata, in præsentī argumento difficilem faciunt inter Spiritus dijudicationem. Et *forte* non errauerit, qui mala nulla esse crediderit, quæ nunc non à Dæmonibus afferantur; nunc non ab humanis Spiritibus, si non omnibus, saltem ab aliquibus.

7. Interim tamen, saluo melius sentientium iudicio, & hinc aliquod discrimen accipi posse; & *esse quadam mala, quæ Spiritus distinguāt*, existimarem. Quæ illa? quæ videlicet, non ab hominum Spiritibus afferuntur, sed à Dæmonibus: quæ ob id, quia Dæmonum propria sunt, hoc ipso demonstrabunt & arguent Dæmones non humanos Spiritus; quia ipsorum authores Dæmones sunt, non humani Spiritus.

8. Quocirca hic modus cognoscendi, & distinguendi Spiritus contrarius est illi; qui, Capitibus præcedentibus, explicatus est. Ibi demonstratum est ex ijs, quæ conveniunt tantum humanis Spiritibus, humanos cognosci, & à Dæmonibus distinguī: hic ex ijs, quæ Dæmonibus tantum conveniunt, cognosci & distinguī Spiritus Dæmoniorum ab humanis docebitur.

9. Principio igitur *Dæmones crediderim illos Spiritus, qui mortis hominum sunt authores.* Certè hos mortem posse adferre, dubium non est. *Non est potestas, quæ comparetur eis*, Iob 41. Dubium quoque non est, ipsos hominum mortem *desiderare.* Probat hoc implacabile odium, quo genus humanum prosequuntur. Sic certum est *re ipsā* mortem aliquando attulisse. Exempla huius plurima sunt. Quòd verò *soli* afferant & *conditio* mali, quod morte affertur, videtur postulare, & ipsorum Dæmonum officium.

10. *Mors* malum graue est: nec, nisi Dei singulari prouidentia, à Spiritibus affertur. At diuina prouidentia, quemadmodum non per se ipsam res administrat, ita neque administrat per quasvis creaturas. Habet administratorios Spiritus, Angelos, in similibus officijs. Per Angelos igitur; quando ita expedire iudicauerit, mortem infliget.

11. Quòd si *conditionem* Spirituum humanorum attendamus, clarius

rius quod diximus, intelligemus. An fortè purgandis propositum est, vt interimant? Nequaquam. Vt prodesse *per se* non quærunt: ita nec nocere. Suam tantùm causam agunt, suum quærunt bonum priuatum. An propositum damnatis? At vt velint maximè, *fortè* tamè per vires non semper vt afferri videmus, afferre poterunt: & vt possint, quia tamen nò adsunt viuentibus, vt diuinæ iustitiæ administri, (hoc officium Angelorum est) non per ipsos, si quando affertur, mors afferri dici debet.

Quod si quandoq; Spiritus humani mortem intulisse leguntur, 12. illos ego non autoprofopos, sed specietenus tantùm humanos dixerim. Dixerim Angelos (nunc bonos, nunc malos) qui formas certas hominum finxerint: reuera autem Angelici Spiritus fuerint.

Nec est, quòd quis hîc mihi Beatorum hominum Spiritus obijciat, qui mortis viuentibus fuerint per seipsos authores. Primùm enim, qui illi? siue, quorum Spiritus fuerunt? Deinde vt illi intulerint; nostra tamen non euertitur Assertio: quoniam non de felicibus; sed miseris quæstio hîc est. Quid quod forsitan, non malè negetur Beatorum Spiritus per se mortem intulisse? Quemadmodum enim, teste B. Augustino, li. de Cura pro mortuis, etiam ipsi autoprofopos personaliter præsentes sæpè non sunt, vbi præsentes videntur; ita sæpè mortem per se non afferunt, vbi mortem iudicantur afferre. 13.

Ministerio bonorum Angelorum sæpè forsitan hoc fit, qui San- 14. ctorum hominum imagines exhibent. Illi sæpè mortem inferunt, idq; sub Sanctorum Imaginibus & forma, ita Deo disponente: vrectiam ex his Imaginibus colligant mortales, quo in honore habendi sint, quos Deus in cælestis Hierusalem ciues assumit, & cohæredes vult esse Vnigeniti sui dilecti Filij.

Hoc vnum itaq; *malorum*, quod Dæmoniorum Spritus distinguit ab humanis. An hoc solum? Addidero illi *Vulnera*, atque, quæ ad mortem tendunt, *grauia verbera*. Quicunq; Spiritus horum causa sunt, produnt forsitan se non personaliter esse humanos; sed Dæmoniorum Spiritus. 15.

Nec opus multis est pro Assertionis huius confirmatione. Quæ 16. probant mortes & clades Dæmonibus anthoribus fieri; probant vulnera atque verbera ab ipsis proficisci. Ad proprium hoc officium in *nostris hisce infestationibus*, pertinent Dæmonum. A fine, qui Spiritibus humanis, in suis Apparationibus, & infestationibus propositus est, sunt aliena.

Sic ingentia damna, quæ fortunis & bonis externis viuentium infe- 17. runt,

runtur, Dæmones indicant. Non ob dictas tantum rationes: verum etiam propterea, quod persæpè hæc humanis viribus procurari nequeant. Non tantæ vires humanis Spiritibus, ut magna damna, quæ quandoque per spiritus afferuntur, ipsis authoribus fiant. Sæpè etiam quàmuis leuia sint, ijs tamen medijs & rationibus procurantur, quæ in humanorum Spirituum non sunt potestate, ut sunt excitati venti, ignes, &c.

C A P. XXX.

An & ex quibus officijs, atq; obsequijs, quæ à Spiritibus quandoq; viventibus præstantur, cognosci possit, qui Spiritus humani sint, & qui Diabolici.

1.



Officia, hoc loco, opera quædam Spirituum, quæ in assumptis corporibus exhibent, vocamus: Hæc quàmuis varia sint? ad quatuor tamen præcipua genera reuocari videntur: ut alia dicamus *otiosa*: alia *molesta*: alia *perniciosa*: alia *obsequiosa*. Prima illa nullum ad hominem respectum habent: posteriora tria cum hominibus, & propter homines suspiciuntur.

2.

Otiosa dicuntur, non quia Spiritibus in ijs nullus finis propositus est: nam sine fine, & ratione, nihil agunt Spiritus: sed vel quia propter se sola suscipiuntur; vel certè non hominum causâ. In his ponimus Ludos nocturnos spectrorum Aquilonarium, quorum Olaus Magnus meminit li. 3. c. 11. Gent. Septent.

Molesta sunt quæ ut quies hominum interturbetur: aut aliquid aduersum ipsi patiantur, à Spiritibus suscipiuntur; vel si non idcirco suscipiuntur, cum molestia tamen accipiuntur: qualia sunt excitati strepitus, vellicatio aurium &c.

Pernitiosa voco, quæ præter molestiam, quam afferunt; etiam incommodant, nunc in fortunæ bonis, nunc in bonis corporis.

Obsequiosa sunt, quibus bonum aliquod mortalibus affertur, aut humana seruitia præstantur:

3.

Discussimus *molesta*, atque *pernitiosa*; & vtrum atque quod, discrimen inter humanos, atque Dæmoniorum Spiritus constituent, notauimus, hoc Capite. Vtrum etiam ex *obsequijs*, qui mortalibus Spiritus impendunt, discrimen aliquod capiatur, examinabimus.

4.

Nam quod *Obsequia* quædam Spiritus mortalibus præstent: dubium non est. Experiuntur illa Magi plerique, quos inter atque Spiritus pacta inter

intercedunt. Experiuntur Sagæ; quando ad nefandos congressus, & conuentus properantes, suis vtuntur Martinellis. Et nos pro hoc argumento, non pauca protulimus Capite primo.

Et ab *Omni generis Spiritibus hæc obsequia* præstantur. Purgandus Spiritus Palchafij cuiusdam, obsequia præstabat in Thermis Angularibus Germano Capuano Episcopo. Diabolicus fuit Heildesheimensis Hudeken; qui diligentem curam habuit commendatæ sibi à marito vxoris. Damnatus videtur fuisse Apollonij Thianæ Philosophi; qui captâ ab Aureliano Imperatore vrbe Asiæ, Thianâ; post mortem Imperatori apparuit; hisque verbis eundem est allocutus: *Aureliane, si cupis vincere, non est quod de ciuium meorum nece cogites.* Vide Cælium Rhodog. lib. 17. capite 13. qui hoc ex Fla. Vopisco.

5.

Hæc cum ita sint, non immeritò quæritur. Vtrum etiam ex his argumenta peti possint, & indicia; quibus deprehendatur discrimen humanorum & diabolicorum Spirituum. Alij forsitan crediderint his humanos, maximè purgandos, Spiritus cognosci, quòd hæc obsequia humanitatis sint plena. Alij tribuerint omnia Dæmonibus: quibus studium non paruum est, etiam Angelicis obsequijs, mortalibus illudere. Nos, quod probabile est, iudicamus *quædam esse, quæ vehementes suspitiones gignant, quòd à Dæmonum, non hominum Spiritibus proficiantur: humanos Spiritus vel nulla prodere, vel admodum leuiter insimulare aliqua.*

6.

Primum, Obsequiorum, quæ Dæmonum tantum videntur esse indicia, *Tria sunt genera. Quædam* possumus dicere *necessaria*; quædam humanas vires *superantia*: quædam vehementer *nefanda*. *Necessaria* dico, in quibus Spiritus hominibus, quibus obsequia præstantur, ex voto aut pacto sunt obstricti. Vires humanas *superantia*, quæ nec viuorum hominum proprijs viribus fieri possunt, nec à defunctorum Spiritibus. *Nefanda*, in quibus apertius naturæ leges violantur.

7.

Obstringi homines aliquando *ex pacto* Spiritibus certum est. Exempla suppetunt plurima. Quid, quòd qui maleficiorum sunt authores, nisi se Spiritus, obstringant; in Malificorum album non admittantur? Atque vt his sese Spiritibus homines obstringunt; ita vicissim hominibus se obligant, & sua opera promittunt Spiritus. Hæc opera atque obsequia Dæmones prodere, & non alios Spiritus, partim inde rectè videmur colligere; quòd pacta non inter defunctorum Spiritus, & viuentes homines: sed hos inter atque Dæmones intercessisse, atque intercedere identidem, legamus: par-

8.

tim ex illo, quòd non idcirco rebus viuentium interfint defuncti, vt pacta cum hominibus ineant; & ex officio, certa obsequia hominibus præstent.

9. Exhibentur etiam à Spiritibus obsequia aliquando, quæ *humanas vires excedunt*. Nunc enim in hominum gratiam, atque pro ipsorum voluntate & imperio à Spiritibus ingentes transponuntur lapides: nunc amplæ & splendide subito construuntur machinæ: nunc per aera rapiuntur homines, &c. His verò cum humanæ vires pares non sint; cum sint multò inferiores; quomodo humanis Spiritibus authoribus hæc fieri credi debet?

10. Denique *nefanda* Obsequia Spiritus exhibent. Testantur hoc qui ad mares fiunt succibi; & ad foeminas incubi. Testantur idem Iordanes Gothorum Episcopus, li. de Gothorum origine, VVilhelmus Parisiensis, & Thomas Brabantinus, li. de vniuersali bono, Vincentius li. 27. cap. 30. Histo. Ioannes Nider, lib. 5. form. de Malefic. cap. 10. An hæc humani Spiritus exhibent? Non exhibent purgandi; quos superius diximus, peccare non posse. Non exhibent damnati, quòd quæ in hoc nefando congressu necessaria sunt, per illos non ita commodè fieri possint. A Dæmonibus igitur, vt *certum* est persæpè, & vt plurimum fieri; ita verisimile est à *solo* fieri, & semper fieri.

11. Gaudent autem hoc *exercitio* plurimum immundi Spiritus: non eâ causâ, quòd inde sobolem tollant; vel voluptatem aliquam capiant, afferantur; sed propter hominum perniciem, quam impensè expetunt. Nōrunt enim naturam hominis pronissimam esse ad voluptatem: Eam etiam illecebram esse cuiuslibet turpitudinis & improbitatis, atq; omnium malorum escam. Experti præterea sunt viros quantumvis prudentiâ, probitate & grauitate præditos, blanditijs voluptatum delinitos, sæpenumerò esse corruptos, & ad magna tractos flagitia. Meminerunt etiam fortissimum omnium mortalium Samsonem, sapientissimumq; Salomonem, etiam sanctissimum Dauidem, voluptatis dulcedine inescatos, impurissimis flagitijs, & grauissimis calamitatibus contaminatos & attritos esse. Nec ignorant vitium luxuriæ, quatuor rebus cætera vitia superare; amplitudine, diuturnitate, fecunditate & curationis difficultate. Hæc enim labes latissimè diffusa est, atque omne propemodum genus hominum complexa: & quem semel corripuerit, sic ei tenaciter adhærescit, vt vix vnquam auelli queat. Denique vitium hoc inolitum, atque inueteratum in animis hominum, difficilissimam habet curationem. Quid plura? Voluptas corporis innumerabilium malo-

malorum, tum priuatim, tum publicè seminarium est. Propter hanc non vnius tantum, aut paucorum hominum: sed familiarum, ciuitatum, gentium, imperiorum, totius denique orbis terrarum clades & exitia contigerunt. Hæc non ignorant Dæmones: idcirco hoc exercitium sectantur.

12.

Ergo hæc obsequia Dæmonum sunt argumenta, An his contraria sunt humanorum Spirituum? libera dico, humanis viribus paria? honesta? Possunt talia ab humanis Spiritibus esse: at à solis non sunt. A Dæmonibus, vt necessaria; ita libera: vt humanas vires superâtia; ita humanis viribus paria: vt nefanda; ita honesta possunt exhiberi.

13.

Nullumne igitur indicium in Obsequijs, quòd humanis tantum Spiritibus conueniat? Si aliquod est, illud crederem esse: quod, præterquam liberum esset, & viribus hominum par, & honestum; etiam cum quadam animi submissi significatione offertur, & omni suspitione peccati caret. quod quâ ratione benè dicatur, docent quæ de Oratione dicuntur, cap. 28.

C A P. XXXI.

An ex otiosis officijs Spirituum, possit deprehendi, qui sint humani, & qui Dæmoniorum Spiritus?

INter Officia Spirituum quadruplicia discussimus molesta, perniciofa, & obsequiosa: & quid ad ipsorum distinctionem faciant, demonstrauimus. Vna restant Otiosæ; quæ ne prætermissa videantur, hoc Capite examinanda sunt; & eò breuius, quòd ex dictis de hisce iudicium haud difficulter ferri possit.

1.

Quæ ipsorum conditio sit, clarum est. Non hominum propriè causâ à Spiritibus suscipiuntur; sed propter se, & causâ sui. In hoc genere præcipuè choreas ponimus atque lusus, ludicrasq; quasdam gestulationes, & quæ cum his similitudinem atque affinitatem habent.

2.

Hæc aliquando à Spiritibus fieri dubium non est. Nam vt dei nihil dicamus, quæ in conuentibus nocturnis Spiritus, cum perditæ salutis hominibus habent; refert Olaus Magnus, apud Aquilonares populos selere nocturnos viatores, & armentorum custodes, mirificum concentum Spirituum obseruare & ludum; illumque incolas vocare choreas Eluarum. de his nos 1. Cap.

3.

4. Sed humanóſne Spiritus à Dæmonibus hæc officia diſtingunt? Omnino quis id exiſtimauerit, qui horum officiorum, atque ipſorum Spirituum conditiones inter ſe comparare voluerit. Cùm enim officia hæc lætitiæ ſunt argumenta; illis tantùm Spiritibus tribuet, qui gaudiorum poſſunt eſſe participes; quales ſunt humani purgandi, ab illis remouebit, in quos gaudium nullum, nulla voluptas cadere poteſt; quales præcipuè ſunt ipſi Dæmones.
5. Quid enim hîc dubium? An quòd hæc officia lætitiæ ſint argumēta? An quòd gaudiorum ſint participes Spiritus purgandi? An quòd in malos, præſertim Dæmones, gaudia non cadant? Certa & clara ſunt omnia.
6. Quòd *lætitiæ argumenta & indicia ſint*, communis omnium habet ſenſus & conſenſus. Omnes ex his animorum lætitiā in alijs colligunt. Omnes ſi hæc præſtent, lætitię ſuę interioris argumenta ſe diſſe exiſtimant.
7. Quòd *gaudiorum participes ſint purgādi Spiritus* hinc colligitur; quòd moleſtiarum, quas ſuſtinent, finis ſit æternæ vitæ infinita voluptas. Sed & illius ipſius voluptatis exſpectatio, quæ apud ipſos certiſſima eſt, gaudium præſens illis affert. Et omnino credendum eſt eosdem recreari viuorum, quæ ipſis offeruntur, precibus & ſuffragijs.
8. Et vt hi voluptatem capere poſſunt, & capiunt; ita *omnis voluptatis & gaudij expertes ſunt Dæmoniorum Spiritus*. Non poſſunt vlla triſtitia affici Beati, qui cum Chriſto regnant in cælo. Non poſſunt vllam lætitiā capere damnati, qui à cælo excluſi, infernalibus torquentur ſupplicijs. Tantus eſt damnatorum dolor & triſtitia, vt ſi qua eſſe poſſet in ijs, mox abſorberetur voluptas. Tanta Dei iuſtitia vindicantis impiorum in inferno peccatum, vt ne concurrere velit cum ijs ad vllum, quo voluptatis participes eſſe poſſunt, actum, vt pulchrè philoſophatur noſter Ludouicus Molina in 1. parte S. Thomæ. Quod ſi B. Auguſtinus aliquando docet, *lætari ipſos de infelici ſua poteſtate*: nō intelligendus eſt, ipſis aliquam voluptatem concedere; ſed ſolū inſinuare hanc ipſis poteſtatem placere.
9. Sed tamen officia hæc *otioſa*, quæ diximus, bonorum Spirituum propria non ſunt. Quid, quòd nec quidem illis tribuenda? Quid, quòd ſint ſolorum malorum? Et hæc *Tria* breuiter, pro inſtituti ratione doceamus.
10. *Primū experientia docet*, in ijs Spiritibus, quos ſuperiùs *Guteolos* diximus vocari à Germanis. Hos leuiter eſſe petulantes; mimicas quaſi actiones exercere deprehenſum eſt ſæpiùs. Quis verò dubitauerit de ge-

de ge.

de genere malorum spirituum esse Citharedum, qui in medijs vndis ludens conspicitur haud procul à Finlandiæ arce : cuius meminit Olaus Magnus, li. 20. ca. 19.

Sed nec officia hæc sunt tribuenda bonis Spiritibus, qui purgatorijs ignibus expiantur. Quàmuis enim voluptatis & gaudiorum sint capaces; vt tamen exterius lætitiæ signa dent, nulla causa est, quæ vrget. Vt porro dent leuitatis atque petulantia, sine quibus officia hæc non exercentur, quis crediderit? præsertim eos spiritus, quos aliquoties dictum est peccare non posse? 11.

Solorum igitur malorum spirituum hæc officia sunt : qui quàmuis lætari & gaudere reuerà nequeant ; lætitiā tamen & gaudium possunt simulare & fingere: Spiritus ad quasunque res fingendas aptissimi. 12.

An verò malis vtriusque communia? hominum scilicet damnatorum spiritibus & Dæmonum? Difficile est hoc definire. Verisimile est aut esse propria Dæmonum, aut ad hæc cogi spiritus hominū: vt habeant communia miseri cum Nequam Spiritibus officia, cum quibus communem habent infelicem conditionem & societatem. 13.

Quid ex dictis omnibus? Hoc solum. Admodum probabile esse, 14. discrimen aliquod ex his officijs peti; quod humanos Spiritus à Dæmonibus discernat, cum officia hæc non nisi Dæmonibus conueniant.

Et profectò Dæmones à mimicis gesticulationibus & lēuioribus actionibus non abhorre, primū quidem illi probant, qui Veretenfis Monasterij virginibus molesti fuerunt, de quibus Thesi 19. Capitis primi: tum is, qui in forma simiæ infinitos iocos Sancto Dominico exhibuit, de quo in vita eiusdem, lib. 3. ca. 7. Theodoricus de Apoldia: vt nihil de ijs dicamus, qui Dæmoniacos obsident. 15.

C A P. XXXII.

An ex locis sacris & profanis: desertis & cultis possint distinguī humani Spiritus à Dæmonibus, si quando dicta loca infesta sunt.

LOcorum differentia admodum sunt varia. Res per se clara est. Nos illas solum scrutabimur, quæ instituto nostro seruiunt. Hæ duplicis sunt generis: quædam ex locorū petuntur qualitatibus: quædam ex rebus, quæ in locis acciderunt. Ra-

tione priorum dupliciter distinguuntur; in Sacra, & profana: deinde in Cultra siue habitata; & deserta, siue hominum vsibus non seruientia. Ratione posteriorum alia sunt flagitio siue peccato; alia morte alicuius insignia: alia verò, in quibus horum neutrum notatur.

2. Horum locorum, in Spirituum molestijs atque infestationibus, rationem aliquam haberi, dubium non est. Nam & quibusdam frequentius obseruantur Spiritus, quæ præ cæteris affectare videntur: quædam, contrà fugiunt & detestantur. Affectant quidam loca deserta: fugiunt alia alij: vt illi, qui præcedente nocte, antequam Basilica S. Petri Coloniae consecraretur, auditi sunt horrendis vocibus clamare, quod sedibus suis pellerentur, quemadmodum anno 871. notauit Sigebertus.

3. Quia verò non verisimile est, quosuis Spiritus quibusuis locis delectari; nec quosuis quæuis loca fugere & declinare; omnino ex locis de conditione Spirituum coniectura peti posse videtur. Quanta verò, & qualis? Id hoc Capite ostendendum in *his locis, quæ qualitatibus distinguui* diximus. alia sequenti Capite reseruamus.

4. Duplicia igitur hîc loca ingredienda sunt: primùm *sacra*, & *profana*: deinde *deserta*, & *cultra*, siue hominum vsibus seruientia.

5. In *profanis* labore atque inuestigatione magnâ opus non est. Certum est ex *his Spiritus non distinguui*: quòd his & Dæmonum, & hominũ, tam damnatorum, quàm purgandorum Spiritus reperti sint, & reperiantur. Exempla suppeditat primum disputationis præsentis Caput. Nec aliud suadet ratio: quoniam quod Spiritus, quoscunq;, *profanis locis* prohibeat est nihil: quòd quicunque illis locis inueniantur, rationes sunt & multæ magnæ.

6. A *Sacris* fortè quis excluderet malos, & ob id, quàmuis hinc non vniuersè Dæmoniacos ab humanis; à quibusdam tamen (purgandis videlicet) distinguet. Sed alius forsitan, ad *sacra loca*, præter purgandos, admiserit malos damnatorum hominum Spiritus; exemplo persuasus Doctoris Parisiensis, qui horrendis vocibus, se & *accusatũ*, & *iudicatum*; & *damnatum*, in Templo proclamauit. de quo in Vita S. Brunonis. Fortè sunt, qui nec Dæmones velint *sacris locis, & templis* exclusos: propterea quòd in templis sæpè inueniantur à Dæmonibus obsessi Dæmoniaci: & tumultus nocturni prænuncij mortis (quos à Dæmonibus, vt plurimum excitari, aliàs diximus) in templis audiuntur frequenter: oraturi etiam in templis, primùm se aqua lustrali aspergant, ne Dæmonis tentationibus impediuntur. Sed & homines quidam persequentes patiuntur Dæmones: quid si ad templa hi cõueniant? ibi commorentur? eruntne mox à Dæmonum molestia liberi?

Diffici-

Difficilem hæc faciunt, ad propositam quæstionem, responsionem. Interim tamen non errare dixerim eos qui ex *sacris locis* discrimen aliquod peti posse crediderint: *Templa* ut plurimum, *exclusi sunt Dæmones*; *humanos* verò *Spiritus* (vtrum omnes, an aliquos, postea discutietur) ad illa *admisserint*, ut ob id, qui in sacris locis molestare viuentes, aut infestare observantur; habeantur, ut plurimum, non Diaboli & Dæmones; sed defunctorum hominum spiritus & anima.

Recepta est apud Catholicos consuetudo, nec frustra: ut si quæ loca Dæmonibus infesta sint; illa exorcismis atque orationibus Ecclesiæ liberentur & purgentur. Quid igitur in locis *sacris*, templis, atque oratorijs, quæ exorcismis atque orationibus & purgata, & Deo consecrata sunt, infestantes Dæmones quærimus? Antequam diuinis vñibus loca consecrentur; autoritate, diuinitus Ecclesiæ relicta, ab ijsdem Dæmones proscribentur; & postquam iam consecrata erunt, domicilia erunt Dæmonum? illa pro sua libidine poterunt infestare? poterunt in ijs mortalibus molesti esse? clades atque detrimenta afferre?

Quàm sunt multa in templis, consecratisque locis, quæ Nequam Spiritus cane peius & angue, oderunt? Sanctorum Imagines? Sanctorum Reliquiæ? vasa sacra? res sacræ, quarum vñus in Sacramentorum administratione? pietatis exercitia? Christi sanctissimum sub speciebus panis corpus?

Nec repugnant assertioni huic, quæ superius Thes. 6. allata sunt argumenta. Aut enim ostendunt vñ, & quasi inuitos cogi ad loca sacra Spiritus Dæmoniorum: aut propriè non reddere infesta loca: aut nõ molestos esse excitatis tumultibus; sed mentem tantum, ne Deo in oratione, quemadmodum par est, coniungatur, distrahere.

Vnum fortè, quod dicebatur in sacris locis inueniri posse homines, qui persequentes patiuntur Dæmones aliquid roboris habere videtur; ut horum ratione credi possit sacra loca à Dæmonibus infesta reddi. Sed hoc tantum abest, ut assertionem infringat; ut etiam magis onfirmet. Certis enim, & propriâ experientiâ edoctis testibus didicimus eos, qui talium Spirituum molestias sustinuerunt, cū alijs locis nullis tuti essent, sacris tutos fuisse.

Atque ita se rem habere existimamus ut plurimum, ut humani; non Dæmonum sint Spiritus, qui sacris locis observantur. Contingere nihilominus, sed rariùs potest, ut his etiam molesti sint Dæmones. Pro quo duo nobis suppeditat exempla Cæsar Baronius, Tomo 5. & 6. Historiæ Ecclesiasticæ. Vnum sub annum Domini 415. refert accidisse

disse in Ecclesia quadam Alexandrina, quæ olim famosissimum Idoli fanum fuit, quàmvis enim hæc Christo à Theophilo Alexandrino consecrata esset; infestationes tamen Dæmonum sustinuisse, donec in eandem illatæ sunt Reliquiæ SS. Marcj Euangelistæ; Cyri atq; Ioannis, docent acta eorundem Martyrum, in posteriori Nicæno Concilio cognita, & à S. Ioanne Damasceno comprobata. hoc Tom. 5.

Alterum sub annum Domini 471. accidit Gennadio Constanti-
nopolitano Episcopo ante ipsius obitum. Cùm ille noctu ad altare Sacrificij, orans astaret, & preces ad Deum funderet; Spectrum Dæmoniacum ei apparuit; quod ille protinus signo crucis, veluti immisso telo fugauit. cumq; recederet, hæc est humanâ voce locutum: *Abeo, & te viuente quiescam; reuersurus post obitum tuum, & modis omnibus euersurus Ecclesiam.* Hoc Tom. 6. ex Theodoro Lectore, Collect. li. 1. & Nicephoro, li. 15. cap. 23.

Duobus his tertium adiungimus, ex Vita S. Dominici, l. 3. c. 12. desumptum. Mandauerat vir Sanctus suis; ne post vltimum campanâ datum signum in Templo hærent. Mansit tunc Monachi formam indutus Diabolus, vt præceptum viri sancti transgrediendo, ab eodem tanquam immorigerus frater, reprehenderetur; silentijque leges, quas summa cum religione vir sanctus colebat, violaret. Nec spes fefellit Nequam Spiritum: reprehensus enim mox subrisit, & silentij leges violatas Dominico obiecit.

13. Atque hæc de sacris locis. An quoque locis desertis & cultis humani atque Dæmoniâ Spiritus distinguuntur? Probabile id admodum est. *Verisimile prorsus est, qui desertis locis, & ab hominum vsibus alienis tumultum & turbam sunt auibores, Dæmones esse; non humanos Spiritus.*

14. Huius hæc argumenta sunt; quòd & qui similibus locis infesti fuerunt, pro Dæmonibus habiti sint: & multis indicijs se Dæmones esse insinuârunt: & præterea, nulla ratio sit, ob quam ijs locis humanos Spiritus vagari atque degere credi debeat.

15. Pro Dæmonibus habiti sunt, quicunque in vastissima eremo molesti fuerunt Antonio, atque Paulo, primis eremi cultoribus; quorum B. Hieronymus meminit. quicunque in eadem eremo noctis quietem interturbârunt Monachis; quorum studium atque pietatem commendat Cassianus. quicunque in fodinis metallicis reperti sunt, &c. de quibus nos superius.

16. Sed & certis indicijs se probant Spiritus Dæmoniorum esse, qui dictis locis obseruati fuerunt, alius peregrinâ formâ: vt qui Antonio fa-

nio factus est obuiam, fronte cornibus asperatâ, alius morum & gestum leuitate; vt citharedus in extremis finibus Finlandiæ, alius morte & nece hominibus allatâ; vt Spiritus Annebergicus, alius simulato brutorum animalium clamore; vt qui velleonis rugitum, vel serpentum sibilum, vel taurorum mugitum aliquando edidit, &c.

17.

Huc accedit, quòd Raphâel Angelus apprehensum Dæmonium religauerit in deserto superioris Aegypti, tanquam loco sibi conuenienti, Tob.8. Et quòd Dominus doceat eiectos Spiritus ambulare per loca arida: ibidemq; requiem quærere, & non inuenire. Hæc scilicet deserta sunt loca, quæ Dæmonibus arida dicuntur & inquieta, quòd in ipsis materia hominum generi incommodandi, quam semper expetunt, non suppeditetur. Ita Abulensis in 11. Matth.

18.

Cur etiam desertis locis verarentur humani Spiritus? An vt his pœnas peccatis debitas persoluant? At ad hoc ipsis seruiunt purgatoria atque infernalicia loca. An, vt diuinæ iustitiæ dent testimonium, illis ipsis, quos sustinent, cruciatibus? At hæc hominibus, qui iisdem iuari possunt, non lapidibus atque arboribus; non feris atq; brutis animalibus, quæ locis desertis reperiuntur, sunt exhibenda. An, vt subsidia atque patrocinia obtrineant viuientium, & ipsorum opera iuuentur? At hæc incultis locis, & vbi homines inueniuntur, & expectari debent.

19.

Omnino viuientium causâ defunctorum Spiritus ad viuos redire videntur: siue rationes ex parte Spirituum; siue ex parte Dei; cuius voluntate & dispensatione fit, vt reuertatur, petantur. Omnino igitur necesse est, vt vbi viuientes commorantur, versentur: locis cultis, & hominum vsibus seruientibus; non incultis, & ab hominum consuetudine alienis.

C A P. XXXIII.

An ex locis morte alicuius, aut egregio facinore notatis, possint humani & Dæmonum Spiritus distinguui: & quomodo.

Instratis locis sacris, & cultis illa iam sunt percurrenda, quæ vel aliquâ morte; vel grauifacinoze notata sūt. Circumspiciendum, Vtrum ex ijs dijudicari possit, quæ conditio Spirituum, ijs locis oberrantium; an, scilicet, humani sint; aut Dæmoniorum.

1.

S

Nam

2. Nam hæc, *præ cæteris locis Spectris, & Spiritibus infesta esse pro-*
pemodum nullus est, qui ignorat. Et si exemplis agendum est, non
defunt hæc, tam in locis, quæ ob alicuius mortem nota sunt; quàm,
vbi graua commissa crimina. Pro prioribus, vt alia omittam, est
spiritus, qui domum infestauit, vbi Cæsar Caligula interfectus est.
Pro posterioribus, quod Cardanus, lib. 6. cap. 93. de rerum varie-
tate, his verbis refert. Est, inquit, familia nobilis, ac inter primas Pax-
ma, Torrellorum nuncupata. Possident arcem, in qua aula est. In ea, sub ca-
mino, solet videri anus iam centum annis, quoties ex familia aliquis obitu-
rus est. Referunt hanc anum olim fuisse prædilectam, & ob pecunias interfe-
ctam à nepotibus suis; & in frustra diuisam, proiectamq; in latrinam. Ita
Cardanus.

3. Et non solum his locis Spiritus apparere, & molestos esse: ve-
 rum etiam ob *peractam mortem, aut commissa scelera*, molestos esse
 credendum est. Cuius hoc haud leue argumentum est; quod ante
 peractam mortem, commissaque scelera, ijs locis nullæ Spirituum
 molestiæ perciperentur; posthæc, illæ mox secutæ sint, & obser-
 uatæ.

4. De his igitur quæstio est, An humanos Spiritus à Dæmonibus di-
 stinguant: ita vt quicunque his locis obseruantur, vel hominum sint
 Spiritus, vel Dæmoniorum: an, non distinguant, vt vtrisque promif-
 cuè possint reperiri, & reperiantur omnis generis Spectra.

5. Et, vt de prioribus primùm dicatur, *verisimile admodum est, aut hu-*
manos esse, qui ijs locis versantur, vbi aliquem mori, & ex hac vita discedere
contigit: aut profectò sub humana specie Dæmones, illos homines, qui ijs lo-
cis usuram huius vite relinquerant, exhibere.

6. Habet hoc quidem primùm communis omnium sensus: sed ma-
 ximè probant, quæ in his Spiritibus obseruantur, *conditiones: in pri-*
mis autem rationes, quæ pro humanis potius, quàm Dæmoniorum
Spiritibus militant.

7. Diximus superius, humanos Spiritus *formâ deprehendi humanâ: &*
qui his locis versantur, non formâ humanâ tantùm deprehendun-
tur; sed eandem plerunque referunt, quæ hominum fuit, qui dictis
locis vitam cum mortè, commutârunt. Diximus humanos depre-
hendi ex gemitu & suspirijs: & hi Spiritus vel gemitu & suspirijs te-
stantur suas miseras; vel certè nullos barbaros sonos edunt. Dixi-
mus leuitatis argumenta ab humanis esse aliena: apud hos Spiritus
nulla ex ijs obseruantur. Diximus graua quandoque detrimenta à
Dæmoniorum, non hominum Spiritibus afferri: quando verò audi-
tum ab his spiritibus graua damna allata esse?

Cùm hæc loca, post mortem solùm infesta sint; ante mortem 8.
verò nequaquam; *quid est*, quòd post mortem illa à Dæmonibus in-
festari dici debeat; quæ antequam mors accideret, nullas Dæmonum
sustinuere molestias? An fortè mors hoc secum affert, vt Dæmoni-
bus locum patefaciat? Quis hoc credat? Annon mors; sed perditio-
rum hominum mores Dæmones afficiunt? At non nos perditæ vi-
tæ morientium, sed solius mortis rationem habemus. An Dæmo-
nes fortè his locis, mortuos apud viuos cupiunt traducere; vt non
feliciū, sed miserorum loco habeantur? At hæc ratione ipsi sibi Dæ-
mones erunt contrarij; propterea, quòd his apparitionibus & Spiri-
tuum molestijs primùm excitentur viuentium studia, vt defunctis
benè velint & faciant; tum deinde ipsi defuncti (siquidem ipso-
rum conditio prorsus desperata non est) viuentium iuantur pie-
tate & charitate: quæ vtrique Dæmonibus vehementer displicent.

Omnino ad hæc loca, præ cæteris, humani Spiritus, si non om- 9.
nes, aliqui certè redire desiderare posse videntur. Cùm enim illo-
rum quidam idcirco potissimum redeant, vt humanis subsidijs
iuuentur, vbi lubentius versari credendi sunt, quàm vbi præsen-
tiora sunt remedia? Vbi verò præsentiora; quàm vbi omnium ferè
opinione, humani Spiritus versantur? vbi noscuntur, qui ober-
rant? vbi defunctorum, qui benè defunctis volunt, plerunque
amici?

Et ita de prioribus locis sit definitum. De posterioribus non simplex 10.
danda responsio, quoniam loca hæc, quæ ob crimina & peccata, ma-
culam quandam contraxerunt, vel habent criminum & peccatorū
suos superstites auctores, aut vitâ illi sunt defuncti. Si vitâ functi
sunt, probabile ijs locis ipsorū Spiritus versari, vel Dæmones: Si su-
perstites adhuc sunt, dubium non est; quin Dæmonibus, non autem
humanis Spiritibus infesta sint loca. Quatuor asserimus. quatuor
sunt demonstranda. Ab ultimo incipimus.

Primum *humanos viuentium Spiritus non posse molestos esse ijs locis, quæ* 11.
ob viuētium adhuc scelera horrida sunt; extra omnem est cōtrouersiam.
An hi possunt esse alijs locis, quàm sua quæ fouent & sustentant, sunt
corpora? Sed quia pro hoc argumēto aliàs plura dicta sunt, hic plu-
ribus opus non est. Vide librum nostrum de Prodigiosis viuorum
Appar. .

Quòd verò sint *Dæmonum Spiritus*, quiuis hinc facilè intule- 12.
rit. Sed quàm sit hoc conueniens, quia non statim omnes percipi-
unt, hic docemus. Et principio quidem ea est peccatorum foedi-
tas;

tas; vt non homines tantum summis miserijs, & Dæmonum vexationi inuoluat, verum etiam loca, vbi ipsa perpetrantur, diuinæ iræ & Dæmonum potestati subijciat. Deinde recreantur his locis Spiritus Nequam, partim quia his Deus grauiter est offensus: partim, quia ijsdem ipsorum regno facta est accessio. Sed & Deus hæc loca Dæmonum infestationi exposita esse, potest videri velle; vt etiam hinc grauitatem peccatorum mortales intelligant, nouissima præuideant, & de salute sua cogitent.

13. *Vita defunctorum Spiritus ijsdem locis versari, vbi graua crimina perpetrarunt viuentes: primùm probant exempla eorum, qui leuia peccata illis ipsis locis, vbi commissa sunt, post mortem, dignis poenitentiae fructibus, expiârunt. Deinde illi, qui ijsdem, ob graua, puniti leguntur. Vtraque primum Caput suppeditat. Dei etiam bonitas atque iustitia hanc rem reddit admodum probabilem. Bonitas erga viuentes demonstratur; qui miserorum Spirituum exemplo possunt, si volunt, fieri meliores. Iustitia erga ipsos defunctorum Spiritus; vt hi intelligant ex omnibus ijs rebus suppliciorum suorum acerbicatem crescere, quæ ipsis quouis modo, dum peccârunt, seruierunt.*

14. *An verò soli sunt defunctorum Spiritus; qui locis, vbi peccata perpetrata sunt, obseruantur? Admodum hoc probabile: veruntamen, vt videtur, non necessarium. Probabilitatis argumenta, in priori huius Capitis parte, data sunt. At vt soli molesti sint, infestaque loca reddant: necesse non est; quemadmodum Thesi secunda, ante hanc euinci potest.*

C A P. XXXIIII.

An, & quomodo ex Catholicorum hominum, & Infidelium locis, possint colligi Spiritus, qui molestant, esse humanos, vel Diabolicos

1. **R**æter iam dictas, & peruestigatas, locorum differentias, alia est, quæ ex *personis*, loca incolentibus, accipitur: vt scilicet, quædam dicantur Catholicorum habitacula; quædam Non Catholicorum siue *infidelium*. Nam cum homines omnes aut fideles sint, siue Catholici; aut infideles, siue Non Catholici; certisq; locis commorentur; ipsa ab his incolis loca non *incongruè* accipiunt appellationem

Infide-

Infidelium autem, siue Non Catholicorum, non vnus generis loca sunt omnia. Nec mirum. Non vnus generis Infideles sunt omnes. Sunt Pagani. Sunt Iudæi. Sunt Hæretici. Et loca igitur alia Paganorum, vbi Pagani; alia Iudæorum, vbi Iudæi; alia Hæreticorum, vbi Hæretici commorantur.

Omnia hæc loca disputando percurrere possemus. Quidni facimus? Quia non opus. Nostri sumus contenti: Hæreticis, & Catholicis. Sua examinent Pagani: sua Iudæi. Quid nobis de his, quæ foris sunt iudicare?

Possent forsitan videri frustra hæc suscipi inquisitio: quod Hæreticorum ab omni Spirituum infestatione liberrima dicantur; & ob id his locis Spiritus distinguere non possint; sed quia Catholicorum loca infesta sunt; propter hos omitti non debuit. Quid, quod *nec Hæreticorum loca satis sint libera*? Possemus hoc exemplis docere: verum, quia proferri hæc nequeunt, nisi & loca Spiritibus infesta proderemus, & homines Hæreseos accusaremus; omisis exemplis ratione agamus.

Quærimus quidnam Hæreticorum locis Spiritus prohibeat? An Hæreticos Spiritus refugiunt? & refugiunt Spiritus quicunq; hominum? Dæmoniorum? Quis hæc credat? quis dicat? quis profiteatur? Quam magna consuetudo Hæreticorum Magistris, cum certo quodam Spirituum genere, quorum in locorum infestatione est præcipuum studium? Vide Caput vigesimum primum Disputationis de Dæmoniis.

Gentiles atque Iudeos pari Spirituum infestationes manifestum est, quid Hæreticos excipiet, qui in eadem, cum illis Infidelibus, sunt classe, & damnatione?

Vel sanctitas doctrinæ, quam Hæretici profitentur, meretur, ut à Spiritibus non impeti debeant, ut quidam dicunt: vel probitas vitæ, quam agunt: vel singulare quoddam, quo Deus vult ipsos his exemptos, priuilegium. Quid horum? aut quid aliud? Non doctrinæ sanctitas. Impiissima illa est; Christi, Apostolorum, & totius antiquitatis doctrinæ aduersa. Non probitas vitæ. Nunquam cum impia doctrina vera vitæ probitas consistit. Non priuilegium, quia quædo, quare, quibus præsentibus, vbi, quo auctore hoc concessum sit, doceri non potest. Quid verò aliud?

Certum ergo sit *loca Catholicorum Spiritus infestantes perpeti*. Constitutum quoque sit, *non immunia esse Hæreticorum*. Quæramus igitur, Num ex his locis Spiritus distinguantur.

Distinctio verò quæritur, inter humanos Spiritus, atque Dæmonio-

moniorum. Num ex iisdem locis conditio & distinctio humanorum inter se, colligatur, postea erit discutiendum. Quid igitur? Sūntne omnes; qui Catholicos persequuntur, aut insequuntur, Dæmoniorum Spiritus? qui Hæreticos, Spiritus humani? An contra, Omnes qui Catholicis molesti sunt, humani? qui Hæreticis, Dæmoniorum? An utrique inveniuntur apud utrosque?

10. Primum, *Non omnes, qui Catholicos molestant, Dæmoniaci sunt. ipsos etiam molestant Spiritus humani*, Catholici fuerūt, Germanus Episcopus Capuanus, cui se aliquoties exhibuit Spiritus Paschasij Presbyteri, cuius meminit Beatus Gregorius, cui fidele obsequium præstitit Spiritus in balneis. VVormatiensium item accolæ, qui aliquamdiu sustinuerunt multitudinem Spirituum, armatorum, equitum & peditum. Et exemplis quid opus? possunt meriti esse Catholici; ut Spectris damnatorum hominum molestantur. Possunt ab iisdem subsidia expectare, & petere, animæ fidelium defunctorum; quæ ex hac vita, piæ; sed nondum satis purgatæ discesserunt.

11. *Nec soli humani Spiritus Catholicis molesti sunt. sunt iisdem etiam Dæmones molesti.* Quot molestias à Dæmonibus sustinuerunt eremi cultores? de quibus c. 26. Quot alij Sæcti viri? ut præfætia prætereamus? An fortè fidei sanctitas, quam Catholici profitentur, à Dæmonum insidijs reddit immunes? Non reddit. Maioribus sæpè insultibus suos exponit. An vitæ probitas? hæc sæpè apud Catholicos desideratur: deinde si quando adest, studium nocendi Dæmonum excitat. An signa sacra, quæ in Christianorum sunt animis? Hæc non desunt Hæreticis; non desunt damnatis.

12. Deniq; *nec omnes, qui Hæreticos infestant, aut Dæmonum sunt Spiritus, aut humani: sed nunc Dæmonum, nunc humani.* Ostendimus principio huius Capitis, à Spirituum infestationibus immunes non esse Hæreticos: quod verò nunc ipsis infesti sint Dæmoniorum Spiritus, illæ ipsæ rationes confirmant, quibus ibidem vsi sumus: nunc verò hominum damnatorum persuadet societas; idemque nocendi studium cum Dæmonibus, & his similia.

Libet pro utroque exemplū adscribere ex Cæsare Baronio, Tom. 6. circa annum Domini 113. Et quòd Hæreticum damnati hominis Spiritus terruerit, atque molestaret, docet exemplo Isidori, sectatoris Seueri, autoris hæresis quæ Acephalorum dicta est: huic is, qui coram pontifice Caypha, Domino alapam impegit apparuit, atque eundem, ut sceleris, ita suppliciorum socium futurum significauit. (Vide. Cap. 38. Thesis 8.)

Quod

Quod verò nec à Dæmonibus sint tuti, docet per Ducem quendam Palæstinū, qui & ipſus Seuerianus. Hic cum Dominicum monumentum pietatis studio intrare vellet, aliquoties ab ariete (Dæmon is erat in forma arietis) repulſus eſt: nec poſt cōfeſſionem quidam peccatorum, quibus ſe ab ingreſſu prohiberi exiſtimabat, permiſſus eſt introire. Tum demum admiſſus eſt, ceſſauitq; cornupetaries, vbi abiurata hæreſi communione catholicā ſe teſtatus eſt eſſe Catholicum: Hæc Baronius. Prius ex 36. Ca. Prati Spiritualis. poſteriuſex Cap. 79. eiſdem Prati.

Maneat igitur vtroſque, & Catholicos, & Hæreticos, Spirituum moleſtijs eſſe expoſitos. Maneat vtroſque, & ab hominum, & à Dæmoniorum Spiritibus moleſtias pati. Inferamus ex vtroq; loca Hæretica atq; Catholica Spiritus humanos à Dæmonibus non diſtinguere.

C A P. XXXV.

An, & ex quibus temporibus humani, & Dæmonum Spiritus diſtinguantur, illi, qui rebus viuentium quandoq; interſunt,

Ria ferè ſunt in tempore, ex quibus, ſi quæ eſt, diſtinctio inter humanos & Diabolicos Spiritus ſumi debet, *ſubſtãtia, quantitas, qualitas*. Subſtantia temporis die & nocte continetur. Quantitas in diuturnitate & breuitate cernitur. Qualitas in ſacris & profanis diebus.

Omnium harum differentiã rationem habendam eſſe, in cognoscendis Spiritibus, inde videtur certum: quòd ipſarum rationem etiam Spiritus habeant. De diebus & noctibus aliàs dictum eſt. Aliquos etiam non diu eſſe moleſtos, docet experientia: alij contra ſunt, qui diuturnitate moleſtiarum etiam ſuos dominos proprijs ſedibus & domibus pellunt. Præterea, quia tempora apud Chriſtianos vel ſacra ſunt, vel profana; hoc ipſo clarum eſt, his vel iſtis temporibus Spiritus eſſe moleſtos, quo clarum eſt eſſe moleſtos.

Quid autem Subſtantia, Quantitas, & Qualitas temporis, diſtinguuntne humanos Spiritus à Dæmonibus: Nos, quia triplices temporum differentias diſtinxiſimus, tribus Aſſertionibus, quantum conſequi coniecturã licet, quod res eſſe videtur, concludimus.

Prima eſto. *Noctes & dies humanos atq; Dæmoniorum Spiritus non diſtinguunt*. Non neceſſe eſt, illos Spiritus, Dæmoniorum dicamus, qui noctibus ſunt moleſti: illos hominum, qui interdum. Noctibus ſunt moleſti Dæmonum & hominum Spiritus diebus, & clarâ luce, ſunt moleſti Dæmonum & hominum Spiritus.

Quod

5. Quod dicimus clarum est exemplis, omnis generis Spirituum. Nec assertioni contradicit ratio. Quemadmodum non ad locum; ita non ad tempus astricti sunt Spiritus. Vtrique extra ipsos sunt: vtrique ipsos non attingunt. Nec luce diei indigent, ut videant, quo vadant: nec caligine noctis iuuantur, quò operationes valeant exercere.
6. Sunt hæc certa. *Luci tamen amantiores sunt, & per se appetentiores humani Spiritus; si non omnes, certè purgandi: tenebrarum & noctis Dæmoniæ.* Quid mirum? qui malè agunt odiunt lucem. Domini sententia est, Ioan. 3. Et si e contrariò licet argumentari. Cum malè non agant purgandi Spiritus; non oderint lucem: In luce igitur versabuntur: quemadmodum & versati sunt in balneis illi, quorum meminit B. Gregorius, & nos 1. Cap.
7. Est aliud pro hac re argumentum, quòd Regius Propheta significet eum, *Qui habitat in adiutorio altissimi*, nò habere sibi temere etià à *Demonio meridiano*. quò insinuat Dæmones pluresque noctibus esse molestos, & quasi lucem solis veteri: quosdam tamen admodum audaces, qui, quam cæteri, lucem non refugiunt, & interdum etiam homines adoriuntur. Ita locum Prophetæ exponunt Thalmudici, R. Salomon, & Chaldæus cum nostris, inquit Genebrardus in Psalmos.
8. Secunda Assertio. *Neg, diuturnitas molestiarum quæ à Spiritibus affertur; neque breuitas, certorum Spirituum certum & indubitatum est argumentum.* Si est, quæso quanta? quorum? Diutissimè molesti fuerunt Spiritus Dæmoniorum, in fodinis metallicis, quorum primo Capite meminimus. & ad centum & plures annos molesta fuit vetula, in arce Tarellorum Parmensium. Quid verò? qui longo tempore molesti esse potuerunt; non poterunt breui? breuiori? breuissimo?
9. Nihilominus, si diuturniores fuerint molestiæ, & hominum aliquot ætates superent; *admodum est verisimile, earum authores esse Dæmones; rariùs defunctorum hominum, maximè damnatorum.* Illius rationem dixerim ex fine colligi, qui ipsis propositus est vnus; ut semper noceant, quibuscunque etiam mortalibus: huius, quòd eà lege ad viuos redire permittantur hi damnati; ut iustitiæ diuinæ, suà miserià dent testimonium; quod non ita commodè præstant, nisi eorum se aspectibus, quibus noti sunt, obijciant; ut idcirco credi possit, non diutius ipsos molestare, quàm horum ætas permittat.
10. Tertia Assertio sit. *Nec sacra, nec profana tempora sibi, tanquam propria, usurpare Spiritus Dæmoniorum.* Nam & sacris possunt adesse huma-

humani, & profanis. Affectant Dæmones sacra, vt profanent: affectant eadem humani Spiritus, (purgandi) vt facilius vinentium auxilij iuuentur. Quærunt illi profana, tanquam sibi magis conuenientia: eadem satis humanis (purgandis) conuenientia sunt, si subsidium præstent.

Non eadem ratio temporum, & locorum est; vt quemadmodum *per se* sacra loca fugiunt Dæmones; ita sacra fugiant tempora. Alia longè est conditio locorum consecratorum; alia temporum. Sunt loca sacra consecratione summorum Pontificum: & Ecclesiæ sacris orationibus, illa Dæmonibus interdicuntur. Sunt tempora sacra, veruntamen nullâ consecratione; nullis exorcismis: solâ Dei atque hominum voluntæ.

11.

Fortè tamen, quia non solùm res sacræ; sed & signa rerum sacrarum Dæmones detestantur; & quicquid demum *sacrum* redolet; sacris temporibus, tanquam non suis: sed profanis, tanquam magis conuenientibus, insolentiores & molestiores erunt: & nisi aliunde molestandi occasiones habeant, sacris se continebunt, minusq; molesti erunt. Sed vt hoc cum ratione dicitur: ita cum ratione potest negari.

12.

Quid porro ex dictis omnibus? *Ex differentia temporum, vel nullū certum iudicium sumi pro Dæmoniorum Spiritibus, vel admodum infirmum.* Hoc tamen examen prætereundum nobis non erat. Quod *per se* infirmum est, id cum firmitioribus iudicijs coniunctum, robur & vires accipit, magisque persuadet.

13.

CAP. XXXVI.

An ex conditione illorum Spirituum, qui, præ cæteris, certos quosdam homines persequuntur, iudicium de Spiritibus possit accipi, quod vel humani sint, vel Dæmonum.

Dubium non est quosdam esse Spiritus, qui certis hominibus, præ cæteris sint molestiores. Illa ipsa loca, quæ ratione hominum Spiritibus infesta esse diximus, nobis in hac causa suffragantur. Sed quia de hoc aliàs, hîc non plura. An Spiritus vi Dæmones tantùm sunt? an aliquando Spiritus hominum? An semper hominum? nunquam Dæmonum?

1.

Molestiarum, quæ ab his afferuntur: malorum item, quæ infligunt,

2.

fligunt hinc rationem non habemus. Illa alijs discussa sunt locis; & quid ad Spirituum discretionem faciant, demonstratum. Solorum Spirituum habetur ratio. Quæritur, *an qui viuentes certos insequuntur* (sive graues multum sint, siue non sint, parû huius interest) *Dæmones sint, vel humani Spiritus.*

3. Et aliquando hominum esse Spiritus, qui has molestias afferunt, videtur esse extra controuersiam. Probant hoc suo exemplo Spiritus matris Neronis: Spiritus virginis Byzantinæ Cleonice; Spiritus Imperatoris Galbæ; vt alios quam plurimos omittam, quorum 1. ca. & alijs facta est mentio.

4. Exemplis his facilius creditur; quod ratio, quæ hanc rem impossibilem esse doceat, nulla fit: graues autem sint *causæ*; quæ, vt quandoque fiat, egregie probent.

5. Qui pluribus aliquando molesti sunt Spiritus, an non vnum aliquem insequi possunt? Nisi fortè ijs legibus, *diuinitus* strictos esse dicere velimus. Spiritus, vt & vno tantum loco viuentibus adsint, molestique sint; & præterea nunquam molestare valeant, nisi pluribus molestias afferant: quæ quis dixerit? dicenti quis crediderit?

6. Conueniens quoque est, & iustum, vt humani Spiritus molesti sint, & homines molestijs insequantur. Purgandi enim, si ab his nulla, ab illis multa expectant solatia; an non hos insequentur, illos deserent? Daminati, cum malè ijs velint, qui ipsorum malorum fuerunt authores, & promotores; cur eosdem molestijs persequi non valebunt?

7. Veruntamen *Dæmonum Spiritus, vt plurimum esse crediderim, qui homines insequuntur.* Causa præcipua huius est, quod quicunque insequantur, iisdem ferè persequantur: persecutio verò, quàmuis ab alijs esse possit Spiritibus, non tamen semper tanta, quanta plerunque affertur, esse potest: & vt possit, tamen non ad humanos; sed Dæmoniacos propriè Spiritus pertinet: quemadmodum Capite 29. dictum

est.

CAP.

C A P. XXXVII.

*An ex conditione eorum, qui persequentes Spiritus
patiuntur, possit colligi, humaninè sint Spi-
ritus, qui molesti sunt, vel Dæmo-
niorum.*

VNum hic supponimus: alterum est explicandum: tertium
definiendum. Supponimus quosdam viuentium pati præ-
terea hominibus, infestantes Spiritus. Explicandum quid
per conditionem hominum intelligamus. Definiendum, an
ex conditione hominum, qui molestias Spirituum sustinent, possit con-
iectura fieri, vtrum humani sint, vel Dæmoniorum Spiritus, qui
molestant.

Primum illud supponimus. & ob id pluribus persequendum non est.
Exemplis abundamus. aliàs quoque idem demonstratum est hoc
iustissimis de causis fieri. Vide huius Disputationis Capita, 15. &
17. &c.

*Conditionem viuentium, intelligimus statum vitæ, in quo ipsi de-
gunt & versantur: veruntamen non quemcunque; sed qui cum im-
proba vel honesta vita coniungitur: ita videlicet, vt mortales dupli-
cis conditionis dicere possimus; alios, qui sobriè, piè, & iustè vitam
viuunt Christianâ: alios, qui in grauibus volutantur peccatis, & pro
perditæ salutis habentur hominibus.*

*Quæstio igitur est, An ex his ordinibus, si infestantes Spiritus
pati hos contigerit, deprehendatur, sitne humanus, qui persequitur Spi-
ritus; an Diabolicus. Et forsitan, mox quis suspicabitur, malos non ni-
si à malis; bonis non nisi à bonis infestari: sed tamen rem exactiùs
consideranti aliud videbitur dicendum. Nec malè.*

*Extra omnem controuersiam est ex probis & bonis hominibus certum
iudicium peti non posse. Quid ita? Quia neque omnes, qui probos ho-
mines persequuntur, humani sunt Spiritus: neque omnes Spiritus
Dæmoniorum.*

*Quàm integris moribus fuit sanctissimus Iob? quanta eius in sa-
cris litteris commédatio? Dicitur vir simplex, & rectus, & timens Deū,
& recedens à malo: dicitur non similis ei in terra: & tamen grauissimas à
Spiritus molestias sustinuit. An à bonis, & humanis tantum, ho-
mo bonus & humanissimus? Inpijsissimus Satan fuit, qui virum san-
ctissimum afflixit.*

7. Sic de integritate vitæ Germani Capuani Episcopi dubitare non possumus. Dat ipsi B. Gregorius testimonium insignæ probitatis. & hic Spiritus expertus est, quàmuis non ita molestos. An bonus vir malos Dæmoniorum? Nequaquam: sed bonus bonos defunctorum hominum.
8. Et quid est, quæso, cur probi homines aut persequentes Dæmones pati dici non debeant; aut molestantes Spiritus humanos? An Dæmonum Spiritus ipsis malè vellè non possunt? aut hominum ipsorum operâ nequeunt iuuari? Possunt hi (purgandos intelligo) si aliquorum; horum certè operâ iuuari. Possunt illi malè ipsis velle; illi, inquam, iuratissimi bonorum omnium hostes & inimici.
9. Ex bonis igitur distinctio peti non debet. *An debet ex malis?* Debet magna: si non absoluta & omnimoda. Dubium vix esse potest, *solos esse malos, qui malos sequuntur, insequuntur, & persequuntur Spiritus: probabile admodum, ex malis, Dæmoniorum ferè esse, non hominum.*
10. *Bonos purgandorum Spiritus malis, & desperata salutis hominibus molestos esse negamus.* Quam ob rem essent? Aliorum salutis curam crederent habere, qui omnem propriæ deposuerunt? sed & hi vel non credunt Spiritus defunctorum viuentium subsidijs iuuari: aut, si credunt, iuuare nolunt: & si vellent, parum eorum sæpè subsidia, tanquam Dei hostium, apud altissimum Deum possent.
11. *Malos Spiritus malos homines sequi, insequi, persequi, quid mirum?* Sequuntur, vt socij: insequuntur, vt promotores; persequuntur, vt tortores & carnifices.
12. Gaudent malorum societate mali Spiritus, facit hoc similitudo morum, & studiorum. Etiam *omne animal*, inquit quidam, *diligit sibi simile.* Qui verò omnes percipiunt à Deo esse alienissimos; possintne eorum societatem fastidire, non expetere; qui vltro suis prauis studijs, se à Deo auertunt? ad Dæmonum castra confugiunt?
13. Promouent & impiorum studia impij Spiritus. Non satis ipsis est mortales esse miseros; miseros cupiunt esse miserrimos. Quid si igitur his molestijs miserrimos reddere possunt? an sibi decurrunt? Fortè nequeunt his molestijs miserrimos reddi? At posse, haud obscurè, quæ Capite 13. dicta sunt, insinuant.
14. Sed & tortores his molestijs mali Spiritus se ostendunt. Hoc quidem ipsi affectant: sed magno cum consilio, Deus Optimus nunc permittit, nunc præcipit. Quorundâ tam insignis est impro-

probitas atq; malitia; vt etiam in hac vita debeat vindicari. quod melius, quàm persecutionibus, quas mali Spiritus perditis his hominibus afferunt, demonstrari non potest.

Mali igitur Spiritus malis hominibus molesti sunt. An verò mali quicunque? an tantùm Dæmoniorum? an etiam damnatorum hominum? *Et Demonum, & damnatorum.* De Dæmonibus res clara est. Pro damnatorum hominum, sunt Spiritus Byzantinæ Virginis: matris Neronis Imperatoris; & Imperatoris Galbæ: alios tanquam ex superioribus notos omitto.

15.

Veruntamen quia mali malos Spiritus potissimum patiuntur in ultionem scelerum, peccatorum, & perditæ, quæ agitur, vitæ; vt plurimum (si non semper) *existimauerim esse Dæmoniorum Spiritus; qui molesti sunt*, vt qui hîc officium exequantur, quod sicuti ab humanis alienum est, ita ipsis, quasi proprium, tribui potest.

16.

Quòd si formâ humanâ Spiritus hî quandoque conspiciuntur, & illâ etiam, quæ certorum hominum esse cognoscitur, quemadmodum fuit Byzantinæ Virginis, atque matris Neronis Imperatoris, illam ego simulatam dicerem, & non à Spiritibus defunctorum hominum circumferri: sed ab ipsis Dæmonibus, qui

17.

& illius sint authores, & sub illa ipsos Spiritus defunctorum, veluti in quadam imagine, ostentent.

T 3

NOTA.



150 DE LOCIS INFESTIS
NOTATIO IN SEQUENTIA
Capita.

De rationibus & notis, quibus distinguuntur, & cognoscuntur Spiritus humani, qui loca infestare solent.

1. **V**Nde humanorum Spirituum à Dæmonibus distinctio petenda sit, quantum ratione & coniectura consequi potuimus, diximus: Nunc qua ratione humani (sunt enim duplicis conditionis) distinguantur, inquiramus. Nam & hos internoscere necesse est eum, qui feliciter in liberandis, à Spirituum infestatione, locis versari velit: propterea quòd non iisdem rationibus cum purgandis & damnatis agendum est.

2. In horum autem discrimine inuestigando idem, qui superius, seruandus est ordo: ut & formas, quibus apparent: & orationes, quas formant: & mala, quæ afferunt: & officia, quæ exercent, & locorum qualitates, atque his similia scrutemur diligenter: & quid hos vel illos Spiritus, purgandos, inquam, vel damnatos prodat, notemus. Res quemadmodum difficultatem habet non parvam, ita non caret sua utilitate & voluptate. Sequentia facilius intelligentur, si singula cum præcedentibus iam explicatis rationibus conferantur. Sed ad rem, A forma principium instituiamus.

CAP.

C A P. XXXVIII.

An, & quæ forma humanos inter Spiritus, hoc est, purgandos à damnatis distinguat.

Non omnes formæ Spirituum, sub quibus conspiciuntur, hoc loco nobis discutiendæ sunt, quoniam non inter quoscunque Spiritus, qui se viventium oculis offerunt, discrimen inquirimus. Solùm inspicienda est illa, quam humanorum Spirituum propriam diximus, Capite vigesimo sexto; & Vtrû in ipsa aliqua distinctio sit, quâ humani Spiritus differant, & cognoscantur, inquirendum: propterea, quòd quâ ratione solùm humani inter se discriminantur, hoc loco quæramus.

Vnam autem formam humanam diximus, quæ humanos Spiritus producat: illam videlicet, quæ ita humana est, ut peregrinum, & ab humana alienum habeat nihil; nullaque ratione, vel modo ab humana degeneret. Hæc enim, ut humanos Spiritus prodir; ita utrisque communis est; & ijs qui perpetuis inferni cruciatibus addicti sunt, & qui alicubi, ob peccatorum suorum demerita purgantur.

Sed tamen non ita, *vna est hac forma*; quin discrimina & differentias multas admittat. Quemadmodum enim vna est omnium hominum, qui viuunt forma; & quædam in hac sunt, quæ distinguunt virû à femina; senem à iuvene; Iudæum à Christiano; egrum à sano; ita in vna sub qua humani Spiritus latent, forma; quæ hos ab illis distinguunt, possunt esse discrimina.

Quintuplicia autem hæc discrimina putauerim. Vnum à *quantitate* petitur: alterum à *qualitate*: reliqua tria ex *mentis affectu*, cuius esse videntur indicia. Primo differunt parui & magni: altero albi & nigri: tertio læti & tristes; graues & leues; truces & amabiles; Hæc discrimina vni eidemque formæ humanæ possunt accidere. An verò omnia Spiritus discriminant? Id definiamus.

Qua à quantitate differentia sumitur, Spiritus non distinguit. Nec paruitas damnatorum tantum Spirituum index est; & magnitudo purgandorum: Nec contrà, magnitudo damnatorum; paruitas purgandorum. Possunt sub forma parua esse damnatorum, & purgandorum: iidem quoque possunt esse sub forma magna.

Quia imò, quando in quantitate excelsus est nimius, vel nimius defectus; non hominum, sed Demonum latere Spiritus, aliàs docuimus,

mus. Nec malè. Quoniam cùm idcirco rebus viuèntium interficiat humani Spiritus, vt cognoscantur; apparere eâ formâ credi debent, quam ipsi dum corpora vegetârunt, habuerunt: quòd non nisi ex hac cognosci queant.

7. Qui viui procero corpore fuerunt; sub magna, mortui, dum conspiciuntur, apparent figura: qui paruo; sub forma nani. At possunt feliciter mori, & ob id non damnari, illi: possunt quoque hi. Similiter, possunt illi cum præsentis vitæ morte, mortem incurrere æternam: possunt quoque hi nani. Magnitudo igitur, siue paruitas, etsi humanos Spiritus distinguat quandoque à Dæmonibus; non tamen humanos inter se distinguit.

8. *Disimilitudo qualitatis in forma, plurimū valet ad dijudicandos Spiritus humanos.* Pro purgandis, nisi nox candorem vultus obnubilet, magnum argumentum est color albicans; siue natiuus, quem viui habuerunt: pro damnatis militat niger, clara præsertim in luce: Non idcirco solūm, quia communis id hominum habet sensus; verūm etiam, quia vt niger damnatis Dæmonibusque conuenit; & sub hoc frequenter damnati conspecti sunt: ita albicans conuenit bonis, beatisque; & sub hoc conspecti, qui purgatorios ignes sustinuerunt.

Seruit hîc exemplum Isidori, quod ex Euirato in Prato Spirituali, Capite 39. refert Cæsar Baronius Tom. 6. fol. 625. circa annum Domini 513. Isidorus hic genere Meliticiensis, Monachus fuit Monasterij Philoxemes, in emporio Cypri Dade dicto: & cùm Seueriani dogmatis aliquando fuisset assertor, vxori Catholica, qua clam ipso communicauerat, sacram communionem per vim indignabundus, guttur eiusdem præmens extorsit, indigneq; tractauit. Sed statim coruscationem hostiâ sacrâ diffundente peccatum suum agnouit: post biduum verò, paratum sibi supplicium intellexit per Spiritum hominis damnati, talem, qualem iam descripsimus. Rem refero ipsius verbis: Post biduum, inquit Isidorus, aspicio virum, quasi Aethiopem, semicintj's vestitum, dicentemq; mihi: Ego & tu simul in vnum supplicium condemnati sumus. Et ego ad eum: Tu; inquam, quis es? Respondit: ego sum, qui conditorem Dominum omnium, Iesum Christum, in maxilla percussi passionis tempore. Hæc ibi.

9. *Tristis, lætaq; forma vtrisque Spiritibus communis est.* quàmuis enim damnati, iustiore tristitiæ causam habeant, & tristem vultum formandi; non tamen suâ carent tristitiâ purgandi; ob graues quos ipsi

ipsi, quocunque etiam loco agant, sustinent dolores, & cruciatus. Nullum igitur hinc iudicium de Spiritibus sumi potest.

10.

Trux vultus omnino conuenit damnatis: amabilis purgandis. Sed an ille damnatis tantum; & non etiam purgandis: hic purgandis tantum; & non etiam damnatis? Quamuis hic iudiciū præcipitare temerariū sit: propterea, quod etiam beati spiritus cælestium mentium, truces quandoque vultus formārint, & Dæmones formārint amabiles & Angelicos: facili tamen mihi paterer persuaderi *soli* damnatis truces; *soli* purgandis amabiles, aut certè non truces conuenire; propterea, quod cur truces purgandi; cur amabiles damnati simulent, causas non habeant.

11.

Gravitas & leuitas, quam exterior forma quandoque secum affert, Spiritus humanos non distinguit. Sed tamen status & conditio Spirituum purgandorum potiùs gravitatem postulat, quàm leuitatem; quam et si præ se ferre possint damnati; vt tamen præ se ferant, nulla cogit necessitas.

C A P. XXXIX.

An, & qui strepitus, atque gemitus prodant humanorum Spirituum conditionem & statum.

1.

CAPITE vigesimo septimo ex ijs, quæ à Spiritibus fiunt, & hominum auribus percipiuntur, hoc propemodum solo distinximus humanos à Dæmoniorum Spiritibus; quod suspiria, gemitus, fletus, lachrymationes, si nō semper: *per se* humanos Spiritus prodant. *An verò hæc humanis virisque tam purgandis, quàm damnatis, communia? an his, aut illis propria?*

2.

Purgandis esse propria fortè quis inde coniecerit; quod opis & subsidiorum videantur, quædam esse imploratio; quorum soli purgandi Spiritus participes esse possunt. Verum ad damnatos quoque pertinere insinuat primùm (vt alios omittam) Christi oratio, qui in inferno docet futurum fletum, atq; stridorem dentiū. Tum deinde probat Spiritus Galbæ Imperatoris, vtique damnati hominis: cuius ingētes gemitus aliquoties cum maxima sua molestia, obseruauit Imperator Otto. Tertiò confirmant illi Spiritus, qui eiulatu & stridulo vocis sono, domum compleuerunt, quam Romæ inhabitauit Alexander ab Alexandro.

3.

Interim tamē quamuis vtrisque gemitus, eiulatus, atque suspiria sint communia: purgandorum tamen hominum, propria qui non

malè

malè dixerit illa, qua sine vlla impatientia significatione eduntur; & nihil quod apertè damnatorum Spiritus prodat, continent.

4. Suspiria ducant damnatorum Spiritus, lachrymentur, fleant, eiul-
lent: duo ferè semper sunt, quorū aut alterum, aut vtrumque ipsos
prodit; impatientia scilicet, quam ipse gemitus atque eiularus se-
cum affert, vel aliud quid, quod purgandis Spiritibus tribui ne-
quit.
5. *Patientiam* in luctu, suspirijs, atque lachrymis, magnum præbe-
re argumētum, pro purgandis Spiritibus, inde clarū est; quòd quàm-
uis grauissimos cruciatus sustineant; non tamen impatientes fiant;
nec vlla impatientiæ dent signa: perfecti iam in charitate. Contrà,
damnatorū Spiritus, quemadmodum impatientissimè ferunt, quæ-
cunque sustinent supplicia; ita impatientiæ suæ non rarò dant testi-
monia clarissima.
6. Nouum verò quod de purgandorum patientia diximus, videri
non debet, quia cognoscunt & iustissimas esse, quas persolunt pœ-
nas: & à clementis imo parente ipsis, tãquam charissimis filijs infligi:
& finem breui habituras: & in summum, æternumque gaudium
esse conuertendas.
7. Impatientiæ porrò patientissimi cur darent signa? & mortalibus
darent, quorum ipsi, lachrymis atque suspirijs, opem implorant? suf-
ficit ipsis, si miseriam suam explicent: hinc multis impatientiæ argu-
mentis indigent.
8. Nec ob id impatientes habendi sunt, quòd à pœnis liberari desi-
derent: vt ineptè quidam argumentantur. An etiã Christum
impatientiæ accusabimus, dum à se petijt transferri passionis cali-
cem?
9. Sic de *impatientia* damnatorum certa res est. Non volunt agnosce-
re iusta esse sua, quæ pro peccatis, patiuntur supplicia. Et quàmuis iu-
sta agnoscerent: odio tamen habent imp'acabili, tum Dæmones,
qui supplicia infligunt, tum Deum, pro cuius voluntate atque impe-
rio infligunt. Et si hæc non essent, vel id eos impatientes redderet,
quòd nec fructum suorum suppliciorum vllum sperent; nec ipsorū
vllum in omnem æternitatem expectent finem. Qui verò tot de
causis impatientes sunt; impatientiam suam possunt dissimulare?
simulare patientiam?
10. Hinc est, quòd quicumque observati sunt Spiritus purgandi, non
modò nulla impatientiæ; sed multa quoque dederint patientiæ sig-
na, quemadmodum inter alios illi probāt, quorum meminit B. Gre-
gorius: Contrà, illi; qui damnati fuerūt, cum eiulatu & suspirijs con-
iunxe-

iunxerint clamores, rugitus, aliaque impatientia, haud leuia, argumenta.

C A P. XL.

An, & quæ oratio humanos inter se Spiritus purgandos, inquam, à damnatis distinguat.

DIximus Capite vigesimo octauo, *Orationis* multas esse species, sed quæ humanorum Spirituum sit propria, vnã esse, *boni petitoriam*. Nunc vtrum in hac aliquid sit, quod humanos inter se differre faciat; & purgandos, vel damnatos prodat, inquirimus.

Esse, quidem negare possent: sed tamen qui penitus orationem petitoriam inspexerit; & quas condiciones habere possit, attenderit; non malè dixerit, *aliquam inueniri, quæ purgandos Spiritus prodat*. Illa est quæ & boni proprij est petitoria, & peccati sordibus inquinata non est.

Benè hæc dici, clarum erit, si duo demonstrauerimus. Alterum est, *purgandorum Spirituum orationem esse proprij boni petitoriam; damnatorum non item*. Alterum, *purgandos peccare non posse; damnatos non posse non peccare*. His duobus fundamentis Assertio nostra incumbit.

Primum conditio Spirituum, qui apparent, confirmat. Propositum est purgandis, vt viuentium auxilia, & subsidia obtineant, eorum suffragijs iuuentur. Quòd si igitur aliquid, hoc præcipuè oratione suâ quærent. At damnatorum alia conditio. Sciunt miseri nihil se subsidij à viuentibus obtinere posse; nullam habere spem remissionis poenarum, quas sustinent; Cur igitur seriò viuentium operam implorare dicendi sunt.

Alterum omnium propemodum Theologorum habet sententia. Docent illi fieri non posse, vt purgandi Spiritus peccatum aliquod committant. Docent damnatos non posse non peccare. An fortè errant omnes?

Scimus Lutheri esse assertionem, quod qui in purgatorio degunt, peccent continuò. Sed apud nos plus omnium, quàm vnius Lutheri valet authoritas. Si continuò peccant purgandi; quis tandem purgatorij finis? Neque enim vnquam plagarum modus & finis erit; si nullus sit finis & modus delictorum.

Quomodo peccare dicendi sunt, quibus facultas nulla est; vt

quicquam, quod ad gloriam, aut vitam æternam illis proſit, faci-
ant? An forte etiam in illa vita *mereri* contingit? Præſens vita ſemen-
tis eſt, non futura. *Cum nox venerit*, inquit Dominus, *nemo poterit ope-*
rari, Ioan. 9. *Qua ſeminauerit homo* (hac in vita, vbi ſementis tempus)
hac metet, Galat. 6. *Non poterimus villicare*, vbi ſemel in fine vitæ villi-
cationis ratio fuerit reddita; Lucæ 16. Sed & ad bonorum operum ex-
ercitium ita nos hortatur Sapiens, Eccleſiaſtici 14. vt ſignificet in
futura vita illa locum non habere. *Ante obitum tuum*, inquit, *operare*
iuſtitiam: quia non eſt apud inferos inuenire cibum; & alibi Eccleſiaſtice 9.
Quodcunq; poteſt agere manus tua, inſtanter operare: quia nec opes, nec ra-
tio, nec ſapientia, nec ſcientia, eſt apud inferos, quod tu properas.

2. B. Cyprianus, Sanctiſſimus Martyr, Sermone 4. qui eſt de
Mortalitate, etiam hanc ob cauſam dicit prodeſſe mortem, quod
à peccandi periculo liberat: cui, quamdiu in hoc præſentis vitæ ſpa-
cio decurrimus, expoſiti ſumus. Non diſplicet ſententia Martyris
Magno Auguſtino. Eandem his verbis refert, Libro de Prædeſti-
natione Sanctorum cap. 14. *Hæc*, inquit, *atque huiusmodi, Doctor ille,*
ſententijs in Catholica fidei luce clariſſima, ſatis aperte quæ teſtatur, vſque
ad huius corporis depoſitionem peccandi pericula, temptationeſque metuenda:
deinceps nulla talia quemque eſſe paſſurum. quod eſi non teſtaretur;
quando de hac re Chriſtianus, qualiſcunq;, dubitaret? Ita Auguſti-
nus.

3. Cæterum, vt purgandi peccare non poſſunt: ita non poſſunt non
peccare damnati: Hoc quàmuis non ita, vt prius illud, extra omnem
controuerſiam videatur; verò tamen eſt magis ſimile, ob odiū, quo
acerbiſſimo Deum perſequuntur: & authores inſignes, qui hæc ſen-
tentiam defendunt. Inter quos haud poſtreminus eſt Dominicus So-
to, in 4. diſt. 50. q. 1. ar. 4. & 5.

4. Fortè & hoc inſinuat Regius Propheta, dum Pſal. 73. *ſuperbiam*
eorum, qui Deum oderunt, docet aſcendere ſemper. Qui enim Deum
magis odio habent damnatis? Si verò ſuperbia eorum *ſemper* aſcen-
dit; quomodo non peccat *ſemper*? *Semper* benè faciunt, qui ſunt in
cælo beati: *Semper* malè facient, qui ſunt in inferno, damnati. Non
volent illi quicquam malefacere; quod Deum offendar: quia Deum
amant. Non volunt hi quicquam boni facere, quod quouis modo
Deo placeat: quia Dei capitales, & iurati ſunt hoſtes. Vide pro hac
re, Tom 2 Ludouici Molinæ, in 1. partem D. Thomæ, circa art.
2. quæſt. 64.

5. Hæc cum ita ſint; cum purgandos deprecatoria deceat oratio;
damnatos non item: Rurſus, cum non poſſint peccare, purgandi
Spiri

Spiritus, & non possint non peccare damnati; omnino necesse est, ut si quam orationem edant Spiritus, quæ & boni contineat precationem; & nullâ peccati labe sit respersa; *purgandos Spiritus, non autem damnatos, eandem demonstrare.*

Interim tamen *admodum difficile est iudicium hoc, quod ex oratione sumitur.* difficillimū est ex hac Spiritus humani conditionē colligere. Quare? quia difficillimum est, utrū peccati labe oratio careat, An illa infecta sit, deprehendere. 12.

Quoties impositum est mortalibus fictâ oratione à Spiritibus? Quot sunt, qui, specie orationis decepti, cum putarent esse purgandas animas, & bonos Spiritus, qui secum agerent; deprehenderunt tandem esse versipilles? malos? nequam? Dæmones? 13.

Difficultatis huius ratio ex eo pendet; quòd oratio per se sanctitatem & pietatem non habeat, sed omnem à mente ipsorum, quorū interpret est, accipiat: mentis verò ea sit conditio, ut non semper se oratione prodant: nunc aliud velit, aliud oratione significet: nunc sonet pietatem, foneat autem impietatem, &c. 14.

Est igitur difficile iudicium, quod ex Spirituum oratione sumitur: *An etiam impossibile?* Non hoc dixerim. Tria putarem esse, quæ si in oratione inueniantur, probabilem coniecturâ faciant, ipsam simulatam non esse, hoc est, vitio carere; & ob id purgandorum Spirituum esse indicem. 15.

Primum est, si apertè, & ex suo genere, ut vocant, mala non sit; hoc est, nec in Dei cedat iniuriam; ut est illa, quæ cum blasphemia est cōiuncta: nec proximo incommodet, ut in detractione, conuitijs, cōtumelijs, malis imprecationibus, turpiloquio &c. accidit. 16.

Alterum, si non solum ex genere suo mala non sit; sed quoque sit bona: qualis est, qua vel Dei promouetur honor; vel nostrum aut proximorum emolumentum. Prioris generis erit, si ad Deū Sacrificium offerendum hortentur Spiritus: Posterioris, si ad eleemosynam pauperibus erogandam, aut sibi auxilium præstandum inui- tent. 17.

Veruntamen hoc nequaquam sufficit; propterea, quòd bona etiam malè fieri possint. Deprehensum est certis exemplis malignos Spiritus fuisse, qui viuentium orationes postulârunt. Petrus Marmorius in Gallia narrat Confollenti, ad Viennam fluiuium, anno 1478. fuisse Spiritum, qui animam defunctæ se esse prædicasset; eundemque gemitibus, clamoribus, & quærimonijs omnia complêsse; monuisse etiam habendas preces, peregrinationesque obcundas, præterea res veras plurimas reuelasse; sed qui tandem sit 18.

proditus esse Dæmon cūm dicenti; sibi cuidam: *Si vis tibi haberi fidem dicito: Misere mei Deus, secundum &c.* respondisset, *Hoc à se fieri non posse.* Ita Bodinus li. 3. Dæmonum. Capite 6.

19. Necessaria est igitur præter dicta, *intentio recta*; vt scilicet, id, quod petitur, eo fine petatur, quem naturâ suâ postulare videtur. Quemadmodum enim peruersus operantium animus omnia alia opera; ita orationem Spirituum, quâ etiam recta petuntur, corrumpit; adeoque efficit; vt recta non rectè; sed malè petantur.

20. Intentio hæc, cūm ex alijs, tum ex *duobus* maximè deprehenditur. Vnum in *ratione* petendi; alterum in *forma* orationis continetur. Sæpè ex ratione petendi; sæpe ex orationis forma innotescit petentis animus. Potest Spiritus viuientium orationes atq; suffragia postulare; qui tamen se rogetur, petâtne in Christi nomine, statim illud sit recusaturus. Potest etiam propter Christi merita, vel Christi nomine petere; sed eâ loquendi formâ; vt non tam petere, quàm non petere; ab auditoribus iudicetur.

21. Quando igitur non mala, sed bona peterent Spiritus à viuentibus, peterentq; sibi conuenientia: peterent per Christi merita: & oratio nullam ironiam contineret, nullam leuitatem ostenderet; omnino illam dicerem peccato carere, atque idcirco non damnati, sed purgandi alicuius Spiritus esse.

22. Ex dictis colligitur, quàm *multiplices* esse possint damnatorum Spirituum orationes. Primùm illa damnatorum erit, quâ nihil petitur; sed vel præsentia, vel præterita, vel futura tantùm referuntur. Deinde illa, quâ quidem aliquid petitur; sed tamen perniciosum. Rursus illa, quæ etsi specietenus contineat petitionem honesti; reuerâ tamen est praua: quia Christi nomen atque merita excludit. Denique illa etiam, quâ quàmuis Christi nomine aliquid peti videatur, si sonum, quem auribus percipimus, attendamus, non tamen peti, forma pronunciandi, prodit.

23. Et quàmuis hæc orationes omnes damnatorum hominum esse possint: non tamen *solorum sunt hominum damnatorum*. Omnes, qualescunque tandem sunt, possunt esse Dæmonum. Atque hoc est, quod secundo loco probandum, hoc Capite susceperamus. Verùm, quia hic omnium pro nobis sententia est, finem Capiti imponimus.

CAP.

C A P X L I.

An ex malis, & molestijs, quæ ab humanis Spiritibus afferuntur, cognosci possit: quæ sit conditio humanorum Spirituum, qui infesti sunt.

Quemadmodum difficile fuit, Capite 29. ex malis, quæ afferuntur per Spiritus, humanos distinguere à Dæmonibus: ita haud minus difficile, ex iisdem inter se distinguere humanos. Quia tamen molestiæ tantum videntur humanis Spiritibus relictæ; & mala *graviora* Diabolis authoribus accidunt: fortè, si molestias, quæ à Spiritibus excitantur, penitiùs introspiciamus; aliquam, quæ humanos Spiritus inter se (sed tamen non à Dæmonibus) distinguat, inueniemus differentiam. Vtrumque præstemus, posterius priùs.

Molestiarum nullam esse, cuius Dæmones auctores esse nequeunt, nullus negauerit, qui Dæmonum conditionem probè perspectam habuerit. Liberi sunt arbitrij Dæmones; & ita quidem, ut cum libero eorū arbitrio egregiâ virtute, potestateque polleant. quâ igitur potestate instructi sunt; possunt molestias excitare: quâ libero arbitrio pollent: possunt excitare quas volunt, magnas, paruas, perniciosas, non perniciosas.

Et si exemplis hic agendū est, possumus producere alia; quibus doceamus maximos tumultus ipsis Architectis excitatos esse: alia etiam, quibus leues, & ludicras quasi molestias. Quod hic possunt humani Spiritus; non poterunt viribus præstantiores, Spiritus Dæmoniorum.

Habent igitur hoc commune Dæmones cum Spiritibus humanis: Vtrique leuiter molesti esse possunt. Frustra igitur, ex molestia, ipsorum distinctio petitur.

Veruntamen si molestias iam constat ab humanis proficisci Spiritibus; licebit alicunde conijcere, non purgandos; sed damnatos esse Spiritus: & rursus esse purgandos; non damnatos, à quibus ipsæ afferuntur.

Et damnatos prodet primò, si cum molestia allata ad peccatum aliquod excitentur viuentes, qualescunque etiam illud sit. Hoc enim cum à purgandis Spiritibus sit alienissimum, quemadmodum superius Capite quadragesimo, Thesi 67. &c. probatum est; non alios, quàm damnatos Spiritus, potest habere auctores.

Deinde

7. Deinde prodet eisdem *leuis atque scurrilis gesticulatio*, cum molestia coniuncta. Quis hanc in purgandos Spiritus dixerit conuenire: quorum illa conditio est, vt, quo Deum offendant, committant nihil.
8. Prodet tertio damnatos, si molestiam non aliam ob causam, quam vt *viuotes vexentur; & ad vexantem nulla utilitas redeat*, suscepta deprehendatur. Nequit illa à purgandis Spiritibus esse; vt quibus, non vt molestant tantum, sed vt sibi molestià consulant, nostraque patrocinia obtineant, propositum est.
9. Prodeunt hæc damnatorum Spiritus. At purgandos illa solum molestia, *qua leuitatis habet nihil: ad nullum incitat peccatum: & hoc solo nomine suscepta est; vt viuentes habeantur attenti*, Spiritus conditionem, miseriamque cognoscant, & subsidijs inuent.

C A P. XXXXII

An obsequia quadam à Spiritibus præstentur, ex quibus conijci possit discrimen inter humanos Spiritus.

1. **E** Acilis est, ad id, quod hoc Capite queritur responsio. Queritur, sitne aliquod discrimen inter obsequia, quæ à Spiritibus præstantur viuentibus, quod humanos inter se distinguat: Respondetur *nullum esse*. Causa huius ex ijs, quæ Capite trigesimo dicta sunt, in promptu est, quia, vt ibidem diximus, nulla sunt obsequia, quæ humanorum Spirituum ita propria sunt, vt non etiam Dæmonibus illa conueniant, aut à Dæmonibus valeant præstari. Cum verò ea debeat esse obsequiorum, quæ humanos Spiritus distinguant, conditio; vt primum humanis Spiritibus tantum conueniant; non autem Dæmonibus: tum deinde eosdem inter se distinguant: si propria nulla sunt; quomodo distinguant?
2. Hoc quàmuis ita sit: quàmuis *hic* certi minus constitui queat, quàm iam dictis discernendi rationibus; vna tamen Obsequia sunt, quæ quod ab humanis sint, & quidem certis Spiritibus, certum est: licet interim ex his de Spirituum conditione, in particulari, certum indicium ferre temerarium sit, (coniectari licet) propterea; quod, in particulari, conditionem obsequij perspicere sit difficillimum.
3. Assertio hæc quatuor constat membris. Primum est, esse aliquod obsequiorum genus, quod humanis tantum Spiritibus conueniat,

ueniat. Alterum, hoc Obsequiorum genus certos prodere Spiritus, purgandos scilicet. Tertium est, difficillimum esse cognoscere hæc Obsequia, dum à Spiritibus præstantur. Quartum est, ex circumstantijs quibusdam, & accidentibus, posse aliquam de ijs coniecturam fieri. Omnia ostendimus.

Esse aliquod obsequiorum genus, quod nõ nisi humanis Spiritibus competat, 4
docent illa officia, quæ per se honesta sunt, & nullius circumstatiarum accessione vitium contrahunt. Nam & talia quædam inveniuntur; & à Spiritibus possunt præstari: authores non possunt habere Dæmones. Omnino igitur necesse est, vt humanos prodant Spiritus.

Quid hîc dubium? *An talia inuenire Obsequia?* An hæc non negauerit, qui se Catholicum haberi velit. Et profectò, nisi omnia, quæ sunt, peccata dixerimus: nisi Deum ad peccata mortales hortari impiè falsi fuerimus: nisi velimus asserere, nullam nobis esse impositam necessitatem aliquid benè agèdi; oportet concedamus, similia Obsequia inueniri. 5.

An fortè à Spiritibus hæc fieri nequeunt? Cur quæso? Fortè semper Spiritus peccât? at quis tunc finis erit purgatorij? Fortè licet nõ peccent semper; hæc obsequia præstare nequeunt? at præstant etiã his maiora. Qui Deum possunt laudibus celebrare; vt celebrant; qui persoluunt quas meruerunt, pœnas: qui rebus humanis sine peccato interfunt; cur necessariò peccât, si sua hominibus Obsequia offerât & præstent? cùm & nullâ lege hæc ipsis sint prohibita; & in hominum cedant commodum atque emolumentum. 6.

Quod verò hæc obsequia Damonum ministerio non exhibeantur, 7.
clarum est. Quæ à Dæmonibus proficiuntur; vniuersa, vel talia sunt, vt per se, & ex natura sua, reprehensionem mereantur; vel quàmuis ex se bona sunt, intentione tamen & voluntate peruersa operatium deprauantur. Nihil est, quod Dæmones possint præstare benè. Nul- lum obsequium exhibent Nequam; quod, quàmuis sanctissimum in speciem appareat, non æternis, infernalibusque supplicijs sit dignum.

Quid hinc sequitur? quid? Illud ipsum, quod primo Assertionis nostræ membro continetur, *Esse quadam Obsequia, quæ non nisi huma-* 8.
nos Spiritus authores habent: illa scilicet, quæ per se honesta sunt, nec ullius paruæ circumstantiæ accessione fœdantur.

Cæterum, quemadmodum hæc Obsequia Spiritus hominum distinguunt à Spiritibus Dæmoniorum; ita eodem modo produnt 9.
conditionem humanorum Spirituum: produnt, inquam, purgandos Spi-

ritus. Atq; hoc secundum est Assertionis membrum. Et quidni proderent? Necesse est, ut cum humanorum sint Spirituum; vel sint purgandorum, vel damnatorum. At ut horum sint, dici non debet. eadem horum, quæ Dæmonum est conditio; ut benè agant nihil; peccent in omni tempore. Erunt igitur purgandorum Spirituum.

10. *Difficillimū tamen est hæc Obsequia discernere; quod plurima sint, quæ ad ipsa requirantur. quorum quàmuis aliqua, quæ sensibus obuia sunt, capiamus & probemus; tamen illa, quæ sub sensum non cadūt (quæ tamen & ipsa ad integritatem operationis, si bona esse debeat, necessaria sunt; ut sunt fines, qui agentibus propositi esse solent) non perspicimus.*

11. *Magna horum finium vis est, magna potestas. Nullum est opus ex genere suo, suâque naturâ ita perfectum & absolutum; quod hi ascitij fines non deprauent. Nullum, quod tanta emolumenta, vel rebus publicis, vel priuatis hominibus affert; quod reprehensione careat, si peruersus est operantis animus. Fines sunt, qui coronant opera.*

12. *Hi fines etiam obsequijs, quæ à Spiritibus præstantur, se inferunt. etiam Obsequia, quàmuis ex se honesta sint, prauè & peruersè fieri possunt. Quomodo verò? quia possunt à malis afferri atque exhiberi Spiritus, quorum, ut ingenium nequam; ita prauum in agendo fines: Ut propterea optimè à nobis tertio loco, sit dictum, difficillimum esse de obsequijs, qualia sint, iudicium ferre.*

13. *Quàmuis autem præcipitare hîc iudicium, temerarium sit; & leuîs animi certum ferre: aliqua tamen sunt, quæ probabile testimonium; quandoq; his obsequijs, quod recta sint, & culpa careant, præbeant.*

14. *Inter alia verò præcipuè sunt tria: humilitas, constantia atque grauitas. Si Obsequia, ex se alioquin honesta, cum humilitate, constantia, atque grauitate coniuncta sint, verisimile est culpâ ipsa vacare.*

15. *Per se hostes & inimici sunt bonorum operum, & Obsequiorum honestorum mali Spiritus: Ut humilia exerceant, superbia eorum, quæ semper ascendit, non patitur. Et ut semel, atque iterum aliqua exerceant in specie humilia; vix poterunt adduci, ut in ijsdem sint constantes. Et ut constanres sint etiam; ut tamen à leuîtatis & nequitie indicijs abstineant, fieri potest difficulter admodum.*

An officia quædam otiosa & ludicra sint, quæ inter Spiritus humanos, damnatos & purgandos, distinguant.

Quod ad quæstionem propositam respondeatur in promptu est, si quæ capite trigesimo primo dicta sunt, difficultatem nullam habent. Dictum est ibi officia *otiosa* humanis Spiritibus vel nullo modo convenire, vel certè convenire rarissimè, & aliquibus tantùm. Hinc planum est, *ex his inter humanos Spiritus nullum discrimen petendum esse*. Quid enim? poteruntne hi Spiritus differre re aliquâ, quæ neque utrisque diversa; neque alteris ipsorum, aliquâ ratione convenit?

Atque hoc insinuasse suffecerit. Vtrùm quia *duo* sunt, quæ fundamentum assertionis nostræ evertunt, hæc dissoluenda sunt, præsentī Capite; priusquam ulterius progrediatur oratio. Unum est, quòd (ut Olaus magnus refert, li. 3. c. 11. Histor. Septent.) ludum & concentum nocturnorum *Spectrorum in partibus Aquilonaribus*, incolæ credant excitari ab *animabus*, quæ se corporeis voluptatibus, dū viverent, immerferunt. Alterū, quòd hastiludia, & congressus bellici, in agro *Vormatiensi*, de quibus 1. Capite, Thes. 20. non videantur, nisi humanos Spiritus habere auctores: quemadmodum primùm quidem ipsorum probat confessio: tum deinde oratio, quâ viventium subsidia atque preces implorârunt.

Veruntamen assertioni nostræ nihil hæc obsunt, quoniam vel officia hæc fuisse *otiosa* negandum est: vel, si id concedatur, negandum hominum Spiritus fuisse, à quibus sunt patrata, & exhibita.

Atque ut de *Spectris Aquilonaribus* primùm dicamus, non negaverim ludicra & *otiosa* esse officia; quæ præstiterunt; negaverim verò humanos esse Spiritus, à quibus illa præstantur. Loca, quibus hæc officia præstantur; personæ, in quarum præsentia præstantur: effectus denique, qui absolutis choreis in adusto gramine deprehenduntur, pro Dæmonibus magna præbent argumenta: ut de *officiis* ipsis nihil dicatur.

Nec multitudo contrarium opinantium contrarium suadere debet. Quod apud Aquilonares populos sunt superstitiones? Iidem illi populi (eodem Olao teste, lib. 2. ca. 3.) submersorum, & violento casu occisorum animas volunt errare in promontorio Islandiæ, illo, quod instar Aethnæ, perpetuis ignibus æstuat. Unde hoc

illorum iudicium? An violentâ morte occisi, erant post mortem in terris omnes? Et, vt nostrum exemplum persequamur, Vnde constat voluptatibus corporeis deditos fuisse, qui *choreas Eluarum*, vt vocant, ducunt?

6. *Hast: ludia, & cōgressus bellici, in agro VVormatiēsi*, vel ab officijs Otiosis excipiuntur; vel si Otiosa sunt; ab humanis Spiritibus non exhibentur. Et quâuis vtrumque probabiliter dicatur: negare tamē potius *otiosa* esse, ne temerē dānare videre ipsorū authores; quā de Spiritibus durā ferre sententiam; & officia ipsa ad *otiosorum* classē reuocare.

7. Neque enim quæcunque possunt habere speciem leuitatis, leuia, mox atque otiosa existimanda sunt. Quēdā in speciē leuia; possunt magnis grauibuscque de causis fieri: ob quas idcirco seria, non leuia, haberi debeant. In horum genere hæc exercitia militaria, in campo VVormatiēsi exhibita dixerim. Habet hoc diuina prouidentia, vt quādoque ijs ipsīs rebus, quibus à peccatoribus offensus est, peccata vindicet. Itaque quia pugnando Deum milites illi offendere potuerunt; potuerunt & hāc simulatā post mortem pugnā, peccatum, quod pugnando perpetrarunt, expiare.

C A P. XLIIII.

An ex locis sacris atque profanis: item cultis atque incultis possint distingui hominum Spiritus, per quos loca redduntur infesta.

1. **D**Vo quæruntur, & vnius solutione res erit clara. Queritur primò, Vtrū sacris & profanis locis distinguantur humani Spiritus. Secūdo; Vtrū distinguantur cultis, & nō cultis. Illud si explicatum fuerit, reliquum hīc, quod explicetur erit nihil. Quomodo verò? Quia cum dictū sit, c. 32. *humanos Spiritus, non incultis, sed cultis locis errare*: si ipsorū conditio ex locorum differentia cognoscenda est, oportet in ipsis *cultis locis*, quo differant, aliquid inuenire. Atque hoc in proposito nihil potest esse, nisi *sacrum & profanum*. Ex hoc igitur, Vtrū discerni possint humani Spiritus, inquirendum.

2. Duobus verò modis, his locis, possunt distingui Spiritus humani. Vnus est, vt alij admittātur ad loca sacra, alij ab iisdem repellantur: quo-

quemodo Dæmones distinximus Ca. 32. ab humanis Spiritibus. Alter est, ut utrique quidam ad sacra loca admittantur; sed hi ad illa, isti ad alia. Cum enim loca sacra *duplicita* sint (hæc enim sola nobis proposita sunt) (templa siue oratoria; & cæmeteria; si hæc illis tantum eribuantur Spiritibus, ista alijs; hoc ipso inter Spiritus distinctionem deprehenderimus, quo ipsos his aut illis locis versari atque molestos esse demonstrauerimus.

Quomodo igitur ad hæc loca se habent Spiritus humani? suntne qui utraque loca sacra declinant? aut si quidam non utraque, saltem declinant altera? Primum purgandos Spiritus, tum deinde damnatos examinemus; & quod coniecturâ consequi possumus, dicamus.

Purgandi non videntur declinare Cæmeteria. Cur declinarent? An quia consecrata sunt, & sancta loca? an quia Ecclesiæ precibus & orationibus ijs præscripti? an quia negotium suum hic agere nequeunt? Sanctitas loci ipsis non repugnat. Nam & ipsi quodam modo Sancti dicuntur; & perfectius multo, quam ipsa cæmeteria. Ecclesiæ precibus proscripti non sunt, ut quæ ipsis (tantum abest, ut hæc loca inuideat) etiam optet multo præstantiora, inquam, palatia. Et si vllibi; profecto hic suum possunt agere negotium: vbi & hominum turba frequens; & locus ad orandum pro defunctis per se inuitat.

Sic à Templis hos Spiritus non abhorreere multo est verisimilius. Nam præter iam dictas causas; in templis etiam habent, quibus afficiuntur, res sacras & multas, & magnas, & varias; quæ ut honorem Dei egregie promouent; ita non possunt non ijs esse gratissimæ, qui honoris Dei, in rebus omnibus, & præ rebus omnibus, sunt studiosissimi.

Fortè in irreuerentiam cedit Dei, quod ad *Templa*, Dei, inquam, domos hos Spiritus admittamus. Non cedit. Neque quam irreuerenter hi Spiritus agunt; neque ipsorum per se præsentia vllam potest sacris locis afferre irreuerentiam.

Fortè Deus vult ipsos his locis esse exclusos. Sed vnde id constat? Si fines, qui Deo propositi sunt, in horum Spirituum ad viuos reditu attendamus, non tam his locis exclusos, quam admissos merito iudicabimus; cum etiam hic, per hosce Spiritus, possit Deus sue clementiæ, atque iustitiæ dare argumenta: & ipsi his locis viuorum suffragijs fieri participes.

At sororem suam, inquit aliquis, quam diu purgatorio igne expiabatur, ad limen quidem *Ecclesiæ*, in veste pulla peruenisse,

Ecclesiam verò nequaquam intrâsse obseruauit B. Malachias. Respondeo obseruâsse quoque S. Virum, post suas ad Deum preces, eandem in cādida veste Ecclesiam intrare, quàmuis pro peccatis perfectè nondum satisfecisset. Sed siue intrauerit Ecclesiam, siue intrare nequiuerit; manet sua assertioni nostræ veritas: quoniam per visum ostendebatur; Malachię quis sororis status: reuerâ verò ipsa nec Ecclesiam intrabat, nec ad limen Ecclesia hærebat. Videndus S. Bernardus in vita Malachiæ.

9. Cæterum damnatorum Spiritus in Templis versari, & oberrare, molestiamq; parere viuētib; vel nō crediderim, vel non nisi rarissimè atq; in vno forsitan casu concesserim. Quid in Templis quod agāt, habent? An viuētium ibi expectant suffragia? Desperatissimæ eorū res sunt: An sacris rebus, quarum in Templis magna copia est, recreantur? Nihil ijs placet sacrum. An gaudent pietatis, quæ in Templis fiunt, exercitijs? Hæc detestantur vniuersa.
10. Fortè quod dicimus confirmat exemplum Valentini, viri lubrici, & cūctis leuitatibus occupati, vt Gregorius loquitur (li. 4. Dialog c. 53) cuius corpus in Ecclesia B. Syri Martyris sepultum quidem fuit, sed mox inde extractum. Nocte enim media, post sepulturam, inquit idem Gregorius, in eadem Ecclesia facta sunt voces, ac si violenter ex ea expelleretur. Ad quas cū concurrerēt custodes, duos teterrimos Spiritus viderunt, qui Valentiniū, ligatum pedibus foras traherent: qui mane factō sepulchrum aperientes, corpus non inuenerunt. Hæc Gregorius. Idem exemplum refert Concilium Triburiense Cap. 71. Si verò damnatorum hominū corpora Deus Templis vult esse proscripta; Tempa infestari patietur ab eorum Spiritibus? Spiritibus, à quibus corpora, quam ignominiam sustinent, habent omnem?
11. Vnus forsitan casus ad Tempa cogit damnatorum Spiritus, etiā inuitos: quando, videlicet, ipsorum corpora in Templis sint condita; & vitæ antea actę mores atque scelera postulant, vt non modò infernalibus supplicijs excutientur; sed etiam de extrema ipsorum miseria constet mortalibus. tum foriè iustissimo Dei iudicio sit, vt circa sua sepulchra errent miseri, & hac ratione infelicitatis suæ mortalibus præbeant argumenta. Hoc de Templis.
12. A camiterijs non ita facile excludi posse videntur damnatorum Spiritus. Quid ita? Quia communis mortalium sensus est, sæpè defunctorū manes circa sepulcra versari; oberrare, cōspici. Quid inde? hoc scilicet, Essē etiam damnatorum hominum Spiritus, qui quandoque conspiciuntur. Quomodo verò? Quia verisimile non est, solos esse purgan-

purgandos, de quibus hæc communis, & apud omnes recepta est opinio.

Nec est, cur hos Spiritus à *Camiterijs* excluderimus. Quam enim ob causam? An ad hæc loca redire non affectant? at ex affectu ipsorum de nullo loco iudicium ferendum est: quoniam si per ipsos staret, ad viros redirent nunquam. Nulla ipsis grata sunt loca, quemadmodum superius docuimus. An orationibus Ecclesiæ his locis prohibentur? at dubium est, num ijs quidquam, cum autoritate, Ecclesia præcipere aut mandare possit. Sed nec his locis ab Ecclesia proscripti sunt. Proscriptio, quæ in locorum horum cōsecratione facta est, malignos solum Spiritus (Dæmones intelligo) attingit; quemadmodum *ex forma*, quâ in proscriptione Ecclesia utitur, est manifestum.

Quamobrè, ut Caput hoc Concludamus, ex *locis sacris*, si non perfecta & absoluta; *aliquali* tamen differentia petitur, quâ humani inter se Spiritus distinguuntur. Quàmuis nō *Camiterijs* differant; differre tamen videntur *Templis*: ut probabile argumentum sit, *non damnatos; sed purgandos esse Spiritus, qui in Templis frequentius observantur.*

C A P. XLV.

An, & quomodo loca, ubi mortes hominum præcesserunt, & graua peccata commissa sunt, humanos, damnatorum & purgandorum, Spiritus distinguant.

CUM Capite trigesimo tertio de locis, post mortem alicuius, infestis; infestis item ob *graui*a, quæ ijsdem perpetrata sunt *crimina*, ageremus; solos propemodum ad illa, humanos Spiritus admisimus. Nunc, ne, quem hactenus tenuimus, ordinem infringamus, An, & quomodo humanorum Spirituum distinctio hinc accipi possit, dicendum est.

Ergo verò hic ex *duobus* maximè Spirituum conditionem deprehendi crediderim: ex antea cta vita; sed præcipuè ex vitæ termino. Cum enim hæc ad futuræ vitæ statum pertineant plurimum; omnino ex his, de statu defunctorum iudicium peti posse videtur.

Et in purgandorum Spirituum classe illos posuero, qui aut vitam piè, & iustè, & sobriè transegerunt, quàmuis suis næuis nō caruerint; aut benè beatèque in Domino sunt mortui. In numero autem

autem damnatorum; qui infelicitate, & misere ex hac vita discesserunt: siue vita fini respondeat; siue à fine discrepet.

4. Itaque ex vno damnatorum Spiritus deprehenduntur; infelici scilicet fine. Ex duobus purgandorum; sine felici, & antea acta pie vita. Et ex fine necessaria coniectura sumitur; ex vita, nisi finis aliud suadeat, probabilis.

5. In damnatis unam cognoscendi rationem ponimus, finem infelicem. Nihil obest, quantumcunque pessimè transacta vita; modò finis sit felix. Impurgandis duas, finemq; à vita distinximus: Non quòd existimemus omnes ad cælestes sedes transferendas, qui benè aliquando vixerunt: (multi bonam vitam malè concludunt) sed quòd bonam vitam aut rarò, aut nunquam mors mala sequatur; ut ob id benè sperare debeamus; & de ijs, qui finem felicem habuerunt; & de ijs, in quorum vita pietatis & charitatis argumenta claruerunt.

6. Quæ dicimus extra controuersiam apud Orthodoxos sunt omnia. Quocirca pro horum confirmatione frustra hic magnus labor susciperetur à Breuitatis amatoribus. Duo verò sunt, quæ quemadmodum difficultatem aliquam habent; ita non carèt suo fructu & utilitate. Primum est, quæ vita dicatur benè transacta: Alterum, quamnam felicem mortem existimemus.

7. Prius in particulari definire impossibile est homini; nisi cui desuper reuelatio facta est. Nescit homo, utrum ipse odio, vel amore dignus sit; poterit scire de altero? An in genere non modo non impossibile; verum etiam facilè. Illa benè transacta vita dicitur; quæ piè, sobriè, & iustè victum est. Sobrietas nos benè erga nos ipsos; iustitia erga proximum; Pietas erga Deum componit. Itaque qui Deo, quod Deo: proximo, quod proximo: sibi quod sibi debetur, in vita tribuant; ij benè vixisse dicendi sunt.

8. Quòd si quod dicitur, non ita intelligitur; benè vixisse dicantur, qui post Baptismi Sacramentum susceptum, nullo scelere lethali conscientiam commaculauerunt; nec quicquam, quod diuinam maiestatem offendat, commiserunt; aut si quid commiserunt, illud rursus, Dei gratiâ præueniente, & consequente, dignis pœnitentiæ fructibus deposuerunt.

9. Felix mors non illa est, quæ quietis & tranquillitatis est plena: quæ caret graui doloris sensu: quæ astantibus nullum incutit horrorem: vbi plures adsunt consolantes amici: vbi insignis pompa funebris; & si quæ sunt alia. Hæc sceleratissimis possunt esse communia:

nia: sed quæ cum nulla peccati mortalis conscientia est coniuncta, & in qua nihil eorum, quæ Deus & Ecclesia postulat, prætermittitur.

Hinc est (vt ex contrario perspicuum fiat, quod dicimus) vt primum illi *infelicem* mortem habeant; qui, quæ in vita peccata mortalia perpetrarunt, per pœnitentiam non deposuerunt. Hæc quoniam mortem præsentem animæ afferunt, animæ suam vitam non patiuntur restitui, quamdiu animam ipsa possident.

Deinde *infeliciter* illi obeunt; qui quàmuis, quæ in vita commiserunt crimina, dignis pœnitentiæ fructibus deposuerunt: in infirmitate tamen sua, vel in ipsis mortis portis Deum grauiter offendunt, nec offensæ veniam, aut querūt, aut obtinent. Hæc offensa, cùm alijs rationibus multis accidit, tum præcipuè omissione Sacramentorum, diuinitus institutorum; qualia sunt post Pœnitentiam, Eucharistia atque Extrema vnctio, apud quosdam.

Tertiò illi *infeliciter hanc vitam concludunt*, qui quàmuis Sacramentorū nullum prætermittant; præteritæ etiam vitæ peccata dignis pœnitentiæ operibus deponant; bonorum tamen alienorum restitutionem, quam possunt, non faciunt. Diserta est, & vera B. Augustini sententia. *Non dimittitur peccatum, nisi restituatur ablatum.*

Hi *infeliciter* mori dicuntur, quemadmodum *bene viuere* illi, qui, quæ iusta, pia, & sobria sunt, perficiunt. Et vt de horum Spiritibus benè speratur, quando mortale hoc corpus deponūt: ita de illorum salute timetur, quando tumultuari, post corporis sarcinam depositam audiuntur.

Speramus benè de illis: quia bona principia bonos solent habere exitus. De horum salute *timemus*: quòd horum peccata videantur esse *ad mortem*, quibus veniam negat Apostolus, c. Ioan. 5. Veruntamen de neutris *certam, absolutamq;* & quæ nullam exceptionem admittat, sententiam ferimus; quia *seruus Domino suo cadit & stat*, Rom. 14. Dominus est *constitutus Iudex viuorum & mortuorum*, Act. 10. Nobis dictum: *Nolite iudicare*, Matth. 7. *Dies Domini omnia reuelabit.* 1. Cor. 4.

Quocirca, quod diximus, *probabile* admodum est iudicium, quod ex vita sumitur & morte: *non omnino certum*. Quàmuis *rard* habeat; *potest tamen* habere exceptionem. Nobis vt extra periculum simus, bonamque spem habeamus, curandum; vt bona vita ad felicem, nos properemus mortem, vt inter bonos Spiritus, cum Patre Spirituum, in resurrectionis gloria, inueniamur.

An & quomodo Spiritus humani, qui molesti sunt, distinguantur locis Catholicorum, & Hereticorum.

1. **L**oca Catholicis atque Hæreticis hominibus distincta, non quidem humanos à Dæmonum, sed tamen *humanos ab humanis Spiritibus distinguunt*. Prius ostensum est Capite 34. Posterius, quâ ratione dicatur, explicandum est Ca. præsentī, sed brevissimè.
2. Quando constat humanos esse Spiritus, qui apparent & molesti sunt, omnino verisimile credimus; ut, si apud Hæreticos inveniuntur, damnatorum hominum sint; non verò eorum, qui igne purgatorio expiantur: quanquam non contra, quicumque apud Catholicos observantur, semper sint Spiritus purgandi. Quocirca quàmvis non ex Catholicorum locis; ex Hereticorum tamen, conditio humanorum Spirituum deprehenditur.
3. Pro Assertionis confirmatione pluribus opus non est. Dubium nullum est Catholicorum locis, utrosque Spiritus reperiri. Vbi igitur docuerimus. *Hæreticos molestos non esse Spiritus purgandorum*, finem Capiti imponemus, & demonstratum erit, *damnatorum hominum Spiritus esse, qui Hæreticos molestant*.
4. Et hoc finis, qui hisce Spiritibus propositus est, apertè probat. Quid *Hereticorum locis* quererēt miseri purgandorum Spiritus, quod sciant se non inuenturos? Viuentium, scilicet, subsidia? Aut vlla possunt sperare subsidia ab illis, qui defunctos viuentium subsidijs negant iuvari?
5. Et hoc quidem palàm profitentur omnes propemodum nostrorum temporum Hæretici? Lutherani rigidi, ut Centuriatores C. ent. 1. lib. 2. cap. 4. Lutherani molles, ut Philippus in locis, de Satisfactione; & Brennius in Confess. VVirtenb. Zuvingliani apud Cochleum in Actis Lutheri anno 1562. Calvinistæ apud Calvinum li. 3. Institut. cap. 5 §. 6. Trinitarij, Anabaptistæ l. 2. c. 1. ex ijs, quos nuper anno 1567. ediderunt. Quocirca his hi Spiritus molesti non erunt.
6. Quanquam nec ad illos Hæreticos redire affectarent piè defunctorum Spiritus, qui viuorum pro defunctis suffragia admitterent: propterea, quod quæ hi in defunctorum gratiam opera, satisfactio- nesque susciperent, defunctis ad poenarum aut nullum, aut admodum

dam patrum leuamen prodesse: quemadmodum ex ijs, quæ posterius dicturi sumus, manifestum erit.

Quocirca quod quidam docent, ijs locis, ubi olim religio Catholica nunc Hæresis sedem habet, Spirituum molestias non obseruari; quæ olim erant frequentiores; omnino de horum Spirituum molestijs intelligi credimus, cæteroqui alios vel damnatorum hominum, vel Dæmoniorum Spiritus Hæreticis pacem fauere & relinquere, quæ probet, nulla est causa.

C A P. XLVII.

An & ex quibus temporibus, possit distinctio inueniri inter humanos, eos Spiritus, qui loca infestare solent.

Infirmitas diximus esse, Cap. 35. & non satis certum iudicium, quo ex *Temporibus* distinguuntur Spiritus Dæmoniorum & humani. Infirmitas quoque & nō certum, quod hic humanos Spiritus prodit & distinguit: Qui tamen quātum, quantum illud sit, si cum alijs coniungatur, vires accipit; etiam hinc si non magni faciendum, certē non fuit omittendum.

Et nisi fallimur, *tribus temporum*, quæ posuimus, *differentijs* purgandos Spiritus à damnatis quodam modo possumus distinguere; luce diei, diurnitate molestiarum, & sanctitate, ut scilicet, quando iam constat humanos Spiritus esse, qui apparent, & molestant, ex ea probabile sit, purgandos esse, non damnatos; quod interdum obseruatur; quod diutius sint molesti; quod *sacris temporibus* nobis adsint.

Dum hæc asserimus; non negamus, quin & noctibus hi ipsi purgandi Spiritus adesse possunt: similiter breuiori tempore esse molesti; atq; etiam profano. Docemus hæc tempora, nocturna inquam, breviora, atque profana, magis Spiritibus damnatis conuenire: contrario verò tanquam sibi peculiari ratione conuenientia, postulare Spiritus purgandos.

Dies refugiunt damnatorum hominum Spiritus: quia latere cupiunt: amant noctes, quia malè agunt, ideoque hostes sunt lucis Spiritus purgandi, si noctes quærunt, non ut lateant quærunt; sed ut necessitates suas mortalibus commodius explicent. Dies verò non refugiunt, si proposito suo intelligant seruire posse.


5. *Diuturnitate* molestiarum superare videntur damnatos purgandi. Quamobrem autem? quia cum in damnatorum Spirituum, cum viuentibus, molestâ consuetudine id propositum sit, vt miseria ipsorum mortalibus innotescat; tamdiu illa erit permittenda, quàm fuerint, qui mortuos nouerint, apud quos infames reddi possunt: his deficientibus, cur rebus viuentium interesse debeant, quæ vrgeant, rationes magnæ non sunt. At purgandis proposita sunt viuentium patrocinia, quæ ipsis, etiam ac ignotis, possunt communicari & impendi; ideoque multis post mortem annis.

6. Scio esse quosdam, qui tempus purgatoriarum poenarum volunt esse paucorum annorum; apud quos nostra, quam damus, coniectura infirma est. Sed nobis illorum sententia magis arridet, qui illud producant, nec ita breui apud omnes, volunt esse finientas. Si breues poenæ purgatoriæ: quomodo probat Ecclesia anniuersaria sacra; quæ pro ijs, qui ante centum, & eò plures annos piè in Domino sunt defuncti, offeruntur? Vide Bellarm. Tom. I. Contro. li. 2. cap. 9.

7. Denique *sacros dies* refugere damnatorum hominum Spiritus, ex eo est verisimile, quòd socij sint Dæmoniorum, qui & sacra detestantur omnia; & sacrorum omnium umbras. An verò possunt hos fugere Spiritus purgandi? Annon præ reliquis expetere, si libera inter sacros & profanos dies detur optio? Spiritus sacri? sacrarum rerum appetentes? quarum consequendarum, si alijs, *sacris* profectò diebus spes est maior? Hæc de *Temporibus* breuius; propterea quod iudicium ex his petitum infirmius.

C A P XLVIII.

An ex conditione illorum Spirituum, qui certis hominibus infesti esse solent, possit deprehendi, Sitnè Spiritus hominis damnati, an saluandi, qui molestus est,

8.  Pushic pluribus non est, Ex infecutione ipsa, quòd humanos Spiritus inter se distinguat, nihil accipitur presidij. Si quid hic est, quod differre faciat, Spiritusq; conditionem prodat, hoc non ex ratione infecutionis, sed ex alijs, quæ cum ipsa coniuncta sunt, habetur.

Prius extra controuersiam est. Quemadmodum boni purgandorum hominum Spiritus, ita mali damnatorum, viuentes quosdam sequuntur. Hi quidem vt vexent, & molesti fiant; illi verò non tam vt molestant & vexent; quàm vt rebus suis apud viuentes consulant. 2.

Quæ verò cum insecutione & persecutione Spirituum coniuncta sunt, admodum varia sunt, sed quibus Spirituum conditio deprehenditur potissimum *loci, Spirituum forma, mala, quæ afferunt & molestandi modus*. De quibus quoniam aliàs multis Capitibus, nunc nihil præterea. 3.

C A P . X L I X

An ex conditione illorum, qui persequentes quosdam patiuntur Spiritus, deprehendi possit ipsos Spiritus esse damnatorum hominum, an purgandorum.

Q uemadmodum ex Spiritibus certos homines insequentibus, & molestantibus colligi nequit Spirituum humanorum inter se discrimen; ita nec ex conditione hominum, qui hos molestantes Spiritus patiuntur. 1.

Diximus, Capite trigesimo septimo, *duplicis generis* distinguere homines, qui patiuntur infestantes Spiritus: alios egregiæ probitatis, alios perditæ salutis. Non necesse est dicamus purgandos esse Spiritus, à quibus *boni* patiuntur; damnatos, à quibus *mali*, quia & mali possunt pati, patiunturque à Dæmonibus frequenter. 2.

Quando tamen aliunde constat de Spiritibus, quòd humani sint, ex conditione, si non bonorum, certè *malorum*, licebit conijcere damnatorum esse Spiritus, qui molestant. 3.

Quomodo verò? Quia *boni* & damnatorum & purgandorum Spirituum molestijs expositi sunt. Mali ferè non nisi damnatorum. Vtrumque quia Capite trigesimo septimo astruatum est, repeti hîc non debet. 4.

Certorum signorum, ex præcedentibus Capitibus
Collectorum, quæ singulos Spiritus pro-
dant.

Distinxiimus Spiritus humanos à Spiritibus
Dæmoniorum: & humanos ab humanis. Ex
his qui ex Spiritibus Dæmones sunt: qui ho-
minum damnatorum: qui purgandorum hominum,
potest quivis utcumq; colligere: veruntamen non sine
labore atque molestia: quâ ut Lectorem subleuemus,
quæ sparsim dicta sunt, incerta Capita concludimus,
& singulorum Spirituum proprias quasi Notas at-
que Indicia adscribimus.

C A P. L.

De octo Indicijs, quæ magna sunt argumenta infe-
stantium spirituum Dæmoniorum.

1. **D**æmoniorum Spiritus octo sunt argumenta, quæ singula nō
leue; omnia simul iuncta firmum robur habent. Hæc sunt, *for-
ma, inconditi soni, oratio, allata mala, obsequia, ioci, loca & persona,*
quæ molestantes Spiritus sustinent.

2. *Forma*, siue species, quæ Dæmones prodit, est ab humana discre-
pans qualiscunque illa sit; in primis verò brutorum animantium, at-
que monstrorum. Vide Caput 26.

3. *Clamores & strepitus inconditi*, qui alterum sunt signum: magnum
videntur pro Dæmonibus argumentum; si barbarum nescio quid, &
peregrinum referant. quoniam quemadmodum à cæteris Spiriti-
bus videntur esse alieni; ita magnas ob causas Dæmoniorum pro-
prij. Vide Caput 27.

4. *Oratio*, si Dæmonium debeat prodere, oportet sit divinatoria, si-
ue indicativa rerum quas naturalis hominum cognitio nequit per-
cipere; siue illæ sunt præteritæ, siue futuræ, siue præsentēs. Vide
Caput 28.

*Mala, si magna sint & graua, quæ uiuentibus per Spiritus affe-
runtur, arguunt ipsorum authores esse Dæmones. Nam & hæc per
Dæmones possunt afferri; per humanos Spiritus non item: & ut
per Dæmones, non uero per humanos Spiritus afferantur, omnino
conuenit. Vide Caput 29.*

*Ex Obsequiis non vno modo cognoscuntur Dæmones. Dæmones
sunt, qui Obsequia præstant humanas vires superantia: qui nefanda,
& leges naturæ violentia: qui ex pacto, quasi necessaria. Vide Ca-
put 30.*

*Ioci si excitantur, à Dæmonibus excitari admodum est verifimi-
le; non ab humanis Spiritibus. Ex his igitur etiam, tanquam Leo-
nem ex ungue, Dæmones deprehenderis. Vide Caput 31.*

*Loca quæ Dæmonum sunt indicia, oportet sint deserta, & ab ho-
minum consuetudine aliena. Alia, quàmuis iisdem Dæmones inue-
niantur, quia tamen Dæmonum propria non sunt; Dæmones nõ pro-
dunt. Et in Non desertis quoque illa Dæmones arguunt, quæ tantum
infesta sunt propter homines, impiam & sceleratam vitam tradu-
centes. Vide Caput 32. & 33.*

*Ex personis etiam quibusdam de Dæmonibus sumitur coniectura;
illis scilicet, quæ perditæ viuunt. Si has infestari à Spiritibus contrige-
rit, admodum est probabile à Dæmoniorum Spiritibus molestari.
Vide Caput 37.*

C A P. LI.

*De quinque signis quæ produnt spiritus eos, qui pur-
gatorio adhuc igne expurgantur.*

DÆmones ex signis octo cognoscimus: quemadmodum di-
ctum est. hominum uero purgandorum Spiritus ex paucio-
ribus, & fortè minus certis. quibus uero & qualibus? *ex forma,
gemitu, oratione, obsequio, & locis.*

*Forma, quæ purgandorum Spirituum index est, humana est,
talis; quæ peregrinum nihil obtineat; nullum horrorem per se
intuentibus afferat, vel truci vultu, vel atro colore. Vide Ca-
put 38.*

*Gemitus & suspiria oportet nulla sint, aut leuitate, aut impatientis
animi significatione permixta, & tristis, atque humilis mentis certa
indicia. Vide Caput 39.*

*Oratio etiam hos Spiritus prodit; oratio inquam, quæ peccato ca-
et, & insuper proprii boni, cum submissi animi significatione, est
petitoria. Vide Cap 40.*

Obsequi-

1. *Obsequium*, quod purgandorum Spirituum conditionem manifestat, omni debet carere labe peccati. Hoc ut certissimum est argumentum: ita difficulter admodum deprehenditur. At id tamen quodam modo cognoscendum faciunt constantia, humilitas & grauitas cum Obsequio coniuncta. Vide Caput 42.

6. *Loca*, ex quibus purgandi Spiritus deprehendantur, duplicia sunt; sacra, sed in primis Tempia: & quæ primùm post mortem alicuius fidelis, piè defuncti, infesta esse cœperunt. Illa malis Spiritibus non conueniunt: hæc omnino ipsos defunctos arguunt. Vide Caput 44.

C A P. XLII.

De tribus signis quæ damnatorum hominum Spiritus produnt.

1. **N**on tot sunt Indicia, quæ damnatorum hominum Spiritus produnt; quot, quæ indicant Dæmones, vel purgandorum animas, & si diligentius omnia scrutemur, quæ certa, *præter vnum*, admodum inueniemus pauca, vel nulla.
2. Certissimum est, *locus*, ille videlicet, qui primùm Spectris infestus esse cœpit, post mortem hominum vel infidelium, vel si fidelium, miserè, & non Christianè defunctorum. Vide Caput 44.
3. Post hoc, sunt *forma*, atq; *gemitus*. Et *forma* oportet sit humana, sed ob crudelem, atrocemque vultum & colorem, horrida. *Gemitus* verò atq; *suspiria*, vel cum leuitatis, vel cum impatientiæ signis coniuncta. Hæc infirmiora sunt argumenta, quàm primùm: & inter ipsa infirmisimum postremum. Vide Caput 38. & 39.
4. Hæc damnatorum Spirituum Indicia: qualia, qualia tandem. Alia, quæ prodant, nulla sunt. Quæcunque enim vel ab his Spiritibus fieri possunt: quæcunque ijs possunt *accidere*: quæcunque cum ipsis, quouis modo *sunt coniuncta*, nullo modo ita ipsis sunt propria; ut vel purgandis hominum Spiritibus, vel Dæmonibus nequeant conuenire.
5. Possunt excitare strepitus atque clamores: possunt varias edere voces, & formare sermones; possunt nocere & molestare: possunt res de locis transferre. Quid horum non conuenit, si non purgandis, certè Dæmonum Spiritibus?
6. Quæ ijs *acidunt*, sunt corporis moles vel prauitas, breuitas & diurnitas molestiarum, quas nobis afferunt; & si quæ sunt alia. Quid horum alienum ab alijs Spiritibus?

Coniuncta

Coniuncta cum ipsis sunt loca, tempora atque personæ maximè. 7.
Et ex temporibus sunt sacra, profana: diurna, nocturna. Ex his locis
sacra, non sacra; culta, non culta. Ex personis, probæ, improbæ: fi-
deles, non fideles: An ab his alij Spiritus abhorrent?

C A P. LIII.

*De adiuratione qua molestantes Spiritus per diuini
nominis inuocationem coguntur, ut se, con-
ditionemque suam prodant.*

Quamuis per sæpè, ex iam dictis argumentis, in Spirituum ag- 1.
nitionem veniamus: non rarò tamen accidit, ut vel his desti-
tuamur; vel si abundemus, perfectè, atque certò, quæ Spiri-
tuum molestantium conditio sit, non cognoscamus. Alia igitur ra-
tio est, quâ ut certiùs agnoscuntur; ita maiorem animum, in eo, qui
illa uti velit, requirit.

Adiuratio illa dici potest; quâ per Deum viuum, aut Crucifixi vir- 2.
tutem adiurantur, & coguntur Spiritus; ut qui, qualescûque sint, pro-
dant; & quid velint, quasue ob causas molesti sint significant.

Magnas huius esse vires ad Spiritus cogendos nemo dubitat. 3.
Nam qui boni sunt, ex reuerentia, quâ Deum prosequuntur, non
volent non suam conditionem prodere, per Deum adiurari. Im-
pij verò, & si Deum non reuereantur, timent tamen: & per ipsum
adiurati faciunt; quæ, ut faciant, alijs machinis vix moueren-
tur.

Hinc quos in plerisque Sacrarum literarum locis adiuratos le- 4.
gimus homines, *Adiurationis* vim intelligentes, mox religione er-
ga Deum ducti, præstiterunt quod rogarentur, vel iuberentur. Ad-
iuratus senior seruus Abrahæ, ne filio uxorem acciperet de filiabus Cha-
nanaorum, sed de cognatione, & domo patris Abrahæ; Domini sui
mandato nihil prius habuit, Genes. 24. Adiuratus Ioseph à patre,
ut in sepulchro, quod in terra Chanaan foderat, ipsum sepeliret; etiam in-
tercedentibus Aegyptijs Pharaonem vrget, quo promissioni, pa-
trisque desiderio fiat satis. Genesi 50. Eiusdem Ioseph ossa Moy-
ses Aegyptum deferens, secum in terram promissam voluit trans-
ferre; quod viuens ille, hoc nomine filios Israel adiurasset. Exodi 3. Ad-
iuratus populus à Saul, cum Philisthijm persequeretur, ne quis pa-
nem, vsque ad vespèram, commederet; donec hostes vltis esset: & non

manducauit vniversus populus panem, vt dicitur 1. Reg. 14. Adiuratus Michæas Propheta ab Achab; & adiuratus quam ante dissimulauerat, pradicat stragem in Israel, 3. Reg. 22. Adiuratus à summo Pontifice Filius Dei, Christus Dominus; vt diceret, efféne filius Dei; & pro reuerentia Patris sui; studioque obsequendi Sacerdoti, qui antè tacuerat, locutus est, seq, filium Dei esse est professus.

5. Neque Diaboli hanc *Adiurationis* vim ignorant. Hinc cum ipsorum quidam malè sibi à Domino timeret; ad adiurationem conuersus: *Adiuro*, inquebat, *te, ne me torqueas*, Marci 5. Vtrùm verò adiuratione quicquam promouerit, ipse nouit: hoc certum, Gerasenorum regione, quod postulabat, pulsus non esse.
6. Sed de *Adiurationu* vi atque potestate dubium non est: dubium fortè. An licitum sit Spiritus adiurare; & quâ *adiurationis* formâ: Preterea, Quibus ipsa conueniat: Quibusue locis atque temporibus illa contra Spiritus vtendum: De quibus, quid res postulat, breuiter pro ratione instituti.
7. *Licere dubium non est.* Cùm enim Spiritus; (quicunq; molesti sunt) vel Dæmoniorum sint, vel hominum; hoc ipso perspicuum est adiurare licere omnes tentare; quòd & Dæmonia & homines adiurare absq; vllò crimine permissum sit.
8. De hominibus hoc ostendunt, quæ initio Capitis huius ex Sacris literis allata sunt exempla. De Dæmoniis res gestæ Apostolorum; qui, potestate sibi diuinitûs communicatâ, eadem adiurârunt, profligârunt, exulare iusserunt. Et benè B. Augustinus l. 10. de Ciuit. Dei capite 22. *Verâ pietate*, inquit, *homines aéream potestatem inimicam contrariamq; pietati exorcizando eijciunt.*
9. *Forma adiurandi duplex est*, nunc præcipiendo, & veluti necessitatem imponèdo, quempiam cogimus, vt diuini numinis causâ quippiam faciat: nunc id facimus deprecando, & hortando tantùm. Huius proprius vsus est ad superiores, quibus non conuenit, vt impereamus: posterioris, præceptoris, inquam, ad inferiores, in quos potestatem habemus.
10. Sed quâ vi Spirituum statum, conditionemque explorare permissum? *Vtraque permissum*: licet præceptoris uti, videatur securius.
11. *Permissa deprecatoria*: quia ita apud superiores locum habet; vt apud inferiores & pares reprehensione careat; aliquando etiam laudè mereatur. Quocirca siue nobis superiores sint Spiritus, qui molestant; siue pares, aut etiam inferiores; absque crimine sumus, si, vt se, conditionemque suam probant, ipsos rogamus.

Permissa

Permissa quoque *præceptorum*: quia multo melior conditio viuendum, quàm Spirituum, qui molestant: ut ob id superiores illi quâdam ratione dici debeant; & in ipsos imperio possit uti, maximè si incommodent. 12.

Expedi nihilominus uti imperatoriâ, & præceptorâ: non solum idcirco, quod huius maiores sint vires; verum etiam, quia, ut plurimum, qui molestant, sunt Spiritus Dæmoniorum, apud quos deprecatoriâ uti, religione prohibemur. *Nolo vos*, inquit Apostolus, *scios fieri Dæmoniorum*, 1. Cor. 11. 13.

Omnibus verò existimarem licere Spiritus adiurationibus uti, licet non eodem omnibus fructu. Quàmuis enim religionis actus sit adiuratio, & ad diuinum cultum spectet; ordinis tamen, & qui solis Deo consecratis personis conueniat, actus non est. Quicumque Deum inuocare possunt; Spiritus, per Deum, ut conditionem suam prodant, possunt adiurare. 14.

Cum fructu tamen semper hunc actum non omnes exercent. Exemplo illi sunt, quorum Actuum Apostolorum historia meminit, Cap. 19. qui cum Dæmoniacos adiurarent, per Deum, quem Paulus prædicaret; tantum abest, ut quicquam promouerint; ut in se experti sint crudeles, quibus ipsi dominari posse videbantur. Itaque qui Catholicam fidem non profitentur, adiurare Spiritus per Deum possunt; feliciter (si tamen pro suæ doctrinæ confirmatione hoc tentent) semper non possunt: quemadmodum neque eosdem ex humanis corporibus eicere: sicut alias demonstratum est: Disputatione de Dæmoniacis. 15.

Atque ut hi frustra Spiritus persæpè adiurant; ita adiurabunt vtiliter admodum, qui sacris initiati, in Christi corpus, tam verum, quàm mysticum, habent potestatem: non idcirco solum; quia magna est in Christi Ecclesia potestas; verum etiam, quia si vllis, his summa, in Dæmones, atque omnes molestantes Spiritus collata potestas. 16.

Et quàmuis *vita sanctimonia* ad hoc optus feliciter conficiendum necessaria non sit; tutius tamen, atque confidentius maiori- que cum spe victoriæ, Spiritus adiurabunt Sacerdotes, si cum potestate, quâ pollent; vitæ innocentia atque integritas sit coniuncta. 17.

Proderit & *virtutum exercitium* præmisisse; ieiunij inquam, orationis, atque eleemosynarum. Quemadmodum hæc præsidia res alias arduas aggressuris, adiumento, temporibus omnibus fue- 18.

180 DE LOCIS INFESTIS. PARS ALTERA.

run; ita hic frustra adhiberi, nullo modo dici debet. *Pietas*, inquit Apostolus, *ad omnia utilis est*, 1. Timoth. 4.

19. Quod verò præter hæc solida aduersus Spiritus præsidia etiam *saceris vestibus* Sacerdotes induantur, damnari non debet. Dum suo officio satis facit Sacerdos; malè facit, si suo officio conuenientibus utatur vestibus?

20. Porro *Quibus locis atque temporibus* Adiuratio fieri debet? Ijs quibus Spiritibus, quos adiuramus, præsentese esse possumus. Quis Herbipoli existens adiurabit eos, qui Constantinopoli sunt molesti? aut eos, quos, utrùm iam sint præsentese, ignorat?

21. Quocirca, si nocte tantùm molesti sunt Spiritus; frustra interdum, quando absentes putantur, adhibebitur *Adiuratio*, etiam ijs locis, quibus alioquin molesti esse solent. Et si in sola vinaria cella tumultus excitantur; frustra adiurabuntur in solario. *Adiuratio* sine locutione non est; locutio ad præsentese est, non absentes. Ad absentes literæ.

22. Utrùm verò hoc vel illo modo præsentese esse Spiritus obseruentur, ad rem parum facit. Sufficit si præsentese conspiciantur, sufficit si tumultu excitato præsentese esse credantur. Quemadmodum loqui contingit præsentibus, tam ijs, quos videmus; quàm quos audimus tantùm: ita *adiurare* possumus tam eos, quos coram conspiciamus; quàm quos auditu præsentese esse cognoscimus.

Finis secunda Partis de Locis Infestis.

DE LO-





DE LOCIS

INFESTIS TERTIA PARS

DISPUTATIONIS:

IN QUA

MODI, QUIBUS LOCA AB IN-

festatione Spirituum molestantium purgari

possint, examinantur & dis-

cutiuntur

ISAGOGUE IN TERTIAM DISPUTATIO.

nis Pattem, de Locis Infestis.

Tertia Disputationis pars restat, quæ ut
precipua est, ita diligentius persequen-
da. In hac modi, quibus Spiritus proscri-
buntur, & loca ab ipsorum molestia li-
berantur, exponendi sunt. Et hoc quidem præstabimus,
si initio quædam, quæ hanc rem viam sternunt, ex-
plicuerimus: qualia sunt, An ratione aliqua possint à
Spirituum infestatione purgari loca: Et, An illa ra-
tio sit una, an multiplex: Reiecerimus etiam modos,
quæ vel cum superstitione aliqua coniuncti sunt, & ob
id prohibiti: vel parum ad profligandos Spiritus va-
lere putantur, Sed ad rem.

*Esse aliquam rationem, qua molestantes Spiritus
proscribantur, & loca ab ipsorum infesta-
tione liberentur.*

CAusæ, cur loca ab infestatione Spirituum liberari nequeant, si quæ sunt, ex *duobus* Capitibus peti debent: ex Spirituum conditione & potestate: vel conditione *hominum*, & infirmitate virium humanarum. Et conditio quidem idcirco prohibere intelligi potest; quod alia sit hominum, alia Spirituum ratio; ut ob id, quamvis etiam superiorum virium homines essent, conditione tamen naturæ prohiberentur quicquam in Spiritus agere; quod nihil possit corpus in Spiritum: potestate autem prohiberentur; si non tantæ hominum sint vires, quantæ Spirituum.

2. Et *utroque modo* homines prohibiti videntur; ne se suaque loca à Spirituum infestatione vindicent: sed tamen neutro prohibiti sunt. Hoc si non alijs rationibus, certè *exemplis* ijs docetur, quibus aliàs à nobis demonstratum est per homines, ab humanis corporibus, expelli Spiritus Dæmoniorum. de his in Disput. de Dæmoniacis.

3. Illis addi possunt *alia*, nostro argumento propria. Refert B. Augustinus domum Hesperij, per presbyterum quendam: Metaphrastes aliam, per Theodorum Siczorum Archimandritam: B. Gregorius Thermas Angulares per Germanum Capuanum Episcopum; Glycas castellum Regis Persarum, per Antistitem, Antonius Agrum Bingensem, per Moguntinum clerum: Chronicon Hirsaugiense Vvormatiensem agrum, per viros religiosos, à Spirituum molestia liberatos esse. quemadmodum hæc longius prosecuti sumus capite primo huius Disputationis.

4. Nec homines hinc *natura conditio* prohibet. Non ita corpus est homo; ut præter corpus sit nihil. Etiam Spiritu instructus est. Quemadmodum ad sublunares res & caducas corpore; ita ad æthereos Spiritus, animo, qui corpori inclusus est, accedit.

5. Nec prohibentur *viribus natura*. Esto Spirituum sint quidam, quorum potestas omnem creatâ potestatem superet: non tamen omnium illa conditio est. Etiam humanis Spiritibus loca infesta sunt; quibus, an fortè inferiores sunt, qui corporibus sunt inclusi homines, hos Spiritus habentes?

6. Sint etiam omnibus Spiritibus inferiores homines; necdum tamen ipsis facultas in Spiritus, viribus & robore potiores neganda est.

Quoni-

P A R S T E R T I A.

187

Quoniam, quod per vires naturæ non possunt possunt dono gratiæ illius; qui in Spiritus omnes potestatem habet omnem, & *Pater Spirituum* dicitur.

Qui olim Dæmonibus imperabant, potentissimis Spiritibus, Apostoli, homines erant: & homines multo Spiritibus inferiores: & si naturæ ipsorum conditionem attendas, iisdem nobiscum necessitatibus subiecti: sed tamen nullo loco in ipsorum præsentia tui erant Spiritus. Quidni igitur & iam eadem est penes aliquos in Spiritus potestas?

Magna vis Ecclesiæ est relicta à Christo; non in homines solum; verum etiam in Spiritus. Potestas hæc quamdiu Ecclesiæ perdurat, perdurabit. Vtrum hæc Christi oratio docet: *Signa eos qui crediderint, hæc sequentur. In nomine meo Dæmonia eijcient. Marci ultimo. Negari igitur non debet esse aliquam, quâ Spiritus profligantur, rationem.*

Sed etsi potestas hæc Ecclesiæ relicta non esset, non idcirco nulla ratio à Dæmonum infestatione nos expediendi nobis suppetere, quoniam quod nec viribus possumus naturalibus; nec gratuitis diuinæ clementiæ donis: id possumus ad Deum facta oratione; oratione, firmissimo præsidio, in qua omnium rerum consequendarum spem certissimam vult esse constituendam Seruator mundi. Ioan. 19.

C A P. LV.

Non unam esse rationem, loca à Spirituum molestia liberandi: sed variam atque multiplicem.

Non una (si ad Deum orationem dempseris) ratio est, quâ loca à Spirituum infestatione liberantur. Sed nec una, quâ liberantur esse potest. Prius illud, quamvis ex posteriori clarum sit, & manifestum; ostendunt modi varij, quos ab alijs atque alijs observatos legimus: posterius ratione demonstrandum erit.

Alijs modis loca purganit Presbyter, cuius meminit B. Augustinus; alijs Theodorus Siczorum Archimandrita: alijs Germanus Episcopus Capuanus: alijs Clerus Moguntinus. Presbyter Augustini Sacrificio corporis Christi: Theodorus aqua lustrali; Germanus Capuanus oratione facta ad Deum: Clerus Moguntinus

nus Litanijs &c. quemadmodum primo Capite copiosius demonstratum est.

3. Quod verò *nec vna ratio omnibus locis valeat*; primum quidem hoc probat, quòd aliquos his rationibus pulsos observamus; apud quos aliz rationes nihil valuerunt. Notum est in Castello Regis Persarum quosuis à Rege accersitos: nihil adhibitis omnibus machinis effecisse: Antistitem verò Crucis signo omne phantasma dispulisse; ut Glycas refert. Nec dubium, quin multa tentarint, qui balnea Spectris infesta (quorum Gregorius Nyssenus meminit) sunt ingressi: & tamen eorum plurimi à Spectris trucidati; Diaconus verò Gregorij Neocesariensis solo signo crucis munitus exiit illesus. Exempla hæc ad longum habes Capite 1.

4. Est deinde pro hac re Christi ad suos Apostolos responsio. Cum enim illi frustra in Spiritu quodam eijciendo occupati fuissent; huiusque rei causam à Domino sciscitarentur: intellexerunt, *quoddam esse genus Spirituum, quod non quacunque ratione; sed ieiunio tantum & oratione pelleretur.* Matth. 17.

5. Diversissimarum naturarum sunt Spiritus: diversissimarum sunt conditionum. Sunt quidam boni: sunt alij mali. Quibus rationibus illi iuvantur; hi non pelluntur. Quæ hos terrent; illa alios possunt afficere, & recreare.

6. Quoniam verò boni sunt Spiritus, vel mali; qui molestant; aliquis duplicem rationem, quâ loca purgantur, putaverit constituendam. Verùm duplex hæc ratio non sufficit; propterea, quòd quàmvis vnius generis sint omnes Spiritus boni; non vnius tamen, sed diversorum, sunt mali: utpote naturis distinctissimi.

7. Adde, quod nec Spirituum tantum hæc ratio habenda sit, sed locorum etiam. Loca quædam diximus esse propter homines infesta; quæ per se infesta non sunt. In his purgandis, non tam Spirituum, qui infestant; quàm hominum, propter quos infestant, ratio habenda est. Sunt alia infesta per se: hic fortè locorum etiam ratio habenda.

8. Ergo ut materiam rerum dicendarum ad certa Capita reuocemus; duo modi distinguendi sunt, quibus loca expurgari possunt. Vnus est, qui ad loca propter homines infesta pertinet: alter, quo loca per se infesta liberantur.

9. Posterior hic rursus duplex est. Nam vel constat nobis de Spirituum conditione: vel illa nos latet. Rursus, cum constat, alius modus est qui servit malis Spiritibus proscribendis; alius qui pellendis & ablegandis bonis. Posterior hic dinidi non debet: quoniam

vna

vna omnium Spirituum bonorum, de quibus nostra Disputatio, est conditio; vnus finis, idem propositum. Prior pro ratione Spirituum (malorum enim Spirituum quidam humani sunt, quidam Dæmones) rursus diuiditur.

Quinq; igitur modi explicandi, & excutiendi sunt; ex quibus tres seruiunt Spiritibus notis ex per se infestis locis proscribendis: duo præscribendis Spiritibus aut ignotis, aut qui certos homines persequuntur.

10.

Et primus erit, quo Dæmonibus molestantibus occurratur. Secundus, quo à molestia purgandorum Spirituum contingit liberari. Tertius, quo pugnatur contra damnatorum hominum Spiritus. Quartus, quo agitur cum Spectris, de quorum conditione, qualia nam sint, nobis non constat. Quintus, quo subuenitur hominibus, qui se sequentes & persequentes patiuntur Spiritus. Hi modi omnes explicandi: si prius quosdam falsos inanes & perniciosos reiecerimus.

11.


NOTATIO.

E Alsi modi, quos reijcendos diximus, prius, quàm veros & bonos proponamus, atq; probemus, duplicis sunt generis. Quidam videntur seruire omnibus Spiritibus, Spirituumq; vexationibus tollendis: quidam certis tantum, hominum videlicet. Priores illi quinq; sunt: sicq; indigitari possunt. Oratio aduersa, externa arma, ignis ardens, incensum lumen, & obserata fores. Posteriores sunt quatuor, quorum duo tantum Dæmonum infestationibus obstaculo esse dicuntur: Sanguis scilicet innocentium effusus, & suffimenta quadam duo prohibere redditum & molestias Spirituum humanorum, videlicet sepultura corporum eorundem sub foco: & tactus certus fabarum. In vniuersum igitur sunt octo. A priorum primo faciamus initium, oratione inquam aduersa.

DE LOCIS INFESTIS
 SEQUUNTUR QVINQUE .FALSI MODI
 quibus existimantur loca purgari, à quorumcunq;
 Spirituum molestia,

C A P. LVI.

An blasphemijs, conuitijs, atque diris imprecationibus, loca à Spirituum infestationibus liberentur.

1.  Abent quidam hanc consuetudinem, vt si quando infestantes Spiritus patiuntur, à quorum molestia liberari volunt: ad blasphemias confugiant, & imprecationes; dirisque omnibus Spiritus deuoeant. Et quia mox à molestia liberantur; hanc certissimam, & indubitatam volunt esse rationem: quã, si non semper loca liberantur, certò tamen Spiritus profligentur, & ne hominibus molesti sint, prohibeantur.

Vnus hæc Apolonius Thyaneus, vt in Vita eius scribit Philostratus li. 2. ca. 2. Ipse enim Caucasum cum Damide & socijs transeunti, Lamia, inquit, Phantasma occurrit, modò in hanc, modò in aliam figuram se conuertens; quandoque ab occultis repente euanescens. Apolonius autem quidnam id esset agnoscens, grauiusq; & contumeliosis verbis illud increpans, socios, vt idem facerent hortabatur. Id enim contra eiusmodi inuisiones optimum esse medicamentum. Eius dictis cum socij paruissent, stridens Phantasma celeriter, tanquam idolum, aufugit. Ita ille.

Pro hoc facit, quod lib. 9. Decad. 1. de Rebus Oceanicis refert Petrus Martyr, noctu. & sæpissimè in itineribus, præcipueque vijs publicis mortuos occurrere viuís, contra quos si viator intrepidus steterit; dissoluitur Phantasma: si verò pertimescat, illum ita adeundo perterret; vt sæpius eã formidine multi debilitentur ac stupeant. Hoc Martyr.

2. Vtrum hi Deum offendant; quantum item peccatum committant, nostrum non est definire. Quod præsens Disputatio postulat, docemus hanc rationem prorsus inanem esse, & temerariam; propterea, quòd nec exemplo Sanctorum hominum sit probata: nec sacrarum Scripturarum autoritate confirmata: nec ratione vel causã vllã, quæ vel ex conditione huius modi, vel ipsorum Spirituum natura peti potest, asstruatur.

3. Varios modos ad loca à Dæmonum infestatione liberanda san-
 dos ho-

Etos homines adhibuisse, dubium non est. Eorum quosdam superius recensuimus; alios referemus postea: hunc, qui *blasphemijs* constat, & *imprecationibus*, ab aliquo vel usurpatum, vel probatum esse, nec legimus, nec audiuius.

Scriptura variorum meminerunt Spirituum. Eodem modos, quibus profligantur, suggerunt: ubi huius vel meminerint, locus nullus assignari potest: cuius tamen, si in re aliqua, certè in hac Spirituum profligatione, autoritate uti oporteret.

Ea huius modi, quem damnamus, *conditio est*; ut nihil possit in Spiritus. Quid possunt voces asperius prolata? quid voluntas vocem proferentis, & dira imprecantis? Nihil à corporeis rebus patiuntur Spiritus. Voluntas dira imprecantis, imprecatis malum est; non Spiritus, cui imprecatio sit.

Varia (ut diximus) sunt genera Spirituum, qui loca infestant: sed tamen ita affecti, *omnes*, ut vel his recreentur imprecationibus & blasphemijs: vel malè afficiantur, recreantur mali: afficiuntur malè boni. Quòd si igitur boni his pelluntur; cur adhibentur ad *omnes* omnino Spiritus profligandos? etiam malos, qui ex his voluptatem capiunt?

Sed nec modus hic, *per se*, ad bonos Spiritus pellendos valet. Quamuis enim hi dira imprecantibus cedere possunt; non tamen cedere coguntur. Nec in blasphema voce; nec in diris imprecationibus; nec in vlla, quæ ab homine proficiscitur, oratione (nisi alicui diuinitus potestas collata sit, quod hic non est) hæc vis est, ut illos omnino Spiritus profligare & proscribere valeat.

At experientiâ probatum est rationem hanc plurimum valere: Spiritibus silentium esse impositum: loca à molestijs libera reddita. Concedo ad prolatas blasphemias Spiritus siluisse: loca molestijs fuisse liberata: Nego *propter* blasphemias, & imprecationes, aut siluisse Spiritus, aut liberata loca. Aliud siluisse Spiritus, *dum* blasphematur Deus, & ipsi diris deuouentur; aliud propter blasphemias hæc facta esse; blasphemijsque hanc vim, ut Spiritibus silentium imponant, & discessum vrgeant, inesse.

Quòd si vel silent Spiritus; vel molesti esse desinunt ad blasphemias, & imprecationes: non hoc fit; quia illam vim blasphemix habent, & imprecationes; quam Spiritus sustinere nequeant, longè alia sunt rationes, quæ Spiritus hic mouent: & alix quidem bonos, alix malos.

Bonos dua potissimum. Prior est, quòd quemadmodum ipsi Deum offendere non vult; ita ne ab ijs offendatur, desiderent. Quocirca

& diligentissimè cauent, ne vllam ipsi alijs, vel causam, vel occasionem præbeant malè agendi. Altera est, quod ab his blasphemis, & mali precatoribus nullum subsidium sperent; & ob id frustra molesti esse nolint.


11. *At hæ rationes non mouent malos Spiritus.* Non cessant ab infestando; quia voti alicuius compotes fieri nequeunt. Nihil enim petunt. Non cessant; quia nolunt Dei offensam. Hanc maximè expetunt. Cur igitur? quia Dei offensam expetunt, & desiderât. Quærunt omnes modos, & rationes Deum offendendi. Apud blasphemos igitur, atque improbos, & incontinentis linguæ homines, tumultus excitant, locaque infestant; vt ipsos ad blasphemias prouocent, & impellant: maluntq; non molesti esse cum Dei offensa; quàm molesti esse sine Dei offensa, quod egregiè *sine silentio* assequuntur.

12. Vnum tamen hic addo, Conuitia Demonibus, superbissimis Spiritibus, non posse non esse molesta; si tamen cum vera fide, diuinoq; auxilio coniuncta sint. Nam & sancti viri hæc vsurpârunt olim, & quando iam contra Demones pugnatur, plurima congeruntur, quemadmodum docent formulæ Exorcismorum: & ea non præterijisse priorum temporum exorcistas, docet Prudentius contra Symmachum sequentibus:

*Intonat Antistes Domini: Fuge callide Serpens,
Exue te membris, & spiras solue latentes:
Mancipium Christi, fur corruptissimè, vexas.*

C A P. LVII.

An gladijs, lancijs, alijsq; armorum generibus Spiritus profligentur, & loca reddantur ab ipsorum infestatione libera.

1.  Acon quidam nocte præteriens monumentum, cum videret Spectrum, accurrit lanceâ traiecturus: Quò fugis, inquit, anima bis mortua. Ita Plutarchus in Laconicis. Et Aeneæ aduersus Spiritus ferrum tribuit Sibylla apud Virgilium l. 6. Ipso enim ad inferos descendente.

*Sub pedibus mugire solum, & iuga cæpta moueri
Sylvarum: visaq; canes vlulare per vmbra
Aduentante Dea procul ô procul este profani,
Conclamat vates: totoq; abssistite luco.*

*Tuq; inuade viam, vaginaq; eripe ferrum,
Nunc animis opus est Aenea: nunc pectore firmo.*

Sic Vlyſſem cum ſtricto gladio ſedentem, nec vſquam prope ad ſacrum cruorem Vmbras accedere permittendum, quàm Tireſiam audierit, ſcribit Homerus, li. 11. Odyſſæ.

Laconem hunc, Vlyſſem & Aeneam quidem noſtris temporibus imitantur: & ſi gladijs inſtructi ſint atque lanceis, alioque armorum genere, ſe tutos eſſe ab inſultibus & impugnationibus Spirituum arbitrantur: hancq; Spiritus proſtigandi rationem cenſent eſſe expeditiſſimam. Et in Virgilium ſcribit Hortenſius hoc modo: *Multi, inquit, aſſerunt Dæmones ferri aciem reformidare & reipſa compertum eſt. Et noui, quibus hoc ipſum nocturnis horis accidit: ſed cum magna aduerſa valetudinis conſtitutione.* ita Hortenſius.

Vtrum hi ſe in errore verſari intelligant aſſerere difficile eſt: *verſari in grauiſſimo, dubium nullum debet eſſe vero Chriſtiano.* Quamobrè verò? quia impoſſibile, vt Spiritus, quales quales ſint, à gladijs, haſtisq; quid patiantur, niſi vel proſus corporei ſint, vel ſaltem corpora ſibi habeant naturaliter vnita: Hoc porro, ſine grauiſſimo errore, ſentit nemo: quales quales ſint, qui olim id docuerūt. de quibus vide Rodeginum Calium, li. 1. ca. 29.

Proſcripta eſt ex Catholicorum animis ſententia Platonis, qui teſte B. Auguſtino, 8. de ciuitate cap. 14. 15. 16. docet, Dæmones eſſe genere animalia, animo paſſiua, mente rationalia, corpore aërea, tempore aterna. Non audiuntur Tertullianus, libro de Carne Chriſti: & Origenes, lib. 2. Periarchon, cap. 2. & 3. & quicumque aut hos, aut Platonem ſecuti ſunt, ſubſtantiamq; corpoream Spiritibus tribuunt.

Damnati ſunt veteres Philoſophi; quorum 1. de Anima, à textu 20. ad 5. meminit Ariſtoteles, Democritus & Leucippus; qui animas dixerunt eſſe ignes, ex rotundis atomis conſtantes: Empedocles, qui ex quatuor putauit conſtari elementis: Diogenes, qui aërem dixit: Hippon, qui aquam: Critias, qui ſanguinem.

Non corpora ſunt Dæmones; non corpora habent ſibi naturaliter vnita. Non corpora ſunt animæ: non naturaliter ſibi habent aliqua vnita, poſtquam propria ſemel depoſuerunt.

Pro Dæmonibus hic militant Sacræ Literæ, quæ Angelos omnes (quocirca & Dæmones) Spiritus compellant. Quid quòd Dæmon in Euangelio immundus dicatur Spiritus? Lucæ 11.

Conſenſus eſt hic Doctorem, & Patrum Eccleſiæ, præſertim in Oecumenico Concilio Lateranenſi; vbi ſic legimus (habetur Cap.

firmiter, de Summa Trinitate) *unum est vniuersorum principium; Creator omnium inuisibilem & visibilem, Spiritualium & corporalium: qui sua omnipotenti virtute simul ab initio temporis vtramq; de nihilo condidit creaturam; Spiritualem & corporalem, Angelicam videlicet & mundanam, ac deinde humanam, quasi communem, ex Spiritu & corpore constitutam. Hec Concilium. Quibus distinguit naturam corpoream à Spirituali; docetque Spiritualem, non corpoream, esse Angelos; & magis etiam ipso homine Spirituales.*

9. Nec pro hoc argumento desiderantur rationes Si corpora vel habent, vel sunt Angeli; quomodo fieri potuit, vt in vno homine quemadmodum S. Lucas c. 11. refert 666 fuerunt Dæmones? potuitne vnus homo tot corporum esse capax? Rursus; quomodo breuissimo temporis spatio, maxima conficiunt spatia? quemadmodum Iob 1. quidam circuisse dicitur & perambulasse totam terram? Et qui cælos mouent Angeli, si Spiritus non sunt, sed corpora; quibus antris & locis se continent? Præterea, qui in cælo creati, post peccata de cælo deiecti sunt; quomodo sine cæli ruptura ad Inferos penetrârunt? Et qui tanto tempore cælos mouerunt, quomodo non aliquando fatigantur? Hoc de Angelis.

10. Non minoribus præfidijs docetur animas hominum à concretione corporea esse alienissimas. Primò, quæ hic seruiunt Scripturæ, illæ sunt, quæ animas Spiritus vocant. Quot verò sunt illæ? Ecclesiastici 12. dicitur: *Reuertitur puluis in terram suam, vnde exiuit; & Spiritus redibit ad Deum, qui dedit illum.* Et Matth. 10. *Nolite timere eos, qui occidunt corpus; animam autem non possunt occidere.* Et Lucæ 32. *In manus tuas commendo Spiritum meum.* Et Rom. 8. *Spiritus Sanctus reddit testimonium Spiritui nostro.* Et Galat. 5. *Caro concupiscit aduersus Spiritum.*

11. Nec hic communis Ecclesiæ consensus desideratur. Hoc, vt alia omittam, probat Concilium Lateranense, 1285 Patrum, sub Innocentio III. vbi definitur hominem corpore constare & Spiritu. Hic quia corpus contra Spiritum distinguitur; hoc ipso probatur animus esse Spiritus; quia negatur esse corpus.

12. Si rationes pro hoc argumento queruntur, plures reddi possunt. Vnâ nos aut alterâ contenti sumus. Potestne fieri, vt duo sint in eodem loco corpora? At in eodem cum corpore loco & anima. Aut igitur corpus non est corpus, aut animus non est corpus. Præterea, si corpus est anima; nulla profectò extra se posita corpora, qualiacunq; etiam illa fiat intelliget, propterea, quòd, vt Philosophi loquuntur, *intus existens prohibeat extraneum.* Cui verò hoc, vel per somnium in mentem venit?

Quæ cum ita sint: cum nec corpora sint infestantes Spiritus; nec corpora habeant sibi naturaliter vnita; cur nos gladijs atque fustibus, aduersus ipsos, armamus? Non fugit Laconis lanceam Spectrū, quod ex monumentis prodibat. Nec vmbra terrebantur ferro Vlyssis aut Aeneæ. Non gladios hodie fugiunt, qui nos molestant Spiritus. Si fugiunt; fugiunt, quia volunt; non quia fugere coguntur. Atque hos Aeneam eundem aliquando docuit Sibylla: vt ob id prius ironice locuta credatur. Sic enim de hac re Virgilius sexto Aeneid.

Corripit hinc subitâ trepidus formidine ferrum

Aeneas strictamq; aciem venientibus offert.

Et ni docta comes, tenues sine corpore vitas

Admoneat volitare caua sub imagine forma;

Irruat, & frustra ferro diuerberet Vmbra.

Fugiunt igitur

aciem ferri Spiritus; non quia coguntur, sed quia volunt.

Voluntatis autem ipsorum alia atque alia sunt causæ; pro vt alia atq; alia est conditio Spirituum. Propositum est *malis* simulatâ fugâ adducere in errorem. Propositum est *bonis* errorem cauere: ibi subsidium non postulare, vbi subsidij consequendi nulla spes esse videtur.

C A P. LVIII.

An igne incenso, siue in ipsos proiecto ambigantur Spiritus: & loca, quæ infesta reddunt, cogantur deferere.

E Gnem ad Spiritus abigendos & proscribendos plurimum valere, quàmuis (nisi fallor) nullus sit, qui docuerit; ex duobus tamen quis, vt credat, posset induci. Alterum est, quod igne Spiritus omnes, qui molesti sunt torqueantur. Alterum, quod non rebus tantum aduersis; verum etiam aduersarum rerum *signis* terreantur, illaq; detestentur: vt ob hæc credendum sit, vel fugere Spiritus, quod nostro igne crucientur; vel si non cruciantur, ad eius conspectum non subsistere; quod nostro tanquam *signo* infernalis ignis in memoriam veniat.

Hæc confirmant, quæ de S. Ambrosio, vt in eius Vita scribit S. Paulinus. Miserat ad Ambrosium internecandum Dæmones Imperatrix Iustina. Sed frustra. Renunciârunt enim Spiritus Nequam, se nō solum ad ipsum minimè appropinquare potuisse; verum etiam nec ad fores domus, in qua manebat Episcopus, habuisse accessum; propterea,

rea, quòd ignis insuperabilis omne illud ædificium communiret, vt etiam longè positi vrerentur. Hæc Paulinus, teste Cæsare Baronio 4. Annalium Tomo.

3. Adhæc narrat lib. 8. Trip. Hist. cap. 28. Sozomenus, Apelli, viro sancto, cùm faber ferrarius esset, noctuq; ferrum accuderet, in formosissimæ mulieris forma, vt ad libidinem eum prouocaret, Dæmonem apparuisse. Sed illum candens ilicò è fornace ferrum extraxisse, in huiusque faciem impigisse: sicque hunc eiulantem, frementemque, dicto citiùs fugisse.

Possset argumentum hoc illudi; si dicatur; vel verum non esse apud inferos ignem, qui Spiritus torquet: vel ipsos illo igne non verè, ac propriè torqueri; vel certè extra infernum, igne infernali non torqueri.

4. Veruntamen nullum horum dici debet à veritatis studioso, & communioris Doctorum sententiæ amante. *Verus est ignis*, quo torquenter Spiritus: *Verè illo igne torquentur*. Torquentur illo etiam extra communem damnatorum locum existètes, & nobiscum conuersantes.

5. *Verum ignem esse* (vt in Patrum sententijs recensendis molestus non sim) (vel illud non leue est argumentum; quòd eius frequens, & sub proprio ignis nomine, in Scripturis fiat mentio. Marci 9. damnati dicuntur *mittendi in ignem extingubilem*. Ioan. 15. Palmes, qui fructu non fert, *conijcitur in ignem, & ardet*. Apocal. 14. *Ignem & sulphure cruciantur*, qui adorauerunt bestiam. Isaiæ ultimo, preuaricatorum pœna docetur esse ignis, qui non extinguitur. Denique Dominus in tremendo illo iudicio, eos, qui à sinistris eius stabunt, missurus est in ignem; qui paratus est Diabolo, & Angelis eius. Matth. 25.

6. Quòd autè verè miseros torqueat, his ipsis, iam allatis locis doceri potest. *Cruciandos hoc igne & sulphure* docet sanctissimus Ioannes: & *arsuros* Dominus similitudine palmitis. Si verò *paratus est Diabolo, & Angelis eius*; vt ex eo voluptatem capiant, paratus dici potest? illi scilicet, qui ob peccata grauissima grauissimis sunt digni supplicijs? & in ignem, vt puniantur, mittuntur? *Miris*, inquit B. Augustinus, 20. de Ciuit. capit. 10. *sed tamen veris modis pœna ignis corporei affligit Spiritus*.

7. An verò in inferno tantum hoc igne torquentur? Torquentur; veruntamen non tantum Suum semper ignem secum circumferunt miseri Spiritus; quia semper sunt miseri; etiam dum extra infernum existunt: quemadmodum qui beati, vbicunq; etiam sint, beati sunt.

PARS TERTIA

193

Hæc cum ita sint, quidni nostro igne fugantur Spiritus? Fortè infernalis torquet; noster non torquet? quam ob causam? Alterius forsitan rationis est infernalis, alterius noster? Alterius rationis non est, & vt esset: in Spiritus saltem aliquid poterit, si non quantum infernalis, poterit.

8.

Fortè nostro igne torquentur Spiritus; sed tamen fugere nolunt. At mirum est, fugere nolle; qui non fugiendo graues patiuntur cruciatus; quos fugiendo possunt euadere. Fortè malum, quod ignis affert, tantum non est, vr delectationem, quam ex hominum molestia capiunt, ei velint postponere. At quæ & quibus de causis tanta delectatio?

9.

Videntur hæ aliquid probabilitatis habere, & pro igne aduersus Spiritus pugnare; veruntamen veritatis habent nihil, *igne nostro, quantumcunq; maximo, Spiritus non abiguntur.* quia nec ignis noster quicquam agit in Spiritus: nec ipsi ignem, tanquam *signum* infernalium poenarum, exhorrescunt.

10

Nullis pro huius assertione præfidijs alijs opus est, quàm quibus hætenus demonstratum est, nihil Spiritus pati à blasphemis orationibus: à gladijs & lanceis. Quemadmodum hæc omnia nihil possunt in Spiritus; quod Spiritibus multo sunt inferiores virtutis & conditionis; ita nihil ob eandem causam potest in Spiritus Elementum ignis.

11.

Neque huius ratio est, quòd alterius rationis sit *ille*, alterius *noster*. Siue alterius rationis sit, siue non sit; aliquid ipsum posse in Spiritus negari non debet; si *per se* plurimum in Spiritus potest infernalis ignis.

12.

Causa, cur in Spiritus nihil possit *noster*; possit autem *infernalis*, est; quòd hunc Deus velit esse instrumentum diuinæ iustitiæ; *noster* non velit: ab illo velit Spiritus affligi & pati, ab hoc non velit. Vt hîc simile quid eius sit, quod in Sacramento Baptismi accidit, vbi aqua ad remissionem valet peccatorum, *uia* vel alius liquor non valet.

13.

Habet hoc Deus Opt. Max. vt quemadmodum, cum rerum conditione corporalia administrat per spiritualia; ita, præter rerum conditionem, agat in spiritualia per corporalia quæcunq; ille expedire iudicauerit.

14.

Non igitur fugiunt ignem idcirco Spiritus, quòd igne torqueantur. An fortè ipso, tanquam *signo*, terrentur? idcirco fugiunt aut detestantur; quia infernalem, cuius signum est, ad memoriam reuocat? Nec hoc dici debet. Neque enim quæcunque rerum inuisarum

15.

signa, quocunq; modo, sunt; inuisa sunt; sed quæ ex se hoc habent, vt signa sint: quod *noster* ignis non habet. Timent Dæmones Crucem; non lanceam, quâ Christi pectus transfixum; attamen vt Crux, ita lancea, Christi Domini, Dæmonum hostis signum quoddam est: sed per se signum Crux est, lancea non est. Ita ignis *noster* per se infernalis ignis signum, aut imago non est; quemadmodum nec hominis homo imago, aut signum propriè.

C A P. LIX.

An accenso lumine fugentur Spiritus, & ab ipsorum infestatione liberentur infesta loca.

1. **Q**uemadmodum superius diximus, quosdam se gladijs & lanceis aduersus Spiritus munire, ita alij sunt, qui si noctis tenebras lumine depellant, nihil sibi à Spiritibus metuant; & omnia; ab ipsorum infestatione, tuta censent esse loca.
2. Horum inde profecta opinio, quòd obseruârint, vt plurimum noctibus molestos esse Spiritus; quando tenebræ occupant omnia; interdiu verò vel nunquam, vel rarissimè; & tunc quidem breuissimo tempore obseruentur.
3. Tenebras autem amare Spiritus, & lucem fugere, ex eo sibi persuadent; quòd damnatorum ferè sint, qui apparent: qui cum malè faciant semper, & benè nunquam; lucem oderunt. quoniam, vt ait Dominus: *Qui malè agit, odit lucem.* Ioan. 3.
4. Qui ita Philosophantur, quâuis veritatem non per omnia assequantur; in multis tamen non omnino à veritate aberrant, quæ vbi iudicauerimus, quod Caput est controuersię declarabimus.
5. Primùm, non errant in hoc, quòd credant eos, *qui malè agunt odisse lucem.* Domini hæc oratio est. Pro ipsius confirmatione dici possunt multa. Sed in re clara multis opus non est.
6. Deinde, nec in hoc errant, quòd censent *frequentius nocturnis, quàm diurnis temporibus ad homines redire*, eosdemq; molestare, Spiritus. Res ita prorsus se habet, & eius nos, aliàs, causas dedimus plures. Vide Caput 18. huius Disput.
7. Tertiò, nec error est, quòd doceant *damnatorum Spiritus benè agere nihil*; omnia agere nequitur. Et hoc, quia alias demonstratum est, hîc repeti non debet. Vide 40. Caput.
8. At quòd ex his vniuersalem legem faciunt, & concludi volunt,

Spi-

Spiritus omnes lucem fugere, & querere tenebras, probari non debet. Nam neque omnes Spiritus malè agunt: neque si malè agerent, necessario adhuc fugerent lucem, & sectarentur tenebras.

Quot nos exempla protulimus Spirituum, qui interditi, etiam in frequentissima hominum turba, molesti fuerunt? Neque ita tantum ex eorum fuerunt numero; qui Deo erant grati; & quas contraxerunt in corpore maculas, supplicij, quæ patiuntur sustinent, deposuerunt; verum etiam ex genere damnatorum; qui, si aliqui, lucem fugere debuerunt.

Nec omnes Spiritus malè agunt; ut hoc nomine lucem fugere dici debeat. Purgandi siquidem, qui frequenter rebus viventium interfunt, tantum abest, ut malè agant; ut etiam vix malè agere posse videantur & Deum offendere. Dictum est hoc sepius.

Et ut malè agant omnes; non tamen necesse est ut lucem fugiant. Nonne reperiuntur, qui gaudent cum malefecerint, & exultant in rebus pessimis? Prouerb. 2. qui peccatum suum, ut Sodoma pradicant? Isa. 3. quibus frons est meretrici? qui erubescere nesciunt? Ierem 6.

Quid igitur, dicet aliquis, Dominus eos dicit odisse lucem qui malè agunt? Respondeo ad Spiritus (de quibus nobis sermo est) parum hoc facere. De hominibus loquitur Dominus. Sed nec omnes omnino homines Dominus Complexus est: sed eos tantum, qui nondum cum peccato foedus pepigerunt: necdum verecundiam deposuerunt; timorem repudiârunt. Denique quid ut plurimum accidere soleat, significauit Dominus.

C A P. LX.

An obseratis ostijs, & benè munitis ianuis, quibus ad locum aliquem accessus patet, à molestia Spirituum contingat liberari loci incolæ,

Num quæstione propositâ quæritur, sed tale, ut eius resolutio sine multorum definitione, absoluta & perfecta esse nequeat. Nam & definiendum hic est, Vtrum ab omnibus molestijs Spirituum sint liberi, qui obseratis ostijs ipsorum ad se ingressum prohibere conantur: & Vtrum si non ab omnibus, saltem à pluribus & quibusdam certis: & Vtrum aliquando accidat, ut hac ratione omnis aditus Spiritus sit interclusus, & ad homines accessus nullus pateat.

2. Et initio quidem certum est, *non omnes molestias hac ratione esse sublatas*. Nam cum molestiarum genera plura sint, quemadmodum superius, Capite 19. dictum est; & quædam percipiuntur visu, quædam auditu, quædam tactu; si ostia obserata prohibent, ne se oculis viuentium offerant Spiritus, verberaque infligant, aut alio modo tactum afficiant; certè non prohibent; quin, excitatis forinsecus tumultibus, graues esse possint, atque molestias asferre illas, quæ auribus percipiuntur. Aliquando cubiculi sui fores obserauit firmâ serâ Alexander ab Alexandro, quemadmodum ipse testatur l. 5. Genialium dierum, ca. 2. sed quas non videbat, audiebat horribiles Species foris tumultuari, & cubiculi fores manibus pulsare.
3. Sit illa ratio illorum, quæ visu percipiuntur; vt directè simulachra sua ad oculos transmittant, & interpositis opacis corporibus sensum afficere prohibeantur: postulet hoc sensus tactus, vt coniunctus esse debeat ijs, à quibus mouetur, obiectus sonorum & tumultuum, qui aures diuerberant, alia conditio est. Non directè suas ad res species diffundunt: nec tantam cum sensu, quantam quæ sub tactum cadunt, postulant coniunctionem.
4. Ab omnibus igitur molestijs securi non sunt viuentes, qui se includunt, & Spiritibus ad se aditum præcludunt. An à pluribus? Huius definitio ex *conditione* Spirituum, qui molestant, petenda videtur: qui vel in assumptis corporibus nos aggrediuntur; vel solum sensibus nostris absq; corporum assumptorum adminiculo illudunt, molestique sunt.
5. Si corpora secum non circumferant Spiritus; *quid iuuabit contra eosdem se obseratis ostijs munire?* Spirituum ea est conditio, vt nullo corporum obiectu arceantur. Penetrare valent, quæcunq; densissima; quæcunque durissima, absque vel corporum, vel propria sua ipsorum Spirituum læsione.
6. Quid si corpora circumferant? Vel aliunde hæc sunt assumpta, atque solida, firmaque; vel ex aëre, aliaque fluente materia, ipsorum industriâ, compacta; & non solida. Posteriora hæc, vt subito component, ita mox possunt dissoluere, rursusq; quando libuerit, componere. Quocirca *nec hic secura libertas est*: ne quicquam possunt aut ostia conclusa, aut munitæ ianuæ, quin vel in iisdem corporibus se intus exhibeant, quibus foris molesti fuerunt; vel intus ex aëre sibi alia fugant; & molestias asferant.
7. Quod dicimus suo exemplo didicit, cuius superius meminimus, Alexander ijs in ædibus, quæ assiduis Vmbrarum illusionibus, & tetricis Imaginibus, singulis propemodum noctibus, inquietabantur.

Post

PARS TERTIA.

197

Post alias enim, quas sustinuerat recensitas molestias, sic subiungit. Non omitam, inquit, miraculum ingens, quod mihi planè vigilantibus, maiore aliquando trepidatione, haud multò post, euenit. Nam cum tenebris obortis, cubiculi fores obserâsem firmâ serâ; iaceremq; in lectulo, nullâ adhuc quiete compositâ, lumine accenso, horribilem illam Speciem foris iam tumultuari, & cubiculi forem manibus pulsare sentiebam. Nec multò post Simulachrum illud opertis, addictisq; foribus (vix credibile dictu) per commissuras & rimas in cubiculum se intromisit: quod sub lectulo meo iacens, cum Marcus, alumnus & cliens meus (utpote qui è conspectu cubabat) dirâ & tetrâ facie aspiceret, pauore subitò consternatus, luctu & gemitu omnia opplebat, ipsamque intromissam non sine formidine, clamabat: idque mihi cum clausum cubiculi ostium afficerem, vix credibile videretur; interim dirum illud Simulachrum, quod sub lectulo iacebat meo, manum & brachium portendere, lumenq; quod iuxta aderat, extinguere, vidimus: quo extincto, libellos meos, & quicquid rerum erat, querulâ voce misceri, ac omnia euertere non destitit. Ita Alex.

Porro si aliunde assumpta sunt corpora, atque solida; dubium est, Vtrum ad inclusos homines penetrare Spiritus tum valeant, molestiamque in similibus corporibus afferre. Et quidam quidem nullâ id ratioe fieri contendunt: quidam admittunt, veruntamen non Spirituum vi, sed diuiniore aliquâ virtute & potestate. Nos, quod res est, quatuor Afferis concludimus.

Primû sit, corporibus qualibuscunq; assumptis non prohiberi Spiritus, cur minus molesti esse vaeant. Quânuis enim corpora aliquando impediunt, ne ad quosuis accessus pateat, quia tamen illa pro voluntate possunt deponere, si molesti esse volunt, corpora deferent, atque molesti erunt, quacunque libebit ratione.

Alierum est, omnino esse verisimile nunquam Spiritus, qui apparent, molestiasq; hominibus; in assumptis corporibus; efferunt, ita suis obiecta sibi corpora penetrare, quemadmodum & possunt, & penetrant, quando à corporibus sunt expediti. Penetratio hæc res prodigiosa est. Deique postulat omnipotentem manum. Quid verò opus prodigijs atq; miraculis in hac Spirituum infestatione?

Tertium est, nec illas Spirituum, quorumcunq; vires; ut possunt in assumptis corporibus obiecta corpora penetrare: quânuis penetrare desiderant, Vt in eodem loco duo corpora reperiantur, quantitas corporum diuersorum non permittit: quocirca quamdiu diuersa duorum corporum manebit quantitas; diuersa etiam illa loca postulabunt. Hoc leges naturæ inquirunt.

12. Diuinæ tamen virtuti hîc nullas leges volumus esse positas. Atque hoc quartum sit nostrum Assertum: Illa quemadmodum vnum in diuersis locis; ita diuersa corpora vno in loco constitui posse, non dubitamus; quicumque in rebus Christianis educati & instituti sumus.
13. Quidni fieri posset, quod identidem factum? Factum in Christi Natiuitate; quando integris Virginis claustris ille in hunc mundum penetravit? Factum in eiusdem Resurrectione; quando corpus egressum è sepulchro clauso? Factum mox à Resurrectione; quando ad Apostolos ingressus est clausis ianuis? Factum in Ascensione; quando vsque ad extremum penetrauit cælum?
14. Atque hæc breuiter à nobis asserta sunt, alium alia locum postulant; si pro dignitate essent explicanda. Quod nos hoc Capite conclusum volumus, illud est, *i anuis obseratis, conclusisq; & pessulo obductis foribus, contra Spirituum infestationes, tutos atque securos non esse inclusos mortales.*

SEQUUNTUR DVO FALSI MODI,
quibus existimantur loca purgari, à molestia
Spirituum Dæmoniorum.

C A P. LXI.

An effuso innocentium sanguine licitum sit vexationes & molestias Dæmonum, quas certis locis afferunt, redimere,

1. **Q** Vinque præcedentibus Capitibus rationes illas discussimus, quibus frustra contra quorumcunq; Spirituum infestationes, se viuentes muniunt. Præter has aliæ quædam sunt, quibus contra certos, Dæmonum scilicet, vel hominum Spiritus quidam pugnant: quæ & ipsæ vires nullas habent. Has deinceps examinemus. Initium ab ijs facimus; quibus contra molestias Dæmonum certatur. Duae illæ potissimæ sunt. Vnius meminit Tostatus Abulensis; alterius Michael Isselt. De hac primum.
2. Docet igitur Isselt, quemadmodum primo Capite retulimus, lacum esse in Liuania: qui plurimum molestijs & infestationibus Dæmonum sit expositus; plurimaque ad vicinos populos damna transmittat. Vt ab his se expediant miseri singulis annis, in eundem innocentium infundunt sanguinem, & de quiete sunt securi.

Hoc

Hoc forsitan confirmat quod historijs proditum est, Tameſiam Italiae urbem aliquando à Spiritu, mirum in modum, vexatam esse; ut de illa deferenda aliquoties cogitarent incolæ: eandem verò esse liberatam; postquam, secundum oraculum Apollinis, Virginem Dijs immolârunt. Hoc Aelianus lib. 8. de varia Histor.

Nunc hîc duo, quæ definiamus, præſens argumentum postulat. Alterum est: An innocentium effusus Sanguis, has vires habeat; ut Dæmonum molestias tollat. Alterum, An si aliâ ratione mortales non valeant, hæc se possint, ab eorundem molestijs expedire.

Prius illud fortè quis credat; persuasus experienciâ, quâ iam multis annis obseruatum est, ad *infusum innocentium, in lacum, sanguinem*, omnes Dæmonum infestationes esse sublatas. Verùm quàmuis experienciâ laud lenè argumentum suppeditet in ijs, quæ ratione atq; intelligentiâ destituta sunt; in ratione tamen vtentibus firmiter argumentum præbere non potest, ut ex ipsa de rerum naturis certum atque indubitatum iudicium feramus.

Ea est conditio illorum, qui ratione atque intelligentiâ pollent; ut quàmuis à sensibilibus rebus affici quodam modo possint; rebus tamen sensibilibus semper maneant superiores: ut ob id si quid per res sensibiles in ijs obseruetur fieri; id non tam sensibilibus virtuti, quàm voluntati eorum, qui ratione vtuntur, sit ascribendum.

Commune recte philosophantium axioma est, *ea quæ inferiorum sunt virium, in res virtute præstantiores posse nihil*. Quàm verò viribus res corporeas vniuersas superant Spiritus? Et quorum virtus omni re corporeâ est superior, rebus corporeis illi poterunt cogi, ut vel loca infestare desinant, vel sedes suas mutant?

Quocirca non hac vis inest effuso innocentium sanguini, ut Spiritus coërceat. Qui molesti sunt antequam sanguis effunditur; molesti esse possunt effuso sanguine. Sunt sanguinis vires magnæ ad Spiritus animantium in corporibus conseruandis: at effusi, quæ possunt esse ad Dæmonum Spiritus aut locis proſcribendos, aut potentiâ reprimendam?

Et innocentium sanguis, cur potiùs has vires hîc habere dicitur, quàm nocentium? An inculpata vita vim aliquam sanguini tribuit? & perditorum hominum mores sanguini officiunt? ut quod hîc non potest, ille possit? Rursus cur hominum potiùs effuso sanguine tolluntur molestiæ; quàm brutorum animalium.

Omninò Dæmonum hæc nequitia est. Nequam, ut grauissimorum criminum miseris mortalibus sint authores, molestias nullas effuso sanguine inferre volunt, quas alioquin possept. Hanc ob causam

causam hominum sanguinem postulant; & hominum innocentium postulant; & contra omnia iura postulant nequissimi nequam.

7. Neque nouum hoc ipsorum est studium. humano sanguine recreantur plurimum sanguinarij, & ab initio mundi homicida, Domingo teste. Ioannis 8. Nonne hoc probant crudelia, quibus mundum propemodum vniuersum dementârunt; sacrificia? ritus impij & barbari? De his in hunc modum Alexander ab Alexandro. *Schito-sauri*, inquit li. 6. Cap. 16. Genialium dierum, pro hostijs Diana aduenas immolabant: Laodicea Palladi virginem: Arcades Ioui Lycaopuerum. Pleriq; iuxta Borysthenem vecordi animo homines victimas dare, & in sacrificijs Deorum humanis osibus odolere solebant. Blommya, Cimbri, Galli, Druida, & Germani statis diebus, humanis litant hostijs, & cruore captiuorum adolent aras; tunc propitiari Deum maximè arbitrati, cum per cruciatum homines excarnificarent; ex pœnis hominum diuinitatem & auguria captantes.

Fuitq; apud Phœnices & Carthaginenses nimium diu seruatum, vt infantes principali honore insignes sorte ductos, in Regio ornatu Saturno immolarent hostias: Et quem fors morti destinârat, morti subtrahere non licebat. quare multorum ciuium largis fletibus deplorata funera fuere. A quibus sacris dam desuissent, postea victi Agathocle, Deos propterea subitatos arbitantes, vt numen placarent, ducentos nobilium filios mactârunt ad aras.

A Rhodjs quoque & Cretensibus factitatum comperimus; vt hominem opulis grauatum, ac pueros impuberes festis diebus Saturno mactarent. In Chio & Salamine mos multa secula viguit; vt Diomedes & Dionysio homines discerptos iugularent. Eiusdem Dionysij templum fuit in Arcadia, in quo puella ad aram disflagellabantur ad necem: sicut Sparta in ara Mercurij, & Orthia Diana pueri.

Quin etiam alij ingenti simulachro viminibus intexto, & viujs hominibus oppleto, ac igne succenso, hominib;q; scdum in modum exanimatis, maximum holocaustum offerri putauerunt. Bojs & Celtis purgato captiui hostis capite, caluariam auro celare, & in eo poculo in solennibus libare, religiosissimum erat.

Proditur Aristomenes Messenius Ioui, quem Ithometem appellant, trecentos simul homines, in quibus Theopondus fuit, vno sacrificio mactasse: & Lacedamonios eo vesania processisse, vt Marti humanâ victimâ litarent, Galata & Massagita non aliter Deos ritè consuli arbitrati sunt, quàm ingulato homine apud aras Deorum, ex cuius casu, tum ex membrorum laniatu & fluxu sanguinis futura diuinabant.

Cimbri

Cimbri noxios homines seruatos, sudibus affixos, Dīs pro hostijs dabant. Galli præter Hefum & Theutam, Mercurium, quos humano cruore placabant, grauioribus morbis, aut periculis affecti, ad placandas Deorum aras, aut homines immolabant, aut se immolatuos vouebant: ad cuius aram etiam grandauios ætate, pro victimis profecabant. Lusitanis vetus mos erat, ex intestinis hominum extra prospicere, atque inde omnia & diuinationes capere, abscisasq; captiuorum dextras pro munere, Dīs offerre.

Thracæ Zamolsem, quem maximum Deum putant, non aliter fieri propitium aestimant, quàm si ad aram facili lancearum ictu homo concideret; eam optimam, & Dīs gratissimam victimam opinati. Germani quoque ritu barbarico, Mercurio humano cruore litare religiosissimum putarunt. Idem fecere Senones: qui, caso publicè homine, infanda sacra statis diebus anni celebrabant, his portentis delicta expiari opinati.

Persis quoque ad habendas Dīs gratias viuentes iuuenes, eosque spirantes, sub terra defodere assuetum fuit: quem morem Græci inoleuisse accepimus, ut in anniuersaria celebritate Baccho viuos homines sacrificent: quique ita fuisset immolatus maximam inter suos probitatis laudem ferebat.

Longum est exequi, qui Taurorum mores fuerint, ut apud aram hominem sisterent, & post solennes preces hominis caput clauo ferirent, illudq; cruci affigerent: truncumq; corpus ex ingenti rupe in præceps darent: quod cum Leucadijs commune fuisse traditur, ut in Apollinis sacro, auertenda Deorum ira, hominum de montis specula deijcerent, & in mare precipitem agerent.

Fuitq; apud Albanos vsurpatum, ut hominem sacris initiatum, qui sanctitate polleret, diu seruatum & opiparè saginatum apud aras sisterent, eumq; furiali carmine excantatum, quibusdam additis præcationibus, cum alijs hostijs immolarent. Et Romani in foro boario, ad placandas Deorum iras, sub terras viuos defodere veriti non fuerunt: licuitq; diu in sacris hominem interimere, & Dīs immolare; aded ut Saturnum & Latialem Iouem humana placarent hostia: cuius simulacrum, dum sacrificarent, humano sanguine proluebant. Hæc Alexander.

Iisdem miserijs Saran populum Dei inuoluit olim, de quo Regius Propheta Psal. 105. Commisti sunt inter Gentes, & didicerunt opera eorum, & seruiuerunt sculptilibus eorum, & factum est illis in scandalum. Et immolauerunt filios suos, & filias suas Daemonijs. Et effunderunt sanguinem innocentem, sanguinem filiorum suorum, & filiarum suarum, quas sacrificauerunt sculptilibus Chanaan. Et infecta est terra in sanguinibus, & contaminata est in operibus eorum. Quid quod & Christianos quosdam de-

mentauit? Fuerunt anno Domini 1273. quidam Flagellantes dicti, qui non nisi effuso humano sanguine Deum placari crediderunt, & docuerunt. Itaque hæc Dæmonis carnificina.

10. Constitutum igitur hoc sit vim sanguini innocentum illam non inesse; vt Dæmonibus vel silentium imponat, vel necessitatem loco cedendi afferat. Sed si certum molestias hæc ratione tolli: & non tolli posse alia; *licebitne securitatem effuso sanguine mercari, & vexationem redimere?*

11. Primum, credi non debet, ad eas aliquando angustias Christianum populum venire posse, vt *aliâ, quàm hæc ratione sibi providere nequeat*. Potest oratione ad Deum facta, qua omnia sunt possibilia: Potest sanctissimæ Crucis signo: Potest exorcismis: Potest alijs, quas sequentibus Capitibus explicabimus, rationibus, se iuuare.

12. Et si alia non posset, *hæc profectò non debet*. Non Dæmonum solum molestiæ sustinendæ; sed aduersa omnia, ipsa quoque præsentissima mors adeunda potius, quàm cum Innocentium sanguinis effusione Spirituum malignorum vexatio redimenda, & multis granibusque de causis.

13. *Prima sit*, quòd nullum amicum obsequium (quemadmodum procul dubio hoc est) Dæmonibus, Dei atque hominum hostibus iuratissimis fideles impendere, aut possint, aut debeant. *Nolo vos socios fieri Dæmonidrum*, inquit Apostolus, 1 Corinth 10.

14. *Altera est*; quòd sine superstitionis crimine hæc non peragatur: in eaque interueniat, si non expressum, profectò tacitum, cum Dæmonibus, pactum; quod ipsum quoque diuinis & humanis legibus Christiano populo seuerissimè interdictum est. *Et quis consensus templo Dei, cum idolis?* 2. Corinth. 6.

15. *Tertia est*, quòd grauissimum hic Innocentium homicidium committatur: quod nec priuata cuiusquam, nec publica Magistratus vilius autoritate aut præcipi potest, aut probari. *Insonem & iustum nõ occides*, dicitur Exod. 23.

C A P. LXII.

An odoribus quibusdam, herbis & suffimentis, Spiritus Dæmoniorum pellantur, & loca ab ipsorum infestatione liberentur.



Eminit doctissimus Theologus, Tostatus Abulensis, in 2. Reg. cap. 16. questione 43. opinionis cuiusdam, quâ creditur suffimentis quibusdam, Spiritus Dæmoniorum fugari. Hæc præterquam, quod peruulgata est, eodem Abulense teste etiam duobus videtur niti fundamentis. Alterum est, quod contrarijs suffimentis iisdem Spiritus alliciantur; & ut certis se locis sistant, prouocentur. Alterum, quod ab Angelo edoctus sit Tobias, fumo cordis atque iecoris piscis cuiusdam, *omne Dæmoniorum genus*, ut Scriptura loquitur (c. 6.) *extricari*.

In Assertionem hac, quamuis quæ ad ipsam stabiliendam afferuntur, falsa omnia non sint; non sunt tamen omnia certa & indubitata: ipsa verò cum veritate subsistere nequaquam potest.

Certum est, ex corde atque iecore excitato fumo fugatos Dæmones. Tobia id habet sacra Historia. Afferuit, qui mentiri non potest, Angelus. probauit effectus siue euentus.

Sed ut hoc certum; *ita incertum*, imò falsum, suffimentis quibusdam Spiritus delectari, allici, ad homines prouocari. Quæ enim illa suffimenta? ex quibus odoriferis rebus? quomodo Spiritus afficiunt? Quali acunque suffimenta sunt; oportet obiecta sint olfactus. at quæ olfactus obiecta, illa quæ talia, non nisi olfactum afficiunt: & per olfactum eos, qui vim olfaciendi habent, alliciunt. An hæc in Spiritibus locum habent?

Si verò nullis suffimentis recreantur Spiritus, *quomodo verum est*, quod Assertio habet, contrarijs fugari & abigi? Nonne eadem contrariorum potentia?

Et hæc ipsa, quibus Spiritus pelli dicuntur suffimenta, nonne olfactus debent esse obiecta? Quomodo igitur à Spiritibus percipiuntur, qui nec olfaciendi virtutem habent, nec habere possunt?

Eandem ob causam, quâ suffimenta atque odores, reijcimus etiam herbas quasdam; quas Dæmoniorum Spiritibus quidam censent esse intolerabiles. In harum numero sunt Artimesia rubea, Barba Iouis, Solsequium, Leuisticus, Isopus, Saluia, Polegium, folia Sambuci, &c. Omnis, quæ his inest, virtus corporea est: omnis quæ quippiam potest in corpora tantum, non in Spiritus potest.

Atque hæc diximus de ijs Spiritibus intelligimus, qui loca infestant. Hi nullis herbis & suffimentis alliciuntur. Hi nullis herbis aut suffimentis proscribuntur. At de ijs, qui humana corpora obsident; non eadem ratio. Possunt his quædam herbæ & suffimenta esse contraria; quæ quàmuis ipsos sedibus suis non pellant:

impediunt tamen, ne quantam vellent, in mortales exerceant tyrannidem.

9. Impediunt verò, non *per se*, & *directè* in Spiritus agendo; sed virtute sibi ingeniâ, corpora, in quibus latent, afficiendo: quâ affecta minus instituto Dæmonum seruiunt: tantumque de Dæmonum vexatione discedit, quantum contrariæ virtutis ipsis affertur.
10. Hæc verò aliena non esse, intelliget; qui attendet, primò, Dæmones sæpè in humanæ vexationis subsidium humores hominum assumere, perq; eos citatos, maiores molestias afferre, deinde meminert herbarum odorumque quorundam eam esse virtutem, vt humores componere, reficere, & renouare valeant: adeoque mortalibus voluptatem atque lætitiâ conciliare. Quemadmodum igitur agentia tanto minus in subiecta possunt; quanto plura sunt, quæ ijs resistunt; ita tanto minus per humores in homines possunt Dæmones, quanto maior in humores contraria ipsorum instituto, per herbas & odora menta allata virtus est.
11. Quocirca non malè dictum est à D. Hieronymo (quemadmodum Hieronymum citant Burchardus, Iuo, & Gratianus. 26. q. 7.) *Dæmonium sustinentibus licet herbas habere sine incantatione.* Vide item Albertum magnum, super 9. Lucæ, & Lyræ, atque Paulum Burdegalem in 1 Reg. 16.
12. Ex dictis intelligimus non statim *superstitionis* damnandos esse Exorcismos, in quibus *herba* etiam assumuntur. quoniam quàmuis *per se* ad Dæmonum proscriptionem non faciant: vires tamen eorum in corporibus impediunt. Quando verò ad easdem herbas *Benedictio* accedit, fit, vt ex duplici causa contra Dæmones valeat: virtute, inquam, sibi ingeniâ; & sanctificatione per verbum Dei factâ.
13. Quod diximus de herbis: de *lapidibus* quoque dictum volumus. Neq; enim minor quibusdam virtus inest, quàm ipsis herbis. Quocirca & idem Hieronymus, teste Gratiano, non herbas tantum, sed petras quoque, sine incantationis crimine permisit Dæmonium sustinentibus. ibidem 26. q. 7.
14. Idem iudicium est de certis quibusdam *animalibus*, seu ipsorum *carnibus*; siue in cibum sumuntur, siue corporibus Obsessorum adhibeantur: vt ob id non errare dicendi sint, qui in Energumenorum curatione, operam Medicorum docent requirendam.
15. Idem de *Musico concentu*, & Musicorum instrumentorum melodia cum Boetio, in suo, de Musica, libro dicimus. Quocirca quàmuis,

uis, alijs atque alijs causis, alij atque alij tribuerint, quòd pulsante ci-
tharam Dauide, meliùs habuerit Saul, non iudicamus tamen in er-
rore versari eos, qui concentui magnam partem eiusdem requiei
concedant.

Hæc igitur atque his similia, quæ diximus, Dæmonum studia 16.
impediunt; atq; efficiunt: ne quantâ desiderant; Obsessorum corpo-
ribus molestiam afferant; sed tamen Dæmones sedibus suis, id est,
humanis corporibus non pellunt; propterea, quod in Spiritus hæc
non agant; sed Spirituum operationes retardent: & retardent eosdẽ
non in se, sed suis instrumentis. cum quo consistit, vt & alijs rationibus
Spiritus molesti esse possint miseris mortalibus; & si nec hoc detur,
possint in corporibus latere, quàmuis nullâ molestiâ corpora affi-
ciant. Idem docent Soarez Tom. 3. Disput. 15, Sectione 4. Abulen-
sis in Caput 16 2. Regum & alij plerique.

SEQVUNTUR DVO FALSI MODI,
quibus existimantur loca purgari, à molestia
spirituum humanorum.

C A P. LXIII.

*An Spiritus defunctorum hominum prohibeantur
ad viuos redire, si ipsorum cadauera sub
foco sepeliantur.*

R Eiecimus duos modos, quibus contra Dæmonum infe-
stationes quidam se muniunt: duo restant examinandi, qui-
bus ab humanorum Spirituum molestia, libertas exspe-
ctatur. Posterior sequenti, prior est hoc Capite discuti-
endus. Is Philapporum est, hi cadaueribus defunctorum sub foco de-
fossis, ipsorum ad viuos reditum, & quas afferre solent molestias,
prohiberi credunt: quemadmodum Capite primo ex Beucero an-
notauimus. Verùm *benè ne credunt?* Christianisq; hominibus *licet-
ne* hoc modo contra defunctorum Spiritus pugnare? Res sic se ha-
bet.

Primum, *hac ratione nullum emolumētum ad defunctorum Spiritus ac-
cedit.* Nam si perpetuis supplicijs ob peccata sua sunt destinati; quẽ-
admodum ex nulla re alia; ita neque ex hac subsidium aliquod ca-
piunt: Quod si de salute sua sunt certi, ob defectus tamen quosdam
expiandi, priusquam aditus ad cælorum regna pateat; & ipsi intelli-
gunt frustra hæc fieri, & idem intelligunt viuentes, qui à sanctissi-
mis

mis Augustino atq; Gregorio instituti sunt de subsidijs: quibus defunctorum Spiritus iuuantur.

3. *Sic nec detrimentum ex hac sepultura capiunt defunctorum Spiritus.* Neque enim eos, qui piè in Christo defuncti sunt, retardat, cur minus à pœnis, quibus expiantur, eripiantur. Neque gravioribus supplicijs illos implicat, quibus omnis spes salutis est adempta. Nullis defunctorum Spiritibus incommodare possunt viuentes. Aliquibus possunt prodesse.
4. Rursus sepultura hæc compedes non iniicit defunctis, *ne ad viuos redire valeant.* Defossa continentur sub foco cadauera ne erumpant, & viuentes terreant: Spiritus à corporibus liberi, nisi aliunde ipsis, ne redeant, necessitas afferatur, cur redire nequeunt?
5. *Quid quod iniuria quadam defunctis hic inferri videatur?* Omnibus quidem, quod honesta & Christiana ipsis sepultura negetur, quam meritò vniuersi possunt postulare; Certis verò aliquibus, piè, inquam, in Christo defunctis, quod ne viuentium petant suffragia, prohibeantur.
6. *Nec sine superstitionis crimine hie sunt viuentes,* qui defunctorum corpora sub foco recondunt. *Quid quæso, ne ad viuos aliquando Spiritus redeant,* faciunt eorum sub foco defossa corpora? An forsitan vim hanc focus habet; vt si defunctorum corpora possideat, mox Spiritibus lex posita sit, ne loco se mouere valeant? Annon hoc focus habet, sed Spirituum illa est conditio; vt postquam è corporibus egressi, si ipsorum sub foco concludantur corpora, ipsi certo loco debeant esse affixi? An fortè, si nec hoc est, nec illud, ita Deus constituit; vt quam primum sub foco continentur corpora; omnis ad viuos redeundi Spiritus sit sublata libertas?
7. *Non vim hanc habet focus, vt facultatem Spiritibus redeundi adimat.* Neque enim per se hoc ipse locus efficit; neque ignis, qui loco fouetur & continetur; neque quicquam, quod cum foco coniunctum est. Possunt hæc longissimo interuallo à Spiritibus distare, vt ob id in Spiritus valeant nihil. & quamuis distarent nihil; Spirituum tamen ipsa, quia corpora sunt, non possunt afficere.
8. *Nec Spirituum est illa conditio, vt loca reuifere atq; molestare nolint, quorum cadauera focus continet.* Si enim redire nolunt, id vel ratione detrimenti fiet, quod timent incurrere, si redeant. atqui nullum ipsis potest afferri: vel emolumenti, quod suo reditu metuant amittere. Sed nullum est, quo priuari vllâ ratione possunt.
9. *Dei fortè lege prohibentur? At quæ illa? quibus reuelata? quo tempore?*

ore? ubi locorum? Et quas ob causas hâc ratione Deus Spiritibus editum voluit esse interdictum? Hæc nisi proferantur; dici potest, *lege Dei* Spiritibus reditum prohibitum, probari non potest; nec debet credi.

Experientiâ, dicet aliquis, edocti sunt Philappi hanc sepulturam focalem prohibere Spirituum molestias. Quid si negetur illam exceptione carere? Sed neque si exceptionem nullam admittat, Christiano homini probari debet. Multa quotidianâ experiētiâ fieri observamus; quæ damnant docti & pii: quæ non Deum, sed Dæmonē habent authorem, quid si ex horum genere sit hæc defunctorum sepultura?

Et est profectò quod vehementer hanc rem, de superstitione, suspectam facere debeat Christiano homini. Cùm enim naturæ viribus reditus hic Spiritibus non prohibeatur: de Dei quoque voluntate nullum argumentum extet; neque Ecclesiæ autoritate probetur: vix alio, quàm superstitionis loco, cum alijs multis habenda est.

Dæmonum igitur ope fieri dixerim, ut plurimum, quod hi defunctorum Spiritus non redeant. Placet ipsis illudi mortalibus, vanis opinionibus: utq; has foueant, ne Spiritus redeant, efficiunt; aut quod verisimilius est, ipsi hominibus in Spirituum humanorum persona molesti esse nolunt. Quid mirum? Luculenta est D. Augustini sententia, li. 2. de doctrina Christiana, cap. 22. & 23. Dæmones seducere homines vanitati deditos, rebus vanis. Affectant versipelles Dei similitudinem etiam in hoc: quod quemadmodum Deus operatur effectus gratiæ, meditantibus Sacramentis sensibilibus, non tanquam causis, suapte natura sufficientibus; sed tanquam signis effectuum: ita ipsi quædam efficiant adhibentibus hominibus media, quæ reuerâ ad ipsos effectus nihil conferunt; quibus proinde vtuntur tanquam effectuum quibusdam signis.

Hinc iam manifestum est & Philappos in grani errore versari, quando hâc ratione Spirituum infestationibus obuiant: & Christi fidelibus hoc pugnæ & armorum genere, contra Spirituum molestias, pugnandum non esse. *Nolo vos socios fieri Dæmoniorum, inquit Apostolus 1. Corinth. 10. Quæ enim participatio iustitiæ cum iniquitate? aut quæ societas luci cū tenebris? quæ conuentio Christi cum Belial? quis consensus templo Dei cum idolis? 2. Corinth. 6.*

CAP. LXIV.

*An iactus fabarum nigrarum, contra molestas Spirituum defunctorum olim profuerit, iam-
que Christiano populo permitti
possit.*

- I. **A**lter modus, quo contra defunctorum Spiritus semunierunt quidam, olim, apud Romanos maximè, in usu fuit, & Lemuralium sacrorum nomine est celebratus. De quo breuiter Alexander ab Alexandro lib. 3. Genialium dierum, cap. 12. In Lemuralibus fabam noctu iacere usurpatum est; Lemures se ex domo eijcere clamantes: quam nigram esse conuenit; ipsamq; lotis manibus & pede nudo, per ora versare, & post terga reijcere, arisq; tinnitum facere: vique Lemures, fabis redempti, domo abirent nouies orare, idq; Maio mense, tribus vicibus fieri, donec, solutis religione animis, Manes expiatis ducerent. Ita Alexander, Sed eadem Ouidius longè ante ipsum his versibus; Fastorum:

Ritus erat veteris nocturna Lemuria sacri,
Inferias tacitis Manibus illa dabunt.
Annus erat breuior, nec adhuc pia Februa nôrant,
Nec tu dux mensum Iane biformis eras.
Iam tamen extincto cineri sua dona ferebant,
Compositiq; nepos busta piabat aui.
Mensis erat Maius maiorum nomine dictus,
Qui partem prisca, nunc quoq; moris habet.
Nox ubi iam media est, somnoq; silentia prabet,
Et canis, & varia conticuisse aues.
Ille memor veteris ritus, timidusq; Deorum,
Surgit, habent gemini vincula nulla pedes.
Signaq; dat digitis medio cum pollice iunctis,
Occurrat tacito ne leuis Umbra sibi.
Cumq; manus pura fontana perluit vnda,
Vertitur & nigras accipit ore fabas.
Aversusq; iacit, sed dum iacit: Hac ego mitto.
Hic, inquit, redimo, meq; meosq; fabis.
Hac nouies dicit; nec respicit: Umbra putatur,
Colligere, & nullo terga vidente sequi.
Rursus aquam tangit, Temesaq; concrepat ara,

Et rogat, vt tectis exeat Umbra suis,
Cum dixit nouies; Manes exite paterni:

Respicit, & purè sacra peracta putat.

Fabarum vsus varius fuit apud priscos; sed qui cum *superstitione* 2.
coniunctus fuit, aut nullus prorsus, aut cum *maiore* nullus, quàm
qui in Spiritibus proscribendis observatus fuit.

Et *unum* quidem, quem damnare nemo potest, habuerunt à 3.
Deo Opt. Max. cuius Sacrae literæ, secundo meminerunt (2. Reg.
17. & Ezech. 4. Hoc in hominum cibum cedunt: de quo sic Plinius
Naturalis historiæ, lib. 18. cap. 12. *Faba*, inquit, *multiplex est vsus om-*
nium quadrupedum generi, præcipuè homini, frumento etiam miscetur apud
plerasq; gentes, & maximè panico solida & delicatius fracta. Et quia hebe-
tare sensus existimatur, atq; insomnia facere, Pythagorica sententia dam-
natur: vnde illud. A fabis abstinet. Quàmuis aliq; aliam huius velint cau-
sam.

Alium habuerunt ex hominum instituto. Nam loco *calculorum* 4.
seruiebant in suffragijs. Quemadmodum enim olim Germani concilio
coacti, si quid; quod minus placeret & propositum fuisset,
murmurare & fremitu dissentire, & sententiam aspernari: si verò
quid complacitum fuisset, frameas & tela concutere, sonoque ar-
morum & tripudijs se approbare significabant, teste Alexandro ab
Alexandro lib. 4. Genialium dierum, cap. 11. ita Græcis & quibus-
dam Gentibus suffragia *fabis* dabantur. *Vsus hic ex se sine crimine*
est, & reprehensione vacat.

Tertius illarum vsus fuit ex hominum quidem instituto, sed ta- 5.
men suggestione Diaboli, & cum graui superstitione coniunctus.
Atque hic varius est. Nunc enim ad sacrificium referri solebant do-
mum, à segete: & dicebantur, teste Festo; *refrina*, atque ex ipsis fa-
cta puls, quæ Dijs offerebatur, dicta à veteribus *fabacia*. Nunc in
Auctionibus adhibebatur, & per ipsas concipiebatur spes maioris
lucri. Græcis quoque earum vsus seruiebat ad iudicium. Nam alba
apud ipsos in fortibus auspicata fuit, & boni euentus: nigra mali,
eodem Alexandro teste, lib. 3. ca. 5.

Ad hunc tertium superstitiosum ipsarum vsum referendus 6.
ille, quo ad Spiritus domibus proscribendos adhibeantur: *sed ta-*
men superstitionum magnitudine & multitudine reliquos hic superare vide-
tur; ad rem nihil pertinere. Quid enim ad fugandos Spiritus pro-
iecta post tergum faba? & faba nigra? & in ore aliquoties prius ver-
sa? & ab eo proiecta, cuius lotæ manus; & pedes nudi? & cum æris

tinnitu proiecta? & cum nouies, vt Spiritus domum deserant, repetita precatatione?

7. Quia verò modus hic superstitionis plenissimus est, idcirco Christianis hominibus, quibus omnis cum Dæmonibus communicatio prohibetur, est interdictus. *nec potest aut honestatis vllò colore, aut necessitate aliqua urgente permitti, vel usurpari.* Interdictus quoque est infidelibus, vt nec iam sine crimine sint, si fabarum iactu domibus Spiritus pellant; nec olim peccato caruerint; quando pepulerunt. Si à crimine aliqui, soli potuerunt illi esse, quos ignorantia excusauit.
8. Cæterum, quia post *fabarum iactum* Spiritus defunctorum uiuentibus, vt plurimum, molesti esse desierunt, apud supersticiosas gentes; non immeritò quæritur, Vtrum hac re vel Spiritus seruitum sit; vt ob id molesti esse noluerint; vel ipsis imposita necessitas: vt non potuerint esse molesti: & si horum neutrum, quas ob causas, post *fabarum sacra* Spirituum cessauit molestia. Quid igitur dicendum.
9. *Non seruitum est defunctorum Spiritibus fabarum iactu.* Quicumque apud Gentes, ex hac vita discesserunt, ad illam alterius vitæ conditionem peruenerunt, in qua nec fabarum vsus, nec quicquam aliud simile, vllum ipsis subsidium, potuit afferre. Desperata omnium fuit salus.
10. Visne igitur illis allata, & discedere coacti? Nec *vis allata, nec coacti discedere.* Qua enim re vis allata? Ipsis ne fabis? An uiuentium oratione discessum imperantium? An ceremonijs cum fabarum iactu coniunctis? An his omnibus? Fabæ Spiritus generant Pythagoricis, non Spiritus pellunt. Viuentes nullum habent in dictos Spiritus imperium. Ceremoniæ erant argumenta superstitionis. Simul omnia grauis idololatria.
11. *Cur igitur cessarunt Spectra?* Non *semper* cessarunt. Spectra quæ Pausaniam Spartanorum Regem vexabant: & quæ Neronem atque Ortonem Romanorum Imperatores sequebantur (de quibus Cap. primo) etiam sexcentis fabis & albis & nigris; etiâ centies, & nō tantum nouies repetita oratione, proscribi non potuissent. Quos Deus ob commissa flagitia, per Spectra & defunctorum hominum Vmbas, terrere, & punire decreuit; illi vtantur quot qualibetue velint fabis, diuinam vindictam non effugient.
12. Molestare interim Spiritus *desisse* post *fabarum sacra profana* persepe, negari non debet. Neque enim frustra hic labor à Gentibus susceptus fuisset. Veruntamen molestare desierunt; quia molestare nolue-

PARS TERTIA.

211

noluerunt; qui molesti esse potuerunt: & non quidem defunctorum hominum Spiritus, nisi forsitan rarius (quamuis defunctorum hominum Spiritus haberentur) sed Spiritus Dæmoniorum, qui voluptatem quandam ex hoc fabarum iactu venabantur, idq; duas potissimum ob causas.

Prima est, quòd Dei creaturis mortales abuterentur: & quas homini ad vtilitatem, & Deo ad gloriam seruire oportebat, illæ in profanos & impios Dæmonum vsus conuerterentur; dum hisce Dæmonibus quædam sacra fiunt, maximo cum Creatoris omnium contemptu. 13.

Altera est, quòd hac ratione etiam impiæ & falsæ in hominum animis vel alerentur, vel inferentur opiniones. Neque enim clam est, persuasum Gentilibus fuisse defunctorum Spiritus in fabas transire, ob quam causam à fabis etiam abstinendum quidam censuerunt, teste Alexandro ab Alexandro, quem superius citauimus. Quæ opinio non potuit non plurimum confirmari, quando miseris persuasum fuit, post nouies repetitam orationem, Spectra, quæ molestare viuentes solent, projectas fabas colligere, quemadmodum Ouidius testatur. 14.

NOTATIO IN SEQUENTIA


Capita.

Refutatis falsis modis, quibus loca à Spirituum infestatione liberari posse videbantur: nunc assignandi & examinandi sunt veri: Et primum illi, quibus loca Per Se infesta purgantur, tum quibus purgantur ea, quæ propter homines leguntur infesta.

Priores duplicis sunt generis, vel enim scitur conditio Spirituum: vel ignoratur. In priori illo tres sunt discutiendi. Primus est, quo Dæmoniorum Spiritus profligantur. Alter, quo ablegantur, & iuuantur boni, siue purgandi. Tertius is, quo contra damnatorum hominum Spiritus pugnatur. de Primo primum.

DE LOCIS INFESTIS
C A P. LXV.

Varios esse modos, quibus loca à Dæmonum infestatione liberantur: & modorum esse varias differentias.

1.  Odi, quibus contra Dæmones belligeratur, varij sunt, sed tamen ad *quinque* præcipuos redigi possunt omnes, quorum vnus in oratione consistit: alter sanctissimæ Crucis vsu nititur: tertius rebus consecratis: quartus Reliquijs: quintus Exorcismo; cum quo coniungimus Inuocationem nominis Christi. Quòd si quidam sunt alij; vel ad hos reuocantur; vel rariùs sunt in vsu. Vt ille, cuius in Vita Simæonis Abbatis, qui Salus dictus est, fit mentio; quo ex vico quodam infesto pulsus est Diabolus cantu tibie; teste Leontio Episcopo Neapoleos, insulæ Cypri. Ille quoque, quo ad præsentiam Sanctorum hominum iidem quandoque in fugam conuersi, quemadmodum *Thesi 9. cap. 27.* dictum est.
2. Magna est inter hos modos, & multiplex *differentia*. *Prima est*, quòd quidam ex his sine sermone non perficiantur; quidam sine eo consistant; quidam solius mentis sint exercitia. Primi generis est Exorcismus; secundi, Res consecratæ, Crux, atque Reliquiæ: tertij, Oratio; quàmuis hæc aliquando vocalis sit.
3. *Hinc altera differentia accipitur*. Quidam enim cooperationem hominis requirunt, quinimò, sine hominis cooperatione non consistunt; ne dicam, quòd hominis sint actio: vt Oratio, Crux, atq; Exorcismus. Quidam, quàmuis aliquando cum cooperatione hominis coniuncti sint, non tamen illam requirunt; vt Res consecratæ; atque Reliquiæ; quas vel suspensas esse locis certis, satis est ad Spiritus abigendos.
4. *Rursus quidam immediatè valent ad profligandos Spiritus; alij minimè*. Oratio non directè ipsos Spiritus petit; sed ad Deum contendit, cuius opera à Spirituum infestatione petimus liberari. At Exorcismus, Crux, Reliquiæ, Res sacræ, ipsos per se impetunt Spiritus.
5. *Quarta differentia est*, quòd quidam *per se* efficaces videantur: alij omnem, quam habent, efficacitatem, aliunde accipiant Huius generis sunt Res consecratæ: quæ, si consecrationem dempseris, à rebus naturalibus nihil differunt: reliqui omnes *ex se* ad Spiritus abigendos valent.

Huic

Huic quinta differentia proxima est. Quidā impetratorij tantū sunt purgationis locorum; non autem per se loca purgant; alij sunt operatorij, vt ita dicam, & per se efficaces. Prioris generis Oratio est, quā à Deo & Sanctis petitur, vt vel hi à Deo obtineant, vel ille præstet libertatem. Posterioris generis sunt reliqui, qui directè ipsos aggrediuntur Spiritus.

Præterea, quidam vnum tantū vsum habent; alij plures. Exorcismus solū locis purgandis seruit, & Spiritibus proscribendis. cæteri, præter hoc, alios habent fines, quemadmodum aliās demonstratum est.


Item quosdam modorum necesse est adhiberi *ipsis locis*, quæ Spiritibus infesta sunt, si Spiritus profligari debeant: quidam alijs quibuscuque possunt: & tamen ad proscribendos Spiritus valent. Oratio vt infestis locis fiat, necesse non est. At si Crux alijs fiat; alijs adhibeantur Exorcismi; alijs suspendantur vel ponantur Reliquiæ & Res consecratæ, quā infestis; parum promoueris.

Sic quosdam expedit *ijs ipsis temporibus* adhiberi, quando iam Spiritus molesti sunt: alij possunt adhiberi alijs. Illis utilissimus est Exorcismus, in quo cum Spiritibus in certamen descenditur: Crux item præsentissimum aduersus eosdem telum: his oratio, Reliquiæ, sacræ Res.

Plures inter dictos modos possunt assignari differentiæ; sed pluribus opus non est. Forsitā etiam assignatæ, nimis sunt. Modos igitur singulos discutiamus & probemus.

C A P. LXVI.

De oratione, qua Demoniorum Spiritus fugantur, deque eius, præ reliquis bonorum operum generibus, in hoc negotio efficacitate.

 Rationem ad Spiritibus Demoniorum profligandos: & loca ab ipsorum molestia & infestatione liberanda plurimū valere, exemplis plurimis clarum est. Superius, Cap. I. nos horum duo assignauimus. Primum est presbyteri, cuius B. Augustinus meminit; qui oratione atq; sacrificio Missæ domum Hesperij purgauit. Alterum Sacerdotum, qui à Moguntino Præsule, cum authoritate missi, aquā lustrali atque comprecationibus profligarunt pestilentem in agro Bingenfi Spiritum.

His addimus tertium, ex Vita Beati Gregorij, cuius hortatu,

Lisanys, formidabile quoddam Dæmonis, quasi cornuti, Spectrum, quod certo cuidam loco ita infestum erat, ut in eo commorari nullus posset, abactum tandem est, & expulsus. Ita in Vita Gregorij refert Ioannes Diaconus, lib. 4. cap. 93.

2. Addamus & quartum ex eiusdem Vita, ubi (lib. 4. ca. 93.) refertur *oratione* in fugam conuersum Nequam Spiritum, qui in forma cari Religioso viro haud parum fuit molestus. Pluribus opus non est. Quotiescunque ferè vel Cruce, vel Exorcismis Dæmones profligati sunt, suas etiam partes egit *Oratio*: qua sine nec Crux, nec Exorcismus à fidelibus adhibita videntur.

3. His alia quædam adiungimus, quæ eiusdem orationis, aduersus Dæmones vim egregiè declarant; Fortunati, in quâ, Tudertinæ Ecclesiæ Episcopi; quem *oratione* Dæmones ex hominum corporibus eijcere solitum, li. 1. Dialog. c. 10. scribit B. Gregorius. & D. Bernardi; qui continua vnius noctis *oratione* Cremonæ Dæmonem profligauit; ut in eius Vita habet Bernardus Bonæuallensis. Et B. Hilario; qui in Cypro Insula, à misera Dæmonum vexatione, *oratione* ad Deum facta, ducentos propemodum, partim viros, partim mulieres, eripuit; teste B. Hieronymo in eius Vita.

4. Verùm nec si hæc atque his similia exempla desiderarentur, de assertione dubium animum licebit habere; propter tria, quæ Sacræ literæ insignia suppeditant argumenta. Primum petitur ex promissione orationi facta: alterum ex vi orationis, ipsiusque effectibus, quos admodum habet excellentes: tertium ex Domini sermone, qui orationem plurimum in Dæmonibus profligandis docet valere.

5. Primum tantò firmitus est, quod promissio orationi ab illo sit facta, qui quod promissit, & potest præstare, quia omnipotens est: & debet præstare quia fidelis est: & volet præstare, quia benignus est, atque misericors; ab illo, inquam, in cuius fœmore scriptum. *Rex Regum, & Dominus Dominantium*, Apoc. 19. Cui data omnis potestas in cælo, & in terra: Mar. 16. qui (quod ad propositum nostrum facit) *habet clauem abyssi, & catenam magnam in manu sua*, ut loquitur sanctissimus Ioan. & apprehendere potest Draconem, serpentem antiquum, eumque ligare & mittere in abyssum, & claudere atque signare, Apoc. 20.

6. Sed quæ promissio? quæ? Primū ipse docet voti compotes futuros, qui se ad Deum per orationem conuertunt. *Petite*, inquit, & dabitur vobis. Matth. 7. Deinde dictis suis in eadem re iuramenti contestatione fidem facit; *Amen*, inquit, dico vobis, si quid petieritis Patrem in nomine meo, dabit vobis. Ioannis 16. Nec hoc contentus, multis rationibus

bus ad certam nobis spem faciendam utitur. *Quis, inquit, ex vobis homo, quem si petierit filius suus panem, nunquid lapidem porriget ei? aut si piscem petierit, nunquid serpentem dabit ei? Si ergo vos, cum sitis mali, nostis bona dona dare filiis vestris, quanto magis Pater vester, qui in Calice est, dabit bona petentibus se: Lucæ 11.*

Alterum argumentum ab *Orationis effectibus* petitur. Tales *orationi* tribuuntur, ut omnino ex ipsis concludi possit, *Oratione*, loca, à quacunque, quorumcunque Spirituum infestatione purgari. Qualia enim sunt corporis languores sanare? fluxam & caducam hanc vitam prorogare? pacem & tranquillitatem conciliare ab hostibus & inimicis liberare? victoriam impetrare? soli vbertatem, & pluuiam obtinere? Atqui hæc omnia *Oratione* perfecta sunt. *Infirmatur quis in vobis.* Inquit S. Iacobus. capite 5. *Inducat Presbyteros Ecclesia, & orent super eum, & oratio fidei saluabit infirmum.* En corporis sanitas. *Orauit Dominum Ezechias (Isaïæ 38.)* *Obsecro, inquit, Domine, &c.* & sequitur: *Audiui Orationem tuam: ecce adjiciam super dies tuos, quindecim annos.* En prorogatio vitæ. *Obsecro, ait Apostolus 1. Timoth. 2. primum omnium orationes fieri, pro omnibus, ut quietam & tranquillam vitam habeamus.* En pax. *Audiui Orationem tuam, loquitur Deus Ezechia (Isaïæ 38.) & de manu Regis Assyriorum eruam te, & ciuitatem istam.* En ab hostibus libertas. *Cum Moyses leuaret manus, dicitur Exod. 17. vincebat Israël.* En victoria. *Multum valet oratio iusti assidua.* *Elias homo erat, similis nobis, passibilis: & Oratione orauit, inquit S. Iacobus (capite 5.) ut non plueret super terram; & non pluit, annos tres, & menses sex. Et rursus orauit, & calum dedit pluuiam, & terra dedit fructum suum.* En vbertas soli, & pluuiæ. Quid multis? *Oratio* parit sapientiam & intellectum; Iacobi 1. sterili vtero foecunditatem impertit; Genes 35. eruit à probro, & morte; Daniel. 13. placat iratum Deum; Exod. 32. Cælum & Paradisum aperit; Lucæ 23. Denique nihil ita arduum, nihil tam difficile; quod per *Orationem*, aut factum non sit, aut certè fieri non possit, Hæc fieri *oratione* potuerunt: non potuerunt profligari Spiritus Dæmoniorum?

Quòd verò plurimum valeat ad *Damones abigendos, & exigendos*, hæc Domini docet oratio: *Hoc genus Dæmoniorum non eiicitur, nisi Oratione & ieiunio, Matthæi 17.* Quid hac apertius? quid disertius dici potest? quid accommodatius ad rem præsentem afferri?

De vero enim Dæmonio erat Domini sermo. Illud Apostoli eiicere nequibant, eiecerat Dominus, ad preces parentis filij, qui torque-

6.

7.

8.

torquebatur, Apostolis suscitantibus, cur non potuerint eijcere, qui tamen facultatem eijciendi acceperant, & Dæmonia, iam multa eiecissent, respondetur: *Hoc genus Dæmoniorum non eijcitur, nisi in ieiunio & Oratione.*

9. Sic de vera oratione Dominus loqui intelligendus est. Hoc primò ipsa vox, *oratio*, insinuat, quæ per se sumpta, non nisi mentis in Deum eleuationem significat: tum inde manifestum est, quod multus in *Oratione* fuerit Dominus (Lucæ 6.) & idcirco Dæmonium eijcere potuerit: Apostoli, qui minus in *oratione* fuerunt frequentes (quemadmodum de ipsis, Domino obijciebant Pharisei, Lucæ 5.) eijcere nequibant.

10. Verùm enimverò in quo nos maximùm præsidium ponimus, lene fortè quidam, in nostra causa, existimant: propterea, quod non de Dæmonibus ex *locis* exigendis, sed ex *corporibus humanis* expellendis, Dominus loquatur. Deinde quod *certum* quoddam Dæmoniorum genus nominet, quod *Oratione* pellatur: ut ob id *Oratio communis quadam machina*, contra omnes Spiritus dici non debeat. Accedit tertium, quod non minus præsidij in *ieiunio* ponat, quàm *oratione* (vtrunque enim coniungit) ut idcirco vel dici debeat æquè, orationem & ieiunium valere ad Dæmones locis profligandos; vel non valere orationem.

11. Tria his tribus argumentis quærentur: ad quæ, ubi breuiter responsum fuerit, Caput concludemus. Primum est, An Domini sententiâ demonstrari possit, Dæmones *non ex hominibus tantum, verum etiam locis infestis* oratione proscribi. Secundum, An oratio ad omnes Spiritus profligandos valeat; an ad aliquotantum. Tertium cur potius *orationi* tribuamus exilium atq; proscriptionem Spirituum Dæmoniorum, quàm *ieiunio*; cum orationi Dominus ieiunium coniunxerit, & vtriusq; pares esse vires insinuet.

12. Potestne igitur Domini sententiâ doceri, etiam *locis*, & non tantum *hominibus* per Orationem proscribi Dæmones? *Potest omnino.* Quàmuis enim de solo hominem inhabitante Dæmonio sermo sit; alia tamen, quæ loca infestant, non excludit. Hoc primùm inde clarum est, quòd *Oratione* docuerit, *omnia* obtinere posse. Tum deinde ex illo, quòd non ita locis, quæ infesta, reddunt; sicut hominibus, quos obsident, videantur coniuncta atque vnita, ut idcirco difficilius multo homines, quàm loca relinquant. Deniq; propterea, quòd etiam in hominibus sint, veluti in quibusdam locis; ut ob id, si docetur, *oratione ex hominibus* eijci, hoc ipso demonstratum sit, *oratione locis* pelli posse.

Sic

Sic ad omnes Dæmoniorum Spiritus profligandos valet oratio. Esto
vnius generis Dominus meminerit: sed illud tale fuit, vt cætera om-
nia oratione in fugam conuerti, certum sit; si demonstratum sit hoc
oratione pelli. Quomodo verò? Quia quod oratione docetur profligari,
cæteris omnibus onerosius est, & difficilius. Eijciebant passim
Discipuli Christi Spiritus verbo, & nomine Domini inuocato: ve-
rùm ad hoc Dæmonium nomen Domini inuocatum non sufficie-
bat: aliæ pro hoc expugnando erant necessariae machinæ, Oratio atq;
Ieiunium. Nunc hinc argumentamur. Si quod difficilimè pellitur
Dæmonium, oratione pelli potest; poterit pelli quodcunque, cuius
vires sunt inferiores. At pellitur oratione, quod difficilimè pellitur.
Poterit igitur quodcunque aliud Dæmoniorum genus.

Cur verò oratione, non Ieiunio Spirituum profligationem tribuimus?
Ad hoc plurima essent dicenda. Nos pro instituti, & loci ratione,
multa paucis. Primum est, Ieiunij hic etiam vires magnas esse. Alte-
rum, non Ieiunium tantum, sed & Eleemosynas, & alia pietatis Chri-
stianæ exercitia posse permultum. Tertium, hæc per se ad Dæmones
profligandos non valere. Quartum per se valere orationem. Quin-
tum, orationi potissimum tribuisse Dæmonum eiectionem Domi-
num. Sextum adiunxisse Ieiunium, quod hoc, vt mens ad Deum per
orationem veniat, efficiat.

Primum infinita declarant, quæ pro Ieiunij commendatione, partim
in sacris literis, partim in sanctis Patribus, reperiuntur. Docent enim
peccata ne committantur, impedire: commissa expiare: ad paradysum,
vnde propter violatum Ieiunium, expulsi fueramus, reditum præ-
stare: mentem ad Deum eleuare: pro merita supplicia redimere: impê-
dentes clades arcere: magna Dei beneficia impetrare: sanitati demum
vtriusque hominis plurimum conferre. Omnia hæc breui oratione
complexus B. Hieronymus, Epist. ad Eustochium: *Medicinale Ieiunium*,
inquit, *omnem aufert languorem, & omnem tribuit virtutem & gratiam.*
Cæterum vim eius aduersus Dæmones disertè exprimit Athanasius
li. de Virginitate. *Quisquis*, inquit, *immundo Spiritu vexatur, certum ha-*
bere debet, Spiritus malos Ieiunio afflictos abscedere, vim Ieiunij metuentes.

Sic de Eleemosyna præstantia dubium nullum est. Et hanc agnoscit, qui
in Sacris literis mediocriter est versatus. Docet Tobias (ca. 4.) Ele-
mosynam à morte liberare: peccata purgare; & non pati animam ire in re-
nebras. Idem Regius Propheta, Psal. 40. *Beatus*, inquit, *vir, qui intel-*
ligit super egenum & pauperem; in die mala liberabit eum Dominus. Dominus
conseruabit illum, & viuificabit eum, & non tradet eum in animam inimico-
rum eius. Docet Saluator ad cælestis gloriæ præmium, per Eleemo-

synam perueniri; *Facite*, inquit, (Lucæ 16.) *vobis amicos, de mammona iniquitatis; ut cum defeceritis, recipiant vos in aterna tabernacula.* Docet Salomon, præter hæc, etiam promouere bona externa, & fortunæ casibus obiecta. Notum est illud Proverb. 28. *Quid dat pauperi, non indigebit.*

17. *Nec paræ sunt vires quoruncumq; pietatis Christianæ exercitiorum.* Pietas, inquit Apostolus (1. Timoth. 4. *ad omnia utilis est.* Et Salomon (Sapient. 3.) *Bonorum laborum gloriosus est fructus.* Non ignorarunt has Ezechias Rex, atque item sanctissimus Paulus. Vnde ille in extremo vitæ periculo constitutus, ausus est dicere: *Obsecro Domine, memento queso, quomodo ambulauerim coram te, in veritate & corde perfecto, (4. Reg. 20.)* Hic verò: *Bonum certamen certavi, cursum consummaui, fidem seruavi. In reliquo reposita est mihi corona iustitiæ, quam reddet mihi Dominus, in illa die iustus iudex: non solum autem mihi, sed & ijs, qui diligunt aduentum eius, 2. Timoth. 4.*

18. Quod verò tertio loco dicebamus, *opera hæc ad Demones profligandos instituta non esse, nec per se ed tendere*, dubium non est. Ieiunium corporis afflictioni seruit, & ut Spiritui caro subijciatur, institutum est: Eleemosyna ad proximi miseriam subleuandam facit. Reliqua pietatis exercitia ad futuræ vitæ gaudia obtinenda conferunt. At Oratio per se valet ad profligandos Demones. Ipsam generale quoddam mortalium voluit esse præsidium Deus Opt. Max. ad omnia omnino bona obtinenda: ad omnia omnino mala propulsanda, etiam immundorum Spirituum molestias: quemadmodum, quam Dominus orandi formam reliquit, quæque ab ipso, quod Dominica dicatur, nomen obtinuit, egregie demonstrat & explicat.

19. Quod Orationi potissimum Dominus Daemonum eiectionem tribuat, multis hoc loco ostendit doctissimus Tostatus Abulensis. Nec de hoc dubitat, qui & Orationis vires agnoscat, & quid ieiunium orationi coniunctum efficiat, attendit.

Denique Orationem Ieiunio iuuari cui dubium? Nonne duæ eius alæ altera, quæ cælum conscendit, & ad Deum conspectum peruenit; altera, quæ à Deo, quod postulat, obtinet? Et ad illud iuuat Ieiunium: ad hoc Eleemosyna. Ut optimè dixisse credendum sit B. Chrysostomum, quando Hom. 71. ad Populum, *orantem leuem vocat & alatum.*

20. Sed tamen Eleemosyna Dominus non meminit; nec aliorum pietatis operum: propterea, quod non ita cum Oratione coniuncta sint, nec tanta ipsorum ad benè orandum necessitas, quanta Ieiunij, omnino necesse est, ut per orationem in Deum eleuetur; ad quod iuuat Ieiunium: ut verò, quod petit, obtineat (ad quod prosunt pietatis opera) necesse non est.

C A P. LXVII.

*De Reliquiarum usu in profligandis Daemonibus,
quasque ob causas Demones Reliquias non
sustineant.*

1.

Nam omnium propemodum tam Catholicorum, quam Hæreticorum sententia est, *Demones Reliquias Sanctorum fugere*. Ex Hæreticis, post alios, hoc admittunt Magdeburgenses, Centuria 4. ca. 13. col. 1446. Pro Catholicis sunt Hieronymus & Chrysostomus: Hieronymus lib. contra Vigilantium: Tu, inquit, (Dæmonem alloquitur, qui per os Vigilantij Reliquias Sanctorum vilissimum pulverem appellauerat) *sapè vilissimo hoc tortus es pulvere*. Chrysostomus docet eos fugere, quemadmodum fures, qui fugam capeffunt, si quando in supellectilem incidunt regionem. Verba eius hæc sunt, Homilia septima, de septem Machab. *Vt audaces latronum duces, siue impij sepulchrorum effossore, si fortè, dum pradas agunt, aut spolia capienda conquirunt, in arma vel ornamenta Imperatoris incurrerint, quamlibet cupidi pradarum, tamen agnitis Regis insignibus deterrentur, ut fugiant, nec comminus accedere, vel attingere audeant: ita profecto & Demones, qui verè & latronum principes sunt, & Magistri; ubi coronatorum Martyrum viderint corpora posita, longè illico à conspectu eorum pauidi fugiunt, & absiliunt.*

2.

Nec temerè tam hi, quàm illi, in hanc opinionem venerunt. Exemplum pro hac re tot sunt, & tam clara; ut omnino in luce meridiana cæcutire dicendus sit, qui hæc velit negare. Neque primis tantum illa sunt temporibus data: sed nostris quoque: & non ab ijs conscripta, quorum fides suspecta sit; sed ijs, de quorum fide dubitare parum honestum.

3.

Ex multis aliquot produximus Disputatione de Dæmoniis hic contenti sumus *semicinctijs & sudarijs* D. Pauli; de quibus S. Lucas cap. 19. historię Apostolorum, in hunc modum: *Virtutes non quamlibet faciebat Deus per manum Pauli; ita ut etiam super languidos deferrentur à corpore eius sudaria, & semicinctia; & recedebant ab ijs languores, & Spiritus Nequam egrediebantur.*

Addimus sequens ex Theodoro, ipsius Theodoretis verbis: quod quemadmodum argumentum nostrum confirmat, ita pluribus locis, in hac Disputatione potest sernire. *Execrandas*, inquit,

Marcion, multas spinas impietatis seminavit in Regione Urbis Cyri. Eas cum conarer euellere radicitus, noctu venit quidam Daemon exitialis, clamans, & lingua utens Cyriaca; Cur, inquit, tu bellum geris cum Marcione? Cur hanc pugnam aduersus eum suscipis? Quanam is te vnquam affecit molestia? Desine belligerare: desine à maleuolentia: aut disces experientia, quantum bonum sit quies. Scias, quod te iam pridem confodissem, nisi chorum Martyrum te custodientem vidissem, cum Iacobo. Hac ego audiui, & dixi cuidam ex familiaribus, qui prope me dormiebat; Audis, inquam, quae dicuntur? Ille verò, omnia, inquit, audiui, & cum vellem surgere, & respicere, & scire quis loqueretur, tua causa quieui; quia te putarem quiescere. Ambo itaque surgentes, respeximus: neque vllum, qui moueretur, vidimus, nec qui loqueretur, audiuius. Illa verba alij quoque qui nobiscum habitabant, audiuerunt. Intellexi igitur, quod Martyrum quidem chorum dicebat lecythum olei Martyrum, qui cum à multis Martyribus collectam haberet benedictionem, pendebat in meo lecto. Sub meo autem capite erat magni Iacobi vetus amictus; qui quouis claustro adamantino fuit mihi validior. Ita Theodoretus, Hist. Sanct. Patrum, cap. 21. & ex ipso Cæsar Baronius Tomo 5. Hist. Ecclesiast. circa annum Domini 424.

Sed illustrius exemplum refert Beda lib. 3. Hist. Anglorum, cap. 11. quod quia etiam pluribus locis huic Disputationi potest seruire, etiam ipsius verbis ascribimus: Monasterium nobile fuit in provincia Lindis: nomine Beardanum. Huc quodam tempore hospes venit; qui solebat nocturnis sapius horis repente ab immundo Spiritu grauissimè vexari. Cum igitur benignè susceptus, post cœnam in lecto membra posuisset: subito à Diabolo arreptus, inclamare, dentibus frendere, spumare, & diuersis motibus cœpit membra torquere. Cumq; à nullo vel teneri, vel ligari potuisset; cucurrit Minister; & pulsans ad ostium, nuntiauit Abbatiſſa. At illa aperiens ianuam, exiit cum vna Sanctimonialium fœminarum ad locum virorum: & euocans Presbyterum, rogauit secum venire ad patientem. Vbi cum venientes, viderent multos affuisse, qui vexatum tenere, & motus eius insanos comprimere conati, nequaquam valebant; dicebat Presbyter Exorcismum: & quacunque poterat, pro sedando miseri furorè, agebat. Sed nec ipse, quàmuis multum laborans, proficere aliquid valebat. Cumq; nihil salutis furenti superesse videretur, repente venit in mentem Abbatiſſa pulvis ille prafatus (intellige cineres S. Osuualdi Martyris) statimq; iussit ire ministram, & capsellam, in qua erat, adducere. Et cum illa afferens intrasset atrium domus; in cuius interioribus Daemoniosus torque-

quebatur, conticuit ille subito; intentiq; ora tenebant reliqui, quem res exitum haberet sollicitè expectantes. Et post aliquantum hora spaciū resedit, qui vexabatur & grauitèr suspirans: Modò, inquit, sanum sapie, recepi enim sensum animi mei. At illi sedulo sciscitabantur; Quomodo hoc contigisset, quibus ille: Mox ut virgo hac cum capsella, quam portabat, appropinquauit atrio domus huius, discesserunt omnes, qui me premabant, spiritus maligni, & me relicto nusquam comparuerunt. Hactenus Beda.

Habet quoque hic locum quod de peste inguinaria à ciuitate Treuirensi depulsa, scribit Gregorius Turonensis, in libello Vita S. Nicetij. Verba eius hæc sunt. Cum lues inguinaria Treuircium populum in circuitu ciuitatis valde vastaret, & sacerdos Dei (Nicetius) precibus commissis, Dei misericordiam imploraret assidue: factus est sonus de nocte magnus, tanquam tonitru validum super pontem aruigizaretur: putaretur, vrbs ipsa absorberi. Cumq; omnis populus exterritus in lectulis residisset, letiferum sibi interitum operiens; audita est, in medio, vox una ceteris clarior dicens: Et quid hic o socij faciemus? ad vnā enim portam Eucharis sacerdos obseruat: ad alteram Maximinus excubat: in medio versatur Nicetius: Nihil hic ultra praualeo possumus; nisi sinamus hanc urbem eorum tuitioni. Hac audita voce statim morbus quieuit, nullusq; ab eo vlterius defunctus est. Quæ autem & quanta hæc pestis inguinaria fuerit, docet Paulus Diaconus. Vide Baronij Tom. 7. fol. 502.

Verum quàmuis in hoc Aduersarij nobiscum consentiant; negant tamen Reliquias ad Dæmones profligandos adhiberi posse; quod, constantissimè admittunt, agnoscunt, & confitentur Catholici. Hinc illi Reliquias proscribunt, abijciunt, Vulcano tradunt, in cineres redigunt, & ut omnino extra omnem mortalium sint conspectum, procurant. Hi easdem studiosè conquirunt, diligenter conseruant, religiosè venerantur, & magno habent in honore.

Si ab illis causam suæ opinionis & facti scisciteris, respondent vsum Reliquiarum, qui in Dæmonibus profligandis positus est, superstitiosum esse, & cum summa Creatoris contumelia coniunctum. Quocirca docent non idcirco Dæmones Reliquias non sustinere; quòd illas oderint, detestentur & fugere cogantur; sed ut fuga homines ad Reliquiarum cultum, & impiam superstitionem inuitent. Fugiunt, inquit, fugam non coguntur fugere, nec fugiunt inuiti.

6. Contraria Catholici ratione ad contrariam opinionem, & factum inducuntur. Credunt Dæmones non fugam fingere, sed fugere coactos, *Reliquiarum* eam vim esse & potestatem, ut in ipsarum præsentia nequeant consistere versipelles Spiritus.

7. Et profectò, quamdiu in ea cogitatione atque sententia hærent Aduersarij: ut credant superstitiosum esse *Reliquiarum* usum, *Reliquijs* ad Dæmones profligandos uti nec possunt, nec debent: quàmuis etiam certum esset, usu *Reliquiarum* ipsos à maximis Dæmonum posse liberari molestijs; & aliter liberari non posse: propterea, quòd, *Omne quod ex fide non est, peccatum sit*; & *Omne, quod contra conscientiam est, adificet ad gehennam*; peccatum autem ob nullius, vel boni consecutionem, vel mali depulsionem permissum sit.

8. Sed ut hunc errorem deponant cæci: intelligant etiam, quàm procul à superstitionis crimine absint Catholici, duo demonstranda sunt. Primum, *Reliquias reuera molestas esse Demonibus*, eisdemq; torquere; ut ob id ipsos non fugam fingere, sed coactos fugere credendum sit. Deinde dici non posse, *Dæmones fuga sua, ad Reliquiarum cultum homines allicere*; quàmuis etiam reuera (quod tamen falsum est) non torquerent. Vbi hæc duo, in gratiam Aduersariorum, demonstrata fuerint, nostra prosequemur.

9. Torqueri ad *Reliquiarum* præsentiam Dæmones, primò deserta Patrum, sanctissimorum hominum, sententia est. Vnius nobis sufficit auctoritas Chrysostomi. *Reliquia Sanctorum*, inquit ille (Homil. 66. ad Populum Antiochenum) *Dæmones sistunt & torquent: & victos ab illis solvunt sanctissimis vinculis*. Et libro contra Gentiles, de Vita S. Babilæ, Antiocheni Episcopi & martyris; Ea, inquit, est *Sanctorum potestas, ut illorum superstitem Dæmones, ne Vmbra quidem, aut Vestes: vita autem defunctorum, & Loculos quoque reformident*. Rursus, Sermonem in adorationem catenarum S. Petri: *Has Catenas*, inquit, *potentiarum, quæ ab ipso defecerunt, Princeps exhorruit, & nunc etiam exhorret, & multo cum timore illas subterfugiens, comprimitur. Has aërea Spirituum multitudo metuens ac tremens, iaculisq; inde emissis percussa, longius profugatur, &c.*

10. Deinde, idem, ut cætera omittam, docent *Reliquia Sancti Babilæ Martyris*. Nónne ob eius sepulchri viciniam, oraculum Apollinis siluit? Nónne ut loquelam Idolum reciperet, arcam Martyris remoueri iussit Apostata Iulianus? Volant Centuriatores Diabolum de industria simulasse se impediri à Martyre: ut usum *Reliquiarum* scili-

scilicet venerationis induceret : sed quam id præter omnem rationem dicant, sequens miraculum clarè ostendit: quod, vix arca Martyris abducta, ignis de coelo descendens, Idolum, vnde Diabolus oracula reddebat, totum consumpserit. Vide Bellar. Tom. 1. Cont. vltima lib. 2. cap. 2. Vetus hoc exemplum est, quod produximus.

Recentis est illud Thomæ Fazelli, libro 10. prioris Decadis Rerum Sicularum, cui tanquam oculato testi fidem meritò adhibere licet. Est, inquit, *Agyra D. Philippi*, (Petri Apostolorum principis hic discipulus fuit, Sicularum ab eodem ad Christi Euangelium prædicandum missus) *templum miraculorum frequentia celeberrimum. Hic anno salutis 1541. solempni D. Philippi festo ducentas penè arreptitias offendi. Haec ut diuini Imaginem exhibitam conspexerunt, mox ac si hostis capitalis adesset, illius aspectum formidantes, voce sublata, vestimenta scindere, crines vellere, vinculisq; quibus strictissimè impediabantur, diffractis, quedam etiam è custodum manibus elabi cæperunt: quorum deinde inusitati clamores, omniq; gemitu maiores, veluti rugitus immanes, ita toto templo vicinisq; agris personuere, ut è propinquo bellum ingens ac sanguinum, cruentissimumq; prælum committi videretur. Ita Fazellus. Quomodo eadem ibidem liberata, quomodo & alijs rationibus vis Reliquiarum ibidem confirmata, pluribus ostendit: quæ hic referre nolimus. Commodiorem locum habent illa de Dæmoniacis Disputatione.*

Si vox mentis indicium est, *etiam ex voce*, quam Dæmones effingunt, aliquod argumentum, pro ipsorum tortura accipitur. Neque enim maligni Spiritus ad Reliquiarum præsentiam voces excitant, quæ hilaris atque exultantis animi indicium sunt, sed quæ angustias mentis, & summas molestias produnt. De ijs sic Sanctus Hieronymus Epistola 27. (loquitur de S. Paula) *Cernebat varijs Dæmones rugire cruciatibus; & ante sepulchra Sanctorum, ululare homines more luporum; vocibus latrare canum; fremere leonum; sibilare serpentum: mugire taurorum, alios rotare caput, & post tergum terram vertice tangere, suspensisq; pede fæminis vestes defluere in faciem. Ita Hieronymus.*

Dubium non est, quin Dæmonibus molesti fuerint Sancti Dei homines dum viuerent, quorum iam mortuorum Reliquias fugiunt. At cur viui molesti fuerunt, mortui non item? Neque enim tantum, quod in ipsis viuebat, Dæmonibus molestiam afferebat: afferebat molestiam, atque adeò torquebat, quod cum viuis erat coniunctum: *semicinctia*, verbi gratia, atque *sudaria S. Pauli*. Si verò hoc

hoc viuorum poterant semicinctia atque sudaria; in quibus tamen viuorum animus nunquam refedit; non torquebunt, inuisaque erūt ossa; in quibus Spiritus aliquando sedes suas habuerunt?

13.

Naturale omnibus est, ut quos *inuidia atque odio* prosequuntur; eorum nec aspectum ferant, nec præsentiam: detestentur etiam imagines, mores, amicos. Ipsorum quicquid est; graue est, molestum est, tortura est. An odio SS. homines non prosequuntur Dæmones? non ijs inuident? Si verò prosequuntur & inuident; possunt æquis oculis intueri cadauera? sustinere *Reliquias*? vestes? imagines?

14.

Difficile est mortalibus, & non, nisi perfectorum hominum opus, ut eos mortuos ament, & non persequantur atque detestentur; à quibus *viuis* graues iniurias sustinuerunt. Plerique omnes in mortuis vlciscuntur, quorum viuorum sustinuerunt potentiam: At quanta quidam Dæmonum à Sanctis viuētib; passi? Et quod vix optimus aliquis; harum iniuriarum ipsi nequissimi. Nequam obliui, mortuos non detestabuntur? non odio prosequuntur? non cum molestia sustinebunt?

15.

Dubium non est tortos esse *Christi* præsentia Diabolos. Ipsorum in promptu est confessio. *Venisti*, inquiunt quidam illorum, *ante tempus torquere nos*. Matth. 8. Verum cur de tortura conqueruntur? quia scilicet, verebantur, ne *sedibus suis* pellerentur. Quam porro debuit Dominus torfisse iam eiectiones, quando solus timor, quod eiciendi essent, torfit? At plurimi Sanctorum, Dæmones locis suis, & sedibus eiecerunt. Non igitur non possunt ijs graues & molesti esse Sancti.

16.

Hinc clarum est ineptè dici *Dæmones fugam simulare*: ad fugam nulla vi cogi. Si torquent Sanctorum *Reliquias*; si molestæ sunt & inuisæ: quomodo Spiritus fugam ad ipsarum præsentiam simulant? quomodo non fugere coguntur? Nonne ab ijs qui molesti esse solent, si possumus, quam citissimè nos expedimus? Nonne apud ipsos

17.

summa cum difficultate retinemur?

Sed ad Alterum caput. Doceamus dici non posse *Dæmones ad Reliquiarum cultum fuga sua inuitare atque allicere mortales*. Hoc verò ex illo certum est, quòd cultus *Reliquiarum* in earum rerum genere sit: quæ per se bonæ sunt: Dæmonum autem hoc ingenium, ut ad bonum inuitent neminem. Quid enim hic dubium? quid non certum?

18.

Clariùs propositum nostrum ostendunt partim *mala*, quæ *Reliquiarum* intuitu mortales declinant; partim *bona*, quæ cum *Reliquiarum* cultu coniuncta sunt. Ab illis enim Spiritus Nequam non possunt

sunt auocare mortales. Adhæc non possunt inuitare. Sed quæ mala declinantur?

Mala hæc plurima sunt. Nos summa capita referimus. Est *superbia*: quæ hoc nomine mortalibus displicere incipit, quod etiam corpora atque cineres eorum in honore habeantur, qui hostes superbiæ, & humilitatis studiosi sectatores fuerunt. Est *amor congerendi diuitias*, quas intelligunt ijs contemnendas, qui arduum atque difficile ad cælum iter ingrediuntur. Et *luxuria*: cuius illecebras tanto magis detestantur, quanto maiori in honore sunt, non apud Deum solum, verum etiam homines; qui corpora sua mortificauerunt propter Deum. Est *ira*: cuius non possunt non frangere impetus, quando in memoriam venit (venit autem ad *Reliquiarum* intuitum) summa Sanctorum mansuetudo: qui etiam pro persecutoribus suis Deo supplicauerunt. Est *Gula*: à qua sibi cauendum censent, ipsorum exemplo, quorum cum pignora vident, has voces audire videntur: *Vsque in hanc horam & esurimus, & sitimus, & nudi sumus.* Est *inuidia*: quam detestantur, recordatione charitatis, quæ in ijs flagrauit, quorum coram intuentur & venerantur *Reliquias*. Est *Acedia*: quam cane peius & angue putant fugiendam, si ad cælum peruenire cupiant; exemplo eorum, quibus vnum hoc præcipuum fuit studium, vt cum Deo essent, quàm sæpissimè sedula & ardenti oratione, rerumq; diuinarum contemplatione.

Sed non ad mala solum declinanda *Reliquiarum* cultu vrgentur mortales; etiam inuitantur ad facienda bona. Quæ verò? Ad omnium propemodum virtutum exempla. Quarum quæso? Ad *contemptum diuitiarum*; quas *Reliquiarum* honori potius, quàm sibi seruire volunt. Ad *afflictiones corporum*; quibus nunc susceptis peregrinationibus, nunc abstinentiâ & ieiunio, nunc alijs rationibus vis infertur. Ad *humilitatem*: cuius maxima indicia ad Sanctorum sepulchra & *Reliquias* exhibentur. Ad *castitatem*; quæ sæpè hoc nomine suscipitur, quia illorum *Reliquia* in honore habentur, qui ob castitatem Deo placuerunt. Ad *orationis studium*: quæ ad Sanctorum *Reliquias* propemodum est continua. Omitto, breuitatis studio, reliquas.

Hæc cum *Reliquiarum* cultu coniuncta. An hæc proposita sunt Dæmonibus in *Reliquiarum* fuga, quam dissimulare dicuntur? Quærunt Nequam, vt castra vitiorum deserant, & ad virtutum arces confugiant Mortales? id est, sua castra relinquunt, & ad hostium, id est, Dei properent?

Non quærunt hoc nequissimi. Placet ipsis *Superbia*; omnium

19.

20.

21.

22.

vitiorum mater & origo. Placet *Auaria*; quæ plurimos illaqueant. Placet *Luxuria*; quam in omni ætate, cuiuslibet improbitatis, & turpitudinis nouerunt esse escam. Placet *Ira*; vt quæ homines *sensibus integris*, vt B. Chrysostomus loquitur, (Homilia 18, in Matt. *facit insanire*. Placet *Gula*; quæ eodem Chrysostomo authore (Homil. 58.) homines efficit sues; imò ipsis suis deteriores. Placet *Inuidia*, quæ fraternæ charitatis apertissimè iura violat.

23.

Et qui miseros mortales cupiunt in Vitijs excellere; illis fortè placebunt Virtutum exercitia? placebit ijs contemptus diuitiarum; qui diuitiarum laqueis omnes cupiunt inuolutos? Afflictio corporis; qui mox conditum hominem ad corporis oblectamenta inuitârunt? Humilitas; qui ob nimiam superbiam de cælo deiectioni fuerunt? Castitas; qui locis delectâtur humidis, & virtutem habent in vmbilico & renibus? Studium orationis; qui iuratissimi illius sunt hostes, ad quem oratio dirigitur.

24.

Forſitan negantur virtutum *exercitia* eſſe, quæ diximus; propterea, quòd *ex fine*, qui in ipsis propositus est malus, vitium contrahant omnia. Ea siquidem finis mali conditio est, vt cum ad opera accedit, etiam præstantissima inueniat, deprauet ipsa atque corrumpat. Sed hoc examinemus.

25.

Primum omnium, quod obijcitur, in omnibus locum non habet. Non hoc propositum est in *vitiorum* fuga, finis qui opus deprauet, oportet opus accedat: at sine opere est vitiorum fuga. Vel igitur ob hoc Dæmones fugam dissimulare non debent; quòd multa mala, quæ alioquin committerentur, omittuntur.

29.

Deinde, dicendum non est, opera *omnia*, quæ fiunt, à fine deprauari. Cum enim ipsa ex se bona sint; si deprauantur, non ipsis insito fine deprauantur, sed alio aliquo, qui ex agentium voluntate accedit. At quis vnquam ex ijs, qui *Reliquias* in honore habuerunt, aliud sibi propositum fuisse dicat, quàm Dei atque Sanctorum honorem? Vtrum verò hic malum? Dei, an Sanctorum? Num vtrisque suus honos debetur?

27.

Tribuitur fortassis Dei honor Sanctis, Et hoc quis cogitauit? quis dixit? quis scripsit? quis fecit? *Infinitis* paribus honor, qui Sanctis tribuitur, inferior est illo, qui debetur & tribuitur Deo. Deum, vt boni omnis authorem & consummatorem honoramus; Sanctos, vt Dei amicos, nostrosque apud Deum patronos, & intercessores.

28.

Sed nimium excrescit oratio. Nimis multa cum Aduersarijs, Nostra repetamus. Igitur, cum certum sit, non simulare fugam Dæmo-

Dæmones, sed inuitos fugere, & *Reliquias* non sustinere; *Causam*, cur fugiant, inquiramus. Quæ igitur illa? An *Deus*, qui ipsos cogit ad præsentiam *Reliquiarum* fugere? An *Sancti*, quorum *Reliquia* habentur, in fugam conuertunt? An ipsis *Reliquijs* vis illa insita est, ut locis atque hominibus nequam Spiritus pellant? An *homines* sunt, qui ut alijs rebus, ita adhibitis *Reliquijs*, eosdem proscribunt? An denique horum nihil, sed ipsi *Dæmones* sunt, qui quamuis nullam à *Reliquijs* vim patiantur, ipsas tamen sustinere ex odio nequeant.

Quinque hîc modos insinuamus, quibus *Reliquijs* Spiritus pelli, potest intelligi: quem, vel quos probemus, inquirendum est; antequam Caput concludemus. 29.

Deum ad Sanctorum Reliquias Dæmonibus exilium, aut fugam imperare posse, extra controuersiam est. Quid non potest Deus, cuius nomen omnipotens? Exodi 15. Dubium item nullum, frequenter imperauisse, quando difficiles Nequam Spiritus esse potuerunt: & ipse hâc ratione Sanctorum suorum voluit gloriam illustrare, & mundo innotescere. Veruntamen non solo hoc nomine, neque semper hoc, Dæmones fugam capessere credendi sunt. Potest Deus Dæmonibus discessum & fugam non imperare, & tamen ipsos ad fugam cogere certum est. 30.

Sanctos, quorum reliquia habentur, propriè Dæmones fugare dici non debet, quoniam, ut ipsi per se miracula non perpetrant, ita neque Dæmones in fugam per se conuertunt. Magna fuit ipsorum in Dæmones potestas quamuius communem nobiscum in terra vitam egerunt: mortui iam, & cum Christo in cælo regnantes in Dæmones per se possunt nihil. Si quid possunt, possunt oratione; quemadmodum reliqua, ita Dæmonum fugam impetrare. 31.

Reliquijs potestas aliqua, qua in Dæmones agat, eosq. sedibus pellat, non inest. Si inest, qualis quæso illa est? Spiritualis, an corporea? Spiritualis in re corporea, ut *Reliquia* sunt, inesse non potest. Corporea ad Spiritus profligandos, quales sunt Dæmones, nihil facit. 32.

Suntne igitur *homines*, qui quemadmodum rebus alijs, ita adhibitis *Reliquijs* Dæmones proscribunt? Sunt utique. quoniam penes homines hanc potestatem futuram, disertè Christi probat oratio. Marci ultimo, &c. ut ergo illi Dæmones in fugam conuertunt usu nominis Iesu; ita usu *Reliquiarum*, usu Rerum aliarum. 33.

Sed præter hanc, alia Ratio est, quam quinto loco insinuamus, quod *Reliquias* etiam per se ferre nequeunt Spiritus; ita, ut quamuis ho-

34.

mines aduersus Dæmones Reliquijs se non arment, & his armis instructi eos non impugnent: si tamen ipsas alicubi Nequam Spiritus deprehendant vel obseruent, mox fugam capeſſant: Hoc pulchrè B. Chrysostomus similitudine ostendit, quam initio huius Capituli attulimus.

35. Duobus igitur modis ad profligandos Dæmones *Reliquia* faciunt, primò *per se*, secundò *ex vsu* eas Dæmonibus adhibentium. In priori modo simplex est ratio, cur fugiant; in posteriori duplex siue bipartita. Ibi *per se* fugere dici possunt, ob odium, quo erga *Reliquias* flagrant, maximum: hinc præterea compelli exorcizantium auctoritate. Ibi *Reliquia* veluti obiecta quædam Dæmones mouent, vt fugam ineant: hinc sunt quædam quasi instrumentales causæ, quibus Exorcistæ (quibus diuinitus in Spiritus hos collata potestas) vtuntur.

C A P. LXVIII.

De Crucis aduersus Dæmones efficaci vsu: Et quòd hic nullum sapiat superstitionem.

1. **Q**uemadmodum de Reliquijs communis est, tam Catholicorum, quàm Hæreticorum, sententia, quòd ad profligandos Dæmones valeant; sic communis consensus de *Cruce*. Ex Hæreticis inter alios ita sentit Brentius, teste Alano, Dialogorum lib. 4. ca. 3. Ex Catholicis omnes omnino: vt non sine causa in Prouerbium abierit, *Dæmones fugere Crucem*.
2. Iisdem etiam rationibus vtrique inducti sunt; multitudine scilicet exemplorum, quæ omnis ætas suppeditat. Nos aliàs duplicis generis protulimus, quorum quædam ostendunt *Cruce* ex hominibus Dæmones esse exactos; quædam alijs locis profligatos. Vide *Disput. de Dæmoniacis*.
3. Prioris generis sunt, quòd Gregorius, Lingonicus Episcopus ex Energumenis ad se adductis, *signo Crucis* iusserit Dæmonia discedere; vt loquitur Gregorius Turonensis, in Vita Patrum, quod eodem signo, eadem à muliere exegerit Albinus Andegauensis Episcopus, quemadmodum testatur Vincentius, li. 23. ca. 143: quod idem præstiterit Iosephus quidam, nondum Christianus; vt habet Epiphanius Hæresi 30.
4. Pro posterioribus seruit Gregorius Neocæsariensis; quem sæpè contra Dæmones his armis depugnasse testatur Gregorius Nyſſenus, in Vita eius. B. Antonius; qui hoc armorum genere omnibus Dæmo-

Dæmonibus fuit terribilis. S. Margareta; quæ Cruce Dæmonem in forma Draconis sibi appropinquantem profligauit, teste Metaphraste, in eius Vita. Iulianus Apostata; qui dum se cruce signat, Dæmones quos euocarat, fugat; quemadmodum Oracione in eundem scribit Nazianzenus.

His addimus, quod vtrisque plus ad propositam Disputationem facit; & in Anastasio Imperatore refert Glycas, parte 4. Erat, inquit, his temporibus Rex Persarum Coades, qui cum in castello quodam gemmas magni pretij didicisset, ac quò minus potiretur, ab incolis loci genij, impediretur; omni genere prastigiarum vsus est. Nam & Iudæos, & quosvis alios accersitos adhibebat: neque tamen illorum quisquam aliquid efficere potuit. Tandem Antistes eius loci, solo Crucis signo expulit. Hæc Glycas.

Quocirca optimè Paulinus Natali octauo S. Felicis.

Nos Crucis inuicta signum, & confessio munit.

Armatiq; Deo mentem non quarimus arma

Corporis & quamquam membris videamur inermes.

Armatamen gerimus, quibus & sub pace serena

Contra Incorporeos animi decernimus Hostes.

Eodem quoque modo de Dæmonum ingenio loquuntur Aduersarij & Catholici. Volunt illi Dæmones hic nequiter agere; & fugâ ad supersticiosum honorem Crucis mortales inuitare. Afferunt hi ex Crucis odio, & detestatione, fugere. Nos quàmuis de hoc aliàs aliqua; hic tamen pro Catholicorum opinione pauca, ex iam allatis exemplis, argumenta addemus; tum nostra prosequemur.

Et principio quidem eos, qui exempla literis consignata posteritati addiderunt, in illa sententia non fuisse; vt putarent Dæmones fugâ ad Crucis cultum supersticiosum allicere, certum est. Res gestas ita narrant, vt significant, & tortos esse Dæmones & Cruce fuisse coactos.

Deinde, qui Cruce contra Dæmones sunt vsi, id de ingenio Dæmonum nec suspicati sunt, nec suspicari potuerunt. An putarunt hostem pelli rebus hosti gratissimis? aut ad Dæmones pellendos, animo non pellendi accesserunt? Omnino quia prodigiosos effectus Crucis, priorum & suorum temporum exemplis deprehenderunt; eandem ad Dæmones, vt pellendos valere, credere & potuerunt, & debuerunt.

An in eadem cum Aduersarijs sententia fuerunt, qui nos prateserunt, & vel hæc ad Crucis signationem fieri viderunt, vel facta

audierunt? Vix de villo hoc legimus; de pluribus verò, quòd ad Dæmones profligandos *Crucem* valere crediderint.

9. Quid quòd *omnium* hæc fuerit sententia? omnes hanc *Crucis* virtutem agnouerint? Posset hoc aliunde doceri; sed vnus Apostata Iuliani suffecerit exemplum. Ille ex vsu atque consuetudine, quæ apud Christianos vigeat receptissima; *Cruce* se aduersus Dæmones muniens, conseruatus est.
10. Hæc cum ita sint; cum, pro se, Catholici habeant tot, & tam varia exempla: cum sequantur eorum, qui *Cruce* Dæmones profligarunt; eorum, qui profligatos viderunt & audierunt; eorum, qui hæc posteritati tradiderunt, sententiam; cum sequantur totam antiquitatem, damnari iuste possunt? argui superstitionis? Idololatriæ? præsertim, quando diuinis literis edocti sunt, vt *Maiores suos audiant & sequantur*? Deut. 4.
11. Sed hæc ex hominum opinione argumenta desumpta sunt. Ita est. Nulla igitur sunt? Non ita est. Ex *rebus ipsis* deprompta hic non desiderantur. Primum, tam variorum hominum opinio plurimum valet. Quòd enim vniuersa tenet Ecclesia; & (vt B. Augustinus loquitur li. 4. contra Donatistas, ca. 24.) *omnibus retro seruatum est temporibus, non pro hominum tantum opinione bonum est, minimeq; detestandum; sed reuera quoque bonum est, & nullo modo damnandum.*
12. Præterea, quando ad *Crucem*, à Iuliano factam, euauit Dæmon, annon *Crucis* vim sensit? Aut rursus ad honorandam *Crucem* voluit inuitare perditum Apostatam; quem à *Crucis* honore semel auocauit? Voluit persuadere, vt Christianus fieret, quem antea ad deferenda Christianorum castra, cum spe maximi lucri, induxerat? quid potest fingi ineptius? dici absurdius? Si vnquam fugam dissimularunt Dæmones ad effectam *Crucem*: profectò, cum se signo *Crucis* Apostata signauit, fugam dissimulare non debuerunt.
13. Iosephus, Iudæus adhuc, *Crucis* vim obseruauit, in Dæmonum eiectione; quando mox ad *Crucem* ab ipso productam obsessos relinquiebant impostores; hacque re commotus ille animum ad Christianam religionem adiecit: An fortè, vt Christianus fieret Iosephus, adlaborarunt Dæmones?
14. Cum Coades, Persarum Rex, cuius iam meminimus, spe gemmarum consequendarum, omnis generis superstitiones, aduersus infestos Dæmones admisisset; quid sit, vt ad solam *Crucem* factam omnis Dæmonum vis abacta sit? An superstitiones non fuerunt, quibus frustra Dæmones tentârunt Gentiles, atque Iudæi? & sola fuit superstitiosa

tiola *Cruce* ab Antistite facta? Cui hoc, vel per somnium venit in mentem? Aut superstitiosi non fuerunt Iudæi, atque Gentiles; aut omni superstitionis suspitione caret Antistes cum *Cruce*.

Si in sola *Dæmonum fuga Cruce* vires suas demonstrasset; forsitan vis *Crucis* posset esse suspecta: Iam verò tam sunt multa, tam sunt varia, tam sunt magna, per *Crucem* perpetrata; ut vel ex ijs virtutem eius in *Dæmonum* eiectione omnino oporteat asserere.

Sed ex *Cruce Crucis* vim contra *Dæmones* cognoscamus. *Cruce* signum est rerum *Dæmonibus* maximè exosarum. Quas igitur res exosas Spiritus Nequam habent, & detestantur; earum signis gaudent? afficiuntur? recreantur? Et *rebus*, & rerum signis cruciantur *Dæmones*.

Dubium non est, quin odio persequantur Nequam illa, quæ magno in honore habet Deus. Contrariorum enim sunt ingeniorum; contrariorum studiorum. Quanti verò *Crucem* facit Dominus? In summo illo & supremo die; in summo suo triumpho; quando venturus est cum potestate magna & maiestate, *Crucem* vult esse præcipuum, & illustrissimum insigne. Matth. 24. Num igitur non possunt detestari *Crucem* Diaboli?

Dubium non est, implacabili odio *Dæmones* detestari Deum Opt. Max. Dubium nullum, quia quæ Dei honorem promouent, abominantur. Quantum verò promouet *Cruce*? *Cruce*, in qua Christianis gloriantur censet Apostolus? Galat. 6.

Omitto mortales ex *Cruce* occasionem sumere bonorum multorum; quæ ipsi faciunt; & detestantur verò *Dæmones*; sumere occasionem multorum malorum, quæ ipsi fugiunt, desiderant verò *Dæmones*. An hoc ipso ergo, quo ad *Crucem* fugam suam alliciunt *Dæmones*, suadent bona? dissuadent mala?

Denique, ipsam in se *Crucem* inspicimus, quidnam in ea superstitiosum esse possit, inuestigemus. Duo in ipso sunt, motus quidam manu in aère factus, & expectatio fugæ *Dæmonum*. Vtrum horum superstitiosum? Prius illud, an posterius? Prius res naturalis est; alterum officium pietatis aut charitatis.

Fortè ne hoc, nec illud damnatur; sed quòd fuga *Dæmonum* ex tali manus motu expectetur. Cur hoc? An quia effectus Spiritalis, & quasi diuinus, à re speratur corporea; quæ cum illa affinitatem habet nullam? Verùm simile quid in Sacramentorum usu obseruamus; quæ tamen ad superstitionem reuocare extremæ esset demeritæ.

Dici-

22. Dicitur forsitan Sacramenta diuinam habere institutionem. Quid si eadem niti dicamus *Crucem*? quomodo quod asseretur, refutabitur? Si Scripturæ postulantur, postulabuntur eadem pro sacramentis, quæ cum hic in quibusdam desiderentur, vel illorum autoritas eleuabitur, vel *Cruz* non idcirco reijciatur, quod pro se diserta non habeat Scripturarum testimonia.
23. Sed nec necesse est omnia diuinam habeant institutionem, quæ ad Spirituales effectus producendos usurpantur, & corporea sunt. Ab Apostolicis Apostolicisq; viris quædam probata & usurpata esse potuerunt; quædam à primitiua Ecclesia recepta; quæ vel hoc nomine non damnari, sed probari; non contemni, sed in honore haberi debent. Quid si ex horum genere sit ipsa *Cruz*?
24. Omnino verò rem ita se habere, sequentibus docemus; & eò breuius, quò magis ad finem properat oratio.
25. Primum hic pro nobis est antiquissimus Scriptor Tertullianus, qui, Libro de Corona militis, Traditiones Apostolicas enumerans: Ad omnem, inquit, progressum atque promotum: ad omnem aditum & exitum: ad vestitum & calceatum: ad lauacra: ad mensas: ad lumina: ad cubicula: ad sedilia: quacunque nos conuersatio exercet, frontem *Crucis* signaculo terimus.
26. Secundò seruit Regula Beatissimi Augustini, quâ, libro 4. contra Donatistas capite 24. id censer: Apostolicam habere traditionem, & institutionem, quod in vniuersa Ecclesia, & omnibus retro temporibus seruatum est; quamuis ipsum etiam tale sit, vt Ecclesia potuerit institui. Quid verò? An non in vniuersa Christi Ecclesia omnibus retro temporibus fuit vsus *Crucis*?
27. Tertio, valet hic Regula, quâ vsi sunt Irenæus, atque Tertullianus. Ille libro 3. capite 3. hoc libro de Præscriptionibus Hæreticorum. Vbi docent ex Apostolica descendere Traditione, quod pro tali habetur in q̃s Ecclesijs, vbi est integra & continuata successio ab Apostolis. An in nostris Ecclesijs illa non est? an pro Apostolica Traditione à nobis non habetur *Crucis* vsus?
28. Addimus, pro his quartum pro nostra causa argumentum, quod communi Ecclesiæ Doctorem consensu, vsus *Crucis* pro Apostolica Traditione habeatur. An hic errare potest aut fallere? Si potest, nonne necesse est totam Ecclesiam errare (vt quæ Doctores suos atque Magistros, non possit non sequi)?
29. Constitutum igitur sit *Crucem* ad Dæmones profligandos & proscribendos valere. Sed quæ *Cruz*? & quomodo. Hoc definiamus, & capiti finem imponamus.

PARS TERTIA.

233

Primum verò, ex ijs, quæ hæcenus dicta sunt, haud obscure cognoscitur, illam *Crucem* intelligimus; quam manu in aëre formamus: illam, quam *Transseuntem* vocauimus. Alia veruntamen est, quæ in Imaginum constituitur genere, & *Permanens*, siue *Constans* dicitur: & vel in plano pingitur, vel in solida aliqua materia effingitur; quam ad Dæmones pellendos valere, quamvis exemplis probari non possit: ratione tamèn non minus certum est, quàm illa Dæmones pelli, quæ manu formatur.

30.

Cùm enim *Crucem* detestentur Dæmones; quidni hanc *Constantem* detestarentur, quæ & *Crucis* nomen habet, & non minores, quàm *Transiens* illa, & in aëre formata, vires habet?

31.

Quid, quòd plus hæc còtra Dæmones seruire posse videatur? Etenim cùm ad *Crucis* conspectum Dæmones fugam capiant; illa *Crux* hic melius seruit, quæ perseverat; quàm quæ mox, postquam manufacta est, evanescit: propterea, quod hac pulsæ, mox possint redire, illa ita pelli videantur, vt reditus omnino sit prohibitus.

32.

Hoc attendisse videntur Maiores nostri; cùm olim profanis Idolorum delubris, quæ Dæmonum erant domicilia, destructis, mox *Crucis* vexillum erexerunt. Hoc, qui Maiores hodie in Indijs æmulantur. Neque enim *Crucis* Christi erecta, tantùm voluerunt reuocari ad memoriam Christi, quos pertulit cruciatus & passionem; aut significare loca illa, quibus *Crux* erecta, Christo seruire; verùm etiam hoc signo ad ipsa Dæmonibus omnem accedendi aditum prohibere.

33.

Fortè etiam hinc profecta Catholicorum consuetudo, vt in ædibus, *Crucis* Christi, atque Crucifixi habeant Imagines. Cùm enim ædes à Dæmonum infestatione cuperent esse liberas: *Crucis* autem atque Crucifixi Imagines scirent ipsis esse exosas; hoc ipso existimarent Dæmonibus ædes suas interdictas; quo *Crucis*, Crucifixique essent instructæ & ornata Imaginibus.

34.

Optandum esset, vt quæ Maiorum nostrorum in hac re fuit pietas; eadem nostris vigeret temporibus. Nunc proscriptis ex domibus Christi, Sanctorumq; Imaginibus & insignibus: cùm Veneris atque Priapi; alijsq; fœdis & profanis splendeant omnia, nonne Dæmonibus auditum ad ædes atque domicilia nostra patefacimus?

35.

Patefacere ostendit exemplum puellæ; quæ cùm in balneis Veneris imaginem fuisset impudentius intuita, & ad eandem se composuisset; mox à Dæmone obsessa est, vt habet grauissimus Author Prosper Aquitanicus, l. 6. de Promissionibus.

36.

37. Quemadmodum non decet in familia audire sermonem lasciuum; ita nec tabulas habere conuenit impudicas. Loquax res est pictura tacita, & sensim irrepit in animos hominum. Lingua loquitur auribus, pictura oculis; multoque loquacior est pictura, quam oratio, &

*Segnius irritant animos demissa per aures,
Quàm qua sunt oculis subiecta fidelibus; & qua
Ipse sibi tradit Spectator.*

Aristoteles adeò putat picturas, statuasque lasciuas ad motum corruptelam facere, ut velit per Magistratum publicis legibus caueri, ne quid Imaginum sit in ciuitate, quod admoneat turpitudinis.

38. Quocirca bene Canon 100. sextæ in Trullo: Oculi tui recta aspiciant, & omni custodia serua cor tuum, iubet Sapientia. Corporis enim sensus sua facile in animum effundunt. Picturas ergo, quæ oculos perstringunt, & mentem corrumpant, & ad turpium voluptatum mouent incendia, nullo modo deinceps imprimi iubemus. Si quis autem hoc facere aggressus fuerit, deponatur. Bene quoque Clemens Alexandrinus, postquam Paganos reprehendit, quòd in cubili decumbentes Venerem nudam respiciant in tabellis depictis: habeant quoque Paniscos & nudas puellas, & ebrios Satyros, &c. tandem concludit: *Horum non solum vsus, sed etiam aspectus & auditus deponendam esse memoriam, vobis annuntiamus.*

39. Intellexerunt hæc Græci: de quibus scribit VVilhelmus Durantus, Mimarensis Episcopus, l. 1. ca. 3. Rationalis diuinorum Officiorum, quòd Imagines solum ab umbelico supra, & non inferius pingant; ut omnis stultæ cogitationis occasio esset sublata.

40. Sed quomodo *Crux* Dæmones fugat? Respondemus breuiter; Aliter fugat illa *Transiens*, aliter *Permanentis*. Illa, ut obiectum atque efficiens; hæc, ut obiectum tantum. Breuiter hoc, sed obscure. Explicandum igitur.

41. Constanti atque *Permanenti Cruci* non aliqua vis inest; ut in præsentibus Dæmones agat; quemadmodum suus inest calor igni, quo calefacit circumstantem aerem. Hoc ipso fugare dicitur, quod illam ferre Dæmones nequeant; illam detestentur, odio prosequantur.

42. Idem odium efficit, ut fugiant *Transseuntem*. Nam & ipsa *Crux* est. Veruntamen hoc maior illis vis infertur: quod ad odium, quo per se *Crucem* fugiunt Spiritus, accedat imperium, in virtute, & cum virtute *Crucis*, discessum imperantium, atque ipsos cedere cogentium: ut hic

ut hic cum *Cruce* etiam homines agant in *Dæmones*: ibi ipsa per se in eisdem agat *Cruce*.

CAP. LXIX.

De Rebus consecratis: quibus sine ullo superstitionis crimine, docetur Catholicos uti, ad loca à Dæmonum infestatione & molestia purganda: docetur item, quæ res hic præcipuum locum obtineant: & quomodo hæc præstent, aperitur.

DE *Rebus consecratis* multa satis in illa, de *Dæmoniacis*, Disputatione. Omnia nobis in præsentī negotio seruiunt, alia directe, alia indirecte. Indirecte illa, quibus demonstratum est res illas valuisse ad morbos pellendos; catenas dissoluedas: abigendas locustas: intumescētis maris fluctus frangendos: aliaque his similia: directe verò, quæ docuerunt iisdem vim *Dæmonibus* esse allatam.

1.

Et hoc quidem egregiè præstant, quæ pro *Dæmonum* ex humanis corporibus eiectione dicta sunt; sed maximè exempla, quibus eisdem locis pulsos, & in fugam conuersos docuimus; exempla, inquam, *Sicæorum Archimandritæ*, *Theodori*; qui benedictæ aquæ aspersione, domum à *Dæmonum* infestatione liberauit: & *Sacerdotum*, qui ex *Moguntinensi* agro *Dæmonium*, quod iam tribus annis magnas attulerat molestias, eadem lustrali aqua profligârunt.

2.

Poterant hæc satis esse pro præsentī argumento. Quia tamen hic etiam quædam difficultatem habent; illa non prætereunda; sed discutienda existimamus. In his primum est; An hic *Dæmones* fugam simulent; an potius cogantur *Rebus consecratis*, ut inuiti, discedant. Alterum est; Quænam *Res consecrata*, maximè ad *Dæmones* locis proscribendos valeant. Tertium, Quomodo illæ *Spiritus* in fugam conuertant; an vno atque eodē omnes; & rursus eodem, quo *Cruce* atque *Reliquiæ*, de quibus præcedentibus Capitibus,

3.

De primo illo sic statuimus: *Dæmones* non hic fugam simulare, & ad superstitionē fuga inuitare; sed *Rebus sacris*, inuitos pelli, & in fugam

4.

conuerſi. Docemus duabus rationibus. Prima ſumitur ex rebus, quæ vſu *Rerum conſecratarum* ſunt perfectæ: altera ex modo, quo res conſecrantur.

5. *Primam ſic formamus.* Non minus eſt veriſimile, *Rebus conſecratis*, verè, & non tantum, pro Dæmonum voluntate, Dæmones locis proſcribi, & in fugam conuerſi; quàm iſdem, & non pro Dæmonum voluntate, res aliquas præclaras & vires naturæ ſuperantes, eſſe perfectas: Sed alia multa præclaræ res, *Rebus conſecratis* perfectæ ſunt, quæ pro Dæmonum voluntate fieri non potuerunt; Non igitur, pro ſua voluntate, Res ſacras fugiunt; ſed inuiti in fugam conuertuntur Dæmones.

6. Tria hic, tanquam certa, conſtituimus, quantum ex his, pro noſtra ſententia inferimus. Ponimus res magnas vſu *rerum conſecratarum* eſſe perfectas. Ponimus illas nec Dæmonum opera, nec pro Dæmonum voluntate eſſe perfectas. Ponimus non aliam eſſe rationem fugæ Dæmonum, & operum, quæ *Rerum conſecratarum* vſu ſunt perfectæ. Ex omnibus concludimus, Dæmonibus vim *rebus conſecratis* afferri, dum fugiunt; & à locorum infeſtatione deſiſtunt. Docemus ſingula.

7. *Primum probant innumera propemodum*, alias à nobis allata, qualia ſunt, quòd oleo *conſecrato* plurimis infirmis ſanitatē reſtituerit S. & iſſimus Hilariū; vt in eius Vita refert B. Hieronymus; quòd *conſecrato ſale* idem præſtiterit S. Monegundis, teſte Gregorio Turonenſis in eius Vita: quòd *luſtrali aqua* Aphrates quidam, cuius Theodoretus vitam, reſq; geſtas deſcribit, innumerabilium locuſtarum multitudinem abegerit; fregerit *eadem* intumeſcentes maris fluctus S. Germanus, quemadmodum Venerabilis Beda teſtatur, lib. 1. cap. 17. hiſtoriæ Anglicanæ: & catenas, quibus quidam conſtricti tenebantur, diſſoluerit Euernoldus, Rateburgenſis Epiſcopus, vt ſcribit Krancius lib. 5. Vandalicæ: & tantum non mortuum priſtinæ ſanitati reſtituerit B. Chryſoſtomus, teſte Metaphraſte 13. Nouembris, &c.

8. *Quod verò hæc pro voluntate Dæmonum, eorumq; opera facta ſint*, quis dixerit? Ea eſt ratio miraculorum, vt virib. Dæmonum nulla ratione fieri poſſint. Vel Dæmonum igitur opera hæc non ſunt; vel miracula non ſunt.

9. *Miracula forſitan Dæmonum opera fieri poſſunt?* Non poſſunt. Hic Theologorum omnium ſenſus eſt, & conſenſus. Naturæ vires illa ſuperant. Naturali igitur virtute, qua ſola inſtructi ſunt Dæmones, fieri nequeunt.

PARS TERTIA.

237

Miracula fortè non sunt, quæ recensuimus? Quidni essent? Totius antiquitatis opinione; totius Ecclesiæ sententia, pro miraculis habita sunt. Et non nisi diuina virtute illorum pleraque (ne omnia dicam) fieri potuerunt: Illa igitur, si non omnia, miraculi loco habenda.

Possint Dæmones locustas abigere: possint intumescentes maris fluctus frangere: possint catenas dissoluere: An possunt cæcis restituere visum? ad vitam reuocare mortuos? mox pristinæ sanitati restituere ægros? Non sit in terris potestas, quæ cum ipsorum conferri queat; tanta tamen non est, ut omnia, quæ vsu *Rerum consecratarum* perfecta sunt, possint.

Cum igitur hæc *Rebus consecratis* perfecta sint; similiaq; fiant quotidie, cur negatur earundem *Rerum* virtute fugari Dæmones? An non in eodem prodigiorum genere (quod tertio loco probandum est) sunt omnia? An maius opus, Dæmonum proscriptio; quàm aut vinculorum disruptio, aut mirabilium morborum curatio? aut mortuorum ad vitam reuocatio?

Maius opus non est Dæmonum proscriptio, multo illa sunt maiora. Et siue maius sit, siue minus; in eodem certè cum illis genere est. Quemadmodum illa naturalibus rerum viribus non perficiuntur; ita nec Dæmonum proscriptio.

Profectò, quemadmodum amens necesse sit, qui dum prodigia hæc vsu *Rerum consecratarum* fieri videt, non agnoscit *Rerum consecratarum* virtutem; ita potest non esse amens, qui cum illa virtuti *Rerum consecratarum* tribuit, solam Dæmonum proscriptionem excipit, & ad hanc nihil credit valere *Res consecratas*; quæ tamen, ut ad hunc finem valeant, singulari studio benedicuntur & consecrantur. Hæc pro primo argumento.

Secundum argumētum sic constituimus. Nullus potest, aut debet superstitiosum existimare, si quod à Deo petitur obtineatur, & effectum suum consequatur: At à Deo petitur, ut *Res consecratæ* valere velit ad Dæmones profligandos: atque mox obtinetur. Non igitur superstitiosum existimare Dæmones *Rebus consecratis* proscribi.

Hic dubium non est, peti à Deo, ut *Res*, quas in vsu generis humani condidit, velit valere ad profligandos Dæmones. Quid habet aliud orationis forma, quæ benedicuntur? Oremus, inquit Sacerdos, (in consecratione salis & aquæ) ut creatura tua mysterijs tuis seruiens; ad abigendos Dæmones, morbosq; pellendos, diuina gratia sumat effectum. Et, in consecratione Agnorum Dei, ut à te benedicti, virtutem accipiant, contra omnia diabolica tentamenta, &c.

17. Dubium item non est, effectus, quos ad *Res sacras* fieri oratione à Deo contendimus, ad *Rerum ipsarum vsum plerumq; consequi*. Adhibetur aqua non consecrata infirmis; & non sequitur sanitas: adhibetur Dæmonibus; mouentur nihil. Adhibetur *eadem*, oratione Sacerdotis, *benedicta* iisdem infirmis; & sequitur sanitas. Adhibetur Dæmonibus; & rugiunt, magnisque clamoribus editis, in fugam conuertuntur.
18. An verò potest superstitiosum esse, vel credere *Rebus consecratis* hæc fieri? vel ad hos effectus producendos *res consecratas* adhibere? Cui vel per somnium hoc in mentem venire potest? Quoniam cum rogatus est Deus, vt *Res consecratas* velit valere ad Dæmones profligandos, quando iam consecratis Dæmones proscribuntur; omnino credendum est, & Deum *velle* ipsas ad hoc valere, & nullum peccatum esse, *credere valere*.
19. Nec vlla hic superstitionis suspicio potuit in mentem venire Catholicis, dum in hunc finem *Res* consecrant, quoniam *Res* sensibiles, etiam ad effectus Spirituales, atque supernaturales valere posse, Sacrarum literarum autoritate instituti nouerunt. Sciebant in veteri lege *aquam à sacerdotibus maledictam* prodere, miris modis, crimen adulterij. Hoc à Deo Iudæorum gens instituta obseruabat. Numer. 5. Sciebant in noua reperiri *piscinam*, quæ ab Angelo mota, sanitatem pristinam, primum ipsam ingredienti restituebat. Ioan. 5. Sciebant *radicem à Salomone monstratam* valuisse ad expellendos ab obsessis corporibus Dæmones. Sciebant ad idem valuisse *fumum à piscis iecore excitatum*: quod ab Angelo didicerat Tobias. Tob. 6.
20. Promisit Deus discipulis suis; quòd, *si quid in nomine eius peterent, voti fierent compotes*. Ioan. 16. Ponamus nullam promissionem factam discipulis; rogauerint ipsi Dominum; vt si quid in Christi nomine peterent, consequerentur. An si postea in Christi nomine quid *petiissent*, & obtinuissent; fuissent superstitiosi? Fuissent superstitiosi, *si credidissent* preces in nomine Christi factas, esse efficaces? postquam etiam earum efficaciam rebus ipsis essent experti? Annon simile est, quod de *Rebus consecratis* credimus?
21. Similius est, quod de Gedeone legimus; Iudicum 6. Huic occupato in excutiendo frumenta, apparuit Angelus, libertatem populo Iudaico promittens, *se duce futuram*. Ille de promissione fieri certior petit Sacrificio, Angelo offerendo. Quæritur, An postquam quod oratione optabat fieri, consecutus est, peccauit, vel quando *credidit* per se victoriam obtinendam; vel quando victoriam obtinuit? Quis peccasse dicet?

Magis

P A R S T E R T I A .

Magis ad rem facit, quod addimus. Piscina fuit Hierosolymis, quæ sanitatem primum ipsam ingredientibus præstabat, eo, quo ipsam Angelus nouisset, tempore. Ponamus ita esse, ut hanc virtutem aliorum oratione obtinuerit (neque enim hoc impossibile) querimus nunc, Vtrum criminis rei fuissent, qui vel credidissent sanitatem hoc se, baptismo consecuturos, vel ad sanitatem obtinendam aquas fuissent ingressi? Quod peccatum? Et in *Rebus consecratis* peccatum?

Addimus quartum, quod proximè accedit ad *Res consecratas*. Salomon monstrasse dicitur radicem, quæ naribus obessorum admodum, quoduis Dæmonium pellebat. Ponamus Regem hoc à Deo obtinuisse. Neque enim virtus illa radici inesse potuit. Quid inde? Omnesnè, qui vel radice postea usi sunt, vel usum radicis crediderunt esselicitum, fuerunt superstitiosi? Quis crederet? Et superstitiosum sumus Catholici, dum *Rebus consecratis* utimur, & utendum censemus?

Non potest non omne peccatum in Deum redundare, si quod à Catholicis hic committitur, siue credant *Rebus consecratis* Dæmones pelli; siue iisdem Dæmones pellant. Ipsi omnino extra omnem sunt culpam. Omnis quæ hic est, Dei est. Quid ita? quia antequam *Res consecratæ* essent, ijs uti noluerunt, quod non ignorarent talem vim rebus naturalibus non inesse: postquam consecratæ fuerunt, & ut ad Dæmones profligandos valerent, à Deo petiuerunt, usi sunt: quid potuerunt aliud concludere, quàm orationem suam apud Deum locum habuisse? placere Deo; ut contra Dæmones *consecratis Rebus* utantur? placere, quod hanc de *Rebus consecratis* habeant opinionem?

Fortè dicitur, orationem ipsorum apud Deum Iosum habere; Deumque esse, qui per se ad ipsorum preces Dæmonibus discessum imperat, nihil ad hoc conferentibus *Rebus consecratis*. At dici hoc non debet, omnino enim, si sine crimine, de *Rebus consecratis*, quod sentiunt, sentire nequeunt; omnino si *rebus consecratis* quod faciunt, facere nequeunt; omnino, inquam, oportet Deum ipsorum desiderio non satisfacere. Quare? quia cum per *Res consecratas* illa sibi tribui postulauerint; aliter, quàm per ipsas fieri, non possunt non sibi persuadere.

Fortè dicitur, hic, ut alias, aliquando, malorum desiderio Deum facere satis; & mala permittere petentibus mala. At quis unquam, quod vniuersa Ecclesia postulat, peccatum dixerit? Quando etiam Deus prauo alicuius communitalis desiderio satisfacit?

Sed

Sed & quando prauis quorundam desiderijs satisfecit; nec n ita satisfecit; vt ipsos ad peccandum inducat; in peccato confirmet; ad peccatum promoueat; quæ tamen his necesse est confiteamur, si malo nostro voto, in profligatione Dæmonum, ad *Rerum consecratarum* vsum satisfecit. *Hactenus de primo.* Nunc *quæ res* ad Dæmones profligandos faciant, videamus.

27. *Rerum consecratarum genera sunt varia, sed ad Triaprima reuocari posse videntur. Quædam ad cultum diuinum pertinent, & ad hunc finem consecrantur; quædam vsum habent in Sacramentorum administratione: quædam vlibus hominum, extra Sacramentorum administrationem, deseruiunt.*

28. *Posteriores hæ duplicis generis sunt. Aliæ pro hominum incolu-
mitate, & ad pellendos morbos consecrantur: aliæ, vt aduersus Ne-
quam spiritus sint arma, atque præsidia. Hæ rursus, vel arcent Spiri-
tus, ne accedant & molesti sint; vel ipsos inde, vbi sunt & molestiam
pariunt, abigunt.*

29. *Hæc rerum consecratarum genera, sed quæ ad Dæmones proscri-
bendos faciunt? Respondeo, Omnes Dæmonibus exosas esse: alias tamen
alijs magis: quam obrem alijs, præ alijs, contra Dæmones confligen-
dum.*

30. *Exosæ sunt, quæ ad diuinum pertinent cultum. Primum hoc nomi-
ne, quod consecrata sunt. Rerum sacrarum hostes sunt Dæmones.
Deinde quod harum vsus ipsis seruire non possit, qui ante consecra-
tionem ipsis liber esse potuit. Tertiò quod diuinus honor ijs perfici-
tur; cuius non minores, quàm ipsius Dei, sunt aduersarij.*

31. *Exosæ sunt, quarum vsu est in Sacramenti: ob easdem causas; verum
tamen non solas. Hoc etiam nomine displicent, quod instrumenta
quædam sint, & pharmaca; quibus cælestis Samaritanus vulneribus
mortalium medetur, animarumque salutem (quam impedire sem-
per desiderant Dæmones) promouet.*

32. *Exosæ sunt illæ tertij generis, quas petimus à Deo prodesse nobis, ad in-
coluinitatem & morbos pellendos. Quia præterquam, quod consecrata
sint, & Dæmonibus subtractæ; etiam suos effectus sæpissimè conse-
quuntur, quos quia agrè conspiciunt Dæmones; meritò causas de-
testantur, & execrantur à quibus illi proficiuntur.*

33. *Postrema deniq; non possunt non exosæ esse. Cum enim in hunc fi-
nem consecrata sint, vt aduersus Dæmones arma sint, possuntne
Dæmonibus esse grata?*

34. *Quia verò, quia hoc fine consecrantur, his maximè in iusta,
contra*

contra Dæmones, vtendum censemus; non similiter reliquis. Hæ proprium suum hic videntur habere vsum: reliquæ non item, vt ob id non tantum in his, quàm illis præsidij ponendum sit.

Et inter has præferendas existimamus: in præsentē negotio, illas; 35.
quibus, vt Dæmones ijs, quibus locis degunt, discedant, rogatus est Deus. Ex quarum genere sunt *Aqua benedicta*, atque *Cereus*, qui Purificatæ Virginis Matris festo consecrari solet. Has maximè in hac, contra Nequam Spiritus pugna, seruire docent formæ, quibus consecrantur. Cum consecratur Aqua, rogatur Deus, vt Elemento huic virtutem suæ benedictionis velit infundere: vt creatura mysterijs eius seruiens, ad abigendos Dæmones, diuina gratia sumat effectum; vt quicquid in domibus, vel in locis fidelium, hac vnda resperferit, careat omni immunditia, liberetur à noxa: Non illic resideat Spiritus pestilens, non aura corrumpens; discedant omnes insidia latentis inimici: & si quid est quod aut incolumitati inhabitantium inuidet, aut quieti; aspersione huius Aqua effugiat: vt salubritas per sui nominis inuocationem expedita, ab omnibus impugnationibus sit defensa. In benedictione autem Cerei petitur, vt, per Cera sanctificationem, Dominus conterat Diabolum, & disperdat de cunctis habitationibus colentium Deum: de basilis, de domibus; de angulis, de refectorijs, de lectulis, de vniuersis locis, in quibuscunque Deo famulantes habitant, & requiescunt; dormiunt, vigiliant, ambulant & consistunt. Nec audeat ille malignus Spiritus inquietare amplius, vel pauorem immittere, super eos quos Sancti Chrismatis sui victione fecit esse munitos. Ita libri Rituales.

Hinc fuit, vt harum Rerum frequentissimus vsus sit apud Catho- 36.
licos, ijs locis atq; temporibus, quibus plerunque Dæmones molesti esse solent, apud morti vicinos, vbi tempestates excitantur: vbi Spectra locis sunt infesta, &c.

Sed ad modum veniamus, quò *Res consecrata* contra Dæmones 37.
valere existimantur. Hic primùm quæritur, Eodémne valeant, quò Crux atque Reliquiæ, de quibus præcedentibus Capitibus? an alio aliquo? Deinde, Vtrum ipsæ inter se, vna atque eadem ratione?

Ad prius dicimus, has directè, atque per se aduersus Dæmones 38.
valere; illas non item. Non hic Reliquiarum vsus est, vt Dæmones profligant: non Crucis; sunt illæ pignora Sanctorum, quos Deus honorat. Est hæc index beneficii; nobis in ipsa comparati. At per se ad Dæmones profligandos *Res consecrata* institutæ sunt; consecratæ sunt.

39. Alterius ex *Rerum Consecratarum* distinctione pendet solutio. Sed & inter has, illæ, quas maximè seruire hic diximus (*aquam benedictam cum Cereis intelligo*) non eodem modo contra Dæmones valent, seruit aduersus ipsos *Aqua* tanquam instrumentum virtutis diuinæ, seruiunt *Cerei*, vt instrumenta, atque signa; quemadmodum alio loco docebitur.

40. Et quia vtraque, vt instrumenta seruiunt; hinc si effectus suos consequi debent, vsus ipsarum necessarius est: atque ipsa *per se propriè* non sufficiunt. Quia verò *Cerei* etiam signa sunt, oportet vt ardeant, si perfectè id, cuius signa sunt, debent significare. Sed de hoc alias.

C A P. LXX.

De Exorcismis, & Consecratione, atque Benedictione locorum aduersus malignantium Spirituum infestationes atque molestias.

1. **D**E Exorcismo, qui ad profligandos Dæmones adhibetur, duo potissimum examinari possunt. Primum, An reuera ad Dæmones, locis suis pellendos valeat. Alterum, An quæ in ipso à Catholicis assumuntur, superstitiosa sunt & perniciofa. De vtroque plurima dicta sunt in illa, de Dæmoniis, Disputatione, quæ quia hoc loco seruire possunt omnia, nihil hic de Exorcismo. Verum, quoniam præter Exorcismum, alia ratio est, Dæmones partim à locis arcendi: partim ex locis proscribendi: quæ ad Exorcismum proximè accedit, operæ precium fecerimus, si vires eius inquiramus, atque ipsam ab Aduersariorum calumnijs vindicemus.

2. Illam quidam Rituales libri continent, & quinque partibus concludunt. Hæ sunt, diuini auxilij Imploratio, Psalmorum, vt vocant, Gradualium recitatio: lectio Euangelij; Thurificatio, siue incensum; & Conclusio.


BENEDICTIO DOMVS NOVÆ aut Damonibus infestæ,

V. Adiutoriū nostrum ✠ in nomine Domini.

R. Qui fecit calum & terram.

Oremus

Oremus.

 Mnipotens sempiterne Deus, qui Sacerdotibus tuis, præ cæteris, tantam gratiam contulisti, ut quicquid in tuo nomine dignè perfecteque ab ijs agatur, à te fieri credatur: quæsumus immensam clementiam tuam; ut quod modo visitaturi sumus, tu visites; & quicquid benedicturi, bene & dicas, & ad ea, quæ acturi sumus, dexteram tuæ potentiae extendas: sitque ad nostræ humilitatis ingressum & introitum Sanctorum tuorum meritis, fuga Dæmonum: & Angeli pacis ingressus, Amen.

Hic quod damnetur nihil est. Dubium non est Sacerdotibus, præ cæteris hominibus, gratiam esse collatam. Docet B. Chrysostomus libr. de Sacerdotio, Sacerdotes Principibus atque Regibus magis esse reuerendos. Nihil esse purpuram, nihil diadema, nihil vestes aureas: Omnia hæc umbras esse, & vernis flosculis leuiora, si cum Sacerdotij dignitate conferantur. 3.

Dubium non est credi posse, à Deo agi, quicquid in Dei nomine à Sacerdotibus dignè perfecteque agitur. Diuina id probant hæc eloquia. Non vos estis, qui loquimini; sed Spiritus Patrius vestri, qui loquitur vobis. Matth. 10. Qui vos spernit, me spernit; qui vos audit, me audit. Luc. 10. Saule, quid me persequeris? Act. 9. An experimentum quaritis eius, qui in me loquitur Christus? 1. Cor. 13. &c. 4.

An malum fortè, quòd Deum rogamus, ut visitare atque benedicere dignetur, quod nos visitamus atque benedicimus? Si hoc facit; quod malum est, si ut faciat, rogamus? Facere verò iam dicta docent. 5.

An malum, quod fugam poscimus Dæmonum? At dedit potestatem fugandi; docuitque fugandi modum. At igitur hic nullum crimen, aut non sine crimine Deus. 6.

An malum, quòd Angelorum petimus ingressum? At hunc petimus, ut Dæmonum conatibus illi obfistant. Aut igitur fuga Dæmonum petenda non est; aut, ut nobiscum sint Angeli pacis, licet petere. Si, quemadmodum Psal. 33. dicitur, Deus immitit Angelos in circuitu timentium eum: & eripit eos, quod malum, si Angelorum auxilium poscimus? Si Angelis suis (Psal. 90.) mandauit de nobis, ut custodiant nos in omnibus vijs nostris, ut custodiant in certis locis petere nō 7.

possumus? Perpetuum bellum contra malos Spiritus gerunt Angeli boni, teste Origine, super illud Christi, *An putas, quia non possum, &c.* & peccamus, dum ut nostri causa hoc suscipiant, rogamus? Denique quantum & hic & in alijs rebus Angeli possint, nemo ignorat. Nota est B. Augustini sententia: *Vnaquaque*, inquit ille (1.83. qq. quæst. 79. *res visibilis in hoc mundo habet Angelicam potestatem sibi propositam.* Et (8.) super Genesin ad literam cap. 24.) *Angelis*, inquit, *Deo subditè fruentibus, & Deo beatè seruientibus*, subdita est omnis corporea creatura; omnis irrationalis vita; omnis voluntas vel infirma, vel praua, ut hoc de subditis vel cum subditis agant, quod natura ordo poscit in omnibus, iubente illo, cui subiecta sunt omnia.

8. Displicet fortè, quòd *Sanctorum meritis* hæc petuntur. Verùm displicere hoc non debet. Quanta, & quot beneficia genti ludæorum Deus contulit, propter merita Patriarcharum, Abraham, Isâac, & Iacob? An Sanctorum noui Testamenti merita cum horum non conferenda?

9. Displicet, quòd benedictionem diuinam postulando *Crucem* formemus? At *Crucis* vsus in omnibus benedictionibus iam olim fuit receptus. Hoc signo *Crucis*, inquit B. Augustinus, Serm. 119. de Tempore, *consecratur corpus Dominicum, sanctificatur fons Baptismatis: initiantur etiam Presbyteri & ceteri gradus.* Idem Tract. 118. ad finem ca. 10. loannis: *Signum Crucis*, inquit, *nisi adhibeatur siue frontibus credentium, siue ipsi aqua, qua regenerantur; siue oleo, qua Chrismate vnguntur, siue sacrificio, quo aluntur; nihil eorum ritè perficitur.* Sed de *Crucis* signo alias plura.

10. *Versus* verò, qui *Orationi* preponitur, & quo *Adiutorium Dei*, qui fecit *calum & terram* petitur: nullo modo potest displicere. Tanto iustior est, quanto certius nobis constat, & sine Dei auxilio nihil nos posse; & opem Dei non defuturam omnibus eandem, in quacunque necessitate, implorantibus. Quid, quòd in hunc optimè conueniat, quod de simili (*Deus in adiutorium meum intende*) habet Cassianus? Coll. 6. cap. 10. *Ad omnem statum*, inquit, *ad vniuersos incursum* propriè satis & competenter aptatur. *Habet siquidem aduersus discrimina inuocationem Dei, habet humilitatem pia confessionis, habet sollicitudinis ac timoris perpetui vigilantiam, habet considerationem fragilitatis suæ exauditionis fiduciam, confidentiam præsentis semperq; adstantis præsidij.* Hæc Cassianus. Apud quem plura, quæ ad eius commendationem faciunt, licebit legere.

11. Quod autem *Versus* hic diuidatur, & priorem eius partem Sacerdos dicat, posteriorem circumstans populus, nihil ipsi detrahit. Nec

Nec in nobis id debet reprehendi. Exemplum Seraphim Angelorū in hoc sequimur, de quibus Isaïas Propheta c. 6. quod *clamabant alter ad alterū, & dicebant: Sanctus, Sanctus, Sanctus Dominus Deus Exercituum.* Probamus institutum S. Ignatij, à quo Orientalis primū, deinde Occidentalis Ecclesia habet, quod & Psalmi & Dei laudes per Antiphonas *alternatim*, dicantur, teste Nicephoro, l. 13. c. 8. *Atque hactenus de prima parte.*

SECUNDA PARS.

Hæc tres, vt ita dicam, habet processus: quorum singuli *quatuor* potissimum absoluuntur actibus. Recitatione quinque Psalmorum Gradualium; Oratione dominica: Postulatione; & aquæ benedictæ, per domum, vel locum Aspersione. De quibus sic liber Ritualis. *Deinde Sacerdos incipiat Psalmos Graduales, & prosequatur quinque primos? aquam benedictam aspergendo per loca domus, quibus finitis dicatur:*

Kyrie eleyson, Christe eleyson, Kyrie eleyson.

Pater noster. Et ne nos. Sed libera nos.

Oremus.

Domum tuam, Domine, clementer ingredi, & in tuorum tibi corda fidelium perpetuam construe mansionem: & præsta, vt in hac domo nulla malignorū Spirituum dominetur nequitia. Per Dominum, &c.

Deinde incipiat Psalmum. Qui confidunt, &c. cum Reliquis quatuor, & vt prius spargat domum aqua benedicta, quibus finitis dicat.

Kyrie eleyson, Christe eleyson, Kyrie eleyson.

Pater noster, Et ne nos. Sed libera nos.

Domine exaudi, &c. Dominus vobiscum, &c.

Oremus.

Omnipotens sempiterne Deus, qui in omni loco dominationis tuæ totus assistis, totus operaris: adesto supplicationibus nostris; vt huius domus sis protector, & nulla hic nequitia contrariæ potestatis obsistat; sed virtute Spiritus sancti, & operatione, fiat tibi hic primū seruitium, & deuota libertas existat. Per Dominum nostrum, &c.

Postremum incipiat Psalmum, De profundis; & prosequatur ipsum cum alijs Gradualibus Psalmis; interimq; aspergat domum aqua benedicta, quibus completis dicat.

Kyrie eleyson, Christe eleyson, Kyrie eleyson.

Pater noster. Et ne nos. Sed libera nos.

Domine exaudi, &c. Dominus vobiscum, &c.

Oremus.

DEus, qui in omni loco dominationis tuæ dedicatō assistis: exaudi nos, quæsumus; ut inuiolabilis huius domus permaneat bene ✕ dictio: & beneficia tui muneris vniuersitas, quæ supplicat, mereatur. Per Christum, &c.

12. An hic aliquid superstitiosum, & Christiano homine indignum? *Psalmorum vis magna est. Psalmus, ait Basil. in Psal. animarum est tranquillitas, arbiter incunda pacis; cuius annutu exundantes ac tumultuaria cogitationes se contrahunt, & conquiescunt. Et post. Psalmus est amicitia conciliator, vnio disidentium, pacis inter hostes stabilienda sequester. Et rursus. Psalmus est profligandis Damonibus, & depellendis, quoddam amuletum, Angelica tutela conciliator.*

13. Et quāuis ad id solum valere videantur, quod postulant; dubium tamen nullum, etiam ad Dæmonum profligationem valere: vel propterea, quod Spiritu sancto dictante sint conscripti; quem, & cuius orationem non possunt non declinare, & detestari Nequam Spiritus.

14. Sed cur hi (*Graduales*) sumuntur, & non alij? Quæro ego, cur alij fumerentur; & non hi? Non dubium, quin magnis grauiusque rationibus permota Ecclesia, *hos præ reliquis*, in hoc negotio elegerit: cur *quindecim* assumpserit: cur in *tres* classes distinxerit: cur *quinque* in quolibet actu acceperit. Sed tamen si rationes nobis deessent; res hæc iustè damnari non posset; quoniam, ut Origenes, homilia 5. in Numeros: *In Ecclesiasticis, inquit, observationibus sunt nonnulla huiusmodi, quæ omnibus quidem facere est necesse, nec tamen ratio eorum omnibus patet.*

Psalmos sequitur repetitum Kyrie eleyson, Christe eleyson, Kyrie eleyson. Sed cur hac precandi vrimur formula? cur eadem repetitur? cur repetitur tertio? cur græco idiomate? cur in hoc negotio? cur ante orationem Dominicam?

15. *Vrimur, instituti exemplo BB. Iacobi & Marci: quorum ille Sanctissimus Christi Apostolus; hic eiusdem Euangelista. Eadem enim isti in suis Liturgiis vsi leguntur. Ab his autem per totas Orientis atque Italiæ provincias dulcis, & nimis salubris (ut loquitur Concilium Valense sub Leo. 1. can. 3.) consuetudo intromissa est, ut frequentius*

Kyrie.

Kyrie eleyson cum grandi affectu ac compunctione dicatur.

Repetitio eiusdem ab iisdem. Magni autem affectus & compunctionis argumentum est, quemadmodum Concilium insinuat. Frustra verò non fieri, & Domini in horto docet sæpius repetita oratio: & Cæcus, cuius importunam, & sæpius repetitam orationem præteriens reprehendebat turba. Lucæ 8. 16.

Trinam repetitionem S. Thomas 3. p. q. 83. a. 4. putat pertinere ad gloriam Mysterij Trinitatis, aut ad triplex malum deprecandum, ignorantie, culpæ, poenæ. Amalaricus Fortunatus, lib. 4. c. 1. hanc eius dat causam. Dum imploramus, inquit, diuinam misericordiam per *Kyrie eleyson*, & *Christe eleyson*, & iterum *Kyrie eleyson*: tres articulos, aliquo modo, diuina Maiestatis & Trinitatis celebramus in Ecclesia. Primus est ante assumptionem humanitatem; quando Trinitas inuocabatur sine copulatione humana natura. Secundus est post assumptum hominem; quando Christus videbatur in terra, & nihil minus à suis credebatur Deus & filius Dei. Tertius articulus est ex eo tempore, quo voluit clarificare illum assumptum hominem plus quam esset, quam diu mortalis erat. Ita Fortunatus. 17.

In forma Græcum idioma retinemus, quia illo recepimus. Nec malè, quoniam, vt habet B. Augustinus, Epist. 278. contra Pascentium, sicut Græca lingua, quod est *Omonison*, vna creditur vel dicitur à fidelibus Trinitatis omnino substantia: sic vna rogatur, vt misereatur, à cunctis Latinis & barbaris vnius Dei natura: vt à laudibus Dei vnius nec ipsa lingua barbara sit, vt à Latinis, aliena. 18.

Sed quorsum hoc loco, vbi cum infestantibus Spiritibus nobis est bellum? Quorsum alijs omnibus propemodum, vbi diuina imploratur misericordia? Non malè olim statuit Valense Concilium, can. 3. vt ad Matutinum, ad missas, ad Vesperam dicatur sæpius *Kyrie eleyson*. Non malè modò faciunt Christiani, quando idem nunc repetunt in horis Canonicis; nunc in defunctorum Officijs; nunc in publicis priuatisque Litijs: nunc ante atque post cibum sumptum. Non malè facit Exorcista, cum Spiritus molestantes locis est expulsurus, *Kyrie*, inquit, *eleyson*, *Christe eleyson*, *Kyrie eleyson*. Quemadmodum alibi non parua eius vis, ita nec parua speratur hoc loco. 19.

Et vim eius cum alia, tum duo exempla egregiè produnt. Notum est Theodosio Iuniore Imperante, Proculo Patriarcha cum clero, & maxima vrbanæ multitudinis parte supplicantibus, puerum in aerem sublatum fuisse: populo verò obstupefacto, & longo tempore vociferante *Kyrie eleyson*, rursus dimissum dixisse, sibi præceptum, ne in cantico ter sancto adderetur clausula: *Qui crucifixus est pro nobis*, ita Zo-

ita Zonaras, & Abbas Vrsperg. in Theodosio. Paulus Diaconus lib. 14. Histo.

Idem Paulus, libro 16. auctor est Iustiniano imperante, terræ motu concussa Antiochia, ciues qui remanserant, discalceatos omnes Litanias fecisse clamantes *Kyrie eleyson*: tumque apparuisse in visu homini Dei cultori, qui diceret, omnibus residuis significandum: superscriberent in liminaribus suis: *Christus nobiscum, stete.* & hoc facto iram Dei stetisse. Hæc Diaconus.

20. Optimè verò Dominicæ oration: (vt alias propemodum semper) in Exorcismo praponitur. Oratione enim Dominica summa rerum petendarum à Deo, continetur, humilium autem Deo placuit semper deprecatio. At humilis animi confessio est *Kyrie eleyson*. Eò ipso igitur Dei animum nobis deuincimus, & de rebus speratis piè præsumimus, quò sæpiùs hanc vocem ingeminamus. Quocirca & iustissimè *Kyrie eleyson* vsurpamus.

21. Ridetur fortassis, quòd oratio Dominica dicatur: petatur, fiat voluntas Dei: regnum eius adueniat: detur panis quotidianus, &c. cùm omnis cogitatio nostra est de Dæmonio expellendo. At voluit Dominus vt precaturi, dominicam orationem dicamus: Cùm oratis, inquit, dicite Pater noster. Deinde oratione Dominica non hac tantum petuntur: petitur etiam, vt liberemur à malis: vt non inducamur intonationes.

Deinde quàmuis solùm Dæmonum petatur proscriptio; tota tamen Oratio Dominica rectè recitatur: primò, quia reuerentia, qua Deum prosequimur, efficit, vt in oratione eius nihil mutatum velimus esse, nihil omissum, nihil additum. Tum deinde, quia omnes orationis partes etiam quodam modo ad depulsionem Spirituum faciunt. Sanctificatur melius Dei nomen; quò pauciores sunt, qui nos à bono impediunt, hostes. Facilius Dei regnum aduenit; si regnum eius apud nos non habeant Dæmones. Facimus promptius Dei voluntatem: si nullis molestemur Dei hostium insidijs. Panis verò quotidiani nomine, nonne bonum omne continetur? aut bonum non est immunitas à Dæmonum molestia? Reliqua per se clara sunt.

Iustissimè verò, quemadmodum in alijs necessitatibus; ita in hac, orationem Dominicam dicimus quod hanc plurimum apud Deum posse credamus: Cognoscit Pater Filij verba, inquit Chrysostomus, Ho. 14. in Matth. Et B. August. lib. 50. Homil. 42. Septem, inquit, habemus obtinenda causa nostra, quando talis Iurisperitus nobis preces dictauit, qui sedet ad dextram Patris.

An di-

An displicet *Numerus*: quòd tertio oratio repetatur? At pro distinctione Psalmorum in tres classes, ter dicitur oratio Dominica. Deinde si oratio semel dicta bona, cur repetita mala? Christus nonne tertio in horto est ad orationem conuersus? Quid si honor sanctissimæ Trinitatis hinc sit propositus?

22.

Sed & Chrysostomus, Euthymius, atque Theophylactus, in 26. Matthæi, docent hunc numerum rei veritatem, perfectionem atque constantiam solere declarare, quod sequentibus Sacrarum literarum exemplis verum esse probat Maldonatus, in 26. Matthæi. *Vas* inquit, *illud plenum omnis generis animalium, quod Petrus vidit, ter de calo demissum est. Act. 10. D. Paulus ter Dominum se rogasse dicit, vt Spiritum Satana à se tolleret, 2. Corinth. 14. Petrus Christum ter negauit: Matth. 26. Christus Petrum ser interrogauit, Diligis me plus hu?* Ioan. 20.

23.

Deinde pro distinctione Psalmorum triplex subiungitur *postulatio*. Primâ tria petuntur à Deo. Velit clementer ingredi domum: Velit in cordibus fidelium constituere perpetuam mansionem: Velit in domo nullam dominari Spirituum nequitiam. Omnia digna Deo, nobis *utilia pulchro ordine*. Digna Deo: quia *delicia eius esse cum filiis hominum*. Pro. 8. seruantibus sermones suos promisit fore, vt cum Patre apud ipsos mansionem faciat, Ioan. 14. Et hestè idcirco vicit, ne pro libidine nobis dominetur. Quàm verò omnia hæc nobis *utilia*? Quàm etiam *pulchro ordine*? Non potest mansionem in nobis facere, nisi prius ad nos ingressus. An verò postquam iam ingressus, & habitationem fecit; potest nobis dominari malignorum Spirituum nequitia?

24.

Secundâ petuntur propemodum eadem: sed præterea, vt in locis, quæ benedicuntur, *ipsi fiat sacrificium, & existat deuota libertas*. Libertas hæc mentem reuocare debet ad Deum, à quo locus ipsam obtinuit: vnde deuota dicitur. Seruitium, vt exhibeatur, dignissimum est etiam locis profanis, cum vbique Dei erga humanum genus, existant beneficia. Intelligebat hoc, qui dicebat: *In omni loco dominationis eius, benedic anima mea Domino. Psal. 102.*

25.

Eadem complectitur ferè tertia oratio. Nec malè *sapius* eadem petuntur: quia efficaciter, & pluribus petendum: quòd seriò expetitur. Addit hoc, quòd rogatur Deus, vt *inuiolabilis permaneat benedictio domus, & vt mereatur vniuersitas bona, qua postulat*. Hòc petitur bonorum operum exercitium: illò perseuerantia. Quia verò vtrumque bonum; vtrumque petere non malum; sed bonum.

26.

Vna, quæ in hac parte adhibetur, displicet *Aqua lustralis*. Hac omnia, quæ hæctenus commendauimus, corrumpit & deprauat. ita Ad-

uerfarij. Sed pro hac Aqua aliàs in illa de Dæmoniacis Disputatione tam à nobis dicta sunt multa; vt pluribus opus non sit. Tertiam igitur partem accedamus.

27.

Euangelium S. Lucæ continet Tertia pars, non quodcunque, sed quo historia Zachæi describitur, de quo sic liber Ritualis. *Postea in principali loco don us legatur sequens Euangelium.*

Dominus vobiscum. Et cum Spiritu tuo.
Sequentia Sancti Euangelij Secundum Lucam.
Gloria &c.

IN illo tempore Ingressus Iesus perambulabat Iericho. Et ecce vir nomine Zachæus: & hic Princeps erat Publicanorum, & ipse diues, & quærebat videre Iesum, quis esset: & non poterat præ turba, quia statura pusillus erat. Et præcurrens ascendit in arborem sycomorum, vt videret eum: quia inde erat transiturus. Et cum venisset ad locum, suspiciens Iesus, vidit eum, & dixit ad illum: Zachæe, festinans, descende: quia hodie in domo tua oportet me manere. Et festinans descendit, & excepit illum gaudens. Et cum viderent omnes, murmurabant dicentes, quod ad hominem peccatorem diuertisset. Stans autem Zachæus, dixit ad Dominum; Ecce dimidium bonorum meorum Domine, do pauperibus: & si quid aliquem defraudaui, reddo quadruplum. Ait Iesus ad eum: Quia hodie salus domui huic facta est: eò quod & ipse filius sit Abraham. Venit enim filius hominis quærere, & saluum facere, quod perierat.

28.

Euangelium hoc, præter alios, hic duos vsus habet. Primò, hoc confirmantur Christiani, non malasse suas, quas ad Deum, pro immunitate domus aut loci, dirigunt orationes: tum deinde, ad Dæmonum valet profligationem. Docemus vtrumque.

29.

Septē in vniuersum, quasi à Deo iam dictis orationibus petita sunt. Hæc, inquam; Velit domum clementer ingredi; velit perpetuam in nobis constituere mansionem: pellere nequitias malignorum Spirituum: concedere hic sibi seruitium: deuotam hic existere libertatem: permanere suam in ea benedictionem: hæcque contingere, etiam nostris interuenientibus meritis. Omnia hæc fieri posse, & benè fieri

docet dictum de Zachæo Euangelium: ingressu, videlicet; Christi in domum Zachæi, quod significet se in ea oportere manere: attulisse suâ præsentia salutem: in alium virum commutatum Zachæum: & adhæc, hisque similia valuisse Zachæi pietatem.

Ad *Dæmonum* verò *profligationem* valet, *tribus de causis*. Primò, quia ipsius lectione in audientium animis excitantur actus virtutum quarundam, quarum iurati hostes & aduersarij sunt Dæmones. Deinde, quia studia & pietatem orantium accendit, quando per Christum Zachæi domum aduentum, intelligunt non Dæmonia solum pelli; sed mirabiles quoque fieri animorum, cum ingenti mortali-um lucro, mutationes. Tertiò, quia, quæ in Euangelio dicuntur, partim filij Dei sunt verba, partim Spiritus sancti oracula. Possunt- ne Dæmones æquo animo audire eius verba; qui *verbo* ipsos, dum communem nobiscum vitam ageret, eiciebat? qui in mundum venit, ut *opera Dæmonum dissoluat*? ad cuius conspectum olim se tor- queri, magnis clamoribus testabantur?

Valere ad Dæmonum eiectionem Euangelij verba, etiam inde insinuat, quod nedum sacra verba, sed & codices, & chartæ mira- cula ediderunt. Narrat Gregorius Turonensis, de Vita Patrum, c. 6. quod cum Auernia ciuitas incendio conflagraret, S. Gallus Ec- clesiâ ingressus, diutissime antè sanctum altare Deum exorauit; sur- gensq; apprehenso Euangeliorum codice, eoque aperto, obuiam se igni obtulerit, subitoque incendium extinctum sit; ut ne fauilla quidem remaneret.

Sic S. Martianus, cum iam flammâ serpens Ecclesiæ Sanctæ Ana- stasiæ appropinquaret, accepto in manus sacro Euangelio, per tegu- las in tectum conscendit, precibusque & lachrymis illæsam ab in- cendio seruauit. Ita Nicephorus, l. 5. c. 22. Rursus Zonaras in Basilio Macedone scriptum reliquit, Rhodos libro Euangeliorum ab ig- ne crepto illæso, fidem Christi amplexos esse. Quid pluribus o- pus?

Hinc non malè in Constantinopolitano 8. Can. 3. Patres, *Sacram*, inquit, *imaginem Domini nostri Iesu Christi, & omnium Saluatoris æquo honore, cum Libro Euangeliorum Sanctorum, adorari decreuimus. Sicut enim per syllabarum eloquia, quæ in libro feruntur, salutem consequun- tur omnes, ita per colorum imaginariam operationem & sapientes & idi- ota cuncti ex eo, quod in promptu est perfruuntur utilitate. Quæ enim in sylla- bis sermo; hæc & Scriptura, quæ in coloribus prædicat & commendat.*

Quarta pars Thurificatione, siue incensu perficitur, de quo sic

liber Ritualis. Deinde benedicitur incensum isto modo.

Per intercessionem Michaëlis Archangeli, stantis à dexteris altaris incensi, & omnium Sanctorum Angelorum, incensum istud digneris Domine benedicere ✠ & in odorem suauitatis accipere. Per Dominum, &c.

Postea Sacerdos ponat incensum super ignem in thuribulo, & incenset domum dicendo.

Vers. Incensum istud à te benedictum ascendat ad te Domine.

Resp. Et descendat super nos misericordia tua.

Vers. Domine exaudi. Resp. Et clamor meus, &c.

Oremus.

TE Deum Patrem omnipotentem suppliciter exoramus, pro hac domo, & pro habitatoribus eius; ut eam benedicere ✠ & sanctificare ✠ digneris: ut sint promtuarum eorum plena, eructantia ex hoc in illud: tribue etiam ijs de rore cæli abundantiam, & de pinguedine terræ vitæ subsidium; & desideria eorum ad effectum tuæ miserationis perducas; & ad introitum nostrum hanc domum benedicere ✠ & sanctificare ✠ digneris; sicut benedicere dignatus es Abraham, Isaac, & Iacob; ut inter parietes eius, & angulos eius inhabites. Per Christum, &c.

Oremus.

Visita quæsumus, Domine habitationem istam; & omnes insidias inimici ab ea longè repelle: & Angeli tui sancti habitent in ea; qui nos in pace custodiant, & benedictio tua sit super nos semper: In nomine Patris ✠ & Filij, ✠ & Spiritus Sancti. ✠ Resp. Amen

34.

Iustitiam benedictionis incensi hoc loco non probamus. Res sensibiles sine superstitione posse benedici copiosissimè probat Disputatio de Dæmoniis. An peccatū, quod ad intercessionem B. Michaëlis; & sanctorum Angelorum benedici petimus? At si malum non est, nobis intercedentibus benedici, cur malum, benedici intercedentibus

bus Angelis? si verò neutrum malum est; quomodo malum est, quod vel nostra, vel Angelorum intercessione benedici postulamus? Malumne est bonum petere?

Sed non solum crimine vacat incensi vsus: verum etiam ad Dæmonum valet profligationem, & quidem *quintuplici* nomine. Primò, qui rogatus est Deus (an frustra?) ut velit illud ad hoc valere: Secundò, quia incensum est in genere Rerum consecratarum, quæ ex se exosæ sunt Spiritibus. Tertiò, quia per intercessionem S. Michaëlis, atque Angelorum est consecratum, quorum ob id, huius rationem habere, & cum ipso ad Dæmonum expulsionem concurrere credendum est. Quartò, quia sumus, qui inde excitatur; in vase tali, quod ad Dæmonum profligationem valet, excitatur: ut probat oratio, quâ thuribulum consecratur. Hæc ita habet. *Domine Deus, qui dum filios Israel, in deserto murmurantes, ob rebellem suam audaciam durum vastârat incendium; Aarontunc orantem arepto de igne altaris thuribulo tibi incensum ponentem, exaudire, eosque de incendio liberare dignatus es, benedic, quasumus, hoc thuribulum: & presta, ut quoties thur in eo adolebitur, votum populi tui boni odoris efficias, sitq; Fuga Dæmonum, repulsio Phantasmatum, & immundarum abscessio cogitationum. Per Christum, &c.* Quintò denique, quia vtrumque signum est rerum Dæmonibus inuisarum. Thus quidem orationis Sanctorum, quæ velut thus ad conspectum Dei, conscendit (Psalm. 140) Thuribulum verò corporis Christi. Pulchrè enim B. Aug. Hom. 6. in Apocal. Thuribulum aureum corpus Christi sanctum interpretatur. *Ipse enim Dominus, inquit, factus est thuribulum, ex quo Deus odorem suauitatis accepit, & propitius factus est mundo; quia obtulit se ipsum in odorem suauitatis. Vide Innocentium III. libro 2. Mysteriorum Missæ, Capite 16.*

35.

Oratio, quæ post benedictum incensum adhibetur, duplex est: vtraque tam iusta; quàm, quæ vtrâque petuntur, iusta. Nisi fortè displiceat, quod in tali loco, & non in consecreto habeatur. Sed aures Dei ad preces supplicium attentæ, quocunque etiam loco illæ fundantur.

36.

Conclusio breui benedictione constat: de hac ita Liber Ritualis. *Postea domum & omnes in ea habitantes benedicat dicens.*

Et benedictio Dei omnipotentis Patris, ✠ & Filij ✠ & Spiritus Sancti, ✠ descendat super hanc domum, & omnes habitantes in ea, & maneat semper. Resp. Amen.

37. *Hic damnari potest nihil. Christum hic imitatur, & sanctum victoris legis Patriarcham Iacob. Ille, quando ferebatur in cælum, eleuatis manibus discipulis suis benedicebat, Marci ultimo. Hic benedictionis laude gratia extendens manum; dextram posuit super caput Ephraim; sinistram super caput Manasses, Genes. 48.*

Adde quod Dominus populo suo benedici aliquando, sub Sacramento trinae inuocationis iubet. Num. enim 6. sic habetur. *Sic benedicatis filiis Israël, & dicetis illis. Benedicat tibi Dominus, & custodiat te. Ostendat Dominus faciem suam tibi, & misereatur tui. Conuertat Dominus vultum suum ad te, & dat tibi pacem.* Et haec tenus de benedictione.

38. *Hæc vel certe simili formâ vsus videtur Theodorus Arhiman-drita, qui rogatus à Theodoro, regio duce, vt domum à molestanti-bus Spiritibus liberaret; illam dicitur ingressus, & totam noctem psallendo, & Deum obsecrando traduxisse: atque aqua, cui bene-dixerat aspersisse: atque sic à Spirituum molestia liberaffe. Vide Me-taphrastem in Vita Theodori, apud Surium, Tom. 2.*

SEQVUNTUR MODI, QUIBUS LICITUM EST
contra impugnationes & molestias Spirituum pur-gandorum agere.

C A P. LXXI.

Esse aliquam rationem atque modum, quo viuentes possint se liberare à molestia, quam ipsis pur-gandi Spiritus asserunt.

1. **E**Xpositis rationibus, quibus à Dæmonum infestatione loca liberantur; proximum est, vt modos explicemus, quibus, ne molesti sint hominum purgandi Spiritus, efficitur. Et breuissimè dici potest vnum esse: & quidem eundem cum illo, quo à molestia liberamur mendicorum, atque pauperum, qui stipem atque eleemosynam importuniùs petunt. Quis ille? *Satis fiat Spirituum desiderio.* Quod verò desiderium? Nostrâ vt operâ iuuentur à miseria? Quâ operâ? Quæ misericordiam spiret, non quæ pietatis habeat atque beneuolentiæ nihil.

2. Breuibus hic multa complector; & quia multa breuibus, explicanda, & comprobanda. Omnia verò vel ad conditionem pertinent Spirituum, qui molesti sunt; vel ad nostrum officium; vel ad opera; quibus ipsorum inopia subuenimus.

Condi.

Conditio Spirituum illorum insinuat^{ur} esse miseram, quæ aliorum auxili-
lii indigeat, & possit subleuari. Officij nostri ratio; vt ipsis subuenia-
mus; Opera, media sunt, quibus subleuantur. Primum hoc Capite
persequemur, reliqua sequentibus.

Et quidem esse quosdam Spiritus, qui hoc solum nomine mole-
sti sunt, vt in miseris, quas sustinent, aliquod letamen accipiant,
extra controuersiam est; nec hoc loco probandum. quod verò alio-
rum opera iuuari possint, quis dubitabit?

Si iuuari non possunt; cur, vt iuuentur, molesti sunt? An fortè te-
meritatis arguendi, atq; imprudentiæ? quasi, qui tentent, quod
consequi est impossibile? At procul à purgandis Spiritibus omnis
temeritas: procul imprudentia. Et vt temerè possint agere ipsi, vt ta-
men temerè quicquam agant, Deus non permittit, cuius providen-
tiâ fit, quod ad nos redeant; nostris rebus intersint; nos molestare
possint.

Si subsidium ipsis nullum potest afferri; ex ipsorum ne hoc est
conditio, quæ postulet, vt errent solum & viuentibus molesti
sint? An ex viuentium impotentia, quibus facultas, vt subsidium
præstare valeant, negata est? Prius illorum conditio non postulat: sed
potius vt certis, definitisq; locis, quas meruerunt, pœnas luant, id-
que non in assumptis corporibus quibus illæ nequaquam debentur;
sed in se ipsis, quæ causa peccatorum fuerunt. Si verò facultas illa
viuentibus diuinitus concessa est, Vt ab immundorum Spirituum
vexatione se vindicare valeant: negata erit, quâ se ab humanorum
Spirituum molestia liberent?

Vnum quoddam corpus est Ecclesia, cuius caput est Christus.
Vnio igitur erit, & membrorum inter se, & cum suo capite Christo;
quoniam vt pulchrè Apostolus loquitur 1. Corinth. 12. *pro inuicem
solicita sunt membra: & si quid vnum membrum patitur, compatiuntur om-
nia.* Ad defuncti iusti, qui nobis molesti sunt, huius corporis mem-
bra quædam sunt, atq; nexibus fidei, spei, atq; caritatis nobiscum
colligati: (neque enim inquit B. Augustinus li. 2. de Ciuitate Dei,
ca. 9. *piorum anime defunctorum ab Ecclesia, qua regnum est, Christi, sepa-
rantur*) possumus igitur ipsis compatiri: possumus auxiliari: possumus
miseriam ipsorum subleuare.

Sanctus Ephrem Syrus, cum iam moriturus esset, & viuentium
pro se postularet suffragia, pulchrè ostendit defunctos viuentium
suffragijs iuuari, duplici similitudine. *Videris, inquit, exemplum ex
particularibus Dei creaturis: veluti in fetu vitæ. Vna acerba in agro;
& vinum quod in dolijs positum est, quando igitur racemus vitæ vige-
tunc*

tunc de statu suo mouebitur, quod est immobile in domo. Vinum (ubiungit) mei simile intelligitur. Capa etiam, quae posita est in agro, cum tempore suo virefcere inceperit; arida quae in domo est germinat, Si igitur verum factus sic inter se consentiunt, quânto magis mortui in memorijs vestrarum oblationum oblectantur?

9. Cum mortui possint prodesse mortuis, vt suo exemplo docent Elifæus atque Abraham, quorum hic Lazarum sinu suo excepit; Lucæ 16: ille mortuum excitauit, 4. Reg. 13. Cum viui viuis, quemadmodum Apostolus insinuat, dum vult alter alterius onera portare. Gal. 6. Cum mortui viuis; vt defuncti Onias atque Hieremias probant, dum pro Israëlitarum orant populo, 2. Mach. 15. quidni viui poterunt prodesse mortuis?

10. Ad Ephes. 5. ca. vult nos Apostolus ambulare in dilectione, sicut Christus dilexit nos, qui tradidit semetipsum pro nobis. At Christus multis modis dilectionem suam demonstrauit: viuens in terris profuit viuentibus. Nam præterquam, quod corporis sanitatem pluribus restituit, etiam à peccatis absoluit Magdalenam, Lucæ 7. Paralyticum, Matth. 9. Zachæum, Lucæ 19. Petrum, Lucæ 22. Latronem, Lucæ 23. Idem mortuus profuit mortuis; descensu suo ad inferos, quod plurimos soluit ab inferni doloribus, Actu. 2. vt illos præteream, quos ad vitam reuocauit, & quorum aperuit sepulchra. Matth. ultimo. Idem mortuus profuit viuis; morte siquidem vitam nobis promeruit sempiternam: & iam noster pro nobis, apud cælestem Patrem in cælis non desinit esse auocatus atque Patronus. Denique & viuens profuit mortuis: quando nunc puellam in domo, Matth. 9. adolescentem in via, Lucæ 7. nunc Lazarum in sepulchro ad vitam reuocauit. Et nos igitur viui, ad Christi exemplum, quod Apostolus postulat, non tantum viuis; sed & mortuis, possumus (si non debemus) dilectionis argumenta exhibere, atque ipsorum necessitatibus, quas patiuntur, subuenire.

11. Amici nostri sunt dicti Spiritus. Nihil mali cupiunt viuentibus: quin potius cupiunt bona omnia. Tantum igitur abest, vt frustra molesti esse velint, vt potius de molestijs nobis inferendis nihil cogitarent, nisi spes subsidij certa ipsis esset proposita.

12. Pluribus ad hanc rem confirmandam opus non est. Ipsa, quæ hic suppetunt, exempla magnam fidem faciunt; *Exempla*, inquam, illorum, qui ad viuos redierunt; sua desideria verbis atque rebus aperuerunt, & se viuentium operâ adintos fuisse, magnâ grati animi significatione, testati sunt. Gregor. Magnus, vrbs & orbis sanctissimus Pontifex, refert (4. Dialog. cap. 40.) animam Paschasij, quæ in

Thermis

Thermis Puteolanis apparuit S. Germano; ipsius Germani precibus esse liberatam. Alter Gregorius Turonensis, libr. de Gloria Confessorum, cap. 5. docet, sanctam quandam Virginem, nomine Vitalianam, iam defunctam, significasse S. Martino, se ob leue quoddam peccatum purgatorio igne expiari, à quo eiusdem precibus sit erepta.

De S. Seuerino testatur Petrus Damianus, in Epist. ad Desiderium, quòd post mortem cuidam presbytero, eiusdem cum Seuerino Ecclesiæ, apparuerit; significaritq; se ob horas Canonicas, non suis temporibus recitatas, sustinuisse pœnas purgatorias, & tandem beatorum collegio associatum.

In Vita S. Malachiæ scribit Sanctissimus Bernardus sororem precibus sancti, à pœnis purgatorijs liberatam, à quibus, vt eius precibus interuenientibus liberaretur, aliquoties ante, per visum admoneri Sanctus vir videbatur. De Bernardo verò scribit V Vilhelmus Abbas, c. 10. lib. de Vita Bernardi, eiusdem precibus adiutum quandam, & societate Sanctorum in cœlo adiunctum, qui iam annum integrum pœnas easdem purgatorias sustinuerat. Et Arnulphus presbyter quidam S. Remberto; Archiepiscopo Bremensi apparuit; seq; ieiunio quadraginta dierum, quod ille pro ipso, atque ab ipso rogatus, persoluerat, pœnis purgatorijs solutum, & felicitate Sanctorum donatum testatus est. Surius Tomo 1. Sanctorum. Omitto alios plures, quorum mentio fit capitibus 75. 76. 78. &c.

C A P. LXXII.

Multis, magnisq; de causis conuenire, vt purgandis Spiritibus vini succurrant, quando excitatis molestijs ipsorum auxilia postulant.

CONditionem purgandorum Spirituum exposuimus, quidque molestia sua quærant. Nunc quàmuis libertas à molestijs, quam expetimus, nos per se vrgere possit, vt ijs subueniamus & libertate fruamur; non tamen sola illa mouere debet. Plurimæ causæ sunt, & grauissimæ; quæ, vt his Spiritibus, quibuscunque possumus modis, subueniamus, nos impellunt.

Et aliæ quidem ab ipsis Spiritibus sumuntur: aliæ ex nostra viuentiũ persona: aliæ ex malis, quæ Spiritus illi patiuntur: aliæ ex diuina prouidentia: aliæ ab exemplo Maiorum: aliæ ex ratione honestatis: aliæ ex fructibus, qui cum hoc pietatis studio sunt coniuncti.

3. *Spirituum illa conditio est*, ut omnino misericordia digni sint, & omnibus modis opera nostra debeant iuari. Neque enim aut Dei, aut ullorum viuentium sunt hostes : quinimò Deum diligunt super omnia, nihilque eius honore prius habent : hominum verò & diligunt, & expetunt, &, quibus modis possunt, promouent salutem atque incolumitatem. Qui igitur digni sunt beneficio; indignè illo priuabuntur.

4. *Summa eorum est necessitas*. Nam & plerunque grauissimè plectuntur, & decretas pœnas, nisi aliunde subleuentur, vsque ad nouissimū quadrantem dependere compelluntur. Vnde & dici solet huiusmodi extrema necessitate premi. Nec malè. Pauper est enim, qui parum habet. Pauperior, qui nihil habet. Adhuc miserior, qui nihil habet, nec quæstum vllum, vlla omnino ex re facere potest. At omnium est miserrimus, qui nihil in bonis habet; & nihil quicquam ampliùs lucrari potest; & multa præterea debet, & eius seueritatis creditorem sustinet, qui dilationem nullam, nullas concedit inducias, sed seuerissimè illud vsurpat : *si non habet in are; luat in pelle*. At hæc conditio est Spirituum horum, qui ad nos redeunt.

5. Quid, quòd vel hoc nomīne nostra suffragia operamque mereantur, quòd in pœnis constituti, *pro nostra salute sint solliciti, illamque Deo suis orationibus commendent*? dignique sint nostra oratione, qui nos dignos censent sua oratione? Scio esse, qui hoc inficientur; verum utrū benè, vehementer dubito. Quid quæso, cur minus pro nobis orent impedit? An quia Deum nondum vident? At orabant olim pro Iudæorum gente Onias atque Ieremias 2. Machab. ea. ultimo; qui nec ipsi Deum videbant. An quia longè inferioris conditionis sunt viuentibus? Verū hoc nihil impedit, quia etiam minimus quisque sine crimine, imò cum laude, orat pro summis Ecclesiæ capitibus. An quia grauitas suppliciorum, quæ patiuntur, sic mentem occupat, ut omnem de alijs rebus cogitandi occasionem adimat? At Epulo in inferno maiora tormenta sustinebat; qui tamen pro fratribus orabat, Lucæ 16. Et in maximis tormentis constituti Martyres, pro aliorum salute fuerunt solliciti; quemadmodum suo exemplo docet Beatus Stephanus, Actuum 7. Non est illa suppliciorum pœnarumque, quas defuncti patiuntur, acerbitas, ut vel rationis vsum impedian, vel pium voluntatis affectum perturbent, quemadmodum vel ipsa, quam pro se faciunt, oratio demonstrat.

6. Nos ipsos penitènter introspeciamus, *ex nobis quid illis debeamus*, intelligemus. Membra quædam sumus illius corporis, cuius caput Chri-

Christus est, an soli? Nequaquam. Et illi sunt eiusdem corporis membra, qui in cœlo cum Christo regnant, & qui alicubi purgatorijs pœnis, ob defectus, quos commiserunt, expiantur. Quod igitur membrorum in nostro corpore officium erga se mutuo, natura docente, discimus, id ijs præstemus, qui eiusdem corporis, sub Christo Capite, sunt membra. Quid illud? *Compatiantur sibi mutuo*, inquit, Apostolus, *membra*: vicissim aliorum, qua possunt, ratione miseriam subleuant. Quidni igitur purgandis Spiritibus subueniamus.

Mala, quæ patiuntur hi Spiritus, etiam nos impellere debent ad hoc officium ipsis præstandum. Tanta enim ab ijs, qui partim videntur, partim experti sunt, ea quorundam esse prædicantur, ut humana oratio illorum magnitudinem assequi nequeat. *Illum transitorium ignem*, inquit B. Gregorius in Psalm. 3. *Pœnitentialem, omni tribulatione præsentis existimo intolerabiliorem*. Et B. Aug. in Psalm. 37. *Quamuis*, inquit, *salui fiant per ignem, grauior tamen ille ignis erit, quam quidquid potest homo pati in hac vita*. Et Beda in eundem Psalm. nulla putat esse supplicia Martyrum, vel latronum cum purgatorijs pœnis conferenda. Similia docent Anselmus in 1. Corinth. 3. & D. Bernardus, sermone de obitu Humberti. Igitur si in hac vita mortali naturaliter condolemus reis, alioquin nobis infestis, in quos publica iustitia seuerius animaduertit; vel cani quoque, vel alteri bestię indignius tractatæ; magna nos ratio vrget; ut Spiritibus illis magno spiritus affectu compatiamur; operamque, quam à nobis efflagitant, fideliter impertiamur.

His accedit, quod hoc officij genere diuina voluntati satisfieri credi debeat. Cum enim non nisi singulari diuinæ prouidentię consilio Spiritus ad viuos redeant; & hoc fine; ut viuentium subsidia impetrent, atque à pœnis, quas sustinent grauissimas, eripiantur, redeant: an non, qui ipsorum miseretur, diuinæ voluntati satisfacere credi potest?

Maiorum studium hic multis & magnis argumentis se prodit, & nos vrget. Res luce meridiana clarior est: tantoque plus ponderis apud nos habere debet; quanto iam pauciores sunt, qui Maiorum exemplis insistant. Nam etsi Sectæ admodum inter se sint dissectæ; ad vnum tamen omnes in defunctorum pernitiem conspirasse deprehenduntur; nec quicquam præsidij defunctis impertiuntur; nec alios pacatè impartiri sinunt.

Virtutū etiam officia (in quibus honestatis ratio consistit) *hic plurima concurrunt. Sed quarum quæso?* Fidei quod contra nostrorum tempo-

7.

8.

9.

10.

rum Hæreticos, purgatorias pœnas, rebus ipsis, cesserunt. *Spei*, quam de diuina clementia hic concipimus, & nostra opera alijs pro futura confidimus. *Charitatis*, quam hoc officij genere proximis, maximè indigentibus, impendimus. Denique aliarum *quarumcunque* virtutum, quarum opera defunctorum causa suscipimus.

11. *Quantus verò ex his, ad nos fructus?* Sed præter illum, insignis quoque retributionis spes excitari potest. Omnino nobis polliceri possumus, quòd quam vicem viui nos mortuis; eandem nobis mortuis viui sint præstituri, secundum illud. *Qua mensura mensi fueritis, remetietur vobis.* Luc. 6. Vt interim taceam, quòd hac re etiam eos nobis mirè deuinciamus, pro quibus suffragia facimus; & sperare possumus, quòd nos commendatissimos habituri sint in cælis, quibus vt à supplicijs eriperentur, authores fuimus in terris.

12. Possem pro hoc argumento Sanctorum Patrum plures proferre sententias. Sed pro omnibus vna suffecerit D. Augustini, qui in lib. de Cura pro Mortuis, ca. 4. sic loquitur: *Non sunt prætermittenda supplicationes pro Spiritibus mortuorum; quas faciendas pro omnibus in Christiana & Catholica societate defunctis, etiam tacitis nominibus quorumque, sub generali commemoratione suscepit Ecclesia: vt quibus ad ista desunt parentes, aut filij, aut quicunque cognati, vel amici, ab vna ijs exhibeatur pia matre communi.* Ita Augustinus.

13. Forsitan negatur fieri posse, vt vnus alterius in se onus suscipiat, & quas alius promeritus est, liberè pœnas sustineat. At negare hoc non debet Christianus homo. Quemadmodum in naturalibus pes non suarantum; sed oculorum quoque causa, munere suo fungitur: nec rursum, quod oculi vident, id ad illorum propriam, sed ad communem membrorum omnium vtilitatem referendum est: nec denique quod in familia ritè instituta vnusquisque industria sua conficit; istud velut peculium in proprium cōmodum seorsum seponit; sed in communem omnium vsum, in medium adducit; ita, in Ecclesia quoque, mystica membra sibi inuicem deseruiunt, mutuasque sibi inuicem operas præstant.

14. Agnouit hoc optimè sanctissimus Paulus. Vnde ad Rom. 15 bona à Iudæis conuersis facta docet profuisse Gentibus. Si, inquit, *Spiritualium eorum Participes facta sunt gentes; debent & in carnalibus ministrare ijs.* Et ipse, veluti communis omnium fidelium præceptor, & Doctor Gentium, perpeffiones suas docet alijs prodesse. Gaudeo, inquit ad Coloss. 1. *in passionibus pro vobis, & adimpleo ea, qua desunt passionibus Christi, in carne mea, pro corpore eius, quod est Ecclesia.* Deniq; ad similia

milis studia hortatur Ephesios, & in Ephesijs Christianos omnes. *Estote, inquit ca. 5. imitatores Dei, sicut filij charissimi, & ambulate in dilectione sicut Christus dilexit nos, & tradidit semetipsum pro nobis. Vult dicere: Quemadmodum mystici corporis caput, Christus Iesus, ardenti charitate motus, pro membris suis semetipsum tradidit; ita vnumquodque eiusdem membrum, pro altero sese tradat, oportet.*

Prior est Deus ad miserendum, & pro merita poenam condonandum, quàm ad condemnandum, vel puniendum. *Misericordia eius super opera eius. Psal. 144. Magnificata est, inquit idem Prophetas, Psal. 56. usque ad calos misericordia tua, & usque ad nubes (quæ infra cælum sunt) veritas (& iustitia) tua.* Sed exploratum est eundem non ob propria tantum, sed etiam ob aliena flagitia, multos sæpè calamitatibus inuoluisse, & inuoluere quotidie. Ob peccatum *Dauid*, septuaginta Iudeorum millia pestilentia extrinxit, 2. Reg. 24. Ob vnus *Acham* sacrilegium tria eiusdem populi millia in foedam fugam conuertit, Iosue 7. Ob vnus *Iona* fugam nautas cum cæteris vectoribus multum diuq; tempestate iactauit, Ionæ 1. Ob *Pharisaorum* in Christum peccatum totam Iudeorum gentem innumeris cladi- bus oppressit, &c. Si ergo Deus Opt. Max. hæc atque similia mala irrogat in fonti, propter alterius scelera; cur poenam temporariam iusto, vel etiam iniusto propter vltionem alterius satisfactionem non condonet?

Ob insignem *Abrahe* pietatem, pepercit Deus *Loth*, & *Abimelech*; Genes. 19. & 20. paratamque se declarat ob decem tantum iustos, omnibus *Sodomitis* & *Gomorrhæis*, eorumq; vicinis parcere; Genes. 18. Ob insignem *Dauidis* religionem, pepercit *Salomon*; 3. Reg. 11. Propter Apostoli *Pauli* charitatem, ducentis naufragis animabus; actum 28. Propter *Moyfis* intercessionem, toti *Israeli*; Exod. 32. Propter offerentium fidem. Paralitico vtriusque hominis sanitatem præstitit; Matth. 9. Denique, ipse inquit, *Ezech. 22. quasi virum, qui interponeret sepem, & staret oppositus contra me, pro terra, ne dissiparem eam.* Cum hæc igitur Dei beneficia admittantur, cur negatur eius beneuolentia, in temporalium poenarum; quas alij pro alijs in se suscipiunt condonatione? Cur negatur piè defunctorum viuentes posse in se onera suscipere? pro iisdemque satisfacere?

Quantum possint proborum, sanctorumque hominum merita, pulchrè ostendit Beatus Chrysostomus, Homilia 2. in Psalm. 50. *Sanctus David, inquit, non solum cum in corpore esset, placuit Deo; sed & post mortem suam viuus inuenitur præstitisse solatium. Contigit namque*

Ezechia Regi, inimicas in temporibus Iudaorum gentes circumuallasse Hierosolymam. Et cum esset Ezechias iustus vir, rogauit Deum: & prostratus lacrymis deprecabatur, ultionem de aduersarijs postulans. Venit ad eum Isaias Propheta, & dicit: Ne putaret ille, quia iustitia sua exauditus est. Et certè iam defecerat Dauid, & habebat multos annos requiescens. Quid ergo dicit ei? Protegam hanc ciuitatem propter me, & propter Dauid seruum meum. Dauid mortuus est, & merita eius vigent. Ita Chrysostomus. Hinc optimè Sanctissimus Pontifex Leo, Sermo, 3. de Ieiunio septimi mensis: Apostolorum, inquit, meritis & orationibus confidimus nobis per omnia misericordiam Dei nostri esse prestandam.

18. Quid igitur est, quæret aliquis, quod ab Apostolo dicitur, ad Galat. 6. *Vnusquisque onus suum portabit*? Quæro ego quid sit quod idem Apostolus, eodem loco; velit alterum alterius onera portare? Forfitan sibi contrarius Apostolus? aut est apud ipsum, *Est & non?* *Fidelis Deus* (i. testor Deum) inquit 2 Corinth. 1. *Sermo noster, qui fit ad vos, non est in ipso: Est, & Non.* Sunt igitur, qui dicant, de ijs loqui Apostolum; qui sine pœnitentia ex hac vita discedunt, quorum orus aliorum nullus in se suscipiet, sed ipsi quas meruerunt pœnas æternas persoluent. *Vnusquisque*, inquit in hunc locum Anselmus, grauabitur propria conscientia peccatorum.

19. Sed & illi, qui purgatorijs pœnis expiantur, onus suum portant; quia nihil recipiunt, quod non gesserunt in corpore: Id enim meruerunt persenerando in fide & charitate vsque ad mortem; vt etiam post mortem aliorum opera possent inuari. Eodem modo responsum fit illi, ad Rom. 2. *Reddet unicuique iuxta opera sua.* Et illi, ad Galat. 6. *Qua seminauerit homo, hac & metet.*

20. Hæc D. Augustini sententia est, lib. de Cura pro mortuis gerenda, Cap. 1. vbi sic loquitur: *Cum hac ita sint* (quod, scilicet, mortui per alios iuuentur) *quomodo huic opinioni contrarium non sit, quod dicit Apostolus* (2. Corinth. 5.) *Omnes enim astabimus ante tribunal Christi, vt ferat unusquisque secundum ea, qua per corpus gessit, siue bonum, siue malum, non te satis videre significas.* Hæc quidem Apostolica sententia ante mortem admonet fieri, quod possit prodesse post mortem: non tunc, quando iam recipiendum est, quod quisque gesserit ante mortem. Verum hac ita soluitur questio, quoniam quodam vita genere acquiritur, dum in hoc corpore viuitur; vt aliquid adiuuent ista defunctos: ac per hoc secundum ea, qua per corpus gesserunt, eis qua post corpus religioisè, pro illis, facta fuerunt, adiuuantur. Sunt enim quos nihil omnino adiuuant ista; siue pro ijs fiant; quorum tam mala sunt merita, vt neque talibus digni sint adiuuari: siue pro ijs fiant,

fiant, quorum tam bona; ut talibus non indigeant adiumentis; Genere igitur vita, quod gessit quisque per corpus, efficitur: ut profint, vel non profint, quacunque pro illis pie fiunt, cum reliquerit corpus. Nam meritum, per quod ista profint, si nullum comparatum est in hac vita, frustra quaeritur post hanc vitam. Ita fit, ut neque inaniter Ecclesia, vel suorum cura pro defunctis, quod potuerit religionis impendat; & tamen ferat unusquisque secundum ea, quae per corpus gessit. Haecenus Augustinus.

C A P. LXXIII.

Modos, quibus à molestia Daemonum infesta loca liberantur, non prodesse ad illas molestias tollendas, quae à bonis hominum Spiritibus afferuntur.

Demonstratum est esse Spiritus purgandos: & posse eosdem iuuari; & meritò esse viuientium opera iuandos, sequitur, doceamus, *quo modo* iuuentur. Et si generatim loquamur, hic duplex esse videtur, quemadmodum duplex est, quo à pauperum & mendicorum (ad quorum conditionem hos Spiritus accedere diximus) molestia contingit liberari. Vnus durus est, & inhumanus: alter humanus, & Christiano homine dignus. Ille apud pauperes accidit, nunc simplici eleemosynae negatione, nunc verbis asperioribus; nunc etiam inflictis & intentatis verberibus, hic eleemosynae erogatione, aut condolentis, & iuuare desiderantis animi significatione.

Utroque horum, contra Purgandorum Spirituum molestias, agi potest: sed priori agere inhumanum; posteriori, ut agatur, postulat, ut diximus, officium hominis Christiani. Quis probet, ut cum amicis agatur durius? amicis, inquam, quibus quod petitur, sine nostro detrimento, imò cum magno emolumento, praestare possumus?

Hinc est, quòd ratio, qua nos ab horum Spirituum molestia liberamus, hoc primum à priori illa differat; quod cum his Spiritibus amice; non, ut cum illis, hostiliter agendum sit.

Differt

4. Differt deinde, quod *quibus praesidijs* contra molestias infestantium Dæmonum agimus: *illis contra molestias*, quæ ab his Spiritibus afferuntur, depugnandum non sit, hostilia illa atque aduersaria sunt arma, contra hostes & aduersarios, illorum proprius est usus: At hostes non sunt hi, qui apparent Spiritus: & quàmuis molesti sint, non tamen molesti esse cupiunt: Molestia, quæ afferri videtur, solum subsidij est humilis postulatio.
5. Et *quo*, ex omnibus iam dictis, *armorum genere* cum ijs esset agendum? Crucene; an Reliquiis? an Rebus consecratis, an Exorcismis? an Oratione, quali oppugnantur, & ædibus, alijsq̃ locis proscribuntur Dæmones?
6. Adhibentur contra malignos Spiritus *Cruces*, quòd illas ferre nequeant. At Cruces hi Spiritus non horrent, in illis gloriantur, cum sanctissimo Paulo: per illas se à peccatis, Dæmonumq̃ue potestate sciunt ereptos: per illas habere ingressum in vitam æternam.
7. Adhibentur contra illos *Reliquia*. An his terrentur purgandi Spiritus? has fugiunt? pignora sociorum? qui sub ijsdem, cum ipsis, vexillis militarunt? quorum mox sperant se posse perfrui confortio?
8. Adhibentur contra eosdem *Res consecratae*. Nec has horrent nostri Spiritus. Benedictis rebus recreantur, qui grauissimam illam aliquando vocem; *Venite benedicti Patris*, &c. Matth. 25. cum summa sua audituri sunt voluptate.
9. *Exorcismos* fortè, quos ferre nequeunt Dæmones, ipsi reformidant? Non reformidant: propterea, quòd Exorcismi ijs rebus consistant, quæ nec his Spiritibus exosæ sunt; nec Spiritus hos molestia afficere possunt.
10. *Oratio denique*, qua Domus, siue loca consecrantur, & qua Spiritibus accessus interdicatur, hos Spiritus non attingit. Ipsa hoc docet Orationis forma; vt quæ non bonorū, sed malorū Spirituum meminit. Quòd si alia aliqua ad Deum dirigitur; vel solum malorum Spirituum petit, vel solum petere debet exilium.
11. Quæ cum ita sint, probari non debet eorum consuetudo, qui, vbi ad Spiritibus infestas ædes liberandas vocantur, *mox ad Exorcismos* confugiunt: Spiritus adiurant; & in Christi sanctissimæque Trinitatis nomine discessum imperant. Quid si hominum purgandi sint Spiritus, qui molesti sunt? Hos contra, quid hæc arma, atque

atque machinæ? Quemadmodum imprudenter agunt, qui pro quibusvis Spiritibus orationes Deo offerunt; ita, qui quosvis Exorcismis aggrediuntur. Cognoscēdi prius Spiritus, antequam de modis, quibus ab ipsorum molestia liberemur, cogitemus. Verūm de hoc aliās.

Quodd si quando Spiritus purgandi, post *hos* adhibitos infestis locis modos, molestare desinunt: non hoc ipsis modis tribuendum est, sed Spirituum voluntati: qui cū subsidium ex molestia nullum sperent, frustra molesti esse nolunt: quemadmodum nec diuitibus illis molesti sunt pauperes, à quibus stipem nullam expectant. Sed *modos*, quibus non tam profligantur, quā iquantur, inquiramus, & discutiamus.

12.

C A P. LXXIIII.

De varijs modis, quibus à molestia purgandorum Spirituum contingit liberari: & de multiplici modorum differentia.

Sanctissimus Ecclesiæ Doctor Augustinus, Sermone 34. de Verbis Apostoli, *trium* meminit, quibus, vt à purgatorijs pœnis Spiritus, ita à purgandorum Spirituum molestia viuentes liberantur, Orationibus, inquit, Sancto- rum Ecclesiæ, salutari sacrificio, & eleemosynis, quæ pro eorum Spiritibus erogantur, non est dubitandum mortuos adiuuari; vt cum ijs misericordiùs agatur à Domino, quā eorum peccata meruerunt. Hoc enim à Patribus, id est, Apostolis traditum, vniuersa obseruat Ecclesia.

1.

Tribus his *quartum* adiungit, B. Gregorius, *Ieiunium* scilicet, quemadmodum sacri docent Canones (13. q. 2.) *Anima*, inquit, *defunctorum quatuor modis soluuntur: aut oblationibus Sacerdotum, aut precibus sanctorum, aut charorum eleemosynis, aut ieiunio cognatorum.* Eadem ad verbum repetit Iuo Carnotensis Episcopus, li. 5. ca. 124. Eorundem quoque mentio fit in Vita Remigij Episcopi Rhemensis, per Hincmarum scripta.

2.

Dictis adiungit *alieni Restitutionem* S. Brigida libro 6. Reuelationum, fortè idcirco, quod defunctorum, quidamrad viuos dicantur rediisse, ipsosque admonuisse; vt quæ habuerunt viui, & non restituerant, veris Dominis restituerent. fortè etiam, quod ex

3.

Sancto Augustino didicisset, *non dimitti peccatum, nisi restituatur ablatum.*

4. Sunt qui etiam *Peregrinationes* postulant, quod hæ à quibusdam Spiritibus expetitæ legantur. Et in Vita Rhemensis Episcopi, Remigij adduntur *Lachryma*. Et à Beato Athanasio *Oleum* atque *Cera*, quemadmodum videre est in Oratione de his, qui dormiunt.
5. Alij alios modos adiungunt, & quidam omnia, in vniversum, *pietatis officia*. Nec malè forsitàn. Cùm enim viuorum opera quæcunque viuis prodesse possint, propter coniunctionem, quæ inter ipsos est, tanquam diuersorum, sub vno Capite, membrorum; quidni viuorum etiam mortuis prodesse; cùm & illi, B. Aug. teste, *eiusdem corporis viua sint membra?*
6. Sed siue tres modi sint, siue quatuor, siue etiam plures; dubium non est à molestia Spirituum liberari viuentes illis ipsis, si leuamen poenarum Spiritibus in sua miseria, his afferri potest. Quæcunque enim hisce Spiritibus ad leuamen poenarum proficiunt, eadem molestias, quæ à Spiritibus afferuntur, tollunt.
7. Vtrum verò leuamen adferant, posterius discutiendum est, cùm singulos persequemur: id certum est egregiarum ipsos virtutum esse exercitia. *Oratio* actus religionis est, quemadmodum & *Sacrificium Missæ*, & vsus *cereorum*. *Eleemosyna* misericordiæ. *Ieiunium* cum fletu temperantiæ. *Alieni Restitutio* iustitiæ, quemadmodum & *Peregrinationum* persolutio. Omnes, quatenus ob miseriam Spirituum subleuandam suscipiuntur, officia præstantissimæ Charitatis.
8. Itaque magnum est inter ipsos discrimen. Quàmuis enim ab vna Charitate omnes possint imperari; in se tamen propriarum virtutum sunt officia. Sed & præter hanc, aliæ sunt inter ipsos differentiæ, quas vbi breuiter iudicauerimus, Caput hoc erit concludendum.
9. Quidam igitur tales sunt: vt intermitti sine crimine non possint: in quorum genere est *alieni Restitutio*, & quæ ex voto suscipienda est, *Peregrinatio*. Alij, quemadmodum cum laude suscipiuntur, ita sine culpa ferè omittuntur. Quocirca hi ad opera *Supererogationis*, quæ vocantur, referuntur. *alieni Restitutio* non item, quemadmodum nec persolutio *voti peregrinationis*.
10. Rursus inter priores illos, alij immediatè tendunt in Deum: vt *Oratio*, *Cerei atq; Sacrificium*. Alij faciunt ad proximam miseriam subleuandam; vt *Eleemosyna*. Alij ad corpus spiritui subiiciendum; vt *Ieiunia atq; lachryma*, quæ in carnis afflictione posita sunt.

Ex hoc

Ex hoc quarta differentia petitur, quæ ad triplicia hominis bona ordinem docet. *Eleemosyna* siquidem cum usu *luminum* bonorum externorum est, *Ieiunium* cum *fletu*, corporis. *Oratio*, animæ. *Sacrificium* ferè omnium.

11.

Præterea quidam ex dictis modis, sunt communes pluribus: quidam paucioribus. *Eleemosynam* soli, quibus bona sunt fortunæ, possunt præstare, quemadmodum & *Cereos* accendere. *Sacrificium* Missæ soli sacerdotes. *Ieiunium* est difficile afflictis viribus. *Oratio* cum *lachrymis* communis omnibus.


12.

Denique, quidam horum modorum postulant operantium probitatem: quidam non item. Prioris generis sunt *Eleemosyna*, atque *Ieiunium*: posterioris *Sacrificium* Missæ, atque *Oratio*; illa maximè, de his suis locis plura.

13.

C A P. LXXV.

Oratione iuari piè defunctorum Spiritus, qui viventibus quandoq; sunt molesti: veruntamen aliter iustorum, aliter improborum oratione.

 *R*atione purgandos Spiritus iuari, Catholicorum omnium sensus est, & consensus. quem etsi non verbis testarentur; rebus ipsis tamen frequentissimè declarant. Quoties pro defunctis orant? Tremenda mysteria in Ecclesia nunquam celebrantur; nisi defunctorum quoque, qui nos præcesserunt, & cum signo fidei, in Domino, obierunt, fiat commemoratio. Horæ Canonice nunquam à personis Ecclesiasticis recitantur, aut decantantur: nisi & fidelium animabus defunctorum pax à Deo petatur. Nunquam è mensa surgitur: nisi & Deus rogetur, ut requiem æternam velit dare defunctis. Cemiteria si quando transire contingit; pia fidelium defunctorum est memoria. Si sermo de defunctis incidat; diuinam simul ipsi consolationem optamus. Si quem ex vita migrasse audiamus; ut anima ipsius bene velit Deus, precamur. Omitto his similia plurima.

1.

Et hæc quidem Catholici faciunt quotidie. Quid olim Maiores? Idem prorsus. Pro omnibus, inquit Cyrillus Hierosolymitanus, Catechesi s. Mystag. oramus, qui inter nos vitæ sancti sunt. Pro-

2.

cubuit Theodosius Iunior ad Reliquias S. Ioannis Chrysostomi, & pro animabus parentum suorum Archady & Eudoxia, iam defunctorum, supplicauit, teste Theodoro li. 5. Histor. c. 26. Constantinus Magnus, ut habet Eusebius, li. 4. in Vita eius, voluit sepeliri in celebri templo; ut multarum mortuus Orationum fieret particeps. Iosaphat, ut Damascenus habet, in eius Vita, in hunc modum, pro patre suo orauit: *Colloca eum in locum refrigerij, in loco quietis: & ne memineris iniquitatum eius antiquarum.* De Macario sic scribit Palladius. *Pro consuetudine sua, pro defunctis Preces fundebat Macarius.* De Theodoro Sacerdotum Archimandrita refert, in eius Vita. Gregorius Presbyter, quod pro defuncta matris salute Deo supplicarit. apud Surium Tomo 2.

3. Serniunt pro hoc argumento nobis illi, qui viuorum Orationes, pro defunctis, expetiuerunt. ut sunt, Ephrem Syrus, qui pro se mortuo expetijt fieri preces: quemadmodum ex eius Testamento clarum est, apud Surium Tom. 1. Eduardus Rex Anglorum; qui teste Alredo, in eius Vita easdem sibi mortuo, cupiunt impendi. S. Eusebia; quæ hæc sibi voluit præstari à suæ professionis sacris Virginibus in eius Vita refert Metaphrastes, Euphrasia; vxor Antigoni, viri ditissimi Constantinopolis, tempore Theodosij; quæ & se & maritum defunctum voluit esse commendatos precibus Euphrasia Iunioris, filia; sicut clarum est in eius Vita, apud Surium, Tom. 2. S. Kunegundis Imperatrix; quæ Congregationi in confugia scripsit, ut animam mariti defuncti, Henrici Imperatoris, Deo commendarent, & Orationis alimonia reficerent. Surius Tom. 2. in eius Vita. B. Paulinus Nolanus, Epist. 5. ad Delphinum Episcopum; cuius Orationibus animam fratris sui commendat. Eandem commendat, Epist. 6. ad Amandum, eidem Amando Episcopo.

4. Et hi tempore legis gratiæ vixerunt Quid illi, qui hanc præcesserunt? Et illi idem præstiterunt; & tam Maioribus nostris, quàm nobis, exemplum, quod sequamur, præbuerunt. Id vel solus egregiè demonstrat Iudas ille Machabæus; quem hoc nomine commendant Sacræ literæ. cuius etiam post factum, hæc oratio subiungitur: *Sancta & salubris est cogitatio pro defunctis exorare; ut à peccatis soluantur.* 2. Machab. 12.

5. Nec exemplo Maiorum tantum hinc mouentur Catholici; etiam sequuntur eorundem doctrinam. Clemens Apostolorum discipulus sic habet, Epist. 1. *Oportet diligenter Orare pro mortuis. Si voluerimus,* inquit B. Chrysostomus, Hom. 2. in Acta, *mortuo benefacere, Preces pro illo faciamus continuas.* Et Hom. 41. in priorem ad Corinth. *Iu-*

uetur mortuus non lachrymis, sed precibus, supplicationibus, eleemosynis. Et infra: Ne fatigemur mortuis auxilium ferre, Preces pro illis offerentes. Ambrosij hæc est sententia, lib. 2. Epist. 8. ad Faustinum, de obitu sororis. Non tam deplorandam, quàm prosequendam Orationibus reor; nec mœstificandam lachrymis, sed oblationibus animam eius Domino commendandam.

Sed neque si vel Exemplis essent destituti, vel Maiorum vocem non audissent, dubitare possent, Oratione purgandos Spiritus inuari? Quid non potest Oratio? apud Deum præsertim, in cuius potestate sunt, de quibus nostra Disputatio est, Spiritus? pro cuius voluntate expiantur? 6.

Dubium igitur non est, Oratione Spiritus purgandos inuari posse. 7. Quid si adiutos doceamus? Seruiunt hic nobis superius recensiti Germanus atque Martinus Episcopi; Malachias atq; Bernardus Abbates: quorum primus animam Paschasij, teste Greg. lib. 4. Dial. cap. 10. alter Vitalinam Virginem, ut habet Greg. Turon. lib. de Gloria Conf. cap. 5. tertius sororem, quemadmodum de eodem scribens refert Bernardus: quartus Monachum, ut in eius Vita cap. 10. VVilhelmus Abbas, ex purgatorijs pœnis Oratione liberavit.

Adiicimus dictis S. Elifabetham, Regis Hungariæ filiam. Huic dormienti (ut in eius Vita scribit Iacobus Montanus, apud Surium Tom. 6.) matris umbra visa est obuersari, lugubriq; vultu, & flexis poplitibus orare, sui quamprimum miseretur. ob vitam enim negligentius actam igne se pœnas soluere: moxq; hoc viso expergefacta, ac post effusas ad Deum preces lachrymasq; denud in soporem depressa, iterum apparere, ac immortales gratias agere, pro matura liberatione: dicereq; tanti apud Deum Preces eius reputari; ut tam vitâ functis; quam ijs, qui adhuc superessent, subuenire auxilio possit. Ita Montanus. 8.

Addimus Anglorum Regis sororem virginem integerrimam, Tettam; quæ virgini sorori defunctæ, & ob nonnullas peccatorum labeculas, pœnas adhuc luenti, veniam oratione obtinuit. Argumento fuit ipsius tumuli terra, quæ subsederat; & rursus assurrexerat, hiatumq; inanem replebat. Hoc Rudolphus. Rabani discipulus, li. de S. Charitate, alias Lioba.

Cæterum, quàmuis Oratio his Spiritibus profit, non omnis tamen æquales habet vires. Alia aliâ est præstantior. Vna aliâ plus inuat. Quæ enim ab ijs, qui in Christi sunt gratia, proficiscitur, longè est præstantissima: propterea, quod non solum vim habeat impetrandi; 9.

verum etiam *satis faciendi*. Ab hac longè distat illa peccatorum hominum, quæ solam vim *impetrandi* obtinet.

10. Hinc est, ut *uno modo tantum* Oratio peccatorum defunctis dicatur suffragari: *duobus* iustorum. Possunt peccatores impetrare defunctis requiem: iusti possunt & requiem ijs impetrare, & pro ijsdem satisfacere, quod nequeunt peccatores: Hoc attendisse videtur Imperatrix Kunegundis, cum animam defuncti mariti maluit *Religiosorum hominum Orationibus* esse commendatam; quod *iustorum*, ut dicebat, *Preces plurimum valeant apud Deum*. Habetur in Vita eius, apud Surium, Tom. 2.

C A P. LXXVI.

Quod, & quomodo Missæ sacrificium iuvet piè defunctorum Spiritus, qui post mortem viventium subsidia postulant.

1. **A**lterum subsidium, quo à purgandorum Spirituum molestia viuentes, & ipsi à tormentis liberantur, *sacrosanctum altaris est sacrificium*, de quo sic post alios, Concilium Tridentinum, Can. 6. Sess. 22. Si quis dixerit Missæ Sacrificium esse tantum laudis & gratiarum actionis; aut nudam commemorationem Sacrificij in Cruce peracti: non autem propitiatorium: vel soli prodesse sumenti; neq; pro viuis & defunctis; pro peccatis, poenis satisfactionibus, & alijs necessitatibus offerri debeat, anathema sit.
2. Hoc gravissimos insultus sustinet à veteris religionis Hostibus. Sed tãtò constantius tenetur & defenditur à Catholicis; quantò maioribus prædijis munitum est. Nullum hîc eorum desideratur, quæ per se habet Oratio; de qua præcedenti Capite.
3. Primum hîc est omnium, qui nunc sunt, Catholicorum consensus; non tam verbis quàm rebus ipsis confirmatus. Nullum *Missæ sacrificium* peragitur, in quo non *defunctorum fiat commemoratio*. Sunt præterea Missæ *pro defunctis*, ut vocamus, partim *anniversaria*, partim quæ *primo, septimo, atq; trigésimo depositionis die* celebrantur, &c.
4. Consensum hunc confirmant exempla Maiorum. Pro anima fratris Satyri *Sacrificium* obtulit B. Ambrosius. quemadmodum ex Oratione funebri constat, quam in obitu eiusdem habuit. Pro matre B. Augustini idem *Sacrificium* fuisse oblatum, idem testatur Augustinus li. 9. Confessionum.

Sic

Sic D. Bernardus, cū Verduini in Gallia ageret, *Sacrificium altaris* obtulit, pro Episcopo Osiensi recens defuncto: vt patet ca. 4. li. 4. Vitæ eius. S. Gallus Abbas pro Columbano, capite 25. eius vitæ. Pro Gallo Ioannes Episcopus Constantiensis: in eiusdem Galli Vita, cap. 29. S. Seuerus Rauennensis Episcopus, pro Geminiano Præsule; in Vita ipsius, apud Surium, Tomo 1. Anselmus pro anima Osberti, qui alieniori animo aliquando ab ipso fuerat: in Vita ipsius ab Edinero Anglo conscripta: apud Surium Tomo 2.

Præterea Hugo, Episcopus Gratianopolitanus, diem obitus patris atq; matris dicitur celebrem fecisse *tremendo Sacrificio*, quod pro ipsorum salute offerebat, quemadmodum testatur Guigo V. Prior primæ Carthusiæ, dum Vitæ ipsius describit cursum. Et Vdalricus Episcopus Augustanus cū Adelbertum in prælio intellexisset occubuisse, primum quidem corpus Augustam deferret, & honestæ sepulturæ mandat; mox deinde Spiritum, *per sacra immolationis bestiam* Deo rogat esse commendatum. Ita Bernardus Agiensis, in ipsius Vita, qui eundem, Romæ aliquando agentem, cū nondum Episcopus esset, testatur senioris animam Deo inter *sacra orationum libamina* commendasse.

Et Episcopus Herpipolensis; Embrichus, quemadmodum in vita dilexit Babonem, Bambergensem Episcopum, ita mortuum egregijs Christianæ pietatis officijs prosecutus est. Humeros funeri subiecit: pro anima defuncti publicè *Missa Sacrificium* obtulit: & cathedram conscendens ad præsentem maximo numero Auditores, egregiam habuit orationem funebrem. Vide vitam Babonis, apud Surium Tomo. 4.

Refert quoq; Venerabilis Beda lib. 3. Hist. Angl. de gestis Regis Osvaldi, fratres Ecclesiæ Hagulstaldensis, singulis annis, pridie quàm Rex Osvaldus fuit occisus, conuenire solitos, ad locum; vbi Crucem aliquando orationis causa erexerat: ibiq; preces pro salute animæ ipsius, & *victimam sacra Oblationis offerre*.

Habent hic locum desideria vitiorum, qui pro se defunctis idem *Missa sacrificium* offerri efflagitârunt: vt sunt Ephrem, Syrus, in suo Testamento: Venerabilis Beda, in præfatione Vitæ S. Cuthberti, Episcopi Lindisfarnensis, apud Surium, Tomo 2. Margareta Regina Scotiæ; in eius Vita apud Surium, & alij quàm plurimi. Et ne pluribus recensendis molesti simus, vnica oratione Beati Augustini concludimus, qui sermone trigesimo quarto de Verbis Apostoli, docet Ecclesiam vniuersam pro defunctis in sacrificio *Missa orare solere*.

Nec

Nec est, quod de sancti Doctoris testimonio dubitemus. Extant Iacobi, & Clementis, aliorumque Liturgiæ, quæ hanc rem egregiè confirmant. Extant Concilia omnium Prouinciarum, quæ *Sacrificij* pro defunctis meminerunt. Vide Caput 82. huius Disput.

6.

In Veteri lege hoc *Sacrificio*, defunctorum animæ adiutæ non fuerunt. Nec mirum. Nouæ, non veteris legis est *sacrificium*. Sed tamen *sacrificiorum* virtute animæ non fuerunt destitutæ. Illa ipsa *Sacrificia* Veteris legis ipsis profuerunt, quemadmodum probat *Sacrificium*, quod pro interfectis in bello obtulit Dux, Iudas Machabæus, 2. Mach. 12. ex quo etiam B. August. libro de Cura pro mortuis, cap. 1. probat nostrum mortuis prodesse.

7.

Cum exemplis consentit veteris Ecclesiæ doctrina. Grauiissima est oratio B. Chrysostomi, Hom. 69. ad Pop. Non temerè, inquit, hac ab Apostolis sancita fuerunt; ut in tremendis Misterijs defunctorum agatur commemoratio. Sciunt enim illis inde multum contingere lucrum, multam vtilitatem. In eandem sententiam loquitur B. Augustinus, de Verbis Apostoli, Serm. 32. Hoc, inquit, à Patribus traditum vniuersa obseruat Ecclesia, ut pro ijs, qui corporis & sanguinis Christi communionem defuncti sunt, cum ad ipsum *Sacrificium* suo loco commemorantur, oretur, ac pro illis quoque id offerri commemoretur.

8.

Sed & *Sacrificij* huius dignitas magnum hîc præbet argumentum. Neque enim duodecim tantum millia talenta argenti, à Iuda Machabæo offeruntur; sed infinitus gratiarum omnium thesaurus; videlicet vnigenitus Dei filius: idque per Ecclesiam, cuius charitas & deuotio Deo gratissima; vel per ipsum, verius, vnigenitum Dei filium. Idem enim hic offerens & res oblata; & eadem quoque oblatio. Qui enim semel pro peccatis Deo se obtulit, nunquam se offerre desistit. quàmuis vnà cum ipso, ipsa quoque Ecclesia per suos ministros ipsum offerat, suasque preces & vota, cum hoc *Sacrificio* coniungat.

9.

Hinc quoque est, ut *Sacrificium* hoc pro defunctis oblatum vires magnas habuerit, quàmuis reuera defuncti non essent, pro quibus offerretur. Id insigni exemplo ostendit Ioannes Eleemosynarius, Episcopus Alexandrinus: quemadmodum in Vita eius docet Leonius Neapoleos Episcopus. A Persis quidam abductus captiuus, aiebat, in custodia, quæ appellatur Leibe, asservabatur vinctus. Lex autem erat apud Persas, ut qui coniecti essent in eam custodiam, nunquam reuocarentur (& ea ratione consentaneum est, eam fuisse vocatam

latam Lethen. i. obliuionem). Illinc autem cū quidam affugissent, & in Cyprum venissent; affirmarunt parentibus adolescentis, eum in custodia mortuum esse. Illi igitur tres, quotannis Synaxes celebrabant, tanquam eo mortuo. Quatuor anni præterierant: & ecce filius illinc aufugiens, redit domum. Quem cū parentes non tanquam qui fugisset è custodia, sed tãquam, qui surrexisset è mortuis, cum magno stupore aspexissent; & fuissent ineffabili voluptate repleti; retulerunt, quemadmodum ei mortuo, quæ fiunt mortuis, fecerint, Iusta; indicantes quoque dies sanctorum Epiphaniarum, salutaris Paschæ & sanctæ Pentecostes, quibus eadem perfecerunt. Hæc cū ille audisset, & in memoriam reuocasset: parentibus affirmabat, quod his ipsis diebus fuerit relaxatus à vinculis, aduentu cuiusdam, qui gestabat lampadem, & omni securitate perfunctus: diebus autem sequentibus rursus vinculis, sicut prius, constrictus. Hæc Leoatius.

Simile exemplum apud Gregorium magnum homilia 17. in Euangelia est videre.

Afferit quoque pro eodem argumento aliud non minus prodigiosū Venerabilis Beda, libro 4. Hist. Angl capite 20. quod ipsius verbis referimus. In præfato, inquit, prælio, quo occisus est Rex Elbuius, memorabile quoddam factum esse cōstat, quod nequaquam silentio prætereundū arbitror; sed multorum salutē, si referatur, fore proficiū. Occisus est ibi inter alios de militia eius iuuenis, vocabulo Imma. Qui cū die illo, & nocte sequente, inter cadauera occisorū, similis mortuo, iaceret: tandem recepto spiritu reuixit; ac residens sua vulnera, vt potuit, ipse alligauit. Quod dū faceret, inuentus est, & captus à viris hostilis exercitus, & ad Dominū ipsorū, Comitem videlicet Edelredi Regis adductus. Ille suscipiens eum, curam vulneribus egit. Et vbi sanari cœpit, noctu eū, ne aufugeret, vinciri præcepit. Nec tamen vinciri potuit. Nam mox, vt abire, qui vincierant, eadem sunt eius vincula soluta. Habebat enim germanum fratrem, cui nomen erat Tunna. pre byterū & Abbatē: qui cū eum in pugna peremptum audisset, venit quærere; si fortē corpus eius inueniri posset, inuentumq; aliū, illi per omnia similitimū, putauit ipsum esse: quem ad Monasteriū suum deferens, honorificē sepeliuit: & pro absolutione animæ eius, sæpe Missas facere curauit quarū celebratione factū est, quod dixi, vt nullus cū vincere posset: quin continuò solueretur. Interea Comes, qui eū tenebat, mirari & interrogare cœpit: quare ligari nō posset: an fortē literas solutorias, de quibus fabulæ ferunt, apud se haberet, propter

quas ligari non posset. At ille respondit. Nihil se talium artium nosse: sed Habeo fratrem, inquit, presbyterum in mea Prouincia; & scio quia ille, me interfectum putans, pro me Missas crebras facit; & si nunc in alia vita essem, ibi anima mea per intercessionem eius solueretur à pœnis. Multi itaque accensi sunt in fide ac deuotione pietatis ad orandum; vel eleemosynas faciendas; & offerendas Domino victimas Sacrae Oblationis, pro ereptione suorum, qui de seculo migrauerant. Intellexerunt enim, quòd Sacrificium salutare ad redemptionem valeret, & animæ & corporis sempiternam. Hactenus Beda.

Tertium refert ex Petro Cluniacensi Thomas Bozius, li. 15. cap. 2. de Notis Ecclesiæ. Et hoc Petri Cluniacensis verbis ascribimus: Est in Gratianopolitano Episcopatu locus in venis subterraneis, plurimum ferri habens; quod multo incolarum & rusticorum sudore assiduè eruitur, ac fornacibus coctum & expurgatum, per circumiacentes terras fabris ferrarijs, vel quibuslibet, pro lucro venditur. Inde & villa, quâ iidem homines iuxta incolunt, Ferraria nuncupatur. Solent autem huiusmodi homines, dum terræ abdita fodiendo perscrutantur, spe maioris lucri longius procedere: & per subterraneos specus pertinaciter maiorem ferri materiâ perscrutari. Hinc operi, dum quodnam tempore quidam Rusticus indefessus instaret; & intima terræ fodiendo longius procederet: repente maxima moles terræ delapsa; aditum, per quem ingressus fuerat, obdurauit. Quia tamen fodiendo longius processerat; ac multum post se spatij exhausta terra inane reliquerat; mortem inuasit; & velut in domo clausa à validis munitionibus vndiq; circumsepta, egredi quidem non potuit, incolumis tamē permansit. Sed tenebris tam tenebrosi carceris circumseptus, spe omni euadendi sublata, ac velut in amplo sepulchro sepultus, mortem ipsam adhuc viuens, iam se cernere existimabat. Hunc iam per aliquot dies non apparentem, vxor sua mortuum credens, ad animam eius spiritualibus beneficijs adiuuandam conuersa est. Vnde per annum integrum, omni hebdomada, vnam ei Missam à Sacerdotibus celebrari faciens; & pro eo Panem, & Candelam offerens, salutari sacramento, vt mos est Ecclesiæ, animæ defuncti mariti subuenire satagebat. Vna tamen, anni, hebdomada existit, qua mulier, alijs intēta negotijs, Missam, vt proposuerat, marito prouidere neglexit. Ecce vero totius anni penè emenso spatio, rursus fossiores, metalli officio assueti, irrequieti instantes ad locum, in quò iam dictus Rusticus adhuc viuens latebat.

tebat, paulatim fodiendo perueniunt. Quorum dum voces, & mal-
leorum sonitus iam appropinquantium Rusticus inclusus audis-
set; quantis potuit nisibus vociferari cœpit. Cuius illi vocem audi-
entes, & (vt pote artis illius periti) hominis subterranei esse cogno-
scentes; sese inuicem cohortati sunt: & ad eum tandem, post mul-
tum folsionis laborem peruenierunt. Quem accensis luminibus cu-
riosè circumspicientes, illum esse, quem anno iam præterito ibidē
obrutum esse sciebant, agnouerunt. Admirati, & vt par erat, tantæ
rei nouitate stupefacti, quomodo illic viuere potuisset, instantis-
simè inquirebant. At ille respondit; Isto, quem modo remouistis,
terræ obice forasmini per quod intraueram, obiecto; cū hoc car-
cere, quem videtis, retentus fuisset, atq; aliquantis diebus sine ci-
bo & lumine permansissem; subito mihi iam pene deficienti, cum
Pane simul, & lumine, quidam astitit; qui me confortatus, & ad ci-
bum capiendum admonēs, tetras tenebras illa Candela, quam fe-
rebat, clarissimè illustrabat. Eo Pane, per spatium septem aut octo
dierum (vt mihi videbatur) refectus, totidem diebus illa Candela
illustratus, & famis periculum euadebam; & huius fossa tenebras e-
uitebam. Post septem dies verò vel octo, rursus ille, qui prius cum
recenti Pane, & renouato Lumine adueniebat, eaq; mihi dimittens
recedebat. Hoc per vnus (vt mihi videbatur) anni excursus, æ-
quo pene temporis interuallo nunquam facere destitit; excepto v-
nius hebdomadæ spatio, quo mihi præsentiam suam, munusq; so-
litum, nescio qua de causa subtraxit. Hoc illi ab eo audientes; &
quod pro illo vxor eius, per totum illū annum fecerat, in memo-
riam reuocantes, cuncta ei protinus exposuerunt: deinde hominē
de cauernis illis subterraneis educentes, vxori propriæ, vicinis om-
nibus & populo ad tantum spectaculum concurrenti, mirū dictū,
post annuam, sepulturam, incolumem reddiderunt. Qui simul cō-
gregati, & quod pro eo mulier fecerat, & quod ille de se narrabat,
examinantes, eisdem diebus Panem, quo reficiebatur, & Candelam,
qua illustrabatur, & in illo spectu oblata fuisse inuenerunt, quibus
mulier pro eius reque, & Missam celebrati faciebat, & sacerdoti
Missam celebranti, Panem simul, & Candelam, offerebat. Hæ Clu-
niacensis, & ex Cluniacensi, Bozius.

Sunt & hīc exempla illorum, qui *Missæ Sacrificio* adiuti fuere. Pro-
duximus primo Capite hominem quendam, pro quo verisimile
est *salutarem hostiam* esse oblatam, qui, vt R. Gregorij verbis utar
(lib. 4. Dialog. c. 38.) *reuersus ad balneum, eum minime inuenit.*

Huic addimus, quod in Vita B. Anselmi legitur, ipsum integros anno institisse *Sacrificijs* quotidianis, pro amico defuncto; qui tandem apparens se Sancti precibus adiutum esse testatus est.

Tertium ex B. Gregorij, lib. 4. Dialogor. c. 54. licet adiungere. Iussit ille 30. diebus cōtinuis *Sacrificium altaris* offerri pro lusto Monacho; & hic postea apparens cuidam eiusdem professionis homini, illud sibi profuisse ad libertatem à pœnis, est testatus.

Quartum præbet S. Bernardus, qui & ipse pro quodam ex suis, quem cognouerat in alia vita expiari, *Sacrificium altaris* obtulit, & ut alij offerrent præcepit eundemq; post aliquot dies à pœnis purgatorijs intellexit esse absolutum. Ita in Vita eius lib. 1. cap. 10. V Vilhelmus Abbas.

Quintum suppeditat Malachias, Hybernix Episcopus; qui cū in somno percepisset per dies quadraginta sororem defunctam nihil gustasse; intellexit, cuius escæ inedia laboraret: & diligenter discusso numero, cognouit illo triginta dierum spacio se pro sorore non obtulisse *hostiam altari* incruentam. Repetit igitur *Sacrificia*; & post visa est eidem soror in pulla veste solum peruenire ad limē Ecclesiæ; nec ulterius posse. Intelligit ergo vir Sanctus, nec dum pro defuncta satisfactum. Rursus igitur prioribus pietatis exercitijs insistit, & post illa rursus apparet soror; sed iam in candida veste, & in Ecclesiam introire. Quia tamen altare prohibebatur accedere; nec dum sibi iudicabat à *Sacrificio* cessandum. Quid ergo? Reuertitur ad eadem officia iam quartò: & ab omni cognouit pœna sororem tandem liberatam; postquam eandem cœtui Sanctorum vidit associatam: Bernardus hæc in Vita Malachix. Pluribus opus non est. Nisi Catholica Ecclesia, inquit Isidorus l. 1. de Officijs, c. 8. *crederet fidelibus defunctis dimitti peccata, non pro eorum Spiritibus vel Eleemosynam faceret, vel Deo Sacrificium offerret.*

11 Ex dictis manifestum est, non frustra hoc *Sacrificium pro defunctis* peragi. Verū hoc non de illo tantum dictum volumus; quod à Sacerdotibus, integræ & probatæ vitæ perficitur; verū etiam illis, quorum mores minus probantur. Non officit hic Ministrorū indignitas: propterea, quod principale agēs in *Sacrificio hoc* Deus sit, aut Ecclesia; ipsumque *Sacrificium ex opere operato*, ut in scholis loquimur, suum habeat valorem.

12 Sed tamen ut hoc certum: ita certum dignitatem Ministri hic plurimum valere: & efficere, ut quod ex se, & opere operato meritorium est, & satisfactorium: etiam ratione personæ offerentis, & ministrantis fiat meritorium & satisfactorium.

CAPVT LXXVII.

*Qua ratione Eleemosyna liberant à molestijs, quas
purgandi Spiritus quandoque
afferunt.*



Vam rationem tenuimus, vt probaremus piè defun-
ctorum Spiritus iuuari Oratione, & salutari sacrifi-
cio; eandem in *Eleemosyna*, pro hac re, virtute demon-
stranda sequimur.

Pro ipsa est primùm Catholicorum consensus. Videmus ple-
rumque, si quando pinguioris fortunæ homines ex hac vita disce-
dunt, mox largas à defunctorum amicis, pro defunctorum salute,
fieri *Eleemosynas*; eademque repeti primo, tertio, septimo, trigesi-
mo, atque anniuersario depositionis die. Sed & ipsi defuncti, ante-
quam ex hac vita discedant, illud (Luc. 16.) *facite vobis amicos de mam-
mona iniquitatis, vt cum defeceritis &c.* ad se putat pertinere; & ob id
pauperum haud postremam in extremis habent curam.

Est secundò pro eadem re studium Maiorum: qui nos præcesse-
runt, eandemque nobiscum Christianā legem sunt professi. Rem,
quamuis certa est, paucis tamen exemplis illustrasse non obierit.
Primùm sit Pammachij, cui testimonium dat S. Hieron. ad eun-
dem: quod vxoris suæ sanctam fauillam, ossaque veneranda, *Elee-
mosynarum balsamis rigauit*; sciens scriptum: *Sicut aqua exstinguit ignē,
ita Eleemosyna peccatum*, Eccles. 3;

Alterum est Hugonis, Gratianopolitani Episcopi: qui diem o-
bitus matris atque patris *Eleemosynis*, quo ad vixit, celebrem duxit.
In Vita eius Guigo V. Prior primæ Carthusiæ:

Tertium est coniugis Otthonis: quæ Romæ agens: in Aposto-
lorum templo mariti animam, & orationibus, & *Eleemosynis* quas
faciebat, Deo cupiebat esse commendatam. Ita in Vita S. Adalber-
ti Martyris & Episcopi Pragensis, apud Surium Tomo 2.

Quartum est Henrici Imperatoris: qui cum in vita molestior
fuiſſet Herberto, Archiepiscopo Colonienſi, ipsum defunctum vo-
luit prosequi largis *Eleemosynis*, alijsque Christianæ pietatis exer-
citijs. Hoc Rupertus Tuitiensis in Vita eius apud Surium, Tom. 4.

Quintum est Bambergensis populi: qui pro Præsule suo Babo-
ne orationes ad Deū fudit, & in pauperes insignes *Eleemosynas* pro-
fudit; quemadmodum legere est in Actis eius Babonis, apud Su-
rium, Tom. 4.

4 Est tertio pro *Eleemosyna*, eorum exemplum, qui in veteri lege claruerunt. Iubetur Tobias, à patre, *panem & vinum super sepulturam iusti constituere*, cap. 4. Quam quælo ob causam? An fortè in defunctorum gratiam, vt habeant, quo se reficiant? cui hoc, vel per somnium, in mentem venit? Voluit pater filium instruere conuiuium, atq; pauperes vocare; vt illi post acceptam *Eleemosyna* gratiam, defunctorum animas Deo commendarent, & pro ipsorum salute orarent.

5 Sunt quoque Sanctissimorum Ecclesiæ Præfulem, pro hac re tabulæ, & codices. Oportet, inquit Clemens Apostolorum discipulus Epist. 1. ad Iacob. fratrem Domini, *pro mortuis Eleemosynas dare*. Et B. Chrysost. Hom. 20. *Si voluerimus*, inquit, *mortuo benefacere, Eleemosynas demus*. Et Hom. 41. in priorem ad Cor. *luuetur*, inquit, *mortuus non lacrymis, sed precib, & Eleemosynis*. Et Hom. 3. in Ep. ad Philip. *Pauperibus*, inquit, *pro ijs indefinenter Eleemosynas demus*. Et Hom. 21. in Acta. *Non frustra Eleemosyna fiunt pro defunctis*. Et B. Ambrosius, lib. 2. de Excessu fratris Satyri, hortatur parentes, vt portionem hæreditatis, quæ ad filios mortuos pertinebat, Spiritibus ipsorum, per *Eleemosynas* pauperum transmittant.

6 *Eleemosynæ* quoque præstantia; & quam in Scripturis habet, commendatio, facilè ostendit, quod probamus; sed duo maxime. Alterum, quod Dominus doceat nos *recipi in æterna tabernaculo* per eos, quibus *Eleemosynas* conferimus: Luc. 6. Alterum, quod illa ita peccatum dicatur extinguere, quemadmodum ignem aqua, Eccles. 3. Vtrouque enim indigent hi Spiritus; vt, scilicet, & in æterna tabernacula recipiantur: & à peccato, id est, pœnis peccatorum, absoluantur. Quocirca optimè Theophilactus, in 12. Lucæ, *Distributiones*, inquit, *& oblationes, quæ pro defunctis fiunt; non parum conducunt etiam ijs, qui in grauioribus delictis mortui sunt*.

7 Exempla eorum, qui *Eleemosynis* adiuti sunt, nulla proferimus: quia res clara est. An frustra *panem & vinum* super sepulturam iusti posuit Tobias? Frustra Pammachius ossa vxoris *Eleemosynarum* balsamum rigauit? Frustra ad *Eleemosynas* pro defunctorum salute, faciendas hortati Clemens, Ambrosius, Chrysostomus? Frustra easdem fecerunt Hugo Episcopus Gratianopolitanus Henricus Imperator? Coniux Orthonis II.? Ciuitas Bambergensis? Optimè dixisse credendum est Isidorum, l. 1. de Officijs capite 18. quando sic loquitur. *Nisi Catholica Ecclesia crederet fidelibus defunctis dimitti peccata, non pro eorum Spiritibus vel Eleemosynas faceret, vel Deo sacrificiū offerret*.

8 Porro, quemadmodum non vna ratio Orationem omniū, quæ pro

pro defunctis fiunt: ita neque vna *Eleemosyna*. Alia illius est conditio, quæ priuato nomine suscipitur, citra vllam notitiam & voluntatem eius, pro quo offertur: alia illius, quæ ex commissione fit defuncti; qui in viuis constitutus, salutis suæ causa, pecuniam aliquam assignat, quæ pœnam purgatoriam, per ministros, redimat. *Eleemosyna* primo modo suscepta, nisi ab eo fiat, qui in gratia est, parum pro defuncto proficit. Deo enim, quod ex gratia & charitate ortum non est, *absolute* gratum non est: tamen ex liberalitate mera; opera *moraliter* tantum bona mirificè interdum remuneret. At quæ secundo modo fit, nihil de valore perdit, quamuis etiam in grauissimis peccatis sit, qui ex voluntate defuncti *Eleemosynas* largitur; *Eleemosyna* enim hæc non tam est illorum, qui proximè; erogant quam dominorum, qui donant.

CAPVT LXXVIII.

Ieiunium etiam prodesse purgandis Spiritibus: & ab eorum molestia liberare viuentes.



Vas hætenus prosecuti sumus rationes; eas peruulgata D. Augustini sententia, ad defunctorum Spiritus iuuandos & ab eorum molestia se expediendi valere, iam probatum est. Solet his addi *Ieiunium* atque alienorum bonorum Restitutio, quæ apud defunctorum sunt hæredes, quam bene sequentibus exponendum est: & hoc Capit. de Ieiunio.

De Ieiunio hoc certum, *magnas eius in Sacris Litteris esse commendationes*. Neque enim consulitur solum; sed etiam præcipitur: & ad mala quæcunque depellenda: bona huius atque futuræ vitæ promerenda valere, tam sunt multa, quæ probant; vt oleum atque operam perdere sit, in his per censendis occupari.

Atque vt hoc certum, ita dubium non est, *per se ob corporis afflictionem & frenandum carnis sensum suscipi*. Quocirca licet Paulus, Antonius, Hilarion, cæteri que eremi cultores, qui carni bellum indixerant: non negligerent vigilas, asperum vestitum, extremum corporis laborem: *Ieiunium* tamen, tanquam validissimum, aduersus carnis insultum, præsidium, in prima semper acie collocabant; nihilque periade atque *Ieiunium*, ad Monachi professionem pertinere, prædicabant, viuoque exemplo confirmabant: Imò verò, qui a siduo Ieiunio se non macerarent, eos Monachi appellatione vix dignos censebant.

Nihil.

- 4 Nilominus, quemadmodum ad alia plurima vires habet magnas; ita *purgandorum Spirituum pœnas redimendas valere* qui negat; ignorat, quæ Maiorum de *ieiunio* sententia fuerit, atque opinio. Certè defunctos ipso iuuari Angeli testimonium confirmat, apud Bedam, lib. 9. Hist. c. 13. Multos, inquit, preces viuentium, & eleemosynæ, & ieiunia, & maxima celebratio, vt ante diem iudicij liberentur, iuuant.
- 5 Confirmat Sicæorum Archimandrita Theodorus; qui non oratione contentus, vnus hebdomadis *ieiunium* pro defuncta matre suscepit; teste Gregorio presbytero, in eius Vita, apud Surium, Tomo 2. Confirmat Hincmarus, in Vita Sancti Remigij, Archiepiscopi Rhemensis; qui defunctos ex purgatorijs pœnis docuit liberari fidelium precibus, eleemosynis, *ieiunijs*, fletibus & hostiæ salutaris oblationibus. Omitto alios, quorum posterius mentionem faciemus.
- 6 Hoc forsitan prisca Iudæorum consuetudo confirmat; quos non solum pro defunctis orasse, eleemosynas erogasse, sacrificia obtulisse; verum longa quoque *ieiunia* celebrasse, certum est. Primo Regum, vltimò, habitatores labes Galaad, propter mortem Sauli & filiorum eius, septem diebus *ieiunio* se leguntur macerasse. Secundo Reg. cap. 3. Dauid *idem* præstitit, cum manipularibus suis; postquam de morte Abner factus est certior.
- 7 Eodem pertinere videtur Veterum *fletus & planctus* ad plures sæpe dies productus. Nullum siquidem dubium, quin eiusmodi *luctus* alias quoque, quæ rei præsentì conuenirent, afflictiones adiunxerint. Imò verò Christus Dominus ipsum formale *ieiunium*, *luctus* nomine, & appellatione designat. Nam cum discipuli Ioannis, cum eo expostularent atque dicerent: *Quare nos & Pharisei ieiunamus frequenter, Discipuli autem tui non ieiunant?* respondit illis Iesus, Matthæi 9. *Nunquid possunt filij sponsi lugere (hoc est ieiunare) quamdiu cum illis est sponsus?*
- 8 Nec exempla hic desiderantur eorum, qui *ieiunijs* viuorum à purgatorijs pœnis sunt liberati. Petierat quadraginta dierum *ieiunium* presbyter quidam, Arnolphus à S. Remberto Bremensi Archiepiscopo, cui post mortem apparuerat, necessitates suas ipsi exponens; & absoluto quadraginta dierum *ieiunio*, grati animi significatione, eidem Remberto se omni pœna solutum esse significauit. Surius To. 1. in Vita Sancti Remberti.
- Sic *ieiunio*, quod Sancta Lutgardis virgo, pro defuncto Simone, nobili

nobili quodam viro, suscepit; intellexit eundem quieti Sanctorum donatum, & ab omni molestia purgatorij ignis liberatum. Ita Thomas Cantipratensis in Vita eius apud Surium, Tom. 3. Sic Lioba, & ipsa sanctissima Virgo, intellexit profuisse *Ieiunium* triduanum, cum precibus coniunctum; quod pro virgine quadam indixerat, postquam à poenis cognouit eandem esse absolutam. Hoc in Vita eius Rudolphus, Rabani discipulus, ca. 4.

Cæterum, quod de Oratione priuata diximus; videlicet, non nisi ex mera liberalitate illam, apud Deum satisfacere & valere; si ab eo, pro defunctis suscipiatur, qui extra Dei gratiam est: idem de *Ieiunio* censendum est; ex Dei, scilicet, liberalitate solum illud defunctis prodesse.

Atque hoc non de illo solum intelligimus, quod sponte à viuentibus suscipitur; verum etiam illo, quod ex defunctorum suscipitur commissione. Neque enim huius *Ieiunij*, quod ex commissione suscipitur; eadem ratio, quæ Eleemosynæ; quam seruus nequam pro Domino facit. Dum seruus de pecunia Domini sui facit Eleemosynam; opus illud propriè domini est, non serui: quocirca malitia ministri non vitiat opus. At dum subditus *ieiunat*; opus subditi est, non domini.

C A P. L X X I X.

An, & quomodo, alieni Restitutio, piè defunctorum Spiritus iuuat: & viuentes ab ipsorum infestatione liberet.

INter suffragia, quibus defunctorum Spiritus illi, qui purgantur, iuantur, etiam *alieni Restitutionem* posuit S. Brigitta Virgo. Sed si rem exactius discutiamus, inueniemus quidem illam omnino ad salutem esse necessariam; verumtamen inter *Suffragiorum genera*, quibus defuncti iuantur, propriè reponendam non esse.

Prius illud primò B. Augustini sententiâ manifestum est; afferentis *Peccatum, nisi restituatur ablatum, remitti non posse*. Tum etiam inde colligitur, quod aliena restituere, non est pro peccato; quod iniquâ ablatione in Deum admissum est, Deo satisfacere; sed à peccandi libidine desistere. Quousque enim, quod possum, & iure restituere debeo, non restituo; in Dei & proximi offensa semper persisto. Quocirca quemadmodum ad vitam æternam omnino necessum

est, vt à peccato desistamus; ita, vt aliena dominis suis restituamus.

3. Inter Suffragia verò defunctorum illam numerari *non debere*, vel ex iam dictis manifestum est. Quis idcirco animas defunctorum à poenis, quas iustissimas sustinent, eripi dixerit; quod à consuetudine peccandi cessent viuentes?
4. Alia suffragiorum genera hoc nomine mortuos inuant, quia pietatis quædam sunt opera, quæ ex commiserationis affectu, liberè à viuentibus in defunctorum gratiam suscipiuntur. At *Restitutio* non liberè suscipitur, prorsus est necessaria. Et suscipitur, non commiserationis affectu erga pauperes; sed ne ipsi viuentes, si sibi hac in parte desint, dispendium salutis irreparabile patiantur.
5. Et quid est, ob quod defunctis illam prodesse, dici debeat? Velenim ipsi, cùm viuerent, *aliena restituere* non potuerunt; & omni culpâ atque reprehensione vacant. Vel potuerunt; sed *restituere* noluerunt; & salutis iacturam fecerunt. Vel hæredibus suis, quantum in ipsis fuit, vt post mortem restituerent, mandauerunt: atque hîc si *Restitutio* lesuta non est, omnis hæredum, non defunctorum culpa est. Quodd si negligentius eandem hæredibus mandauerunt; & negligentia mortifera non fuit; ipsa non *Restitutione alieni*, quæ per hæredes fit; sed purgatorio igne expiabitur.
6. Si *alieni Restitutio* illos, vt dicitur, à purgatorijs poenis liberaret; nonne omnino tam diu purgatorijs poenis detineri dicendum est, quam diu *Restitutio alieni* facta non fuerit? Quid verò, si nunquam fiat? semper propter aliorum negligentiam infelices erunt, piè in Christo defunctorum Spiritus? Quis credat?
7. Rursus, si *alieni Restitutio* iuuat; nonne statim, vt illa facta fuerit, à poenis eripientur defuncti? Quid verò, si negligentia maiorem poenam mereatur? Etenim pro ratione peccatorum atque negligentia; purgatorias pœnas, à defunctis exigere dubium nullum est.
8. Est hæc purgandorum Spirituum conditio, vt quas sustinent; pro suis delictis & erratis, pœnas sustineant. Iam verò, quod *aliena* post ipsorum mortem *non restituantur*; non ipsorum; sed hæredum; & quorum est extremam voluntatem exequi, delictum est, & peccatum.
9. Sed ad viuos dicuntur quidam rediisse, & *alieni Restitutione*, quæ ipsorum culpâ contracta fuit, persuasisse. Sit hoc ita. Veruntamen persuaserunt non tanquam sibi profuturam; sed tanquam viuentium bonum.
10. Neque hoc mirum videri debet. Cùm enim boni sint Spiritus, &

viuen-

viuentium salutis amantes, qui redeunt; vt viuentibus benè fit, & vt malam non patiantur, omnino petere credendum est. Quocirca & inter alia *alieni* possunt *Restitutionem* vrgerè: præsertim apud eos, quibus viuentibus peccati occasionem aliquam se dedisse iudica-uerint.

Interim tamen, nec hæc eorum admonitio, quemadmodum nec ipsa *alieni Restitutio*, pœnarum aliquod subleuamen est. Nihil eorum, quæ defunctorum Spiritus agunt, ipsos releuat. Benè pati possunt: benè agere, quo vel sibi, vel alijs quippiam mereantur, non possunt: Quemadmodum nec pro se, nec pro alijs facere possunt satis.

Vnum in *alieni Restitutione* fortassis est, quod ipsos iuuat: hoc scilicet, si ipsa pietatis studio ab hæredibus fiat, atque cum desiderio, vt ijs, quorum nomine fit, benè fiat; & à miseria, in qua sunt, eripiantur. Hic pietatis affectus, quædam quasi viuorum pro defunctis Oratio est; cuius magnas ad Spiritus subleuandos esse vires, superius demonstratum est, Capite 75.

C A P. LXXX.

An, & quomodo inuentur purgandi Spiritus Peregrinationibus, quas viuentes ipsorum causâ persoluant.

Sequitur, vt quid de *Peregrinationibus*, quas defunctorum Spiritus aliquando postulant: & quibus ipsi dum viuerent, se obligârunt, sentiendum sit, definiamus: atque, Vtrum ita illæ necessario à viuis, in defunctorum gratiam suscipiendæ sint, vt nisi persoluantur, optatâ requie perfrui nequeant, ostendamus.

Primum hic certum est, *Peregrinationum* vsum antiquissimum esse. Nam & Apostolorum temporibus (ne vltius progrediamur) vi-
guerunt: & Apostolorum exemplo confirmantur. Sanctissimus Mar-
tyr Ignatius, ad B. Ioannem Euangelistam scribens, ipsum pluri-
mum obtestatur, vt sibi liceat *petere Hierosolymam, visendorum Sancto-
rum causâ*. Clemens Romanus, tertius post B. Petrum Pontifex, &
eiusdem egregius discipulus, li. 1. Recognit. testatur se, vna cum
Sanctissimo Petro, *Sanctorum sepulchra* visitasse. Et iter D. Pauli, quod
Hierosolymam suscepit, vt ibidem Pentecosten celebraret (Act. 20.)
egregiè, si D. Hieronymo fides habenda (Epist. 7. ad Marcellam)
Peregrinationum vsum commendat.

3.

Deinde certum est, & celeberrimum earundem usum existisse. Probant hoc iam dicta; sed imprimis Christi exemplum, qui vnà cum parentibus, secundum consuetudinem, Hierosolymam dicitur ascendisse, cum annorum esset duodecim: & eorum deinde, qui omnibus temporibus floruerunt. Neq; enim vlla ætas fuit, quæ Peregrinantium exempla non suppeditat. Nos in singulis, vnum proferimus, aut alterum.

Prima suppeditat, quos iam recensuimus, Petrum, Paulum, Clementem, atq; Ignatium.

Secunda Originem; qui teste Eusebio, li. 6. c. 11. Romam, & D. Alexandrum, qui Hierosolymam est peregrinatus, vt habet Hieronymus de Viris illustribus in Alexandro.

Tertia Constantinum, atq; eiusdem matrem Helenam, quorum hæc loca sancta inuisit, ille Christianos, vt eadem inuiserent, templo egregio Hierosolymis in monte Caluarie exstructo, inuitauit, teste Nicephoro li. 8. ca. 50. & li. 9. ca. 32.

Quarta Endoxiam, atque Hieronymum. Et vterque quidem Palestinam, religionis causa, perlustrauit: Illa verò hoc non contenta, decies millies sextarios olei ad usum lucernarum Templo sacro contulit, quemadmodum Zonaras testatur, Tom. 3. de Theodosio.

Quinta vniuersum propemodum Christianum orbem, quem pietas Iustiniani Imperatoris exstructis plurimis Templis, & eisdem Sanctorum Reliquijs exornatis attraxit.

Sexta ætas præter alios offert Christianissimos Gallie Reges, Clodouæum atque Childericum. Hic vnà cum alijs multis inuisit sepulchrum S. Germani, postquam paraliticum ibidem intellexit sanitati restitutum; vt scribit Gregorius Turonensis li. 5. c. 32. Ille pugnaturus Contra Gothos, victoriam sperauit certiolem, si Peregrinatione, suo nomine, ad Reliquias D. Martini susceptâ, eius patrocinium postulasset. Et hoc Gregorius Turonensis, li. 2. ca. 37.

4.

Certum est tertio, non fuisse infructuosus. Nonne Theodosius Imperator victoriam contra Eugenium obtinuit, postquam prius Sanctorum sepulchris aduolatus iacuisset? Habet hoc Eusebius, li. 11. ca. 33. Nonne Sidonius Apollinarius, Aruernensis Episcopus, ad B. Hieronymum scribens (li. 1. Epist. 5.) ingenuè fatetur se ad limina Apostolorum spe sanitatis obrinenda profectum & voti compotem esse factum? Infinita sunt pro hoc Argumento exempla apud Augustinum, li. 22. de Ciuit. Dei, ca. 8. De ijs, qui Reliquias SS. Geru. sij & Protasij visitarunt, sic scribit B. Ambros. (Epist. 85) Cognouisti, inquit, imò vidisti ipsi multos à Damonibus vexatos purgatos: plurimos etiam, vbi vestes Sanctorum mani-

PARS TERTIA.

285

manibus contigerunt, quibus laborabant, debilitatibus absolutos. Domestica & quotidiana exempla omittimus.

Sic dubium non est *cum egregijs virtutibus esse coniunctas*. Hanc ob causam Maiores nostri alias susceperunt: ad easque suscipiendas alios inuitarunt; & eos, qui religiosè suscepissent, commendarunt. Quid quòd minus pietatis atque religionis se habere existimarent, nisi in ijs locis Christum adorassent, in quibus plurimum (vt B. Hieronymus loquitur) Euangelium de patibulo coruscavit?

Quinto dubium non est, *culpâ carere eos, quinimò rem Deo gratam præstare, qui voto ad has Peregrinationes suscipiendas Deo se obstringunt*. An quod per se bonum est præstare, vt id faciamus, voto nos obstringere nequimus? Quodcunque tandem bonum est, si ad id præstandum voto se mortales obstringunt; & melius redditur, & Deo fit gratius atque acceptabilius.

Facit verò votum, vt quod per se liberum est, necessariò præstandum sit, postquam Deo fuerit promissum. quocirca & ijs, qui ex voto Peregrinationes suscipiunt, summa incumbit necessitas, vt illas persoluant. Hinc optimè Beatus Hieronymus Rusticum hortatur (Epist. 46.) vt Peregrinationem, quam ad Sancta Palestinæ loca vouerat, persolveret. Redde, inquit, quod præsentem Domino vouisti; ne ante rapiaris, quam tuam sponsonem impleas. Atque hoc 6. loco constitutum sit.

Hinc iam clarum est, *crimine eos non vacare, qui quas Deo promiserunt, non persolunt Peregrinationes*. Displicet Deo infidelis & stulta promissio; Eccles. 5. & damnationem quædam dicuntur habere, quæ primam fidem irritam fecerunt, id est, non præstiterunt, quæ Deo vota fecerunt, 1. Timoth. 5. Hæc omnia certa.

Sed quid, Si ex hac vita quidem discessissent, nondum persolutis, quas vouissent, Peregrinationibus? detrimentum ne aliquod salutis, ob hoc, paterentur? Et si ipsorum salus desperata nondum est, possuntne viuentes ipsorum nomine Peregrinationes, cum defunctorum fructu, suscipere? atque ipsorum votis satisfacere? Denique, Itane necessaria est hæc votorum persolutio; vt quamdiu reddita non fuerint, à cælorum regno exclusi sint miseri? Hæc præcipua præsentis argumenti Capita.

Primum Caput distinguendum est. Vel enim viuentium quadam culpâ, accidit, cur minus Peregrinatio promissa persoluta sit; vel nulla ipsorum hic est culpa. Si nulla viuentium interuenit culpa: nec iacturam salutis faciunt, cum ex hac vita discedunt: nec dispendium aliquod huius nomine patiuntur. Si culpa interuenit: pro qualitate

Ipsius, reatus est poenę. Etenim si mortifera est, desperata est salus: si venialis purgatoriâ poenâ expiatur.

11. Atq; vt purgatoriâ poenâ defunctorum expiari potest culpa hæc, ita potest viuorum subsidio tolli. Quidni in hac re viuorum suffragia proderunt defunctorum Spiritibus; quæ in quibuscunq; alijs leuamen afferre possunt? An deterior hæc mortuorum, quàm in alijs conditio?
12. Possunt in hoc negotio iuari pië defuncti fideles. Et quidem iuari possunt *Peregrinationibus* etiam iustorum, quas defunctorum nomine viui suscipiunt; non propterea solùm, quod sic votis suis per amicos defuncti dicantur satisfacere; verùm etiam, quia *Peregrinationis* hoc officium sine corporis molestia non suscipitur, & cum oratione semper coniunctum est: quæ vtræque, quam defunctis proficit, ex supra dictis manifestum est. Atque ita secundo Capiti respondit.
13. Ceterum, Quid si *Peregrinatio* nulla suscipiatur, miseri ne semper erunt defunctorum Spiritus, qui easdem Promiserunt? Hoc tertio loco explicandum est. Respondetur verò breuiter, quod res est, *Non semper fore miseros*. Nam cum pro qualitate delicti poena purgatorii sustineatur, tum demum ipsius erit finis, quando pro negligentia satisfactum erit, ex qua *Peregrinatio* debita intermissa est.
14. Quàm misera esset Spirituum conditio, qui ex hac vita discedunt: si requiem habere ante non possunt; quàm persoluerunt vota, ad quæ sese, cum vinerent, obstrinxerunt? Nonne aut perpetuò Purgatoriæ illis poenę sunt subeundę; aut omnibus facultas faciendâ, vt ad viuos redeant, & viuorum patrocinia implorent? Quis hæc credat?
15. Præterea nec iustitiæ leges seruarentur, si mox, vt *Peregrinatio* debita, à viuis, defunctorum nomine, perfecta est, defuncti poenâ liberarentur. Etenim fieri potest, vt leui negotio *Peregrinatio* perficiatur; negligentia verò, propter quam intermissa est, maiorem mereatur poenam. Et rursus, laboriosa admodum sit *Peregrinatio*, negligentia autem, ex qua intermissa est, sit admodum leuis, leuique poenâ expianda. At iniquum est, vt grauis negligentia leui poenâ; & leuis negligentia graui expietur supplicio.
16. Quocirca quemadmodum *Peregrinatione* viuorum votis horum Spirituū fieri potest satis; ita post quibusq; operibus pietatis, quorum sæpius mentionem fecimus. Quòd si tamen quidam sint Spiritus, qui *Peregrinationes* pro se fieri postulant; non ita postualre credendum est; quasi aliàs ad optatam requiem peruenire nequeat; sed quod

quòd hîc plures rationes, quibus inuentur, aliquando concurrant.

C A P. LXXXI.

An, & qua ratione purgandi Spiritus, inuentur Cereis & accensis Luminibus.

Purgandos Spiritus accensis Cereis & Luminibus iuari ex ipsorum circa mortuos vsu, non immeritò quis suspicabitur. *Neg. enim hîc paruus est, neg. simplex.* Nam mox, vt animam expirârunt, cadaueri nunc plures, nunc pauciores, pro viuorum facultatibus, apponuntur. Ornant deinde pompam funebrem. Superponuntur ipsorum sepulchris. Adhibentur Sacrificijs, & orationibus, quæ pro ipsis, in Ecclesia, die tertio, septimo, trigesimo, & anniuersario peraguntur. Sæpè etiam extra hæc in defunctorum memoriam, nunc pro viuentium pietate; nunc ex defunctorum vltima voluntate, in templis, ad Dei honorem accenduntur.

Nec nostris tantum temporibus hæc obseruantur. Obseruata quoque fuerunt priscis, & temporibus Maiorum: & quidem apud homines pietate, doctrina, sapientia atq; nobilitate illustres. In funere B. Virginis Cereos ardentescq; Faces, prælatos fuisse, testatur Nicephorus li. 2. Cap. 22.

Refert Theodoretus, li. 5. c. 35. cucurrisse per pelagus, quasi per terram, populum Christianum: *Lampadibus & Cereis* omnia impleuisse; vbique lætitie argumenta reliquisse; quando Beati Chrysostomi corpus translatum est.

Gregorius Nazianzenus, Oratione de laudibus Cæsarij, ad piâ pompam, quâ corpus fratris elatum fuit, putat pertinere, quòd mater Faces gestârît *incensas*.

Centurio quem Diuus Petrus conuertit, moriens, congregatis omnibus Christianis, cum Presbytero Eunomio, cum *Cereis accensis* sepelitur; vt narrat in eius Vita Metaphrastes, apud Laurentium Surium, die 13. Sept.

Meminit *Lampadum* atq; *Cereorum* B. Hieronymus: dum illustrem Paulæ his verbis describit pompam, Tom. 1. Epist. 22. cap. 13. ad Eustochium: *Paula, inquit, translata Episcoporum manibus & ceruicem feretro subijcientibus, cum alij Pontifices Lampades Cereosq; praeferrent; alij choros psallentium ducerent &c.*

De Constantino Imperatore hæc scribit Eusebius, in eius Vita li. 4. *Cadauer, inquit, in capsula collocatum, & purpureo tegmine coopertum, Constantinopolim delatum est, & in basilica sub altissimis*

gradibus depositum, Luminibus super candelabris aureis circum circa accensis.

In sepultura Danielis Stylitæ (quem Zeno Imperator sui Imperij *Oraentem* dicere solebat? etsi in ipsa basi, & pede suæ columnæ sepeliretur, nec usquam funus efferretur; tamen præsentē Euphemio Episcopo stabant ex utraque parte tumuli, clerici, qui *Faces* ferrent, & *Lampades* tenerent manibus; & ea canerent, quæ cani solent in decessu. Hæc in eius vita Simeon Metaphrastes.

Sic cum *Cereis* terræ mandatum esse corpus Crotildis, Reginae Francorum, testatur Gregorius Turonensis li. 1. c. 4. Historiæ: quemadmodum cum *isdem* corpus Regis Clodouxi, eodem Gregorio teste, li. 8.

Et si in hac re D. Augustini sententia locum habet, quâ ad Traditionem Apostolicam illa refert, *qua in Ecclesia observantur: & à Concilijs definita & constituta non sunt; nec sacrarum Scripturarum auctoritate confirmata*; profectò hunc *Cereorum* usum ab Apostolis esse profectum, aut probatum; vel possumus credere, vel suspicari debemus. Quem enim alium horum primum authorem constituemus?

4. Sed *profuntne* purgandorum Spiritibus? Existimo per sæpè *viuorum esse solatia*; & quemadmodum pleraque alia, pompam funebrem ornare. Esse etiam egregia *monumenta*, quæ viuentes de magnis rebus admoneant. Esse *pietatis argumenta*, quibus viui amorem suum erga defunctos testantur. Denique *purgandorum Spirituum aliquando grata subsidia & subleuamina*. Hoc postremum hic.

3. Quando verò? Ex *sine* hoc eorum, qui *Lumina* constituunt, & *Cereos* accendunt, definiendum est, non ex ipsis Cereis, aut Luminibus, *Cerei* per se ad propulsandas tenebras faciunt. quoscunque alios fines habent; pro hominum, nunc viuorum, nunc defunctorum voluntate sortiuntur, qui quemadmodum rebus adiaphoris omnibus, ita *Cereis* atque *Luminibus* fines dare possunt.

6. Atque ut ad varios fines, *Cereos* seruire velle possunt, variasque ob causas accendere: ita possunt velle prodesse purgandis Spiritibus ijs, qui hominum suffragijs iuuari possunt. Quidni in pietatis studio proderunt piè in Christo defunctis; si cum viuentium sæpe graui detrimento seruiunt in rebus profanis?

7. Veruntamen non *quæcunq;* hic viuorum intentio sufficere videtur. Quid si simpliciter, ut defunctis profunt, nulla alterius habitâ ratione accendatur? *Cultus diuinus* hic rationem habendam existimamus; si prodesse illis debeant. Ut quemadmodum Eleemosyna pro defunctis

defunctis erogata, *tunc* defunctis prodest, cum in vsum cedit pauperum: ita *tunc* defunctis prosint accensi Cerei; quando pro defunctorum incolumitate ad Dei cultum observandum, atque amplificandum accenduntur.

Hinc est, ut optimè dixerit B. Athanasius, Sermone in eos, qui obdormierunt (citatus à Damasceno in sermone. Quod qui in fide hinc migrarunt, sacris operationibus, & viuorum beneficijs multum iuuentur) tum plurimam retributionem habere, & defunctis prodesse *Oleum & Ceram*; quando holocausti rationem induunt. Verba eius hæc sunt: *Si quis, inquit, diem obierit, licet in aërem deponatur inhumatus, ne omiseris Oleum & Ceram, inuocato Christo Deo, ad sepulchrum accendere. Accepta enim sunt Deo, plurimamque secum referuntur retributionem. Oleum enim & Cera holocaustum est: incruenta autem hostia oblatio propitiatio est, quod verò in pauperes collocatur beneficium, omnis bonæ retributionis argumentum est.*

Atque hoc fine accensos Cereos purgandis Spiritibus prodesse Christianus homo dubitare non potest. Si enim stipes in pauperes erogata, prodest hisce Spiritibus, quando pro ipsorum incolumitate, à viuentibus erogatur; quidni iisdem prodescent Cerei, ad Dei altissimi honorem atque cultum accensi?

Orationem primùm his defunctis Spiritibus prodesse, alias docuimus. At vel oratio quædam sunt à Christianis accensi in defunctorum gratiam Cerei; vel certè non sunt sine Oratione. Proderunt igitur ipsis.

Omnino, quemadmodum Ieiunium, quod ad carnis afflictionem facit *per se*, non defunctis, sed viuis prodest: prodest autem defunctis; si viui hoc ipsis prodesse per modum *Suffragij* velint: ita quæ à viuis accenduntur *Lamina & Cerei*, quàmuis non *per se*: pro viuorum tamen voluntate atque intentione, in defunctorum utilitatem atque emolumentum cedere possunt.

Bonum à Christianis nullum suscipi potest, quod non, si velint, & peccatum nullum obstat, in proximorum & defunctorum possint conferre emolumentum. At Bonum quoddam est, ad Dei gloriam, diuinique nominis cultum Cereos accendere. Possunt igitur id, & non frustra ad defunctorum conferre subsidium atque solatium.


Ex dictis colligitur *duobus modis* purgandos Spiritus, ex *Luminibus & Cereis* accensis, fructum capere. Primo; si ad hunc finem ipsi, dum in viuis adhuc agerent, sumptus faciant, *Oleumq; Ceram atq; Lumina*

procurent: Deinde, si *hac* ipsorum iam defunctorum nomine præstent alij.

14. In hoc posteriori necesse est, vt qui defunctorum causa hæc faciunt, in gratia sint, nulliusq; mortalis criminis sibi conscij, si quidem Spiritibus ipsa velint proficere. In priori hoc necessarium non est. Eadem huius, quæ eleemosynarum, quæ à diuersis conferri possunt, ratio. De quo Capite 77.

C A P. LXXXII.

In Missæ Sacrificio, præreliquis, plurimum præsidij ad iuuandos piè defunctorum Spiritus posuisse Maiores.

1.  Odos, quibus purgandi Spiritus à pœnis; & viuentes ab ipsorum molestia liberantur, explicauimus. Vnum dictis adijciendum. Ostendendum, scilicet, *præreliquis principem locum obtinere Sacrificium Missæ*, quàmuis enim hoc Catholici facillè intelligant; quia tamen quidam, tantùm abest, vt credant, vt potiùs plurimum putent obesse; vel vt his os obstruamus; pro Missa, pauca adijcienda sunt.
2. Vno verò, vno, quod à *Maiorum exemplo* sumitur, contenti erimus argumento. *Hi plurimis modis Missæ præstantiam atque dignitatem, præreliquis*, quibus piè defuncti iuantur præsidij, declarant.
3. Principio hoc demonstrant, quòd *ipsa Apostolorum ætate Sacrificium Altaris, pro defunctis, obtulerint. Oblationem pro defunctis annuâ die facimus*, inquit Tertullianus, Scriptor antiquissimus, de Corona Militis. Similia habet lib. de Monogamia, & in Exhortatione Castitatis; & in 2. lib. ad Vxorem. Sed clariùs hoc probant Liturgiæ Iacobi Apostoli, atque Marci Euangelistæ; quæ & *viuorum, & mortuorum* necessitates Deo commendant.
4. Secundo, quod *Sacrificium etiam pro defunctis docuerint offerendum*. Licet hoc quidem ex recepta à Maioribus consuetudine colligere; sed tamen disertâ est hic etiam S. Clementis oratio, libro. 6. Constitutionum Apostolicarum, cap. 19. *Pro fratribus*, inquit ille, *qui in Domino mortui sunt, offerte in Ecclesiis vestris*. Accedit his Sanctus Ambrosius; qui lib. 2. Epistol. 8. ad Faustinum, de obitu Sororis,

ris, docet ipsam non tam deplorandam, quàm prosequendam orationibus: nec mœstificandam Faustini lachrymis, sed oblationibus animam eius Domino commendandam. Accedit Ioannes Eleemosynarius, qui Synaxes iubebat pro ijs celebrari, qui in Domino piè obdormiissent; afferens defunctis plurimum prodesse; quæ pro ipsis fierent commemorationes, atque Sancta Ministeria; quemadmodum de ipso scribit Leontius, Neapoleos Episcopus, in Vita Ioannis.

Tertiò, quòd crediderint & docuerint, Hoc ex Apostolica Traditione profectum esse. Sufficerent hic Liturgiæ Iacobi, atque Marci: sed placet ascribere, quod habet Dionysius, ca. 7. Eccles. Hierarch. De prece, inquit, pro defunctis faciendâ, ex diuinis Ducibus, id est Apostolis, Traditio peruenit ad nos, Chrysostomus in eandem sententiam loquitur. Non frustra, inquit, ab Apostolis (Hom. 3. ad Philip. sancitum est; ut in celebratione venerandorum Mysteriorum, memoria fiat eorum, qui hinc decesserunt. Hæc totidem verbis, Hom. 96. ad Populum Antiochenum. Cum Chrysostomo B. Augustinus consentire videtur. Sic enim habet, de Verbis Apostoli, 32. Ser. Hoc à Patribus traditum vniuersa obseruat Ecclesia, ut pro ijs, qui corporis & sanguinis Christi communionem defuncti sunt, cum ad ipsum Sacrificium suo loco commemorantur, oretur: ac pro illis quoque id offerri commemoretur.

Quartò, quòd hoc beneficium nullo modo putarint differendum; sed mox pro salute defunctorum peragendum. Etenim Missæ Sacrificium fiebat etiam pro defunctis, antequam ipsorum corpora tumulo mandarentur, præsentibus corporibus: & orantes, ad intentius orandum impellentibus. Docet hoc Dionysius Areopagita, quemadmodum testatur, l. 1. cap. 23. Durantus, de Ritibus Ecclesiæ. Sic Constantinum cum Liturgia sepultum esse attestatur Eusebius, lib. 4. de Vita Constantini, cap. 71. D. Bernardus de Malachia, nondum sepulto, (ca. 18. Vitæ eius) Interim, inquit, parantur exequiæ, offertur pro eo Sacrificium, consummantur ex more omnia, cum summa deuotione.

Quintò, quòd Omnibus Temporibus, Omnibusq; Locis, constanter ab ipsis celebratum sit. Pro hoc clarissimum est testimonium Damasceni. Eius hæc oratio est (Oratione, quod qui in fide hinc migrarunt &c.) Diui autem Apostoli, inquit, discipuli Saluatoris, qui totum mundi circulum vnum, capere prædicandi verbo, quod suis oculis viderant in tremendis, impollutis, vitalibusq; Sacramentis memoriam eorum, qui fideliter obdormiuerunt, habendam edixerunt: quod adhuc firmiter, atque adeò sine contradictione obseruat Apostolica Ecclesia & Dei, à finibus vsque ad fines terræ; ab eoque tempore vsque in præsens, & in finem mundi vsque.

Ex eodem capite ostendit consuetudinem Sacrificandi pro defunctis esse Apostolicam Traditionem, Isidorus his verbis (libro. 1. de Ecclesiast. Officijs c. 18. *Sacrificium pro fidelium defunctorum requie offerre, vel pro ijs orare; quia per totum Orbem custoditur; credimus quod ab ipsis Apostolis traditum sit.*

Sed & hic seruiunt nobis Concilia, quæ in omnibus propemodum Christiani Orbis Prouincijs celebrata sunt, & Sacrificij, pro defunctis, tanquam receptissimi & vsitatissimi præclaram faciunt mentionem. Pro Africa est Concilium III. Carthagenense, ca. 29. & IV. c. 79. Pro Hispania Bracarense I. c. 34. & 39. Pro Gallia Cabilonense, vt habet Canon: Visum est, de Consecrat. dist. 1. Pro Germania, V Vormatiense ca. 10. Pro Italia Concilium VI. sub Symmacho. Pro Græcia, ca. 69. Capitulorum ex Græcis Synodis, collectorum à Martino Bracarenfi Episcopo.

8. Sextò, quòd singulis annis ipso dormitionis anniuersario, Missa Sacrificium pro defunctis repetiuerint. Meminit huius consuetudinis Tertullianus, de corona Militis: Damascenus Sermone de fidelibus defunctis. De eodem sic Gregorius Nazianzenus, Oratione 10. in laudem Cæsarij. Atque alia quidem persoluimus, inquit, alia verò dabimus, Anniuersarios honores & commemorationes offerentes.

9. Septimò, quòd non annuis solum dormitionis diebus; sed & tertio, & nono, & quadragesimo, hanc hostiam obtulerint: quemadmodum iam citatus testatur Damascenus. Præterea Trigesimo die, pro se, Sacrificium hoc offerri petijt Ephrem, in suo testamento. Pro quadragesimo sic loquitur B. Ambrosius, de Obitu Theodosij: Eius ergo Principis & proximè conclauiimus obitum, & nunc Quadragesimum celebramus, assistente sacris altaribus, Honorio Principe: qui sicut Ioseph patri suo Iacob, quadragesima diebus, humationis officia detulit, ita & hic Theodosia patri iussu persoluit. B. Remigius testamento suo, quod varijs libris exaratum legimus (inquit Durandus lib. 2. de Ritibus Ecclesiæ Catholicæ cap. 43.) nepoti Agarimero vineam, & quædam alia legauit; vt à Patribus suis omnibus diebus Festis, & Dominicis, pro commemoratione sua, sacris altaribus offeratur Oblatio.

10. Octauò, quòd non faciliè hoc beneficium putauerint defunctis esse negandum. Nam poenitentibus, etsi quædam alia negarentur, Sacrificium tamen Missa, defunctis, non negabatur. De his ita habet Concilium Arelatense II. Can. 12. Qui in poenitentia positi vitam excesserunt, placuit nullum communionem vacuum debere dimitti, sed pro eo, quod honorauit poenitentiam, Oblatio illius (id est pro illo) recipiatur. Concilium Carthagenense IV. cap. 79. sic statuit: Pœnitentes, si casu in itinere, vel

vel mari, mortui fuerint; memoria eorum orationibus & oblationibus commendetur. Idem constitutum in Concilio Vascensi I. cap. 2. & Vascensi II. cap. 4.

Nonò, quòd, si quando graui in aliquos pœna voluerunt animaduersum, huius sacrificij beneficio defunctum priuarint. Hoc B. Cyprianus l. 1. Epist. 9. his verbis docet, Episcopi, inquit, antecessores nostri salubriter censuerunt, ne quis frater excedens, ad tutelam, vel curam, clericum nominaret. Et si quis hoc fecisset; non offerretur pro ipso, nec pro dormitione eius Sacrificium celebraretur. Neque enim adiungit, ad altare Dei meretur nominari, in Sacerdotum prece, qui ab altari Sacerdotes, & ministros suos Leuitas auocare voluit. Sic Concilium Bracarense, Can. 35. vetuit fieri Sacrificium pro iis, qui sibi crudeles manus intulissent; aut Catechumeni ex hac vita discessissent.

II.

Decimò, quòd hoc singulariter, defunctis prodesse testati sint, B. Chrysostomus, Homilia 21. in Acta Apolt. Non frustra, inquit, ab Apostolis sanctum; ut & in celebratione venerandorum Mysteriorum, memoria fiat eorum, qui hinc decesserunt. Nouerunt illis multum hinc emolumenti fieri, Multum vtilitatis. Eadem habet totidem verbis Hom. 69. ad Populum Antiochenum. In eandem sententiam loquitur B. Augustinus, in Enchiridio, cap. 110. Neque, inquit, negandum est defunctorum animas pietate suorum viuientium iuuari, cum pro illis Sacrificium Mediatoris offertur. In eandem Theophylactus, in cap. 12. Lucæ: Oblationes, inquit, & distributiones, quæ fiunt pro defunctis, Non parum conducunt etiam iis, qui in grauib; delictis mortui sunt. In eandem B. Gregor. lib. 4. Dialog. cap. 55. Multum, inquit, solet animas, etiam post mortem sacra Oblatio hostia salutaris adiuuare; ita ut hanc nonnunquam ipsa defunctorum anima expetere videantur. In eandem Cyrillus Hieros. Catechesi. Mystag. 5. Maximum credimus animarum iuuamen pro quibus offertur obsecratio sancta illius, & tremendi, quod in altari positum est Sacrificij. In eandem Ioannes Eleemosynarius, Thesi 4. huius capituli.

12.

Vndecimò, quòd hoc singulariter pro sibi charissimis vel obtulerint vel offerri desiderauerint. B. Ambrosius Oratione de morte Satyri fratris. Tibi nunc, ait, omnipotens Deus, innoxiam commendo animam: Tibi hostiam offero. Cape propitijs & serenjs fraternum munus, Sacrificium sacerdotis. Idem Ambrosius in Orationibus de obitu Theodosij & Valentiniani, se pro ipsorum animabus sacrificaturum pollicetur. S. Augustinus, lib. 9. Confess. de matre Monica agens. Quotquot hac, inquit, legerint, meminerint, ad altare tuum, Monica famula tua; cum Patritio quondam eius coniungi. Seruiunt hic exempla, quæ Thesi 4. Capituli 76. allata sunt.

13.

14. Duodecimò, quòd hoc beneficium Sacrificij sibi defunctis petinerint impendi. De matre sua eadem idem scribit Augustinus, li. 9. Confess. Non ista mandauit nobis, ait, sed tantummodo memoriam sui, ad altare tuum fieri desiderauit; cui nullius diei pratermissione seruierat. Idem Sacrificium pro se fieri petijt Ephrem Syrus: Idem Venerabilis Beda: idem Regina Scotiæ Margareta, quemadmodum demonstratum est, Thefi 4. Cap. 76.

15. Decimo Tertiò, quòd dum Suffragiorum, quibus defuncti iuuantur, mentionem faciunt, hoc reliquis praponant & praeferant, quemadmodum Chrysostomus atq; Augustinus faciunt: Ille Hom. 3. in Epist. ad Philipp. hic Ca. 110. Enchiridij. Vtrumque sequitur Concilium Florentinum, in Vnione Arm. vt ob id Cyrillus Hierosolymitanus, Catech. 5. Mystagogica, maximum iuuamen animarum dixerit esse, obsecrationem sancti illius, & tremendi, quod in altari positum est, Sacrificij.

SE QVVTVR MODI, QVIBVS AGENDUM est contra molestias Spirituum hominum damnatorum.

Absolutis & examinatis modis duplicibus, quibus partim contra Daemoniorum Spiritus pugnatur: partim liberamur à molestijs, quas afferunt purgandi Spiritus: reliquum est, vt discutiamus. Quomodo infestantibus Spiritibus hominum damnatorum sit occurrendum. Hoc sequentibus aliquot Capitibus examinamus. Primum verò hic, in ordine totius Disputationis est.

C A P. LXXXIII.

Non deesse rationem viuentibus, qua se liberent à molestia, quam afferunt damnatorum hominum Spiritus.

1. **S**Vnt, qui vel nullam, vel certè mortalibus ignotam existimant escerationem, qua viuentes se à Spirituum damnatorum hominum molestia liberare valeant. Et forsitan non temerè. Neque enim apud
hos

hos illi modi videntur seruire ; quibus Dæmonum profligantur Spiritus: neque alij, quibus purgandorum animæ iuuantur : propterea, quod vt ab illis, ita ab his Spiritibus damnatorum hominum Spectra plurimum differant.

Nec videntur hic superesse rationes *alia*. Quæ enim illæ sunt? Illæné, quarum initio mentionem fecimus? Imprecationes? verbera? districti gladij? ignes? &c. Verum cum hæ in nullos Spiritus vires habeant ; apud damnatorum hominum Spiritus quid promouebunt?

Veruntamen ex *tribus*, ni fallimur, colligitur *non deesse etiam viuentibus, sua arma, quibus se ab horum Spirituum molestia tueantur, atq; defendant*. Principio quidem, ex horum cum aliorum Spirituum collatione. Tum deinde, ex conditione societatis, quæ est inter Christianos. Tertiò denique ex ijs, qui ad molestias, quas damnatorum Spiritus afferunt, concurrere, & quouis modo operam suam conferre videntur.

Medium inter purgandos hominum, & damnatos Dæmonum Spiritus, in hac molestandi ratione obtinent illi, de quibus nostra iam Disputatio est, Spiritus. Cum igitur ab illorum molestia, nos charitatis, quæ pro illis fiunt, officijs; ab horum Christianæ religionis præstantissimis præfidijs liberemus; *horum molestias* excutere non valebimus?

Sit licet studium molestandi horum multò maius, quàm purgandorum Spirituum : non tamen maius Dæmonum. Et quàmuis magnæ ipsorum vires : multò tamen inferiores sunt viribus Dæmonum. Quod igitur erga hos valemus, illud erga illos non poterimus?

Societatis Christianorum illa est conditio; vt Rempub. quandam constituat. Hoc cum alia multa, tum in Sacris literis sæpissimè *Regni cælorum* compellatio, qua illam Dominus notat, indicat, quòd igitur vnaquæque Respub. habet, vt se aduersus hostes tueatur, atque defendat; hoc, optimè à Christo Domino constitutæ Reipublicæ, erit negatum? sola hæc aduersus suos hostes setueri, ab ipsorum molestia se liberare non poterit? An fortè hi Spiritus hostes non sunt? Cur igitur molesti sunt? cur pacem inuident? terriculamentis cruciant?

Non sunt subiecti viuentibus hi spiritus, dicet aliquis: extra Christi sunt Ecclesiam. Ita est. Et ob eam causam, cum ipsis non tanquam nobis subiectis agimus; sed tanquam cum hostibus: qui

quàmuis

2.

3.

4.

5.

6.

7.

quàmuis inre subiecti non sint; nobis tamen se subijciunt, hoc ipso; quòd nobis molesti sunt: faciuntque, vt naturæ iure liceat propulsare à ceruicibus nostris molestias; quas præter ius nobis afferunt.

8. Tres omninò esse videntur, *qui ad molestias has concurrunt*. Ipsæ defunctorum animæ; quæ excitatis tumultibus, & terribilamentis nos fatigant: Dæmones, quorum opera, corpora, quæ Spiritibus seruiunt, componuntur & formantur: & Deus; quo vel permittente, vel præcipiente hic omnia fiunt. Cuius verò ratione fieri negabimus, vt à molestia hac nos vindicemus?
9. Demonstratum est, iam nec tantas esse vires horum Spirituum; nec tantam malitiam, quanta ipsorum est Dæmonum. Omnino igitur, si à Dæmonum molestia possumus, vt possumus; ab horum infestatione atque insultibus expedire nos poterimus.
10. An fortè, contra Dæmones vires nobis defunt? At à Dæmonum creaturarumque omnium Domino, sufficientissimæ in Dæmones sunt collatæ. *Ecce, inquit Dominus, dedi vobis potestatem calcandi super Dæmones.*
11. Neque nobis hic Deus ipse est impedimento. Quàmuis enim ipso nunc permittente, nunc imperante tumultibus suis molesti sint, Spiritus: ita tamen molesti sunt; vt quemadmodum ab illius voluntate pendet, quòd fiant; sic quòd cessare debeant, & hoc quidem nostris precibus vrgentibus potest clementer concedere, quemadmodum illud sua iustitia postulante permittere. Sed ad modos. Et primo falsos, vt excludamus; tum veras vt probemus.

C A P. LXXXIV.

Non valere contra damnatos hominum Spiritus, eorumque molestias, quibus loca reddunt infesta, illas rationes quibus viuentes se expediunt à molestijs, quæ à purgandis Spiritibus afferantur.

21.



Offe tolli molestias, quæ à damnatorum Spiritibus, certis locis excitantur, demonstratum est. Sequitur, ostendamus, *quibusnam rationibus tollantur*: ijsnè, quibus contra infestantes Dæmones depugnamus: an quibus vtimur cōtra illas

tra illas purgandorum Spirituum; an alijs aliquibus. Rem duabus Assertionibus includimus. Prior hoc Capite explicanda est.

Hec est: *Rationibus, quibus contra molestias, quæ à purgandis Spiritibus afferuntur vimur; contra damnatorum hominum Spiritus nequaquam agendum est.* Causa Assertionis est, quia neque hoc nomine hi Spiritus molesti sunt, quo illi purgandi: neque si essent, hisce rationibus eos tentare, atque aggredi liceret.

Quo nomine damnatorum hominum Spiritus molesti sint, superius, Capite decimo tertio, demonstratum est. Quod verò, non idem ipsis atque purgandis propositum sit, dubitare nemo debet. Pur-di, ut viuentium operâ iuuentur, importuni sunt: hi spem salutis nullam habent. Qui verò, quod iuari possint, desperant, ut iuuentur, petere possunt?

Quod si à morte, vel non ad pœnas *mox* raperentur: vel si raperentur, Iudicis sententiam non perciperent ante hi Spiritus, quàm Vniuersale omnium mortalium futurum est iudicium: vel etiam, si post latam à morte sententiam, sperarent ipsam mutandam aliquando, aut saltem mitigandam: possent forsitan ad viuos redire, tumultuque suo atque molestiâ viuentium operam implorare, ut vel ad supplicia, quæ meruerunt, non damnarentur; vel ab ijs, quæ sustinent, subleuantur: At horum nullum apud infelices locum habet.

Mox post mortem ipsos merita sequuntur supplicia. Facile est coram Deo, dicitur Eccles. 11. *in die obitus retribuere unicuique secundum vias suas.* Ducunt in bonis dies suos, inquit Iob, cap. 21. & in puncto ad inferos descendunt. Diues Epulo, *mox*, ubi mortuus, in inferno est sepultus, Lucæ 16. & *mox* in tormentis hanc edidit vocem: *Crucior in hac flamma.* Si *mox* Beatus sua sequitur gloria; Impiorum in longum tempus differrentur supplicia? *Postquam diem tuum obieris,* inquit Chrysost. Hom. 37. in Matthæum, *iudicium & pœna consequetur:* Vide Franciscum Soarez, Tomo 2. in Tertiam partem Diui Thomæ, Disputat. 52.

Sic *mox*, post mortem, iudicis fertur sententia, & non ad communem usque carnis differtur Resurrectionem; quidquid dicat Lactantius, libro 7. Diuinarum Inst. ca. 21. Pulchrè Apostolus Paulus, ad Hebræos 9. c. *Statutum est,* inquit, *omnibus semel mori. post hoc autem iudicium.* Iam, inquit, B. Augustinus, libro 2. de Originæ animæ, cap. 4. *illud salubriter credit, & rectissime, iudicari animas cum de corporibus exierint; antequam veniant ad illud iudicium, quo eas oportet iam redditis corporibus iudicari.* A-iunt, inquit Damascenus Oratione de defunctis, *viri diuinitus illustrati,*

quod cum exhalamus spiritum; quasi in libra, humana opera probantur. Et si ipsa mox mortem sequuntur supplicia; differri potest sententia, quæ supplicia præcedit?

7. Nec spes miseris esse potest, quod vel tormentorum aliquando futurus sit finis; quia æternus est ignis, qui cruciat: Vel pœnarum acerbitas possit mitigari: quia ut irreuocabilis sententia; ita constans atq; perpetuum, supplicium. Alicuius mitigari eam, cui traditus est, pœnam; vel quibusdam interuallis habere aliquam pausam, quis audacter dixerit? B. Augustinus, in Psal. 105. quandoquidem vnā stillam diues ille non meruit?

8. Fortè de Iudicis voluntate dubitare possunt miseri. Possent, si per Angelos, siue bonos, siue malos, hæc ipsis innotesceret; ipsique Iudices essent. At Angeli Iudices non sunt. Sententia per Angelos non fertur, fertur per ipsum, de cuius voluntate non debent ambigere, Iudicem, aut Angelos, Iudicis personam sustinentes. Scriptum est, (2. Corinthiorum 5.) Omnes nos manifestari oportet, ante tribunal Christi, ut referat vnusquisque propria corporis, prout gessit, siue bonum, siue malum, Et rursus (Rom. 14.) Omnes stabimus ante tribunal Christi. Et vnusquisq; nostrum pro se rationem reddet Deo.

9. Quæ cum ita sint, credi non debet auxiliij consequendi gratiā ad viuos redire damnatorum hominum Spiritus, aut hanc ob causam esse molestos, ut viuientium operā iuuentur. Sed faciamus ita esse: hoc sine esse molestos: ignorare etiam, quæ statūs ipsorum sit conditio. Nobis tamen ijs rationibus, quibus purgandis Spiritibus succurrimus, his subuenire nequaquam licitum est: propterea, quod citra salutis dispendium, hos damnatorum hominum Spiritus nostris suffragijs iuari posse, nequaquam credere possimus, tantum abest, quod iquare debeamus.

10. Ea est damnatorum conditio, ut neque à pœnis quibus adiudicati sunt, possint liberari vnquam; neque in iisdem leuamen vnquam expectare. Hoc quàm sit certum, atque iudubitatum; quàm firmā constantique fide tenendum atq; defendendum, postquam probatum erit, finem Capiti imponeremus.

11. Ecclesiastæ hinc primū sententia est, cap. 11. Si ceciderit, inquit, ille, lignum ad Austrum, aut ad Aquilonem; in quocunque loco ceciderit, ibi erit. Ad Austrum cadunt saluandi; ad Aquilonem damnandi. Manent singuli suis locis. illi in æternum felices: hi in æternum miseri. Ibi vnumquemque, inquit D. Bernardus (Sermone 59. ex Paruis) iudicabit Deus, ubi inuenerit. ibi, inquam, erit immutabiliter & irretractabiliter.

Secun-

Secundò hie seruit Regius Propheta, Psal. 6. *Conuertere, inquit, Domine, & eripe animam meam; saluum me fac propter misericordiam tuam, quoniam non est in morte, qui memor sit tui: in inferno autem quis confitebitur tibi? quasi dicat, Nullus sanè. Nullâ ratione fieri potest, vt quis tibi aliquando confiteatur, ad te conuertatur, poenas illius loci eua dat.*

Tertiò, dictis astipulatur Isaias Propheta, cap. ultimo. *Vermis, inquit, eorum (damnatorum) non moritur, & ignis eorum non exstinguitur. Si eorum est vermis; si eorum est ignis: ipse autem vermis non moritur, & ignis non exstinguitur: omninò necesse est & illos, quorum est vermis atque ignis, perpetuo in igne miserè viuere, & verme torqueri.*

Audiamus Dominum: *Bonum est tibi (inquit ille, Mar. 9. claudum introire in vitam aeternam; quam duos pedes habentem mitti in gehennam ignis inextinguibilis: ubi vermis eorum non moritur, & ignis non exstinguitur. Idem clariùs Matth. 25. Discedite à me maledicti, in ignem aeternum, qui paratus est Diabolo, & Angelis eius. Et ne quis crederet ignem aeternum, & non aeternum in igne cruciatum; subiungit. Et ibunt hi in Supplicium aeternum; iusti autem in vitam aeternam.*

Cum Domino consentit discipulus, Domino dilectus; in reuelatione sibi diuinitus facta edoctus, Apoc. 20. *Diabolus, inquit, qui seducebat eos, missus est in stagnum ignis, & sulphuris: ubi bestia & Pseudopropheta cruciantur die & nocte, in secula seculorum.*

Hinc communis illa Ecclesie vniuersalis, cum B. Athanasio, confessio. *Quicumq; vult saluus esse, ante omnia opus est, vt teneat Catholicam fidem. Quam illam? Qui bona egerunt, ibunt in vitam aeternam: qui verò mala, in ignem aeternum. Et pulchrè Innocentius III. li. de Contemptu mundi, ca. 10. Iustum est, inquit, vt quod impij in suo preuaricantur aeterno, Deus vlciscatur in suo aeterno.*

Atque hinc esse dicam, vt oratio, quæ pro damnatis instituitur, frustra dicatur suscipi. *Qui sine fide, inquit B. Augustinus, ex sententia Magistri, in 4. d. 45. per dilectionem operante discesserunt; frustra illis à suis pietatis officia impenduntur. Idem 24. Moral. habet B. Gregorius.*

Quid, quòd ipsa etiam prohibita sit? *est peccatum ad mortem, inquit, sanctissimus Theologus, Ioannes, 1. ca. 5. non pro illo dico, vt roget quis. Et B. Gregorius Bonifacio (habetur 13. quæst. 2. cap. Pro obeuntibus) non licet pro defunctis impijs, quàmuis Christiani fuerint, oblationes offerre. &c.*

Quocirca bene B. Augustinus, lib. 3. cap. 12. sic loquitur: *Noli dicere, noli credere Suffragia Christianorum pro ijs, qui non bap-*

utati de corpore exierunt, offerenda; si vis esse Christianus. Et ipse: Si scirem, inquit, matrem meam esse in inferno; non magis pro illa orarem, quam pro Diabolo. Ita Soto in 4. Sentent. d. 45. q. 2. art. 2. ex D. Augustino.

20. Iraque, ut cum B. Gregorio loquar (4. Dialog. cap. 44.) Non orant sancti homines pro hominibus infidelibus, impijsq; defunctis: quia pro ijs vtiq; quos aeterno deputatos supplicio iam noverunt; ante illum Iudicis iusti conspectum orationis suae meritum cassari refugiant. Ita Gregorius.

21. Ex dictis non solum hoc colligimus, Suffragijs nostris damnatorum Spiritus non iuvare; sed frustra quoque esse, atque cum animae nostrae detrimento his Spiritibus suffragari velle, atque suffragari.

22. Colligitur secundò, in gravi eos versari errore; qui damnatorum Spiritus aliquando ex supplicijs, quae gravissima perpetiuntur, putant eripiendos: quo nomine, cum quibusdam, non bene audit Origenes, qui, nescio quos, animarum itus & reditus, ut B. Augustinus loquitur, excogitavit. Huius erroris originem notant Epiphanius, Epist. ad Ioannem Hierosolymitanum, Hieronymus in Capite 3. Ionæ, Gregorius 9. Moralium capite 45. & 46. & libro 34. cap. 12. & 13.

23. Cum Origine coniunxero, quos idem B. Augustinus refutat, 21. de Civitate Dei, cap. 17. & sequentibus: qui in nonissimo iudicio propter intercessionem Sanctorum, neminem hominum putant esse damnandum: Eos quoque, qui impunitatem omnium peccatorum promittunt aliquando, etiam Hæreticis, propter participationem corporis Christi: Denique Illos, qui non omnibus, sed ijs tantum, qui apud Catholicos sunt regenerati, etiam si postea in multa crimina, erroresq; proruperint, indulgentiam pollicentur, &c. de quibus plura loco citato Beatus Augustinus. Nullis omnino damnatis spes salutis reliqua est.

24. Nec assertioni nostrae repugnat, quod Psalmo 76. dicitur: Nunquid obliuiscetur misereri Deus; aut continebit in ira sua misericordias suas? De vitijs enim est sermo Prophetæ, qui quamdiu spirant, sperare possunt; sibiq; Dei misericordiam promittere. Mortuorum longè alia est ratio: Misericordiâ illi prorsus indigni, qui misericordiæ tempus turpiter neglexerunt. Quamquam B. Augustinus lib. 21. de Civitate Dei, cap. 24. ad probos solum velit pertinere, quod à Prophetâ dicitur, Deum misericordias suas in sua ira non contenturum.

C A P. L X X V.

Iisdem rationibus proscribi Spiritus hominum damnatorum: eorumq; infestationes atque molestias tolli, quibus Spiritus Daemonum, ipsorumq; molestia proscribuntur & tolluntur.

Non prodesse damnatorum hominum Spiritibus Suffragia, quibus purgandæ animæ inuantur; ne hisce ab ipsorum molestiis, quas afferunt, viuentes liberari demonstratum est. An illis machinis oppugnandi sunt, quibus contra Dæmones depugnatur? Ita omnino censemus: licet vt assentiamur, hic, tam firmis argumentis, vt ibi, non inducamur. Atque hæc secunda nostra Assertio est; quam sequentibus, & explicamus & probamus.

Et principio, haud obscurum est, pro nobis tam firma præsidia hic, vt ibi, non esse. Ibi exemplorum abundabamus sylua, quibus probabamus & Reliquiarum, & Sanctæ Crucis, & Rerum consecratarum vsum Dæmones profligari. Ecclesia præterea nitebatur authoritate; quæ hoc ipso probat rerum harum alias contra Dæmonum valere insultus, quod hoc nomine consecrentur; consecratæ verò Christiano populo in hunc finem offerantur; alias Dæmonibus per se esse molestas. Hic utroque videmur destituti. Neque enim exempla obuia sunt. Orationes etiam atque Exorcismi, quibus contra Spirituum molestias Ecclesia vtitur, contra Dæmoniorum Spiritus tantum instituta videntur.

Nihilominus, etiam hi machinis, vel prorsus iisdem, vel parum immutatis, contra damnatorum hominum Spiritum feliciter nos pugnare posse credimus: credetq; nobiscum: qui quæ & machinarum illarum ratio, & quæ Spirituum horum conditio sit, diligenter secum expendere velit.

Incredibili, & Vatiniano odio, Deum Opt. Max. prosequuntur damnatorum hominum Animæ. Hæc ipsarum conditio. Machina nostra, quibus contra Dæmones pugnandum docuimus, Deo vehementer placent. Hæc ratio machinarum. Quid ex utroque? Damnatorum hominum Spiritus illas fugere atque detestari. Quomodo verò? Quia ita naturâ comparatum est, vt quorum odio flagramus, quosue detestamur; eorum non solum non præsentiam feramus;

mus; sed neque quidquam ipsorum, quæ ipsis vel chara, vel quomodo-
cunque coniuncta sint, sustineamus.

5. Quod inferimus rectè inferri quiu's facilè intelligit: At non ita
facilè, quod ponimus; Odio Vatiniano scilicet Deum prosequi dam-
natorum hominum Spiritus: *Machinas* item, quibus contra Dæmo-
nes pugnamus, Deo vehementer placere, & gratas esse: At non mi-
nus utrumque certum est.

6. Pro impiorum Spirituum, erga Deum odio grauissima est sacra-
rum Scripturarum autoritas, omnium Patrum calculo confirma-
ta. *Superbia* (dicitur Psal. 73.) *ecrum, qui te oderunt, ascendit semper.* Hæc
enim sententiam, quàmuis ad alios pertinere dubium non sit; in
damnatos tamen hominum Spiritus, atque item Angelicos, conue-
nire maximè, constans omnium sensus est & consensus.

7. Sed & si ad voces damnatorum attendamus, quod dicimus; facilè
probabitur. Plenè sunt damnatorum hominum voces blasphemiarum:
plenæ irarum: plenæ conuictorum. An blasphemiarum ab
amico animo in eum, in quem euomuntur & expectorantur, profi-
ciscuntur? Fortè in Deum blasphemii non sunt damnatorum homi-
num Spiritus? Sunt maximè. *Maledicent*, inquit Innocentius III. lib.
3. de Contemptu Mundi, c. 10. *altissimo, & blasphemabunt excelsum;*
conquerentes eum esse malignum, qui creauit eos in penam: & nunquam in-
clinatur ad veniam. Audi Ioannem in Apocalypsi Capite 16. dicentem: *Gran-*
do magna descendit de calo in homines, & blasphemauerunt homines Deum
propter plagam grandinis: quoniam magna facta est vehementer. Ita Inno-
centius.

8. Scrutemur odij causas. Multæ & magnæ in damnatis Spiritibus
inueniuntur. Odium, inquit Gregorius Nissenus 8. in Ecclesiast. *est*
auersio ab eo, quod molestiâ afficit. Quantâ vero molestiâ miseros dam-
natorum Spiritus afficit Deus? *Privat bonis: grauat malis.* Sed quan-
tis & quot?

9. *Omnibus donis*, quibus in hac vitâ frui potuerunt, privati sunt dam-
nati. Quod si quædam, quæ natura concessit, retinent; illa ipsa ma-
lorum & poenarum sunt feges & materia. Sed hoc maximum (*penam*
damni vocant Theologi) quod Dei Opt. Max. conspectu frui ipsis
negatum est. Quocirca sanctus Augustinus, postquam plura dam-
natorum damna recensuisset. *Absentia*, inquit, *presentia Christi, quoad*
visionem eius, sola, omnia prædicta mala superat; & omnibus poenis est intole-
bilior. Ita ille de Triplici habitaculo, cap. 2.

10. Sic torrente malorum omnium obruti sunt, quæ cùm sacræ literæ
satis explicare nequirent; quibus potuerunt, vel huius vitæ grani-
bus

bus poenis, vel quæ grauium poenarum essent indicia, adumbrârunt: vt sunt exteriores tenebrae, dentium stridor, fletus, gemitus & eiulatus, stagnum ardens igne & sulphure, frigora, niuis, nimius calor, desiderium mortis, tribulatio, qualis non fuit ab orbe condito, &c.

Easdem quodam modo adumbrat Cassianus, in Confess. Theologica, parte 3. Quis, inquit, dicere valeat, quæ impijs, & malè viuentibus tormenta sint præparata? In ipso enim continua mortis loco, qui Infernus appellatur; quid aliud nisi iugis flamma, perseverans tribulatio, & perpetua poena, atq; infinita totius mali calamitas esse potest? Igneus autem fluuius, & fœda palus complet omnia. Ibi sanè atroces Angeli commorantur, quorum brachia sunt, vt capita draconum; quorum oculi igneas ex se sagittas emittunt: quorum dentes, vt Elephantis, prominent; & stimulant ad tormentum, vt cauda scorpionum: quorum aspectus tremorem inducit & dolorem atque mortem. Atque vltimam mors possit in his subuenire angustijs. Sed quod est horribilius, ad hoc viuunt in tormentis positus, vt cruciatibus gubernetur; ad hoc redintegratur, vt rosus serpentibus, & iteratis subinde iterumq; repetitis morsibus attrahatur. Illic ululatus & planctus: gemitus & mugitus continuè sonant, simulq; clamor confusus vbique attollitur, quem dura tormentorum vis exagitat, & incendijs arsurus extorquet. Et quæ sequuntur.

11.

Sed duo sunt: quæ hanc poenam augent; acerbitas atque duratio. Intensissima est, quam miseri patiuntur. Nihil est chiragra in manibus; nihil cholica in ventre; nihil podagra in pedibus; nihil dolor dentium in ore; calculi in renibus; si cum poenis infernalibus, vel illorum malorum aliquod, vel omnia simul conferantur. Et his morbis vnum aliquod membrorum affligitur. Quid si omnes morbi iam dicti hominem crucient? quid si in omnibus membris crucient? nonne res propemodum intolerabilis. Rursus, cum hîc patiuntur non desunt colloquia amicorum, commoditas lecti, aliq; vitæ solatia. At ibi nulla pars, vel membrum, à tortura vacabit: nulla vnquam consolatio. Pro lecto candens stratum: pro refrigerante, aëre, ignis; pro suauis odore, foetor suffocans: pro amicorum solatio irrisiones, contumeliæ, maledicta Dæmonum.

12.

Augēt & miseriam, eius duratio. Perpetua miserorum est poena. Cremabit, inquit B. Cyprianus, lib. ad Demetrianam, addictos ardens semper gehenna, & viuacibus flammis vorax poena: nec erit unde tormenta vel requiem possint habere aliquando, vel finem. Seruabuntur cum corporibus suis anima, Infinitis cruciatibus ad dolorem.

13.

Et B.

Et B. Bernardus lib. Meditationum c. 3. *Procul, inquit, à beatapatria exulati, cruciabuntur in gehenna Perpetua. Nunquam lucem visuri, nunquam refrigerium adepturi: sed per millia millium annorum in inferno, cruciandi: nec inde vnquam liberandi; vbi nec qui torquet, aliquando fatigatur; nec qui torquetur, aliquando moritur. Sic enim ignis ille consumit, vt semper reſeruet: sic tormenta aguntur, vt semper renouentur.*

14. Quantum verò huius æternitatis cogitatio cruciat? In hac vita, quidquid diuturnum est, moleſtum est, & graue. Et si grata quies; tamen si sano duos annos in lecto molli continenter cubandum eſſet, non ferret diuturnæ quietis laborē. Quid si verò vnus anni graues calculi labores ferendi? quanta hæc miseria? At ad pœnas inferni nihil huius vite dolores: nihil feruens oleum: confractio ossium; scorpiones, & sexcenta grauissima mala. Quæ igitur miseria, in perpetuum, infernaliter tollerare supplicia? Nimum longum, quod æternum. Bona eſſet conditio miserorum; si tot millibus annorum infernales pœnæ eſſent ſuſtinendæ; quot vnquam fuerunt folia in arboribus; quot sunt arenæ in littore maris; quod guttæ in vaſſiſſimo mari. Sed in æternum pati, nullus annorum miriadibus absoluitur.

15. Neque ex his odium damnatorum Spirituum erga Creatorem suum, tantum crescit; verum etiam ex omnibus, quæ ipsis diuinitus collata sunt, beneficijs; qualiaecunque etiam illa sint, Præbent materiam maioris odij erga Deum *bona fortuna*, quibus dum corpora fouerent, abundarunt. quoniam hæc ad maiora ipsis ſeruiunt supplicia. Præbent *bona corporis, atq; animæ*; quæ dolent se à Deo, iam malè expensorum rationem exigente, accepisse. Præbent *beneficia omnia*, quæcunque in vniuersum hominum genus Filius Dei, triginta, & pluribus, quibus nobiscum annis versatus est, contulit, quoniam & hæc pœnarum argent acerbitatem.

16. Magnum igitur odium damnatorum hominum erga Deum. Et poterunt hi Deum æquo animo ferre? poterunt quicquam, quod Deo charum, gratumque sit, probare? poterit placere, quod ille probat?

17. Sed fortè (quod secundo loco inquirendum est) *arma* quibus contra Dæmones pugnatur, Deo grata non sunt. Fortè non placent. *Sunt gratissima*, placent vehemētissimè. Docemus de singulis: sed pro instituti ratione, breuissimè.

Pro Crucis signo sunt infinita, quæ per illud Deus Opt. Max. operari dignatus est, omnibus omnino temporibus: quæ quàm sint vera; quàm magna, docet de Dæmoniis Disputatio. Addo & hoc nomine

mine placere; quod memoriam refricet amarissimæ Filij eius passionis; quam cupit ille, apud nos iugem esse, atq; perpetuam; quod de diuinis rebus mentem admoneat, quæ non potest ipsi non placere, qui mortalium cogitationes cupit esse abstractissimas à rebus terrenis, & coniunctissimas diuinis. Quid, quod *Crux* Filij Dei triumphum, vel maximè sit exornatura? Quando enim *cum maiestate magna atq; potestate* venturus est, rationem cum mortalium genere vniuerso positurus. *Tunc*, inquit Dominus, *patebit signum Filij hominis in cælo.* Matth. 24.

Similia pro *Reliquijs* afferre possumus. Neque enim quemquam clam est, quàm sint omnem propemodum fidem humanam superantia quæ ad Sanctorum *Reliquias* Deus fieri voluerit. Docet & hæc, de Dæmoniacis Disputatio. Potestne Deus non eorum magni facere pignora; quos promisit se benedicturos? glorificaturos? omnibus malis erepturos? quibus virtutem miracula patrandi in hac vita contulit? & quidem tot, ac tanta: quanta Filius eius non patrauit? quos vniuersus mundus Iudices in extrema illa expectat die? quibus datum accumbere in Regno cælorum, vbi ministrum agit Filius Dei?

Placere Deo *Orationem* dubitat nemo. Ipse illam *consult*, ipse, *precipit*, ipse *modum orandi præscribit*. Sed & ad orandum *inuitat* studiosissimè. Quibus verò rationibus? *suo exemplo. maximâ promissione, rebus maximis oratione, vel confectis, vel impetratis.* vt interim pulcherrimarum virtutû cumulum omittam, quæ cum *oratione* coniunctæ sunt, & Deo plurimum placent.

Fortè dubium de *Rebus consecratis*, num Deo probentur. Et pro his, quemadmodum pro *Reliquijs* atque *Cruce*, sunt prodigia, & portenta, non nisi singulari Dei virtute atq; prouidentia, ad *harum rerum* vsum peracta. Accedit quod *hæ res* propriè *Dei* dici debeant; vt quæ à naturali suo vfu, per consecrationem quodam modo translatae sunt ad diuinum, & naturâ multò superiorem: & quibus tanquam diuinæ clementiæ quibusdam quasi instrumentis, Deus humanis necessitatibus subuenire decreuit.

Vnus restat *Exorcismus*. In hoc nihil esse, quod damnari meritò possit, alias demonstratum est? multa esse, quæ probentur, Deoq; grata sint, quæ iam diximus, confirmant omnia, vt quorum in *Exorcismo* vsus est præcipuus.

Sunt igitur res hæ *grata* Deo. Sunt igitur *ingratae*; & odio, damnatorum hominum Spiritibus, fugient igitur ipsas, detestabuntur, non ferent. Desinent ad harum præsentiam Mortalibus esse infesti, pacem relinquent.

Qq

Est

19.

20.

21.

22.

23.

24. Est & præter iam fusiùs explicatam rationem, alia, eni contra damnatorum hominum Spiritus plurimum valere credi debeat machinas, quibus Dæmones expugnantur: illa videlicet, quod verisimile sit *namquam* damnatorum hominum Spiritus nobis molestos esse, nisi Dæmonibus egregiè adlaborantibus; si non omnia peragentibus: vt ob id credi debeat hos Spiritus ab infestando desistere, si locis, vbi infestant, ipsi Dæmones proscribantur & profligantur.

25. Nam primum credi potest, damnatorum hominum Animas, si quando rebus viuientium *autoprofopos, personaliter*, interfunt, Dæmonum operâ ad nos delatas esse, aut etiam compulsas: atque ita ipsis semper assistere; vt ne latam quidem vnguem, ab iisdem discedant, An deserere possunt iam in suam potestatem traditas? illi præsertim Spiritus, quibus studium fuit continuum, vt quantum Angelus cuiusque Tutelaris pro viuientium bono fuit sollicitus, tantum ipsi incommodarent? ad vitiorum latas vias pertraherent?

29. Corpora verò quorum hîc vsus est, omnino opera quædam sunt Dæmonum: & à Dæmonibus, non tantùm formantur; verùm etiam, ne dissoluantur, sustentantur. Non credibile est illas damnatorum Spirituum esse vires, & ex aëre corpora sibi aptare valeant, atque sustentare. Maioribus hic opus est, Angelorum scilicet, non quidem bonorum, quorum obsequijs damnati indigni, sed malorum, in quorum infelicem societatem miseri ascripti. Hæc superiùs demonstrata sunt, Capite 19. 24. 25.

27. Quæ cum ita sint, notias hîc rationes, quibus ab humanorum Spirituum molestijs liberemur, querere necesse non est. Illæ ipsæ, quibus contra Dæmones conflagimus, seruire possunt. Quo modo porrò contra hos Spiritus valere dici debeant: & Vtrum æquales omnium sint vires; an vna alterâ præstantior, explicandum esset, nisi, quæ superiùs dicta sunt, hîc seruire crederimus, & breuitati studeremus.

NOTATIO.

Discussimus Modos, quibus partim contra damnatorum hominum Spiritus, partim contra purgandorum pugnatur: duo alij quidam esse videntur, qui tam purgandis, quàm damnatis possunt esse communes. Horum altero Spirituali defunctorum necessitati

sitati subuenitur: altero temporali. In illo impenditur beneficium absolutionis ab Excommunicatione contracta à uiuentibus, in hoc exhibetur sepultura, quæ defunctorum corpora carent. Vtrumque antequam ulterius progrediamur, examinare operæpretium est.

C A P. LXXXVI.

An sepultura defunctis exhibita, ipsorum Spiritus prohibeat ad uiuentes redire, ijsq; molestos esse.

QUorundam illa sententia est, ut insepultorum Spiritus tam diu existiment quiete suâ atque proprijs sedibus carere, & inter uiuentes errare; excitatisq; tumultibus molestos esse; quamdiu corporibus sua *Sepultura* impensa non est: eâ verò impensâ, molestias omnibus desinere. Hinc Poëta, *Aeneidos* 6.

Non ripas datur horrendas, nec rauca fluentia

Transportare prius, quàm sedibus ossa quierint. Et Porphyrius, teste Benedicto Perierio cap. 9. de *Magia*, *Anima*, inquit, *carentium sepulturâ circa corpora morantur.* Quocirca, addit, qui vaticinantium animalium insinuari sibi animas optant, præcipua illorum membra deglutientes, præsentibus sibi faciunt animam, Dei ritu vaticinantem. Talis enim anima, vnâ cum sui corporis integra sumptione in corpus humanum se penitus ingerit. Hæc Porphyrius.

Sententia hæc, quàmuis perniciosos errores quosdam contineat; non tamen, *per omnia*, falsa est; nec damnari à Christiano homine potest. Nos, postquam vera à falsis distinxerimus, ad præcipuum, quod hic propositum est, Caput respondebimus.

Verum est defunctorum Spiritus (Christianorum imprimis) desiderare, aut certè probare, ut quæ dum vixerunt, fouerunt corpora, suam habent *Sepulturam*. Bonum hoc aliquod ipsorum est: & bonum est, Philosopho teste, quod omnia appetunt. Antiqui illi iusti, inquit B. August. li. de cura pro mortuis agenda, ca. 13. dum viuerent de sepeliendû, aut transferendû corporibus, suis filijs mandârunt: & mortui, utrum sepulta sint vel insepulta non curabunt?

4. Ad iniuriam & contumeliam defunctorum omnes pertinere existimant, si *Sepultura* corporibus negata esset. In Veteri lege, quando in aliquos Deus grauius voluit animaduertere, ad alias poenas etiam hanc adiecit, vt *sepultura* infelices carerent, & corpora cederent in escam aut cæli volucris, aut feris canibus. Apud Græcos, teste Alexandro ab Alexandro (lib. 6. genialium dierum, cap. 19.) tanta cura *Sepultura* fuit, vt decem Prætores, quod bello nauali apud Arginusas, vi tempestatis acti, defunctos in acie non sepelissent, ab Atheniensibus capitis accersiti, & ultimo supplicio affecti fuerunt. Lacedæmonij, dum contra Messenios ducunt, ne milites, qui bello ceciderant, *insepulti* manerent, tesseras in brachijs insculptis nominibus habuere. Inoleuit mos Athenis, vt singulæ tribus singulas arcas, in quibus cadavera, & dispersas reliquias illorum, qui bello ceciderant, suæ cuiusque tribus, inquisita colligerent, in expeditione vehiculis vexerint.
5. Hinc non quibusuis; sed sceleratis, & ob insignia crimina notis beneficium *Sepultura* non impendebatur. Tyranni, inquit quidem Alexander, ibidem, *qui malè de Repub. meriti supplicio essent affecti: aut qui laqueo, aut morte inhonestæ, aut malo letho occubuissent, insepulti abijciebantur.* Et apud Aegyptios, si quem prauis moribus vixisse contigisset, eiectum cadaver in vastis solitudinibus exponunt. Et Persæ damnatorum corpora feris & canibus obijciebant.
6. Eandem ob causam criminis loco habebatur olim *defunctorum Sepulchra violare*: quod *Sepulchris* illata vis, sepultis illata censeretur. *Qui sepulchra violant, domos defunctorum:* (inquit Constantinus L. 1. C. de violat. sepulch. *geminum videntur facinus perpetrare. Nam & sepultos spoliant destruendo, & viuos polluunt fabricando: vnde & læsa Maiestatis crimen committunt.*
7. Sed & graves in Sepulchrorum violatores statuta poenæ. Rei Sepulchrorum violatorum, si corpora extraxissent, vel ossa eruisissent, humilioris quidam fortunæ, summo supplicio afficiebantur; honestiores in insulam deportabantur; aliàs autem relegabantur, aut ad metalla damnabantur. Si autem cadauera spoliaissent: Si quidem armati id egissent, capite plectabantur: si sine armis, vsque ad poenam metalli procedebatur, L. Sepulch. ff. de Sepulch. violat. &c.
8. Quocirca inter Barbarorum ritus non immeritò illi habiti sunt, quorum Bruno, libro 4. de Ceremonijs meminit, qui defunctorum corpora vulturibus aut canibus dilanianda obiecerunt; aut in maria atque flumina, paludesque proiecerunt: Sed illorum maximè qui
senio

senio confectos primò impiè mactabant, deinde mactatos crudeliter deuorabant.

Porro quemadmodum hoc verum, ita falsum est, & à Catholica religione alienum, *defunctis ad sedes suas aditum non patere, nec requie frui; donec corpora sepultura demandata fuerint.* Quis, inquit Beatus Augustinus li. de Cura pro mortuis agenda, capite 6. *cor Christianum inclinet his poeticiis, fabulosisq; figmentis*, scilicet, quòd:

Nec ripas datur horrendas, nec rauca fluentes

Transportare prius, quàm sedibus ossa quierint?

Quis inquam cor Christianum his poeticiis fabulosisq; figmentis inclinet, cum Dominus horretur Christianos, ne timeant eos, qui occidunt corpus, & postea non habent amplius quid faciant?

Qui ex hac vita in Dei offensa excedunt, mox ad supplicij loca rapiuntur. Nec insepulta corpora aut prohibent, cur minus, vel ad supplicij loca rapiantur; vel supplicia in his locis, peccatis debita patiantur. Demonstratum est hoc, cap. 84.

Qui piè in Domino moriuntur, nec maculas vllas, quas eluere necesse est, habent, mox ad cælorum regna transuolant: tantumque abest, vt in sepultura corpora felicitatem suspendant; vt quandoque augeant. Et hoc aliàs demonstratum est.

Qui piè in Domino moriuntur: sed tamen perfectè purgati hinc nondum discedunt, à Cælorum quidem regno aliquantulum arcantur; veruntamen non ob negatam sepulturam: nec hanc inter mortales errando vrgent; sed peccatis debitas alicubi pœnas persolunt, vt tandem inueniantur expoliti lapides, apti cælestibus ædificijs.

Quàm esset misera conditio sanctissimorum hominum, si quamdiu corpora, carent suâ sepulturâ, Spiritus à diuino conspectu prohiberentur? & errare inter mortales oporteret? cum ipsorum plurimi canibus obiecti? quidam in altissima maria demersi? alij in rotas atque cruces acti, in escam cesserint feris terræ, atque volucribus cæli? quid quod quidam in cineres redacti, in ventos sint dispersi?

Sed & necesse esset maximam errantium spirituum esse multitudinem. Neque enim pauci, aut olim sunt reperti, aut nostris temporibus reperiuntur; quibus sepultura beneficium, vel suo, vel viuientium malo, aut iniquo casu negatum est. Si verò omnium horum spiritus inter viuentes oberrarent, iisdemque ob sepulturam, quâ carent, molesti essent, nōne perpetuum cum mortuis esset bellum?

15. Possent etiam summæ crudelitatis argui Magistratus Ciuiles atque Ecclesiastici: dum quosdam *Sepulturâ* volunt esse priuatos. An non summa inhumanitas, ne quid grauius dicatur, post alias viuentibus inflictas pœnas, ipsorum Spiritus cœlo proscribere? omni quiete priuare.
16. Et si nulla spes quietis est Spiritibus, quamdiu *insepulta* iacent corpora: nunquid semper miseri erunt erronei? Misericordia hæc quibusdam omnino erit subeunda, quia ea quorundam corporum est conditio, ut *Sepultura* ipsis nulla possit impendi, quàmuis essent, qui impendere vellent & possent.
17. Quocirca errant, qui si quando sibi defunctorum Spiritus molestos esse intelligunt, mox eorundem corpora *Sepulturâ* destituta existimant. Multi possunt esse molesti, qui & *Sepulturam* habent, & honestissimam habent. Erant, qui quorum cadauera nōrunt esse *insepulta*, horum Spiritus existimant inter viuentes oberrare. Multi *Sepulturâ* destituti sunt, & inter mortales conspiciuntur nunquam.
18. Ut igitur ad id, quod præcipuum hîc caput est, respondeamus, *credi non debet hanc esse compendiarîam rationem se expediendi ab omni Spirituum infestantium molestia: si beneficium Sepultura defunctorum corporibus impendatur.* Etiam quando constiterit *insepulta* esse corpora illorum qui molestias afferunt, à molestiis libertas non obtingit ipsis corporibus aut sepultis, aut honestissimâ sumptuosissimâque *Sepulturâ* donatis.
19. Molestantes Spiritus, de quibus nostra est Disputatio, quemadmodum Cap. 3. diximus, aut Dæmones sunt: hi *Sepulturam* pro se expetent? aut hominum damnatorum: hos ad viuos, ut *Sepulturam* petant, redire non permittit Deus, seuerus in ipsos animaduersor: aut purgandorum: his pro animabus, non corporibus cura est: nec redeunt, viuosque molestant, ut corporibus bene sit, sed ut à pœnis eripiantur animæ.
20. Negatum tamen *vniversim* non volumus, defunctorum Spiritus vel *Sepultura*, vel honestioris *Sepultura* nomine ad viuos redire quandoque. Sed proborum *plerumque*, & eorum; qui iam Deo fruantur, illi sunt Spiritus: quorum ut animabus summum iam bonum collatum est, ita corpora, ut honestiori loco habeantur, merentur. Exemplo hic sunt Micheas & Abacuc Prophetæ, qui Sebeus, Eleutheropoleos Episcopo, apparuerunt, & suis corporibus honestiorem *Sepulturam* petiuerunt. Gamaliel, qui idem pro se, atq; Protomartyre Stephano, & Nicodemo expetijt, à Luciano presbytero,

terc. Barnabas qui hoc nomine ter molestus fuit Anthemio, Salaminæ Episcopo. Zacharias Propheta, qui Calomerio: Thyrsus cum quadraginta Martyribus, qui Pulcheriæ Augustæ Theodosij Imperatoris sorori: atque alij; quorum mentionem facit Bozius li. 15. de Notis Ecclesiæ, ca. 6.

Sic nec *vniversim* negauerim eos aliquando, qui Purgatorio carcere detinentur: eos etiam, qui infernalibus cruciatibus sunt addicti, *Sepulturam* postulare. Quid impedit, cur minus *Sepulturam*, quàm res alias, cùm ad viuos redeunt, expetant? præsertim cùm vtri-que illam desiderare possint: atque alia etiam, propter quæ tamen ad viuos non redeunt, petant quandoque?

Veruntamen vt hoc nomine *omnes*, qui *Sepultura* carent, ad viuos redeant, haud est verisimile. multo minus, quòd vbi *Sepulturam* consecuti sunt, viuentes molestare desinant. Aliæ sunt causæ, quas propter viuentium rebus intersunt Spiritus: vt aliàs à nobis explicatum est. Itaque si *Sepulturam* expetunt; aliquid præter suum officium præstant.

Et *iustus* hanc petere possunt ij, qui purgantur adhuc, quàm qui damnati sunt. Neque enim conuenit, vt corporum horum melior sit conditio, quàm Spirituum. At illorum corpora idcirco honore afficienda sunt, quòd in ipsis digni poenitentiae fructus olim sint perfecti: quòd domicilia fuerint Spiritûs Sancti: aliquando etiam gloriâ atque splendore super solis claritatem sint decoranda.

Quandocunque verò petunt, officium misericordiæ præstant viuentes, dùm ipsis *Sepulture* beneficium impendunt, qualescunque etiam sint Spiritus, qui expetant: siue illa sint digni, siue indigni. Tum solùm prohibentur, quando eadem quidam, iustas ob causas, per Magistratum sunt priuati, vt sunt per Ecclesiasticam censuram excommunicati; & qui ob flagitia in escam cedunt volucribus cœli piscibus maris, aut feris animantibus terræ?

Ex his manifestum est, quid ad exemplum *Spectri*, quod post exhibitam honestiorem *Sepulturam*, Plinius docet non rediisse ad viuos, nec, vt solebat antea, molestiam eis attulisse, respondendum sit. Vel enim priuatum est, & singulare; quod non probet omnes, quibus *Sepultura* negata est, illam excitatis tumultibus, apud viuentes, urgere: vel, quod verisimilius est, non humanus fuit Spiritus, sed Diabolicus: qui quàmuis post *Sepulturam* honestiorem molestus esse desijt; non tamen *Sepultura* officium à viuentibus, sed aliud quippiam quæsiuisse credendus est. Sed exemplum

Plinij

21.

22.

23.

24.

25.

Plinij verbis hic libet ascribere. Erat, inquit, Athenis spatiosa & capax domus, sed infamia & pestilens. Per silentium noctis sonus ferri, & si attenderes acrius, strepitus vinculorum longius primò, deinde proximo reddebatur: mox apparebat Idolum, senex macie & squalore confectus, promissa barbâ, horrendus capillo, cruribus compedes, manibus catenas gerebat, quatiebatq̃. Inde inhabitantibus tristes diraq̃ noctes per metum vigilabuntur. Vigiliam morbus, & crescete formidine mors sequebatur. Nam interdiu quoque, quàmuis abscesserat Imago, memoria imaginis, oculis inerrabat: longiorisq̃ timoris causa timor erat. Desertâ inde & damnatâ solitudine domûs, totaq̃ illi Monstro relictâ; proscribatur tamen, seu quis emere, aut quis conducere, ignarus tanti mali, vellet. Venit Athenas Philosophus Athenodorus. legit titulum, auditq̃ pretio, quia suspecta vilitas; percunctatus, omnia docetur: ac nihil ominis, imò tantò magis conducit. Vbi cepit aduesperascere, iubet sterni sibi in prima parte domûs: Poscit pugilares stilum, lumen. Suos omnes in interiora dimittit, ipse ad scribendum animum, oculos, manum intendit, ne vacua mens audita simulacra, & inanes sibi metus fingeret. Initio, quale ubiq̃ silentium noctis, deinde concuti ferrum; vincula moueri. Ille non tollere oculos, non remittere stilum: sed obfirmare animum, auribusq̃ manum prætendere. Tum crebescere fragor, aduentare etiam, ac iam vt in limine, iam vt intra limen audiri. Respicit, videt agnoscitq̃ narratam sibi effigiem. Stabat; innuebatq̃ digito, similis vocanti: hic contra, vt paululum expectaret, manu significat, rursusq̃ ceris & stilo incumbit. Illa scribentis capiti catenis insonabat. respicit rursus idem quod prius innuentem; nec moratus tollit lumen, & sequitur. Ibat illa lento gradu, quasi grauis vinculis. Postquam deflexit in aream domûs, repente dilapsa deserit se mitem; desertus herbas & folia concerpta signum loco ponit. Posterâ die adit Magistratus; mouet in illum locum effodi, iubeant. Inueniuntur ossa inserta catenis & implicita; qua corpus suo terraq̃ putrefactum, nuda & exosa re linquerat vinculis, collecta publicè sepiuntur, domus postea ritè conditu manibus caruit.

Hæc Plinius libro. 7. Epistolarum,
Epistol. 27.

CAP.

C A P. LXXVII.

*An ob censuram Excommunicationis Ecclesiastica,
quidam Spiritus errent inter viuentes, ijsq; molesti
sint: & ab ipsorum molestia libertas non ante
speranda sit, quàm ipsi à Censura
fuerint absoluti.*

DE Vita & Miraculis S. Benedicti scribens B. Gregorius li. 1. Dialog. ca. 23. refert fuisse duas foeminas, genere nobiles, religionem professas; quibus ob in continentiore linguam Excommunicationem minatus sit vir Sanctus: cum verò ille à pristinis moribus non recederent; post breue tempus mortuas, atque in Ecclesia sepultas, diuina ultio sequuta est, quam his verbis refert Sanctus Gregorius. Cum in Ecclesia, inquit, Missarum sollemnia celebrarentur, atque ex more Diaconus clamaret: qui non communicat, det locum: Nutrix earum, quae pro ijs oblationem Domino offerre consueuerat, eas de Sepulchris suis progredi, & exire videbat. Quod dum sapius cerneret, ad memoriam reduxit, quae vir Dei illis adhuc viuentibus mandauit. Eas quippe communionem se priuare dixerat, nisi mores suos, & verba corrigerent. Tum seruo Dei (Benedicto) cum graui mœrore indicatum est, qui manu sua protinus oblationem dedit, dicens: Ite & hanc Oblationem pro ijs offerri Domino facite, & vltèrius Excommunicatae non erunt. Quae dum Oblatio pro ijs fuisset immolata, & à Diacono iuxta morem clamatum est, ut non communicantes ab Ecclesia exirent, illa exire ab Ecclesia vltèrius visa non sunt. Haëtenus Gregorius.

Simile quid apud Ioannem Petrum Maffeiū Bergomatem legitur. lib. 5. Historiarum Indicarum, quod ipsius verbis ascribimus. Per eosdem, inquit, dies, vel ex intemperie cœli, vel ex insalubriam ciborum succo atrox morbus naualem turbam inuasit. Vulgo inter lusum, atque quotidiana ministeria repente exspirabant. In ijs miles vnus in mare proiectus, ingentem terrorem omnibus attulit. Noctu quippe infra sentinam, pulsus frequentes exaudiri capti. Quem ad strepitum, cum arreptâ schaphâ vigiles descendissent, implexum carina sub ipso gubernaculo defuncti militis corpus offenderunt, scilicet pilus cunctis inhorruit. Vbi ex pauore collegere sese, res ad Nauarchum delata, Nec dubium fuit, quin cadauer transla-

rum in littus humo contegerent, quo facto, postridie super ipsum sepulchrum
rursus inhumatus apparuit. Eâ re attoniti cuncti, cum apud se causam exqui-
rerent, Franciscus denique, incertum ex qua familia, Monachus, qui con-
cionatoris munere fungebatur: sagaci coniectura sufficatus est, hominem a-
liquo Interdicti vel Anathematis vinculo constrictum è vita excessisse. Ita-
que in terram egressus, sanctissimi viri Benedicti Abbatis exemplo è Pontifi-
cia Formula conceptis verbis, animum demortui ritè expiauit, ei veniam
precatus est. Mirum dicti ab eo mysterio reddita mortuo pax, & vaga ossa
tandem in suo tumulo quieuerè. Hæc Maffei.

3. Addo aliud ex Glyca, part. 4. ubi sic habetur. In Historia Ecclesia-
stica Philonis historici reperitur, quodam persecutionum priscarum tempo-
re, seniori Ecclesiastico, ab Antistite, sacris interdictum fuisse. Cum autem
senior ille quandam ob causam necessariam alio profectus fuisset, accidit ut
ab Ethnicis comprehensus, testimonio suo veritatem obsignaret. Hinc templū
eo loco conditur, & renoualia peraguntur: cumq; Antistes hac verba pro-
nunciaret, PAX VNIVERSIS, sandapila templo excessit: idque non se-
mel, sed bis terue factum. Hinc per quietem Antistiti senior oblat: Abito,
inquit, & Episcopo meo sis author, ut huc veniat, meq; vinculis exsoluat.
Nam officio me sacro exclusi: ideoque sacris interesse vobiscum nequeo. Te-
stimoniū quidem coronam consecutus sum: sed Dei faciem nondum con-
spexi. Quod si me ipse profectus huc non exsoluerit, alius exsoluere nemo po-
terit. Cum igitur his obtemperatum esset, sandapila templo excedere desijt.
Ita Glycas.

4. Ex his similibusque exemplis quidam, ut videtur non sine ratio-
ne in illam suspicionem veniunt; ut credant eos, qui cum Excommu-
nicationis sententia, ex hac vita discedunt, quietem nullam habere; &
inter mortales versari; donec ab eadem, per legitimum Magistra-
tam, absoluantur. Quæ sententia quid probabilitatis habeat, ex qua-
tuor quæstionum resolutione clarum erit. Primâ quæritur, Vtrum
Excommunicationis censura in viuentes prolata, ijs obsit mortuis. Se-
cundâ, Vtrum ita obsit, ut errare ipsos inter mortales sit necesse, in
quos prolata est. Tertiâ, Vtrum beneficium absolutionis ipsis pos-
sit impendi. Quartâ, Vtrum quamdiu illud impensum non
fuerit, quiete optatâ frui nequeant. Singulas breuissimè expedi-
mus.

3. Initio verò id constitutum sit Censuram Excommunicationis pluri-
mum viuentibus obesse. Nihil sit, inquit B. Augustinus Tractatu 27. in S.
Ioannem, debet formidare Christianus, quam separari à corpore Christi.
Si enim separatur à corpore Christi, non est membrum eius. Si non est mem-
brum

brum eius, non regitur Spiritu eius. Quisquis autem, inquit Apostolus, Rom. 8. Spiritum Dei non habet, hic non est eius.

Sed obestne defunctis? Hoc primum eorum, quæ in quæstione propofita sunt. *Obest omnino*, & quidem in corpore, in honore, in anima. In corpore; quia honesta illud priuatur *Sepultura*. In honore; quia hic haud parum lædatur. In anima; qui viuorum ipsi subsidia atque suffragia, quorum non parua vires, subtrahuntur.

Vtrum quoque sic obest, vt defunctos inter viuentes errare sit necesse? Hoc secundo explicandum. Respondetur verò *hoc necesse non esse*. Possunt, qui hoc *Anathematis* vinculo constricti, ex hac vita discedunt, meritis suis ita exigentibus mox ad ciuium supernorum cõsortia admitti. Possunt infernalibus carceribus, aut purgatorijs locis concludi, & omnis ipsis ad viuos reditus prohiberi. Habeat magnas vires etiam in mortuos *Excommunicatio*; vt à proprijs, & quæ quis meretur, locis excludat, non habet.

Veruntamen negandum non est, quin iidem post fata quandoq; viuentibus appareant, molestiamque pariant. Persuadent hoc primum allata iam à nobis exempla. Deinde diuinæ prouidentia dispositio, quæ cum alijs rationibus, tum etiam his demonstrare potest, non contemnendam esse, quâ incontumaces atque rebelles Ecclesia vitur, *anathematis* sententiam.

Hinc iam ad tertiam quæstionem facilis responsio. *Posse*, scilicet, *ijis beneficium absolutionis impendi*. Vtroque enim Ecclesiasticæ censuræ potestas demonstratur: & hõc, quòd cum ea sepulti requie videantur carere: & illò, quod absoluti, requie optatâ perfruantur.

Interim tamen absolutionis beneficium *non hoc per se prestat defunctis, vt quiete fruantur, & errare desinant*, sed vt suffragijs viuorum iuuentur; & à pœnis citius eripiantur, quæ alioquin diuturniori tempore, persoluendæ essent.

Quod ad quartam quæstionem responsum volumus. Hæc breuiter omnia.

C A P. LXXXVIII.

Quanam ratio seruanda sit in locis, à Spirituum infestationibus vindicandis, quando, per quos Spiritus loca sint infesta, ignoratur.

1.

QUæ hæcenus Rationes, à Spirituum infestatione loca liberandi, assignatæ sunt, illæ tum locum habent, quando contra quos Spiritus pugna suscipienda est, non ignoratur. Quoniam verò haud rarò vsu venit, ut conditio molestantium Spirituum lateat, quomodo ab horum molestia se expedire viuentes possint, explicandum est.

2.

Sunt quæ prædictas Rationes etiam hæc valere volunt; propterea, quòd quicunque molesti sunt; illi vel Dæmonum sint Spiritus; vel hominum, partim damnatorum; partim purgandorum. Veruntamen non rectè hi sentire videntur. Quid enim, si ijs modis vtaris, quibus profligantur Dæmones; Spiritus verò, qui molesti sunt, sint hominum, qui purgatorijs ignibus expurgantur? Sic potest accidere, ut cum Rationibus velis vti, quibus iuuantur piæ defunctorum animæ; Dæmones sint, qui molestiarum sint authores; quos contra rationes illæ nihil possunt.

3.

Quocirca illorum sententiam non probarem; qui mox, vbi de locis infestis vindicandis consilium capitur, ad Exorcismos confugiant, atque ita locis Spiritus putant proscribendos, ut ipsis, præter Infernum, locum relinquunt nullum. Quàmvis enim hac ratione persèpe loca purgentur; suo tamē subsidio quidam Spiritus priuantur; quod cum viuentium magno emolumento, ipsis posset impendi, si alijs modis contra Spiritus ageretur.

4.

Placet magis illorum studium, qui suauioribus rationibus rem agrediuntur: ijs scilicet, quibus piæ defunctorum Spiritus iuuantur: Esto rationes hæ non omnibus Spiritibus prosint, possunt tamen quibusdam prodesse defunctis: viuos verò non minus, imò magis, quàm alia misericordiæ in proximos collata beneficia iuuant.

5.

Et viuis illa prodesse (etiam si ad defunctos nullum emolumentum perueniat) nemo potest dubitare. Nunquid non magna vis Eleemosynæ? nullo prauo fine, solum miseros iuuandi studio suscep-

suscepta? A quocunque illa suscipiatur, eandem habet: Deumque propitium & facilem reddit: suscepta verò ab ijs, qui Christi gratia sunt imbuti, maioribus arctioribusq; rationibus Deum hominibus denincit.

Sic *defunctis posse prodesse* clarum est. Quia potest eorum aliquis, qui purgatorijs pœnis expiatur, & ad cœlorum regnum aptatur, viuentibus molestus esse: qui vt spe obtinendi subsidij molestus est; ita non frustra, sed magno suo lucro molestus est, si viuentium subsidio aliquo iuuatur. 6.

Fortè crimen est, si pro damnatis Spiritibus, quales etiam hîc molesti esse possunt, hæc fiant & adhibeantur præsidia. Est crimen; si qui hæc subsidia Spiritibus impendunt, damnatorum credunt esse Spiritus, qui molestant, & pro quibus subsidia impendunt. At quamdiu hoc ignoratur; non crimen; sed officium charitatis est; quodcunque impenditur obsequium. 7.

Hæc cum ita sint, vt quod hoc Capite propositum est, definiamus, in hac ignotos Spiritus profligandi Ratione, *principio ad Orationem, ad Missæ Sacrificium, ad Eleemosynas, aliaq; pietatis opera*, quibus piæ defunctorum Spiritus iuantur, *iudicarem animum cogitationesq; conuertendas*: & quidem; si post hæc vexatio atque molestia cessaret, de quiete nobis congratulabimur: sin minus; de alio armorum genere consilium ineundum. 8.


Verum non statim officium hoc deponendum; nec mox pietatis, quæ diximus, & misericordiæ præsidia relinquenda. Quid enim, si hæc admodum sint leuia? quid si pluribus aut ijsdem sæpius iteratis sit opus? Docet experientia, sæpè post tertio atque sexto adhibita pietatis subsidia vexationem esse sublatam: quæ post prima, atque secunda tolli non potuit. 9.

Non ea Spirituum, qui pro peccatis pœnas sustinent, est conditio; vt quibusuis, etiam *leuibus*, viuentium subsidijs iuentur. Ratione peccatorum, quæ commiserunt, pœnas sustinent: quæ quemadmodum nunc sunt maiora, ita maioribus supplicij expianda; ita maioribus viuentium subsidijs redimenda. Si *quibusuis* viuentium Suffragijs soluerentur defuncti; frustra aliquot annorum Suffragia fieri peterent, qui piè in Domino moriuntur. frustra Hagulstaldensis Ecclesiæ fratres, singulis annis pridie; quàm Osvaldus Anglorum Rex occisus est, pro eius anima ad Deum preces funderent: vt fundunt, teste Beda, lib. 3. Historiæ Anglicanæ, de gestis Osvaldi. frustra Ecclesia pro ijs anniuersaria sacra celebraret; pro quibus, iam ante centum, & ducentos annos, illa celebrata sunt. 10.

11. Quando deinde dicta pietatis subsidia non iuuant; tum Rebus consecratis, erecta Cruce, suspensis Sanctorum Reliquijs, contra spiritus pugnandum est. Hęc arma bonis Spiritibus non obsunt. Hęc malis, quales esse præsumuntur illi, qui prioribus rationibus non iuantur, horro-ri sunt, & detestationi. ut ob id spes sit, propter hæc, ipsos sedes suas mutaturos.
12. Quid si nec his pellantur? Adhibeantur Exorcismorum machina; Ad- iurationes atq; Execrationes; & quæcunque Dei ordinatione contra Spiritus vim aut potestatem habent. Nihil nimis inhumanum, nihil nimis crudele, contra hos Spiritus potest adhiberi.
13. Neque mox abijciendus est animus, si quod petimus, non statim consequamur. Sæpius tentandi Spiritus. sæpius impressio facienda. Quemadmodum non ex hominum corporibus vno atque altero Exorcismo, ita neque ex Locis deturbantur. Quædam non relin- quunt nisi importunis viuientium Exorcismis & coniurationibus fatigati.

C A P. LXXXIX.

*De efficacia omnium prædictorum Modorum,
& quas ob causas non semper speratos fi-
nes consequantur.*

1.  Agnas esse vires Modorum omnium, quibus contra quoscun- que spiritus, Spirituumque, quas afferunt, molestias de- pugnatur, ex dictis utcumq; manifestum est. Sortiuntur quoque suos, quos viuentes sperant, effectus, haud rarò. Vtrum verò semper? Hoc inquiremus. Nec hoc solum, verum etiam, quibus de causis, ne semper consequantur, accadat, exponamus.
2. In priori opus est distinctione Spirituum. Neque enim hic eadem videtur esse bonorum, siue purgandorum ratio, & impiorum, atq; in primis Dæmonum. Pro illis non frustra, à viuentibus suscipiun- tur pietatis officia. apud hos aliquando parum efficiunt, quæ alio- quin per se efficaces sunt Rationes.
3. Prius ut dicamus; ipsæ nos inducunt molestiæ, ab his Spiritibus, viuentibus allatæ. Cum enim singulari Dei prouidentia, atque bo- nitate fiat, ut ad viuos hi spiritus redeant; & hoc ferè nomine sem- per redeant, ut viuorum subsidijs inuentur, quis dubitabit adiu- tum iri miseris, si quas ipsi pœnas sustinere debent, in se viuentes suscipiant? & Christianæ pietatis officijs pro ipsis, veluti vnius cor- poris membra, satisfaciant?

Quo.

Quocirca horum Spirituum quosdam ita certis locis esse affixos, ut ad extremum iudicii diem, aut etiam ad aliquot sæcula ibidem debeant expiari, & *nullo* possint viuentium subsidio iuuari, vix credi potest. Quàmuis enim quidam, ut quàm diutissimè crucientur, meruerint; nulli tamen à Christi corpore exciderunt: quapropter, ut membra membrorum, ita mortui viuorum possunt operâ iuari, illi præsertim, qui locis, vbi expiantur, mortalibus sunt molesti.

4.

Apud *posteriores*, damnatos, inquam, spiritus, expurgandi loca assignatæ Rationes; quandoque fallunt. Nec nouum hoc. Etiam Apostoli, quibus plena super Dæmones potestas fuit collata; potestate suâ quandoque nihil profecerunt. De illis quidam, quod filij *obsessi sanitatem*, per ipsos consequi nequiverit, apud Dominum conqueritur. Marci 9.

5.

Neque in præsentī negotio hic exempla desiderantur. Scimus quædam loca nec post plurimas grauissimasque machinas potuisse expugnari. Scimus quibusdam mortalibus perpetuum cum infestantibus Spiritibus fuisse bellum. Desperatæ forsitan illi fuerunt salutis. Fuerunt aliqui: sed quidam etiam integerrimorum morum, vitæ probatæ, & qui Deo, ob insignem virtutem; chari essent.

6.

Sed quæ *huius rei Causa*? Non eadem apud damnatorum hominum spiritus; & apud Dæmoniorum. Nec mirum, quia nec *eodem modo*, utrique rebus viuentium intersunt. ipsosque molestant. Intersunt damnatorum hominum spiritus inuicti & coacti. Intersunt spiritus Dæmoniorum lubentes & spontanei. Quapropter illi, si possent, *mox* fugam capescerent, ad primam vim, vel Adiurationis vocem: hi si possent, discederent *nunquam*.

7.

Hinc fit, ut non ex voluntate damnatorum hominum *Causa* petendæ sint, cur adiurati loca infesta non deserant, & viuentibus pacem permittant; sed illius, cuius imperio ipsi ad viuos coguntur redire. Contrà, quod Dæmones adiurati non cedant; hoc ex ipsorum, atque eius, cuius permisso vexant, voluntate pendeat.

8.

Non cedunt adiurati damnatorum hominum spiritus *semper* locis infestis; non pacem concedunt viuis. *Cur*? Quia non semper eosdem cedere vult Deus. Non cedunt, nec infestare desinunt *semper* adiurati Dæmones *Cur*? Quia cedere recusant. nec ut cedant permittit Deus. Sola igitur *Dei voluntate* fit, quod effectus suos machine, quibus contra molestias infestantium spirituum pugnatur, & fines suos non consequantur apud damnatorum hominum spiritus: *Dei*

9.

& *Dæmonum voluntate* fit, quod non consequantur apud Spiritus Dæmoniorum.

10. Et quæ *Causa DEVM* hîc possunt mouere? Duæ potissimum. Altera ex Spirituum infestantium culpa; altera ex hominum, qui ipsorum molestias perpetiuntur, delicto sumitur. Cùm enim nunc viuorum delicta has molestias mereantur; nunc defunctorum Spiritus digni sint, vt contra suam voluntatem, ad maiorem ipsorum contumeliam, has inferant; quis non intelligit; etiam post legitimas machinas adhibitas, quibus alioqui tolli solent, easdem non oportere tolli? si nec viuorum hominum, nec defunctorum horum Spirituum peccata sint æquis molestiis vindicata?
11. Ceterum quod *Dæmones* iisdem machinis non semper vincantur, nec cedant; partim ex ipsorum pendet *voluntate*; partim ex *diuina prudentia* iustis rationibus. Quemadmodum ipsorum propriâ, & Dei voluntate fit, quod viuentibus molesti sint, locaque infestent; ita ex Dei atque propria voluntate est, quod adiurati à molestiis non desistant.
12. *Ipsi* difficulter cedunt; quia malis atque miserijs mortalium plurimum recreantur. quæ cum his molestiis crescant, quasunque possunt, malunt potius sustinere impressiones, quàm aut loca, quæ infestant, deferere; aut hominibus, quos molestant, pacem concedere.
13. At *diuina prouidentia* alijs rationibus mouetur. Ipsi vel *malum* eorum, qui molestias sustinent; vel *bonum*, quod ex molestia infestantium Spirituum, tam hi, quàm alij possunt colligere, propositum est. Malum cedit ad vindictam peccatorum; bonum ad augmentum ferè coronæ immortalitatis & gloriæ.
14. Vindex est Deus *scelerum*, & non futuro tantum sæculo, vbi vindictæ proprius locus; verum etiam in præsentî. Neque hîc vna ipsi ratio vindictæ suppetit; sed multiplex. Interque eas, illa quoque locum habet, quâ per Dæmonum carnificinam poenas scelerum exigit. Quod si igitur per infestantes Spiritus scelera vindicare decreuit; à viuentibus quidam machinæ contra infestationes adhibebuntur; sed quiete optatâ illi minimè perfruentur, Deo hâc Dæmonum carnificina mortalium delicta vindicante.
15. Eoque minus machinæ hæ promouebunt, quò *iustius* his rationibus peccata vindicabuntur. Iustissimè verò vindicari cui dubium esse potest? Quàmuis enim quæuis peccata, quibusuis supplicijs vindicare valeat; quædam tamen sunt, quæ vt per Dæmonum molestias vindi-

viadicentur, magnæ rationes moueret. Vide cap. 17. huius Disputationis.

Quod si peccata eorum, qui molestias sustinent, causa non sunt, 16.
cur suos fines non velit consequi adhibitas machinas; nihilominus iniustitiæ redargui non debet Deus Opt. Max. Sæpè in mortales animaduertit? nullis ipsorum meritis exigentibus, quemadmodum, vt alios omittam, & suo exemplo, & suâ oratione copiosissimè docet Sanctissimus Iob, vir iustus & simplex, & diuino oraculo commendatus.

Atque tum *bonum* egregium propositum est Deo, inprimis quidem *illius*; in quem animaduertit: tum *aliorum*; qui huius exemplo instrui possunt. *Illius* quidem: quoniam vexatio hæc ad cumulum cedit maioris gratiæ, & gloriæ: vt taceam, quod à peccato auocet, & Deo magis coniungat. *Aliorum* verò; quia hoc proborum exercitio ad mentem redeunt: de futura vita cogitant; à peccatis desistere discunt; colliguntque grauissimè aliquando in se, nisi resipiscant, vindicanda delicta: quando etiam in amicos suos grauiter animaduertere Deum cognoscunt. 17.

Adde dictis, aliquando nec malum eorum, qui molestias sustinent, nec tam horum, quàm aliorum, quod expectari potest bonum, sed *Ministorum delicta*, qui Dæmones sedibus his proscribere tentant, in causa esse; cur *frustra* hæc machinæ adhibeantur. Qui in oppido Schiltach sibilo molestus fuit, oppidumque tandem incendit (de quo Thesi 8. cap. 19.) *Exorcismos* contemnebat; quod Exorcistæ furti, sacrilegijque criminibus essent infames. (Vide Cardanum lib. 19. de subtilitate) Quemadmodum in rebus alijs, ita in hoc arduo Dæmoniorum spiritus exigendi negotio, haud parum positum est in causis agentibus. 18.

NOTATIO IN SEQUENTIA

Capita.

HActenus prosecuti sumus Modos, quibus Loca per se infesta, vt vocauimus, secundo Capite nostra Disputationis, à Spirituum molestia & infestatione liberari valeant: discutiendum in posterum erit, quibus rationibus homines inuenimus, qui ubique suos persequentes patiuntur spiritus: Sed initio definiendum,

S s

dum,

dum, Aliane hæ sint à prioribus illis modis. Sit igitur.

C A P. X C.

An iisdem rationibus, contra Spiritus, qui certos homines, ubicumq; etiam degant, persequuntur, agendum sit: quibus oppugnantur illi, qui loca certa infestant.

1. **A**D propositam Quæstionem brevis est responsio. Quæritur, An ad liberandos à molestia homines, eos, qui ubique patiuntur persequentes Spiritus, eædem rationes efficaces sint, atque sufficiant; quas plurimum valere in Locis *per se* infestis hæcenus docuimus. Respondetur, *Non sufficere*. Ratio in promptu est, quia longè alia illorum locorum, quàm horum conditio. In *per se* infestis Spiritus sua quasi domicilia habent; & locorum quidam quasi sunt Domini, & possessores. In his, *propter homines*, infestis, veluti hospites versantur; & ob id cum ipsis hominibus quos persequuntur, sedes suas mutant; quas in prioribus illis retinent.

2. Itaque contingit, ut quamvis fortè hoc, vel illo loco proscribantur Spiritus *his rationibus*, quas superius, ad profligandos Dæmones valere diximus, atque *hoc vel illo* loco viuentes, qui eos ferre debent; tuti sint, & à molestia liberi, rursus tamen in easdem molestias incidant, quam primùm alijs locis, quibus Spiritus proscripti non sunt, inueniuntur.

3. Omnino in posterioribus his locis propositum esse debet, ut Spiritibus non tam ad *loca*, quàm ad *homines*, quos persequuntur, accessus prohibeatur. Nec enim tam *locorum* hîc, quàm *hominum* rationem habent Spiritus. Nec nobis igitur tam cogitandum, qua ratione loca reddamus tuta; quam qua ratione, ne *hominibus*; quibuscunque etiam locis degant, detrimentum afferratur, cautum sit.

4. Porro *una & simplex* ratio hæc non est. Et quid mirum? Una non est hominum, alia atq; alia ratio instituenda videtur.

Quotuplex igitur est? Duplex omnino. Quia duo hominum sunt genera, qui persequentes Spiritus sustinent. Vnum *improborum*, qui

qui ob peccata, in quibus degunt, hanc Spirituum sustinent carnicinam: Alterum *proborum*, qui nullis suis meritis exigentibus, pro Spirituum libidine, magno diuinæ providentiæ consilio, ipsorum insultibus expositi sunt. Alia hi, alia illi ratione iuuantur. & *qua* utrique? Hoc sequentibus examinandum, si tamen id dixerimus prius. Rationes quas hic præscribimus, contra *males* Dæmonum præcipuè *Spiritus* (qui maximè infesti esse solent) valere.

C A P. X C I.

Qua ratione à molestia Spirituum liberi esse possunt, qui propter peccata, quæ commiserunt & ipsorum infestationes sustinent.

Acillima videtur illa esse ratio; qua, qui propter peccata Spirituum infestationes patiuntur, ab ipsorum se molestia vindicent. *Expediant se à peccatis, & de liberalitate sibi gratulentur.* Si enim hoc solo nomine molestias Spiritus ferre necesse est, quia peccatis sunt impliciti; nonne si à peccatorum laqueis se expediuerint, soluti erunt Spirituum molestiis? & cessabit effectus, cessante causa, à qua ille dependet?

Principio igitur omnino hi inducendi sunt, ut à peccandi consuetudine desistant, vitamque in melius commutent: sintque seduli in virtutum studio, qui in cœno volutati sint vitiorum, quibus in miseriam seruitutem Spirituum peruenerunt.

Veruntamen satis hoc non est. Non sufficit à peccandi consuetudine desistere. Ipsum etiam peccatum (quod in anima suam quasi sedem habet) *radicatus extirpandum est.* Non enim infestantibus Spiritibus nos subiiciunt ipsa tantum, dum perpetrantur, peccata; verum etiam *habitus*, quos postquam perpetrata sunt, in anima relinquunt; à quibus tam necesse est animam expurgari, quam ab ipsa peccandi consuetudine desistere.

Hic iam requiritur, & valet dolor de peccatis perpetratis conceptus, vitamque in melius commutanda propositum: & post hac sacramentalis Confessio atque Absolutio; quam solam secundam tabulam relapsis Deus voluit esse. Et priora illa quemadmodum necessaria sunt; ita, posteriora, si desint, frustra expectatur peccatorum venia; fru-

stra à Dæmonum infestationibus libertas. Prætermittendum nulum assumenda omnia: & singula.

5. Et hæc quidem omnia ad Spirituum horum molestias tollendas omnino sunt necessaria, si ad ipsa accedat *Corporis & Sanguinis Domini, in venerabili Sacramento perceptio*, maior vis Spiritibus affertur: eo-que difficilior ijs, videtur fieri ad homines accessus, quod pluribus maioribusque præsidijs iam sunt armati. An fortè aut contra Dæmones arma non sunt Corporis & Sanguinis Christi Sacramenta? aut leuia sunt?

6. Suaderem & horum sacramentorum *frequentiore vsum* his, qui molestijs Spirituum ob peccata expositi fuerunt propterea, quod Nequam, quam sortiti sunt semel, viuentes vexandi prouinciam; difficulter relinquunt: vt ob id necessarium videatur ijsdem Mortales armis sæpius instrui; quibus maiori victoriæ spe contra hostes depugnatur. His Rationibus contra infestantem Spiritum pugnavit infelix mulier, cuius sequenti Capite mentionem faciemus.

7. Ad hæc, *virtutum studium* postularem. Dignissimum hoc, quoniam & nobis dictum illud Apostoli, Rom. 6. *Sicut exhibuistis membra vestra seruire immunditie & iniquitati, ad iniquitatem; ita nunc exhibete membra vestra seruire iustitie in sanctificationem.* Sed & virtutum studium vehementer exhorrescunt Dæmones. Credite mihi fratres, dicebat Beatus Antoninus, teste Athanasio, in eius Vita, *perpescit Satanæ piorum vigilas, orationes, ieiunia, voluntariam paupertatem, misericordiam, humilitatem, maximè autem ardentem amorem in Christum Dominum.*

Quid quod fortè hoc etiam sit necessarium? Cùm immundus Spiritus exierit ab homine, inquit Dominus, Lucæ II. *perambulat per loca inaquosa, quarens requiem. Et non inueniens dicit: Reuertar in domum meam, vnde exiui. Et cum venerit, inuenit scopis mundatam, & ornatam. Tunc vadit, & assumit septem alios Spiritus nequiores se, & ingressi habitant ibi; & sunt nouissima hominis illius peiora prioribus.* Quid hac parabola Dominus? significat ex duobus Diabolum accipere causam, vt reuertatur in domum, vnde expulsus est: videlicet, si aut inueniat *vacuam*, aut *scopis mundatam*. Vacua est domus eorum, qui contenti tantum sunt peccata deposuisse, & de studio virtutum solliciti non sunt. Scopis purgata eorum, qui exterius tantum virtutum colunt, & radicitus peccata non extirpant.

8. Hanc rationem contra Spiritus pugnandi non frustra assumi, pluribus exemplis doceri posset: nos vno contenti sumus Catharinæ Virgi-

Virginis & Viduæ Suevicæ, filiæ S. Brigittæ, quæ cum Neapoliagens, à quadam muliere, quæ nocturnas molestias graues à Dæmonio patiebatur, interrogaretur, quibus rationibus se ab ijsdem expedire posset: primum suafit puram peccatorum *Confessionem*. aiebat enim *ob peccata in Confessione celata plerunque id genus illusiones accidere*. Deinde *Peregrinationem* ad S. Crucis templum; quæ nudis pedibus, & deposito lineo indusio, cum humilitate, octo continuis diebus perageretur. Tertiò *Orationem dominicam atque salutationem Angelicam*, coram Crucifixi imagine in eodem templo septies repetitam. Complect mulier iussa, & vexatio cessat. Vide Surium, Tom. 2. in eius Vita, fol. 354.

Probarem quoque vehementer; cum *Sanctorum omnium*, tum præcipuè proprii Angeli, cui quisque ab ortu natiuitatis, commendatus est, inuocationem atque tutelam. Huius enim inter alia haud postremum hoc officium est, vt contra inferorum potestates mortalibus sit præsidio. Nec obstat, quod, si naturæ vires attendas, quibusdam Dæmonibus hic sit inferior, quoniam quod natura negauit; gratia supplet: qua fit, vt omnibus omnino malis, etiam potentissimis, minimus inter bonos sit superior, quemadmodum alicubi post B. Augustinum, docet S. Thomas.

Quòd si his machinis aduersaria potestas Dæmonum non frangitur, nec à molestando & infestando his rationibus prohibentur, alijs armis tentandi essent, ijsdem, quibus *bonos & probos* homines; qui eorundem insultus sustinent, vtiliter posse instrui confidimus. Et quæ illa? sequens Caput hæc explicabit.

10.

C A P. XCI.

Explicantur Rationes, quibus à molestia & persequentium Dæmonum infestatione, liberari possunt homines probi.

Quia ignorant Mortales, *adione an amore digni sint*, quādiu in corpore à Deo peregrinantur; idcirco etiam ijs, quos conscientia sceleris non arguit, si quando persequentes Dæmones patiuntur, illis ante omnia Rationibus vtendum existimarem, quibus diximus eos iuuari, qui ob sua delicta Dæmonum carnificinam patiuntur. Neque enim nocet, si in peccatorum numero nos habeamus, quoniam *beatus homo, qui semper est pauidus*: nocet autem plurimum, si cum Phariseo nos pro iustis ventitemus.

11.

2. Addo quod, quamuis etiam esset probabile; nos in Dei esse gratia, & peccata mortalis nulla grauari mole; *hæc arma* assumi possent, quoniam non ob grauia solum; verum etiam ob *leuia peccata*, & persequentes & obsidentes Dæmones aliquando sustinent viuentes. Docet hoc clarè de Dæmoniacis, à nobis data Disputatio: vt idcirco, quemadmodum necesse est impios sua peccata deponere, si à Dæmonum infestationibus volunt esse liberi; ita necesse sit iustos, suos veniales relinquere defectus, atque nœuos; propter quos molestias Dæmonum sustinent.
3. Quemadmodum illis igitur, ita his à peccatis otium; Confessionis sacramentum; vsus venerabilis Eucharistiæ; virtutum studium; tutelarum Angeli inuocationem; atque alia his similia sedulo commendarem. *Quid si horum nihil iuuat? Ad alia præsidia confugiendum. Quæ illa?*
4. Primum est *Oratio communis Ecclesiæ*, hoc nomine instituta. Valet illa à priuato quocunque suscepta plurimum: quantum valebit ab vniuersa suscepta Ecclesiæ? & suscepta ex fraterna, quæ summopere Deo placet, charitate? suscepta verò, pro homine, vt creditur iusto? & quem maxima necessitas, cum summa humilitate coniuncta, ad communes preces implorandas cogit?
5. Deinde est vsus *Rerum consecratarum*: in primis cereæ illius Imaginis quam *Agnus Dei* dicimus; quam contra Dæmonum insultus valere & forma, qua consecratur, demonstrat, & his versibus confirmat Andreas Frusius:
- Ille (Pontifex) preces recitat mira pietate refertas,
Quas veteris ritus formula certa tenet.
Postulat in primis sacrati aspectus vt Agni
Agnus ad caelestem concita corda leuet.
Vtq; salutifera memores vitæq; necisque,
Criminis & vitij noxia vincla terant.
Hostis vt insidias stygij ac certamina vincant,
Disciplinas mundi, carnis & illecebras.
Aeterna vt fugiant discrimina cuncta salutis,
Et supera nunquam destituantur ope.
6. Sunt tertio *Reliquia*, Quos illa certis locis Dæmones proscribere possunt; omnibus non possent? An minor harum hoc, quam quocunque alio loco vis atq; potestas? Si verò omnibus locis proscribunt; nonne omnibus locis liberum constituunt, & reliquunt hominem, qui aliàs vbique persequentes Dæmones patitur?
7. Postremum præsidium in *Exercitiis* ponerem. Quòd alijs rationibus

nibus non potuit, id fortè: hoc conficietur. Pro hoc mirabile exemplum est, quod ex Vita S. Bernardi hic ad longum placet ascribere: In muliere accidit, quæ miserrimè à Diabolo vexabatur; sed iusta sua culpa. Apparuit illi Diabolus in specie militis valde pulchri aspectu; in amorem suum intus suggestione latenti, extra locutione blandienti, animū eius fallaciter inclinavit. Cumque assensum mulieris obtinuisset, expansis brachijs, pedes eius supra vnā manum suarum posuit. altera verò manu caput eius operuit, sibi que eam huius foederis signo dotauit. Illa quidem virum habebat strenuum militem; sed huius execrabilis commercij penitus ignarū. Abutebatur ergo illa, etiā in eodem loco cubante marito, inuisibiliter, impurissimus ille adulter, & incredibili vexabat libidine. Sex annis tantum latuit malum, nec detexit mulier perdita tanti criminis probrum. collusionem tam continuæ turpitudinis, tum propter timorem Dei, cuius iudicio singulis momentis timebat intercipi, & daminari. Confugit ad sacerdotes, piaculum confitetur. Peragrat loca sancta, & Sanctorum implorat suffragia. sed nulla ei confessio, nulla oratio, nulla eleemosynarum largitio suffragatur. Quotidie, vt prius & importunius à Dæmone infestatur. Denique in publicum tantum scelus effusum est. Quo audito & cognito maritus eius contubernia execratur. Interea ad locum prædictum Vir Dei, Bernardus, cum comitatu suo venerat: cuius vt audiuit aduentum infelix mulier: se ad pedes eius tremebunda proiecit. Aperit ei, lachrymis perfusa, horribilem passionem & ludificationem inueteratam, & quod ei nihil profecissent, quæcunque fecisset sibi à presbyteris imperata. Addit sibi ab oppressore suo aduētum eius prædictum & minaciter interdictum, ne ante eius veniret præsentiam, quia nihil ei prodesset: & ipse recedente Abbate, qui fuerat amator, crudelissimus eius fieret persecutor. Audiens hæc vir Dei, blandijs verbis consolatur mulierem, & de cælo promittit auxilium, præcipitque vt die altera (iam enim mox instabat) confidens in Domino, reuertatur. Reuersa mane, cum Viro Domini blasphemias & minas, quas eadē nocte ab incubo suo audierat, retulisset. Ne cures, inquit vir Dei, minas eius: sed tolle baculū hunc nostrum, & pone in lecto tuo: & si quid potest, agat. Egit mulier quod iussū fuerat, & recubans in lecto suo, signo Crucis munita, iuxta se baculū ponit. Adest ille continuo: sed nec ad consuetū opus, nec ad cubile ipsum præsumpsit accedere tamē minatur accerrimè, & discedente Viro Dei, ipse in eius supplicia reuerteretur.

Insta-

Instabat dies Dominica, & voluit Vir Dei per edictum Episcopi populum in Ecclesiam accersiri. Cumque ipsa die populus maximus ad Ecclesiam conuenisset: inter Missarum solennia, comitantibus Episcopis Gansfredo Carnotensi, & Briccio Nannetensi, ipse ad ambionem conscendit, & ut omnes, qui in Ecclesia erant, candelas accensas in manibus teneant, locuturus edicit. Quod & ipse cum Episcopus & Clericis faciens, inauditos Diaboli ausus publicè aperuit: & fornicatorem spiritum, qui in tam horrenda inquinamenta, etiam contra naturam suam, exarserat, cum omnium fidelium, qui aderant, subscriptione anathematizat; & autoritate Christi, tam ad illam; quàm ad omnes mulieres deinceps interdicit accessum. Extinctis itaque sacramentalibus illis luminibus, extincta est deinceps tota virtus Diaboli: & mulieri post confessionem communicati, nunquam postea apparuit inimicus, sed irregressibiliter eliminatus aufugit. Hæc ex Vita D. Bernardi.

8. Magna hæc virtus *Exorcismi*; sed cuius ex sanctitate Viri Dei vires non parum auctæ fuerunt. Eius, quo nos utimur, etiam magna virtus; sed non tanta, semper, quanta illius: quod in sanctitate Exorcistæ nostri multum S. Bernardo cedant: quò fit, ut noster optatum effectum non semper consequatur. Quod dum fit, persecutio Spirituum patienter sustinenda: & ferendum, quod emendari non potest: & ex necessitate facienda virtus.

C A P. XCIII.

Communis quadam ratio, qua à persequentium damnatorum Spirituum molestia, tam probi, quam improbi liberantur.

1. **R**æter bipartitam iam, duobus præcedentibus Capitibus, explicatam Rationem, qua improbitatem Spirituum declinant tam mali, qui in peccati vindictam, illam sustinent; quam pii, qui ob virtutis exercitium, alia quædam datur, quæ utrisque ex æquo seruit, cuius licet vires tantæ non sint, quantæ priorum; hic tamen quid possit, explicandum est.
2. *Tribus* videtur illa modis constare. Vnus à loco petitur. Alter ab hominum societate. Tertiùs à lumine. Certa quædam sunt loca (*templa* puto) quibus si, qui persequentes sustinent spiritus, inueniantur, ut plurimum sunt tuti. Sunt ut plurimum tuti, si *soli* non agant, sed societa-

societate gaudeant aliorum. Denique si *tenebras* fugiant, & in *luce* versentur.

Quod dicimus, eorum confessione didicimus, qui molestantes Spiritus sunt passi. Hi requiem se in locis Deo consecratis; in hominum societate; & clara luce habuisse, non semel professi sunt. Sed nec horum nobis testimonio destitutis, rationes desunt atque argumenta.

Declinant hi Spiritus *Templa*; quia morum & omnis pietatis sunt scholæ: quia Imaginibus, atque Reliquiis instructa sunt: quia Christi venerabile corpus, sub speciebus panis continent; denique, quia per consecrationem ab Episcopo factam, omnis ipsis aditus ad illa est præclusus.

Et *multitudinem* declinant. ferè tentant & molesti sunt solitarijs, plurima pro hac re sunt exempla. Clarissima verò duo; Eux, primæ omnium parentis: atque Christi Salvatoris: quorum hunc in deserto, illam in paradiso aggressi sunt: Vtrumque, cum solus ageret.

Fugiant quoque *lucem*. Quid mirum? principes sunt tenebrarum: à Deo, qui lucem inhabitat inaccessibilem, longè recesserunt: gaudent operibus tenebrarum ad exteriores inferni tenebras destinati.

Veruntamen, ut diximus non *tanta vires harum machinarum*, quantæ illarum, quarum superius mentionem fecimus. Duobus modis hæ ab illis differre videntur. Primò, quòd ad tempus tantum libertatem à molestia tribuant. Deinde, quòd non ita, ut priores illæ, sint certæ.

In prioribus hoc propositum, ut Spiritibus accessus prohibitus sit, atque ab omni molestia liberi sint viuentes. In his neque hoc est propositum; neque si propositum esset; aut sperare, aut expectare possunt viuentes.

Fallunt quoque posteriores hi modi. Sunt Spiritus quidam, qui etiam in *luce meridiana* sunt molesti. Sunt qui nec, quantumvis magnam hominum verentur multitudinem. Sunt qui *templis* vix abstinant. Exempla omnium aliàs dedimus.

Finis Tertiæ Partis de Locis Infestis.

T t

LIBEL.

LIBELLVS
DE TERRIFICA-
TIONIBVS NOCTVR-
NISQVE TVMVLTI-
BVS, QVAE HO-
MINVM MORTES PORTEN-
DE SOLENT.

Cum argumento de Locis infestis communes esse videntur strepitus nocturni, atque terriculamenta, quae quorundam mortem praere, & indicare solent. Quocirca non abs re fecerimus: si de horum authore, & finibus pauca dicamus: modum etiam, quo illa fiunt, & tempora atque loca, quibus fiunt, exposuerimus. Nam excitari hos strepitus, & hominibus haud raro his timorem incuti, nemo potest dubitare. Tot horum praebet exempla quotidiana experientia, quot sufficere possunt, ad hanc rem non doctis solum, & literatis hominibus, verum etiam, rudi populo persuadendam.

CAP. I.

Inquiritur Causa Efficiens nocturnorum terriculamentorum, quae mortis solent esse indicia: & ostenditur illa non fieri vel à Deo, vel ab eorum animabus, quorum mortem significant.

I.

Difficilis res definire, quanam horum Tumultuum, & Terrificationum Causa Efficiens sit, quisve author. Sed quamvis difficilis, non tamen impossibilis. Forsitan verum authorem

thorem inueniemus, si prius, à quibus fieri non possint demonstra-
uerimus.

Primum omnium certum est, ab aliquo fieri. Quæcunque enim
fiunt, cum sui ipsorum causæ esse nequeant; omnino oportet, ali-
quid præter se habeant, quodcunque tandem illud sit, quod ipso-
rum causa sit, ipsaque efficiet. Habebunt igitur & hi Tumultus ali-
quam sui Causam.

Quam verò ipsorum Causam afferemus? à quo tumultus hi fieri
dicendi sunt? Necessè est aut à rebus corporeis, aut ab incorporeis
proficisci. Neque enim, video quidnam hic tertium admittere de-
beam.

Porrò in rerum incorporearum genere gradus sunt plures. Atque
ut ab imperfectioribus initium sumatur. sunt hic hominum spiritus,
tam viuentium, quàm vita defunctorum. sunt Angelorum, tam
bonorum, quàm malorum. Et, qui omnium Spirituum pater est,
Deus Opt. Max.

Hos gradus inter res corporeas distinguere hic necesse non est.
Quamuis enim inter ipsas multi sint, quemadmodum & inter incor-
poreas; ad Tumultus tamen hos excitandos nihil faciunt, quæcun-
que ad gradus hos, quomodocunque etiam reuocantur. Si quid in
genere rerum corporearum est, cui hos Tumultus & Terrificationes
tribuere debemus, erunt Homunciones quidam (fortè *Lares dome-
sticos* bene dixeris) qui inter hominem atque brutum à quibusdam
medium quiddam dicuntur, & nec homines verè sunt, nec bruta.

Cum igitur tam sint varia rerum genera, A quibus Tumultus, de
quibus quæstio est, excitari dicemus? Age hoc inquiramus. At equi-
dem duo hic certa atque extra omnem controuersiam posuerimus;
reliqua quia difficultatem habere possunt, diligentius excutienda
sunt. Certum est à Deo Opt. Max. non excitari, Certum non excitari à
Spiritibus eorum, quorum mortem significant.

De Deo nullus dubium animum habere potest. Indignum est,
diuinæ Maiestati has Terrificationes & Ludificationes ascribere;
Sed & quæcunque sub cælo fiunt (si duo aut tria, quæ prorsus
diuinam virtutem requirunt, excipias) aut per proprias rerum cau-
sas; aut Angelorum opera & ministerio exequitur.


Non ignoramus esse quosdam, qui *humanum animum*, eius scilicet,
cuius mortem hæc signa præcedunt, è corpore emigrare putant,
atque horum Tumultuum auctorem afferunt. Verùm hi grauissimè
errant. Potestne animus corpus deferere; & ipsū interim vegetare,
atque mouere? Aut fortè vnus idemque animus diuersis locis exi-
stit: &

fit: & qui, verbi causa in superiore domus parte hos Tumultus excitat; idem corpus, quod alibi decumbit, conseruat, & fouet? Neutrum horum dici potest.

9. Sed nec Tumultus hi eos, quorum mortis indicia sunt, tum latere possent, si ab ipsorum Spiritibus excitentur (neque enim potest animus quæ agit, ipse ignorare. At latere tam est certum, quàm certissimum, quod fiant.
10. Quid quod nec ab animo hominis omnia commodè fieri possunt, quæ in hoc genere fieri quandoq; obseruamus? aut si fieri possint, cur sic fieri debuerint, rationes iustas satis vix reddere possimus? Verùm quoniam hæc dubia non sunt, reliqua persequamur.

C A P. II.

Docetur Terrificationes & dictos Tumultus non fieri ab Homuncionibus quibusdam: sed nec esse tales, quales dicuntur, Homunciones.

1.  Vi Homunciones quosdam, medium inter bruta & homines, sub humana tamen forma, animantium genus constituunt, qui occultis quidem locis latitent, sed tamen hominum aspectibus se quandoque offerant; illi cum ratione quadam hos Tumultus ijs authoribus tribuere videntur; quemadmodum & multa ipsorum, quæ hominibus obsequia exhibent, ascribunt.
2. Sed tamen, si rectè philosophari voluerimus; deprehendemus neque tales Homunciones in rerum natura esse: Neque, si essent, mortes hominum posse præscire; quocirca nec indicare; Neque si præscirent, Tumultuum horum atque Terrificationum authores esse.
3. Si enim in rerum natura sunt Homunciones: vbi quæso degunt, & sua habent domicilia? Mirum valde est, quod inter homines versari dicantur, & tamen nullus vsquam, vbi domicilia sua habeant, locus repertus sit.
4. Deinde, qua ratione genus suum, ne intercidat, conseruant, & propagant? (Neque enim putandum est ipsos immortales esse & perpetuam hic vitam agere, quemadmodum in cælis agunt Angeli) An fortè eadem ipsorum, quæ hominum, atque brutorum animantium conditio est; vt quidam ipsorum occidant, alij in eorum locum succedant? At quemadmodum ipsorum non inueniuntur domici-

domicilia, ita neque aliquando inuentus est, ex his vnus, qui ex hac vita discesserit: non inuentus est, qui in defuncti locum sit suffectus.

Quibus etiam rationibus *vitam suam sustentant*? quibus rebus victitant? Aere vivere, dici non debent. Bestiarum atque brutorum animalium cibum retribuere absurdum est, cum ad homines proximè accedant; & vix alio; quàm statura differre videantur. An igitur humanus cibus illis tribuendus est? sed hic sæpè non suppetit; cum in desertis castris, relictis ædificijs, ad quæ nec homines veniunt, nec humanus cibus defertur, plerique ipsorum versari dicantur. 5.

Quærimus quoque, Vtrum *æterna beatitudo*, & quam in futura vita exspectamus, felicitatis participes fieri valeant; an potius vnà cum corpore animus ipsorum intereat? Secundum hoc dici nequit, cum & humanam formam referant; & multa, quæ sine ratione non fiant, peragere dicantur. Ad primum illud nulla ratione dici debet; cum media, quæ ad salutem illam assequendam necessaria sunt, atque à Christo Domino instituta, prorsus ab ipsis negligantur. 6.

Omnis ratio cur hi Homunciones esse asserantur, ex ipsorum *Apparitionibus* desumpta est: quia, scilicet, aliquando inter homines sunt visi: sed profectò hinc paruum argumentum ad ipsos astruendos colligitur. Quam, quæso, multa sunt, quæ sub aspectum cadunt, & tamen non nisi sensuum sunt illusiones; & præstigiæ? aut certè Spirituum sub humana forma apparitiones? 7.

Sed quamuis etiam Homunciones hos admittamus, Tumultuū tamen horum *causa* dici non debent; propterea, quòd mortes hominum, quorum hi Tumultus indicia sunt, præscire nequeant. Cum enim inferioris conditionis esse dicantur ipsis hominibus, nec tantum valere iudicio & ratione, quantum homines; profectò, quod homines non possunt, nec ipsi poterunt, hominum scilicet mortes præscire & indicare. 8.


Fortè quia *alijs occupationibus* non distrahuntur, ad hominum naturas & temperamenta diligentius attendunt; & idcirco, quæ nos alijs occupationibus expediti præscire non possumus, illi præsciunt. Sit ita. Verùm, qua ratione illorum iam exitus præscire dicendi sunt, quibus violenta mors adfertur? Cum igitur etiam horum ex hac vita discessum Tumultus præcedant, quemadmodum non horum, ita neque priorum Tumultuum authores dici debent. 9.

134 DE TERRIFICATIONIBVS.

10. Constituamus etiam ita esse; vt hominum mortes possint præscire, necdum tamen hos ipsis Tumultus ascribere posse videmur. Id primum inde manifestum est, quòd cum paruo admodum sint corpore, magnas vires habere credi non debent. quocirca nec Tumultus hos, qui quandoque magni sunt, & magnas vires requirunt, ab ipsis excitari vlla ratione poterunt.
11. Præterea quoscunque ipsi Tumultus excitant, eos necesse est corporum collisione (& quidem eorum, quæ concuti audiuntur) excitari. Audimus sæpè asseres deferri, ligna aptari, raptari instrumenta, clauos infigi, & mox postquam ad loca, vbi Tumultus excitantur, aduolamus, nullum in similibus corporibus motû fuisse, magnis argumentis deprehendimus. Et hæc his tribui possunt.
12. Denique diuersis quandoque locis, maximeque distantibus hi Tumultus excitantur. An fortè diuersis etiam locis hoc Homunciones constituemus? aut postquam in hoc loco excitârunt, ad alium, vbi ibidem excitent, transmigrare dicemus? Dici hæc possint, an cum ratione vehementer debitauerim.
13. Spirituum igitur opera Terrificationes fieri, ex dictis videmur posse concludere. Spiritus sunt, qui Tumultus excitant; qui gemitus & eiulatus effingunt: qui funus deducunt, qui tumbas, in quibus defunctorum corpora reconduntur, faciunt. Spiritus sunt, qui vniuersa hæc, atque his similia, efficiunt.

C A P. III.

Demonstratur dictos Tumultus non excitari à Spiritibus hominum illorum, qui ex hac vita discesserunt.

1.  Estat inquiramus, à quibus Spiritibus fiant, qui excitantur Tumultus: An ab humanis, qui hanc vitam vñ cum corpore, quod aliquando informarunt, reliquerunt; an ab Angelis: siue illi beati sint, siue æternis supplicijs, ita eorum meritis exigentibus mancipati.
2. Humanos Spiritus, ad viuos quandoque redire dubium non est. Id aliàs à nobis multis rationibus demonstratum est. Dubium quoque non est, plurima ipsos officiorum genera, apud viuos, exercere. Veruntamen exerceant quæcunque velint, in hoc certo genere operas suas ipsos collocare credendum non est.
3. Animorum, post hanc vitam, non illa propria conditio est, vt Dei, apud homines, sint ministri, aut quædam in hoc mundo pro officio munia

munia obeant; adfintque rebus humanis; sed ut laborum, suorum fructus recipiant; & vel Deo perfruantur, vel debitas pœnas persoluant, quocirca in hoc genere, quod agant, habent nihil.

Non sine singulari Dei prouidentia, atque dispensatione fit: ut viuorum rebus defuncti adfint: & quæcunque hanc Dei prouidentiam atque dispensationem requirunt, rarius eueniunt: At Tumultus hi rati non sunt: sunt propemodum quotidiani.

Patebat Epulo, ut ad viuos rediret, Lazarus, qui fratres miserandæ suæ conditionis admoneret. Quid hîc Abraham? *Habent*, inquit, *Moysem & Prophetas*: *audiant illos*. vrget secundo Epulo: putat futurum, ut pœnitentiam agant, *si quis ex mortuis ad eos venerit*. Sed bene Abraham: *Si Moysem*, inquit, *& Prophetas non audiunt*, *neque si quis ex mortuis resurrexerit, credent*. An non idem dicere nos possemus? habere, inquam, viuos Moysem, & Prophetas? habere tot præsentissimæ mortis exempla, & argumenta? Opus non esse; ut ad viuos defunctorum animæ redeant, & instantis mortis commonefaciant?

Si Sacras literas consulamus, reperiemus Deum per *Angelos* plerunque expediuisse, (& non per humanos Spiritus) si quando aliquid, præter rerum ordinem, fieri voluit, quorsum igitur humanorum Spirituum in hoc negotio, non autem Angelorum, si quidem aliquorum vellet opera, vteretur?

Cum Tumultus hi atque strepitus, *mortis* quædam indicia fiant; quibusnam humanis Spiritibus ipsos excitandi officinam tribuimus? ijsne, qui cum Deo iam in cælis vitam felicem agunt? an qui purgatorio igne expurgantur? an qui in inferno socij sunt Daemonum.

Est *primi illi*, Deo reuelante, cognoscere possint, qui ex hac vita discessuri sint; ut tamen ijs hoc Deus reuelet (cum ipsorum non interfit) velitque mortis hominum, quasi nuncios quosdam esse, quis credat?

Si quando rebus nostris Beatorum Spiritus intersunt, *se se exhibere* solent, & ea quidem forma, ut agnosci facillè possint; quemadmodum exempla eorum, qui apparuerunt, docent. At ubi strepitus hi excitantur, authores ipsorum conspiciuntur nunquam.


Adde, quod Beati Spiritus vix vnquam rebus nostris *anthropopos intersint*: Angelorum ferè opera fiant, quæcunque per ipsos fieri videntur. Et qui in proprijs negotijs, cum maximè deberent rebus nostris non intersunt; interessent, quando ratio ipsos nulla ut aliorum intersint, cogit?

Eadem

11. Eadē propemodū de *secundis Spiritibus* dici possunt. Neque enim credi debet, quod interitus hominum cognoscant: quare nec eorum vlla signa dare poterunt. Neque quod appareant, quin status sui conditionem aperiant; quare nec hic quicquam negotij habebunt.
12. Sed & illi ad viuos redeunt, non vt rebus nostris prospiciant verū vt *suis* consulant: vt nostras preces, inquam, atque patrocinia obtineant. Quando autem vel preces, vel patrocinia per eos, qui hos strepitus excitant, expetita?
13. *Tertio* similiter duæ causæ prohibere videntur. Prima est, quod mortem hominum illi præscire non valeant, quocirca nec vlla eius signa dare: Altera, quod etsi scire valeant, id tamen nobis impendere non permittat odium nostræ salutis, quo flagrant maximo.

C A P. IIII.

Animas puerorum, & eorum, qui cum solo peccato Originali, vel etiam veniali hinc discesserunt, non excitare hos Tumultus & Terrificationes.

1.  Vnt præter eas animas, quæ vel in cælo degunt, vel inferni pœnas experiuntur, vel expiantur igne purgatorio: *alia* quædam; eorum, scilicet, hominum, qui aut cum solo Originali peccato ex hac vita discesserunt, aut ad Originale Venialia quædam, vt vocamus, adiecerunt. Ab his Tumultus excitari fortè existimauerit quis. Nec, vt apparet, immeritò.
2. Cū enim ad cælum admitti illæ non possint, ob onus peccati, quod circumferunt: & peccatum ipsorum inferni intolerabilibus cruciatibus vindicari (vt quidam volunt) non debeat; *alicubi* videtur ipsis inter homines aliquis esse posse locus, vbi quamuis non prorsus miseram, non tamen felicem vitam agant.
3. Hic verò, inter alia etiam *hoc officij genus* subire dici posse videntur; vt horum Tumultuum sint authores: & quam ipsi secuturam mortem intelligunt; eandem externis quibusdam signis & argumentis, hominibus reuelent ac denuntient.
4. Quid enim *toto tempore* agerent? quas occupationes haberent? Diuinorum contemplatio illis negata est: Naturalium rerum cognitio apud ipsos est parua. In ijs, quæ præsentibus obseruant, se occupant,

pant, inter quæ, cùm possit esse *mors hominum*; omnino & illam videntur posse præscire; & eandem his Tumultibus denuntiare.

Porrò hoc officij genus ijs potissimum Animabus tribuendum videtur, quæ cum *Originali venialia peccata* coniunxerunt. Cùm enim hoc nomine aliqua, sensus etiam, & non damni tantùm; pœna dignæ sint; & illa quæ in inferno infligitur, nimis pro leuibus istis erratis videatur grauis; nōne dici posset, iustissimum esse, si ad hanc, hos Tumultus & strepitus excitandi, conditionem damnati dicantur?

Omnino enim Spiritibus hisce pœna esse videtur, & certis locis astringi: & hominum conditiones morbosque obseruare; & viuentes mortis aliquorum certiores reddere; atque aliquando funebrem pompam instituere, & deducere.

Porrò licet pœna hæc hisce Spiritibus tribuatur, non tamen putandum est *omnium* Animas, qui huius conditionis sunt, hoc supplicij genus experiri. Non vnus est Deo modus, quo peccata vindicet. Punit quosdam hac, quam nunc explicamus, ratione; cum alijs alias seruat rationes: sine vlla tamen eorum, qui puniuntur iniuria.

Probabiliter hæc, vt videtur, dicuntur, Vtrum verè, nullus facile, nisi cui reuelatio aliundè facta est, dixerit. Veruntamen & hæc assertio difficultatem habet non paruam: quòd sequentibus docemus.

Primum omnium, Vnde constat *inter homines*, Spiritus hos locum aliquem habere? Esto, post extremum iudicij diem hunc mundum sint inhabitaturi; quod tamen iam inter viuos degant, nostrisq; rebus intersint, dici potest, probari non potest.

Deinde, sit illis inter viuos locus aliquis; Vnde viuorum mortes scire possunt, non solùm, quæ naturales sunt, verùm etiam violentas? An fortè naturas hominum plenè perspectas habent? vt quamdiu vitam suam propagare possint, valeant cognoscere? Et si hoc detur, violentas mortes, quæ à libera procedunt voluntate, quomodo cognoscent?

Tertiò, solet Deus *Angelorum* opera vtì, si quid hominibus velit significatum. hinc nomen *Administratoriorum* Spirituum adepti sunt. quod si igitur homines præsentis, & instantis mortis monere velit, *Angelorum*, non horum Spirituum opera vtetur.

Addo, quòd cum hoc strepitu quandoque coniuncta sunt aliqua, quæ vix illis Spiritibus videntur posse tribui. Quis enim tantas ipso-

rum vires dixerit; quantæ requiruntur ad maximos, qui aliquando excitantur, strepitus? ad grauissima, quæ obseruata sunt translata onera? Et si strepitus hos ipsorum vires excedere negare nolumus, quis ijs tribuat, vt pompam funebrem instituunt, & suis viribus absoluant?

C A P. V.

Bonos Angelos non esse authores Tumultuum, qui prænunciij mortis esse solent.

1. **C**VM (vt dictum est) humanorum Spirituum opera Terrificationes hæ, & Tumultus nocturni, de quibus disputatio est, non fiant, omnino necesse est ad *Angelos*, ipsos transferri, quorum non paruæ sunt in hoc sensibili mundo, cum hominum genere, occupationes.
2. Quoniam verò hi *duplicis generis* sunt, & contrariorum propemodum studiorum; *vt* tribuendi sunt, grauem habet disputationem. facilius est Discipulum hic, quam Doctorem agere.
3. Qui rem ipsam, quæ agitur, velit attendere; cum *mortis* homines admoneri videantur, atque ad reddendam Deo rationem vocari, facil sibi patietur persuaderi; hæc non improborum Spirituum, qui salutem hominum oderunt; sed *bonorum*, qui tandem amant; opera esse & functiones.
4. Qui verò omnia diligentius secum expendet; haud parum animo fluctuabit. Quid, quod contrarias cogitationes facile admittat? Si enim in his Terrificationibus propositum est, vt *mortis* homines admoneantur, quid quæso opus est tot Tumultibus? tanto strepitus? pompa etiam funebri? & sexcentis alijs? cum multo facilioribus rationibus mortis homines admoneri possint?
5. Accedit, quod *certum* ex hoc strepitu argumentum subsequatur mortis peti non possit. Quis enim, Verum mortis indicium sit, dixerit; an ob aliam causam excitetur? Esto, postquam mors subsequuta est, mortis signum fuisse dicere possimus; sed tamen dum excitaretur, mortis argumentum esse, certo dici non potuit.
6. Et vt mortis certissimum sit signum, nondum tamen *cuius* mortem pertendat scire potest. Quapropter cum singuli, qui in vna aliqua familia commorantur, ad se illum pertinere existimare possint, frustra hæc à bonis Angelis opera susciperetur.
7. *Alijs etiam locis*, quam vbi is, qui mortem obit, strepitus hic auditus est; & auditur frequenter: alijs locis hæc mortis pronostica signa obser-

obseruata. Nouimus, Moguntiae mortuum, cuius mortem signa non Moguntiae; sed alio loco, vbi is praesidia sua atque facultates habebat, praecesserunt: quomodo verò hic absentibus signis, vt ad mortem se compararet, moneri potuit?

Quo tempore plerique animam exhalauerunt, eodem ipso Tumultus excitati sunt non rarò. At verò, tum *eo fine* excitatos esse, vt ad felicem finem se homines praepararent, quis dixerit?

Et pessimorum hominum exitus haec Terriculamenta praecedunt, & sanctissimorum virorum. Verum vt his illis opus non est; ita priores illis sunt indigni. Iusto enim Dei iudicio fit, vt *qui viuentes obliui sunt Dei; morientes obliuiscantur sui.*

Præcedunt quoque *infidelium* mortes, nec eorum tantum, qui Christi fidem aliquando complexi fuerunt; sed & Iudæorum atque Gentilium, qui eandem impiè reiecerunt. Cum verò his nulla sit spes salutis æternæ reliqua; quid est necesse, vt de exitu suo, atque ex hac vita discessu, his argumentis moneantur?

Non igitur in hoc strepitu atque Tumultu propositum est, vt ad felicem ex hac vita egressum mortales se comparent. Quocirca concludi ex hoc argumento non debet, *bonos* esse Spiritus, à quibus Tumultus excitantur.

Alia etiam ad hanc rem confirmanda argumenta suppetunt. *Administratores* sunt Spiritus, Angeli boni: Deo, in quibuscunque ille rebus velit operas suas promptissimè offerunt. Quod si igitur hanc operas suas locant; necesse est id Dei fiat imperio atque voluntate. At cum ratio nulla dari possit, cur hos Tumultus Deus excitari velit, & imperet, cur bonis Angelis ipsos iudicamus tribuendos?

Mirum est, quod cum tot & tam illustria bonorum Angelorum in sacris literis munia & officia describantur, huius tam frequentis & vsitati *nulla fiat mentio*. Mirum est apud Sanctissimos Ecclesiae Doctores tantum huius esse silentium; praesertim cum inter ipsos reperiantur, qui integra volumina de bonorum Spirituum functionibus posteritati reliquerint.

Liuitatis, praeterea, nec pauca nec leuia cum his Tumultibus coniuncta sunt argumenta. Vt verò horum authores Angelos dicamus, qui perpetuò Dei faciem contemplantur, res est indignissima.

C A P. VI.

A malis Spiritibus Tumultus qui mortis sunt indicia, excitari.

1. **F**acilè ex dictis quilibet concluderet, malorum Spirituum opera Terrificationes & Tumultus, qui mortis prænuntij sunt, excitari. Cùm enim necesse sit à Spiritibus illos fieri; & nec illi, qui in humanis adhuc corporibus degunt, nec qui corpora reliquerunt, & alibi versantur: nec Angeli boni ipsorum authores sint; quibus, quæso, nisi *malis Spiritibus* ipsos tribuemus?
2. Et profectò *nihil* est in hoc genere, quod ab illis Spiritibus sit alienum, aut eorum vires excedat: *multa* etiam sunt, quæ ut hæc ipsis officia tribuamus, vehementer persuadent. Docemus utrumque.
3. Necesse est, ut Spiritus, qui horum Tumultuum sunt authores, *præsentes* sint ijs locis, vbi Tumultus excitantur. Necesse est, ut Tumultus excitare *valeant*. Necesse, ut possint *funebrem pompam* instituire. Necesse, ut possint *scire* futuros hominum, ex hac vita, quos indicant, egressus. Quid horum malis Spiritibus desideratur?
4. Locis ijs, vbi Tumultus excitantur, posse Spiritus *præsentes* esse nemo negauerit. Magna ipsorum vis est: magna potestas, quocunque propemodum volunt, se loco sistere possunt. Ad quemcunque ipsis aditus patet.
5. *Valent* quoque Tumultus excitare. In corpora quid non valent? Nónne omnia propemodum ipsorum virtuti subiecta sunt? nónne quocunque volunt vi sua impellere possunt? Quocirca cùm Tumultus hi ex corporum collisione oriantur; & hos poterunt; & multo grauiores excitare.
6. Sic in ipsorum potestate est *funebrem pompam* componere. Neque enim tantùm mouere possunt externa corpora: possunt quoque sibi assumere, & quibuslibet vsibus accommodare possunt quascunque formas illis dare, quamquam pompam funebrem non efflictis solù corporibus repræsantant, sed sensum quoque nunc externorum, nunc internorum fascinatione & illusionem.
7. Et cùm ingenio sint sagacissimi; plurimumque rerum experientia valeant; norint præterea rerum naturas, & hominum complexionem exactissimè; quis dubitabit, quin hominum plerunque *interitus præcognoscant*? præsertim cùm & Medicorum quidam reperiantur, qui ea scientia polleant, ut non diem solùm, sed horam quoque mortis valent prædicere.
8. Ut verò quod possunt, velint & hos Tumultus excitent; omnino credendum est. Multæ sunt causæ, quæ ut hic operas suas locent, ipsos mouere videntur.
9. Primùm, hæc occupatio aliquod miseriarum ipsorum *leuamen* videtur,

detur, dum ad suas pœnas tanto minus attendunt, quanto magis exter-
ternis his ludificationibus distrahantur.

10.

Deinde *libidini sua* quadam ratione sic faciunt satis. Cùm enim hominibus molesti esse percupiant; libenter quas habere possunt, ipsos molestandi occasiones arripiunt, quocirca & hanc, vbi non parua trepidatio incutitur, non abijciunt.

Lucrum etiam inde aliquod sperant. Neque enim ipsis tam hîc propositum, vt mortem futuram denuntiant, quàm vt homines eò ducant, & diuinum quoddam numen credant, quod horum Tumultuum causa existat; cui ob id honorem aliquem, cum animarum suarum detrimento, impendere sit æquissimum.

11.

C A P. VII.

Tumultus siue Terrificationes mortis prænuntias, excitari à Daemonibus, qui sunt ordinis inferioris.

DÆmonum opera Strepitus hos excitari, & mortis prænuntia fieri demonstratum est; quorum verò hoc proprium sit studium, an sine discrimine omnium, an certorum tantùm, non iniucundam habet quæstionem. Neque enim Dæmonum omnium *vna est conditio*, neque omnium eadem occupationes. Grauiora alijs alijs habent studia, prout alijs alijs plus valent ingenij acumine, agendi potestate, nocendi voluntate.

1.

Etenim extra controuersiam est, ex omnibus omnino ordinibus, quos aliquando communes cum bonis Angelis habuerunt, Spiritus illos cecidisse. Extra controuersiam est, per peccatum naturam non sublatam. Quemadmodum igitur ante peccatum non equalis omnes fuerunt perfectionis; ita neque post peccatum vna naturæ omnium conditio est.

2.

Conditionem naturæ, *studia & functiones* sequuntur. Hoc quemadmodum in rebus omnibus certum est; ita in his Spiritibus nullam habet dubitationem. Quocirca non *eadem* inferiorum, quæ superiorum sunt functiones: grauiora hi officia subeunt; illi leuiora munia exequuntur.

3.

Quod asserimus, facillimum fuisset in Spiritibus deprehendere; si à gratia, in qua creati erant, non excidissent. Iam postquam gra-

4.

ria exciderunt, etsi non omnino quadrantenus tamen suos ordines seruant, & pro naturæ conditione opera faciunt.

5. Et dictis utcunque licebit conijcere, *quosnam* Spiritus horum Tumultuum auctores constituere debeamus. Attendamus principio *quasnam* Spiritus mali apud viuos *occupationes* habeant: tum deinde hoc ipsum de quo præsens est disputatio, *opus* inspiciamus; & nõ ita difficile erit de Tumultuum nocturnorum auctoribus statuere.

Occupationes Dæmonum cum hominum genere sunt variæ.

6. Nos pro instituti nostri ratione vniuersas in *duas classes* possumus parti: vt alias, maioris momenti, & quasi *magis principales* dicamus; alias leuioris & quasi *minus principales*.

7. Priores illæ ex triplici causa definiuntur. Ex conditione personarum, cum quibus illæ suscipiuntur: ex rerum, quæ suscipiuntur mole & difficultate: denique ex grauitate mali, quod Spiritibus, vt hominibus incommodent, propositum est. Vbi hæc desiderantur, hoc est, vbi neque dignitas adest personæ, neque negotij perficiendi difficultas: leuia etiam proposita sunt mala, leuiore Dæmonum occupationes dicere licebit.

8. In priori genere fuerunt tentatio Christi in deserto habita; excidium 185000. Assyriorum in exercitu Sennacherib vna nocte deletorum; & primorum nostrorum parentum in paradyso infelix casus. In posteriori sunt nocturnæ ludificationes, intempestiua terculamenta, & cum sordidis hominibus turpes & obscœni congressus.

9. Priores exercent vt perdant: posteriores, vt vexent & molestis sint. Quemadmodum in hac vita, dum bella geruntur, non semper aduersæ parti propositum est, vt hostes perdant; sed quandoque, dum perdendi facultas non datur, iuuat molestos esse, terrere, timorem incutere: ita humani generis iuratissimis hostibus demonibus non semper propositum est vt perdant; sed quandoque etiam, vt molesti sint, & vexent.

10. Hæc Dæmonum studia, hæc cum hominum genere occupationes. *Quas* nunc quibus tribuamus? Quas alias, quàm quas ipsi sibi Demones deferri volunt? Quis porro dubitauerit, quin priores illas postulent illi altiorum Ordinum? posterioris autem inferioribus relinquunt? Pro conditione personarum haud incommodè officiorum distributio constituitur.

11. Superbi admodum sunt Dæmones; illi inprimis; qui naturæ præstant dignitate. Quocirca quamuis nocere omnibus cupiant; non tam facile tamen leuioris conditionis homines aggredientur: cum

ijs potius bellum suscipiant, qui in altiori sunt sanctitatis aut dignitatis gradu. quoniam si hos vincant. speciosior ipsorum est triumphus: si vincantur, minor est confusio, quam timent & horrent.

Iidem illi superiorum Ordinum Spiritus ardua magis atque difficilia in se suscipiunt onera. Id illorum postulant naturæ vires Id ad maiorem cumulum gloriæ ipsorum, quam studiosè quærunt, facit. Minor etiã hinc, si ex voto res non succedat, timetur confusio.

12.

Eorundem est grauius erga humanum genus odium; quàm aliorum, qui inferiorum sunt Ordinum, at odium sequitur nocendi studium. Itaque fit, vt his maximè, vt noceant, & maiora mortalibus detrimenta offerant, propositum sit.

Leuia igitur illa munia & minores occupationes inferioribus Spiritibus relinquuntur; in quibus vel persona dignitas non postulat aliquem ex illis, superiorum Ordinum: vel leuiã expedienda sunt munia, vel non ita magna p̄posita mala.

13.

Hæc cum ita sint, non malè quis concluderet *inferiorum Ordinum* Dæmonum opera hos, de quibus quæstio est Tumultus excitari. Nã vt ipsos in priorum occupationum genere ponamus, & superiorum Ordinum Spiritibus tribuamus, neque postulat personarum dignitas, quarum causã ipsi excitantur; neque rei quæ hic suscipitur difficultas: neque magnitudo mali. quod in his propositum est.

14.

Esto etiam ad *Principes viros* Tumultus pertineant, eorum funera & mortes portendant: sed tamen nulla Dæmonibus cum ipsis concertatio, nulla pugna. Alijs quandoq; etiam sordidis & abiectæ cōditionis hominibus Principum mortes his p̄nuncijs insinuantur.

15.

Sic in his excitandis non opus est aut arte magna, aut magnis viribus. Minimus inter omnes, Spiritus ea arte pollet, & ijs est viribus; vt hos, atque multo maiores excitare valeat. Minimus quoque ingenij vi, quæ p̄deditus est, imminentem hominibus mortem, quæ his Tumultibus significatur, p̄scire potest.

Malum deniq; hic magnum propositum non est, p̄cipua causa, cur opera hæc à Spiritibus suscipiãtur, illa videtur; vt hominibus terror incutiat: qui quamuis malum aliquod sit, tantũ tamen non est, vt illud sibi superiorum Ordinum Spiritus reservare debeant.

19.

Sed & *alias ob causas* hæc studia inferioribus Spiritibus tribuerim. Dubium non est: tantum horum peccatum non fuisse, quantum fuerit Spirituum superiorum Ordinum. Itaque nec tanta ipsorum poena; quanta superiorum. quoniam pro delicti quantitate, modus pœnarum. Cum igitur non parua dæmonum poena sit inferni carcere concludi, p̄fectò, si aliqui ab hac liberi sunt (vt sunt).

17.

sunt).

sunt) erunt inferioris Ordinis Spiritus: si aliqui hanc sustinent; sustinent illi, qui superiorum sunt Ordinum. At vt in inferno Spiritus sint; & hos Tumultus excitent, fieri non potest, qui igitur nondum ad inferni carceres damnati sunt, (vt inferiores illi præ alijs videntur) non ineptè horum Tumultuum authores iudicantur.

20. Ordo, res pulcherrima est, & tam in rebus omnibus necessaria, vt nec vlla sine ipso posset consistere Respublica: nec, qui perditissimis sunt moribus, sine ordine viuere possint. Erit igitur etiam inter Dæmones ordo quidam. Et quemadmodum in Rebuspub. ita in Dæmonum regno alij erunt, qui mandata dant, alij qui mandata exequantur & imperata faciunt. At prius illud ad superiores pertinet; posterius (in quo genere sunt hi Tumultus) ad inferiores.

C A P. VIII.

Ab inferiorum ordinum Dæmonibus, illis, qui singulorum hominum quasi proprij sunt, & qui Dij domestici, siue Lares olim vocabantur, Tumulus & Terrificationes excitari.

1. **N**ondum quærendi finem facimus. Ex quæstionibus quæstiones ducimus. Quærimus, Possintne certe inter eos, qui inferiorum Ordinum sunt, Spiritibus, hi Tumultus, & hæc mortis prænuntia signa tribui. Curiosius forsitan singula scrutamur: sed tamen non sine ratione. Quid enim tam ad nos pertinet scire, quàm quæ circa nos geruntur, & propemodum in usu sunt quotidiano?
2. Porro hîc certi certò non potest constitui quicquam; nisi prius ponatur proprios quosdam adesse singulis hominibus malos genios; & præterea Dæmones quosdam domesticos, quos Lares vocant. Qui hos admiserint, non video cur eosdem horum Tumultuum authores negare debeant; præsertim cum quæcunque hætenus dicta sunt, in eos conuenire; & quæcunque cum his Tumultibus coniuncta sunt, per eos commodius, quàm per illos alios fieri posse videantur.
3. Et genios quidem Gentiles admiserunt; atque duos singulis homini-

minibus attribuerunt. Alterum bonum, alterum malum. Illum virtutis & æquitatis dixerunt authorem; hunc peccati. Hinc illud Empedoclis apud Plutarchum; *duplices quacunque malum excipiunt ducuntq; sortes; diuina terrestriq;.* Vide Aug. Eugub. de perenni Philosophia, li. 8. ca. 4.

Consentiunt cum Gentilibus ex parte Christiani. Nam bonum genium siue Tutelarem Angelum singulis hominibus à Deo datū agnoscunt: consentiunt, inquam, cum Gentilibus, non tamen à Gentilibus instituti, sed Sacrarum Scripturarum auctoritate; sed sanctissimorum Patrum consensu, & magnis rationibus inducti: vt optimè dixerit B. Hieronymus: *Magna dignitas animarum, vt vnaquaq; habeat ab ortu natiuitatis, in custodiam sui, Angelum delegatum.*

In altero etiam (malo inquam admittendo) haud ita difficiles sese præbent Origines & Cassianus; & vt bonum, ita singulis malum Angelum adesse, & credunt, & probāt Origenes Homil. 10. in Lucam, & lib. 3. de princip. ca. 2. Cassianus, Collat. 8. ca. 17. & Collat. 11. ca. 12. His addo Bedam, in ca. 12. Act. Apost. Gregorium Nyssenum in Vita Mosis, & Auctorem Operis imper. Hom. 5. in Matth. Sed & hoc ipsum antiquissima Traditione non Christianorum modò, sed etiam Hebræorum traditum esse, scribit Rabbi Moses, lib. 3. Mor. ca. 25. Potest quoque eius aliquod vestigium in Scriptura notari. Nam D. Paulus datum sibi dicit *Angelum Satana, qui se colaphizet*, 2. Cor. 12. Vide Ioan. Maldonat, in 18. Matth.

Verum displicet hæc sententia reliquæ turbæ Doctorum: sed tamen, ni fallor, ita displicet, vt malos Spiritus, qui singulis hominibus adsint, non tam negare, quàm quodam modo *admittere* videri possint?

Negant à Deo singulis hominibus malos Angelos attributos; quæ admodum singulis ille bonos attribuit. Putant non cadere in diuinam bonitatem, quæ tantopere hominum salutem desideret vt nobis hostes assignarit, qui nos infestent; nos de virtutis arce deiciant; nos à Deo optimo & summo bono separent: Existimant Dæmonum odium erga humanum genus satis esse magnum: & per se, ipsos promptissimos esse & paratissimos, ad nos molestandos; nec Dei in hoc egere aut imperio, aut ordinatione.

Hæc dum confitentur, non negant hos Spiritus; sed à Deo negant ad hoc esse delegatos, & ordinatos, significant sua sponte & vltro se Spiritus offerre, & hominibus adiungere; quod non facilè damnaverit, qui Dæmonum naturam conditionemque probè perspexerit.

9. Solent Dei opera æmulari Dæmones: quæcunque propemodum Deus facit, conantur effingere. Res certior est, quàm vt probari debeat. Dicuntur ob hanc causam *simia Dei*. Quidni igitur & in hoc velint imitari Deum? vt quemadmodum Deus hominibus, Spiritus adiungit bonos, qui protegant atque defendant; ita velint adiungere malos & peruersos, qui molestant & perdant?

10. Confirmat hanc rem antiquissima, & propemodum ab omnibus recepta opinio, qua creditur adesse in extremo vitæ tempore singulis mortalibus non bonum solùm modò Angelum, qui animam ad cœlum deducat, si hinc in Dei gratia decedat; verùm etiam *malum*, qui ad inferos pertrahat, si illa ipsius sint demerita. Nam sicuti bonum, intelligimus illum, qui à natiuitate singulis à Deo est cōcessus; ita non malè videmur dicere malum esse, qui singulorum studijs pijs semper contrarius fuit, & ad deteriora sequenda impulit.

11. Si ex difficultate, quam in virtutum studio sentimus, rem hanc definire velimus; aut etiam ex pondere, quo ad malum trahimur: Si ad molestias, quas plerunque in *somniis* experimur, nocturnasque illusiones attendere: Si expendere, quæ sæpissimè occurrunt, peregrinas cogitationes; facilè patiemur nobis persuaderi, vt hos inimicos Spiritus credamus.

12. Sunt qui de hoc Spiritu intelligi autumant, quod Ecclesia postulat *hostem suum comprimi*. Oratio ex D. Ambrosio desumpta est, & sic habet:

<i>Te lucis ante terminum</i>	<i>Procul recedant somnia,</i>
<i>Rerum creator pascimas;</i>	<i>Et nocturnum phantasmata,</i>
<i>Vt solita clementia,</i>	<i>HOSTEMQUE nostrum cōprime;</i>
<i>Sis præsul ad custodiam.</i>	<i>Ne polluantur corpora.</i>

13. Et hætenus de proprijs singulorum genijs. Sunt qui hos à *Laribus* non distinguunt. At veteres discrimen aliquod inter vtrosque fecisse inde colligitur; quòd Lares *domibus* præesse crederent, quemadmodum ex Aulul. Plauti colligitur, vbi in hunc modum quidam ex ipsis loquitur: *Ego Lar sum familiaris; ex familia, vnde exeuntem me aspexitis.*

14. Nec de his apud veteres fuit disputatio. Id vel festa Compitalia, à Compitis: in quibus peragebantur, dicta & à Seruio Tullio ipsis instituta, sufficienter demonstrant. Quid, quòd omnibus propemodum domibus eorum simulachra habuerint, & religiose ipsos colerint?

15. Sed antiquissimus scriptor Tertullianus Gentibus obiicit (c. 1. sui Apologetici) quod indigne eosdem tractauerint, & in *suppelle-*
til

illis ratione habuerint; ut proinde ab ijs oppignorati sint aut venditi, prout cætera instrumenta domestica.

Sed nec nostris temporibus eos deesse putarem, nec à veritate aberrare, qui eosdem esse dixerint, quos Germani *Hensemenle* vocitant. Quidquid sit, multorum hæc sententia est. nec rarò, quæ Lares hos prodiderunt, obseruata sunt argumenta. 16.

Sic nec temerè eos damnarem, qui aquæ lustralis vsum ad hos abigendos valere volunt; hocque Ecclesiâ intelligere, quando orat, ut *creatura aquæ seruiat ad abigendos Damones, morbosq, pellendos; & ut in domibus, vbicunq, fuerit aqua aspersa, non illic resideat Spiritus pestilens; discedant omnes insidia latentis inimici; & effugiat quidquid aut incolumitati habitantium inuidet, aut quieti.* 17.

Cæterùm quamuis Lares hos Christiani admittant, quemadmodum olim Gentiles; longè tamen alia est Christianorum, quàm Gentilium de ipsis opinio. Gentes ipsos in Deorum numero habebant: Christiani non alio, quàm Dæmonum loco, qui diuinum honorem sacrilegè, vbicunq, possunt, suffurentur. 18.

Et quamuis *virorum* nomine compellent, & *Hensemenle* vocent; non tamen viros esse agnoscunt. Hoc illis nomen, quia sub viri specie, & quidem pigmei, quandoque conspiciuntur, tribuunt. 19.

Cognoscunt etiam nulla habere propria corpora; sed esse prorsus incorporeos Spiritus. quocirca si quando in corporibus se spectandos exhibent, ex aere, aliâue materia existimant illa componi, & vbi aliquam diu ijsdem vfi fuerint, rursus, deponi. 20.

Nullum ab his auxilium expectant. nullum censent deferendum honorem. Non affectant illorum societatem. respuunt communionem. Omnibus omnino angulis cupiunt esse profligatos, & expulsos. 21.

Porro Lares hos atque proprios singularum malos genios Tumultuum & Ludificationum *authores esse*, quid prohibet? Dæmones sunt, ut diximus, qui hos Tumultus excitant; & Dæmones sunt hi Spiritus; atque Lares; & quidem ex infimis Dæmonum ordinibus, quales etiam harum Terrificationum authores astruximus. 22.

Et cum hi nobiscum versentur semper; quî, quæso, melius, quàm ipsi omnia nostra scire possunt? ut proinde mirum non sit, signa mortis nostræ, etiam violentæ, satis certa dare posse, qui ex consuetudine longa, quam nobiscum habuerunt, exitum nostrum præscire poterunt. 23.

CAP IX.

In præcedentia Capita de Terrificationum & Tumultuum authoribus Censura.

1. **D**Vplex eorum, quæ fiunt, genus est, Quædam, vt plurimum accidunt, & ordinariè fieri dicuntur: quædam rarius, & dicuntur præter communem rerum ordinem euenire. Distinctio hæc, vt in rebus naturalibus locum habet, ita hic non est reiicienda. Ibi ordinariè fit; vt nouem mensibus vterum gester foemina: quod si quandoque hæc lex fallat, & citius vel tardius foetum edat, dicitur aliquid præter rerum ordinem accidere. In hoc Tumultuum genere ordinaria sunt, quæ hætenus diximus: si quæ aliter eueniant, extra ordinariè fieri dicemus.
2. Extraordinariè verò hæc tria fieri videntur. Primò, non semper Tumultus hos ab ijs Spiritibus excitari purandum est, qui singulis, quasi sunt proprii, quandoque ab alijs excitantur. Secundò, quandoque Superiorum Ordinum dæmones hic operas suas locant. Tertiò, quandoque etiam Bonorum Angelorum studio excitantur.
3. De primo vix dubium est. Verisimile est, quod qui eiusdem sunt Ordinis, eadem quandoque studia tractent, & officia obeant; præsertim si vnus alterius operam non ægrè ferat; vterque etiam in illa, quæ suscipitur, cum voluptate versetur, quæ cum hic locum habeant, vix dubium, quin aliquando alijs, quàm proprii genij hic occupentur.
4. Fortè etiam necesse est quandoque alios aliquos, præter proprios, hic operam suam locare: tum maximè, quando vnius opera minimè sufficere videtur, ad omnia illa perficienda, quæ in his Terrificationibus sæpè obseruantur. Nam & in varijs ac plurimùm diffitis locis, eodem tempore, aliquando fiunt; & egregia quandoque instituitur pompa funebris; quæ plurimum Spirituum operam requirunt.
5. Sic Superiorum Ordinum Spiritus operas suas hic locare credi potest. Libido siquidem humanum genus vexandi, studiumque nocendi, quæ ipsos nunquam deserunt, efficiunt; vt nullum, quamuis vilissimum officij genus, superiores dæmones fugiant. Vt sordidi mercatores & auari, ex re quauis lucrum; ita illi vndeunque & vbicunque possunt, hominibus detrimenta afferre quærunt.
6. Quod dicimus pluribus exemplis, ex Sanctorum historijs depromp-

promptis confirmari potest, plurima probant præcipuos Spiritus, & sordida officia subiuisse, & ad inferiorum conditionem se dimis-
sisse, vt interim non dicatur hanc occupationem suppliciorum,
quæ patiuntur grauissima, aliquod ipsis (quod petunt) esse leua-
men.

Bonorum etiam Angelorum opera hæc mortis indicia quandoque
dari ex duobus videmur posse conijcere. primum ex eo, quod non
rarò Deus quibusdam significârit adesse tempus, quo ex hac vita dis-
cessuri essent: quod vt nonnunquam occultiori quadam inspiratio-
ne factum est, ita his signis, bonorum Angelorum, quibus Deus vt
solet opera aliquando accidere, & accidisse, non sine ratione dixe-
rimus.

Ad hæc accedit, quòd etiam cum sanctissimorum hominum
morte signa hæc aliquando coniuncta sint; & locis non prophanis
solum, verum etiam *sacris* obseruata: ijs quoque exhibita, qui con-
tinuum cum diabolo bellum gesserunt: sed nec rarò sine fructu sint
peracta, atque significatione sanctimonix eorum, quorum obitum
præcesserunt. Quis verò hic malignos Spiritus operas suas locasse
credat?

Veruntamen hæc, vt diximus, *rariora sunt*. quæ superiùs definita
frequentius accedunt. Quapropter quemadmodum paucorum pri-
uilegia communibus legibus non derogant; ita quamuis exceptio
dari possit, negari tamen non debet, *malorum Spirituum*, & præcipuè
propriorum genorum opera Tumultus hos excitari, & signa mortis
dari.

C A P. X.

*De finibus, qui Dæmonibus in Tumultibus, & no-
cturnis Terrificationibus proposi-
ti sunt.*

DE Authoribus & Causa efficiente Tumultuum nocturnorum,
& Terrificationum. dictum est: restat, vt eorundem *fines* in-
uestigemus, atque *effetus*. Ibi quæritur, quid Spiritibus in his
Tumultibus sit propositum: hic. Vtrum Tumultus mortis *vera* sig-
na sint, illamque efficiant. Prius illud hoc Capite, posterius sequen-
ti, explicandum est.

Fines varij Dæmonibus hîc propositi videntur Primum omnium
opera hæc ab ipsis suscipitur vt hominibus *terrorem incutiant* & mo-
lestiam aliquam afferant. Et ad hoc vix quidquam tantum, quan-

tum si Tumultus conducit: tum quòd nocte plerumque, quæ per se horrorem affert, excitentur: tum quòd cum morte, quæ terribilium omnium terribilissimum est, sint coniuncti: tum denique quòd causæ ipsorum & rationes vix intelligantur.

3. Videntur deinde excitari, vt *futuram mortem denuntient*, quoniam enim cum morte coniuncti sunt, atque ea, quæ ad funebrem pompam pertinent, cum his quandoque effinguntur; vix possumus dubitare, quin vt imminentem mortem indicent, suscipiantur.

4. Tertius finis est, vt hac ratione *fidem sibi apud mortales*, comparent; habeanturq; veraces, si quando alia prædicunt; cum in hominû mortibus indicandis non fallant. Etenim vt hanc opinionem apud Mortales habeant, vehementer, nec sine causa, adlaborant.

5. Accedit his quartus, qui ex communi Dæmonum *studio* petitur; quod cum sit, homines à Deo abducere, erroribus inuoluere, & cultum qui vero Deo debetur, sibi arrogare: omnino Dæmonibus hic illud propositum est. Cupiunt, scilicet, Nequam, Spiritus homines in has cogitationes inducere, vt numen aliquod esse credant, à quo hi Tumultus excitantur, & huic tandem diuinum honorem imperiantur.

6. De quarto hoc fine res clara est. Hoc præcipuum esse Dæmonum studium Sacræ docent literæ Vt Leo rugiens circumeunt, quærentes quos deuorent. Nec hoc frustrati sunt apud eos, qui Lares Deos quosdam domesticos arbitrati sunt, ijsq; diuinum honorem detulerunt, & deferendum decreuerunt, vt de Seruio Tullio testatur Plinius, li. 37. ca. vltimo.

7. Tertium finem vehementer desiderant, ob ingens, quod inde sperant lucrum. Sic, scilicet, eos qui occultorum cognitionis desiderio tenentur (quorum haud parvus numerus est) facilius ad se pertrahunt, atque vt ipsorum consilio & auxilio (cum præsentissimo animarum detrimento) vti velint, persuadent.

8. Ad primum idem nocendi desiderium excitat; quod quia maximum & ardentissimum est, quasunque quibus incommodare possunt, rationes acceptant, & quamuis etiam graua damna afferre nequeant, hoc tamen sibi nomine placent; si molestiam afferre, & quietem interturbare valeant.

9. De secundo fine dubitauerit forsitan quispiam; quod vix fieri posse videatur; vt hominum mortes, & illa, quæ cum funere coniuncta sunt præuidere valeant. Verum dubitandi locus nullus erit, si quot & quantas spiritus illi rationes, ex quibus ista præscire queant, velit expendere.

Duplices hominum sunt mortes: naturales & violentæ, utrasque Dæmones possunt præscire: utrasque prædicere & indicare.

10.

Possunt præscire naturales, quia sagacissimi sunt, tum ob incredibilem solertiam & subtilitatem mentis; tum ob eximiam multorum millium annorum experientiam; tum denique propter perfectam rerum omnium naturalium absolutamque scientiam; qua ut res alias, ita hominum naturas, corporum affectiones, & studia, ex quibus mors accidit, intelligunt.

11.

Violentas partim Dei reuelatione, per bonos Angelos facta, cognoscunt; (nonnunquam enim Deus ad mortem homini inferendam Dæmonum opera utitur) partim ex clandestinis consilijs, verbis, scriptis, alijsque signis deprehendunt. partim etiam ex præparatione illarum rerum, quæ ad mortem adferendam adhibentur.

12.

Hæc grauissima B. Augustini confirmat authoritas. Sic enim loquitur, lib. 2. de Genesi ad literam cap. 17. *Spiritibus quædam vera de temporalibus rebus nosse permittitur: partim quia subtilioris sensus acumine: partim quia corporibus subtilioribus vigent: partim experientia callidior propter magnam longitudinem vitæ; partim à sanctis Angelis, quod ipsi ab omnipotente Deo discunt, etiam iussu ipsis reuelantibus, qui merita humana occultissima iustitiæ sinceritate distribuit. Aliquando autem ydem nefandi spiritus etiam quæ ipsi facturi sunt, velut diuinando prædicunt.* Hæc Aug.

13.

C A P. XI.

De Effectis nocturnorum Tumultuum & diabolicarum Terrificationum.

Am quæ horum Tumultuum & Terrificationum virtus sit, quidq; ipsi efficiant, inquirendum est. Nam cum *duplicia signa sint*; & alia quidem tantum in notitiam alicuius inducant, id verò quod significant, non efficiant: alia verò sint, quæ quod significant, efficiant; utrum in hoc, vel illo genere Tumultus hos constituere debeamus, quæstio est.

1.

Et quidem in priorum signorum numero eos esse, dubium non est. Verum cum hæc signa duplicia sint, & quædam aliquando fallant, quædam nunquam fallant; qualia, quæso, sunt hæc, quæ mortis dicuntur esse indicia? Suntne ita certa, ut fallant nunquam, an fallant aliquando?

2.

Quod quæritur ex conditione eorum, qui horum Tumultuum

3.

tum

tuum authores sunt, definiendum est. Hi cum hominum mortes præscire, *vt plurimum*, valeant; *vt plurimum* fit, *vt ad signa hæc atque Tumultus* ab ipsis excitatos, mors sequatur.

4. Sed tamen fallere quandoque dubium non est.
5. Hoc primum in ijs, quibus violenta mors affertur, manifestum est. Hæc enim cum ab hominum pendeat voluntate; quemadmodum Dæmones hominum cogitationes & voluntates perfectè non intuentur; ita neque possunt subsequituræ ex his mortis certa signa dare.
6. Sed & quæ naturaliter homini mors accidit, impediri potest; si non ex alijs causis; ex Dei profectò voluntate, cuius nutu vitæ nostræ momenta decurrunt. Potest illæ vitam, præter naturæ ordinem dare: potest ab inferis ad vitam reuocare? quidni posset eandem, præter naturæ leges, prorogare?
7. Quapropter quod ex causis naturalibus mortis argumentum, à Dæmonibus sumitur, licet magnum robur habeat, propter vires naturæ, quæ parvæ non sunt; quia tamen Deo ad nutum natura obedit, tantum argumentum sumi non debet, quod nullam patiatur exceptionem.
8. Verùm Alterum propositæ quæstionis membrum examinemus, atque Vtrum Tumultus hi, non signa solùm; sed etiam *efficacia signa* futuræ mortis sint, discutiamus. Sic enim plerunque indoctum vulgus iudicat, *vt quæ rei alicuius sunt signa*, illa existimet & causas eiusdem esse, & *efficacia signa*.
9. Dupliciter autem intelligi potest signa hæc mortis causam esse. Primum quidem, *vt ipsa per se nuda sumantur*, nulla habita ratione authorum, à quibus fiunt: deinde *vt cum ipsis, eorum authores coniungantur*: atque *vt illi mortem efficiant*, quam signa ipsa indicant.
10. Primum nullo modo dici debet. *Tumultus hi, & quacunque obseruantur signa, mortem non efficiunt, nec efficere valent*; propterea, quod nullum inter causas, quæ mortem afferre solent, locum habent.
11. Potest homini mors *extrinsecus*; potest *intrinsecus* accidere. *Intrinsecus* mortis causa sunt defectio caloris naturalis, aut primogenij humoris, quem *radicalem* vocant; immoderata item vis passionis & perturbationis animæ: præterea propria voluntas in ijs, qui præsentis vitæ tædio, aut malorum, quibus premuntur impatientia, aut quia instantem calamitatem auertere cupiunt, violentam sibi mortem

tem consciscunt: immodici item cibi & potus, vènerisque intemperantia: denique nimius labor & defatigatio corporis.

Extrinsècus eadem mors contingere potest, vel ab homine, aut bestiis, aut Dæmonibus, aut Deo per Angelos: vel ex cibo potu- que lethali: vel ex vtriusque cibi inquam potusue defectu: vel ex intemperie cæli: vel casu aliquo fortuito. Hæ causæ extrinsæcæ mortis. Quid verò vel cum his, vel cum superioribus causis Tumultus nocturni cômune habent? Sunt quidem extra hominem; sed tamen ex eorum genere, quæ mortem afferunt, non sunt. 12.

Sed nec idcirco causæ mortis dici debent, quòd Dæmones cum his studia sua coniungunt, & ita hominibus mortem afferant: primùm quidem, quia non, vt instrumenta mortis, signa hæc Dæmonibus adsumuntur; deinde, quia non ipsi Dæmones dum hæc signa efficiunt, vitam nobis adimunt: solùm his denuntiant terminum vitæ adesse. 13.

CAP. XII.

Inquiritur modus, quo Tumultus excitantur, & Terrificationes nocturnæ fiunt.

IN Vobis modis intelligi potest. Tumultus hos à Spiritibus excitari. Alter est, vt dicantur Spiritus primùm corpora assumere, humanis corporibus similima; atque ita velut homines quidam, malleos, atque alia instrumenta, quibus strepitus excitantur, tractent. Alter, vt nulla corpora assument, & nihilominus hos strepitus excitent. 1.

Vterque modus his, quemadmodum alijs Spiritualibus creaturis possibilis est. Ratione ad hanc rem probandam opus non est. Prioris tot suppeditant exempla Sacræ literæ, quot opus est ad hanc rem etiam refractarijs persuadendam. Posteriores ipsi possibiles esse probat, vel solius cæli conuersio, quod à Spiritibus mouetur, quamuis corpus, vt mouere valeant, nullum assumant. 2.

Nec modò vterque modus possibilis est Spiritibus; etiam vterque *æque est facilis*. Corpus assumptum nihil in hoc negotio Spiritus iuvat. Tam in corpore, quam extra corpus sunt expediti. Id discriminis est, quòd in priori maior videatur esse occupatio; dum prius corpus assumitur, quàm tumultus exciteretur: in posteriori minor, vbi corpus assumitur nullum. 3.

Sed *quem modum* in his Tumultibus excitandis Spiritus seruant? Dubium non est, quin nonnunquam in assumptis corporibus ipsos excitent. quia nō auditi solùm; verùm etiam visi sunt sub humana specie Spiritus, horum Tumultuum autores. 4.

5. Interim tamen, vt plurimum fieri dixerim, vt nullum corpus assumant, & sola sua ingenta ipsis vi atq; potestate, absque vllius assumpti corporis subsidio eosdem efficiant.
6. Cùm enim propositum Spiritibus hîc sit, vt hominum mortes indicent: ad hoc verò necesse non sit, vt sub spectabili forma sese exhibeant (solus tumultus, qui ad aures defertur, id abundè præstat) quid quæso assumptio corpore opus est.
7. Quid, quod quæ in hoc strepitu, in vsu instrumenta esse videntur, reuera in vsu non sint? & quæ moueri indicantur corpora, reuera non semper moueantur? Quod dicimus hoc est: Non necesse est, vt si nobis audire videamur deferri asseres, aptari tumbam, quæ cadauer mortui excipiat, & eandē malleis claudi; hæc reuera fiant; id est, & asseres, deferantur, & aptetur tumba, & malleorum sit vsus; necesse hoc non est. Quemadmodum re ipsa spiritus corpora humana non habent, dum humana specie se spectandos exhibent; ita nō semper ab illis rebus sonus excitatur, à quibus excitari videtur; nec semper corpora mouentur, quæ moueri videntur.
8. Huius si non aliud argumentum esset, hoc sufficeret, quòd mox postquam sonum auditu percepimus, si ad locum, vbi ille excitatus est, aduolemus; nihil eorum, per quæ sonum excitatum iudicauimus, reperiamus: inueniamus etiam nihil inordinatum; sed omnia suis locis, & ordinibus optimè composita.
9. In aere igitur, & per aerem hîc fiunt omnia. illum ita collidunt Spiritus; vt nunc delatorum asserum, nunc percutientis mallei, nunc alios atque alios sonos reddat.
10. Hanc rem confirmat *obtusior sonus*, qui in his terrificationibus notatur. quamuis enim proximo loco excitetur, à longè nihilominus fieri videtur; nec ita, vt ille, qui malleorum ictibus fit, aures percellit.
11. Verùm enim verò, etsi malleorum & asserum sonus non sit, qui excitatur; *verus* tamen est sonus, propterea; quòd quæcunque ad sonum perficiendum necessaria sunt, hîc reperiantur: corpus inquam percutiens, corpus percussum, atque medium, in quo sonus excipitur, & ad aures defertur.
12. *Tria tamen hæc non re ipsa semper sunt distincta.* Non aliud est semper quod percutitur corpus; aliud quod percutit; aliud medium, in quo vtriusque corporis collisione excitatus strepitus recipitur. Medium nunc cum percutiente, nunc cum percusso idem est: sæpè etiam cum vtroque idem.
13. Potest *dæmon* vel duas inter se aeris partes collidere; atque tum ex vtriusque collisione exortus sonus, in medio, quod à percutiente & per-

& percussio corpore non differt, excipitur. Potest quoque vel alio quopiam corpore verberare aerem; vel aerem ad aliud solidum corpus allidere; atque tum à medio neque percutiens corpus differt, neque percussum.

Porro quomodocumq; tandem strepitus excitatur, dæmonum illi *potestate* excitantur, qua verò illa, an quam *intellectiuam* vocamus? an *voluntate*; an alia aliqua, ab vtraque diuersa? 14.

Sola intellectus operatio hic non sufficit. Eius omnis in rebus cognoscendis occupatio est; in qua dum versatur, præter id quod in ipso est, prorsus sit nihil. At Tumultus hi sunt aliquid extra intellectum; in aere formantur; in aere consistunt; in aere conseruantur: & per aerem ad audientium aures deferuntur. 15.

Non *solo etiam voluntatis* imperio fiunt. Diuinæ Virtutis est, solo voluntatis imperiores producere. In solo Deo locum habet, quod dicitur; *dixit & facta sunt*. Ea non est Spiritum aut bonorum, aut malorum virtus; vt quæ velint & imperant, mox fiant. 16.

Tertia igitur vis est, qua hos Tumultus excitant: illa inquam, quam *Motiuam virtutem* non incongruè dixerimus. Hac quemadmodum se mouent, ita orbes cælestes; ita quacunq; volunt corpora. Hac Tumultus hos excitant, hac quæcunque ferè apud mortales agunt, exequuntur. 17.

Interim quamuis hæc *sola* sit, quæ Tumultus excitet; cæterarum tamen facultatum opera hic non rejicitur. Quemadmodum homo nihil mouet aut operatur, ad quod nõ prius Voluntas impulit: Voluntas autem ad nihil impellit, quod non tanquam bonum Intellectus proposuit, ita ad quemcunque strepitum, qui à Spiritibus excitatur, accedit Voluntatis imperium, cum Rationis iudicio & dictamine. 18.

CAP. XIII.

Quibus Locis atque Temporibus Tumultus, mortis prænuntij, excitentur.

Loca etiam atque *Tempora*, quibus strepitus hi excitantur, obseruanda sunt, ne quid eorum, quæ cum ipsis coniuncta sunt, præterisse videamur. 1.

Loca verò *sex* præcipue, vbi excitantur, notantur. Primus est, vbi animam agit is, cuius mortem signa testantur. Secundus, vbi eiusdem degunt amici, qualescunque tandem illi sint. Tertius est, vbi possessiones habuit aut prædia. Quartus, vbi officia seu munia quædam obinit. Quintus, vbi quæ ad funus necessaria sunt comparantur. Sextus, vbi corpus moritur; sepelitur. 2.

3. De nullo dictorum locorum dubium est. Exempla hinc suppetunt quotidiana. Veruntamen in primo illo frequentius audiuntur Tumulus, ut *credi possit*, omnino daemones desiderare, ut in praesentium & domesticorum notitiam mors subsequutura perueniat.
 4. Ratione secundi loci fit, ut strepitus etiam in remotissimis orbis partibus observati fiant: ubi, scilicet, ij, qui morituro quadam ratione coniuncti sunt, versantur. quocirca & hic locum habet, quod superius dicebamus, ut unius Daemonis opera non sufficiat, praesertim, si eodem tempore in diversis locis illi excitentur & audiantur.
 5. Et quia tertio loco, hoc est, ubi possessiones habent morituri, etiam fiunt; hinc est, ut nunc in agris, nunc in arcibus, quae diversis etiam locis habentur, ijdem audiantur, & eadem ratione fiant, quae ij, de quibus Thesi superiori.
 6. At ratione quarti loci accidit, ut in sylvis, ubi venationi opera data percipiuntur; percipiuntur in officinis. ubi laboratum; in templis ubi divina officia frequentata. Sic alias diximus in Moguntinae Dioecesis quandam Ecclesiam excitari Tumultus eo ipso loco, ubi, qui ex hac vita discessurus est, divina officia persolvere solet.
 7. Sic quia (quod quintus locus postulat) ad funus praecipue pertinent tumba atque cerei, fit, ut in aedibus Articulorum atque Lychnopeiorum omnia comparari, & fieri cum hoc Tumultu frequentissime audiantur, quaecunque vel ad comparandam tumbam, vel cereos conficiendos necessaria sunt.
 8. Denique ratione sexti loci fit, ut in templis audiantur, atque cimiterijs: quia his locis sepulturam Christiani habent. Quibus illa addimus, ubi iustitia administratur, & malefactoribus iuxta pro meritis supplicia decernuntur: in quibus etiam nunc hi strepitus auditi, nunc alia signa observata: quae suppliciorum reis inferendorum certa essent argumenta. **Hæc de Locis.**
 9. Tempora, quibus excitantur, potissimum duo sunt, meridies & intempesta nox. posterius Spiritibus illis competit: quoniam qui *malè agunt*, Domino dicente, *lucem fugiunt* prius, quemadmodum & nox instituto ipsorum optime servit, quandoquidem utroque maior quies est, quam illi in his occupationibus studiosius quaerunt.
 10. Praecipue hæc tempora Daemones observant, sed tamen alia ipsis interdicta non sunt, alijs quoque hos Tumultus excitant. Sicuti libere suas cogitationes ad hos excitandos adijciunt; ita possunt, quaecunque ipsis libent, tempora pro hoc officio deligere.
- In hoc de Locis infestis & Terriculamentis nocturnis, Tractatu nihil dictum volumus, quod quovis modo cum fide orthodoxa, aut melius sentientium iudicio pugnat.*

2